

GEORGEY, E. F.



Digitized by the Internet Archive
in 2018 with funding from
Wellcome Library

https://archive.org/details/b30529803_0002

TRACTATUS DE


MATERIA MEDICA SIVE DE

MEDICAMENTORUM SIMPLICIUM

Historia, virtute, delectu, & usu;

Auctore STEPHANO-FRANCISCO GEOFFROY,
Doctore Medico Parisiensi, Regiæ Scientiarum Academiæ
Parisiensis, Regiæque Societatis Londinensis Socio, nec-
non & Chymix in Horto Regio, & Medicinæ in Regio
Franciæ Collegio Professore.

TOMUS SECUNDUS. DE VEGETABILIBUS INDIGENIS.



VENETIIS,
APUD NICOLAUM PEZZANA.

MDCCLII.

SUPERIORUM PERMISSU, AC PRIVILEGIO.

TRACATU

D E

MAYERIA

3172 D

MEDICAL MUSEUM

TO THE MUSEUM OF THE
HISTORICAL MEDICAL
LIBRARY



309886



VERITIS

AND MUSEUM

MUSEUM

AT THE MUSEUM OF THE



MATERIÆ MEDICÆ

PARS SECUNDA.

DE

VEGETABILIBUS INDIGENIS.

SECTIO SECUNDA.

DE PLANTIS INDIGENIS.

Quæ in Usum Medicum veniunt.

INDIGENÆ Plantæ, seu quæ nostro sub cælo nascuntur, vel hominum salutem, tum restituendæ, tum conservandæ, aliquid conferunt; vel Medicinæ prorsus inutiles sunt; aut saltem earum vires salutaris hæcenus ignotæ fuerunt. Has silentio prætermittimus; de illis vero hic agemus.

In earum historia & virtutibus recensendis alphabeticum servabimus ordinem, quo facilius unusquisque plantas quarum historiam inquireret, reperire possit. Officinalia vulgatiorem nomina ceteris denominationibus ex Auctoribus desumptis, præponemus, utpote magis cognita. Deinde nomen genericum ex Institutionibus rei herbariæ depromptum, ceteraque synonyma a Clarioribus Botanicis scriptoribus assignata, recensimus. Denominationi plantæ, descriptionem subjungemus, analysim ac virtutes & utendi rationem, eodem ordine quem in exoticorum medicamentorum expositione secuti sumus.

At vero stirpium harumce, cum illis quæ sub eadem denominatione, a veteribus recensitæ fuerunt, comparisonem inutilem censemus; disquirendo nempe, utrum eadem sint, necne. Quandoquidem plantæ ipsis cognitæ & usitatæ nobis desunt, & difficile est ex parum accuratis earum descriptio-

nibus decernere, utrum eadem sint plantæ quæ apud nos nascuntur, an diversæ? Præterquam quod plurimas plantas veteribus notas, & in Græciæ solo natas, ab iisdem speciebus nostro sub cælo nascentibus, viribus multum discrepare, veritati sit maxime consentaneum. Eandem ob causam de viribus ab antiquis, tum Græcis, tum Arabibus, illis stirpibus attributis, parum solliciti erimus; sed tantum assiduo & quotidiano usu comprobatas apud nos virtutes, tum salutiferas, tum noxias, quam poterimus diligentissime, pervestigabimus.

A B R O T A N U M.

A BROTANUM vel ABROTONUM. Dux sunt plantæ hujus nominis in officinis usitatæ, Abrotanum mas & Abrotanum femina.

ABROTANUM mas *Officinarum*. Abrotanum mas angustifolium majus, *C. B. P. 136. Institut. Rei Herbar. 459. Abrotanum vulgare, 7. E. 3. 192.* Abrotanum mas *Dodon. Pemptad. 21. vulgo, Aurone male.* Ex radice lignosa, fibris aliquot donata, crebris frutescit sarmentis, tres, quatuorve cubitos altis, duris, fragilibus, medulla alba plenis, subrubentibus, striatis, ramosis: folia per alas nascuntur multa, tenuiter dissecta, fœniculæeis paulo majora, inferiora quidem multifida, superiora uno tantum aut altero segmento divisa, canescentia, odore vehemente, sapore amaro acris: flores secundum ramulos conferti, sublutei, floribus Absynthii similes sunt; flosculosi nempe, sed exigui, compositi ex plurimis flosculis minutissimis, tubulosis, in summitate quinquefariam divisus, quorum singuli singulo insident semini, & omnes squammoso flores calyce comprehenduntur. Floribus succedunt semina exigua, oblongiuscula, nuda, pappo carentia, Absynthii similia, sed minora. Ab Absynthio differt sola facie externa, & optime ad ejusdem genus reduci posset. Ratione culturæ & loci, necnon pro anni tempore multo amarior videtur. In montosis Italiæ & Galliæ provinciis, sponte nascitur. Hic in hortis colitur, ubi avulsis ramulis, alii ex radicibus de novo progerminant. In usum medicum folia & comæ florida veniunt.

Analyti chymica, ex hujus plantæ foliorum ac summitatum recentium & succulentarum ℥v. per retortam distillatis, prodierunt, primo phlegmatis limpidi plantæ odore & sapore imbuti ℥xij. humoris odorati, acidi & sale alcali aliquantisper turgidi ℔ij. ℥vj. ℥vj. gr. xij. humoris rufescentis, odoris empyreumatici, tum acidi, tum urinosi & volatili sale imprægnati ℥ij. ℥j. gr. v. olei tum fluidioris & essentialis, tum crassioris & empyreumatici ℥ij. ℥ij. Massa nigra in retorta residua pendebat ℥v. ℥ij. quæ igne reverberii tamdiu calcinata, donec nullam amplius flammam ederet, reliquit cinerum ex fusco leucophæorum ℥j. ℥vij. gr. xxxvj. ex quibus lixivio, salis alcali fixi ℥j. ℥ij. extractæ fuerunt. Partium deperditio in distillatione fuit ℥ij. ℥iiij. gr. lv. in calcinatione ℥ij. ℥ij. gr. xxxvj. Ex hac analysi concludendum est, Abrotanum mas ex multo oleo essentiali amaro aromatico & sale ammoniacali constare.

Rarius Abrotano intrinsecus utimur, quod Etmullero mirandum & dolendum videtur. Revera ejus odor vehemens ac sapor aromaticus, acris, amarus, innuunt, partibus volatilibus tenuibus salino-oleosis donari, quibus fermentativus sanguinis motus augetur, crassiores humores dividuntur, solidarum partium tonus imminutus restituitur, debilior augetur: quamobrem medici vim calefaciendi, incidendi, aperiendi ipsi tribuerunt. Actuosus iisdem particulis putredini resistit, vermes necat, non solum oleo suo essentiali amaro vermibus infuso, sed etiam propter tenues & actuosas ejus particulas quæ nimis glutinosum ventriculi & intestinorum mucum in quo vermes nidulantur, dividunt ac resolvunt. Eadem ratione flatus discutit, urinas & menses movet, renum & uteri obstructions referando. Illud tamen ventriculo infensum esse nonnulli existimant, quod de omnibus ægrotantibus pronuntiari nequit, sed tantum de illis quorum ventriculi temperies calidior est, seu quorum ventriculus in inflammationem pronus est, præ nimio sanguinis & spirituum ad hanc partem affluxus. In quamplurimis autem ventriculus ab his acris & aromaticis medicamentis læditur. Neque adeo fors nostra lugenda est, ob parum Abrotani usum, dum frequentior est usus Absinthii quod iisdem viribus donatur, & quidem valentioribus: quapropter a nonnullis ut Absynthii succedaneum tantummodo proponitur.

Abrotani tamen coma pulverata ad ℥j. cum tantillo Nitri, a S. Pauli in Quadripartito Botanico, iis quibus, ob calculum, urina supprimitur, proponitur & velut specificum commendatur: sed Nitro potissimum hæc virtus fortasse debetur, aut saltem ab illo plurimum augetur. Nonnulli decoctum ejus, pro lotionem capitis, contra capillorum defectum aut defluvium, laudant. Basim constituit unguenti Bucrelii Vvratislaviensis, secreti & experti contra capillorum defectum, cujus hæc est descriptio ab Etmullero prolata.

℞. Folior. Abrotan. maris & Capillor. vener. ana m. j. Favi mellis, Ladani ana ℥j. Myrtillor. ℥j. Semin. Fœnugræc. Lini ana ℥iij. Olei Amygdalar. dulc. vini albi generosi ana ℥iij. Facta infusione per 24. horas, bulliant ad humiditatis consumptionem: postea fiat colatura cum expressione. Cum hoc unguento, crescente Luna, inunctio fieri debet.

Oleum essentiale Abrotani, maris, ex herba florida & exsiccata, cum magna aquæ copia distillatur. Eo membra paralytica illinuntur. Commendatur quoque ad pilorum generationem promovendam, præsertim si cum Ladano & adipe Urfino, misceatur.

℞. Olei Abrotani mar. stillatitii ℥ss. Ladani ℥vj. Axungia Ursi ℥ij. Misce, fiat unguentum.

Abrotanum mas usurpatur in unguento Martiato.

ABROTANUM FEMINA, Santolina, Chamæcyparissus, *Officinarum*, Creapolina, *Quorundam*. Santolina foliis teretibus, *Inst. R. H.* 460. Abrotanum femina foliis teretibus *C. B. P.* 136. Chamæcyparissus *J. B.* 3. 133. Polium Theophrasti & Dioscoridis & Arabum, Vermiculatæ, folio, *Column. P.* 1. 4. Abrotanum femina, *Lobel. Icon.* 768. vulgo, *petit Cyprees & Garderobe.*

Ex radice crassa, dura, lignosa & subinde in brachia fissa, virgulta cubito altiora emittit, lignosa, gracilia, tenera lanugine incana & in plures ramos divisa, quos ambiunt tenuia folia, longitudine circiter unciali, minutim denticulata, aut potius tuberculis exiguis onusta, ita ut quatuor fere tubercula in eadem phalange agminatim circumposita conspiciantur, incana omnino, odore medicamentoso & cum quadam suavitate gravi, sapore partim acri, partim amaro aromatico. Singulis ramulis singuli insident flores lutei, perfecti, flosculosi, compositi nempe ex plurimis flosculis tubulosis in summitate quinquifidis, foliis intermediis imbricatis & calyce communi squammoso quasi hemisphærico comprehensis: singulorum flosculorum calyx seu embryo abit in semen oblongiusculum striatum fuscum, pappi nequaquam instructum. Majores sunt hujus plantæ flores quam Abrotani maris & Absynthii, quibus ab illis plantis distingui potest, sicut & tota plantæ facie. Sponte luxuriat in campestribus Italiæ locis & vinetis. In Gallo Provincia quoque a Garidello observata fuit. Hic in hortis colitur. Folia, summitates floridæ & semina in usum medicum veniunt.

Analyti chimica, foliorum & summitatum Santolinæ recentium ℥v. præbuerunt phlegmatis limpidi odorem plantæ saporemque referentis ℥xj. ℥ij. humoris limpidi adhuc odorati & acidi ℥ij. ℥xj. ℥ij. gr. xxxvj. humoris rufescentis acidi & subsalsi qui, tum acidi, tum alcali urinosi salis notas præbuit, ℥ix. ℥vj. gr. xxx. salis volatilis urinosi concreti, gr. xl. olei adiposæ crassitudinis ℥iiij. ℥ij. Massa nigra in retorta superstes pendebat ℥viij. ℥vj. quæ igne reverberii calcinata cinerum leucophœorum ℥ij. ℥ij. gr. xij. reliquit; ex quibus salis fixi mere alcalini ℥j. gr. viij. lixivio extracta sunt. Partium perditio in distillatione fuit ℥ij. ℥j. gr. xxxviij. in calcinatione ℥vj. ℥ij. gr. lx. Per hanc analysim patet, Santolinam constare ex sale ammoniacali & oleo crasso copioso.

Santolinæ eadem quæ Abrotano mari, tribuuntur virtutes. Attamen paulo plus salis volatilis urinosi, majorem olei crassioris quantitatem, minorem vero olei tenuioris seu essentialis suppeditat: unde ad hystericos affectus compescendos, hæc præstare videretur.

Rarioris est usus apud nos in Medicina. Ad ventris lumbricos interimendos, in primis commendatur ejus semen solum vel saccharo obductum: infantibus comedendum porrigitur, vel herbæ decoctum in lacte aut in aqua conveniente propinatur. Andreas Matthiolus Santolinæ folia sicca & in pulverem trita, dari perquam utiliter ex aqua Matricariæ, semi-drachmæ pondere, asserit, ad sistenda alba feminarum profluvia, si continuis decem diebus sumantur a jejunis, & deinde interpolatis diebus. Costeus quidam Aquisextiensis Medicus, teste Garidello, Santolinæ foliorum pulveratorum drachmam unam felici cum successu in pleuritide & peripneumonia exhibere solebat.

Ejus folia inter laneas vestes sparguntur, ad tineas ab illis arcendas.

Usurpatur cum Abrotano mare, in unguento Martiato.

ABSINTHIUM.

ABSINTHII species duæ in officinis usitatæ sunt, scilicet, Absinthium latifolium, seu majus, & Absinthium tenuifolium, seu minus.

ABSINTHIUM latifolium, Absinthium vulgare, Absinthium majus, *Officinarum*. Absinthium Põnticum, seu Romanum officinarum, seu Dioscoridis *C. B. P.* 138. *Inst. R. H.* 457. Absinthium vulgare majus *J. B.* 3 168. Absinthium latifolium. *Dodon. Pempt.* 23. vulgo, *Absinte, Alvine ordinaire, grande Absinte*.

Radice est crassiuscula, lignosa & fibrosa, saporis aromatici grati absque amarore, caulibus cubitalibus & bicubitalibus, striatis, firmis, lignosis, medullosis, canescentibus, ramosis & furculosis, in quibus folia plurima alternatim oriuntur, pediculis oblongis, canaliculatis, innixa, profunde dissecta iterum atque iterum incisa, candicantia, mollia, intense amara & odoris aromatici vehementis: flores longa serie in summis ramulis nascuntur, pediculis brevibus, tenuibus, & ex quorundam foliorum alis egressis hærentes ac penduli, globosi, exigui, completi & flosculosi, seu compositi ex plurimis flosculis tubulosis, brevioribus, in summitate, quinquefariam divisus, luteis, e communi calyce squammulato prodeuntibus, singulis singulo insidentibus embryoni, qui deinde abit in semen nudum, non papposum. A ceteris Absinthii speciebus differt foliis & laciniis amplioribus, & insigni odore cum amarore conjuncto. Colitur in hortis. Ejus folia & summitates in primis usurpantur.

Analyfi chymica, ex foliorum Absinthii latifolii nondum floridi lbv. prodierunt phlegmatis limpidi, plantæ odore & sapore imbuti, quod neque alcali, neque acidi notas præbuit ℥x. ℥vj. gr. xlvij. cum oleo essentiali permisto: deinde humoris limpidi, odorati, qui debilis acidi & alcali valentioris notas præbuit, lbij. ℥xij. ℥vj. gr. lx. tandem humoris mere alcali & sale volatili imprægnati, ℥j. ℥v. gr. xlvij. salis volatilis urinofi concreti ℥v. olei, tum tenuis, tum crassi ℥j. ℥ij. Massa nigra in retorta superstes, pendebat ℥vj. ℥ij. quæ igne reverberii calcinata reliquit cinerum ℥ij. ℥iiij. ex quibus lixivio, salis fixi mere alcali ℥j. extracta fuit. Partium jactura in distillatione fuit ℥xiiij. ℥iiij. gr. lx. in calcinatione vero ℥iiij. ℥vj.

Ex Absinthii, latifolii foliorum & summitatum floribus & seminibus onustarum lbv. prodierunt phlegmatis limpidi odore plantæ saporeque perfusi quod primum subacidi, deinde intense acidi, ac tandem acidi & alcali urinofi notas præbuit, lbij. ℥xj. ℥vj. gr. lx. cum non mediocri olei essentialis portione: humoris rufescentis empyreumatici, alcalini & sale urinoso turgidi ℥iiij. ℥j. gr. xij. salis volatilis concreti gr. xxiiij. olei tum essentialis & tenuioris tum foetidi & spissioris consistentiæ ℥iiij. ℥vj. gran. xvij. Massa nigra in retorta superstes pendebat ℥vij. ℥vij. gran. xij. quæ igne reverberii calcinata reliquit cinerum ℥ij. ℥iiij. gran. xxxvj. ex quibus, lixivio, salis fixi mere alcali ℥j. ℥iiij. gran. xlij. prodierunt: jactura in distillatione fuit ℥v. ℥ij.

gran. xvij. calcinatione in fumum & flammam abierunt ℥v. ℥iij. gran. xlvij.

His ambabus foliorum & summitatum Absynthii majoris analysibus inter se comparatis, liquet, folia majori partium tenuium & volatilium copia turgere quam flores & semina; cum triplo major sit partium deperditio in foliorum distillatione, quam in summitatum analysi. Cum unaquæque foliorum libra salis volatilis drachmam unam præbeat, summitates vero vix grana quinque pro singulis libris: eadem folia multo minus acidi salis & olei exhibuere. Unde concludere possumus, folia sale ammoniacali & oleo copioso ac tenui donari; in summitatibus autem salem tartareum cum ammoniacali conjunctum reperiri; at verisimile est omnem Absynthii energiam pendere potissimum ab ejus oleo essentiali, amaro & aromatico, quod licet in foliis & summitatibus, natura idem semper videatur, in foliis tamen ob intimum salium volatilium consortium tenuius sit, magis expansum ac magis volatile.

Absynthium vulgare quasi polychrestum medicamentum prædicatur; calefacit & exsiccat, ut ajunt, seu potius tenuibus, & actuosius suis particulis salino-oleosis quæ massam sanguineam subeunt, fermentativum sanguinis motum auget, partium quoque fibras sollicitat ad motum & ad oscillationem; sic calor in corpore accenditur: restituta vel aucta fibrarum oscillatione, succi inter partium fibras hærentes & otiosi, si crassiores sint, attenuantur; si tenaces, inciduntur, & in canales solitos repelluntur, vel per transpirationem foras expelluntur: sic quoque viscerum functiones debilitatæ restituantur, obstructions referantur; hinc stomachicum dicitur, hepaticum, splenicum, uterinum, anticachecticum insigne, febrifugum, vulnerarium detergens, bilis succedaneum & anthelminticum: ventriculum debiliorem roborat ac firmat, ciborumque appetentiam excitat, tum fibras ventriculi laxiores constringendo ac firmando, tum etiam mucaginem spissam ejusdem parietibus inhærentem dissolvendo: eisdem rationibus diarrhæas sistit, superpurgationes compescit, & colicos dolores flatulentos sedat. Viscerum obstructions resolvit quæ pendent, vel a fibrarum laxitate, vel ab humorum spissitudine. Sic ictero, hydropi, chlorosi, cachexiis & febribus medetur. Vermes interimit, tum amaritie summa vermibus infesta, tum mucilaginosos humores in quibus eorum ovula retinentur, fovetur, excluduntur, resolvendo.

Verum cavendum ab illis affectibus qui a fibrarum rigiditate, crispatura, erethismo, vel convulsiva aut inflammatoria tensione, oriuntur, quos Absynthium non modo non sedat, quin imo auget & nonnunquam insanabiles reddit. Sic in ciborum concoctione læsa præ nimio ventriculi ardore aut membranarum inflammatione, Absynthium hunc ardorem adeo intendit & auget, ut renes in consensum per nervos trahantur, & ardorem contrahant, quem breviter sequuntur urinarum color intensus & rutilans, cum crasso & rubro sedimento, earundem imminutio, suppressio, hydrops; si vero renes ob laxiorem texturam illæsi servantur, cetero-

terorum viscerum fibræ paulatim convelluntur, rigescunt, & tabes sensim adducitur. Hinc fit ut maxima pars helluonum, ad prostratum appetitum sollicitandum, aut ciborum nimia copia ingestorum coctionem perficiendam, quotidie vinum Absynthites, aut tincturas stomachicas & spirituosas ingurgitantium, plerumque ante obitum lente veluti liquefiat, tabefacta vero ante annos moriatur, observante Simone Pauli. Sic etiam muliebribus evacuationibus mensuris, a sanguine nimis æstuoso, vel ab uteri ardore aut inflammatione suppressis, Absynthium ægotantem in viscerum inflammationem, & febrem ardentem inducit. Idem de ceteris visceribus præfervidis & ad inflammationem pronis dici potest.

Præterea Absynthium sicut amara pleraque, nervis est infensum, ut intelligere est ex animalibus plurimis, tum quadrupedibus, tum volatilibus, tum insectis, quæ ab amaris devoratis, spasms afficiuntur, & convulsa sæpe moriuntur, quod ex Vvepferi observationibus satis liquet. Insuper multi ab experientia edocti tradunt, usum Absynthii caput gravare, oculis noxium esse, & appetitum venereum extinguere. Caute igitur in morbis quorum anceps est & dubia causa, Absynthium & amara medicamenta acria & aromatica sunt usurpanda, ne pro remedio, venenum exhibeatur.

Comæ floridæ & folia exsiccata & pulverata exhiberi possunt a ℥j. ad ℥j. rarius tamen usurpantur. Ex his cum saccharo condita parantur. Flores conditi obstructions valentius referant, folia vero magis adstringunt, inquit Cl. Hoffmannus. Exhibetur a ℥j. ad ℥ss. succus ex foliis expressus, deinde parva coctione purgatus, ab ℥ss. ad ℥ij. nonnumquam propinatur, rarissime tamen ob intensum amarorem. A quibusdam vis cholagoga illi tribuitur, de qua tamen non plane constat.

Infusum cum aqua, vino vel cerevisia præparatur, & ad ℥iiij. vel ℥vj. propinatur. Aquosum Absynthii infusum a multis, cerevisiæ aut vino Absynthiti anteponitur, quia caput minus gravat.

Fit vinum Absynthites extemporaneum, macerando nempe per noctem, comas Absynthii siccatas, in vino. Est autem vinum Absynthites quod ex herba sicca infusa paratur, palato gratius, aut potius minus ingratum, quam quod ex herba recenti. Hoc enim herbaceum & terreum quid resipit. Paratur quoque vindemiarum tempore, vinum Absynthites fermentatum, Absynthii exsiccati & minutim concisi fasciculum, in dolium conjiciendo & musti ℔c. aut circiter affundendo & fermentando simul. Vinum Absynthites quocumque modo paratum sit, exhibetur ad ℥iiij. iv. vel vj. mane jejuno ventriculo, vel etiam ante, aut post pastum. Ex Absynthio præparari solent in officinis tinctura, seu, ut vocant, essentia Absynthii, aqua distillata, oleum essentielle, extractum & sal fixus.

Tinctura Absynthii fit ex foliis aut summitatibus, cum spiritu vini in amphora vitrea, rite maceratis, donec spiritus intense amarus evadat. Si folia fuerint recentia, tinctura viridis erit; si exsiccata, rufa vel fusca: sumitur ad ℥ss. vel ℥j. pro dosi. Quidam hanc tincturam parant cum spiritu ardente ex ipso Absynthio fermentato extracto, & adhuc præstantiorem tincturam esse existimant.

Aqua Absynthii distillata sic conficitur.

℞. Foliorum virentium Absynthii nondum floridi, ℥xv. Incidantur & contendantur. Indantur vesicæ aheneæ & affundantur decocti fortis ejusdem plantæ ℥x. aut q. s. digerantur vase clauso per quatrimum; deinde apposito capitello cum refrigeratorio, & adjuncto recipiente, fiat distillatio, ut artis est. Aqua spirituosa & magis odorata servetur ad usum. Dosis ab ℥j. ad ℥vj.

Spiritus Absynthii urinosus flavescens, a nonnullis plurimum laudatus, sic extrahitur. Absynthium viride cum floribus & seminibus minutim concisum, congeritur in vasculum rite obturatum, ut sponte incalescat, & nonnihil putrescat. Incipiente putrefactione, antequam foeteat, igne aperto, per retortam terream amplam, distillatur, & sic copiosissimus liquor urinosus obtinetur, per alambicem, igne arenæ, rectificandus. Prodit spiritus urinosus, volatilis & valde amarus. In scorbuticis affectionibus utiliter exhibetur. Sed idem spiritus salino-oleosus & quidem præstantior, ex spiritu volatili urinoso quocumque, & oleo Absynthii essentiali simul mixtis & circulatoris, ut ajunt, obtineri potest.

Oleum essenziale ex herba florida, feminibus jam turgida & exsiccata extrahitur, distillando nempe plantæ partem unam, cum aquæ limpidæ partibus viginti, ex alambice aheneo, igne forti. Aqua & oleum in recipiens vas promiscue profluunt. Oleum supernatans ab aqua rite separatur. Intus, sumptum, iisdem viribus donatur ac Absynthium. Externe gossypio exceptum, & umbilico admotum, intestinorum vermes necat. Dosis a gutt. ij. ad x. Ex eo paratur oleo saccharum Absynthites quod facilius aquosis menstruis admiscetur, quam oleum.

Extractum Absynthii fit ex succo folior. Absynthii expresso, & ad mellaginem aut ad extracti consistentiam, evaporato. Extractum magis adstringit quam Absynthium aut ceteræ ejus præparationes. Exhibetur a ℥j. ad ℥ss. aut ℥j.

Sal fixus Absynthii fit ex lixivio cinerum plantæ combustæ, quod rite percolatum, evaporatur ad siccitatem usque. Sic remanet sal rufescens, qui, si non satis purgatus videatur, igne reverberii calcinatur, aqua solvitur; solutio autem percolatur & exhalatur, ita ut sal candidus & purus remaneat. Quidam salem hunc non summe purgatum expetunt, sed qualis extrahitur ex cineribus Absynthii in vase clauso calcinati: tunc enim sal ille neque candidus, sed rufescens, neque mere alcalinus, sed falsus adhuc remanet, & multo sulphure imprægnatus, ac proinde plantæ virtutibus adhuc imbutus. Sed tunc aut plantam ipsam pulveratam, aut ejus succum, aut extractum, aut salem essenziale, anteponenda censerem.

Sali Absynthii fixo virtus febrifuga tribuitur, & in primis adversus tertianam, a Sim. Pauli commendatur. Dosis a ℥j. a ℥ss. Observandum, est salem illum admodum acrem esse, ac proinde, non majori cōpia exhibendum, nec nisi multo liquore dilutum, ne acrimonia sua gulam, & ventriculum lædat. Ad obstructions removendas utiliter exhibetur. Usitatissimus est

apud

apud Medicos Londinenses, & a Riverio, Sidenhamioque, commendatur ad vomitum compescendum, in febribus biliosis, iliaca passione, aliisque affectibus.

℞. Summitatum Absynthii ficcatar. pug. j. Infunde in aqua fervidæ ℥vj. Macerentur paululum. Infusum, cum tantillulo Sacchari, calens hauriatur, ad appetitum excitandum, concoctionem adjuvandam, ventriculum & viscera roboranda, menstruas purgationes mulierum promovendas, &c.

℞. Absynthii exsiccati & pulverati ℥β. Croci Martis sub rore majali præparati ℥ij. Gumm. Ammoniac. ℥j. Croci ꝑj. Syrup. de Absynthio vel Menthæ q. s. Misce, fiat opiata. Dosis ℥β. bis in die, servatis servandis, ad menses suppressos, cachexiam, icterum, hydropem, obstructions & quoscumque, id genus, morbos, qui a sanguinis lentore & crassitudine, aut a fibrarum tono nimis laxo pendent.

℞. Tincturæ Absynthii ℥ij. Spir. carminativ. Sylvii ℥β. Syrup. Menthæ ℥j. Fiat mistura. Cochlear unum exhibeatur in colicis & flatulentis affectionibus, ciborum inappetentia, aut difficili coctione, ventriculi imbecillitate & frigidityte, alvi profluvio, &c.

℞. Vini Absynthitis ℥xij. Pulpæ Colocyntidos minutim concisæ ℥β. Macerentur per xxiiij. horas. Fiat colatura. Fit vinum catarthicum quod phlegma crassum & viscidum, ventriculi & intestinorum parietibus inhærens, dissolvit & vacuat, & mesenterii obstructions resolvit. Exhibeantur ℥iiij. singulis diebus mane, jejuno ventriculo.

℞. Salis Absynthii ꝑj. succi Limon. ℥j. Aq. Menthæ ℥j. Fiat mistura, bis, terve, die iteranda. Vel:

℞. Sal. Absynth. ℥ij. Aq. Puleg. vel Menth. crisp. ℥vj. Fiat mistura, cujus cochlear unum in singulis jusculis permiscendum est contra vomitionem.

℞. Salis Absynth. & Nitri purificati, ana q. l. Solve in aq. Cichor. q. s. Solutio percolata ad siccitatem evaporetur. Exhibetur adversus tertianam ad ℥β. aut ℥j. in vino, cerevisia, aut alio liquore idoneo, cum tantillulo Sacchari edulcorato, paulo ante paroxysmum, & sudorem provocare solet.

Externe adhibitum, ventriculum & intestina roborat, vermes necat, putredini resistit, tumores resolvit, dolores & inflammationes incipientes discutit. In cataplasmatibus resolventibus recipitur, & in vino aromatico, seu defensivo contra putredinem.

℞. Folior. Absynth. virentium partes duas. Axungię Porcinę, p. unam. Contundantur simul, & fiat cataplasma collo calide admovendum in angina.

℞. Folior. Absynth. & Parietar. part. æqual. Contundantur, & calide parti dolenti applicentur sub forma cataplasmatidis, aut decocto earundem herbarum pars affecta foveatur ad dolores externos sedandos, incipientes inflammationes compescendas, & contusiones resolvendas.

℞. Folior. Absynth. & Senecionis, ana M. ij. Flor. Chamæmeli & Melilot. ana

ana M. j. Rad. Ireos & Bryon minutim incisarum, ana ℥ij. Coquantur ex arte in aq. com. q. s. ad putrilaginem. Contundantur in mortar. marmor. & per cribrum pultis trajiciatur. Cui affund. vini albi ℔ij. Pulver. Absynthii, Cumini, ana ℥j. Quatuor Farinar. resolventium ℥iiij. Olei Chamæmeli ℥iiij. Coquantur lento igne ad debitam spissitudinem, & fiat cataplasma resolvens.

℞. Folior. & summitatum Absynth. majoris, radic. Cucumeris sylvest. ana q. s. Decoquantur in aq. partibus ij. & olei part. iij. Hydrolæo mediocriter calente pars dolens foveatur. Radices & Absynthium contusa in modum linimenti capiti apponantur, ad hemicraniam curandam.

℞. Folior. Absynthii majoris, Abrotani, Tanaceti, summitatum Sabinæ ana M. j. Radic. Aristoloch. rotund. ℥j. Helleborastri M. β. Pulpæ Colocynthid. Aloes ana ℥j. Fiat decoctum in aquæ ℔ij. ad ℔ij. Coletur pro fotu abdominis regioni calide admovendo, ad verminosos affectus.

℞. Olei essentialis Absynthii, gutt. viij. Aloes pulverat. ℥ij. Fellis bovin. q. s. Misce, fiat emplastrum quod super alutam ductum umbilico applicetur. Contra vermes.

In officinis servantur Oleum Absynthii per infusionem paratum, Syrupus de Absynthio, tum simplex, tum compositus. Præterea Absynthium usurpatur in Pulvere contra rabiem Palmarii, Syrupo cachectico & Syrupo lienterico, *Charas*, Confectione Hamech, Pilulis sine quibus, aggregativis, de Rhabarbaro, pro morbo colico, *Charas*, stomachicis *Eiusdem*, Unguento martiato, Unguento mundificativo de Apio, Emplastro de Meliloto, Balsamo tranquillante Franciscanor. Regior. & Aqua vulneraria.

ABSYNTHIUM TENUIFOLIUM seu minus seu Ponticum *Officinar.* Absynthium Ponticum, tenuifolium, incanum *C. B. P.* 138. *Inst. R. H.* 457. Absynthium Ponticum, vulgare, folio inferius albo. *J. B.* 3. 175. Absynthium tenuifolium *Dodonæi Pemptad.* 24. vulgo, *Petite Absynthe*, *Absynthe*, *Pontique*.

Numerosas spargit radices parvas, crebris fibris intertestas, lignosas & sapore aromatico præditas: caules vero ex eadem radice plures erigit cubitales & sesquicubitales, teretes, glabros, virentes, aut ex virore rubescentes, purpurascentesve, frequentibus adnatis ab initio ad summum usque ramosos, folia non minus tenuiter incisa quam Abrotani, sed brevioribus, concinnioribusque segmentis, brevi & incana lanugine pubescunt, potissimum inferna parte, odore suavi, sapore subamaro. Flores quales in latifolio Absynthio, sed minores & oblongi, vehementiorem spirant odorem quam folia. Colitur in hortis, ubi, repente sub terris radice, mirum in modum multiplicatur.

Analyti Chymica, Absynthii tenuifolii foliorum & summitatum nondum floridarum ℔v. exhibuerunt phlegmatis limpidi, odorati & sapidi obscure subacidi ℔j. ℥x. ℥iiij. gr. xxxvj. cum aliqua olei essentialis portione: humoris limpidi, adhuc odorati & sapidi, manifeste acidi & austeri, cum olei essen-

essentialis tantillulo, ℥xv. ℥j. gr. lxij. humoris rufescentis turbidi, fale volatili urinoso imprægnati ℥ij. ℥vj. gr. xxxvj. olei tum tenuioris & essentialis, tum adiposi ℥iij. ℥j. gr. xv. salis volatilis urinosi, concreti gr. xix. Massa nigra in retorta superstes pendebat ℥viiij. ℥j. gr. xxx. quæ igne reverberii calcinata reliquit cinerum leucophæorum ℥ij. ℥iij. gr. xv. ex quibus lixivio, salis fixi mere alcali ℥j. ℥v. gr. xvj. prodierunt. Partium jactura in distillatione fuit ℥j. ℥viiij. ℥j. gr. xvij. In calcinatione ℥v. ℥v. gr. xv.

Hæc analysis in Absinthio tenuifolio, maximam partium tenuium, tum salinarum, tum sulphurearum copiam nobis commonstrat, tam ratione jacturæ in distillatione, quam ratione olei essentialis & salis volatilis: quod quidem plantæ odore & sapore vehementi confirmatur. Verum ejus oleum essentielle minus amarum est, quam in Absinthio latifolio.

Absinthio minori seu tenuifolio eadem tribuuntur virtutes quæ in majori dignoscuntur. Minus tamen amarum est & magis aromaticum: unde palato quidem magis gratum, sed tamen idcirco minus efficax censemus. Ejus Conditum a Matthiolo ad aquam intercutim commendatur tanquam expertum remedium, si ejus Condicti ℥ß. quotidie assumatur tribus horis ante cibum: quod de hydrope qui a nimia fibrarum flacciditate & laxitate pendet, aut a sanguinis vel feri crassitudine & tenacitate, intelligendum.

Eadem ex hoc Absinthio fieri possunt præparationes quæ ex majore fieri solent, sed in officinis minus usitatæ sunt.

A C A N T H U S.

A CANTHUS sive Branca ursina *Officinarum*. Acanthus sativus vel mollis Vergili C. B. P. 38. *Inst. R. H.* 176. Cardus Acanthus sive Branca ursina 7. B. 3. 75. Acanthus sativus *Dod. Pempt.* 719. Pœderora, Melamphilum, Marmoraria quorundam, vulgo *Acanthe* ou *Branche Ursine*.

Radicibus est crassis, carnosus, hac illac diffusis, foris nigricantibus, intus candidis, & capillitio stipatis. Folia humifusa cubitum æquant, & quandoque superant longitudine, spithamam amplitudine, mollia, obscure virentia, glabra, nitida, sinuosa, & quodammodo crispa. Caulis ad duos cubitos erigitur rectus, firmus, longa serie donatus florum eleganter thyrsi modo dispositorum: singuli autem perfecti sunt, monopetali, anomali, carnei quodam modo coloris: anterieus trifariam dividuntur, & rictum imitantur, qui labio superiori caret, inferius vero amplum & convexum obtinet; posterius in annulum desinunt, staminibusque donantur labii superioris locum occupantibus, apicesque scoparum æmulo sustinentibus; calycibus foliosis coercentur, viridibus, per extremum laciniatis, nonnihil spinosis, & veluti nucamenta quædam oblonga referentibus. E calyce surgit pistillum posticæ floris parti seu annulo ad instar clavi infixum, quod abit in fructum glandiformem, calyce obvolutum, septo intermedio in locula-menta duo distinctum, in quibus singulis semen unicum continetur sub-
rufum, compressum, duriusculum, duas tresve lineas latum. Tota planta
succo

succo turget glutinoso & mucilaginoso. In Italia & Sicilia copiose nascitur. Hic in hortis colitur. Multiplicatur autem facile germinibus a matre avulsis, & pinguiori terræ commissis.

Distinguendum autem est inter Brancam ursinam Italorum, quæ est noster Acanthus, & Brancam ursinam Germanorum, quæ est Sphondilium vulgare.

Analyti chymica, ex folior. Acanthi recentium ℥v. prodierunt phlegmatis limpidi, odoris & saporis expertis, sale falso aliquantisper & obscure imbuti, quod nempe salis Saturni solutionem turbidam efficit, ℥ix. ℥iij. gr. xxxvj. humoris obscure subacidi, deinde manifeste acidi, tum etiam aliquantisper alcalini, ℥iij. ℥xiiij. gr. xxiiij. humoris rufescentis empyreumatici, tum leviter acidi, tum alcali urinosi, & multo sale volatili imprægnati ℥j. ℥iij. olei tum fluidi, tum spissioris ℥vj. gr. xxxvj. Massa nigra in retorta residua pendebat ℥iij. ℥j. quæ igne reverberii calcinata reliquit cinerum subalbidorum ℥j. ℥iiij. gran. xij. ex quibus lixivio, fuerunt extracta salis fixi mere alcali ℥iiij. gran. ix. Partium jactura in distillatione fuit ℥iiij. ℥j. gran. xlvij. in calcinatione ℥j. ℥iiij. gr. ix.

Ex hac analysi & lentore glutinosi hujus plantæ succi, concludere licet, eam constare ex sale Ammoniacali copioso & mediocri olei portione, multo phlegmate dilutis.

Acanthus inter emollientes numeratur herbas quæ sunt Malva, Mercurialis, Parietaria, Beta, & Acanthus. Folia tantum usurpari solent, in clysteribus, fomentis & cataplasmatibus emollientibus, & paregoricis, seu dolorem sedantibus. Dolorem lenit & alvum emollit.

℞. Folior. Acanth. Malv. Parietar. Mercurial. Betæ, Viol. Atrip. & Sene-
cionis ana M. j. Coquantur in aq. commun. quant. sufficit In colaturæ
℥j. dissolve Mellis Nenuphar. ℥iij. Crystill. mineral. ℥j. Fiat enema
emolliens.

℞. Rad. Althææ, Nenuphar. & bulbor. Lilior. albor. ana ℥j. Folior. Acan-
thi, Malv. Parietar. ana M. j. Flor. Chamæmeli & Meliloti ana P. iij.
Coq. in aq. q. s. deinde colentur. Liquor servetur pro fotu emollien-
te instituendo calide cum linteis quadruplicatis, vel pannis laneis mol-
liusculis dicto liquore imbutis, leviter expressis & mutatis quoties re-
frixerint.

℞. Rad. Alth. mundatar. & minutim incisar. ℥iiij. Coquantur in aq. comm.
quant. suffic. donec insigniter mollescant. Deinde adde folior. Branc.
ursin. Malvæ, Parietar. Violar. & Mercurial. ana M. j. Caricar. pin-
gui. n. xij. Coquantur omnia ad putrilaginem usque. Contundantur
in mortar. marmor. & per cribrum setac. trajiciantur. Pulpa secre-
ta cum farinæ Lini & Fenugræci ana ℥ij. Olei Lilior. ℥iij. Coquantur
lento igne sæpius agitando ad debitam spissitudinem. Et fiat cataplasma
emolliens.

Dodonæus refert Acanthi radices prodesse tabidis sanguinem spuentibus,
tum ex alto delapsis, ab ictu aut conatu aliquo supra vires lassis, non
minus quam Symphiti majoris radices, quas substantia, lento succo, &

qualitatibus proxime referunt. Rarissime tamen in usum medicum veniunt, quoniam Symphiti radices anteponuntur.

Acanthi folia Veteres ob figuræ venustatem & elegantiam epistyliis, seu columnarum capitulis insculpere solebant. Vestibus etiam pretiosis figuram Acanthi foliorum circumtexebant: unde Virgilius:

Et circumtextum croceo velamen Acantho.

ACETOSA SEU OXALIS.

Ex pluribus Acetosæ speciebus duæ potissimum in usum Medicum & culinarium veniunt, scilicet Acetosa vulgaris vel pratensis folio longo, & Acetosa rotundifolia.

ACETOSA vulgaris, Acetosa pratensis, Oxalis pratensis *Officinarum*. Acetosa pratensis, C. B. P. 114. *Inst. R. H.* 502. Oxalis vulgaris folio longo J. B. 2. 989. Oxalis, *Dod. Pempt.* 648. *Ozeille longue* ou *Vinette*.

Radice est fibrosa, longa, sublutea, amara & stiptica: foliis alternis palmam superantibus acutis, qua pediculo adhærent falcatis & auritis, atroviuentibus, acidis & succulentis. Caulis striatus, cubitalis & ramosus flores sustinet apetalos, plurimis scilicet constantes staminibus cum apicibus luteis surgentibus ex calice hexaphyllo. Joannes Raius observat in hac plantæ specie, nonnullas flores steriles seu incompletos dumtaxat proferre, alias completos. Floribus sterilibus nullum succedit semen: floribus completis seu perfectis pistillum abit in semen triquetrum, spadiceum ac nitidum, obvolutum capsula foliacea triangulari, quæ conficitur ex tribus calycis foliis, ceteris tribus marcescentibus. Occurrit vulgo in pratis & sylvis agri Parisiensis, & in hortis colitur ad usum culinarium.

In usum Medicum veniunt folia, radix, semen, quæ seorsim consideranda sunt. Analyti chimica, recentium & succulentorum Acetosæ pratensis foliorum ℥v. per balneum vaporosum distillatæ, præbuerunt humoris limpidi, herbam virentem sapore & odore referentis, acidi primum obscuri, deinde manifesti, ac tandem intensi ℥iiij. ʒj. ʒv. deinde massa exsiccata, per retortam distillata fudit humoris rufescentis empyreumatici, tum acidi, tum alcali urinosi ʒij. ʒviij. gr. xiiij. cum salis volatilis urinosi granis aliquot: olei spissioris & adiposæ consistentiæ ʒj. ʒj. gr. lviij. Massa nigra in retorta superstes pendebat ʒij. ʒvj. gr. xxxvj. quæ per decem horas calcinata reliquit cinerum albicantium ʒj. ʒij. ex quibus lixivio, salis mere alcali fixi ʒij. gr. xxiiij. extracta fuerunt. Partium jactura in distillatione fuit ʒvj. ʒiiij. gr. xxxvj. in calcinatione ʒij. ʒiiij. gr. xxxvj.

Præterea succus Acetosæ saporis est acidi manifesti, & chartam subcæruleam, purpuream efficit. Sal essentialis Acetosæ in carbonem injectus eodem fere modo ac Nitrum fulminando deflagrat. Si vero cum sale Tartari permisceatur, odorem urinosum exhalat, haud dissimili ratione ac sal Ammoniacus. Adeo ut Acetosa videatur constare sale essentiali Ammoniacali, simili salis qui exurgeret ex acido Nitri spiritu & sale urinoso, olei portione mediocri & pauca terra, multo phlegmate dilutis.

Ex recentium Acetosæ pratensis radicum lbv. balneo vaporoso distillatis, prodierunt phlegmatis limpidi, saporis herbidi subacidi lbij. ℥j. jam exsiccatae radices per retortam distillatae, præbuerunt humoris empyreumatici rufescentis, tum acidi, tum alcali urinosi ℥vij. ℥ij. gr. liij. olei spissioris consistentiæ ℥ij. ℥ij. gr. xvij. Massa nigra in retorta superstes pendebat ℥xij. ℥ij. quæ igne reverberii calcinata reliquit cinerum ℥ij. ℥j. gr. xlvij. ex quibus salis fixi subsalsi ℥ij. gr. vj. fuerunt extracta. Partium jactura in distillatione fuit ℥vij. ℥j. in calcinatione ℥ix. gr. xxij.

Succus radicum cæruleam chartam, purpuream efficit: sed color ille purpureus paulo post evanescit, maculam fuscam relinquendo ob magnam copiam olei conjuncti, quod paulatim super partes ab acido evolutas diffunditur.

Radices majorem olei & terræ quantitatem continent quam folia, tripulum fere: quibus sal essentialis Ammoniacalis, Nitrosus, qualis in foliisprehenditur, involvitur. Hinc sapor stipticus & amarus radicum; hinc etiam vis aperiendi aut obstructiones viscerum referandi qua donantur. E contra in foliis in quibus acidum magis explicitum est & evolutum, vis refrigerandi seu sanguinis & bilis motum fermentatitium compescendiprehenditur.

Ex seminum Acetosæ recentium lbv. prodierunt humoris fere inodori, & insipidi, qui tamen salis alcali notas præbuit ℥vij. ℥vj. humoris nonnihil turbidi, manifeste acidi & aliquantisper urinosi ℥v. ℥v. humoris rufescentis empyreumatici, tum acidi, tum urinosi & sale volatili imprægnati ℥vj. ℥vj. gr. xlvij. olei ℥ix. ℥j. Massa nigra in retorta superstes pendebat lbj. ℥vj. ℥vij. gr. xxxvj. quæ igne reverberii calcinata reliquit cinerum leucophæorum ℥ij. ℥vij. gr. lx. ex quibus lixivio, extracta fuerunt salis salis foliati, & quasi talcosi, ℥j. gr. xvj. Jactura partium in distillatione fuit lbj. ℥j. ℥v. gr. lx. in calcinatione lbj. ℥ij. ℥vij. gr. xlvij.

Semina Acetosæ pratensis multo plus salis volatilis, tum acidi, tum urinosi continent, quam folia vel radices. Hæc autem principia non solum in aqueis liquoribus continentur, sed etiam partim avolant in distillatione, (jactura enim partium in seminum analysi longe major est,) partim cum oleosis partibus concrescunt, & irretiuntur in capite mortuo vel carbone, cujus massa carbonariam foliorum & radicum massam longe superat. Olei quantitas non solum triplo major est olei quantitate in radicibus reperta, sed eam multo magis superat: quandoquidem major pars massæ nigræ in retorta residuæ ex oleo producitur, ut ex hujus massæ deflagratione satis liquet. Hinc seminis virtus a foliis & radicibus prorsus diversa est. Constat nempe ex oleo copioso cum salis Ammoniacalis portione non mediocri, a qua cardiaca ejus virtus pendet. Ab oleosis quoque partibus semen obtinet vim humores acres demulcendi, tenuiores inspissandi, æstuentes compescendi, partium fibras molliendi, & flexiliores efficiendi.

ACETOSA & Oxalis rotundifolia seu hortensis *Officinarum*. Acetosa rotundifolia hortensis C. B. P. 144. *Inst. R. H.* 503. Oxalis folio rotundiore repens J. B. 2. 990. Acetosa rotundifolia. *Dodon. Pempt.* 649. *Ozeille ronde*.

Ex radice tenui, repente, saporis adstringentis, caules cubito longiores emit,
tit,

rit, tenues, repentes: foliis vero subinde ludit modo rotundis fere, modo alarum appendicibus donatis, alias sagittæ instar mucronatis, pinnatifque, colore glauco aut pallido, pinguiusculis, delicato acore præditis. Flores & semina Acetosæ vulgaris non dissimilia sunt. In hortis ad culinarium usum feritur.

Analyti Chimica, ex Acetosæ rotundifoliæ floridæ lbv. prodierunt humoris limpidi herbam viridem odore & sapore referentis, tum acidi, tum aliquantisper falsi aut urinosi, lbj. ℥viii. ℥v. gr. iiij. humoris limpidi, intense acidi, austeri, tum etiam urinosi, lbj. ℥xiiij. ℥iiij. gr. xxxvj. humoris rufescentis empyreumatici acidi, austeri & sale volatili urinoso imprægnati, ℥ij. ℥ij. gran. xxiiij. olei spissioris & adiposæ consistentiæ, ℥j. ℥j. gran. lx. Massa nigra in retorta residua pendebat ℥ij. ℥v. gran. xxiiij. quæ igne reverberii calcinata reliquit cinerum, ℥vij. gran. liij. ex quibus salis fixi mere alcali ℥iiij. gr. xij. lixivio fuerunt extracta. Partium jactura in distillatione fuit ℥ij. ℥v. gr. lvj. in calcinatione, ℥ij. ℥v. gr. xlij.

Acetosa rotundifolia paulo plus phlegmatis continebat, quam pratensis, minus terræ, plus salis fixi. Ceterum, sicut Acetosa pratensis, sale Ammoniacali nitroso & oleo phlegmate multo dilutis componitur.

Utriusque Acetosæ folia gratissimum embamma seu intinctum nec spernendum præbent: gratiores enim escas reddunt, & cibi appetentiam augent acidulo suo sapore.

Intus sumpta refrigerant, id est, motum sanguinis fermentativum & intestinum, fluiditatemque minuunt, expansionem coercent, sicque caloris sensum præsertim in visceribus temperant, æstuantem choleram reprimunt, tenuiorem inspissant, acriorem emendant, sitim sedant, appetitum excitant, & putredini resistunt: Unde in biliosis febribus, tum simplicibus, tum pestilentibus, usitatissima sunt & utilissima. In jusculis & apozematibus temperatis alterantibus & aperientibus incoquantur. Succus expressus & defæcatus solus vel sorbitionibus immixtus propinatur: & ex eo cum Saccharo cocto syrupus conficitur. Conditum quoque ex foliis præparatur, & aqua distillatur, quæ quidem succo vel decocto multo languidior est, minorumque virium. In febribus intermittentibus biliosis, tertiana & duplici tertiana, succus Acetosæ felici cum successu exhibetur, præsertim verno tempore, ad ℥vj. vel ℥viii. ineunte paroxismo, præmissis præmittendis. Iteratur donec æger sanatus fuerit. Cavendum tamen ne pulmo quamdam patiatur læsionem; tunc enim ab hoc remedio abstinendum foret, ne ab acido prava hujus visceris dispositio augeatur. Medicina in scorbuto specifica existimatur. Clarissim. vir, & in praxi medica exercitatissimus Doctor Morinus, dum viveret Nosocomii Parisiensis Medicus ordinarius, scorbuticos quamplurimos sanavit, eorum alimenta foliis Acetosæ coctis immiscendo. Thomas Bartholinus *Actis Hafniensibus* 1671. *Observat.* 9. refert: „Groenlandos populos scorbuto misere vexari, sanari vero miscendo Cochleariam & Acetosam simul in jusculis suis avenaceis vel hordeaceis. Has duas plantas copiose simul crescere in hac regione, quasi

„ seorsim sumi non debeant, ne separatae noceant, quippe una sale volatili
 „ oleoso, altera acido turgescit, ex quarum mistura media qualitas exsurgit:
 „ modum autem eas assumendi hunc esse usitatum, ut carnem recentem cum
 „ avenacea vel hordeacea ptisana excoquant, ejusque decoctum his herbis
 „ scorbuticis condiant, & hujus alimenti medicamentosi usu ita laxari al-
 „ vum ac si medicamentum catharticum hausissent. “ Hæc scorbutum curan-
 di methodus a Thoma Sydenham probatur qui Cochleariæ, ceterarumque
 plantarum scorbuticarum acrium succos, nonnisi Aurantiorum vel Citrio-
 rum Malorum succo temperatos præscribit.

Radix non acida est, sed amara & adstringens. Obstructiones aperit, uri-
 nas ciet, quapropter in decoctis aperientibus usurpatur. Siccata & decocta
 rubello colore eleganti aquas tingit.

Semen inter cardiaca medicamenta numeratur: præterea vis adstringendi
 in alvi profluviis, & in dysenteria ipsi tribuitur: quæ quidem virtus adstri-
 ctoria, non tam ab ejus stypticitate pendet, quam ab oleosis ejus partibus,
 quæ humorum acrimoniam demulcent.

℞. Rad. Cichor. Bugloss. folior. Cichor. Bugloss. Borriginis, Lactuc. Por-
 tulac. & Acetos. rotund. ana M. ℥. Hordei integr. P. j. Fiat decoctum
 cum pullo Gallinaceo aut frustulo colli carnis vitulinæ. Fiat jusculum
 refrigerans, mane sumendum.

℞. Seri lactis optime depurati ℔j. in quo leviter incoque folior. Aceto-
 sæ M. j. ℥. Fiat colatura, cui adde Syrup. Violat. ℥ij. Dividatur in
 duas doses mane, jejuno ventriculo, sumendas.

℞. Hordei integr. pugill. ij. Rad. Acetosæ & Gramin. ana ℥j. Coquantur in
 aq. fluviatil. ℔iiij. ad ℔iiij. Decoctum servetur pro potu diuretico &
 aperiente.

℞. Folior. & rad. Cichor. sylv. Taraxac. Fragar. Borrage. & Bugloss. ana
 M. j. Rad. Acetosæ, Gramin. ana ℥ij. Folior. Agrimon. M. j. Coquan-
 tur, ut artis est, in aq. comm. ℔ix. in vase terreo vel ferreo. Fiat
 Apozema, vulgo, *Bouillon rouge*.

℞. Amygdalarum dulc. excorticatarum ℥℥. Semin. Acetos. Melon. &
 Card. bened. ana ℥ij. Contund. in mortar. marmor. sensim affund.
 aquar. Scabiosæ. Ulmar. & Scorfonner. ana ℥iiij. Fiat emulsio, pro dua-
 bus dosibus, cuique adde Syrup. flaved. Citri, vel Syrup. Caryophyllor.
 hortens. ℥℥. Capiat vesperi & mane in febribus malignis & variolis, in
 quibus caloris æstus temperandus, acrimonia humorum demulcenda, &
 diaphoresis juvanda.

Acetosæ folia contusa aut cocta & externe admota potenter resolvunt,
 maturant & suppurationem promovent, tenuibus nempe & volatilibus suis
 particulis, tum acidis, tum urinosis, quæ in tumorem penetrant, hu-
 morem commovent & attenuant. Si vero humor ille hujus sit indolis,
 ut totus facile attenuari possit, resolvitur & per cutis poros dissipatur,
 aut vasa debita remeat. Si vero crassior sit quam ut resolvi possit, assi-
 duo motu agitata ejus moleculæ fermentescunt, rarescunt, & in pus con-
 ver-

vertuntur: tumor humoris rarefcentia attollitur, ac tandem rumpitur.

Riverius observationem proponit de ganglio in genu resoluta, sine suppuratione, cataplasmate præparato ex foliis Acetosæ sub cinere coctis, & cineribus permixtis, supra tumorem admoto.

℞. Folior. Acetosæ q. l. foliis Brassicæ vel charta madida involutor. Sub cineribus coquantur; cocta cum fermento misceantur, & fiat cataplasma tumori applicandum ad suppurationem promovendam.

℞. Oxalid. folia. Coque cum Axungia veteri, & fiat cataplasma, quod phlegmonem brevi ad suppurationem perducit.

℞. Oxalid. & Arnogloss. p. æq. Coq. in Oxymelite. Contund. postea & trajiciantur, addendo cuique libræ Theriac. veter. ʒss. Fiat cataplasma in carbunculo & malignis inflammatis pustulis.

Acetosæ Conditum usurpatur in Opiata *Salomonis*.

Semen in Confectione de Hyacinthis, & Pulvere Diamargariti frigidi, *Charas*, Syrupo Elleborato *Quercetani*, Diascordio *Fracastoris*.

ADIANTUM.

ADIANTI species septem in officinis distinguuntur, scilicet, 1. Adiantum verum seu Capillus Veneris. 2. Adiantum Americanum. 3. Adiantum nigrum. 4. Adiantum album Filicis folio. 5. Adiantum album foliis Rutæ. 6. Adiantum rubrum. 7. Adiantum aureum. Quæ quidem herbæ *Capillares* quoque nunc dicuntur, licet sub titulo Capillarium in antiquis Pharmacopœis, quatuor tantum ex his comprehendantur, scilicet, Adiantum verum, Adiantum nigrum, Adiantum album folio Rutæ, Adiantum rubrum, quibus quinta adscribitur planta, *Ceterac* dicta. De Ceterac suo loco: nunc de Adianti speciebus.

ADIANTUM verum. Capillus Veneris verus. Capillus Veneris Monspe-liensis, *Officinarum*. Adiantum foliis Coriandri, *C. B. P.* 355. *Inst. R. H.* 543. Adiantum sive Capillus Veneris *J. B.* 3. 751. vulgo, *Capillaire de Montpellier*.

E radice tenui, transverse imposita, carnosa & fibrosa, oriuntur pediculi palmam superantes, exiles, nigri, nitidi, splendentes, ramosi, folia sustinentes alterna, quatuor aut quinque lineas lata, nonnihil breviora, viridia, cristata, radiatim quasi striata, glabra, profundis quibusdam incisuris Coriandri foliorum inferiorum ritu ferme dissecta, tactu mollia, aliquantisper odorata, & sapore nonnihil adstringente, subamaricante, non ingrato. Floribus carere videtur: sed mense Septembri crenulæ producuntur & duplicantur, sibi invicem adhærentes. His in sinibus seu foliorum complicationibus fructus continentur, seu capsulæ membranaceæ sphaericæ admodum exiles, annulo vi elastica donato munitæ, accurate a Cl. Tournefortio observatæ & in Elementis Botanicis descriptæ. Annuli contractione capsulæ aperiuntur, & in his semina minutissima pulvisculi instar contineri mi-

croscopii ope deprehenduntur. Nonnulli tamen floris nomine eas prominentias insignire volunt, dum adhuc virides sunt, & antequam pulvisculum seminale fundant. Alii quoque contendunt capsulas illas non fructu esse sed flores seu apices floridos, illumque pulverem inibi contentum non semen esse, sed pulvisculum floridum, qualis in florum apicibus contineri solet. Res tempore dilucidabitur. Prior tamen sententia nobis magis verisimilis videtur. Nascitur in puteorum marginibus & rupibus aspergine madentibus Galliæ Narbonensis. Quavis anni tempestate etiam hyeme vi-
ret. Vulgus Narbonense pro certo salubritatis aquarum signo habet Adianti circa puteos & fontes proventum.

Olim omnes herbæ Capillares in Officinis nostris usitatissimæ erant, nunc autem hic rarissime reperiuntur. Aliud Adianti genus ex America affertur quod ob odoris fragrantiam & saporis gratiam huic anteponitur.

ADIANTUM Americanum, Adiantum Canadense, *Officinarum*: Adiantum Americanum *Cornuti 7. Inst. R. H. 543.* Adiantum fruticosum Brasilianum *C. B. P. 355. Prodrom. 150.* vulgo, *Capillaire de Canada.*

Ex Radice pusilla, capillamentis nigris fibrata, cauliculi ad spithamam & nonnunquam ad usum, alterumve cubitum assurgunt, atropurpurei, nitentes, ramosi, & latissime in orbem expansi: quibus utrinque adhærent duodecim & nonnunquam viginti folia Adianto vero proxima, parva, oblonga sed obtusa, incisuris superne tantum divisa, inferne integra & costa qua petiolo insident obducta, odore grato præsertim dum aqua calida madent, sapore parum acerbo, non injucundo. Flores nulli conspicui sunt. Fructus more Adianti veri averfa folii parte profert. In Brasilia, Virginia, Canada & aliis Americæ provinciis frequens nascitur.

ADIANTUM nigrum, *Officinarum*: Filicula quæ Adiantum nigrum *Officinarum*, pinnulis obtusioribus *Inst. R. H. 542.* Adiantum foliis longioribus pulverulentis, pediculo nigro, *C. B. P. 355.* Adiantum nigrum *J. B. 3. 743.* Dryopteris nigra *Dod. Pempt. 466.* vulgo, *Capillaire comm.*

Radix est transversa & fibris capillaribus nigris minuta saporis acerbi cum quadam dulcedine; ex qua pediculi prodeunt spithamei, firmi, nigri, nitidi, ramosi, cum foliis ad Filicem marem accedentibus, sed longe brevioribus, in segmenta crenata, mucronata & oblonga divisis. Floribus caret. Lineolis vero pulverulentis averfa foliorum parte de Filicum more distinguitur, quæ fructus continent seu capsulas rotundas, pulvere seminali aureo turgidas. In opacis ad radices arborum & fruticum & in aggeribus umbrosis, antiquisque muris passim in agro Parisiensi nascitur. Supradictis Capillaribus deficientibus in earum locum sequens nonnunquam substituitur.

ADIANTUM album Filicis folio, *Officinarum*: Filicula fontana major, sive Adiantum album folio Filicis *C. B. P. 358. Inst. R. H. 542.* Adiantum album Filicis folio, *J. C. 3. 711.* Dryopteris candida, *Dod. Pempt. 465.* vulgo, *Capillaire blanc.*

Radice est transversa, satis crassa, coloris herbacei, fibris nigricantibus onusta, saporis subdulcis cum majore adstrictione: pediculis spithameis tenuibus,

fragilibus, virescentibus, nigricantibusve inferna parte: ramulis modo binis oppositis, modo alternatim adnatis ad duodecim aut quatuordecim paria, extremo scapo in folium abeunte, longissimis, duas tresve uncias æquantibus foliis alternatim adnatis, oblongis, altius incis, adeo ut e pluribus composita videantur; mollibus, teneris, facile marcescentibus, averfa parte punctis primo virentibus, tandem ferrugineis, quæ capsulas seminales continent, aspersi; sapore citra evidentem adstrictionem dulci & pene fatuo, cum viscido lentore. Nascitur in locis umbrosis, muris antiquis, rivulorum & fontium marginibus.

ADIANTUM album foliis Rutæ, Ruta muraria, Salvia vitæ *Officinar.* Ruta muraria *C. B. P. 356. Inst. R. H. 541. J. B. 3. 753. Dod. Pempt. 470.* Adiantum album. *Tab. Icon. 796.* Salvia vitæ, *Adversar. Lobel Icon. 811.* Paronichia. *Matthioli*: Saxifraga seu Empetrum, *Fuchsi*: Filicula petrea Rutæ facie, *Moriss. Oxon.*

Radice est capillacea, tenui, nigricante & subadstringente, e qua erumpunt petioli multi, duas vel tres uncias longi tenues, juxta radicem nigricantes aut attrorubentes, reliqua parte virentes, nonnihil in summo divaricati, folia sustinentes Rutæ hortensis similia, sed longe tenuiora, duas, tresve lineas longa, paulo angustiora, angulosa & in ambitu crenata, gustu acerba subadstringentia, cum aliqua dulcedine, superne virentia, averfa parte rufescente, aspersa pulvisculo qui nihil aliud est quam acervulus capsularum sphaëricarum Adianti similibus. Nascitur in rupibus & parietibus agri Parisiensis.

ADIANTUM rubrum, Trichomanes, Polytrichum *Officinarum*: Trichomanes sive Polytrichum *Officinarum*, *C. B. P. 356. Inst. R. H. 539. J. B. 3. 754.* Trichomanes *Dod. Pempt. 471.* Adiantum rubrum *Loniceri*: vulgo, *Politric.*

E Radice capillacea, fibrosa & nigricante pediculos promit semipalmares aut palmares, attrorubentes, nitidos, teretes, rigidiusculos, fragiles, in quibus per conjugationes utrinque vel alternatim oriuntur folia subrotunda, obtusa, viridia, glabra, in quorum averfa parte sacculi eminent squammosi, pleni plurium capsularum membranacearum, globosarum ferme, annulo elastica vi donato munitarum, sicut in Capilli Veneris fructibus, quæ annuli contractione rumpuntur, seminaque pulverulenta emittunt tenuissima & fusca. In umbrosis aggeribus, antiquis muris, humentibusque saxorum fissuris agri Parisiensis provenit.

Supra recensitarum Adianti specierum principia non adeo dissimilia sunt: quapropter duarum tantum specierum analysim exponemus, ex quibus de ceteris judicare licebit.

Analysi chymica, ex Adianti nigri foliorum lbv. prodierunt phlegmatis limpidi fere inodori & insipidi, obscure acidi ℥x. ℥v. gr. xvij. humoris rufescentis, nonnihil empyreumatici, primo subacidi, deinde intense acidi lbij. ℥ij. gr. lj. humoris rufi sale volatili urinoso imprægnati ℥ij. ℥iiij. gr. xlvij. olei spissioris & adiposæ consistentiæ ℥ij. ℥iiij. gr. lxxvj. Massa residua in retorta superstes pendebat ℥ix. ℥iiij. gr. xvij. Quæ igne reverberii calcinata reliquit cinerum ℥ij. ℥j. gr. x. ex quibus salis fixi mere alcali ℥vij. gr. xxxvij.

extracta fuerunt. Jactura partium in distillatione fuit ℥iij. ℥vj. gran. xv. in calcinatione ℥vij. ℥ij. gran. viij.

Ex Polytrichi folior. ℔v. prodierunt phlegmatis limpidi, insipidi & inodori ℔j. ℥vj. gr. xlij. humoris primo acidi, deinde austeri, limpidi, postea r. fefcentis aliquantisper empyreumatici & intense acidi ℔ij. ℥viii. gr. xiiij. humoris rufi empyreumatici tum acidi, tum urinosi & sale volatili imprægnati ℥iij. ℥ij. gran. xl. olei spiffioris ℥ij. ℥vj. gr. xxxvj. Massa nigra in retorta superstes pendebat ℥vj. ℥vij. gr. lx. quæ igne reverberii calcinata reliquit cinerum ℥j. ℥j. gran. xxxvj. ex quibus salis fixi mere alcali ℥ij. gr. lvj. extracta fuerunt. Partium jactura in distillatione fuit ℥ix. ℥vij. gran. xlvij. in calcinatione ℥v. ℥vj. gr. xxiiij.

Itaque his in plantis multum acidi continetur, sed non mediocri terræ portione implicitum, unde sal exsurgit falsus, sali coralliorum haud dissimilis. Insuper inest aliquantulum salis ammoniacalis: ambo oleo copioso involvuntur, & multâ aqua diluuntur. Unde compositum exsurgit mucaginosum, salino-terreum & ammoniacale. Sapor eorum subadstringens a sale terreo; subdulcis autem a sulphure quo sales involvuntur. Ab iisdem principiis virtutes pendent quæ illis plantis tribuuntur, scilicet; humores acres blando suo sulphure demulcendi, sale ammoniacali crassiores incidendi, tenaces resolvendi, sale autem stiptico partes firmandi, roborandi, ac proinde viscerum obstructions referandi.

Plantæ Capillares stomachi cruditates leniunt, singultus ac diarrhæas inde pendentes curant, pituitam viscidam in pectore stagnantem ad expectorationem præparant: tussi contumaci, asthmati, difficili respirationi, peripneumonix ac pleuritidi medentur. In visceribus humores inspissatos inhærentes & obstructions procreantes, abstergunt: icterum sanant, hepatis & mesenterii glandulas obstructas referant: præcipue lieni amicæ & hujus visceris ægrotantis quasi specifica medicina creduntur. In mensibus non bene fluentibus & in affectionibus renum suas habent laudes. Uno verbo blanda quæ donantur adstrictione partium fibras roborando, functiones vegetiores fiunt, humorum circuitus acceleratur, commolitio eorundem succorum ac fluiditas augetur, excretiones promoventur.

Earum infusum vel decoctum propinatur. Vel seorsim vel promiscue usurpantur. Singularium Capillarium manipulus unus sumiter & levi ebullitione coquitur in libris quatuor aquæ, cum Liquiritiæ frustulo.

Adiantum Monspeliense a Petro Formio Doctore Medico Monspeliensi in *Libello de Adianto*, quem Gallice conscriptum prælo commisit, anno 1644. tanquam Panacæa & medicamentum universale ad omnium fere corporis partium sanitatem tuendam & morbos debellandos, vel solum sufficiens commendatur. Sed encomiastarum more, in ejus laudes nimis effertur. Ejus virtutes longe remissiores & debiliores esse usus & experientia demonstraverunt.

Inter varias formulas medicamentorum ex eo parandorum, ptisanam, seu Adianti infusum miris laudibus extollit, quo se complures parvulos & in-

fantas exsiccatos & fere consumptos febre lenta ab obstructionibus mesenterii orta, pristinae sanitati, restituisse affirmat. Sic parari jubet.

℞. Summitatum aut foliorum Adianti adhuc virentium & recens collectorum tres circiter manipulos; infundantur supra cineres calidos per spatium unius noctis, in duabus tribusve sextariis aquae fontanae optima: tandemque, si placet, leviter ebulliant. Colatura vasi vitreo immista pro potu ordinario inserviet vel sola, vel cum tantillo vini.

Ex Adianto Americano infusum in Theae modum paratur, palato gratum, in tussi & pectoris affectionibus, cum tantillo sacchari.

Ruta muraria viribus cum Adianto vero convenit. In tussi, asthma, pleuritide, ictero, obstructionibusque lienis prodest. Quin & ad renum vesicaeque dolores valet, urinam & arenulas expellit. Matthiolus praestare eam perhibet ad enteroceles puerorum, continuis quadraginta diebus pulvere exhibito. In scorbuto & cachexia optima est. Ettmullerus refert, Belgicos milites quosdam extreme scorbuto laborantes ex assumpta impura aqua, nullo alio medicamento curari potuisse, quam adhibito hujus plantae decocto.

Polytricho eadem tribuuntur facultates. Tragus asserit illud vel solum, vel cum Ruta muraria, vino aut hydromelite decoctum, & per aliquot dies ex ordine potum, obstructiones jecinoris solvere, morbum regium expellere, pulmonis vitia purgare, spirandi difficultati prodesse, duros lienis tumores emolliere, urinam ciere, arenulas expellere, & mulierum menses suppressos promoveri.

Omnes Adianti species usurpantur in jusculis, decoctis & apozematis aperientibus.

℞. Capilli Vener. Adianti nigri, Polytrici, Rutae murariae & Ceter. ana M. j. Flor. Tussilaginis, pugill. ij. Rad. Althaeae ℥j. Coq. cum aq. limp. ℔ij. ad ℔ij. fiat apozema expectorans.

℞. Herbar. quinque Capill. ana M. j. Cum frustulo carnis vitulinae, fiat jusculum aperiens.

Plantae Capillares sterilitatem inducere a quibusdam immerito accusantur. Ipsis vis cathartica ab Arabibus tribuitur, sed & acerbus nostrarum plantarum sapor, & experientia contrarium demonstrant.

Extrinsecus admotae quaedam capillorum defluvia curare, cutis nempe poros constringendo, achoras, strumas, & abscessus sanare dicuntur, incidendo, resolvendo, abstergendo & constringendo.

Ex Adianto Monspeliensi vel Americano praeparatur Syrupus Capillorum Veneris simplex. Idem quoque Syrupus ex Canada affertur, cum saccharo Acerino confectus, ut jam diximus.

Quinque Capillares usurpantur in Syrupo Capillor. Veneris composito *Renodai*.

Capillus Veneris usurpatur in Syrupo de Althaea, Jujubino, de Tussilagine composito seu antiasthmatico *Charas*; de Cichor. composito, antinephritico, Chalybeato aperiente Cathartico *eiusdem*, & Electuar. lenitivo.

Adiantum vulgare in Syrupo de Althaea & de Cichor. comp.

Polytrichum in Syrupo de Cichor. comp.

ADIANTUM aureum, Polytrichum aureum, *Officinarum*: Muscus capilla-
ceus major, pediculo & capitulo crassioribus *Inst. R. H.* 550. Polytrichum
aureum majus, *C. B. P.* 356. Polytrichum Apulei majus quibusdam, *J. B.* 3-
760. Adiantum aureum *Tabern. Icon.* 797. vulgo, *Perce-mousse*.

Radice est tenui, longa, fibrata, ex qua cauliculi assurgunt quatuor vel sex
uncias longi, ab imo ad medium usque, foliis tenuibus angustioribus, lon-
giusculis & flavescentibus onusti; a medio ad summum nudi & læves quorum
summitati innascitur capitulum oblongum, hians, & nutabundum, quod pul-
visculum continet, more plurimarum musci specierum, qui a plurimis Bota-
nicis pro semine habetur. In agri Parisiensis sylvis nascitur.

Hæc planta apud nos rarissimi est usus. Apud Germanos, observante S.
Pauli, inter quinque Capillares herbas Officinales sub Polytrichi nomine nu-
meratur, cum Adianto vero, Ruta muraria, Trichomane & Ceterac. cum
aliis Capillaribus interdum permiscetur aut iisdem substituitur pro tollendo
pertinaci muco pulmonibus aut ceteris visceribus impacto. Cl. Tournefortius
in agri Parisiensis plantarum historia eam ut diaphoreticam & adversus pleu-
ritidem præstantissimam commendat. Ejus decoctum vel aqua spirituosâ di-
stillata usurpatur.

℞. Adianti aurei, M. j. Coquatur in aq. comm. ℥j. Exhibeatur per cya-
thos, tertia quaque hora propinandos in asthmate, pleuritide & pecto-
ris affectionibus.

Sic autem spiritus præparatur. Planta contusa & aqua limpida irrorata
per tres dies maceratur in vase clauso donec incalescat: macerata distilla-
tur. Aqua distillata novæ plantæ contusæ affunditur, iterum maceratur &
distillatur, quod quinquies iteratur: tandem post sex distillationes spiritus
obtinetur subtilis & sudorificus, qui ad ℥ij. vel ℥iij. propinatur in pleuritide,
ad sudorem proliciendum.

AGERATUM.

AGERATUM *Officinarum* & Eupatorium Mesuæ, *quorundam*: Ptarmica
lutea suaveolens, *Inst. R. H.* 497. Ageratum foliis serratis, *C. B. P.*
224. Ageratum plerisque, herba Julia quibusdam, *J. B.* 3. 142. Balsamita
minor, *Dodonæi* 295. Eupatorium Mesuæ, *Tragi* 515. Menta corymbifera
minor, *Cordi*: Ageratum sive Costus hortorum minor, *Parkins*.

Ex radice lignosa, minimi digiti crassitudine, varie implexa & fibrosa,
plurima exsurgunt virgulta, cubitalia & altiora, tenuia, rotunda, ramosa,
colore alias rubente, alias ex viridi pallescente, foliis numerosissimis, un-
ciam unam aut alteram longis, angustis, profunde serratis & odoratis, ab
imo ad summum stipata. In summis ramulis corymbi emicant compositi ex
floribus radiatis, quorum discus ex plurimis flosculis luteis, corona ve-
ro ex semiflosculis ejusdem coloris componitur, embryonibus insidentibus
& calice squammoso comprehensis: embryones autem deinde abeunt in se-
mina

mina exigua, oblonga & pallide lutea. In Gallia Narbonensi circa Monspe-
lium & alibi nascitur. Hic colitur in hortis. Planta cum foliis & floribus,
necnon semina in usum medicum veniunt.

Analyfi chymica, Agerati folior. & summitatum floridarum ℥v. præbue-
runt phlegmatis limpidi odorati obscure acidi ℥j. ℥viii. ℥iij. gr. xlv. cum
olei essentialis aliquantulo; humoris intense acidi, austeri & sub finem ob-
scure alcali urinofi ℥ij. ℥v. ℥iij. gr. lviij. humoris rufescentis empyreumatici,
tum acidi intensi, tum alcali urinofi & sale volatili imprægnati ℥ij. ℥viij.
gr. lv. olei empyreumatici adiposæ crassitudinis ℥iij. ℥vj. gr. xxij. Massa nigra
in retorta superstes pendebat ℥vj. ℥j. gr. xliij. quæ igne reverberii calcinata re-
liquit cinerum ℥ij. ℥j. gr. xxj. ex quibus lixivio, salis fixi mere alcali ℥viij.
gr. xviii. extracta sunt. Partium deperditio in distillatione fuit ℥v. gr. lxviij.
in calcinatione ℥iiij. gr. xxj. Per hanc analysim patet Ageratum constare ex
sale ammoniacali & oleo, tum tenui, tum crasso conjunctis. Saporis est aro-
matici, amari, cum quadam adstrictione. Adstrictionis moderatæ ratione,
ventriculum, hepar, & viscera aliquantisper firmat & roborat: ratione te-
nuium partium, humores attenuat, resolvit, abstergit, atque putredini resistit.

A Schrodero, Hofmanno, & Simone Pauli inter herbas hepaticas recen-
setur. Illud Ettmullerus ad emendandam sanguinis crasim vitiatam in mor-
bis chronicis a viscerum obstructionibus oriundam, utilissimum prædicat
Ex eo infusa vel decocta parantur, necnon etiam epithemata & fofus ad
viscerum induratorum tumores resolvendos. Ad intestinorum vermes necan-
dos præstantissimum censetur. Simon Pauli oleo ex eo distillato felici cum
successu utebatur in verminantibus puerulis; quod ad guttas aliquot illis
propinabatur, & gossypio exceptum umbilico eorum applicabatur. Eiusdem
semen, semini contra vermes subrogari posse asserit, illudque usurpat in
pulveris contra lumbricos ipsi familiaris compositione, & quo ad vermes
cucurbitinos in quodam lanione enecandos felicissime usus fuerat.

℞ C. C. Philos. pp. Rad. Filicis, ana ℥ij. Corallin. Sem. Santon. Sem. Ager-
ati, Tanaceti ana ℥j. Myrrh. select. Lig. Aloes, Flor. Sulphur. ana ℥ss.
Sal. Nitri purific. ℥iij. Misce. Fiat l. a. pulvis, cujus ℥j. vel ℥jss. ex aqua
Graminis vel Portulacæ, mane, jejuno ventriculo, sumitur.

Agerato vis alvum subducendi tribuitur, de qua tamen omnes non conveniunt.

Externe admota folia & summitates tumores resolvunt, splenis duritiem emol-
liunt, vel etiam in fessu uteri tumores sanant. Ex Agerati, & Ophioglossi fo-
liis contusis & in oleo Olivarum bulliendo coctis, cum Cera, Resinæ & Te-
rebinthinæ tantillo, Gerardus Chirurgus Anglus, Unguentum parat præstan-
tissimum ad vulnera & ulcera sananda.

Usurpatur in Syrupo & in Trochiscis de Eupatorio *Mesuae* dictis.

A G N U S.

AGNUS, Agnus Castus & Vitex, *Officinarum*. Vitex foliis angustiori-
bus, Cannabis modo dispositis, C. E. P. 475. *Inst. R. H.* 603. Agnus fo-
lio

lio non serrato. *J. B. I. 205. Vitex Dod. Pempt. 774. Salix amerina, Matth: Elæagnon Theophrasti, Adversar. Lobel. Icon. 138. Agnus Castus in Officinis inepte dicitur, Castus enim nihil aliud est quam expositio vocis græcæ ἀγνός.*

Arbuscula est frequentibus brachiata ramis, lentis, flexilibus, frangi contumacibus. Frondes adverso ortu pediculis unciam unam a t alteram longis hærent digitati, Lupini vel Cannabis modo, in quinque fere lacinias seu folia particularia, oblonga, utrinque acuminata, mollia subdivisi, medio horum majore & longiore, coloris subtus cinerei, superius fusci propemodum. Flores odorati verticillatim spicato ordine virgularum fastigia circumdant, colore aut purpurei toti, aut purpurei albo intermixto, completi monopetali, irregulares, in sex septemve lacinias inæqualiter divisi quasi bilabiati, posteriorius tubulati. Ex singulo calyce etiam multifido surgit pistillum posticæ floris parti, ad instar clavi, infixum, quod deinde abit in fructum fere sphaericum, instar Piperis, saporis acris, in quatuor loculamenta divisum, totidemque seminibus fetum minutissimis & oblongis. In fluminum ripis asperis, torrentium alveis ac locis paludosis Italiæ meridionalium regionum sponte nascitur. Hic in hortis colitur. Folia, flores seu summitates in usum medicum veniunt, sicut & fructus seu grana rotunda, pipere minora, colore cinericeo nigricante, saporis acris, subadstringentis, exsiccantis.

Analyti chymica ex Agni fructuum recentium lbij. prodierunt phlegmatis limpidi odorati & saporis aromatici, tum acidi, tum alcali urinosi ℥iiij. humoris rufi, odoris & saporis empyreumatici, acidi intensi & alcali urinosi ℥vj. ℥ij., gr. xvij. olei ℥iiij. gr. liij. cujus quarta pars circiter adiposæ crassitudinis erat. Massa nigra in retorta superstes pendebat ℥ix. ℥vij. quæ per horas viginti igne reverberii in crucibulo calcinata reliquit cinerum spadiceorum ℥j. ℥iiij. ex quibus lixivio, salis fixi mere alcali ℥iiij. gr. xij. extracta sunt. Partium jactura in distillatione fuit ℥vij. ℥vj. in calcinatione ℥viiij. ℥iiij. Per hanc analysim liquet, Agni semina partibus tenuibus & volatilibus copiosis donari, quandoquidem dum distillantur, totius fere quarta pars in auras avolat, quam quidem non solæ alcalinæ urinose particule, sed etiam acidæ & oleosæ tenues constituunt. Deinde multum olei continent, quod totius dimidium superat; acidi salis portionem non mediocrem & aliquantulum ammoniacalis salis, pauxillum vero terræ. Sapor & odor partium tenuium abundantiam restantur.

De antivenereis Agni virtutibus ab omni ævo prædicatis plurimæ inter Medicos agitantur controversiæ. Alii eum ad impetus venereos reprimendos & castitatem tuendam utilissimum esse narrant; sive edatur, sive bibatur, sive substernatur, seminis acrimoniam & inde natam in partibus genitalibus tinginem demulcere, nocturnasque veneris per somnum imaginationes profligare, asserunt. Alii e contra cum S. Pauli, nonnullos reperiri scribunt, qui in venerem Viticis usu excitantur. Hoc itaque incerto sub præsidio male tutam esse virtutem quis non censebit? Ab omnibus tamen ad hystericos affectus & uterinos furores compescendos in mulieribus, necnon etiam ad hypochondriaco-

driacorum virorum spasmodicos insultus sedandos, commendatur, modo illæ affectiones pendeant ab humore viscido, crasso, in visceribus hærente, qui mora sua acrior factus, nevosas partium membranas titillabit. Ille enim humor ab hoc remedio dividetur & demulcebitur. Alioquin si solidæ partes jam inflammationem contraxerint, tunc ab illius usu major fiet inflammatio & morbus ingravescet. Semen pulveratum usurpatur a ℥ss. ad ℥j. vel Emulsio ex eo sic præparatur.

℞. Seminis Viticis ℥iiij. Contunde in aq. Nenuphar. ℥vj. Fiat emulsio.

Idem semen a Vedelio in gonorrhæa commendatur. Foliorum & summitatum infusum vel decoctum menstra mulierum profluvia promovet & viscerum obstructions tollit, ulcera interna detergit & sanat, potissimum in virga; unde in gonorrhæa utile censetur.

Externe folia & summitates tumores resolvunt, splen induratum emolliunt. Suffitus ex eorum decocto ad uteri tumores a nonnullis præscribitur.

A G R I M O N I A .

AGRIMONIA & EUPATORIUM *Officinarum*: Agrimonia Officinarum, *Inst. R. H.* 301. Agrimonia seu Eupatorium, *J. B.* 2. 398. Eupatorium verum sive Agrimonia, *C. B. P.* 321. Agrimonia sive Eupatorium, *Dod. Pempt.* 28. Eupatorium Græcorum, Agrimonia Officinarum, *Lobel. Icon.* 692. Eupatorium vulgare, *Tragi.* 514. vulgo, *Aigremoine*.

Radice est nigricante, crassa, fibrosa, saporis adstringentis, caule bicubitali, hirsuto, ramoso, frondibus palmo longioribus, alternatim nascentibus, compositis ex quatuor fere foliis conjugatis & obscure virentibus, venosis, villosis, hirsutis, oblongis, crenatis, cum intermediis minoribus conjugationibus & extremo impari claudente, sapore subacri, cum quadam adstrictione. Flores longissima serie summos ramulos occupant, suaveolentes, rosei, lutei, e petalis quinque in orbem positos constantes; calyce echinato & quinquepartito, qui mutatur in fructum subrotundum, echinatum, in superiore parte hispidum, inferiore vero glabrum, tres lineas longum, unicapsum, raro bicapsularem, cum semine uno vel altero oblongo. Occurrit in satorum & pascuorum marginibus agri Parisiensis. Folia in usum veniunt.

Analyti chymica, foliorum Agrimonie recentium ℥v. præbuerunt phlegmatis limpidi primum occulte acidi, deinde manifeste acidi, ac tandem austeri, ℥iiij. ℥iiij. gr. xxiiij. humoris rufescentis empyreumatici, intense acidi & austeri ℥vj. ℥v. gr. lx. humoris subfusi, sale volatili urinoso turgidi, ℥j. ℥ij. olei melleæ crassitudinis ℥j. ℥v. gr. xxxvj. Massa nigra in retorta residua pendebat ℥v. ℥v. gr. xxvj. quæ igne reverberii calcinata reliquit cinerum rufescentium, ℥j. ℥vj. gran. xx. ex quibus salis fixi mere alcali ℥vij. gr. xxxvj. extracta fuerunt. Partium deperditio in distillatione fuit, ℥iiij. gr. lx. in calcinatione ℥iiij. ℥vij. gr. xvj. Ex hac analysi, & sapore quem folia referunt austero subsalfo, cum acrimonia quadam, & ex quodam tenui rubore quo eorum succus chartam cæruleam leviter tingit, concludere licet, hu-

hujus plantæ virtutes referendas esse ad salem Tartaro vitriolato, vel tali Coralliorum similem, cum paucō sale ammoniacali conjuncto, utroque multo sulphure crasso involuto.

Agrimonia adstrictione sua viscerum tonum laxiorem restituit & firmat; sale essentiali incidente & digerente obstructions resolvit, humores fluidiores efficit: quapropter hepaticas inter plantas recensetur. In cachexiis, hydrope, ictero, mensium suppressione & in febribus chronicis a viscerum obstructionibus, feliciter usurpatur. Insuper vulneraria dicitur, blande enim abstergit, leviter exsiccat & adstringit, ac dolores demulcet. Speciatim in vulneribus & ulceribus renum, & inde oriundo mictu cruento ab Ettmullero commendatur. Foliorum Agrimonie siccatorum pulvis ad ℥j. in vehiculo idoneo exhibitus, a Riverio in urinæ incontinentia proponitur. Ejus decoctum vino factum ab Ettmullero commendatur, cujus ℥iij. quarta quaque hora hauriat æger. Vvedelius ejusdem decoctum aqua paratum in mictu cruento & in gonorrhæa præscribit. In apozematibus, jusculis & potionibus aperientibus & vulnerariis usurpatur ad M. j. pro singulis liquoris libris, vel ejus succus repurgatus, ad ℥iij. vel iij. Utiliter quoque in decoctis adversus lue veneream paratis permiscetur, teste Simone Pauli qui refert, quemdam in lue venereæ curatione celebrem, eam pro secreto specifico habuisse. A Dolæo adversus maniam utilissima prædicatur, sed Garidellus se hoc remedium sæpius & frustra tentavisse asserit.

℞. Rad. Gramin. Rusc. & Asparagi ana ℥j. Folior. Agrimonie & Cichor. sylvestr. ana M. ij. Summitatum Lupuli, M. j. Bull. in aq. comm. ℔iij. ad ℔iij. Fiat decoctum aperiens.

℞. Rad. Eryngii & Cichor. sylvestr. ana ℥ij. Folior. Agrimon. Scolopendrii, Adianti, Bugloss. & Chærefol. ana M. j. Summ. Absynth. & florum Calendulæ ana, P. ij. Fiat decoctum cum q. s. aq. fluviatil. pro sex dosibus; in qualibet dilue Syrupi de 5. Rad. aperientib. ℥j. & Salis Martis River. gr. j. Debitis intervallis exhibeantur ad obstructions resolvendas.

℞. Succo Agrimon. repurgati ℥iij. Tinctur. Martis ℥j. M. cum jusculo vitulino in cachexia.

℞. Folior. Agrimon. M. ij. Flor. Hyperici Pug. iij. Coquantur in aq. comm. ad ℥xv. In colatura dilue Syrup. Heder. terrestr. ℥jss. pro tribus dosibus in mictu cruento.

Externe usurpatur in fomentis, aqua vel vino cocta, vel contusa sub forma cataplasmatidis, pro vulneribus atque ulceribus partium externarum recentibus & antiquis mundificandis, sordibus detergendis & carne promovenda & pro sedandis inflammationibus. In gargarismatibus quoque ad anginam & ad faucium & oris ulcera detergenda, & dolorem leniendum.

℞. Folior. Agrimon. Hyssop. ana M. j. Hordei integr. Pug. j. Ficuum ping. n. ij. Fiat decoct. In colatur. ℔j. dissolve Mellis rosacei ℥ij. Fiat gargarisma detergens & resolvens in angina.

Agrimonia in aceto vel vino cocta calide cataplasmatidis forma scroto applicata testium inflammationem sedari, Simon Pauli post Joannem Tiengium Medi-

Medicum Amstelodamensem, testatur, quod Cl. Garidellus, in *Plantar. Aquisextiensium historia* experimentis comprobavisse scribit.

Agrimoniæ flores Sambuci Hildanus confociat. Idem S. Pauli commendat decoctum Agrimoniæ & radicum Helenii ad perniones exulceratos, quo mane & vesperi pedes abluantur. Folia contusa ad ani procidentiam utiliter usurpantur. Eadem quoque nonnulli tophis venereis admovent, ad nocturnos artuum dolores mitigandos. Narrant viatores defatigatos ab iisdem foliis allevari, si ex iis pedilavium sibi parent.

Tragus Agrimoniam ad membra luxata post reductionem utilissimam asserit. Herba recens vel exsiccata cum furfure triticeo, in vappa decoquitur, quoad instar pulmenti spissescant, quod calidum imponitur.

Ex tota planta aqua distillatur longe imbecillioris virtutis, quam succus vel decoctum. Prodest exulcerationibus oris aliisque ulceribus, si ex illa colluantur. Eadem assidue potam, efficacissimam contra calculum, Petrum Bembum expertum fuisse, referunt. Quin etiam Petrus Forestus de quodam scribit, cui lapis in vesica erat, cum crebro herbam hanc cum ovis comedisset, lapidem per frustra cum lotio tandem expulsum fuisse. O! utinam tali lithonriptica virtute donetur.

Usurpatur in Decocto aperiente rubro *D. De Lorme*, in Syrupo hydragogo, Syrupo aperiente cachectico, & Syrupo Martiali aperiente cathartico, *Charas*: in Pilulis Polychrestis, seu aggregativis, Unguento mundificativo de Apio, Ung. martiato, & in Aqua vulneraria.

A L C E A .

ALCÆA vulgaris, *Officinarum*: Alcea vulgaris major, *C.B.P.* 316. *Inst. R. H.* 97. Alcea vulgaris, *J. B.* 2. 953. *Dod. Pempt.* 656. Alcea, *Tab. Icon.* 771. vulgo, *Alcée* ou *Mauve sauvage*.

Ex radice lignosa, proluxa, albida, plures emittit caules cubitales aut sesquicubitales, teretes, medullosos, raris sed tamen longiusculis pilis hirsutos. Folia quæ e radice exeunt & caulium inferiora cingunt, subrotunda, per margines incisa pediculis longis insident: quæ in caulibus sunt alternim sita, quo cacumini propiora, eo brevioribus pediculis fulta, altius incisa in quinque, ut plurimum lacinias insigniores, atrovirentia, hirsuta, præcipue averfa parte. Flores ex foliorum alis singulis singuli, in caulibus & ramorum summitatibus conferti, pediculis quadrantalibus, hirsutis, sustentur, floribus Malvæ similes purpurascēte, carneove colore, nonnunquam etiam albo: quibus succedunt semina hirsuta, per maturitatem nigra, Malvaceis similia. Ab Althæa & Malva foliorum incisuris discrepat. In agro Parisiensi sponte nascitur.

Radices & folia in usum veniunt, raro tamen nec nisi Malvæ aut Althææ defectu.

Ejus succus minus lentus & mucosus est quam Malvæ. Eadem ipsi tribuuntur virtutes, sed debiliores. Ejus decoctum in alvi torminibus & epidemiciis

micis dysenterii plurimum laudatur. In fomentis & cataplasmatibus emollientibus & resolventibus usurpatur.

ALCHIMILLA.

ALCHIMILLA seu PES LEONIS, *Officinarum*: Alchimilla vulgaris, *C. B. P.* 319. *Clus. Histor.* 108. *Inst. R. H.* 508. Pes Leonis sive Alchimilla, *J. B.* 2. *L.* 17. 598. Alchimilla, *Dod. Pempt.* 140. Leontopodium, *Brunsfelsit*: Stellaria Matthioli, *Lugd.* 1281. Stella herba Italica, *Gesner, Hort*: vulgo, *Pied de Lion*.

Ex radice minimum digitum crassa, transversa, fibrosa, nigricante, & adstringente, pediculi exoriuntur longi, sesquipalmares, hirsuti plurimi, quorum singuli folium sustinent unicum, ad Malvam accedens, sed magis durum & crispum, in octo, vel novem angulos obtusos divisum, & veluti complicatum, cum totidem nervis a pediculo ad extremos angulos prodeuntibus, concinne in ambitu crenatum. Ex foliorum medio assurgunt caules aliquot tenues, teretes, hirsuti, ramosi, dodrantes, foliis nonnullis minoribus onusti, in quorum summo flores dense glomerantur apetalii seu plurimis staminibus constantes, cum apicibus flavescentibus, calyce monotomo, infundibuliformi, herbacei coloris aut pallidi, in quatuor partes acutas diviso, inter quas totidem minores interpositæ sunt, & pistillo quod abijt deinde in semen unum aut alterum exiguum, flavescent, splendens, subrotundum, in capsula, quæ calyx floris fuit, reconditum. Delectatur locis herbosis in Alpibus & Pyrenæis, & Gallo-provinciæ montibus. Folia ad usum medicum colliguntur.

Analyti chymica, Alchimillæ foliorum recentium ℥v. per Balneum vaporosum distillatæ præbuerunt phlegmatis limpidi, herbaceo sapore, primum obscure acidi, deinde manifeste acidi ℥ij. 3x. humoris manifeste acidi & sub finem aliquantisper austeri ℥j. 3j. 3iiij. gr. xvij. Folia in alambice residua & exsiccata pendebant ℥j. 3j. 3vij. gr. xxxvj. quæ per retortam distillata exhibuerunt humoris rufescentis, tum intense acidi, tum alcali urinosi 3iiij. 3ij. gr. xvij. olei instar syrupi crassi, 3j. 3vj. gr. vj. Massa nigra in retorta superstes pendebat 3vij. 3vj. quæ per quindecim horas igne reverberii calcinata reliquit cinerum leucophæorum 3iiij. gr. xxxvij. ex quibus lixivio, salis fixi salis 3iiij. gr. lix. extracta sunt. Partium jactura in distillatione fuit, 3vj. 3v. gr. xxx. scilicet in distillatione per Balneum vaporosum 3ij. 3iiij. gr. xvij. in distillatione per retortam 3iiij. 3j. gr. xij. in calcinatione 3iiij. 3v. gr. xxxiiij.

Hæc analysi multum terræ in hac planta demonstrat, acidi multum & non mediocrem olei quantitatem; unde compositum exsurgere videtur ex sale salis Coralliorum simili, sulphure crasso involuto.

Inter plantas, quæ vulnerariæ dicuntur, recensetur. Equidem hic observandum est, Medicos vulnerarias eas dicere plantas, quæ vulneribus & ulceribus, tum internis, tum externis medentur: cum autem vulnera nonnunquam

hamor-

hæmorrhagiam conjunctam habeant, cum vetustiora in ulcus degenerent, cum circa vulnera inflammations quandoque superveniant, aut humorum extra vasa stagnantium collectiones, vel etiam obstructions ex humoribus in ipsis vasibus inspissatis, quæ omnia vulnerum sanationi plurimum obstant, idcirco, prout plantæ hæc vel illa removeere valent impedimenta, distinguuntur in diversas classes, quæ ad tres potissimum reduci possunt: scilicet adstringentes, quæ vasorum extrema corrugando, aut spissiore efficiendo sanguinem, hæmorrhagias sistunt, & solutarum partium unionem citius promoven-: abstergentes quæ mucosam & acrem colluviem vulnerum labiis adhaerentem dissolvunt: & resolventes, quæ vulnerum inflammationem compescunt, tumores resolvunt, humorum acrimoniam demulcendo & crispas fibras laxando.

Alchimilla inter vulnerarias adstringentes numeratur. Adstringendi & glutinandi virtute donatur. Sanguinem tenuem inspissat. Interne succus ad ℥iiij. aut decoctum ad ℥vj. ad vulnera & ulcera interna consolidanda, menses nimis profluentes & albos mulierum fluores coercendos, dysenteriam sanandam feliciter usurpantur: in hæmophthoe, ulcere pulmonum, mictu cruento, diabete, plurimum conferunt: herniis quoque ejus pulvis ad ℥j. vel ejus ex vino decoctum medentur.

Externe ab iisdem liquoribus vulnera & ulcera felici cum successu lavantur.

Usurpatur in potionibus & decoctis vulnerariis, clysmatibus dysentericis & unguentis vulnerariis.

℞. Alchimill. Pervinc. bellidis major. & minor. Millefolii, Pyrol. Bugul. Sannicul. ana ℥j. Vini generosi ℔j. Digerantur simul in vase idoneo, per horas sex. Deinde affunde aq. ferventis ℔iiij. Macerentur adhuc simul per aliquot horas, vas identitem agitando. Deinde fiat colatura. Dosis ad ℥vj. Singulis dosibus adde Syrupum de Hedera terrestri ℥j. Mane & fero iteretur in casu ab alto, abscessibus internis.

℞. Succor. Alchimillæ & Plantag. ana ℥iiij. Coralli rubr. pp. Antihectici Poterrii ana ℥j. Syrupi de Symphyto ℥j. Fiat potio cochleatim sumenda in hæmophthoe.

℞. Folior. Alchimill. & Pervinc. exsiccator. & pulveratorum ana ℥j. Rad. Consolidæ major. pulverat. ℥ij. Corall. rubr. Boli Armeni & Terræ sigillatæ pp. ana ℥j. Conserv. Rosar. ℥ss. Syrupi Granator. q. s. M. F. Opiata. Dosis ℥ij. mane & fero, vel etiam sæpius in sputo cruento, & hæmorrhagiis uterinis.

Nonnullæ, referente Friderico Hofmanno, quibus libata virginitas, solenter norunt decocto Alchimillæ in forma infusus, sibi reparare dolosam *σενοχωρίαν*, & illibatum mentiri virginitatis florem. Eadem ejus decocto mammas laxas & flaccidas nimis, linteo decocto ejus intincto & imposito firmas ac turgidulas efficere tentant.

ALKEKENG I.

ALKEKENG I, HALICACABUM & SOLANUM vesicarium, *Officinarum*: Alkekengi Officinarum, *Inst. R. H.* 151. Solanum vesicarium, *C. B. P.* 166. Solanum Halicacabum vulgare, *7. B.* 3. 609. Solanum vesicarium, *Dod. Pempt.* 454. Saxifraga rubra & 4. *Brnnsfelsii*: Vesicaria, *Cordi*: vulgo, *Alkekenge*, *Coqueret*, ou *Coquerelle*.

Radicibus geniculatis, tenues fibras spargentibus, repit in vinetis, caulesque profert cubitales, subrubentes, subhirsutos, & ramosos, ad quorum nodos folia oriuntur bina simul ab eadem caulis parte, pediculis longis appensa, Solani hortensis foliis similia, sed ampliora, per margines non crenata. Ex foliorum alis singulis, singuli exeunt flores pediculis semiuncialibus aut uncialibus, tenuibus, hirsuti fulti, monopetali, rotati, pelyiformes, quinquifidi, albidi, cum apicibus concoloribus & calyce campaniformi, qui ampliatur in folliculum membranaceum, primum herbaceum, deinde phæniceum, pentagonum, in quo continetur fructus Cerasi forma, magnitudine & colore, mollis, carnosus, saporis primo subacidi, deinde intense amari, seminibus compressis, orbiculatis & flavescens turgidus. In agro Parisiensi sponte nascitur. Fructus solus in usum venit.

Analyfi chymica, ex Cerasorum Alkekengi maturorum & recens collectorum ℥v. per retortam distillatis; prodierunt phlegmatis limpidi fere inodori & insipidi, quod tamen falsi obscuri & postea acidi occulti notas præbuit, ℥ij. ℥vj. ℥j. gr. xij. humoris manifeste acidi & nonnihil austeri ℥j. ℥ix. ℥ij. humoris rufi, empyreumatici, saporis acidi, cum quadam acrimonia, ℥vj. olei ad syrupi consistentiam accedentis ℥ij. gr. xii. Massa nigra in retorta superstes pendebat ℥vij. gr. lx. quæ per 12. horas calcinata igne reverberii reliquit cinerum nigricantium ℥j. ℥v. gr. xxiiij. ex quibus lixivio, salis fixi, mere alcali ℥j. gr. xxxvj. extracta fuerunt. Partium jactura in distillatione fuit, ℥viiij. ℥j. gr. lx. in calcinatione ℥v. ℥iiij. gr. xxxvj.

Itaque nullum salem volatilem concretum, nullumque urinosum spiritum ille fructus exhibuit, multum vero salis alcali fixi & salis acidi, cum olei acris mediocri portione, unde compositum exsurgit Oxysali diaphoretico Angelī Salæ non prorsus dissimile.

Alkekengi cerasa seu fructus usitatissimi sunt ad urinam promovendam, ejus acrimoniam demulcendam & saburram a renibus & vesica deturbandam, forasque protrudendam. Ad Regium quoque morbum commendantur. Sumi possunt crudi tres, quatuor, sexve & amplius, aut saccharo conditi, vel vino infusi, vel in sero lactis, aliove liquore conveniente decocti, vel exsiccati & in pulverem redacti & in quovis liquore commisti. Eorum decoctum cum radice Liquiritiæ in dysuria laudatur. Arnaldus Villanovus & Cæsalpinus hydropicis & urinæ suppressione laborantibus, vini haustum, in quo fructus aliquot contusi fuerunt, potandum suadent. Quinque vel sex fructus contunduntur in emulsionibus, & ægrotanti, dum in balneo sedet, pro-

propinantur, ad urinæ suppressionem & in dolore nephritico. Iisdem in affectibus, eorum succus expressus & coctione defœcatus ad ℥j. præscribitur, aut ad extracti spissitudinem extractus, ad ℥ss. Ex eodem succo recens expresso & musto simul fermentatis, vinum diureticum & ad arenulas expellendas præparatur, ad ℥iiij. mane jejuno ventriculo, propinandum.

℞. Semin. quatuor frigidior. major. ana ℥j. Contund. sensim affundendo aq. Parietar. ℥vj. sub finem adde & contere baccar. Halicacabi n. v. Fiat expressio, in qua dissolve Syrup. de 5. Rad. aper. ℥j. Fiat emulsio in urinæ suppressione, propinanda.

℞. Rad. Petrosel. & Asparag. ana ℥ij. Virgæ aureæ, M. ij. Nitri purificati ℥ij. Bull. in aq. comm. ℥xxiv. ad xvij. Fiat colatura, in qua contundantur fructus Alkekengi n. xx. Milleped. vivor. n. cc. Affunde vini albi generosi ℥xviiij. Hauriat æger, partitis vicibus, tertia quaque hora, ad urinam promovendam, arenulas propellendas & saburram ex renibus & vesica efficaciter abluendam, præmissis præmittendis.

℞. Oculor. Cancror. ʒj. Pulver. Milleped. gr. xij. Extracti Alkekeng. ℥ss. M. F. Bolus in dolore nephritico.

Civis quidam Augustanus, narrante J. Rajo, morbo articulari gravissime laborans, ita ut sæpe per integrum semestre decumberet, cœpit cujusdam suasu, singulis lunæ mutationibus, in ipso illarum puncto, octo fructus Alkekengi comedere, vel contusos e vino bibere: ita expelli sibi per urinam materiam mire fœdam, totumque se ab hoc morbo liberum affirmabat.

Suffitus seu fumus, referente eodem post Ettmullerum, ex contuso Halicacabi fructu cum cera misto, & in laminam ferream ignitam injecto, ore excipitur, quo catervatim vermes e dentibus cum sputo copioso rejecti & crudelissimi dolores sopiti observati fuerunt.

Usurpantur in Trochiscis de Alkehengi dictis *Ph. universal. Lemery.* in syrup. de Cichor. composito & in syrupo antinephritico *Ph. Reg. Charas.*

A L L I A R I A.

ALLIARIA, *Officinarum*: Hesperis Allium redolens, *Moriss. Histor.* 252. *Inst. R. H.* 222. Alliaria, *Matthiol.* 843. *J. B.* 2. 883. vulgo, *Alliaire.*

Ex radícula tenui, lignosa, alba, Allium redolente, caules promit cubitales & sesquicubitales, tenues, subhirsutos, teretes, striatos, solidos. Folia primum rotunda Hederæ terrestris modo, sed longe majora, mox nonnullum acumen assequuntur, per ambitum crenatâ, pallide virentia, glabra, pediculis longis nixa, sapore & odore Allii mitiore, ad intervalla longiora, in caulibus alternos aut nullo ordine sita. In summitate caulis & ramulorum flores multi, cruciformes, quatuor scilicet petalis constantes, albi, nascuntur: quorum ex calyce surgit pistillum quod deinde abit in fructum seu siliquam membranaceam, teretem, septo intermedio, cui valvæ imbricatæ utrinque adhærescunt, in duo loculamenta divisum, seminibusque fetum oblongis, teretiusculis, nigris, incerti numeri quæ veluti nidulantur in scrobiculis

culis septi intermediis. Tota planta contrita Allium redolet. In dumetis & foliarum aggeribus agri Parisiensis nascitur. Omnes plantæ partes usitatae sunt.

Analyſi chymica, ex Alliariae folior. recenter collectorum lbv. prodierunt phlegmatis limpidi, Allium sapore & odore aliquantisper referentis, subacidi lbj. ℥xij. ℥ij. humoris rufescentis primum acidi, austeri, deinde empyreumatici, tum intense acidi, tum alcali urinofi lbj. ℥ix. ℥iiij. gr. lxx. humoris fusci, sale volatili urinoso copioso imprægnati ℥j. ℥ij. salis volatilis urinofi, concreti, gr. xxxvj. olei adiposæ crassitie ℥j. gr. lx. Massa nigra in retorta superstes pendebat ℥iiij. ℥ij. quæ igne reverberii calcinata reliquit cinerum ℥ij. ℥j. gran. vj. ex quibus salis fixi mere alcali ℥vj. gran. l. lixivio extracta sunt. Partium jactura in distillatione fuit ℥ij. ℥j. gr. l. in calcinatione ℥ij. ℥j. gr. lxxvj.

Alliaria intense amara est, Allium redolet & chartam cæruleam subrubram efficit; unde & ex analysi concludere possumus sale donari ammoniaco simili, multo sulphure intricato. Planta recens urinam ciere dicitur; sicca veneno adversari, si in vino coquatur. Decoctum ejus asthmaticis plurimum confert. Nonnulli folia in enematis incoquant ad colicos, flatulentos & nephriticos dolores. Semen tritum, naribusque attractum sternutamenta excitat. Idem contritum & emplastri modo vulvæ admotum mulieres uteri strangulatu oppressas liberat & excitat.

Externe putredini resistit. Fabricius Hildanus Veris tempore, sub finem scilicet Aprilis vel ineunte Majo, Alliarium colligere solebat, & postquam per diem unum in umbra paululum exsiccata fuerat, minutim incidebat, in mortario contundebat, succumque in prælo exprimebat, quem in ampullis vitreis, superinfuso paululum olei, annum integrum, imo ad tres usque annos reservabat. In ulceribus putridis & sordidis, uti in gangrenis, eo utebatur feliciter, & tamquam præstantissimum remedium prædicavit.

A L L I U M.

ALLII species duæ in Officinis, seu potius in culinis usitatae sunt; scilicet Allium vulgare & Allioprasum seu Opioscorodum.

ALLIUM vulgare, *Officinarium*: Allium sativum, C. B. P. 73. *Inst. R. H.* 383. Allium vulgare & sativum, J. B. 2. 554. Allium *Dod. Pempt.* 682. vulgo, *Ail.*

Huic pro radice bulbus est tenuissimis membranis ex albido dilute admodum purpurascentibus velatus, ex pluribus coherentibus nucleis separatim circumvestitis, coagmentatus, sapore peracri, odore gravissimo; a quo inferius tenues fibræ seu capillamenta dimittuntur. Foliis viret oblongis, non fistulosis, ut in cepis, sed gramineis, inter quæ scapus procerus, enodis, concavus, glaber, assurgit & fastigio capitulum sustinet acuminatum, candida membrana velatum, qua per maturitatem disrupta flores apparent glomeratim congesti, liliacei, ex petalis sex albidis compositi. Floris uniuscujusque meditullium pistillum occupat, quod deinde abit in fructum subrotundum,

dum, Pisi magnitudine, colore foris purpurascente, sed pulpa interiore candida, sapore & odore bulbi nucleis similem, in tria loculamenta divisum, feminibusque fetum subrotundis, nigricantibus. Hic feritur in hortis. Bulbosa radix in usum venit.

ALLIOPRASUM, SCORODAPASUM & OPHIOSCORIDUM, *Officinarum*: Allium sativum alterum sive Allioprasum caulis summo circumvoluto, *C. B. P.* 73. *Inst. R. H.* 383. Scorodoprasum secundum, *Clus. Hist.* 191. Allii genus, Ophoscordon dictum quibusdam, *J. B.* 2. 559. vulgo, *Rocambole*.

Ex bulbo multis nucleis constante, fibrisque numerosis, exalbidis, capillato fessili parte, tunicis cepaceis binis vel ternis, ex albo purpurascentibus circumvestito, caulis assurgit singularis, minimi digiti crassitudine, sesquicubitalis aut bicubitalis, foliis ut plurimum quinque porraceis, carinatis, donatus, quæ postquam caulem aliquousque involverunt, ab eo abscedentia & reflexa terram spectant, medio inter Porrum & Allium odore. Suprema vero caulis pars nuda, viridis, lævis, in gyrum unum aut alterum spirarum serpentinarum more intorquetur, donec tandem caput erigat vagina involutum albicante, corniculata, extra volumina protensa, longa & rostrata, qua dehiscente, bulbuli apparent congesti, initio purpurascentes, postea exalbidi, & inter eos flores Allii floribus haud dissimiles. Tota planta gravem Allii odorem spirat. In hortis ad culinarium usum colitur.

Analyfi chymica, ex bulborum Allii à pelliculis mundatorum ℥v. prodierunt phlegmatis limpidi Allii odorem & saporem apprime referentis, primum falsi & subacidi, deinde subsalsi & intense acidi ℥ij. ℥v. ℥iij. gr. vj. humoris limpidi, intense acidi, ac tandem austeri ℥j. ℥v. ℥iij. gr. xxiiij. humoris limpidi rufescentis tum subacidi, tum alcali urinosi & sale volatili urinoso imprægnati, ℥iiij. ℥ij. gr. lxxvj. salis volatilis urinosi concreti gran. xij. olei crassioris ad extracti spissitudinem ℥ij. ℥iiij. gr. xliij. Massa nigra in retorta residua pendebat ℥xiiij. ℥j. quæ per novem horas igne reverberii calcinata reliquit cinerum ℥j. ℥j. gr. vj. ex quibus salis fixi falsi ℥iiij. gr. viij. lixivio extracta sunt. Partium lactura in distillatione fuit ℥ij. gr. lxxvj. in calcinatione ℥xj. ℥vii. gr. lxxvi.

Allium itaque constat ex sale ammoniacali cum oleo tum tenui, tum crasso, acri, copioso, sed summæ expansionis capace, conjuncto.

Allium tenuibus actuosis & acribus partibus donatur, quod non solum odore vehemente, sapore acri & nonnihil caustico & analyfi chymica comprobatur, sed etiam variis experimentis demonstratur. Si enim emplastra ex Allio contuso plantis pedum applicentur, oris halitus Allium spirabit. Allium gallinis & altilibus cum esca objectum saporem & odorem suum in eorum carne & ovis prodit. Christoph. Bennetus M. Lond. in *Theatro Tabidorum exercitat.* 29. asserit fonticulos agrorum membris vel incisos vel inustos, in rarioris texturæ hominibus, Allii intus sumpti, post tertiam aut quartam a comestione horam, odorem reddere. Costæus observat, Allium non tantum vesicas excitare, sed etiam cutim corrodere.

Allium apud quasdam nationes solitum & palato gratum est alimentorum

condimentum, licet plurimis execrandum & intolerabile videatur. Sebizius enim, *De Alimentorum facultatibus*, scribit, Allium alimentum præbere paucissimum, idque pravum & acre: fugiendumque esse cholericis & sanguineis. Iis vero qui debiliores sunt stomacho ciborum appetentiam excitat, concoctionem juvat. Milites, Nautæ, & rustici crudas aquas aut corruptas, vel alimenta pravæ aut difficilis coctionis, Allio corrigere tentant.

Alexipharmacum præstantissimum a nonnullis habetur, in morbis contagiosis & adversus venena frigida intus sumpta. Quidam Allium ferentes se ab omni contagio immunes fore existimant: alii ægros putridis febribus infestos invisere coacti bulborum particulam unam aut alteram in ore detinent ad contagium præcavendum. A Galeno Theriaca rusticanorum dicitur. Plateus *Tractatu de Febribus*, Allium commendat peste laborantibus, in hydromelite decoctum & ad ℥ij. circiter exhibitum, ad sudores & urinas propellendas. Hungari, inquit Joann. Bockelius de Peste, pestis tempore non habent certius remedium quam Allium. Aliæ plures ipsi tribuuntur virtutes, scilicet humorum putredini resistendi, urinas & arenulas propellendi, colicos dolores flatulentos sedandi, lumbricos enecandi. Ad hos affectus a vulgo sæpissime vel in lacte vel in juscule decoctum hauritur, vel clysteris modo in intestina injicitur, aut umbilico contusum epithematis modo admovetur. Illud idem Galenus, Schenckius, Zacutus & Borellus ad ventris tormina & flatus discutiendos sæpius comprobatum remedium esse asserunt: tunc aliquot haustus aquæ calentis in qua Allii bulbus minutim sectus maceratus fuit, ægrotantibus utiliter propinantur. Forestus in suis observationibus testatur hydropicorum aquas nonnunquam evacuassee, & adversus scorbutum a Laurembergio commendatur. Asthmati conducit & expectorationem promovet in thoracis affectionibus catharrofis: Dr. Boovles Medicus apud Anglos celeberrimus pro arcano habuit in asthma, Allium conditum sic paratum.

℞. Allii bulbor. q. l. Denudatis pelliculis, coque in aq. limp. q. s. in vase clauso ad teneritudinem. Exempti bulbi linteo siccentur, & in olla vitreata reconduntur. Tum.

℞. Decocti supradicti & aceti acerrimi tantumdem & cum Sacchari albissimi q. s. fiat Syrupus qui bulbis superaffundatur vase probe obturato: serventur ad usum. Dosis, unus duo vel tres bulbi mane deglutiantur, cum syrupi cochleari uno vel altero, ad asthma humorale.

Allium ipsum dosi admodum exigua sumendum est. Infusum unius bulbuli in vini albi ℥vj. vel ℥viij. percolatum propinatur. In lactis vero lbj. bulbuli duo vel tres contriti decoquuntur.

Verum ejus frequentior usus molestus est & noxius. Cum enim aliquantisper causticum sit, ventriculum & viscera inflamat, æstumque in humoribus accendit. Hinc flatus parere nonnulli asserunt, sitim excitare observant, capitis dolorem inferre, oculis & sensuum organis nocere. Isbrandus de Diemerbroek, *T. de Peste*, plurimorum Medicorum auctoritate & propria experientia fretus, Allium in morbis pestilentibus non tantum non utile esse, sed noxiam pronuntiat. Fallopius, C. 101. *De Morbo Gallico*, p. 847.

notant Allii & Ceparum usum illis qui lue venerea laborant valde nocivum esse. Quin & hæmorrhoidibus laborantes lædere Pisanellus, *De Esculentor. & Potulentor. facultatibus*, auctor est. Allii succus potus hominem non modo turbat, sed etiam interficit, annotante Spigelio, *Isagoge lib. 2. cap. 16.* Crantzius *Histor. saxon. l. 3. c. 3.* narrat, Arnulphi Imperatoris vitam terminatam fuisse vermiculis in ejus carne ex nimia Allii comestione genitis. Itaque cum vel prævum vel nullum omnino corporis alimentum gignat, illud cum Simone Pauli potius ex culinis eliminemus, quam ut condimenti saltem loco cuique integra valetudine fruendi commendemus.

Externe Allium in mortario cum oleo Olivarum contusum & in unguentum redactum, tumores frigidos potenter resolvit: puerorum umbilico inunctum vermes interimit: idem cum adipe suillo tritum & plantis pedum admotum, multum conducit ad pulmonum canales aperiendos & ab infarctu liberandos in asthmate, annotante J. Raio. Ejus succus cum Melle & Butyro permixtus porriginem (*la teigne*) & psoam sanat. Idem succus ad ambusta plurimum valet. Ad arthriticos dolores sedandos Allii & Sedi majoris partes æquales contendantur in pulvem & parti dolenti applicentur. Allii bulbus detracto cortice in frustula oblonga scissus & in aurem intrusus dentium dolorem compescit: ejus succus cum pauxillo Theriaces mistus & in aurem instillatus idem efficit, Tertianæ febris hoc remedio sæpe profligata fuit.

℞. Allii contusi ʒj. Fuliginis splendentis ʒj. Piperis longi ʒj. Croci, Camphoræ ana ʒss. Misce. Fiant Epicarpia ante paroxysmum applicanda.

Observandum autem est omnia remedia ex Allio tum externa, tum interna, minime convenire, ubi datur catarrhus tenuis, acris, sputum cruentum, constitutio calida, sanguinis aut præcordiorum æstuatio.

A L N U S.

ALNUS, *Officinarum*: Alnus rotundifolia glutinosa, viridis, C. B. P. 428. J. R. H. 587. Alnus vulgaris, J. B. I. 151. Alnus, *Dod. Pempt.* 839. vulgo, *Aulne*.

Arbor est alta ac procera, caudice recto, mediocris crassitudinis, cortice scabro, fragili, nigricante, ligno subrubente, molli, levi, tractabili, ramis valde fragilibus medullosis, cortice tectis externe subcinereo, intus subluteo, amaro cum adstrictione & ingrato: foliis latis, Avellanæ vulgaris, rotundioribus, nervosis, crenatis, viridibus, splendentibus, tactu glutinosi: in ramulorum fastigiis juli seu flores amentacei dependent multi, primo virentes, deinde rubentes, unciam circiter longi & fragiles antequam se explicaverint, evoluti enim duas uncias superant. Componuntur ex floribus plurimis, glomeratis, axi affixis, quorum singuli plurimis staminibus e calyce quadripartito surgentibus, constant. Steriles sunt; aliis enim in locis fructus nascuntur: conuli sunt magnitudine parvæ Avellanæ, primo virentes, ubi maturescunt rubentes & mox hiantes, ex imbricata squammarum compage congesti, e quibus oriuntur filamenta quædam prominula, pur-

purea, bifida, embryonibus infidentia. Embryones autem abeunt in semina exigua, compressa, inæqualia, rubentia, medulla pauca alba repleta, sapore manifesto destituta. Juli & coni sapore adstringente donantur cum aliqua amaritudine. Nasceitur in humidioribus & uliginosis locis agri Parisiensis. Cortex & folia in usum sed raro veniunt.

Sale essentiali tum acido stiptico, tum Ammoniacali oleo & terra involuto donantur. Viribus ad Quercus corticem & folia proxime accedunt. Ex Alni cortice cum ferro detrito & rubiginoso per aliquot dies aqua macerato, color efficitur niger atramenti similis, quo nonnulli ad tingendum utuntur. Idem pro atramento scriptorio conficiendo Gallæ vices supplere potest.

Cortex, juli, & fructus adstrictione donantur: eorumque decoctum ad oris & tonsillarum inflammationes ac humores conducit: eoque sub nomine, in gargarismatis repercutientibus & resolutivis usurpatur. Cortex contusus incipientibus inflammationibus utiliter imponitur.

Alni folia viridia externe admota tumores discutiunt & inflammationes extinguunt. Veteribus vulneribus sæpius imposita ad sanitatem perducere feruntur. Alpium incolæ paralyticos curant, foliis Alni sudorem proficiendo, eos potissimum qui paralysem a causa externa contraxerunt, nempe vel in locis humidis habitando, vel super terram dormiendo. Saccos foliis Alni repletos Solis radiis exponunt vel in furnum calentem immittunt donec incallescant: eosdem deinde ægrotantibus substernunt & superimponunt, sicque derelinquunt donec sudor copiosus diffluat. Quod pluries reiteratur, donec æger sanatus sit. Eodem remedio rheumatici & ischiadici dolores curantur. Iis qui lue venerea afficiuntur ad dolores venereos restinguendos prorsus inutile est, annotante Tournefortio.

Unicuique notum est Alni lignum, quod extra aquas non diu incorruptum durat, sub ipsis aquis ac in aquosis fere ad æternitatem immortale non putrescere & ædificiorum fundamenta ac immania structurarum pondera sustinere.

A L S I N E.

ALSINE vulgaris, Morfus Gallinæ, *Officinarum*: Alsine media, C. B. P. 250. *Inst.* R. H. 242. Alsine vulgaris sive Morfus Gallinæ, J. B. 3. 362. Alsine minor, *Dod. Pempt.* 29. Hippiæ minor, *Cordi*: Morfus Gallinæ i. genus, *Tragi*, 385. vulgo, *Morgeline*, & a nonnullis, *Mouron*.

Ex radiculis capillaribus & fibratis, cauliculos plures, humi stratos, repentes, tenellos, hirsutos, subrubentes, geniculatos, ramosos emittit, ad quorum nodos folia bina ex adverso nascuntur subrotunda, acuminata, tres, quatuorve lineas longa, duas, tresve lata, pediculis innixa, subhirsuta, virentia. Flores ramulorum extrema occupant, rosacei, plurimis scilicet petalis bifidis constantes, candidis, striatis & calyce quinquefolio villosa, ex quo surgit pistillum quod abit in fructum membranaceum, unicapsularem, conicum, apice dehiscentem, seminibusque fetum minutissimis, sub-rufis, placentulæ quasi racematim affixis. In uliginosis locis ad sepes & vias.

vias, itemque in vineis & hortis, inter olera passim provenit in agro Parisiensi. Usus est herbæ.

Analyſi chymica, Alſines floridæ ℥v. per balneum vaporosum diſtillatæ præbuerunt phlegmatis ſaporis & odoris herbacei ſubſalſi ℥iiij. ℥v. ℥vij. Planta reſidua exſiccata pendebat ℥viiij. ℥vj. gr. xxxvj. quæ per retortam diſtillata præbuit humoris ruſeſcentis ℥ij. ℥v. gr. xxxvj. ſalis volatilis urinoſi concreti grana aliquot; olei ſyrupi ad inſtar craſſi ℥j. ℥iiij. gr. lj. Maſſa nigra in retorta ſuperſtes pendebat ℥iiij. ℥vi. quæ per decem horas igne reverberii in crucibulo calcinata reliquit cinerum nigricantium ℥ij. ex quibus ſalis fixi mere alcali ℥j. lixivio extracta fuit. Partium jactura in diſtillatione fuit ℥ij. ℥j. gr. lvij. in calcinatione ℥j. ℥vj.

Folia ſapore herbido ſubſalſo donantur. Eorum ſuccus chartam caruleam ſubrubram efficit: unde liquet plantam ſale Ammoniacali Nitroſo donari cum oleo & terra permixtis & multo phlegmate dilutis.

Huic plantæ vis reſolvendi, diſcutiendi & præterea refrigerandi tribuitur. Ejus decoctum oculorum inflammationes ſedat. Eadem ipſi quæ Portulacæ virtutes a Trago tribuuntur. Ad cruentam expuitionem planta minutim ſecta & cum ovis permixta & cocta comeditur. Plurimi eam nutrire aſſerunt atque reſtaurare eos quorum vires morbo diuturno fractæ, phtifiſm & maraſmum minitantur. Emmanuel Konig M. Baſileenſis, in epilepſia puerorum, illam intus ſumptam commendat & externe eorum abdomini admotam in butyro frixam, ad eorum tormina ſedanda. Herba contuſa hæmorrhoidum dolores ſedat cataplaſmatis modo appoſita, lac quoque grumofum, mammis admotum reſolvit. Ejus ſuccus defæcatus ad ℥j. in juſculo; foliorum in umbra exſiccatorum pulvis ad ℥j. aut eorundem manipulus unus in aquæ ℥vj. decoctus ſolent præſcribi. Ejus ſuccus vel decoctum vulnera & ulcera detergit & ſanat. Simon Pauli ejus decoctum adverſus ſcabiem commendat, ſi addito momento cineris Fagi vel ſalis manus & pedes laventur.

Paſſeribus Canariis cibum temperatum præbet.

A L T H Æ A.

A L T H Æ A, Ibifcus, Biſmalva, Malvaviſcus, *Officinarium*: Althæa Dioſcoridis & Plinii, *C. B. P.* 315. *Inſt. R. H.* 97. Althæa ſive Biſmalva, *7. B.* 2. 954. Althæa Ibifcus, *Dod. Pempt.* 655. vulgo, *Guimauve*.

Radicibus eſt albis, numeroſis, digitum craſſis, ab uno capite pendentibus, fibroſis, mucagine lenta turgidis. Caules cubitales ſunt aut bicubitales, tenues, teretes, villoſi, foliis alternis donati, e rotundo acuminatis, caneſcentibus, molli lanugine pubeſcentibus, tres uncias circiter longis, ſinuofis, ſerratatis, longo pediculo inſidentibus. Flores in foliorum aliſ naſcuntur ex albedo non-nihil rubentes, monopetali, in quinque ſegmenta ad centrum uſque diviſi, in quo ſtylus adeſt pyramidalis, tubuloſus, ſtaminibus onuſtus, in cavitate ſua excipiens piſtillum quod abit in fructum orbicularem, compreſſum, e pluribus capſulis, annuli in modum diſpoſitis, circa placentam mediam conflatum.

Capsulæ membranaceæ sunt, tenues, reniformes & semen continent ejusdem formæ. In agro Parisiensi nihil Althæa vulgatus in paludosis & secus rivulos. Usu sunt radices, folia, flores, semina. Sed radices magis usitatæ.

Analyfi chymica, ex foliorum & summitatum Althææ recentium lbv. per retortam distillatis, prodierunt phlegmatis liquidi fere inodori & insipidi, obscure acidi, ℥x. ℥iij. gr. xlvij. humoris limpidi primo manifeste acidi, deinde austeri, tandem empyreumatici lbij. ℥vj. ℥v. gr. liv. humoris empyreumatici, rufi, sale volatili urinoso imprægnati, ℥ij. ℥ij. gr. xlij. salis volatilis urinosi, concreti, gr. lx. olei crassi ac mellei ℥j. ℥vj. gr. xxxvj. Massa nigra in retorta superstes pendebat ℥vj. ℥iij. gr. xlvij. quæ in crucibulo igne reverberii calcinata, reliquit cinerum ℥iij. ℥j. gr. viij. ex quibus salis fixi mere alcali ℥j. ℥j. gr. viij. lixivio extracta sunt. Partium jactura in distillatione sunt ℥iij. in calcinatione ℥iij. ℥iij. gr. xl.

Ex lbv. recentium Althææ radicum, quarum medulla lignosa, funis instar, adempta fuerat, prodierunt phlegmatis limpidi, inodori, insipidi & obscure falsi lbj. ℥x. gr. lxiiij. humoris subacidi, subsalsi & austeri lbij. ℥viij. gr. xiiij. humoris empyreumatici, rufescentis, tum acidi, tum alcali, urinosi & austeri ℥iij. ℥ij. gr. xvij. olei adiposæ spissitudinis & aqua gravioris ℥j. ℥v. gr. xvij. Massa nigra in retorta superstes pendebat ℥v. ℥vj. gr. lxiiij. quæ igne reverberii calcinata reliquit cinerum ℥ij. ℥iij. gr. xx. ex quibus salis fixi mere alcali ℥vij. gr. xlij. lixivio extracta fuere. Partium jactura in distillatione fuit ℥iij. gr. xl. in calcinatione ℥iij. ℥ij. gr. xliij.

Folia Althææ succo turgent insipido, glutinoso, qui cæruleæ chartæ colorem nullo modo mutat. Idem mucosus succus in radicibus luxuriat, quo tamen, licet gustu insipido, charta cærulea subrubro colore perfunditur. Folia & radices perparum urinosi liquoris, analyfi chymica, fundunt, plus vero præbent salis alcali fixi, mediocrem acidi liquoris portionem, multo copiosiorrem falsi & austeri quantitatem. Unde concludimus, mucosum hujus plantæ succum ex terra tenui ac subtili, sale terræ foliatæ tartari simili, oleo copioso intime permixtis, & multo phlegmate dilutis componi. Folia salis volatilis aliquantulum suppeditant, unde nonnihil salis Ammoniacalis continere censemur: radices vero minus urinosi liquoris & paulo plus salis acidi manifesti continent, quandoquidem cæruleum chartæ cæruleæ colorem in rubrum mutant.

Ab illa mucagine lenta & subdulci qua Althæa turget, pendent potissimum illius virtutes, emolliendi nempe, laxandi, discutiendi: dolores leniendi, tumores maturandi, humorum acrimoniam mitigandi & corrigendi. Folia ob aliquam salis Ammoniacalis portionem paulo magis quam radices resolvunt.

Ad quatuor præcipue Althæa utilis esse perhibetur.

I. Ad affectiones renum & vesicæ ab urinæ acrimonia, a calculo aut ab arenulis oriundas, urinæ sales mucosis suis partibus involvendo, abrasum urinarum viarum mucum quodammodo restituendo, & arenularum descensum exitumque faciliorem efficiendo.

Decoctum foliorum & præsertim radicum epotum aut in apozematis, emulsionibus & aliis potionibus ejuscemodi propinatur. In decoctis diureticis quoque utiliter præscribitur ad diureticorum vim & acrimoniam contemperandam.

2. Ad affectus pulmonum, tenuiorem pituitam inspissandam, acrem & salisam demulcendam, asperam arteriam corrugatam illiniendam, exsiccata emolliendam, expectorationem promovendam, in raucedine, tussi, catarrhis, asthma, phthisi, pleuritide. Tuncque radicum decoctum, syrupus, pastilli seu rotuli & linctus ex ejus mucagine feliciter usurpantur, & nonnumquam cum medicamentis incidentibus & attenuantibus, velut Iride Florentina, floribus Sulphuris, floribus Benzoini & aliis utiliter adhibetur.

3. Ad intestinorum erosiones & dysenterias ejusdem decoctum epotum aut in clysteribus injectum prodest non quidem adstringendo, sed succorum acrimium & erodentium acrimoniam retundendo & intestinorum membranas mucosoliatas illiniendo: necnon etiam in alvi profluviiis cum adstringentibus, Tormentillæ, ex. gratia, Bistortæ, aut similium radicibus, ad dolores mitigandos apposite quidem Althæa consociatur.

4. Denique ad tumores duros emolliendos & maturandos, dolores sedandos, cataplasmata ex seminibus, foliis & radicibus præparata; lotiones quoque & fots ex eorum decoctis utiliter adhibentur, aut cum medicamentis resolventibus ad eorum vim retundendam, ubi inflammatio metuenda est, permiscuntur.

Folia paulo plus resolvunt quam radices, ratione salis Ammoniacalis quem continent.

Radices Althææ acrimonia præditas esse arguit Georgius Segerus qui in *Ephem. German. an. 9. & 10. Observ. 100.* ex applicatione hujus radicis contusæ & in aqua simplici decoctæ, plurimas pustulas rubicundas & dolorificas membrum adeo exasperavisse, ut undique plane exulceratum apparuerit, observat. Verum perperam radicis acrimoniæ pustularum eruptio tribuitur, quæ effectus est humoris acris & caustici e profundo ad summam cutim evecti, tepore nempe cataplasmatidis quo humor resolutus fuit & ad perspirationem dispositus. Quinimo S. Pauli observat radicis Althææ mucilaginem aqua Rosarum extractam illitam, eos mitigare dolores qui arte a sinapismis & vesicatoriis excitantur, si nimis molesti sint.

Dum Althææ radices in ptisanis & apozematibus præscribuntur; observandum est ne majori copia in his injiciantur, nec diutius coquantur, alioquin mucosum & glutinosum nimis fit decoctum, palato ingratum & stomacho grave. Iisdem sub finem coctionis adjiciuntur ad ℥j. pro decocti libris duabus, folia ad M. j. & flores ac semina ad ℥j. aut ℥ij. pro unaquaque libra.

℞. Rad. Althææ & Nymphææ ana ℥ij. Coquantur in aquæ comm. ℔iiij. Fiat colatura, in qua dilue Nitri purificati ℥ij. Fiat decoctum per cyathos propinandum in dolore nephritico, ardore & suppressione urinæ.

℞. Glycyrrhizæ rasæ & contusæ ℥ij. Rad. Althææ ℥j. Folior. Malvæ M. ij. Passu-

Passular. exacinar. ℥vj. Coquantur in aq. fluviatil. q. s. Fiat apozema pectorale.

℞. Rad. Althææ ℥iiij. Folior. Althææ, Malvæ, florum Chamæmeli, Meliloti ana M. j. Ficum ping. n. iiij. Fiat cataplasma s. a.

℞. Radicum Althææ, bulbor. Lilior. ana ℥iiij. Folior. Althææ, Malvæ, Vio-
lar. Senec. & Branc. ursin. ana M. ij. Flor. Chamæmeli & Meliloti ana
M. j. Semin. Lini & Fœnugræc. ana ℥j. Radices & folia minutim incisa
floribus & seminibus permista, duobus æqualibus & aptæ amplitudinis
sacculis excepta in aq. comm. q. s. vel ℔x. ad putrilaginem usque de-
coquantur; sacculique manibus leviter expressi, parti inflammata & ac-
dolenti alternatim tepide admoveantur, per horam unam aut alte-
ram, illisque remotis oleo Liliorum vel unguento de Althæa pars af-
fecta illinatur.

Ex Althææ radicibus præparantur Mucilago, Syrupus de Althæa simplex,
Syrupus de Ibisco compositus, Tabellæ seu Pastilli, & Unguentum.

Mucilago ex radicibus coctis per setaceum extrahitur, ex qua Conditum &
Pastilli cum Saccharo conficiuntur, in catarrhis, raucedine & in aliis gutturis
affectionibus summæ utilitatis. Externe papillarum scissuræ hac mucagine illi-
tæ consolidantur, partes ambustæ sanantur.

Syrupus de Althæa simplex fit ex Althææ radicum & florum infuso cum æ-
quali Sacchari portione ad syrupi consistentiam coctis. In supradictis affectio-
nibus convenit, & apozematibus, potionibus & aliis hujuscemodi, admisceri
solet. Alius syrupus magis compositus in Officinis servatur, cujus descriptio
in *Pharmacop. Regia Charas* exarata, ceteris præstantior nobis videtur,
tum ad expectorationem promovendam, tum ad ciendas urinas & earum a-
crimoniam retundendam. Ejus dosis ad ℥j.

Tabellæ sunt quoque simplices vel compositæ, in tussi quacumque frequen-
ter usitatæ, in pectoris affectionibus & præsertim ad pituitæ acrimoniam tem-
perandam. Simplices ex pulpa radice in aqua decoctæ & emollitæ extractæ
& cum Saccharo cocta conficiuntur. Compositarum compositionem in *Phar-
macopœa Regia Charas*, videre licet.

Unguentum de Althæa in *Pharmacopœa Regia Charas* descriptum, in quo
Terebenthina, semen Fœnugræci, Scillæ laminæ & Galbanum cum Althææ ra-
dicibus consociantur, longe magis resolvit, quam simplex radice pulpa. U-
surpatur ad dolores rheumaticos & ischiadicos sedandos, ad punctorios late-
ris dolores resolvendos. Tunc etiam spiritus vini Camphoratus huic utiliter
admiscetur. In suppressione urinæ, illud unguentum cum oleo Scorpionum mi-
stum & regioni pubis illitum, tamquam præstantissimum remedium a non-
nullis prædicatur.

℞. Camphoræ ℥ß. Dissolve in Spiritus vini ℥j. Solutioni adde Olei Lumbricor.
terrestr. ℥ß. Unguenti Althææ ℥jß. Croci pulver. ℥j. Fiat linimen-
tum quo dolens latus inungatur in pleuritide.

Præter has præparationes, radices Althææ usurpantur in Unguento Mar-
tiato, Emplastro pro fracturis, *Charas*, de Mucaginibus, de Meliloto.

Semi-

Semina usurpantur in Syrupo de Ibisco Fernelii, de Hyssopo, *Mesuae*: Jujubino, de Prassio, Trochiscis Gordonii, Lohoc sano, & Syrupo antinephritico, *Charas*.

A M Y G D A L U S.

A Mygdali species duæ sunt quarum fructus in pharmaceuticarum Officinarum sicut & mensarum usum veniunt, scilicet Amygdalus sativa & Amygdalus amara.

AMYGDALUS sativa, Amygdalus dulcis, *Officinarum*: Amygdalus sativa fructu majori, *C. B. P.* 441. *Inst. R. H.* 627. Amygdalus dulcis, *J. B.* 1. 174. Amygdalus, *Tabern. Icon.* 996. Nux Græca, *Cordi*: vulgo, *Amandier doux*.

Radicibus est validis & multifidis, trunco scabro, materie dura & rufescente, foliis Persicæ angustis, acuminatis, crenatis. Flores rosacei e quinque petalis in orbem positis conflantur, candicantibus vel leviter purpurascentibus, calyce monotomo, quinquifido, cum pistillo abeunte in fructum unciam circiter longum, compressum, pulvinato callo obductum: cujus os perdurum est, acuminatum, & continet nucleum oblongum, album, carnosum, oleosum & grati saporis, cuticula tenui, rufa, veluti pulvisculo resinoso respersa, circumvestitum. Hic colitur in hortis: sed in regionibus calidis, præsertim in Gallia Narbonensi seritur in patentissimis, aridis & arenosis campis. Fructus mensis apponitur & in Officinis pharmaceuticis ad medicamentarium usum reservatur: Amygdala & Amygdalum dicitur.

Aliæ duæ species sunt quarum fructus ad mensas apponuntur, scilicet Amygdalus sativa fructu minori, *C. B. P.* 441. & *Inst. R. H.* 627. & Amygdalus dulcis, putamine molliore, *C. B. P.* 442. *Inst. R. H.* 627. Hæc a præcedente differt fructus putamine, quod fragile est, & Violæ odorem quodammodo refert: illa vero tantummodo magnitudine.

Analyti chymica, ex Amygdalarum virentium, adhuc immaturarum, quarum nucleus nondum induruit lbv. per retortam distillatis, prodierunt primo phlegmatis limpidi fere inodori, saporis aliquantisper herbacei, subacidi, ℥xv. ℥v. gr. xxxvj. humoris limpidi, manifeste acidi, ac tandem austeri, lbij. ℥viiij. ℥vj. humoris sale alcali urinoso imprægnati ℥vj. gr. lx. salis volatilis urinosi, concreti, gr. xxx. olei ℥vij. Massa nigra in retorta superstes pendebat ℥iiij. ℥v. gr. xxxvj. quæ igne reverberii calcinata reliquit cinerum leucophæorum ℥vj. gr. xlviiij. ex quibus salis fixi mere alcali ℥ij. gr. lxxviij. lixivio extracta fuerunt. Partium jactura in distillatione fuit ℥ij. gr. liij. in calcinatione ℥ij. ℥vj. gr. lx.

Ex Amygdalarum dulcium bene maturarum lbv. per retortam distillatis, prodierunt phlegmatis limpidi, saporis & odoris expertis, obscure falsi & obscure acidi ℥v. ℥iiij. gr. ix. humoris limpidi, odoris aliquantisper ingrati & saporis subacidi, obscure austeri, ℥vj. gr. xviiij. humoris primum limpidi, rufescentis deinde fusci, sale volatili urinoso imprægnati ℥v. ℥iiij. gr. xviiij. olei fluidi lbij. ℥ix. ℥iiij. gr. xxxix. Massa nigra in retorta superstes pendebat ℥xiiij. ℥vij.

℥vij. gr. lxij. quæ igne reverberii per 12. horas calcinata reliquit cinerum ℥ij. ℥j. gr. lxxvj. ex quibus salis fixi alcali ℥ij. gr. xxj. lixivio extracta sunt. Partium jactura in distillatione fuit ℥xij. ℥v. gr. lxxix. in calcinatione ℥xj. ℥v. gr. lxxix.

Oleum per retortam multoties distillatum plurimum humoris aquei acris, tum acidi, tum alcali urinosi, disjicit, aliquantulum capitis mortui nigri in retortæ fundo relinquendo, ita ut totum oleum per iteratas distillationes converti videatur in terram nigram, aquam, & aliquam salis tum acidi, tum alcali urinosi portionem admodum exiguam.

Maturæ igitur Amygdalæ oleo copioso constare videntur, multo phlegmate, mediocri salis acidi, & exigua salis ammoniacalis portione, cum paucâ terra subtili. E contra Amygdalæ immaturæ perparum admodum olei præbent, multum phlegmatis acidi, ita ut oleum nihil aliud esse videatur, quam sal acidus & aqua cum inflammabili principio seu igne elementari certo quodam modo conjunctis & mistis, ut jam alibi demonstravimus.

Ex Amygdalis contusis oleum limpidum exprimitur & quidem magna copia. Si cum aqua paulatim contendantur in liquorem lacteum convertuntur sapore dulcem & gratum particulis oleosis & aqueis, mediantibus salibus, intime conjunctis. Lacteus ille liquor veluti lac per tempus aliquantis per accescit, ab acidis affusis nonnihil grumescit, ita ut quædam pars caseosa coagulata separari possit, necnon etiam assidua agitatione nonnihil butyrosæ substantiæ fundit, ac proinde lac tenue merito dici potest.

Amygdalæ diu asservatæ oleosæ fiunt & rancidæ, exhalata nimirum humiditate qua oleum adeo divisum erat ut sensibus percipi non posset. At vero per tempus exhalatis aqueis particulis, olei partes salibus onustæ coadunantur & palatum ac nares graviter feriunt.

Amygdalæ dulces recentes corpus nutriunt, non abunde tamen, quidquid e contra nonnulli affirmant; & alimentum crassum suppeditant. Quorundam ventriculum gravant quorum succus digestivus debilior est. Attendendum quoque Amygdalas edendo ut probe dentibus comminuantur antequam deglutiantur. Si enim sub dentibus non accurate commolantur, adeo densa & compacta est earum substantia ut particulas deglutitas integras rejectas videas. Ad varios, lautosque mensarum usus adhibentur. Saccharo incrustatæ bellaria præbent, variaque ex illis scitamenta dulciarii parant, quæ inter gulæ potius irritamenta, quam vitæ præsidia annumerantur. Agrotantibus tamen quandoque exhibentur ad humores acriores leniendos, & tenuiores inspissandos, unde tabidis & macilentis escam præbent non insalubrem.

Eligi debent recentes, non rancidæ, extus fulvæ, planæ, non rugosæ, intus albissimæ, sapore dulces & gratæ. Nam vetustate, ut jam diximus, aquea humiditas absumitur & evaporatur, adeoque evadunt extus rugosæ, intus flavescences oleosæ & acres. Nec illud videtur prætermittendum, semper & in omni usu detrahendam esse pelliculam flavam carni candidæ immediate adhaerentem. Fusco enim pulvisculo resinoso & acri contegitur, quo comedentium fauces sæpius irritantur & tussis excitatur.

Exhibetur autem sub emulsionum nomine lac seu cremor Amygdalinus qui sic præparatur.

Sumuntur Amygdalæ dulces recentes: Aquæ calenti immerguntur donec pellicula fuerit emollita, quæ detrahitur. Postea in mortario marmoreo probe contunduntur, sensim affundendo decocti Hordei, Seri Lactis, vel liquoris alicujus convenientis ℥j. vel ℥ij. pro singulis Amygdalarum drachmis; & colatura fit cum expressione, cui Sacchari tantillum vel Syrupi alicujus q. s. adjicitur ad gratiam huic Cremori majorem conciliandam. Urinas promovere dicitur sicut cetera diuretica quæ improprie frigida dicuntur, quæ quidem serum expellunt per accidens tantum, ut ajunt, vel massam sanguineam inspissando & ejus feri infusionem provocando, vel renum inflammationem sedando, unde illæ partes ad pristina sua munera aptiores fiunt. Eandem ob causam vis anodyna ipsis tribuitur. Emulsiones ex hoc cremore ægrotantibus offeruntur in febribus ardentibus, vigiliis nimis, urinæ ardore, renum & vesicæ inflammatione, doloribus quibuscumque, diarrhæis, dysenteriiis, hæmorrhagiis. Phthificis & emaciatis cremor ille utiliter præscribitur, præsertim si sudores colliquativi immineant. Lactis enim vices quodammodo adimplet, acris feri sanguinis spicula retundendo & involvendo, partiumque segregationem impediendo: nec iisdem noxis obnoxius est, non enim adeo facile acescit, nec tot sulphureis particulis donatur, quæ ab humorum æstu accenduntur. Non solum ut medicamentum illis ægrotis proponitur, sed etiam ut alimentum conveniens. Oryza enim vel Hordeum perlatum in hoc Amygdalino cremore decocta idoneum præbent alimentum quod æstuantibus humores facile domare potis est, & ab iisdem vehementer æstuantibus in effervescentiam compelli nequit.

Nonnulli moti auctoritate Avicennæ dicentis, Amygdalas ob suam unctuositatem movere choleram, sibi persuadent non tutum esse cremoris Amygdalini usum febricitantibus & iis qui stomachum biliosum habent, facile inflammari, caput gravare, nec vulnerato capite ægrotantibus utendum esse. Verum licet unctuositas illa, levissima quidem in Amygdalis negari nequeat, terrestribus particulis irretitur; quapropter nihil quicquam nocumentorum jam dictorum experientia quotidiana omnium fere Medicorum commonstravit: quinimo ex Amygdalino lacte aut emulsionibus ægrotantes fere omnes in febribus acutis & colicis morbis maximum solatium atque levamen accipere, quotidie exploramus.

Ex Amygdalis dulcibus oleum dulce recenter expressum frequenter usurpatur, tum ad humorum acrimoniam demulcendam, tum ad crispatas aut induratas partium fibras emolliendas & laxandas, in inflammationibus, urinæ ardore & suppressione, colicis doloribus ac nephriticis, tussi molesta, ad expectorationem promovendam, urinas pellendas, alvum subducendum, dolores compescendos, ita ut a plurimis Panacea merito habeatur. Est sane medicamentum *ἐν πρῶτον*, ad multa efficax, blandum & gratum: sed recenter expressum esse oportet. Exhibeatur ad ℥j. ℥iiij. vel ℥viiij. & pro necessitate reiteratur tertia vel quarta quaque hora. Pulmoni & pectori utilissimum est. Recens expressum syrupo alicui bechico ut Althææ, Capillor. Vener. Papaver. Rhæad.

Rhæad. Hyssopi aut Hederæ terrestris affusum, una agitare, miscere, adeoque bibendum præbere, parva quidem quantitate una vice, solent, & sæpius repetere illius usum, vas denuo agitantes: nam oleum a syrupo facile recedit eique supernatat.

Ad infantium tormina cochleatim propinatur cum syrupo Capillor. Vener. de Althæa vel de Cichorio composito cum Rheo. Ad eorundem tussim vehementiorem, cum syrupo Papaveris Rhæados vel Diacodio. Puerperis aliquot uncia ad dolores post partum demulcendos in jusculo vel solæ exhibentur. Similiter pleuritidis initio post venæ sectionem, aliquot illius uncia per intervalla sumptæ, incipientem pleuræ inflammationem mire discutere valent. In nephriticis affectionibus idem oleum cum aqua vel decocto Parietaræ, syrupo de Limonibus, de Ibisco aut alio utiliter propinatur: & hæc potio oleosa reiteratur, prout res postulat.

Hoc affatim bibitum in colicis affectionibus quibuscumque, in alvi siccitate & constrictione, plurimum valet, & est præterea singulare convulsionum remedium. Clysteribus permiscetur utiliter ad ℥iij. vel ℥viij. in colicis doloribus, alvinis obstructionibus, dolore nephritico, tenesmo, dysenteria.

Externe inunctum sæpius & calide tonsillarum tumores resolvit, pleuræ inflammationem & partium dolores lenit, durities emollit, cutis asperitatem tollit, quapropter inter cosmetica medicamenta usurpatur.

℞. Amygdalar. dulc. a pellicula mundatar. paria vi. Contundantur in mortario marmoreo, sensim affundendo Decoct. Hord. vel Aquar. Portulacæ aut Lactuæ q. s. Fiat Emulsio pro duabus dosibus. Unicuique adde Syrup. de Nymphæa ℥j. ad sitim extinguendam & æstum temperandum, in febribus, ceterisque calidis affectionibus pulmonum, pleuritide, peripneumonia, quarta quaque hora.

℞. Amygdalar. dulcium excorticatarum ℥ss. Semin. quatuor frigidorum majorum ana ℥j. Semin. Althææ ℥ij. Contunde, ut artis est, & affunde Decocti Hordei & Liquiritiæ ℔ij. Fiat Emulsio in qua dissolve salis Prunellæ ℥j. Syrup. de Althæa ℥ij. Sumatur per vices in renum ardoribus, gonorrhæa ad humoris & urinæ acrimoniam demulcendam.

℞. Amygdalar. dulc. excorticatar. ℥ij. Semin. Melon. & Card. bened. ana ℥j. Aquar. Scabiosæ & Scorsonner. ana ℥vj. Adde Diaphoretic. miner. gr. xxx. Syrup. Caryophyllor. hortens. ℥ij. Fiat emulsio s. a. pro duabus dosibus in variolis & morbillis.

℞. Amygdalar. dulcium & quatuor frigidor. major. semin. ana ℥j. Contunde, ut artis est, cum aq. Nymphææ, Lactuæ & Portulacæ ana ℥ij. Fiat colatura cum expressione. Adde Syrup. Nenupharis & Diacod. ana ℥ss. Fiat Emulsio pro una dosi ad somnum conciliandum.

℞. Aquæ vel Decocti Parietar. ℥iij. Syrup. de Althæa vel Limon. ℥j. Olei Amygdalar. dulcium recens & sine igne expressi ℥j. Fiat potio uno haustu sumenda, & sæpius iteranda in dolore nephritico, urinæ ardore & suppressione, præmissis præmittendis.

℞. Mann. Calabr. ℥ij. Solve in decocti carnis vitulinæ ℥viij. Solutioni transcola.

Colatæ adde Olei Amygdalar. dulc. ℥j. Sumat æger in colicis doloribus, ad alvum blande subducendam.

℞. Confect. universal. Mann. Calabr. ana ℥j. Dissolvantur & bull. leviter in Aq. Plantag. ℥vj. Colaturæ adde Olei Amygdalar. dulc. ℥j. Fiat potio purgans, in dysenteria & alvi profluviis.

℞. Syrup. de Cichor. comp. cum Rheo & Olei Amygdalar. dulc. recens expressi ana ℥j. Miscantur & cochleatim infantulis exhibeantur ad tormina ventris sedanda, ventriculi & intestinorum saburram eliminandam.

℞. Olei Amygdalar. dulcium ℥j. Spermat. Ceti ℥ij. Dissolvantur & misceantur. Fiat linimentum ad maculas & asperitates cutis.

Amygdalæ dulces usurpantur in Elecuario Diaphænico, Trochiscis Gordonii, *Ph. Reg. Charas*.

Amygdalas dulces tenellas & virentes, antequam officula induruerint, mensis secundis inferunt, & integras una cum tegumentis esitant præsertim Saccharo conditas: suntque revera subacido sapore palato acceptæ, sed prævum præbent alimentum.

AMYGDALUS amara, *Officinarum*: Amygdalus amara, *C. B. P.* 441. 7. *B. I.* 174. *Inst. R. H.* 627. Ab Amygdalo sativa dulci non differt nisi fructuum amarore; de ceteris conveniunt.

Analyti chymica, ex Amygdalarum amararum ℔v. prodierunt phlegmatis fere insipidi & inodori, obscure falsi & obscure acidi ℥v. humoris ingrati, subacidi, obscure austeri ℥vij. gr. xij. humoris limpidi, rufescentis, empyreumatici, tum subacidi, tum sale volatili urinoso imprægnati ℥ix. ℥iij. olei rufescentis ℔ij. ℥vj. ℥j. Massa nigra in retorta residua pendebat ℔j. ℥ij. ℥ij. gr. xxxvj. quæ per 12. horas igne reverberii calcinata reliquit cinerum ℥ij. ℥iij. gr. xxvj. ex quibus salis fixi alcali ℥j. gr. xij. lixivio fuerunt extracta. Partium jactura in distillatione fuit ℥vij. ℥ij. gr. xxij. in calcinatione ℥xv. ℥vij. gr. ix.

Licet olea empyreumatica, tum ex amaris, tum ex dulcibus Amygdalis distillata, empyreuma redoluerint, gustu tamen acrius est amararum, quam dulcium oleum. Deinde oleum expressum ex Amygdalis amaris odorem tantillo penetrantiorē spirare videtur, quam quod ex dulcibus expressum est. Horumce oleorum acrimonia & subtilis odor a volatilibus pendent salibus, qui paulo majori copia in amaris, quam in dulcibus deprehenduntur. Amaro autem a particulis crassioribus oritur, salinis potissimum; quandoquidem amarus in expresso oleo sapor minime distinguitur, licet expressum magma intensam servet amaritiem. Et amaræ illæ particulæ fortasse a sale cathartico amaro non multum dissimiles sunt, oleo crassiori & terræ subtili implicatæ.

Amygdalis amaræ vis incidendi, abstergendi, aperiendi, urinas promovendi ac vermes enecandi tribuitur. Rarius tamen propter amarorem ad usum internum usurpantur. Earumdem oleum expressum urinas ciere, alvum laxare, expuitionem promovere & blande flatus discutere dicitur, si ejus dimidia vel integra uncia cum julculo hauriatur.

Extus hoc oleum commendatur ad inflammationes sedandas, tumores re-

solvendos, dolores mitigandos, & oleo Amygdalarum dulcium potentius resolvit. Tonsillarum inflammationem resolvit, si collum eo inungatur. Aurium sordes induratas emollit & resolvit: idcirco efficax ad surditatem & aurium tinnitum vulgo habetur, si gossypium hoc oleo madidum auri indatur: sed perperam si ab alia causa subditas oriatur, siquidem Fridericus Hoffmannus observat surditatem aut gravem auditum sæpissime ejus usu auctum fuisse, eo quod tympani membranam nimium laxaverit. Idem auctor in tympanitide sequens oleum commendat.

℞. Amygdalar. amar. ℥j. Semin. Cymin. Absynth. ana ℥ss. Contunde in mortario & misce. Postea in lagena stannea, per quatuor horas, in ahenino aqua ferventissima pleno coque, deinde fortiter exprime. Prodit oleum viride. Dos. ℥ij. vel ℥ss. mane & vespere in juscule: & sæpius etiam venter hoc oleo inungatur.

Præterea oleum Amygdalar. amarar. faciei maculas a sole oriundas tollit: cum oleo ovorum mistum & inunctum variolarum foveolas præcavere potis est.

Ad manuum nitorem, lavoremque conservandum usurpari solet magma ab olei expressione relictum & exsiccatum, quo aqua diluto manus lavari, fricarique solent, & quovis Sapone præstantius est.

Observandum est Amygdalis amaris aves, vulpeculas, catellos & animalia quamplurima, homine excepto, convulsionibus sæpe deleteriis affici; quod quidem magis exquisito fibrillarum nervosarum gulæ & ventriculi horum animalium sensui tribuendum est, quo fit ut ab his amaris particulis gravius lædantur quam in homine, facilius crispentur, vehementius constriquantur, convellantur.

Amygdalas amaras quinas vel senas ante pastum comestas ebrietatem arcere vulgaris est opinio. Novimus tamen, inquit J. Bauhinus, qui remedium illud adversus ebrietatem in usu habentes, nihilo secius a Baccho obruuntur.

Amygdalæ amaræ usurpantur in Electuario de Baccis Lauri, & Trochiscis de Capparibus.

A N A C A M P S E R O S.

ANACAMPSEROS, Telephium vulgare, Fabaria, Faba crassa, Faba inversa, Crassula major, *Officinarum*: Anacampseros, vulgo Faba crassa, *J. B.* 3. 681. *Inst. R. H.* 264. Telephium vulgare, *C. B. P.* 287. Telephium alterum sive Crassula, *Dodon. Pempt.* 130. Fabaria, *Matthiol*: Scrophularia media vel 3. *Brunsfelsii*: Acetabulum alterum, *Cordi*: vulgo, *Orpin*, *Repri-se*, *Grassette*, *Foubarbe des vignes*.

Radice est tuberculis carnosus, candidis, strumosa; caulibus rectis, teretibus, solidis, in ramulos aliquot divisus, palmum unum aut alterum altis, quibus perquam crebra adnascuntur folia surrecta, carnosæ, crassæ, succulenta, Portulacæ foliis longiora, colore glauco, rubedine aliqua subinde perfuso, crenata,

nata, ut plurimum, licet interdum integra sint. Flores in summis caulibus & ramulis insident in umbellas digesti, rosacei, pentapetali, rubentes & non raro albicantes, cum pluribus staminibus. Ex floris calyce surgit pistillum quod abit in fructum ex quinque veluti capsulis vaginalium æmulis in capitulum quoddam collectis, compositum, seminibusque fetum perexiguis. Flore & fructu cum Sedo convenit, sicut & foliis crassiusculis, succulentis: ab eo tamen distinguitur, quod a prima statim germinatione excaulescat, cum folia Sedi in globulos oculi bovilli æmulos congerantur. In sylvis umbrosis & humidis maxime & ad sepes nascitur. Usu sunt radices & folia.

Analyfi chymica, ex plantæ floridæ lbv. per retortam distillatis prodierunt phlegmatis limpidi, aliquantisper odorati, obscure falsi & obscure acidi ℥x. ℥vij. gr. xxiiij. humoris primum limpidi, subacidi, deinde rufescentis, manifeste acidi, ac tandem fusci, intense acidi & austeri, empyreumatici, lbij. ℥xij. ℥iiij. gr. vij. humoris fusci, obscuri, empyreumatici, intense acidi, austeri & sale volatili urinoso imprægnati ℥j. ℥ij. gr. lxij. olei crassitudinis adiposæ ℥vj. Massa nigra in retorta residua pendebat ℥iiij. ℥ij. gr. xij. quæ igne reverberii calcinata reliquit cinerum ℥j. ℥j. gr. lxvj. ex quibus salis fixi ℥j. gr. xlij. mere alcali extracta sunt. Partium jactura in distillatione fuit ℥ij. ℥j. gr. xxxix. in calcinatione ℥ij. ℥vij. gr. xviiij.

Anacampserotis succus aliquantisper glutinosus est, & chartam cæruleam rubro colore inficit; salem acidum austerum continet sali aluminoso haud dissimilem, cum aliquantisper salis Nitrosi Ammoniacalis, & sulphuris portione mediocri commistum. Hoc mucoso & subacido succo saniei ulcerum erodentis acrimoniam retundit, spicula salina, acria, involvendo & irretiendo.

Ex Anacampserotis radicum recentium lbv. per retortam distillatis, prodierunt phlegmatis limpidi, saporis & odoris aliquantisper aromatici, non ingrati, subacidi lbij. ℥xiiij. ℥vij. humoris primum limpidi, saporis aromatici, manifeste acidi, deinde fusci, empyreumatici, intense acidi & austeri lbj. ℥iiij. gr. lx. humoris rufi, sale volatili urinoso copioso imprægnati ℥j. ℥ij. olei ℥j. ℥iiij. gr. xxxvj. Massa nigra in retorta superstes pendebat ℥vj. ℥vj. gr. xxiiij. quæ igne reverberii calcinata reliquit cinerum ℥j. ℥iiij. gr. xxxvj. ex quibus salis fixi mere alcali ℥ij. gr. xxviiij. lixivio fuerunt extracta. Partium jactura in distillatione fuit ℥iiij. ℥iiij. gr. xxxiiij. in calcinatione ℥v. ℥j. gr. lx.

Per hanc analysim liquet has radices sale tum ammoniacali, tum aluminoso constare & oleo copioso tum tenui & aromatico, tum crasso. Radices plus olei & quidem tenuis & aromatici continent quam folia, & majorem salis ammoniacalis portionem: unde magis resolvunt quam folia. Hæc vero majori acidi nitrosi salis portione donantur, quo refrigerant magis & abstergunt.

Internus Anacampserotis usus fere nullus est aut saltem rarissimus. Foliorum succus in potu usurpatus a nonnullis in hæmoptisi, ulceribus internis & hæmorrhoidum affectionibus laudatur. In clysteribus eorum decoctum ad consolidanda intestinorum ulcera in dysenteria cum reliquis vulnerariis utiliter usurpatur: detergit enim & adstringit.

Externe in recentibus vulneribus sanguinem sistit, ulcera detergit, & ad cicatricem perducit, tumorum suppurationem promovet, dolores mitigat.

præsertim hæmorrhoidales, tum planta contusa & in cataplasmati formam redacta, tum ejusdem succus expressus. Nonnulli ad inflammationes sedandas totam plantam in mortario plumbeo contundunt & cum oleo Rosarum terunt. A Friderico Hoffmanno ejus succus in ulceribus uteri, & ejus exco-riationibus plurimum commendatur.

Radices contusæ & cum infuso butyro coctæ vel tritæ in unguenti consistentiam in hæmorrhoidum inflammationibus plurimum valent. Imo eadem radices recentes tot quot hæmorrhoidalia in ano tubercula protuberant, loco amuleti de collo filo usque ad Os sacrum suspensæ a Vedelio & Ettmullero multum prædicantur: marcescentibus enim radicibus, si illis credere fas est, tubercula tabescunt & evanescent.

Silentio præmitto Sympathicam herniæ inguinalis curandæ virtutem, quæ ipsis tribuitur, utpote admodum incertam.

Aqua ex tota planta distillatur quæ per aliquot dies continuo bibita ad vulnera & ulcera interna laudatur.

Anacampteros usurpatur in Aqua vulneraria.

Alia est Anacampterotis species cujus radix in usum nonnumquam venit: dicitur

RHODIA RADIX, *Offic.* Anacampteros radice Rosam spirante, major, *Inst. R. H.* 264. Rhodia radix, *C. B. P.* 286. *J. B.* 3. 683. *Dodon. Pempt.* 347. A Telephio vulgari parum differt, nisi radicis odore saporeque Rosarum consimili. Radix sola in usu est. Cephalica & adstringens habetur. In adstringentibus decoctis quandoque usurpatur. Externe in capitis doloribus ex applicatione contractis contusa & cum aqua Rosarum vel Verbenæ decocta fronti admovetur & circumligatur.

A N A G A L L I S.

A Nagallidis species duæ in Officinis usitatæ sunt quarum una mas dicitur, altera femina, quæ nonnisi floris colore inter se discrepant.

ANAGALLIS mas, *Off.* Anagallis phæniceo flore, *C. B. P.* 252. *Inst. R. H.* 142. Anagallis phænicea, mas *J. B.* 3. 369. Anagallis mas, *Dod. Pempt.* 32. vulgo, *Mouron a fleurs rouges.*

Radice alba, simplici, fibrata donatur, cauliculis infirmis & humifusis, palmaribus, quadratis, lævibus, quos folia bina opposita, nonnumquam terna cingunt. Alines mediæ paria, absque pediculis, inferna superficie punctis ex rubro nigricantibus guttata. Flores ex alis foliorum singulatim exeunt, pediculis tenuibus oblongis nixi, monopetali, in quinque segmenta acuta totidem folia imitantia ad unguem fere divisi, phænicei, cum staminibus purpureis, apiculis luteis & calyce quinquifido, ex quo surgit pistillum mediæ floris parti ad instar clavi infixum, quod abit in fructum seu testam fere globosam, pro plantulæ modo grandem, per maturitatem in duas partes quarum altera alteri incumberebat transversa dehiscentem & seminibus fetam exiguis, ut plurimum angulosis, rugosis, subfuscis, placentæ affixis.

ANAGALLIS femina, *Off.* Anagallis cæruleo flore, *C. B. P.* 252. Anagallis cærulea femina, *J. B.* 3. 369. Anagallis femina, *Dod. Pempt.* 32. vulgo, *Mouron a fleurs bleues*. Solo floris colore a præcedente diversa est. Nonnumquam flore albo floret. In campis & hortis agri Parisiensis utraque frequens nascitur. Usus est foliorum cum floribus.

Instituta Anagallidis maris analyfi chymica, totius plantæ floridæ lbv. per B. V. distillatæ præbuerunt phlegmatis limpidi odoris & saporis herbacei lbj. ℥xiiij. humoris manifeste acidi lbj. ℥xiv. ℥iij. quod in alambice supererat pendebat lbj. ℥ij. ℥vj. ex quo per retortam distillato prodierunt humoris fusci tum intense acidi, tum manifeste alcali urinofi ℥iiij. ℥ij. gr. xxxvj. cum salis alcali urinofi concreti granis aliquot: olei syrupi ad instar craffi ℥j. ℥ij. gr. xxxiv. Massa nigra in retorta residua pendebat ℥viiij. ℥j. quæ per horas quatuor in crucibulo igne reverberii calcinata reliquit cinerum leucophæorum ℥iiij. ℥vij. ex quibus salis fixi falsi ℥ij. gr. xxj. lixivio fuerunt extracta. Partium jactura in prima distillatione vaporosa fuit tantummodo ℥vij. in altera per retortam ℥v. gr. xij. in calcinatione vero ℥iiij. ℥ij.

Totius plantæ sapor herbaceus est, subsalsus, austerus. Ejus succus chartam cæruleam rubro colore tingit: unde concludere possumus essentialem hujus plantæ salem ad terram foliatam Tartari proxime accedere cum aliqua salis Ammoniacalis portione & oleo copioso permistum.

Anagallis utraque Cephalicas inter plantas recensetur. Sudoriferæ sunt & vulnerariæ. Anagallis flore phœniceo potissimum in usu est. In mania, phrenitide febres ardentes comitante, in epilepticis, convulsivis & hypochondriacis affectibus, necnon adversus infantium tormina utiliter usurpatur. Succus vel decoctum præscribitur. In mania succus vel decoctum ad ℥iiij. ter die propinatur. Anagallidem adversus pestem mire conducere Tragus asserit ita usurpatam ut postquam ex illa in vino decocta mediocrem haustum ægri acceperint, in lecto se componant bene contexti & sudabunt. Idem decoctum muliebres menses movet. Ad phthisim, pulmonum tabem, sputum foetidum & purulentum Joannes Raius distillatam Anagallidis maris aquam cum pari vaccini lactis quantitate permistam & Sacchari optimi q. s. edulcoratam, quotidie mane & vesperi ad ℥vj. epotam tamquam medicamentum multoties expertum commendat.

Anagallidis succus aut decoctum ex aqua vel vino ulcera mundificat & sanat, medeturque serpentum & viperarum ictibus & canis rabidi morsui, & bibatur aut si ex eodem vulnera colluantur, & herba contusa imponatur: dolores mitigat.

Usurpatur in Unguento mundificativo de Apio.

A N E T H U M.

ANETHUM, *Off.* Anethum hortense, *C. B. P.* 147. *Inst. R. H.* 317. Anethum, *J. B.* 3. 2. 6. *Dod. Pempt.* 298. vulgo, *Anet*. Radice est gracili, singulari, alba, fibrata, caule sesquicubitali, ramoso, firmo, foliis Fœniculi sed minoribus, glaucis, odore gravi. Flores in summis ramulis oriuntur in

umbellam congesti, rosacei, & quinque petalis luteis conflati, quorum calyx mutatur in duo semina ex flavo pallescentia, ovata, compressa, lineam longa, tribus striis distincta & limbo foliaceo cincta.

In hortis feritur, & semel satum sæpe quotannis ex deciduo semine reviviscit.

Gravis utcumque est Anethi halitus, sed tamen jucundus ac suavis.

Semen in primis usitatum est, deinde summitates & folia.

Analyſi chymica, ex Anethi summitatum floridarum ℥v. prodierunt phlegmatis limpidi, odorati, manifeste acidi ℥ij. ℥ij. gr. xxiiij. humoris limpidi, adhuc odorati, intense acidi ℥ij. ℥vij. ℥vj. gr. xv. humoris rufescentis tum acidi, tum falsi ℥v. ℥v. gr. xviiij. humoris fusci, urinosi, & multo sale volatili urinoso feti ℥v. ℥j. gr. xxxvj. olei tum essentialis fluidi & flavescentis, tum fusci spissioris ad instar axungiae ℥ij. ℥ij. gr. xij. Massa nigra in retorta superstes pendebat ℥v. ℥iiij. gr. xij. quæ igne reverberii calcinata reliquit cinerum ℥ij. ℥iiij. gr. liiij. ex quibus salis fixi mere alcali ℥j. gr. lx. lixivio sunt extracta. Partium jactura in distillatione fuit ℥xj. ℥vj. gr. lj. in calcinatione ℥ij. ℥vij. gr. xxx. unde liquet hanc plantam sale ammoniacali & oleo tum tenui, tum crasso copioso turgere.

Anethum ratione ejus olei & ammoniacalis salis inter carminantia recensetur medicamenta, seu quæ viscidos ac lentos humores incidunt ac dividunt. Revera flatus & abdominis aut ventriculi distensiones quæ lentorum ac tenacium humorum effervescentiam comitantur, sale ammoniacali & oleoso mire dissipat. Idcirco in colicis doloribus & flatulentis intestinorum affectionibus, quæ a causa, ut ajunt, frigida, seu partium atonia aut humorum lentore pendent usurpatur & prodest: ciborum concoctionem juvat: singultui, vomituique medetur, modo ab humoribus tenacibus & acris ventriculi parietibus inhærentibus, ejusque membranas moleste vellicantibus ortum duxerint: urinas & menses provocat, resolvendo nempe obstructions renum aut uteri: lac nutricibus auget, chylum tenuiorem ac fluidiorem efficiendo, adeo ut intricata mammarum vasa facilius permeare queat. Vis anodyna a nonnullis ipsi tribuitur: somnum vero conciliare valet & dolores pacare, non diversa ratione ab ea qua Crocus, Nux. moschata, & alia aromata oleosa hujusmodi consopire valent. Semen ad ℥j. usurpatur.

Extrinfecus summitates, folia & semina in cataplasmatibus & fomentis res solventibus usitata sunt ad tumores resolvendos vel maturandos. In enematis carminantibus semen & flores usurpantur, flores enim quatuor carminantibus floribus annumerantur, scilicet floribus Chamæmeli, Meliloti & Matricariæ. Semina recentia contusa & puerorum temporibus apposita placidum somnum accersunt.

Ex Anetho in Officinis præparata asservantur, Aqua distillata, Oleum essenziale, & oleum per infusionem paratum.

Aqua odora ex tota planta distillatur iisdem virtutibus instructa, sed longe debilioribus. Præstantiores vero Oleum essenziale obtinet, carminans & anticolicum eximium. Ad guttas ij. vel iiij. intus sumitur. Illi proxime accedit Oleum Anethi per infusionem præparatum, quo in colicis doloribus abdomen, in cephalalgia caput & tempora illiniuntur.

℞. Decoct. folior. & seminum Anethi ℥vj. Theriaces veteris ℥ij. Olei essential. Anethi guttas iiij. Syr. Menth. crispæ ℥j. Fiat julap. in colico dolore.

℞. Rad. Althææ ℥ij. Summitatum Chamæmel. & Melilot. ana Pug. ij. Semin. Carvi & Aneth. ana ℥j. Coq. in aq. fontan. ad ℥bj. cum Mell. Anthos. ℥ij. Fiat enema in colico dolore.

℞. Olei essentialis Aneth. gutt. iiij. Olei Amygdalar. dulcium recenter express. ℥β. Misce. Fiat haustus ab Otthon. Heurnio in singultu contumaci commendatus.

Summitates Anethi usurpantur in Oleo vulpino. Oleum per infusionem in Emplastro de Ranis cum Mercurio, Empl. Diachylo gummato, & Empl. de Mucaginibus.

A N I S U M.

A NISUM vulgare, *Off.* Cuminum dulce *Quorumdam*: Apium Anisum dictum. *Inst. R. H.* 305. Anisum herbariis, *C. B. P.* 159. Anisum, *J. B.* 3. 2. 92. vulgo, *Anis*.

Radice est exili, annua, fibrata, alba; foliis inferioribus subrotundis, late virentibus, unciam superantibus, trifariam divisis, crenatis & glabris: superiora vero multifida sunt; caulis ramosus, striatus, cavus, flores sustinet in umbella dispositos, exiguos, rosaceos, e quinque petalis bifidis, candidis, constantes, cum calyce abeunte in fructum oblongum, turbinatum, ex duobus seminibus exiguis, gibbis, & striatis conflatum, colore ex viridi cineraceo, odore ac sapore dulci, gratissimo, cum jucunda quadam acrimonia. Seritur copiose in Gallia apud Turones.

Anisi semen præcipue in usum est: herba raro in usum venit: radix tamquam inutilis numquam.

Analyfi chymica, ex totius Anisi plantæ recentis ℥v. dempta radice, per balneum vaporarium prodierunt phlegmatis limpidi odori ℥bj. ℥ij. absque ullo manifesti acidi indicio: humoris limpidi, acidi, occulti primo, deinde manifesti ac tandem intensi ℥bij. ℥iiij. ℥iiij. cum olei essentialis tantillo. Herba in alambice residua, exsiccata, per retortam distillata præbuit humoris tum acidi, tum alcali, urinoso sale feti ℥j. ℥iiij. gr. lx. olei tum tenuioris & essentialis, tum spissi ad instar axungiae ℥v. gr. xxxiiij. Massa nigra in retorta superstes pendebat ℥ij. ℥vj. gr. xxxvj. quæ igne reverberii per sex horas calcinata reliquit cinerum nigrorum ℥j. ℥j. gr. lx. ex quibus salis fixi mere alcali ℥vij. gr. xxvj. fuerunt extracta. Partium jactura in distillatione fuit ℥bj. ℥v. ℥iiij. gr. xiiij. in calcinatione vero ℥j. ℥iiij. gr. xlvij.

Semen multo plus olei essentialis continet quàm ceteræ hujus plantæ partes, illudque fundit majori vel minori quantitate prout recens est & bene maturum aut vetus & exsuccum. Duplici modo extrahitur. Vel semen contusum aqua per viginti quatuor horas maceratur ac tandem igne vegeto distillatur. Aqua odorata extrahitur cui oleum limpidum Anisi supernatat rite separandum. Vel Anisi semen contusum setaceo imponitur. Setaceum linteo obtectum aquæ bullientis vaporis expositum detinetur donec semen madeat. Madidum &

calens adhuc semen linteo involvitur, prælo subjicitur, & fortiter exprimitur. Sic oleum subviride odoratum, palato gratum ac dulce diffluit a ℥vj. ad ℥ix. & amplius ex singulis Anisi libris. Illud oleum frigore facile concrefcit ob copiosum salem acidum, tenuem tamen & cum oleosis partibus intime admistum, atque conjunctum. Sapor Anisi dulcis oritur ab eorundem acidorum salium subtilitate & accurata cum oleosis particulis mistura: qualis in Saccharo. Melle & sale Saturni deprehenditur.

Anisi semen inter quatuor semina calida majora primum locum obtinet. Sunt autem semina Anisi, Fœniculi, Cumini & Carvi: minora vero sunt semina Ammeos, Amomi, Dauci & Apii. Hæc autem semina a Pharmacopœis carminativa, hoc est, flatus discutientia vocitantur.

Veteres Medici in ventriculo frigido & humido semen Anisi tamquam stomachicum eximium commendarunt. Hinc in difficili ciborum concoctione quæ a ventriculi cruditatibus, ut ajunt, oriuntur, ut in colico dolore, singultu, dolore capitis, vigiliis, diarrhæis, Dyspnœis & aliis hujuscemodi feliciter usurpatur. Lactis coagulationem in nutricum mammis præcavet. In lacte ebullitum & propinatum uberem lactis copiam nutricibus suppeditat: aliis suavem somnum conciliare solet. In infantium torminibus & doloribus colicis a pituita crassa ac viscida plurimum conducit, humores viscidos ac tenaces dividendo & solvendo, ut de Anetho diximus, cui longe præstat. Eorundem convulsivos motus a prava ciborum concoctione oriundos sedat, unde ab Helmontio solamen intestinorum audit. Heurnius semine Anisi pulverato & ad ℥j. cum pulte propinato infantes tam valide purgari asserit, quam ætate proveciores Rhabarbaro. In raucedine, tussi, asthmate, difficili respiratione atque pectoris doloribus punctoriis, flatulentis, qui ab humore crudo seu tenaci ac viscido nascuntur, feliciter usurpatur, & a quibusdam anima pulmonum dicitur. Urinas & menses promovet. Præterea cum purgantibus medicinis sæpius consociatur ad earum vim temperandam, & tormina quæ ab illis excitantur præcavenda.

Pulvis a ℥j. ad ℥j. intus sumitur solus vel cum Saccharo permixtus: vel ejus infusum in vino, aqua vitæ aut aqua simplici propinatur. Semen integrum Saccharo involutum sæpe etiam deglutitur. Ejus oleum tum expressum, tum distillatum in usu sunt, sicut & spiritus. Oleum expressum iisdem virtutibus ac semen donatur, sed valentioribus præsertim distillatum; a gutt. ij. ad x. vel xx. præscribuntur. Commendantur potissimum in respiratione difficili, asthmate, tussi sicca: & ex oleo Anisi expresso paratur balsamum sulphuris Anisatum, non contemnendum his in affectionibus præsidium. Attamen de oleo Anisi Joannes Junckerus scribit *in suo Conspectu Medicinæ Theoretico-practicæ*, illud in pectoris affectionibus nisi summa cum circumspeditione adhibendum esse, ne phthisicis & hæcticis febrilibus symptomatibus viam sternat. Heurnius observat, pulverem seu decoctum Anisi in colicis doloribus longe præferenda esse ejus oleo.

Tanta est autem olei Anisi subtilitas, ut si brevi post exhibitionem lac emulgeatur, odor ejus in eo adhuc deprehendatur. Forestus illud contra

sanguinis suffusiones & contusiones in primis nervosarum partium externe admotum, singulare & experitissimum remedium pronuntiat. Eodem adversus infantium tormina umbilicus inungitur.

Spiritus Anisi vel ex Aniso in aqua macerato & fermentato præparatur, vel sola hujus seminis in aqua vitæ maceratione, cujus spiritus postea distillatur. Eisdem cum semine viribus pollet.

℞. Semin. Anisi, Fœnicul. dulc. ana ℥j. Nuc. mosch. ℥ss. Cinnamom. ℥j. Caryophyllor. & Piper. long. ana ℥ss. Sacchar. alb. ℥iiij. M. F. pulvis, cujus ℥j. in haustu vini post pastum ad ciborum concoctionem perficiendam exhibeatur.

Semen Anisi usurpatur in Syrupo de Arthemisia; anti-asthmatico, *Charas*, pulvere Diarrhodon, & Lætificante, in Theriaca, Mithridatio, Electuar. Catholico, Lenitivo, Confect. Hamech, Electuar. de Psyllio, Trochiscis de Rhabbaro, Pilulis aureis & polychrestis.

Oleum vero in pilulis aliquibus purgantibus excipitur, tum ad resinosas purgantium medicamentorum particulas dissolvendas & expandendas, tum ad ventriculum roborandum & ventris tormina sedanda.

A Dulciariis semen Anisi voluptatis gratia Saccharo obducitur, quo palato jucundius fiat. Sic fœdum oris halitum tollit, ventriculum roborat, flatus discutit & ciborum concoctionem juvat. Idipsum multis adhuc condimentis & potulentis adjicitur ad majorem gratiam illis conciliandam.

Aliud est semen, Anisum Sinense dictum, ab Aniso nostro prorsus diversum, de quo in *Tractatu de Exoticis* egimus. Solo odore conveniunt.

A N O N I S.

ANONIS five ONONIS, & Resta-bovis, *Off.* Anonis spinosa flore purpureo, *C.E.P.* 399. *Inst. R. H.* 408. Anonis five Resta-bovis vulgaris purpurea, *J. B.* 2. 395. Anonis, *Dod. Pempt.* 743. Antella, *Adversar. Lobel*: Ononis, *Cordi*: Remora aratri, *Quorumdam*: vulgo, *Arrete bæuf*, *Bugrande ou Bugrane*.

Radicibus est pedem superantibus, hac illac repentibus, fractu contumacibus, foris fuscis, intus albis, sapore ingrato. Caules humi sparguntur patuli, densi, tenues, lenti, rubescentes, hirsuti, spinosi, in quibus folia alternatim nascuntur terna, ex oblongo rotunda, leviter crenata, hirsuta, obscure virentia, tactu glutinosa, sapore leguminoso, odore fœtido. Flores in summo quasi spicatum nascuntur papilionacei, dilute purpurascens vel carnei coloris, raro albi, cum pistillo abeunte in filiquam tres pene lineas longam, unicapularem, bivalvem, compressam & semen unicum continentem renis forma. In agro Parisiensi sponte nascitur. Tota planta, sed præsertim radix & radice cortex in usum veniunt.

Analyti chymica, ex Anonide multum olei, acidi salis, & terræ, salis fixi mediocris quantitas, spiritus urinosi exigua eliciuntur. Hæc autem principia a succo quodam glutinoso, qui ab igne destruitur, involvuntur. Præterea Anonidis succus chartam cæruleam subrubro colore tingit: folia leguminoso sapore

sunt foetida & glutinosa; unde Cl. Tournefort concludit, hanc plantam constare ex sale Tartaro vitriolato fere simili, phlegmate, multa terra, multoque sulphure involuto. Ab his autem principiis, quæ unanimi consensu ab omnibus Medicis ipsi tribuitur vis aperiendi & urinas abunde provocandi pender.

Radix Anonidis vulgo recensetur inter quinque minores aperientes radices, quæ sunt Anonidis, Capparis, Eryngii, Graminis, & Rubiæ radices; dum Apii, Asparagi, Foeniculi, Petroselini, & Rusci radices quinque majores aperientes dicuntur. Reipsa Anonidis radix inspissatos humores potenter resolvit, contumacibus hepatis obstructionibus & ictero apprime conducit: nephritidi atque urinæ suppressionibus medetur: mucum spissum renibus aut vesicæ inhaerentem resolvit & foras amandat, atque simul arenulas & calculos nonnumquam pellit. Hujusce radices cortex a Simone Pauli velut præstantissimum remedium tam in vesicæ, quam in renum calculo habetur. A Matthiolo quoque commendatur ad ramicem carnosum resolvendum. In sarcocoele ab Ettmullero euporiston & polychreston existimatur. Verum enimvero Alexander Pfisterus Scaphusianus Medicus in *Dissertatione de Hydro-sarcocoele*, §. I. refert se sæpius & in diversis subjectis eam præscripsisse, experientia autem didicisse. 1. Illam non in omnibus diureticam existere. 2. In pluribus anorexiam & cardialgiam inducere. 3. Sarcocoelem veram nequaquam ex ejus usu continuato imminui; unde verissima esse quæ Olaus Borrichius scripsit, propria intellexit experientia. Is autem in *Actis Hafniensibus anni 1671. & 1672. Observ. 97.* arguit eos qui non satis providi rei æstimatores confirmatam sarcocoelem vel medicamentis discussisse se putant, vel discuti posse evulgant, quod nimium occalleat massa illa & mille plexibus nervosis iisque solidis contrahat invictam duritiem. Crediderit Matthiolus in *Dioscoridem*, inquit Borrichius, crediderit Scultetus in *Armamentario Chirurgico*, sese sarcocoelem pulvere Ononidis percurasse, nihil tamen mihi fit verisimilius quam fuisse hydrocoelem duriori cortice circumdatam atque ideo sarcocoelem mentientem. Atque ut id credam, persuadent tum similia passim exempla apud Forestum, Sennertum & alios, docentia, artifices sæpe aqua profundius in testiculorum sinibus latente deceptos, pro carnosus æstimasse herniis, quæ fuerint aquosæ: tum docet illud idem radix Ononidis, quæ cum inter nobilissima diuretica sit, aquas haud dubie in sinu testium intimo occultatas, paulatim eduxit, atque ita concidentibus sensim in se involucris durioribus, sarcocoelem æstimata fuit, sustulisse.

Radix Anonidis vel ejus tantummodo cortex pulveratus intus sumitur ad ℥j. vel decoctum semiuncia radices propinatur. In decoctis, ptisanis & jusculis aperientibus usurpari solet.

℞. Cortic. radic. Anonid. pulver. ℥j. Propinetur aliquandiu ex decocti radic. ℥vj. singulis diebus mane, jejuno ventriculo ad arenulas expellendas, & nephritidem præcavendam.

℞. Decoct. rad. Ononid. ℥vj. Syrup. de 5. radicib. aper. ℥j. Sp. Tartar. ℥ss. Sal. volatil. Succin. gr. x. Fiat julep. propinandum in urinæ suppressione & dolore nephritico.

℞. Radic. Anonid. Eryngii, Cappar. ana ℥j. Coquantur cum frusto carnis vitu-

vitulin. in aq. q. f. pro duobus jusculis , quibus dissolve Tartar. martial. solubil. ℥j. mane & sero pro hepatis obstructionibus.

℞. Rad. Ononid. Brusci & Asparag. ana ℥j. Cortic. Sambuc. & radic. Cappar. ana ℥ss. Folior. Pimpinell. & Parietar. ana M. j. Semin. Sefeli & Lithospermi ana ℥iij. Flor. Genistæ & Leucoji ana pug. ij. Coq. in aq. comm. ℔ij. ad ℔i℔. Fiat apozema pro tribus dos. Cuique add. Nitri purg. vel Tartar. Chalyb. solub. ℥ss. in viscerum obstructionibus.

Radicis decoctum optime detergit extrinsecus usurpatum . Ex eo cum paulillo aceti gargarisma præparatur utile in gingivarum laxitate , exulceratione, putredine, item in dentium dolore a Scorbuto.

Essentiam Ononidis Ettmullerus in affectibus calculosis insigniter commendat. Sic præparatur.

℞. Plantam integram cum radice & floribus recenter avulsam, & minutim incisam. Affunde spiritum vini ad quatuor digitor. transversor. supereminentiam: in loco calido per octo dies noctesque digerantur . Postea distillantur , ut artis est . In hunc distillatum liquorem infunde recentem herbam cum radice & floribus, quibus adde ejusdem plantæ calcinatæ salem fixum: iterumque digerantur per totidem dies & noctes . Tum fiat colatura cum forti expressione . Colatura per aliquot dies in loco remoto reposita servetur ac tandem limpidus liquor a facibus separatur & servetur ad usus. Dosis ab ℥ss. ad ℥ij.

Aqua distillata ex Anonide tum ad urinæ suppressionem, tum ad hernias curandas a nonnullis commendatur: sed levioris est armaturæ præsidium.

Anonidis radix usurpatur in Syrupo antinephritico *Charas*, in Aqua diuretica & antinephritica, *Ejusdem*.

A P A R I N E.

APARINE, Asperugo, Aspèrgula, Spàrgula, Asperula, Aspera Lappago, Philantropos & Omphalocarpos, *Off.* Aparine vulgaris, *C. B. P.* 334. *Inst. R. H.* 114. Apparine, *J. B.* 3. 713. *Dod. Pempt.* 353. *Raii Histor.* 484. vulgo, *Grateron*, *Rieble*.

Radice est tenui, fibrosa; tenuibus & quadrangularibus viticulis asperis, geniculatis, obsequiosis, scandentibus, tres quatuorve cubitos longis, ramosis: foliis quinis, senis, vel septenis Rubiæ modo ad singula genicula orbiculatim dispositis, stellæ ritu decussatis, angustis, asperis, in spinulam desinentibus. Flores prope summos ramulos e geniculis exeunt in pediculis oblongis, tenuibus, perpusilli, candidi, monopetali, campaniformes, patentes, quadrifariam divisi, cum calyce quadrifido, qui deinde abit in fructum siccum, durum & quasi cartilagineum, cortice tenui nigricante obductum, ex gemellis globulis constantem, semine fetis umbilicato. Ad sepes, interdum etiam inter segetes agri Parisiensis sponte nascitur. Herba in usum venit.

Analyfi chymica, hujus plantæ recentis ℔v. per B. V. distillatæ præbuerunt phlegmatis limpidi, primo obscure acidi, deinde subacidi, ac tandem falsi ℔iiij.

℥iij. ℥iij. ℥iij. Ex herba exsiccata residua per retortam distillata prodierunt humoris fusci empyreumatici, subsalsi, subausteri & obscure acidi ℥j. ℥ij. gr. xvij. humoris alcali urinosi, sale volatili urinoso imprægnati ℥vj. gr. xvij. olei crassioris & fere adiposi ℥j. ℥ij. gr. xxxvj. Massa nigra in retorta superstes pendebat ℥iij. ℥v. quæ igne reverberii calcinata reliquit cinerum albicantium ℥j. ℥v. gr. xxx. ex quibus salis fixi mere alcali ℥v. lixivio fuerunt extractæ. Partium jactura in distillatione fuit ℥iij. ℥iij. in calcinatione ℥j. ℥vij. gr. xlij.

Hac analysi, Aparine constare videtur sale essentiali sali ammoniacali simili oleo crasso implicito.

Aparine incidit & aperit: obstructions resolvit, urinas promovet & nonnunquam sudores. Ejus succus a Theodoro Turquet de Mayerne plurimi æstimatur ad aquas hydropicorum per vias urinarias expellendas: ad ℥ij. propinatur. Ejus decoctum in vino albo vel ejusdem aqua distillata arenulas, renumque calculos pellit, narrante J. Rajo. Idem auctor affirmat, pulverem ex Aparine & Liene vitulino in clybano exsiccatis lienis tumores & hypochondriacos flatus discutere. Simon Pauli refert ejus aquam distillatam apud Hafnienfes adversus molestos tum pectoris, tum hypochondriorum dolores, usitatam esse & plurimum commendatam. A nonnullis in pleuritide propinatur.

℞. Aparines recenter collectæ M. j. Coquatur in aq. comm. ℥ij. ad 4. partis diminutionem. Colatura in tres doses dividatur, debitis intervallis propinandas, in urinæ suppressione.

Externe herba cum axungia trita & strumis imposita eas discutere dicitur: & ejusdem aqua distillata ad eundem morbum propinatur.

A P I U M.

APIUM vulgare, Apium palustre, Paludapium & Eleoselinum, *Off.* Apium palustre & Apium, *Off. C. B. P.* 154. Apium vulgare ingratius, *J. B.* 3. 2. 100. Eleoselinum, *Dodon. Pempt.* 695. vulgo, *Ache.*

Ex radice crassa, albicante, recta, profunde in terram descendente, in plura interdum capita divisa, fibrata, sapore acri subamaro, ingrato, odore gravi, aromatico, frondes exeunt multæ, pediculis dodrantalibus, rubentibus, striatis, concavis, duabus, tribusve pinnarum paribus & impari in extremo compositæ: sunt autem pinnulæ istæ latæ, circa margines dentatæ, in tres insigniores lacinias divisæ, late virentes, glabræ, nitidæ, succulentæ, odore, dum digitis conteruntur, gravi, sapore acri, ingrato. Caules ab eadem radice multi exsurgunt crassi, profunde striati, concavi, bicubitales & altiores, nodosi, longis internodiis, frondibus cincti iis quæ ad radicem similibus. Flores tum in caulium axillis, tum in extremis ramulis nascuntur in umbellam congesti, exigui, rosacei, e quinque petalis candidis conflati, calycei insidentibus qui deinde abit in fructum ex duobus perexiguis seminibus compositum, una parte depressis, altera gibbis, striatis, cinereis, acribus, subamaricantibus, aromaticis. In humentibus & paludosis locis nasci gaudet: transfertur vero & ad hortos. Radix, herba, & semen in usum veniunt.

Radix inter quinque radices aperientes recensetur. Semen feminibus calidis minoribus annumeratur.

Analyſi chymica, ex totius plantæ floridæ lbv. dempta radice, prodierunt humoris limpidi, odori, acris, obſcure acidi lbj. ℥xij. ℥vij. gr. xlj. humoris primo limpidi, deinde ruſcentis, odori, abſque acrimonia, intenſe acidi, & tandem auſteri lbij. ℥v. ℥iiij. gr. liij. humoris ruſi, ſale volatili copioſo imprægnati ℥iiij. ℥j. gr. xl. olei tum tenuis, tum craſſi ℥j. ℥vij. gr. xij. Maſſa nigra in retorta ſuperſtes pendeſcit ℥v. ℥v. gr. lxix. quæ igne reverberii calcinata reliquit cinerum ℥iiij. ℥ij. gr. xxvij. ex quibus ſalis fixi ſalſi ℥j. ℥v. gr. lv. extracta fuerunt. Partium jactura in diſtillatione fuit ℥ij. ℥v. gr. ix. in calcinatione vero ℥ij. ℥iiij. gr. xxxj.

Per hanc analyſim liquet, hanc plantam ſale eſſentiali donari tum ammoniacali, tum ſali Coralliorum ſimili, oleo acri, ſubtili, copioſo, implicito.

Apium craſſos humores attenuat, viſcerum obſtructiones reſolvit, urinas ciet, ſudores promovet, febres arcet, & vulnera ſanat. Succus foliorum defæcatus in febribus intermittentibus ineunte paroxiſmo ad ℥vj. propinatur. Ægrotans debite conſectus abundante ſudore perfunditur & ſanatur. Ad febrem quartanam & aliam quamcunque ab obſtructionibus oriundam bolus ſequens plurimum confert.

℞. Extracti folior. Apii paluſtr. ℥j. Cortic. Peruvian. tenuiſſime triti ℥ij. Syrup. de Abſynth. q. ſ. M. F. bolus ſ. a. Sumat æger paulo ante paroxiſmum.

Radix, folia & ſemina in ptiſanis, apoxematibus & juſculis aperientibus præſcribuntur.

℞. Radic. Apii, Fœnicul. Bruſci & Aſparagi ana ℥j. Cortic. Fraxin. & Tamaric. ana ℥ſſ. Folior. Ap. & Agrimon. ana M. j. Semin. Apii dulcis & Cuſcutæ ana ℥iiij. Flor. Geniſt. Borrage. & Bugloſſ. ana P. j. Coquantur in ſ. q. aq. comm. ad lbjſſ. Fiat apozema pro tribus doſibus, cui adde Syrup. de 5. rad. vel de Pom. ſimplic. ℥jſſ.

Apium lac nutricum minuit, & concretum reſolvit.

℞. Folior. Paludarii & Menthæ ana M. ij. Coquantur in aq. comm. ſ. q. cum axungia ſuillæ tantillo, ad putrilaginem. Pulpa per ſetaceum exprimitur, cui immiſce ſemin. Ap. pulver. q. ſ. Fiat cataplaſma mammis lacte turgidis applicandum.

Ex Apii ſummitatibus floridis cum Saccharo conditum præparatur in aſthmate, orthopnœa, flatulentis doloribus, urinæ & menſium ſuppreſſione commendatum. Ad ℥ſſ. præſcribi ſolet.

Joannes Bauhinus poſt Hollerium, internum Apii uſum epilepticis ſuſpectum cenſet. Eundem Robertus Boyle oculis inſenſum eſſe aſſerit *Tr. de Specific. & Simpl. remed.*

Externe Apii ſuccus ſcorbutica oris ulcera & alia quæcumque detergit. Cancris etiam exulceratis confert: nam tametſi hos curare nequeat, putredini tamen reſiſtit, auctore J. Bauhino, & foetorem eorum reprimit.

Apii radix uſurpatur in Syrup. de Cichor. cum Rheo dupl. Syrup. aperiente cachectico *Ph. Reg. Charas*, Syrup. anti-aſthmatico *Ejuſdem*, de Hyſſo-

po *Mesuae*, de 5. rad. aper. Folia in ung. mundificativo de Apio dicto. Succus in Electuar. de Psyllio, Emplastro de Betonica. Semen in pulvere lithontriptico *Renodai*, Benedicta laxativa, Philanio Romano, & Pilulis aureis.

Illud Apii genus translatum diligenti cultura mitius, minusque ingratum evadit; unde apud nos folia ejus teneriora sub fimo dealbata; una cum superna radicis parte abscissa, cum oleo, aceto & pipere esitantur & in deliciis habentur. Ejus usus Italis debetur a quibus Seleri vel Celeri vocatur. A Botanicis dicitur, Apium dulce Celeri Italorum, *H. Reg. Paris.* Selinum sive Apium dulce *Parkinson.* Licet autem Parkinsonus illud ut novam speciem ab Apio palustri diversam proponat, attamen J. Rajus asserit eandem prorsus esse, sola cultura diversam & mitiorem factam: quandoquidem observavit illud Apium dulce seu Celeri Italorum in Angliæ hortis solum & cultum, tandem post aliquot annos in vulgare Paludapium degenerare, scilicet ob aeris frigiditatem.

A Q U I F O L I U M.

AQUIFOLIUM & AGRIFOLIUM, *Off.* Aquifolium sive Agrifolium vulgo, *J. B. I. 114. Inst. R. H. 600. Agrifolium, Dod. Pempt. 758. Ilex aculeata baccifera, folio sinuato, C. B. P. 425. vulgo, Houx.*

Frutex est quandoque, cultura præcipue, in arborem excrescens & perpetua fronde virens. Caudex & rami lenti, flexiles, læves, cortice duplici continguntur; exteriori in ramis viridi, in trunco ut plurimum cinereo; interiore pallido, odore cum avelluntur ingrato, foetente. Materies ligni dura & solida, albicans & interius nigricans, quæ præ pondere in aqua subsidit, Buxi aut Guajaci instar. Folia pulchre virent, lævia, glabra, laurinis fere similia, sed minora, in ambitu sinuata, angulosa & longis ac rigidis aculeis horrida, quos tamen, senescente arbore, pauciores vel nullos habent. Flores parvi, conferti, brevibus pediculis appensi, monopetali, rotati, in quatuor laciniis divisi, cum totidem staminibus & calyce quadrifido, ex quo surgit pistillum posticæ floris parti ad instar clavi infixum, quod deinde abit in fructum mollem seu baccam parvam, rotundam, umbilicatam, rubram, gustu subdulcem, ingratam, officulis fetam albidis, quaternis, triquetris, oblongis, hinc gibbis, inde vero planis. In agri Parisiensis sylvis occurrit. In hortis colitur, præsertim in regionibus septentrionalibus, ad opera topiaria, quibus præ aliis commodus & opportunus est, cum sit frigoris patientissimus & perenni nitentium foliorum virore aspectui gratus, nec tonsuram respuat. Radix, cortex, baccæ in usum veniunt, sed raro.

Analyti chymica, baccarum maturarum & recentium ℥v. præbuerunt humoris limpidi fere inodori & insipidi, primo obscure acidi, deinde intensi ℥j. ʒix. ʒvj. gr. xij. humoris limpidi primo intense acidi, & intense austeri ℥j. ʒviiij. gr. xij. humoris rufescentis tum acidi, tum alcali urinosi ʒviij. ʒvj. olei ʒviij. gr. lxxij. Massa nigra in retorta superstes pendebat ʒviij. ʒj. quæ per duodecim horas igne reverberii calcinata reliquit cinerum ʒj. ʒj. gr. xlviij. ex quibus salis fixi mere

alca-

alkali ℥iij. gr. xvij. fuerunt extracta. Partium jactura in distillatione fuit ℥xij. ℥ij. gr. lix. in calcinatione ℥vj. ℥vij. gr. xxij. unde concludi potest, salem essentialem tartaro similem his in baccis contineri.

Radiciſ & corticis decoctum emollit & resolvit. Eo foventur utiliter articuli qui prius luxati duritiem contraxerunt, teste Matthiolo.

Zithogalum factum ex cerevisia & lacte in quo decocti sunt hujus foliorum aculei, mire conducit ad dolorem colicum & intestinorum tormina, cujus rei observationem J. Raius refert de quadam matrona, quæ post alia medicamenta frustra tentata, a muliercula quadam vaga & circumforanea hocce remedio sanata fuit.

Baccæ ad colicos dolores utiles sunt. Crassos siquidem, pituitososque humores per alvum educunt decem aut duodecim numero sumptæ, auctore Dodonæo.

Viscum aucuparium ex Aquifolii cortice in Anglia sic præparatur.

Delibratis Junio aut Julio mensibus quotquot videtur aut opus fuerit arboribus, cortices detracti in aqua fontana per septem aut octo horas continuas decoquuntur, donec tenerrimi evadant. Cocti in acervum humi cum filice s. s. s. componuntur, aqua prius curiose separata & per duas tresve septimanas fermentantur & computrescunt, donec in mucilaginem abeant. Exempti deinde in mortario tamdiu tunduntur, donec fingi, formarique possint instar massæ farinacæ. Massa in aquam profluentem submersa manibus versatur & diligenter subigitur. Aqua brevi sordes omnes eluit, visco residuo puro & defæcato. In fictili aliquo vase per quatuor adhuc aut quinque dies despumando relinquitur, donec se purgaverit & perfecit: deinde in novum vas translatum reservatur ad usum. Non ex corticibus hujus arboris tantum viscum aucuparium paratur, sed etiam e fructu Visci, & Sebesten.

Viscum autem aucuparium ex hujus cortice factum intus sumtum non minus nocivum, quam ex arboreo visco Dodonæus pronuntiat: tenacissimum siquidem est: interanea omnia conglutinat: excrementorum exitus contrahit & claudit, atque hoc modo perniciem homini affert, non qualitate aliqua deleteria, sed glutinosa sua substantia. Externe admotum resolvit, emollit, maturat.

A Q U I L E G I A.

AQUILEGIA, Aquileia & Aquilina, *Off.* Aquilegia sylvestris, *C. B. P.* 144. *Inst.* *R. H.* 428. Aquilegia flore simplici, *J. B.* 3. 484. Aquilegia, *Dodon.* 181. Aquilina, *Matthiol.* & *Adversar.* *Lobel.* vulgo, *Anco-lie*, *Gants de Notre-Dame*.

Radice est pollicem crassa, candida, alte in terram descendente, ramosa & fibrosa, sapore subdulci, & in multos annos vivace: foliis ternis Chelidonii majoris similibus, paulo tamen rotundioribus, per ambitum incis, inferius glaucis, superne obscurius virentibus, cum quadam cærulei tinctura, ex pediculis longis, rigidis, hirsutis: caule vero cubitali tenui, rubente, & leviter hirsuto: cujus alæ singulos proferunt flores cæruleos vel phæniceos polypetalos, anomalos, ex plurimis nempe petalis dissimilibus

con-

constantes: horum enim quinque plana sunt, cetera vero cucullata, utraque simul alterno ordine posita. E floris meditullio surgit pistillum staminibus stipatum, quod deinde abit in fructum, in quo velut in capitulum colliguntur vaginæ quaternæ vel quinæ, surrectæ, membranaceæ, univalves, suprema parte hiantes, inferiora versus conniventes, seminibus fetæ parvis, Milii magnitudine, ovatis, nigris, lubricis, splendentibus, sub testa tenui nucleolum oleosum continentibus. Color florum cultura diversus fit, siquidem in hortis excultæ hujus generis plantæ colore cæruleo, rubro, candido, carneo, herbaceo versicolore, infinitam pariunt varietatem. In agri Parisiensis sylvis sponte nascitur, in hortis quoque colitur. Herba, radix, flos & semen in primis usui medico inserviunt.

Semen multum olei & salis ammoniacalis continet.

Tota planta aperit, menses suppressos & urinas ciet, ac sudores provocat. Radix pulverata ad ℥j. Trago affirmante, cum vini haustu sumpta, colicos dolores sedat. Eadem in vino infusa, additis Becabungæ, Cochleariæ & Nasturtii aquatici foliis, egregium componit antiscorbuticum quo sanatus fuit miles asciticus & scorbuticus, ut Ettmullerus refert. Camerarius narrat, hujus radice frustulum apud Hispanos contra calculum quotidie mane intus sumi. Joannes Raius Aquilegiæ foliorum decoctum apud Anglos usitatum esse scribit, contra calidos faucium & asperæ arteriæ affectus: & a quibusdam in scorbutico ad oris ulcera colluenda & detergenda peculiariter commendatur. Flores cærulei elegantem & ab Ettmullero plurimum laudatam in morbillis tincturam præbent, cum aqua calente macerati, cum olei vitrioli guttis aliquot ad ruborem tantummodo conciliandum: haustus mane & vespri propinatur.

In scorbutico ad oris ulcera detergenda, firmandos dentes, gingivasque roborandas veluti præstantissimum remedium a Tournefortio proponitur eorundem florum tinctura, cum spiritu vini parata & cum tinctura Lacæ & Mastiches tinctura, anaticis partibus, mista. Semen in ictero eximium censetur remedium. Hujus seminis pulverati ℥j. quotidie mane in haustu vini albi sumitur. Vel ejusdem contusi ℥ij. per noctem in vini albi ℔ss. macerantur. Colatura mane, jejuno ventriculo, propinatur. Tragus & Matthiolus idem semen pulveratum ad ℥j. cum Croci tantillo in haustu vini sumptum commendant, modo æger in lecto se componat ut copiose sudet. Ex eo quoque cum aqua stillatitia vel decocto florum Aquilegiæ paratur emulsio, cui eboris sine igne præparati q. s. permiscetur, adversus eundem morbum. In morbis mali moris, nonnulli emulsiones ex seminibus Aquilegiæ & Ficuum vel Passularum decocto plurimi faciunt. S. Pauli testatur semen pulveratum ℥ss. vel ℥j. pondere in mulso, Fumariæ, Card. benedict. aut C. C. distillata aqua, propinatum, veluti ab orco revocasse tenuioris fortis puerulos morbillis ac variolis laborantes. Ab eodem & ab Hoffmanno idem semen in partu difficili maxime commendatur.

℞. Semin. Aquileg. sylvestr. gr. xxv. Rasur. Ebor. tenuissime pulver. ℥jss. & pulver. Lumbric. terrestr. ℔ss. M. F. pulvis a Langio commendatus in ictero.

℞. Semin. Aquileg. ℥jss. Croci ℔ss. Fiat pulvis. Detur in vino.

℞. Semin.

℞. Semin. Aquileg. ʒβ. Pulver. Lumbric. terrestr. ʒj. Croci ʒβ. M. F. pulvis mane sumendus.

℞. Semin. Aquileg. ʒβ. Contunde in aq. Aquileg. vel Chelidon. major. ℥j. Eboris philosophice pp. ʒβ. Fiat emulsio s. a. cum syrapi de 5. radicibus aper. ʒj. In duos haustus dividatur, mane & sero ictericis propinandus.

℞. Semin. Aquileg. ʒvj. Croci pulver. ʒj. Tartar. vitriolati ʒβ. Conserv. Cynorrhodon. q. s. Fiat opiata in septem partes æquales distribuenda. Sumantur mane, jejuno ventriculo, per septem dies continuos, decocti aperientis haustum super bibendo.

Hoc remedium a Timæo & Ettmullero commendatum ac sæpius expertum raro spem meam fefellit præmissis præmittendis.

℞. Pulver. folior. Aquileg. Salviæ, Menthæ crisp. Nuc. Mosch. Rutæ & Myrrhæ ana ʒβ. Alumin. usti ʒj. Mellis purissim. ʒvj. Mel leni igne despumetur. Despumato & calenti pulveres inspergantur. Fiat linimentum quo gingivæ putridæ inungantur. A Sennerto hoc linimentum tamquam efficax & longo usu compertum proponitur. *Lib. 2. Prax. Med. parte 1. cap. 16.*

A R G E N T I N A.

ARGENTINA, Potentilla & Anserina, *Off.* Pentaphylloides argenteum alatum, seu Potentilla, *Inst. R. H.* 298. Potentilla seu Argentina, *J. B.* 2. 398. Argentina, *Dod. Pempt.* 600. Potentilla Matthioli, *C. B. P.* 321. Pentaphylloides Argentina dictum, *Raii Histor.* 617. Argentina, *Volk. Tragi* 480. vulgo, *Argentine.*

E radice nigricante, nunc simplici, nunc fibrosa, adstringente, mire repit in locis humidis secus vias & fluviorum ripas & viticulis Fragariæ modo se propagat. Folia conjugata sunt Agrimonix similia, majoribus hinc inde pinnulis obtusis circa margines profunde dentatis, cum plurimis intermediis minusculis, constantia, superiore parte herbaceo colore virentia, inferiore vero argentea & molli lanugine obducta. Ex alis foliorum quæ appendicibus suis viticulos amplectuntur, exeunt flores singulares, pediculis longis hirsutis fulti, e quinque petalis aureis conflati, cum calyce monotomo in quinque partes acutatas diviso, inter quas totidem minores alternatim occurrunt, cum plurimis in medio staminulis & apicibus concoloribus. Pistillum mutatur in capitulum sphericum trium linearum diametri, in quo semina congeruntur plura, subrotunda, minora, sublutea, papaverinis similia. Radix, herba, semen ex usu sunt.

Analyti chymica, ex herbæ recentis ℥v. per B. V. distillatis, prodierunt phlegmatis limpidi, mere insipidi & inodori ʒx. humoris limpidi primo obscure acidi, deinde acidi manifesti ac tandem intensi ℥ij. ʒv. ʒv. In alambice residuum ʒxiiij. ʒvj. pondere æquabat: quod per retortam distillatum præbuit humoris rufescentis tum acidi austeri, tum alcali urinosi ʒj. ʒv. gr. vj. humoris rufi empyreumatici urinosi & sale volatili urinoso copioso imprægnati ʒj. ʒvij. gr. xvij. salis volatilis urinosi concreti ʒj. gr. xvij. olei spissi butyri

tyri ad instar ℥ij. ℥iiij. gr. liij. Massa nigra in retorta superstes pendebat ℥v. ℥vj. quæ per tredecim horas igne reverberii calcinata reliquit cinerum nigricantium ℥j. ℥v. ex quibus lixivio, salis fixi alcali ℥vj. extractæ fuerunt. Partium jactura in distillatione per alambicem fuit ℥xij. ℥v. in distillatione per retortam ℥ij. ℥v. gr. xlix. in calcinatione ℥iiij. ℥j.

Tota planta sapore herbaceo, subsalfo, stiptico donatur, & ejus succus chartam cæruleam rubro colore inficit: unde liquet hanc plantam sale ammoniacali & aliquantisper aluminoso seu vitriolico conflare, cum oleo crasso conjuncto.

Univerſa hæc planta refrigerare, adstrictoria & exsiccatoria virtute pollere, repellere, & roborare dicitur. Inter herbas vulnerarias adstringentes recensetur. Revera hæmorrhagias quascumque coercet. In sputo cruento, in fluxu uterino & hæmorrhoidali utiliter præscribitur, diarrhæam & cruentos alvi fluxus compescit. Ejus succus ad ℥iiij. vel ℥vj. decoctum vel infusum in vino vel aqua propinatur, necnon etiam in decoctis aut jusculis adstringentibus & vulnerariis præscribitur. Tabernæmontanus eam ad album fluorem uterinum commendat & ex foliis exsiccatis, rasura eboris, Coralliis, pulverem parat ex ejusdem aqua stillatitia propinandum. Tournefortius valde prædicat juscula ex Argentina & Astacis fluviatilibus parata ad hunc fluxum cohibendum. Vulnere conglutinat & ulcera sanat, ea præsertim quæ pudenda invadere & oris partes erodunt, si ejus decocto colluantur.

Ejus semen contusum & ad ℥ß. in ejus aquæ distillatæ ℥iiij. hæmorrhagias sistit. Ettmullerus Argentinam ut specificum in ictero remedium commendat. Eadem Timæo a Guldenkleee in secretis fuit contra nephritidem & calculum renum. Sunt, inquit Ettmullerus, qui pro arcano habent sequentem potionem contra calculum.

℞. Argentinæ viridis M. iiij. Secalis viridis M. ij. Succum exprimunt & addunt vinum rubrum ad pondus omnium. Misturam percolant pro una dosi in aurora primi die Maji mensis sumendum: & asserunt, si tribus annis continuis primo die Maji hoc repetatur, quod per totam vitam quis sit futurus immunis a calculo.

Vis febrifuga Argentinæ tribuitur. Idem Ettmullerus observat Argentinæ succum vel decoctum frequentius haustum nimium calorem in paroxysmis febrilibus compescere, sed non semper adeo tuto propinari, quia paroxysmus exinde nonnumquam magis prolongatur. Unde potius herba contusa & cum sale & aceto subacta a nonnullis carpis admovetur, aut plantis pedum supponitur in febrilibus paroxysmis, quos sæpe mitigat, imo quandoque abigit, teste Simone Pauli. Sunt etiam, observante eodem, qui ad delirium compescendum eam contusam & sale conspersam plantis pedum applicant. Quod quidem sanguinem acidis suis salibus vitriolicis inspissando ejusque circulationem nimis citam retardando perficit.

Adversus dysenteriam Castor Durantes jubet ut dysentericorum calceis indatur: atque hac arte Simon Pauli eam non solum dysenteriam, sed omne genus fluxionum infimi ventris, ut nimios menses, imo narium hæmorrhagiam sistere existimat.

Ejus decoctum in gargarismate nimis laxam columellam restituit, addito aluminis momento. In aceto cocta commotos dentes firmat & laxas cohibet gingivas.

Ejus aqua distillata in Officinis pharmaceuticis servatur, ad lentigines, panos & maculas faciei, fuscumque colorem sole contractum delendum commendata.

Ejus radices nonnulli apud Anglos, hyberno tempore esitant; sunt enim sapore suavi, nec minus grato quam Pastinacæ. J. Raius observavit etiam porcos radices hæc rostro effossas libenter vorare.

ARMENIACA MALUS.

ARMENIACA MALUS, *Off.* Armeniaca fructu majori nucleo amaro, *I.R.H.* 623. Mala Armeniaca majora, *C. B. P.* 442. Armeniaca mala majora, *Camer. Epitom.* 146. *J. B.* 1. 167. vulgo, *Abricotier*.

Arbor est moderatæ magnitudinis, Pyro videlicet minor, Persica major, cortice nigriore, caudice crassiore, firmo, ramis magis patulis brachiata. Folia ejus subrotunda, acuminata veluti nigræ Populi, at minora & ad Betulæ magis accedentia, marginibus serrata, quaterna, quinave simul emergunt. Flores ante foliorum exortum primo vere profert pentapetalos rosaceos, quinque scilicet petalis albicantibus in orbem positis constantes, cum calyce quinquifido ex quo surgit pistillum quod deinde abit in fructum carnosum, succulentum, firmum, fere globosum, utrinque plerumque compressum, secundum longitudinem sulcatum, intus, forisque luteum, aliquo rubore interdum perfusum, sapore dulcem & palato gratum, officulo fetum ligneo, duro, compresso pariter, non ut in Persica sulcato, sed lævi, nucleum includente seu Amygdalam candidam amaricantem, non injucundam, nonnunquam dulcem, pellicula flavescente obductam. In hortis & viridariis colitur: sobolescit insitione & inoculatione. Fructus ejus ob odoris gratiam & saporis dulcedinem plurimum arrident, & lautiores mensas tam cruda quam Saccharo condita nobilitant.

Analyſi chymica, ex ejus fructuum immaturorum & tenellorum ℥v. prodierunt humoris limpidi, odoris & saporis herbacei haud ingrati, subacidi ℥ij. ℥vij. ℥vj. humoris limpidi, intense acidi & austeri ℥ij. ℥v. gr. xxxvj. humoris rufi empyreumatici, tum acidi, tum alcali volatilis & sale volatili urinoso imprægnati ℥j. gr. xxxvj. olei fluidi ℥vij. gr. liiij. Massa nigra in retorta superstes pendebat ℥iiij. quæ igne reverberii calcinata reliquit cinerum nigricantium ℥vj. gr. xxiiij. ex quibus salis fixi mere alcali ℥iiij. gr. iij. lixivio sunt extracta. Partium jactura in distillatione fuit ℥ij. ℥iiij. gr. xviiij. in calcinatione ℥ij. ℥j. gr. xlviiij.

Caro fructuum maturorum, officulis rejectis, ad ℥v. per retortam distillata præbuit humoris fructum odore & sapore leviter referentis, obscure acidi ℥xiiij. ℥j. gr. xxxvj. qui aliquandiu asservatus acorem manifestum contraxit: humoris limpidi primo subacidi, deinde manifeste acidi, austeri admodum, & nucleorum contusorum odorem referentis ℥iiij. ℥ix. ℥vj. gr. xxx. humoris rufi empyreumatici sale volatili urinoso imprægnati ℥j. ℥j:

gr. xxiiij. olei craffi & spiffi ad inftar extracti ℥ij. gr. xij. Maffa nigra in retorta fuperftes & denfa admodum pēdebat ℥iij. ℥vj. gr. xxx. quæ per 20. horas calcinata reliquit cinerum nigrificantium ℥vij. gr. xxxvj. ex quibus falis fixi mere alcali ℥iiij. extractæ fuerunt. Partium jactura in diffillatione fuit ℥iij. ℥vj. gr. xij. in calcinatione ℥ij. ℥vj. gr. lxxvj.

Analylis horumcē fructuum comparata non adeo diverfas ex quibus componuntur fubftantias exhibet. Magnam falis acidi & olei ftrictē conjunctorum copiam continent, ita ut olei portio tantum mediocris fub oleofa fpecie per retortæ roftrum tranfeat, major vero pars in capite mortuo fixa remaneat.

Fructus Mala Armenia vel Armeniaca dicuntur; a quibufdam Chryfomala, ab aliis Præcocia, Præcoqua & Bericocia, unde vox Gallica *Abricot*, nuncupantur. Optima cenfentur quæ magna, quæ bene colorata, quæ matura, quæ gultu grata, & quorum caro ab offi culis facile feperatur.

Medici plerique, Galeni auctoritate freti, illa bonitate fuperare Perfica dicunt, quod neque in ventriculo, ut ea, corrumpantur, neque facile acefcant, fcilicet ob ficcio rem pulpæ confiftentiam: effe quoque Perficis fuaviora, hocque nomine ventriculo gratiora: omnibus enim quæ fuavia funt hoc inefle, ut ftomacho fint grata atque accepta.

Alimentum hæc mala, ficut alii fructus fugaces dant exiguum. Convenientiora funt calidis, ficcisque naturis quæ funt bilis feraces, quales funt juvenes: in pituitofis quæ frigidaæ funt atque humidaæ & quibus ftomachus debilis eft, facile corrumpuntur.

Immoderatus ingefta ventriculum inflant, cito corrumpuntur, febresque accendunt ut ceteri horæi fructus, mucofum fcilicet chymum efficiendo, ventriculi & inteftinorum parietibus adhærentem, facile acefcentem & ventriculi functiones lædentem, unde oriuntur febres quæ tamen facile folvuntur, fi ftatim initio ventriculus & inteftina emeticis & catharticis medicinis ab hac faburra tempeftive liberentur.

Armeniaca cum Saccharo condita & affervata five liquida, five ficca, five matura, five immatura, inter præftantiffima dulciaria feu bellaria a matronis noftris habentur. Nucleus eorum, quia amarus, necat vermes. Elici ex illis lacteus fuccus non fecus ac ex Amygdalis & emulfio parari poteft quæ in febribus falutaris, incidendo nempe vifcidos humores, exiftimatur. Oleum ex illis expreffum valere tradunt inunctum ad inflammatas hæmorrhoidas & ad aurium dolores. Idem potum ℥v. pondere cum vini Malvatici ℥j. calculos pellere & colicos dolores levare Matthiolus refert.

Plura Armeniacorum funt genera, cum fapore, tum magnitudine differentia. Sed his in regionibus hoc genus vulgatius eft.

A R T E M I S I A.

ARTEMISIA vulgaris, Off. Artemifia vulgaris, major, caule & flore purpurafcentibus, C. B. P. 137. Inft. R. H. 460. Artemifia vulgaris, J. B. 3. 184. Artemifia rubra, Tabern. Icon. 7. Artemifia mater herbarum, Lobel. Icon. 754. vulgo, *Armoife*, *herbe de la S. Jean*.

Radice est repente, digitum crassa, fibrosa, dulci, aromatica: caulibus bicubitalibus & altioribus, digiti crassitudine, teretibus, striatis, brevi lanugine hirsutis, firmis ac rigidis, ut plurimum purpurascentibus, medullosis, ramosis, cum foliis crebris alternatim positis, Absinthii fere divisura, ad costam usque incis, superne obscure virentibus, subtus incanis, qua nota ab Absinthio facile distinguitur. Flores dense nascuntur in summis ramulis, longa serie quasi spicatum dispositi, minimi & flosculosi, plurimis scilicet flosculis constantes quinquifidis, purpurascentibus, embryoni insidentibus & calyce squammoso comprehensis. Inter flosculos vero occurrunt & embryones nudi in capillamentum bifidum desinentes, qui perinde ac flosculorum embryones abeunt in semen Absinthii æmulum. Flores Absinthitis crebriores sunt, minores, nec deorsum nutantes, odore aromatico haud ingrato perfusi, minus, quam Absinthii vehementi. Secus fossas & rivulos agri Parisiensis nascitur. In hac planta caulis & flores interdum albescunt. Herba integra utilis est.

Analyti chymica, ex hujus plantæ recenter collectæ lbv. prodierunt humoris limpidi, primo saporis herbacei & obscure acidi, deinde manifeste acidi & aliquantisper austeri lbiiij. ℥v. gr. xxx. humoris tum acidi, tum salis subausteri, rufescentis & aliquantisper empyreumatici ℥iiij. ℥vij. gr. vj. humoris fusci empyreumatici, alcali, urinosi & sale volatili urinoso feti ℥j. ℥v. olei adiposæ spissitudinis ℥ij. ℥vj. gr. iiij. salis volatilis urinosi concreti gr. xlij. Massa nigra in retorta superstes pendebat ℥v. ℥iiij. quæ igne reverberii calcinata reliquit cinerum ℥ij. gr. xxxvj. ex quibus salis fixi mere alcali ℥ij. gr. xxxvj. lixivio extracto fuerunt. Jactura partium in distillatione fuit ℥iiij. gr. lxij. in calcinatione ℥iiij. ℥iiij. gr. xxxvj. Ex hac analysi manifestum est, Artemisiam sale essentiali donari ammoniacali, multo sulphure crasso & multa terra conjunctis. Quod etiam probatur ex falso ejus sapore, & rubro quem chartæ cæruleæ conciliat colore.

Artemisia uterina est & antihysterica vel etiam antispasmodica. Menses, fetum & secundinas pellit, uteri sordes abstergit, adeoque usus creberrimi est mulierculis quæ eam adhibent non solum interne in decoctis, jusculis & potionibus; sed etiam externe in balneis & lotionibus. Ex ea sacculi parantur qui tepentes in suffocationibus hystericis, partu difficili & mensium aut lochiorum suppressione ventri admoventur.

℞. Folior. & summitatum floridar. Artemis. M. j. Maceretur in aq. bullientis lbß. Vas operiatur, & post horæ quadrantem aqua effundatur & forbillando propinetur.

℞. Folior. & radic. Artemis. M. ij. Cinerum rubr. ℥j. Coquantur cum aq. comm. vel Artemis. distillatæ lbiiij. ad lbij. Colatura per cyathos propinetur adversus dolores post partum & lochior. suppressionem. Adde tantillum aq. Cinnamomi, si adsit virium prostratio.

℞. Folior. Artemis. & Matricar. ana M. j. Infund. per noctem in vini albi lbß. Colaturæ adde tincturæ Martis ℥ij. Aq. Cinnamom. ℥j. Propinetur in mensium & lochior. suppressione.

℞. Folior. Artemis. & Matricar. ana M. j. Coq. leviter in aq. comm. ad ℥vj.

In colatura dilue syrup. de Artemisia ℥j. Adde sp. vol. C. C. succinati gutt. xx. Fiat julapium cochleatum sumendum in hysterica passione.

℞. Summitatum Artemis. pulverat. ℥℥. Succini pp. ℥℥. Castor. gr. iij. Extracti Aloes gr. xv. cum s. q. conserv. flor. Calendulæ. Fiat bolus in passione hysterica & mens. suppressione.

℞. Folior. Artemisæ, Matricar. Mercurial. & utriusque Malvæ ana M. ij. Flor. Chamæmeli & Melilot. ana M. j. Semin. Lini & Sefeli ana ℥j. Incisa & contusa sacculis includantur, & in aquæ comm. q. s. coquantur. Sacculi calentes regioni umbilicali admoveantur ad menses movendos & dolorem post partum sedandum. Ex iisdem herbis infusus præparetur pro partu difficili.

Herbæ siccata pulvis ℥ij. pondere in vino potus optimum est doloris ischiadici remedium, auctore Parkinsono, qui & herbam recentem aut ejus succum haustum in convenienti aliquo liquore præstantissimum esse remedium asserit illis qui nimium Opii sumpserunt.

De præstantia hujus plantæ contra lassitudinem multa proferuntur, quæ ut superstitiose dicta habentur a nonnullis. Plinius de ea sic loquitur. Artemisiam & Elelisphacum (plantam nunc ignotam) alligatas qui habeat viator, negatur lassitudinem sentire. Post eum Botanici plurimi dicunt hanc plantam ad lassitudinem ex itinere maximum esse præsidium, quæ, ejus decocto si laventur aut foveantur pedes, omnis tollitur. Joann. Bodæus a Stapel, in notis ad Theophrasti Historiam plantarum, non dubitat emphatice proferre hujus decoctum hominum ex itinere lassorum pedes adeo recreare, ut nihil in rerum natura reperiatur quod ei sit conferendum; quod, licet C. Hoffmannus rideat, tamen S. Pauli haud a vero prorsus alienum putat. Scribit enim se sancte testari posse, se iis agris in quibus nervosum genus male habere sibi visum esset, flatulento spasmo obnoxiiis, aut qui de doloribus aut lassitudinibus membrorum, præsertim post chronicos & quandoque etiam post acutos malignos morbos, conquesti sunt, felicissimo sæpe eventu præscripsisse balneum maximam partem ex Artemisia, deinde Salviæ, Agrimonis, Chamæmeli & polentæ tritæ decocto repletum, ut in eum se immergerent vel in eo considerent. Quod quidem tribuit tenuibus partibus quibus Artemisia instruitur, quæ vim habent attenuandi, resolvendi, discutiendi. Illud autem probat non solum auctoritate ejusdem Hoffmanni qui hanc partium subtilitatem in ea agnoscit; sed etiam quotidiana coquorum experientia, qui duram anserum carmen, teneriorem efficere solent, eam Artemisæ foliis infarciendo, antequam coquantur. Addit insuper observationem cujusdam vetulæ, quæ, cum utraque genua tumor insignis œdematosus obsedisset, linteis duplicatis super Artemisia fumigatis eum ex voto abegit: qua hæc partium Artemisæ tenuitas confirmatur: non ergo adeo ridicula est aut spernenda defatigatos artus sublevandi facultas quæ hujus plantæ decocto tribuitur.

Sunt qui carbones sacro Joannis Baptistæ die sub hujus radice effossos ad epilepsiam commendant. Eos autem tum in pulvere exhibent, tum de collo suspendunt pro amuleto. Equidem rejecto quidquid superstitionis est in hac

praxi tamquam futili ac vano, non virtutis prorsus expertes sunt illi sic dicti carbones. Non enim carbones sunt, sed radices Artemisiae annosae demortuae & ita exsiccatæ ac semiputrefactione nigricantes factæ, ac principiis aut actuosius particulis non omnino destitutæ, ut Schroderus & Deckers in notis ad Barbetæ praxim asserunt, & ut putat Fernelius qui eas adversus epilepsiam proponit & odoratas expostulat. Eadem a Francisco Joele in *Praxi cap. de Epilepsia* laudantur, viro alias minus superstitioso. Ettmullerus quoque, qui, quæ de his carbonibus proferuntur anile figmentum diu putaverat, refert novisse mulierculam quæ hosce carbones propriis infantibus epilepticis cum fructu, cuspis cultelli quantum capit, propinavit. Dosis illorum carbonum pulveratorum est ad ʒj. in aqua conveniente exhibita. Similes carbones interdum sub Absinthio, Plantagine & aliis plantis reperiri solent.

In Officinis Pharmaceuticis pro usu medico ex Artemisia præparata servantur, aqua distillata ex planta florida, Syrupus de Artemisia dictus, Conditum, extractum & Sal fixus, in quibuscunque uterinis affectionibus commendata.

Usurpatur Artemisia in Syrupo de Artemisia *Pharmacop. Regiæ Charas*, Pulvere *Palmarii* contra rabiem, Unguento martiato, Emplastro diabotano *Franc. Blondel. Penicher. Coll. Pharmac.* Aqua vulneraria *Eiusdem* & aq. hysterica *Ph. Reg. Charas*.

A R U M.

A RUM & Aron *Offic.* vulgo, *Pied de veau*. Inter diversas Ari species duæ præsertim in Officinis occurrunt usitatiores quæ indiscriminatim usurpantur, scilicet Arum vulgare non maculatum, & Arum vulgare maculatum maculis nigris vel candidis.

ARUM vulgare non maculatum, *Off.* Arum vulgare non maculatum, *C. B. P. 195. Inst. R. H. 158. Arum Tab. Icon. 746.*

Radice est tuberosa, carnosa, pollicem crassa, subrotunda, sed difformi, candida, succo lacteo turgida, fibris quibusdam stipata: foliis dodrantem longis, quasi triangulis & sagittæ formam referentibus, nitidis, venenosis. Caulis ad cubitum pene assurgit teres, striatus, florem sustinens membranaceum, monopetalum, anomalum, auris asininæ, vel leporinæ forma, vaginæ in modum convolutum, ex albido virescentem, in quo latet pistillum pallide flavescens, ad cuius exortum, flore marcescente, oriuntur acini seu baccæ fere globosæ, dense in capitulum oblongum congestæ, purpureæ, molles, succi plenæ, semen unum aut alterum, exiguum, duriusculum, subrotundum, continentes. Tota planta acerrimi est saporis & linguam deurentis.

ARUM maculatum vulgare seu *Off.* Arum maculatum vulgare, maculis candidis vel nigris, *C. B. P. 195. Inst. R. H. 158. 7. B. 2. 783. Dodon. Pempt. 328.* Hæc species a priori non discrepat, nisi maculis candidis vel nigris quibus folia sunt respersa. Nascuntur in sylvis, locisque umbrosis, secus vias & in sepibus agri Parisiensis. Radix in usum venit, rarius folia.

Analyti chymica ex radicum recentium ꝑv. prodierunt humoris limpidi saporis & odoris herbacei subacris, cum sale alcali occulto, & obscure au-

steri ℥x. ℥j. gr. vj. humoris primo limpidi, deinde rufescentis, subacidi, austeri, odoris empyreumatici, tandem fusci, obscuri, saporis tum acidi, tum acris ℥iij. ℥viiij. gr. lxxvj. humoris rufi tum acidi, tum alcali & sale volatili urinoso imprægnati ℥ij. gr. xxxvj. olei spissioris & ad instar extracti ℥ij. ℥vij. gr. xij. Massa nigra in retorta superstes pendebat ℥vj. ℥vij. gr. xxxvj. quæ igne reverberii calcinata reliquit cinerum ℥vij. gr. lx. ex quibus salis fixi mere alcali ℥ij. gr. lx. extracta fuerunt. Partium jactura in distillatione fuit ℥v. ℥iiij. gr. lx. in calcinatione ℥v. ℥vj. gr. xlviiij.

Ari radix insigni pollet acrimonia, ita ut semel gustata verno tempore dum succo maxime turget, per diem integrum vellicationem in linguam relinquat. Succus foliorum igne blando paululum inspissatus ab olei tartari affusione spiritum urinosum dimittit. Chartam cæruleam rubro colore tingit. Insuper glutinosa est & veluti farinacea. Ex quibus conjici potest Ari radicem sale essentiali donari simili sali Ammoniaco spiritu Nitri saturato, cum oleo crasso & succo viscido & mucaginoso intermixto. Insignis illius acrimonia a spiritu seu oleo quodam subtili & acerrimo quale in Cochlearia, Helleboro, Croco deprehenditur pendere videtur, quod sola radice exsiccatione avolat. Nam radix recens acrior est quam exsiccata, quæ extrinsecus fere insipida est, dum in medio conservat acredinem haud mediocrem.

Radix in primis in usu est tam recens quam exsiccata. Ratione particularum tenuium & volatilium mucum viscidum & spissum ventriculi & intestinorum parietibus adhærentem potenter incidit, attenuat, atque resolvit: & ea de causa egregium fit stomachicum, appetitum prostratum mire restaurat & acuit: febres intermittentes sæpe solvit, tenaces, lentosque succos in primis alimentorum viis aut in mesenterii glandulis morantes solvendo. In asthmate humerali, tussi a pulmonum infarctu, plurimum laudatur; pulmonum enim bronchia a pituita viscida liberat; in ictero, chlorosi, cachexiis & chronicis morbis apprimè conducit, viscerum obstructions referando. In affectionibus melancholicis, hypocondriacis, hysteriis & scorbuticis quæ pendent a succorum lentore, feliciter usurpatur. Non item illis in affectionibus quæ ab humorum acredine & fibrarum spasmo, crispatura & eretismo oriuntur.

Radix sive sicca, sive recens a ℥ss. ad ℥j. & ℥iiij. intus exhibetur, & in opiatis mesentericis & aperientibus usurpatur. Recens radix decocta & melle excepta medetur pectoris morbis omnibus pituitosis, expectorat enim validissime crassas, lentasque excreationes, adeoque asthmaticos maxime juvat ℥ij. pondere sumpta.

Nonnulli vim catharticam illi tribuunt: Mesuæus eam velut catharticum præstantissimum commendat in morbis chronicis & contumacibus, præsertim cum Cepa aut Passularum decocto temperatam. In eadem sententia fuisse videtur Antonius Constantinus Medicus Aquiseptiensis & Pharmacopœæ Gallo-provincialis auctor, qui cachecticos ægros hoc Electuario purgare solebat.

℞. Radic. Aronis lotar. & mundatar. ℥iiij. Contunde in mortar. marmor. & per seraceum pulpa trajiciatur; cui adde Menthæ pulver. ℥iij. Folior. Absinth. ℥jss. Fiat Opiata quæ egregie purgat ad ℥ss. vel ℥j. in cachexia.

℞. Rad.

℞. Rad. Ari pulver. ʒʒ. Cinnamomi ʒj. Sacchar. albi ʒj. Misce. Fiat pulvis ex vino vel hydromelite sumendus in asthma, tussi, mensium & lochiorum suppressione.

℞. Radic. Ari, Irid. Florentin. Antihectic. Poterii, flor. Sulphur. ana q. pl. Cum melle vel syrup. de Erysmo fiat Electuar. de quo ʒij. æger bis die sumat, in asthma & pectoris affectibus pituitosis.

℞. Ari pulver. & Gum. ammon. ana ʒj. Tartar. vitriolati & Cremor. Tartar. ana ʒʒ. Sennæ pulver. ʒvj. Rhei & Diaphoret. mineral. ana ʒiiij. Agaric. Trochiscati ʒij. Trochiscor. Alhandal ʒij. Diagrydi ʒj. Conserv. Calendulæ ʒij. Syrup. Rosar. pallidar. q. s. Fiat Opiata dosi ʒij. quotidie vel alternis diebus per mensem sumenda, in mesenterii & viscerum obstructionibus.

℞. Rad. Ari pulver. ʒij. Acori vulgar. Pimpinellæ, Saxifragæ ana ʒj. Oculor. Cancror. ʒʒ. Cinnamomi ʒiiij. Salis Absinth. & Juniper. ana ʒj. Sacchar. rosati ʒʒʒ. M. F. pulvis cachecticus, cujus dosi ʒʒʒ.

℞. Rad. Ari pulver. ʒʒʒ. Croci martis aper. ʒʒ. Myrrh. & Gum. ammon. ana ʒj. flor. sal. Ammon. martial. ʒʒ. Conserv. flor. Calendul. vel Genistæ ʒʒ. Syrup. de Absinth. q. s. M. F. Electuar. anticachecticum & multoq̃ies probatum. Dosis ʒj. bis in die.

℞. Cortic. Peruvian. ʒʒ. Rad. Ari pulver. & Croci mart. aper. ana ʒij. Syrup. de Absinth. q. s. M. F. Electuar. Dos. ʒj. quarta quaque hora in febre quartana, febribus contumacibus, & cachecticis affectionibus.

Pulpa radice recentis & contusæ a Trago dicitur præsentissimum remedium ac minime fallax adversus venenum & pestem, sive sola, sive cum Theriacæ tantumdem. A quodam Philagrio, narrante Mesuæo, ex hac radice recenti contusa, placentulæ cum frumentacæ farinæ æquali portione simul mistis conficiebantur, in clybano coctæ comedendæ adversus hæmorrhoidales affectiones. Laurembergius ad hernias sanandas solam radicem pulveratam ad ʒj. exhibebat. *Dolæus Lib. I. Cap. 5. Section. 16.* radices Ari cum floribus sulphuris commistas tamquam summum remedium in phthisi commendat.

Quidam summam Ari acrimoniam mitigare tentarunt, sed cavendum ne vis ejus atque præstantia simul cum acredine extinguantur. Ettmullerus improbat macerationem in aceto a nonnullis propositam, qua salia alcalia volatilia acido aceti retunduntur & in tertium sale neutrum abeunt ab utroque prorsus diversum. Alii sæculam parant ex radicum recentium contusarum succo expresso, quem residere sinunt, donec limus seu fæces quædam tenues subsederint: tunc liquore per inclinationem effuso, limum exsiccant in tenuissimum pollinem sæculam dictum. Sed hæc sæcula elumbe remedium est & omni virtute fere destitutum. Hinc radix exsiccata & pulverata sine alia præparatione anteponenda est.

Ari folia, notante Ettmullero, adversus scorbutum usurpantur, vel cum infuso vino, vel in aceto una cum radice macerata, vel alio quocunque modo præparata.

Radix & ipsa planta recens & viridis in aceto coctæ & mitiores factæ, vim

diureticam obtinent, remediumque suppeditant egregium, contra casum ab alto, sanguinem grummosum factum solvendo; qua de causa ab Helmontio dicitur remedium magnum in casu magno. *Tr. Dispensator. modernor.* 840.

Externo usu folia arthritidis dolorem sublevant, si contusa & cum stercore vaccino mista dolenti parti calide admoveantur. Ulcera brevi mundificant & sanant. Ad anthracem & bubonem pestilentialem imposita plurimum laudantur a Trago. Radix etiam carcinomati exulcerato prodest, & ex ea fit pulvis a Sennerto, Hartmanno & aliis commendatus.

℞. Radic. Ari ℥ij. Arsenic. correct. ℥j. Fuliginis splendidae ℥iij. M.F. pulvis inspergendus.

Matronæ nonnullæ ex Ari radicibus stillatitias aquas ad fucum præparant, quas ad faciem erugandam, illustrandamque magis laudibus efferunt. Fæcula quoque ad eosdem adhibetur usus, siquidem cuti splendorem, nitoremque conciliare dicunt. Apud Pictones rusticanæ mulierculæ massam quamdam præparare solent ex caulibus & radicibus plantæ floridæ minutim sectis & aqua per tres hebdomadas maceratis, aquam quotidie renovando: tandem aqua effusa, massam conterunt, exsiccant, qua linteamina saponis loco mundantur. Eundem usum J. Raius in quibusdam Angliæ locis haud ignotum esse refert.

Ari radix usurpatur in Pulvere cachectico *Quercetani*.

A S A R U M.

A SARUM, Asara Baccara & Baccarus: Nardus rustica, *Off.* Asarum, *Dod. Pempt.* 358. & *Inst. R. H.* 501. *J. B.* 3. 548. *C. B. P.* 197. vulgo, *Cabaret, Oreille d'homme, Oreillette, Rondelle, Girard roussin, Nard sauvage*.

Humillima est & perpetuo virens planta, radice tenui, repente, angulosa, nodosa, fibrosa, spadicea, vel cinerea, acri, amaricante, nauseabunda, aromatica, Valerianam hortensem redolente: foliis rotundis, auritis, rigidis, nitidis, obscure virentibus, longis pediculis innixis. Flores prope radicem inter folia reconditi, tenui, & brevi pediculo insident, staminei, purpurei, & vix conspicui, si calycem excipias, qui crassior est & in tria segmenta divisus, acuta & atropurpureascentia. Hujus autem posterior pars quæ hexagona est, abit in fructum in capsulas sex divisum, in quibus semina continentur subrotunda, exigua, acinis uvarum quoad formam externam similia, fusca tunica involuta, quæ medullam albam continent acriusculam. Delectatur sylvosis & frequens occurrit circa Parisios in septo sancti Mauri. Radices & folia in Officinis usitata sunt.

Analyti chymica, ex radicum & folior. recentium ℔v. prodierunt humoris limpidi aliquantisper odorati, subamari, obscure acidi ℔ij. ℥v. ℥j. humoris primo limpidi, manifeste acidi, deinde rufescentis, intense acidi ac tandem subausteri ℔j. ℥xij. ℥v. gr. xij. humoris fusci, tum acidi, tum alcali urinosi ℥iij. gr. xxiiij. olei spissioris ad instar extracti ℥ij. gr. xv. Massa nigra in retorta superstes pendebat ℥vj. gr. xij. quæ igne reverberii calcinata reliquit cinerum ℥ij. gr. xlvij. ex quibus salis fixi mere alcali ℥viij. gr. lxxvj.

gr. lxxvj. Partium jactura in distillatione fuit ℥iij. 3j. gr. ix. in calcinatione ℥iij. 5vij. gr. xxxvj.

Folia & radices Asari amara sunt & acria, chartam cæruleam rubro colore tingunt. Ex his liquet, Asarum succo donari simili spiritui vitrioli dulcificato & spiritui oleoso volatili, aromatico, acri, simul conjunctis.

Asarum remedium est polychrestum, vomitorium nempe & per inferiora valide purgans, diureticum, sudoriferum, aptissima morborum diuturnorum medicina & menses stimulans.

Radices & folia vomitum & secessum violenter provocant. Radix pulverata a 3ß. ad 3j. exhibetur: in infuso a 3j. ad ℥iij. Pulvis autem variat ratione præparationis: si enim minutissime pulveretur, eo efficacius vomitum & urinam pellit sicut & menses. Si vero minus accurate conteratur, per inferiora solummodo purgat, sine insigni ventriculi subversione. Decoctum autem præparatur vel in vino vel in aqua. Si decoquatur in vino, retinet vim vomitoriam & cathartica: si vero decoquatur in aqua simplici, a qua sulphurea ejus pars solvi nequit, vis emetica & cathartica perit, & rite administratum fit egregium alterans medicamentum, diaphoreticum & diureticum, in morbis chronicis & febribus intermittentibus summæ utilitatis. Quod quidem primum ab Helmontio & post eum a Zvvelfero & a Cl. Tournefortio observatum fuit.

Præter facultatem emeticam & cathartica Asarum insigni donatur virtute obstructions reserandi, visceraque roborandi, unde illud emetico-catharticum in febribus intermittentibus, ictero, hydrope, diarrhæa & dysenteria, in affectionibus melancholicis, ischyadico dolore & arthritide utiliter exhibetur: urinas ciet & menses pellit, unde meretriculæ plus satis frequentant decoctum ejus, cum sentiunt se gravidas: & eandem ob causam prægnantes ab eo abstinere debent.

Folia, observante Vedelio, radicibus violentius purgant. Exhibentur n. 5. 6. 7. 8. vel 9. vino aut hydromelite macerata vel cocta & expressa.

℞. Pulver. rad. Asari 3ß. vel 3j. Capiat æger ex hydromel. aut Oximel. vel ex conserva flor. Aurantior.

℞. Rad. Asari ℥iij. Infunde per noctem in vini albi 3vj. Colaturam æger capiat mane.

℞. Folior. virid. Asar. n. 7. vel 8. Contusis affunde vini albi 3vj. Macerentur frigide per horam. Fiat colatura cum expressione pro haustu ad vomitum provocandum.

℞. Rad. Asar. 3j. Macerentur per noctem supra cineres calidos in aq. commun. ℥vj. Fiat colatura mane, jejuno ventriculo, propinanda & in viscerum obstructionibus.

Ex radicibus & foliis Asari cum spiritu vini extractum in Officinis præparatur emeticum a 3ß. ad 3j.

Rarius Asarum purgantis nomine in usum venit, ex quo vomitoria stibii præparationes invaluerunt.

Pulvis foliorum errhinum est præstantissimum de quo J. Colbatch Medicus

An-

Anglus in suo Tentamine Physico-Medico, *De alcalibus & acidis quatenus habent respectum ad morborum curationem*, mentionem facit, tanquam novissime detecto a quodam D. Pitt, Pharmacopæo Vvorcestriensi. Narrat autem tria, quatuor, aut quinque grana pulveris foliorum exsiccatum adversus cephalalgiam, cubitum euntibus Tabaci more exhibita, efficere ut non turbata ægri quiete mane sequenti per nasi glandulas materiæ ferosæ non parva quantitas exoneretur, quod verum esse sæpius comperi: imo hunc pituitosum fluxum per tres dies continuos perseverasse observavi, cum summo ægri levamine.

Idem pulvis surditati nonnunquam medetur, annotante eodem auctore, modo in aures granum unum aut alterum insuffletur. Hujus novi errhini efficaciam expertus sum in oris & linguæ paralyfi, quæ unica dosi hujus remediï & largo inde suborto pituitæ fluxu sanata fuit. Quapropter hoc errhinum seu capitipurgium medicamentum contra capitis affectus diuturnos & contumaces, ex viscida tenacique materia oriundos, gravativos dolores, paralyfim, morbosque soporosos utiliter præscribi posse censeo.

Ceterum Asarum a signatura quæ aurem refert, a quibusdam ad aurium morbos commendatur, referente Ettmullero. Folia vel sola vel cum aliis specificis remediis mista coquant & decoctum auribus instillant, aut in suffitu auribus admovent. Alii lixivio in quo decoctum fuit Asarum caput lavant, & specificum dicunt ad catarrhos quoscunque, speciatim si auditum affligant, & hinc auditum & memoriam firmare credunt.

Radix usurpatur in Syrupo hydragogo *Ph. Reg. Charas.*

Radices, folia & fructus contrita & carpis admota, ineunte paroxismo, febres intermittentes nonnunquam profligant.

A S C L E P I A S.

A S C L E P I A S, Vincetoxicum, & Hirundinaria, *Off.* Asclepias albo flore, *C. B. P.* 303. *Inst. R. H.* 94. Asclepias five Vincetoxicum multis, floribus albicantibus, *J. B.* 2. 138. Vincetoxicum, *Dod. Pempt.* 407. Hirundinaria, *Tragi* 180. Hirundinaria flore albo, *Parkinson*: Cission. Cissophylon, Hederalis, *Ruel.* 728. vulgo *Dompte venin*.

Radice est numerosis stipata fibris, pluribus ex uno capite prodeuntibus, crassiusculis, longis, albis, sapore acri, subamaro, ingrato, nauseoso, odore graviusculo: caulibus lentis, cubitalibus & altioribus, hirsutis, geniculatis: foliis binis ex adverso nascentibus, non nihil per extremos margines & nervos hirsutis, forma hederaceorum, longioribus, rugosioribus, brevibus pediculis innixis. Ex foliorum alis pediculi prodeunt divisi in plures alios qui flores sustinent albicantes, monopetalos, campaniformes, patentes, & quinquifidos, cum quinque apicibus concoloribus, rotulæ modo dispositis, calyce in totidem partes diviso, & pistillo posticæ floris parti ad instar clavi infixi. Flori supponitur capitulum etiam quinquifidum. Pistillum abit in fructum ex duabus vaginis constantem membranaceis, sesquiunciam & amplius

longum.

longis a basi ad apicem dehiscentibus, multo semine fetis rufo, latiusculo, compresso, pappis seu cristata lanugine instructo, ac placenta squammatis affixo. Ab Apocyno & Periploca Asclepias differt, quod limpidus sit illius succus, non vero lacteus ut in illis. In nemore vici Bononiæ dicti apud Parisios sponte nascitur. Usus est radicum & foliorum.

Analyti chymica, ex plantæ floridæ recentis demptis radicibus ℥v. per B. V. distillatis, prodierunt humoris limpidi, saporis herbacei, primo obscure acidi, deinde manifeste acidi ℥ij. ℥xij. ℥vj. gr. xxxvj. Massa exsiccata residua, per retortam distillata, præbuit humoris rufescentis, subausteri, deinde salis ℥j. ℥ij. ℥iiij. gr. lvij. humoris rufi tum acidi, tum salis ℥ij. ℥ij. gr. xxxvj. humoris rufescentis, alcali, urinosi, & sale volatili urinoso copioso imprægnati ℥v. gr. xxxvj. olei spissi & butyrosi ℥ij. ℥ij. gr. liij. Massa nigra in retorta superstes pendebat ℥vij. quæ igne reverberii calcinata reliquit cinerum nigricantium ℥j. ℥vj. gr. xxxvj. ex quibus salis fixi mere alcali ℥vj. gr. xxxvj. fuerunt extracta. Partium jactura in distillationibus fuit ℥iiij. ℥j. gr. lxix. in calcinatione ℥v. ℥j. gr. xxxvj.

Ex radicum recenter avulsarum ℥v. per B. V. distillatis prodierunt humoris limpidi, odoris & saporis aliquantisper aromatici, acris, linguam pungentis, primo obscure acidi, deinde manifeste acidi, & subausteri ℥ij. ℥xiiij. ℥ij. gr. xxiiij. Massa superstes per retortam distillata præbuit humoris primo rufescentis manifeste acidi & salis, deinde fusci, intense acidi, tandem salis & alcali urinosi volatilis ℥vij. ℥iiij. gr. xxvij. humoris fusci, empyreumatici, alcali urinosi ℥vij. gr. xlv. olei butyri ad instar spissi ℥ij. ℥iiij. gr. xxxvj. Massa nigra in retorta residua pendebat ℥xiiij. ℥v. gr. xxxvj. quæ igne reverberii per 24. horas calcinata reliquit cinerum leucophæorum ℥vij. ℥vij. gr. xxxvj. ex quibus salis fixi salis ℥j. gr. ij. extracta fuerunt. Partium jactura in distillationibus fuit ℥ix. ℥j. gr. xlvij. in calcinatione ℥vj. ℥vj.

Asclepiadis radices amaræ sunt, subacres, aromaticæ, & chartam cæruleam rubro colore tingunt, folia vero debilius tingunt & subsalsa sunt. Unde concludimus, sicut ex analysi, hujus plantæ radices donari sale essentiali salso tum vitriolico, tum ammoniacali, acido plusquam saturatis, & multa terra, multoque oleo tum tenui, tum crasso bituminoso involutis: folia vero plus ammoniacalis salis continere.

Radix alexipharmaca est & sudorifera: in peste & aliis morbis mali moris plurimum commendatur. Menses & urinas provocat. Pulverata ad ℥j. exhibetur. In infuso vel decocto ab ℥ss. ad ℥j. Nonnullis, dum recens est, nauseam vel vomitum levem excitat. In variolis, morbillis & febribus malignis, ejus decoctum a Cl. Tournefortio Scorsonneræ decocto antepositum ad diaphoresim aut sudorem promovendum. Decoctum ejus in aq. comm. ℥ij. præscribitur pro potu ordinario. Ad strumas sanandas, & ad menses suppressos revocandos utile est idem decoctum sæpius usurpatum.

℞. Radicum Vincetoxici ℥j. Infunde in aq. bullientis ℥ij. Infusum percoletur.

Dividatur in tres cyathos, cum syr. de Arthemisia aut aperiente cachectico

Ph. R. Charas propinandos quarta quaque hora, in suppressione mensium.

Ejus-

Ejusdem decoctum cum vino a Paracelfo laudatur in hydropē. Radix pondere semilibræ per noctem in vino macerata & deinde usque ad tertias decocta mane, jejuno stomacho, calida pota, sudore interim provocato, mirifice expellit aquam intercutem, adeo ut illa per pedum plantas erumpat: estque hoc singulare experimentum a Trago relatum.

Externe tam folia quam radices & semina usurpantur in mammarum ulceribus, aliisque fordidis ac malignis mundificandis: ad morsus viperarum & insectorum venenatorum ictus. Folia contusa mammarum tumores resolvunt & discutunt.

Ex foliis & radicibus præparatur extractum ad eadem usurpatum a ℥ss. ad ℥jss.

Radix usurpatur in aceto Theriacali *Pharm. Reg. Charas* & in electuario Orvietano *Frederici Hoffmanni*.

ASPARAGUS.

Duplex est Asparagus in Officinis usitatus, sativus & sylvestris.

ASPARAGUS, sativus *Off.* Asparagus sativa *C. B. P.* 489. *Inst. R. H.* 300. Asparagus hortensis & pratensis *J. B.* 3. 725. Asparagus sylvestris *Mat-biol.* 478. vulgo, *Asperge*.

E radicibus numerosis, ab uno veluti capite pendentibus, teretibus, carnosus, candicantibus, subdulcibus, glutinosis, primo vere cauliculos emittit teneros, longos, teretes, virides, glabros, sine foliis, ab uno cespite plures, esculentos, & grati saporis, qui paulatim ad duorum cubitorum altitudinem assurgunt & in numerosos, tenues, firmos dividuntur ramos & virgas, circa quas folia nascuntur frequentia, viridia, capillacea, mollia, uncialia. Flores rosacei sunt, hexapetali, pallide virentes, cum pistillo in fructum seu baccam mollem abeunte, Pisi magnitudine, fere globosum, purpurascentem, mollem, subdulcem, cum seminibus duobus vel tribus umbilicatis, nigris, duri, corneæ soliditatis. In hortis & arvis colitur, in primis ad culinarium usum. Ejus enim recens enati turiones seu Asparagi proprie dicti diversimode cocti mensis apponuntur & palato mirifice placent, Radix & semen in Officinis Pharmaceuticis usitata sunt.

Analyſi chymica, ex radicum tenerarum & recentium ℔v. per B. V. distillatis, prodierunt humoris limpidi saporis herbacei, obscure salſi ℔iij. ℥iij. ℥vj. gr. xxvij. humoris limpidi, subacidi ℥xj. ℥ij. gr. xlv. Residuum per retortam distillatum præbuit humoris rufescentis, subacidi, subacris & austeri ℥iij. gr. xvj. humoris alcali, urinosi, volatilis, empyreumatici ℥j. ℥v. gran. xx. olei spissi ℥j. ℥j, gr. liij. Massa nigra in retorta residua pendebat ℥v. ℥j. gran. xvij. quæ igne reverberii calcinata reliquit cinerum fuscorum, nigricantium ℥j. ℥ij. gr. xv. ex quibus salis fixi alcali ℥iij. gran. liv. extracta fuerunt. Partium jactura in distillationibus fuit ℥iv. ℥vj. gr. xxxvj. in calcinatione ℥iij. ℥vij. gr. iij.

Illæ radices subdulci & glutinoso sapore donantur cum quadam austeritate, chartam cæruleam colore rubro levissimo quidem, inficiunt; unde Tournefort,

nefortius cenſet eas ſale eſſentiali donari tartaro vitriolato ſimili, multo phlegmate diluto, oleo craſſo, copioſo & mediocri terræ portione implicito. Aliquid tamen nitroſi huic tartaro vitriolato conjungitur, quod quidem in turionibus majori cōpia deprehenditur.

Turionum viridium ſummitates ad ℥v. per retortam diſtillatæ præbuerunt humoris aliquantiſper turbidi & lacteſcentis, odoris & ſaporis herbaei Aſparagos referentis ℥xiiij. ℥ij. gr. xlviiij. humoris limpidi, primo obſcure acidi, deinde manifeſte acidi ℥iiij. ℥ix. ℥iiij. humoris ruſi empyreumatici, alcali, urinoſi ℥j. gr. xxiiij. ſalis volatilis urinoſi, cōcreti gr. lx. olei adipoſæ craſſitudinis ℥iiij. gr. xxiv. Maſſa nigra in retorta reſidua pendeſcit ℥ij. ℥iiij. quæ igne reverberii calcinata reliquit cinerum ℥vj. gr. xlviiij. ex quibus ſalis fixi alcali ℥iiij. gr. xxiiij. lixivio extracta fuerunt. Partium jaçtura in diſtillatione fuit ℥v. gr. lx. in calcinatione ℥j. ℥v. gr. xxiiij. Ex hac analyſi liquet Aſparagorum turiones ſalem ammoniacalem nitroſum continere copioſum, & magis explicatum quam in radicibus, a quo vis diuretica pendere videtur.

Aſparagi turiones ſeu germina recentia ciborum appetitum excitant, ſed nutrimenti parum præbent. Urinam provocant, & mirum fœtorem ei communicant. Sunt qui eos tanquam præſervativum in calculo & lithontripticum commendant; ſed ab Helmontio & Ettmullero arguuntur qui ab eorum uſu lithiaſin induci aſſerunt. In quibuſdam venerem ſtimulant acribus ſuis ſalibus, nerveas partium & urinæ ſecretioni & generationi dicatarum membranas proritando. A nonnullis vis alvum emolliendi illis tribuitur quæ ab aliis denegatur; adeo incerta eſt.

Radix Aſparagi inter quinque radices aperientes majores numeratur cum Apio, Fœniculo, Petroſelino & Ruſco. Diuretica cenſetur, ſed hac virtute turionibus inferior mihi videtur. In ptifanis, apozematibus, & juſculis aperientibus, præſcribitur cum aliis radicibus aperientibus ab ℥ß. ad ℥j. pro decocti ℥j.

Eadem vis diuretica ſeminibus tribuitur, ſed in uſum rariffime veniunt.

Radices uſurpantur in Syrupo de quinque radicibus aperientibus, Syrup. de Althæa, antinephritico *Ph. Reg.* Syrup. de Cichor. comp. Semina vero in pulvere lithontriptico *Renaudai*, & Benedicæ laxativa.

ASPARAGUS, ſylveſtris *Off.* Aſparagus ſylveſtris tenuiſſimo folio *C. B. P.* 490. *Inſt. R. H.* 300. Aſparagus ſylveſtris *Matthiol.* 478. A ſativo non differt, niſi partium exilitate, ita ut nonnulli eos inter ſe discrepare exiſtimarent ſola cultura, quæ ſpecioſiora & ampliora omnia reddit. Attamen *Cl. Tournefortius* obſervavit Aſperagum ſylveſtrem diu in horto Regio ex-cultum nullam mutationem ſubiſſe nec cultura ampliorem factum fuiſſe. Unde concludit eum non ſativi varietatem eſſe ſed ſpeciem diverſam.

Iſdem donatur virtutibus, imo valentioribus; ita ut, pro uſu medico, ſativo a plurimis anteponatur.

A S P E R U L A .

ASPERULA, Aspergula, Asperula odorata, Hepatica stellata, Stellaria, Matrisylva. *Off.* Aparine latifolia humilior montana *Inst. R. H.* 114. Asperula five Rubeola, montana, odora *C. B. P.* 334. Rubiis accedens. Asperula quibusdam, five Hepatica stellaris *J. B.* 3. 718. Asperula odorata flore albo *Dod. Pemp.* 355. Hepatica stellata *Tabern. Icon.* 816. Stellaria *Brunsfels*: Matrisylva *Trag.* 496. vulgo *Petit Muguet*.

Radice est tenui, geniculata, fibrata, repente cauliculis tenuibus, quadratis, geniculatis, palmaribus & dodrantalibus: foliis ad singula genicula senis vel septenis verticillatim dispositis, aliquantulum scabris, foliis Aparines latioribus, pallidius virentibus. Flores in ramulis summorum caulium nascuntur, monopetali, campaniformes, patentes, quadrifariam divisi, candidi, suaviter olentes, cum calyce qui abit in fructum siccum, cortice tenui & aspero obductum, ex gemellis globulis constantem. Tota planta gratum, suavemque spirat odorem. In agro Parisiensi sponte nascitur. Tota planta in usum venit.

Analyti chymica, totius plantæ floridæ, dempta radice ℥v. præbuerunt humoris limpidi, obscure acidi, saporis herbacei, amaricantis ℥j. ℥ij. ℥iij. humoris primo rufescentis, subacidi, amaricantis, acris, linguam pungentis & Persicorum nucleorum saporem referentis, deinde fusci, empyreumatici, acidi manifesti, amari & aliquantisper austeri ℥ij. ℥ij. gr. xij. humoris empyreumatici, fusci, alcali, urinosi, & sale volatili imprægnati ℥j. ℥vij. gr. xlvij. olei instar syrupi crassi ℥ij. ℥iij. gr. xxiiij. Massa nigra in retorta residua pendebat ℥vij. ℥ij. quæ igne reverberii calcinata reliquit cinerum leucophæorum ℥iij. ℥j. gr. xxxvj. ex quibus salis fixi mere alcali ℥v. gr. li. lixivio fuerunt extracta. Partium jactura in distillatione fuit ℥xiiij. ℥vj. gr. lx. in calcinatione ℥iij. gr. xxxvj. Per hanc analysim liquet Asperulam sale essentiali donari tartari vitriolato simili, multo oleo acri tum tenui, tum crasso consociato. Tota planta gratum suavemque spirat odorem, saporem habet subsalsum & aliquantisper austerum.

Ratione tenuium suarum particularum humores crassos ac tenaces incidit, attenuat, discutit: & levi qua donatur adstrictione viscerum fibras nimis laxas firmat & roborat. Eapropter in levioribus & incipientibus hepatis, lienis, mesenterii obstructionibus, in ictero, plurimum valet, necnon etiam in epilepsia & paralyti commendatur. Vulnerariis quoque plantis annumeratur, nec immerito: blando enim suo sulphure, humorum acrimonia demulceretur, & adstringentibus suis particulis solidæ partes leviter constringuntur. Externe herba contusa cataplasmatibus modo hepatis tumori imponitur. Ejus decoctio cutis scabie foedata lavatur.

Ex floribus conditum præparatur adversus epilepsiam proficuum, & ex illis tinctura cum spiritu vini extrahitur adversus paralytim commendata.

A T R I P L E X.

ATRIPLEX plures sunt species, quarum tres potissimum in Officinis usitatae sunt, de quibus hic agemus, scilicet Atriplex alba, Atriplex rubra, & Atriplex foetida.

ATRIPLEX alba *Offic.* Atriplex hortensis alba, sive pallide virens *C. B. P.* 119. & *Inst. R. H.* 505. Atriplex alba hortensis *J. B.* 2. 970. Atriplex sativa alba *Lob. Icon.* 253. vulgo, *Arroche*, *Belle-dame*, *Bonne dame*, *Follette*.

Radice est recta, palmari fibrosa, annua: caule procero & erecto, imo terete, supremo anguloso, ramoso: foliis Bliti minoribus, laevioribus, mollioribusque, triangulis, ad pediculum quasi alatis, nonnihil in ambitu sinuatis, & tenui quadam farina respersis, colore ex viridi in luteum languente, gustu fatuo. Flores in summo caule & ramulis copiosi nascuntur, apetalii, plurimis scilicet staminibus & apiculis constantes luteis vel herbidis, ex calyce pentaphyllo surgentibus, cum pistillo quod abit in semen unicum, orbiculatum, compressum, spadiceum, saporis, dum recens est nidorosi, ipso calyce seu capsula folliculacea obvolutum.

ATRIPLEX rubra *Off.* Atriplex hortensis rubra *C. B. P.* 119. & *Inst. R. H.* 505. Atriplex rubra hortensis *J. B.* 2. 970. Atriplex sativa altera, folio & flore purpureo livens *Lobel. Icon.* 253.

Hæc species cum præcedente omnibus suis partibus, totaque facie externa convenit, præter colorem sanguineum seu purpureum obsoletum, quo penitus tingitur & imbuitur.

Atriplex utraque in hortis olitoriis, ubi seritur, annua est. Semel vero sata ex semine deciduo se quotannis renovat. Herba cocta estur ut olus: nunc tamen rarissime culinas ingreditur. Folia & semina in usum Medicum veniunt.

Analysi chymica, ex foliorum Atriplex albae lbv. prodierunt humoris primo limpidi, deinde subturbidi, flavescentis, odoris & saporis subsalsi, lixiviosi, qui salis & alcali salis notas præbuit lbj. ℥vj. ℥vij. gran. lj. humoris flavescentis tum salis & alcali urinosi, tum acidi lbj. ℥j. ℥vj. gran. lix. humoris fusci, sale volatili urinoso imprægnati ℥vj. salis volatilii urinosi, concreti gran. xiiij. olei ℥. vj. gr. xvij. Massa nigra in retorta residua pendebat ℥iiij. quæ igne reverberii calcinata reliquit cinerum ℥ij. ℥iij. gr. xxvij. ex quibus lixivio salis mere alcali fixi ℥j. ℥iij. gr. xvij. Partium deperditio in distillatione fuit ℥j. ℥v. gr. iij. in calcinatione ℥ij. ℥iiij. gr. xliij.

Atriplex itaque sale essentiali donatur falso ammoniacali, nitroso, qualis exurgeret ex mixtura spiritus nitri & salis volatilii urinosi, cum olei portione non mediocri conjunctis, multo phlegmate dilutis & pauca terra.

Atriplex utraque alba & rubra exiguum admodum nutrimentum vescentibus præbent, stomacho nocent, nisi aromatibus aut sale & aceto condiantur. Jusculis quæ alvi ciendæ causa parantur non parum utiles sunt. Natura sua refrigerant & humectant. Herbis emollientibus annumerantur. Al-

vum emolliunt, blande laxant, fæces induratas fluxiles faciunt, simulque flatus discutunt. Egregie præsertim conveniunt hypocondriacis, quorum viscera æstuant & alvus constricta est nimis. Ebullientes in primis viis humores acres & biliosos temperant, indeque natos ardores & inflammationes mitigant. In clysterum decoctis recentes præscribuntur ad Mj. aut Mij. in primis emollientibus & anodynis, alvum duram provocantibus & moderate laxantibus. In cataplasmatibus etiam pro inflammationibus sistendis, doloribus mitigandis, partium tensionibus laxandis & emolliendis tumoribus duris imponuntur, atque podagricis doloribus leniendis. Cum foliis Vitis, herba Anethi & Chamæmeli ingreditur pediluvia, pro somno conciliando, in febribus ardentibus & deliriis.

Atriplicis albæ femina recentia tum alvum abunde subducunt, non sine molestia, tum crebros vomitus provocant teste Matthiolo. Serapio narrat Rhasim vidisse hominem quemdam qui ex Atriplicis semine ℥ij. pondere sumpto, crebris tum vomitibus, tum alvi dejectionibus vexatus fuit, adeo ut ad extremam virium imbecillitatem devenerit. A quibusdam in ictero commendantur, ab aliis in rachitide. Usurpantur in pulvere de Guttera dicto, a Riverio adversum infantium epilepsiam præscripto.

ATRIPLEX foetida, Vulvaria *Off.* Chenopodium foetidum *Inst. R. H.* 506. Atriplex foetida *C. B. P.* 119. 7. *B.* 2. 974. Vulvaria *Tabern. Icon.* 428. Atriplex pusilla, olida hircina, Vulvaria vocata, Garum olens *Lobel.* Gurosmum *Dod. Pemp.* 616.

Ex radice gracili, fibrata, cauliculos promit repentes, ut plurimum ramosos, dodrantaes aut longiores, quos vestiunt foliola subrotunda, in obtusum acumen desinentia, colore formaque Atriplicis, sed minora multo, farinaceo pulvisculo asperso candicantia, odore viroso Garum putridum referentia, præsertim si digitos inter conterantur. Flores summis ramulis acervatim inhaerent, exigui, apetalii, plurimis scilicet staminibus constantes ex calyce quinquifariam diviso surgentibus, cum pistillo quod abit deinde in semen unicum, minutum, splendens, nigricans, orbiculatum & planum, in capsula veluti stelliformi quæ floris calyx fuit, reconditum. Locis incultis & juxta semitas nasci gaudet. In agro Parisiensi reperitur.

Analyti chymica, ex Atriplicis foetidæ floridæ ℔v. prodierunt humoris primo limpidi, deinde flavescentis, odoris & saporis salis, lixiviosi, qui alcali urinosi notas præbuit, ℔iij. ℥vij. gr. xxxvj. humoris primo flavescentis, deinde rufescentis, salis, tum alcali urinosi, tum subacidi ℔j. ℥iiij. ℥vj. gran. xxxvj. humoris fusci, empyreumatici, sale volatili urinoso imprægnati ℥j. ℥iiij. gr. xxiiij. salis volatilii urinosi concreti ℥iij. gr. xij. olei adiposi, ℥j. ℥vij. gr. xxxiiij. Massa nigra in retorta superstes pendebat ℥iiij. ℥vij. gr. xxxvj. quæ igne reverberii calcinata reliquit cinerum ℥ij. ℥vij. gr. xlviiij. ex quibus lixivio, salis fixi mere alcali ℥j. ℥vij. gr. xxx. Partium jactura in destillatione fuit ℥j. ℥iiij. gr. xxxix. in calcinatione ℥j. ℥vij. gr. lx.

Tota planta odorem foetidum ammoniacalem urinosum refert, & constat sale essentiali ammoniacali, fere explicito, & oleo crasso copioso permixto.

Hæc

Hæc planta antihysterica censetur. Odore paroxismos hystericos fugat. Potus infusi foliorum extractorum calide sumptus passioni hystericae mire prodest. Ex foliis recentibus contusis, cum saccharo conditum præparatur hystericis utilissimum. Eorum tinctura cum aqua vitæ parata a Cl. Tournefortio ad eosdem affectus commendatur. In paroxismis hystericis ejus decoctum pro clystere utile censetur.

A V E N A.

AVENÆ species duæ usitatæ sunt, Avena alba & nigra.

AVENA alba *Off.* Avena vulgaris seu alba *C. B. P. 23. Inst. R. H. 514. Avena alba J. B. 2. 432. Avena, Dodon. Pemptados 511. vulgo, Avoine.*

Ex radicibus tenuibus, copiosis, culmi aliquot ex gramineis vaginis prorumpentes asurgunt, geniculis quatuor aut quinque in eodem culmo distincti, cum foliis gramineis. In cacumine panicula se explicat sparsa, cum floribus apetalis, per fasciculos pendulos dispositis. Singuli autem flores plurimis staminibus constant candicantibus, ex calyce surgentibus. Pistillum autem deinde abit in semen oblongum, tenue, acutum, subalbicans, farinaceum, & superiori parte exiguis capillis hirsutum, gluma quæ calyx floris fuit, crassa & dura obvolutum. In omnibus regionibus tam calidis, quam frigidis feritur. Semen in usu est.

AVENA nigra *Off.* Avena nigra *C. B. P. 23. Inst. R. H. 514. J. B. 2. 432. Avena sylvestrior, nigra tenuiorque Cæsalpin. 177.*

Alba aspectu magis agrestis est, stipula crassiore & folio nigriore. Granum huic strigosius, longius & pilosius est quam præcedenti, gluma pilosa & nigra tectum.

Analyti chymica, ex Avenæ vulgaris optime purgatæ lbv. prodierunt humoris limpidi, Avenam coctam odore & sapore referentis, subacidi, & occulte salis ℥x. ℥v. gr. lvij. humoris rufescentis, empyreumatici, intense acidi, austeri, acris, linguam aliquantisper pungentis, cum aliquibus alcali indiciis lbj. ℥ij. ℥iiij. humoris fusci, alcali urinosi & sale volatili urinoso copioso imprægnati ℥ij. ℥v. gr. xxxij. olei spissioris, Syrupi ad instar ℥vij. ℥ij. Massa nigra in retorta residua pendebat lbj. ℥vij. ℥ij. gr. xxxiiij. quæ igne reverberii per duodecim horas calcinata, cinerum reliquit pinguium adhuc & viscidorum ℥ij. ℥ij. gr. xx. ex quibus lixivio, salis fixi alcali ℥j. gr. xi. extracta sunt. Partium jactura in distillatione fuit lbj. ℥j. ℥iiij. gr. xx. in calcinatione lbj. ℥v. gr. xiiij.

Avena itaque constat sale ammoniacali multo oleo involuto; unde compositum exsurgit mucaginosum. Insuper Avena, cerealium more, aqua macerata fermentescit, & in liquorem vinosum posteaque in acetosum convertitur.

Avena in usu frequentissimo est, tum in cibo, tum in Medicina. Scribitur quidem pro equorum pabulo, aliorumque animalium. Ex ea tamen optime & variæ pulres atque sorbitiones præparantur. Non alia fere juscula apud

Anglos in usu sunt, quam Avenata, tam apud nobiles, quam plebejos, quæ sane tam ægrotis, quam sanis saluberrima sunt. Facile coquuntur, & optimum alimentum corpori subministrant.

In annonæ caritate, inquit Raius, tenuioris conditionis homines, hisce jusculis præcipue victitant, & tamen meliore valetudine fruuntur, quam qui delicatissimis, variaque arte confectis cibis utuntur. Bene nutriunt, floridumque satis colorem infantibus efficiunt.

In montosis septentrionalibus Angliæ, inque Cambria, ex Avena decorticata & molita panes & placentas varii generis conficiunt. Nec alio pane utuntur rustici, & tamen optima valetudine fruuntur & maxime longævi sunt, narrante J. Raio: & sane minime dubium est, quin panes illi saluberrimi sint, quamvis non assuetis ob amarorem minus grati.

Est & edulium quoddam quod ex ea decorticata leviter tusa, pinsitaque, apud inferioris Normanniæ & Armoricarum Regionum populos conficitur, Grualdum, *Gruau* vulgo nuncupatum. Vel solum ex aqua, vel lacte, vel carniū jure leviter coquitur: & decoctum in sorbitione seu jusculo acceptum bechicum est, confertque tussientibus. Humorū acrimoniam demulcet, æstum temperat, effervescentiam coercet, æstuantēque sales per urinarum vias præcipitat & expellit. Ex eo quoque pulicula seu cremor paratur, cui adjicitur lac vaccinum, aut succus Amygdalarum dulcium, itemque saccharum, qua ratione fit palato gratissimum. Omnes fere apud Anglos Medici in morbis acutis non aliis fere sorbitionibus ægrotos alunt, quam avenatis. Revera blanda mucagine humoris acrimoniam demulcent, æstum temperant, effervescentiam coercent, tenuibus suis particulis crassos ac tenaces succos dividunt, æstuantēque sales per urinarum vias præcipitant & expellunt, necnon etiam sudores quandoque provocant, & insensibilem transpirationem restitunt: unde in catharris, raucedine, tussi, exulceratione & asperitate faucium, aphthis ab acrylympha oriundis, pleuritide, peripneumonia, erysipelatosis affectionibus utiles sunt, & in febribus acutis jusculis carniū anteponendæ, quandoquidem humores & sanguineam massam ad effervescentiam minus inducunt.

Cerevisiam quoque ex Avena non secus quam ex aliis frugibus Angli & Lithuani conficiunt, quæ hordeaceæ bonitate non multum cedit, aliquo etiam respectu ei præfertur.

Valli ex amylo Avenæ in aqua ad gelatinæ crassitiem decocto ferculum parant, quod in magno, non in Vallia tantum, sed per totam Angliam pretio est. Gelatinam hanc amyleami, avenaceam, calidam, in taleolas dissectam cum lacte, vel cum cerevisia, aut vino albo Saccharo edulcorato mistam comedunt.

Avena cum pugillis aliquot salis in sartagine torrefacta, sacco tenuioris telæ inclusa, calensque abdomini applicata, in colico dolore levamen affert, & eo felicius si grana Juniperi & Cumini semen illi admisceantur.

Farina Avenæ extrinsecus ad cataplasmata non minus utilis est quam Hordei: exsiccat enim & mediocriter digerit. Cum butyro cocta in scabie capitis exsiccanda commendatur.

Illis qui calculo renum laborant, Simon Pauli commendat balneum ex Polenta trita, Lupulo, & Avenæ stramine, quod insigniter mitigat dolores nephriticos.

AURANTIA MALUS.

INter varias Aurantiarum arborum species, duæ sunt potissimum, quarum fructus apud nos in usu sunt, scilicet malus Aurantia fructu acri, & malus Aurantia fructu dulci.

MALUS AURANTIA, fructu acri *Off.* Aurantium acri medulla vulgare, *Ferrarii Hesperid.* 377. *Inst. R. H.* 620. Malus Aurantia major *C. B. P.* 436. Aurantia Malus *J. B.* I. 97. *Oranger a fruit aigre*, vulgo *Bigarrades*.

Elegantissima hæc arbor parum procera, radice est crassa, lignosa, ramosa, alte & late diffusa, intus lutea: trunci materie dura, spissa, intus candida, odorata, cortice glabro ex viridi subalbicante circumvestita; ramis numerosis, nitide virentibus & complures in ramulos flexiles & spinis nonnullis refertos divisas: foliis Lauro latifoliae proximis, perpetuo virentibus, crassis, lævibus, latis & utrimque in acumen desinentibus, cum pediculo foliato seu corculi aspectu, & infinitis Hyperici instar, cellulis oleariis minutissimis translucentibus refertis, velut totidem foraminulis perviis. Flores odorati, quasi fasciculatim conferti, rosacei sunt, quinque scilicet petalis, candidis, in orbem positis, constantes: ex floris calyce surgit pistillum viride, foliolis in albicantia desinentibus stamina, cum apicibus luteis stipatum, quod deinde abit in fructum fere globosum, cortice carnosio, lineas duas, tres, quatuorve crasso, intus albido, extus aureo vel croceo, dum maturus est, ante maturitatem, viridi, amaro, acri, linguam pungente, facile ab interiori medulla separabili, in octona loculamenta facile ab invicem separabilia divisum, succi acidi & pulpæ vesicularis plena, nucleisque vel seminibus feta oblongis, ex luteo candicandibus, callosis, cum medulla amara.

MALUS AURANTIA dulci medulla *Off.* Aurantium dulci medulla vulgare *Ferrarii Hesperidum* 377. *Inst. R. H.* 620. Malus Aurantia *Dod. Pempt.* 792. *Oranger a fruit doux*, *Orange douce*.

Hujus inter & prioris arboris folia & flores nullum observatur discrimen. Soli fructus inter se differunt, tum cortice, tum medulla. In acribus ille subtristi colore flavet, granosa plerumque scabritie rugat, peracri amaritudine mordet, odore peracuto ferit: hæc autem, medulla nempe, dilutioris est palloris & asperioris acrimonia. Differt autem Aurantium dulce corticis tenuitate, lævore sæpius mollissimo, colore ardentem croceo, amaritie remissiori & odore diluto: medullæ quoque subflavo sive sulphureo aspectu, insulsa nonnumquam, nonnumquam vinosa dulcedine, laxiore frequenter orbe, succoque uberiore. Utraque hic in hortis summa cura colitur. In insulis Stœcadibus (*Hyeres*) & in Gallo-Provinciae maritimis oris, adeo familiaris est Aurantia Malus, ut semper virentium lucorum amœnitate &

Pomorum fetura perenni neutiquam inquilina videatur. Folia, flores & fructus seu fructuum cortex, medulla, semen in usu sunt.

Fructus in officinis varia obtinet nomina. Malum dicitur Aurantium, Arantium, Aureum, Anarantium, Nerantzium, Chryfigenum & Citrangulum.

Analyſi chymica, unaquæque libra petalorum florum Aurantium a pistillis & calycibus separatorum per B. M. blando igne distillatorum, præbuit humoris aquosi, limpidi, odorati, fragrantis, subamaricantis & sub finem obscure acidi ℥xiiij. circiter, cum aliquot olei essentialis guttulis.

Eorundem petalorum exsiccatorum ℔v. per retortam distillatæ præbuerunt humoris rufescentis turbidi, primo odoris & saporis non ingrati florem adhuc referentis, acidi, pungentis, deinde intense acidi & empyreumatici ℔j. ℥v. ℥j. gr. l. humoris turbidi albicantis tum acidi, tum alcali, & sale volatili urinoso copioso imprægnati ℥ix. ℥ij. gr. xliiij. salis volatilis urinosi concreti gr. xxvj. olei tum essentialis, tum crassioris ℥viij. ℥j. gr. xxviij. Massa nigra in retorta residua pendebat ℔j. ℥x. ℥viij. gr. xl. quæ igne reverberii calcinata reliquit cinerum albicantium ℥v. ℥v. gr. xl. ex quibus salis fixi mere alcali ℥iiij. ℥iiij. gr. xij. lixivio extracta fuerunt. Partium jactura in distillatione fuit ℥xiiij. ℥ij. gr. xxx. in calcinatione ℔j. ℥v. ℥ij.

Per hanc analysim liquet flores Aurantios salem essentialem continere ammoniacalem; aliquantisper austerum, cum multo oleo aromatico, tum tenui, tum crasso, consociatum.

Ex corticum malorum Aurantium acidorum, recentium, per vaporarium distillatorum ℔v. prodierunt humoris limpidi odorati acidi, primo occulti, deinde manifesti ℔iiij. ℥viij. cum olei essentialis ℥ix. Massa sicca in alambice residua pendebat ℥xxij. ℥ij. quæ igne reverberii distillata fudit humoris intense acidi ℥v. ℥ij. & peculiaris indolis; quippe qui vitrioli Hungarici solutionem rubro colore inficit, modo unicæ vitriolicæ solutionis parti, hujusce liquoris partes 15. vel 16. affundantur: humoris tum acidi, tum alcali volatilis urinosi ℥j. gr. xxxvj. olei fluidi tum essentialis, tum crassioris ℥ij. ℥viij. gr. lxj. Massa nigra in retorta residua pendebat ℥viij. Quæ igne reverberii per 14. horas in crucibulo calcinata reliquit cinerum leucophæorum ℥j. ℥iiij. gr. xij. ex quibus salis fixi mere alcali ℥iiij. gr. xviiij. extracta sunt. Partium jactura in distillatione per vaporarium fuit ℥j. ℥vj. in distillatione per retortam ℥v. ℥viij. gr. xlvij. in calcinatione ℥v. ℥iiij. gr. lx.

Itaque cortex Aurantium multum olei continet essentialis & crassi cum sale essentiali tartareo & austero commixtum.

Succus malorum Aurantium acidorum per vaporarium distillatus ad ℔iiij. fudit humoris limpidi, fere insipidi, acidi, primo occulti, deinde manifesti ℔iiij. ℥viij. Massa residua spissa & fere arida pendebat ℥iiij. ℥vj. quæ per retortam igne reverberii distillata præbuit humoris tum alcali urinosi, tum acidi ℥j. ℥iiij. humoris alcali urinosi ℥iiij. gr. liiij. olei spissi ad instar syrupi ℥ij. gr. xxxj. Massa nigra in retorta superstes pendebat ℥j. ℥ij. gr. xxxvj. quæ in crucibulo per sex horas calcinata reliquit cinerum nigricantium ℥ij. gr. lxix. ex quibus salis fixi mere alcali ℥j. lixivio extracta fuit.

Succus ille licet gustu acidus mediocri tamen acidi salis quantitate donatur, & cujus portio non exigua in salem alcali urinosum igne convertitur. Sal ille acidus rarus est admodum & cum tenuissimo sulphure intermixtus. Ea sane de causa succus ille recenter expressus & per aliquod tempus in loco frigido asservatus in tenuem gelatinam seu mucaginem concrevit.

Succus malorum Aurantium dulcium exigua admodum salis acidi portione donatur, & parum salis alcali præbuit.

Flores malorum Aurantium odoris gratia apud nos hodie in præcipuo honore sunt, tum in odoramentis, tum in condimentis. Hic odor fere solus super Rosas, Ambarum & Moschum prævaluit. Ex his floribus distillatur aqua fragrantissima quæ non solum odoris præstantia ceteras præcellit, sed ad medicamenta etiam optime facit. Aqua Naphæ a nonnullis nuncupatur. Cephalica est, stomachica, hysterica & alexipharmaca. Ventriculum roborat & flatus discutit blando suo amarore haud ingrato. Paroxismos hystericos & spasmodicos hypocondriacorum motus sedat, & menses promovet ad cochlear unum aut alterum epota sola vel cum alio quocumque liquore idoneo. Ad febres pestilenciales & mali moris a Matthiolo commendatur tamquam alexiteria & sudorifica, si sex unciarum pondere potanda exhibeatur. In potionibus & julepiis cephalicis, cardiacis, stomachicis & hystericis ad ℥j. aut ℥ij. præscribitur.

Ex iisdem floribus condita varia tum solida, tum molliora, & tabellæ conficiuntur, quæ palato gratissima mensis secundis apponuntur, aut medicamentis admiscuntur ad eorum saporem ingratum corrigendum, aut ad ventriculum roborandum.

Ex foliis viridibus mali Aurantiæ aqua stillatitia quoque paratur a nonnullis magis laudata ad easdem affectiones, utpote amara magis, licet minus odora.

Cortex malorum Aurantium acidorum utpote magis amarus, non solum ad intinctus reservatur, sed etiam in usum medicum præ dulcium cortice venit. Ventriculum roborat, ciborum concoctionem juvat, humores crassos ac tenaces dividit, attenuat, flatus discutit, colicos dolores sedat, menses movet & lochia, & vermes necat. In ischuria & dysuria laudatur a nonnullis ut præsidium specificum. Pulvis a ℥j. ad ℥j. exhibetur.

Idem cortex ad immodicos mulierum menses sistendos a Ludovico Septalio commendatur. In aq. comm. ℔vij. trium acrium Aurantium subviridium adhuc & nondum perfecte maturorum cortices in phyliras seu pelliculas confectos incoquit, donec sint ejusdem aquæ partes duæ consumptæ: tum decoctum percolatur, cujus ℥viij. aut ix. mane potui dantur. Huic decocto, si valentius desideretur Pilosellæ manipulum postremo excoquendum adjicit, & in eo candens ferrum sæpius extinguit.

Oleum essentielle dictum ex hoc cortice distillatum vel leviter expressum ad guttas ij. vel iij. cum Saccharo sub elæosacchari forma exhibetur iisdem in affectionibus.

Tinctura quoque ex hisce corticibus tum ficcis, tum recentibus, cum spiritu vini tartarizato extrahitur ad eadem commendata. A ℥ss. ad ℥j. exhibetur.

Usurpatur cortex in tinctura amara stomachica *Londinensium*, & in Aqua Theriacali *Charas*.

Cortices tum dulcium, tum acidorum, Saccharo conditi, inter delicatissima bellaria mensis secundis inferuntur.

Pulpa interior Aurantium dulcium comeditur sola vel cum Saccharo; sitim extinguit, refrigerat, appetitum prostratum suscitatur: sed exiguum admodum vel nullum alimentum præbet nisi prævum. Itaque cavendum ab illius ingurgitatione, diarrhæas enim & dysenterias excitat. Acidorum pulpa deterior est, pulmones irritat & tussim inducit. Succus Aurantium acidorum e medulla expressus, aqua dilutus & Saccharo temperatus potum *Orangeat* vel *Orangeade* vulgo dictum, sanis gratissimum in diebus æstivis ad sitim extinguendam & temperandum sanguinis æstum suppeditat, biliosis naturis, febricitantibus & scorbuticis utilissimum. In potionibus antiscorbuticis & febrifugis ad ℥j. aut ℥ij. præscribitur. Idem succus urinas & menses promovet, quapropter in mensium suppressione succus unius mali Aurantii acidi in haustu vini albi expressus cum Croci pulverati gr. xij. a mulierculis haud inutiliter usurpari solet.

Malum Aurantium dulce integrum cum cortice & medulla comestum ante febris intermittens accessionem tertianæ præsertim sæpe paroxysmum avertit, & febrem ipsam nonnumquam profligat. Idem ad scorbutum sanandum efficacissimum est: cum ceteris antiscorbuticis medicamentis optime consociari solet: imo Aurantia & Citrea mala sola plurimum valent, siquidem scorbutici nonnulli solo esu crudorum diuturno persanati sunt.

Semina amara sunt, vermes necant, putredini resistunt, quare inter alexipharmaca a quibusdam recensentur.

B A R D A N A .

BARDANA, Personata; Lappa major, *Off.* Lappa major, Arcium Dioscoridis *C. B. P.* 198. *Inst. R. H.* 450. Personata sive Lappa major aut Bardana *J. B.* 3. 570. Personata, Lappa major, Bardana *Lobel. Icon.* 388. Personata *Fuchsi*: vulgo, *Bardane*, *Glouteron*.

Radice habet crassam, simplicem, pedem longam, rectam, foris nigricantem, intus albam & fibris stipatam, saporis subdulcis & subausteri. Folia ampla sunt, pedem longa & majora, qua pediculo adhærent utrimque aurita, in summo mucronata, hirsuta, obscure virentia, subtus incana. Caulis bicubitalis, crassus, hirsutus, flores capitatos sustinet summis ramulis innascentes & flosculosos, plurimis scilicet flosculis constantes purpureis, profundius quinquefariam dissectis, embryoni insidentibus & calyci capitato qui e pluribus squammis conflatur in hamum desinentibus, introrsum incurvatis. Embryo autem abit deinde in semen oblongum, compressum, striatum, nigricans, pappis brevibus aut potius villis instructum, saporis subamari, subacris. Occurrit in pratis & viis agri Parisiensis. Radices, folia & semina usitata sunt.

Analysi

Analyſi chymica, ex lbv. recentium hujus plantæ radicum prodierunt humoris limpidi, ſaporis herbacei, obſcure acidi lbj. ℥x. humoris primo limpidi, intenſe acidi, ſub finem ruſcentis aſteri lbij. ℥iiij. ℥i. gr. vj. humoris ruſi tum acidi ſubſaſi, tum alcali urinoſi ℥j. ℥iiij. olei ℥vij. gr. xxiiij. Maſſa nigra in retorta reſidua pendebat ℥iiij. ℥vij. gr. xlviiij. quæ igne reverberii calcinata reliquit cinerum ℥j. ℥iiij. ex quibus lixivio ſalis fixi mere alcali ℥v. gr. lx. extracta fuerunt. Partium jaçtura in diſtillatione fuit ℥xj. ℥iiij. gr. lxxvj. in calcinatione ℥ij. ℥iiij. gr. xlviiij.

Radices Bardanæ ſapore donantur ſubdulci cum quadam levi auſteritate in reſeſſu. Earum ſuccus chartam cæruleam ſubrubro colore aliquantiſper inficit. Unde liquet ſale eſſentiali donari tartareo, ſtyptico, cum medio-cri olei portione conjuncto.

Ex foliorum recentium Bardanæ per retortam diſtillatorum lbv. prodierunt humoris limpidi, ſaporis herbacei, primo inſipidi, deinde obſcure acidi lbj. ℥xiiij. ℥vj. gr. liij. humoris primo limpidi ſubacidi, deinde ruſcentis, acidi, ſaſi, ſub finem ruſi, empyreumatici, ſubaſteri & aliquantiſper alcali urinoſi lbij. ℥ix. ℥j gr. xlij. humoris ruſi, alcali urinoſo volatili imprægnati ℥j. gr. xlij. ſalis volatilis concreti ℥j. olei ſpiſſi extracti ad inſtar ℥j. ℥v. Maſſa nigra in retorta reſidua pendebat ℥iiij. ℥vj. gr. xxiiij. quæ igne reverberii calcinata reliquit cinerum ℥j. ℥vij. gr. xlij. ex quibus ſalis fixi mere alcali ℥vij. gr. xl. extracta ſunt lixivio. Partium jaçtura in diſtillatione fuit ℥j. ℥ij. gr. xlviiij. in calcinatione ℥j. ℥vij. gr. xlij.

Folia Bardanæ amara ſunt: eorum ſuccus chartam cæruleam non mutat. Exſiccata & combuſta levia fulgura ad inſtar Nitri emittunt. Unde conjicere licet ſalem ammoniacalem nitroſum continere, multo oleo craſſo involutum. Seminum recentium Bardanæ per retortam diſtillatorum lbv. præbuerunt humoris limpidi, fere inſipidi & inodori, obſcure acidi ℥vj. gr. xxiiij. humoris intenſe acidi, aſteri ℥vij. ℥vij. gr. xxxvj. humoris ruſi, empyreumatici, tum acidi, tum alcali urinoſi volatilis ℥xiiij. olei fluidi lbj. ℥v. gr. xxxvj. Maſſa nigra in retorta ſuperſtes pendebat lbj. ℥vij. ℥vij. quæ igne reverberii calcinata reliquit cinerum albicantium ℥iiij. ℥iiij. gr. xxxvj. ex quibus ſalis fixi ſaſi cum particulis talcoſis nonnullis ℥ij. gr. xiiij. lixivio extracta ſunt. Partium jaçtura in diſtillatione fuit ℥xj. ℥iiij. gr. xlviiij. in calcinatione lbj. ℥iiij. ℥iiij. gr. xxxvj.

Semina Bardanæ amara ſunt & acria. Multo oleo donantur cum ſale tartareo ammoniacali conjuncto.

Radix Bardanæ diuretica habetur, ſudorifera, peçtoralis, uterina, vulneraria & febrifugâ. Ejus decoctum in morbis malignis & variolis Scorſoneræ decocto a nonnullis nec immerito anteponitur: & a Simone Paulli in morbis venereis decocto Salfæperillæ & ceterorum lignorum exoticorum præſtantius cenſetur, ſaltem pro emaciatis & rarioris texturæ ægris. Henricus tertius Galliarum Rex a Petro Pena, decocto radicum Lappæ, ab hac lue ſanatus fuit, narrante Samuele Formio apud Riverium obſ. 41. Caſalpinus eam radicem intus ſumptam cruentis & purulentis expuitionibus utilem eſſe aſſerit.

Pro pleuriticis commendatur, illis præsertim quorum pleuritis in empyema aut phthisim degenerat. Arthriticis succurrit. Quidam Vastelius, narrante Foresto, ab arthritide liberatus fuit radicis decocto, quo uberrimum urinæ, lactis ad instar albæ, profluvium provocatum fuit. Radices pulveratæ ad ℥j. in decocto ad ℥j. pro unaquaque aquæ libra vel etiam Saccharo conditæ ad ℥ij. usque comedendæ præscribuntur: sicque urinas potenter movent, & calculos & arenulas expellunt, referentibus Pena & Lobelio.

Folia & flores iisdem virtutibus donantur. Eorum succus expressus & defœcatus ad ℥iiij. utiliter propinatur iisdem in affectionibus. Caules antequam flores perficiantur, derafo cortice, crudi, coctique ex oleo & aceto non insuaves sunt, & urinam potenter cient. Foliorum & caulium decoctum pleuriticis affatim propinatur, sumptis prius decem vel duodecim ovorum germinibus: & hocce remedio sudor copiosus diffluit. Adversus quartanam idem decoctum plurimum laudatur.

Semen Bardanæ diureticum est valentissimum. Ad ℥j. ex vino albo vel alio liquore idoneo sumitur: vel ex eo emulsio cum Bardanæ decocto vel aqua stillatitia conficitur. Idem semen pulveratum & quotidie mane sumptum ab Apulejo adversus ischiadicum dolorem præscribitur.

℞. Pulver. rad. Bardan. ℥j. Dilue in aq. vel decoct. Bardan. ℥v. Fiat potus sudoriferus in pleuritide.

℞. Rad. Bardan. ℥iiij. Coq. in aq. comm. q. s. Fiat ptisana cui adde crystall. mineral. ℥ss. pro singulis libris.

℞. Radic. Bardanæ taleolatim dissectar. ℥ij. Rasur. C. C. ℥j. Bulliant in aq. ℥iiij. ad 4.^a partis diminutionem. Adde malum citreum taleolatim sectum ad gratiam conciliandam. Fiat ptisana in febribus malignis & variolis.

In decocti folior. & caul. Bardan. ℥ij. dissolve syrup. de 5. Rad. aper. ℥ij. Fiat apozema diureticum per vices propinandum.

℞. Semin. Bardan. pulverator. ℥j. Vini albi ℥iiij. Macerentur per sex horas; sumat æger ad urinam promovendam.

℞. Semin. Bardan. ℥ij. Cum decocti Gramin. & radic. Petroselin. q. s. fiat s. a. emulsio diuretica.

℞. Semin. Bardan. & Card. benedictæ ana ℥ij. Contund. in aq. Meliss. ℥vj. Fiat emulsio sudorifera s. a. cum syrup. Caryophyllor. hortens. aut alterius idonei ℥j. edulcoranda.

Extrinfecus Bardanæ folia ulcera mundificant, membris luxatis & ambustis conferunt. Ex illis contusis vel sub cinerem aut cum lacte coctis fit cataplasma ad arthriticos dolores demulcendos, parti afflictæ admovendum, & sexta quaque hora renovandum. Dolores arthriticos tam fixos quam vagos cum insigni tumore conjunctos sedat, teste Ettmullero. Sanguinem grumosum ex contusionibus mire dissolvit & discutit. Pulpa vel rasura radicum recentium super linteum extensa & calide parti afflictæ admota ecchymosim five suggillationem sanat.

Ex foliis aqua distillata in officinis præparatur & extractum quæ ad eadem valent. Folia usurpantur in Ung. Populeo *Nicol. Salernitan.*

B E C C A B U N G A.

BECCABUNGÆ species duæ occurrunt in officinis quæ a Casparo Bauhino inter Anagallides recensentur, & a Morisone & Tournefortio inter Veronicas. Altera major, minor altera dicitur.

BECCABUNGA major *Off.* Veronica aquatica major, folio subrotundo, *Morif. Hort. Oxon part. 2. 323. Inst. R. H. 145.* Anagallis aquatica, major folio subrotundo *C. B. P. 252.* Berula seu Anagallis aquatica *Tabern. Icon. 719.* Anagallis aquatica folio rotundiore, major *J. B. 3. 791.* Anagallis sive Beccabunga major, *Parkins.* Radicibus est fibrosis, albis, repentibus, caulibus supinis, rotundis, fungosis, rubentibus, ramosis, in quibus folia bina ad nodos oriuntur subrotunda, unciam superantia, glabra, nitida, crassa, crenata, atroviuentia. Ex eorum alis pediculi prodeunt palmares aut sesquipalmares cum floribus spicatum positis, monopetalis, rotatis, cæruleis, quadripartitis, in umbilico perforatis, apicibus dilute cæruleis, ternis, & pistillo abeunte in fructum membranaceum quodammodo cordatum, compressum, tres lineas longum, in duo loculamenta divisum, in quibus semina plura, exigua, compressa continentur.

BECCABUNGA minor, *Off.* Veronica aquatica minor, folio subrotundo *Inst. R. H. 145.* Anagallis aquatica minor, folio subrotundo *C. B. P. 252.* Anagallis aquatica, flore cæruleo, folio rotundiore minor *J. B. 3. 790.* Anagallis aquatica, sive Beccabunga Germanorum, *Adversarior. Lobel. Dodon. Pempt.*

Hæc species priori similis est; ab ea tantum differt quod caulibus, foliis & floribus minor sit. Ambæ in agro Parisiensi sponte nascuntur juxta rivulorum margines.

Analysi chymica, ex Beccabungæ floridæ ℥v. prodierunt humoris limpidi fere insipidi & inodori, obscure acidi ℥j. ℥ij. gr. xlvij. humoris primo limpidi, manifeste acidi, deinde rufescentis, intense acidi, austeri ℥iij. ℥v. ℥j. gr. liij. humoris fusci empyreumatici tum acidi, tum alcali urinosi ℥j. ℥v. olei ℥j. ℥iij. gr. xxiiij. Massa nigra in retorta superstes pendebat ℥iij. quæ igne reverberii calcinata reliquit cinerum ℥j. ℥iij. gr. vj. ex quibus lixivio, salis fixi salis ℥v. gr. xliij. Partium jactura in distillatione fuit ℥ij. ℥j. gr. xx. in calcinatione ℥ij. ℥iij. gr. lxxvj.

Totius plantæ sapor nullus manifestus. Sale essentiali donari mihi videtur falso vitriolico blando & temperato, salis mirabilis Glauberi haud absimili, multo phlegmate diluti & non mediocri olei portione involuti.

Anagallidi aquaticæ ab Hieronymo Trago, Casparo Bauhino & aliis, vis calida, urinam ciens, calculos frangens, menses promovens & mortuos fetus propellens tribuitur, cum tamen Beccabungam menses, fluidosque & tennes humores sistendi & incrassandi virtute præditam Theodorus Corbejus in sua Pharmacia Francofurti edita 1656. affirmet, experientia id testante. Reipsa herba est temperatæ naturæ quæ etiam in cibo & in medicina ad scorbutum

tum adhibetur, acetariisque adjungi commode potest, sicut Nasturtium aquaticum: imo calidis & siccis naturis magis convenit. Reliquis acrioribus plantis antiscorbuticis anteponitur, in eo scorbuto qui a causa calida oriri dicitur, nempe a summa salium fere causticorum acrimonia, qui summa sanguinis dissolutione, maculis lividis erysipelatosis, febre & calore præter naturam comitatur. Tunc sola exhibetur, vel cum Acetosa, Oxytriphyllo, Lapatis, succo Limonum & Aurantium confociatur: vel etiam sæpe cum Cochlearia, Nasturtio & aliis acribus plantis antiscorbuticis admiscetur ad earum acrimoniam contemperandam.

Succus defæcatus ad ℥iiij. vel solus vel cum lero lactis permistus præscribitur. Herba in jusculis & apozematibus alterantibus aperientibus & antiscorbuticis a M. j. ad iiij. usurpatur. Extractum ad ℥j. Conditum ex herba florida cum saccharo præparatur, quod per tres menses continuos ad ℥j. quotidie mane, jejuno ventriculo sumptum impetigines & cutis vitia sanat.

℞. Folior. Beccabungæ, Nasturtii aquatici. Oxytriphylli & Acetosæ rotund. ana M. ij. Carnis vitulinæ lbj. Fiat jusculum in balneo mariæ & in vase probe obturato.

Extrinfecus Beccabungæ folia contusa vel in aqua cocta hæmorrhoidibus cæcis & condylomatis cataplasmatibus forma admota mira præstant, teste Simone Paulli. Testatur quoque Jacobus Fabricius in notis Crollianis sola Beccabunga cocta in cerevisia & bis quotidie apposita satis magnum ulcus universam fere tibiam occupans & ad os fere profundum feliciter in scorbutico quodam sanatum fuisse. Simon Paulli eandem hujus plantæ vulnerariam virtutem confirmat praxi Rusticorum Megalopolitanorum, (*Mechelbourg*) qui certo experimento vulnera consolidare norunt Beccabunga recenti cum modico salis & telæ aranearum permisto. Ex eadem quoque fots aut balneum vaporarium præparantur quæ paralyti scorbuticæ plurimum conferunt, & quibus delentur maculæ quibus scorbuticorum crura & brachia varie pingi conspiciuntur. Nonnumquam etiam contingit, observante Ettmullero, ut post partum difficile intumescant puerperis inguina, & ad gangrenam inclinent, ubi itidem Beccabunga cum floribus Chamæmeli vel contusa in forma cataplasmatibus, vel decocta cum fomentis genitalibus applicata egregie discutit ac resolvit.

Ejus aqua distillata in Officinis asservatur sed debilioris admodum virtutis est.

B E L L A D O N A.

BELLADONA, Solanum furiosum, Solanum maniacum, Solanum letale, Off. Belladonna *Clus. Hist. lxxxvi. Inst. R. H. 77.* Solanum melanocephalos *C. B. P. 166.* Solanum maniacum multis, sive Belladonna *F. B. 3. 611.* solanum letale *Parkins. Raii Histor. pl. 679.* Solanum somniferum *Adversar. Lobel. 102.*

Radice est crassa, longa, succosa, albicante, in plures ramos divisa: cau-
libus

libus bicubitalibus & altioribus, rotundis, pollicem crassis, ramosis, hirsutis, e subrubro nigricantibus, foliis Solani hortensis forma, sed duplo triplove majoribus, mollibus, nonnihil lanuginosis. Ex foliorum alis flores nascuntur monopetali campaniformes, quinquifidi, striati, subhirsuti, obscuriore purpura nigricantes cum staminibus quinque & totidem apicibus albidis. Ex eorum calyce quinquifariam diviso & hirsuto surgit pistillum posticæ floris parti ad instar clavi infixum, quod deinde abit in fructum veluti globosum, mollem, acino uvæ fere similem, splendide nigricantem, vinoso succo prægnantem, calyci insidentem, septo intermedio in duo loculamenta divisum & seminibus numerosis minutis ovatis fetum placenta affixis. Circa sylvas, juxta parietes & sepimenta agrorum, aliisque perinde parum cultis ac desertis locis reperitur. Umbrosa amat. In agro Parisiensi circa Cantiliacum (*Chantilly*) sponte nascitur. In hortis nonnumquam feritur. Folia & bacca ad usum externum solummodo adhibentur.

Analyti chymica, ex herbæ floridæ & jam fructiferæ ℥v. per vaporarium distillatis, prodierunt humoris limpidi, odoris & saporis herbacei cum acrimonia levi qui nullam aut acidi aut alcali notam præbuit ℥ij. ℥xiiij. humoris limpidi obscure acidi ℥j. ℥x. gr. liiij. Ex massa sicca in alambice residua per retortam distillata prodierunt humoris tum acidi, tum alcali urinosi ℥iiij. ℥v. gr. xij. olei spissi ad instar syrupi ℥ij. ℥v. gr. x. Massa nigra in retorta superstes pendebat ℥v. ℥j. gr. xviiij. quæ in crucibulo per 12. horas calcinata reliquit cinerum fuscorum ℥ij. ℥j. gr. lxxvj. ex quibus salis fixi mere alcali ℥j. gr. xlix. lixivio extracta sunt. Partium jactura in distillatione fuit ℥xiiij. ℥iiij. gr. l. in calcinatione ℥ij. ℥vii. gr. xxiiij.

Per hanc analysim patet Belladonam mediocri salis essentialis tartarei quantitate donari & multo oleo acri & narcotico admisto.

Ex fructuum maturorum ℥v. per B. V. distillatis prodierunt humoris limpidi odoris non ingrati, saporis herbacei subacris qui nulla acidi aut alcali signa præbuit ℥j. ℥iiij. humoris limpidi r. obscure acidi, deinde manifesti ℥iiij. Massa in retorta residua per retortam distillata fudit humoris rufescentis tum acidi, tum alcali urinosi ℥vj. ℥vii. olei spissi ad instar syrupi ℥iiij. gr. xxxiiij. Massa nigra in retorta residua pendebat ℥vii. ℥vj. quæ per 18. horas in crucibulo calcinata reliquit cinerum pallide flavescentium ℥vj. gr. xxx. ex quibus salis fixi mere alcali ℥iiij. extractæ fuerunt.

Belladonæ fructus plus olei crassi continet quam herba & majorem acidi salis quantitatem, minus vero salis urinosi & perparum terræ.

Belladona somnifera est & maligna. Bacca comestæ in summum vitæ discrimen hominem inducunt, & plerumque mortem tenellis adferunt, quod multis experimentis & exemplis constat. De quibusdam adolescentulis Anglis in adversariis Lobelii fit mentio, qui cum per imprudentiam peregre sitibundi baccas illas inesitassent, lymphatici & somno semisepulti interierunt. Bodæus a Stapel. refert 586. *Hist. plantar.* adolescentulos duos Lugduni Batavorum in horto medico ex imprudentia baccas duas tresve devorasse, & altero quidem die alterum obiisse, altero admodum periculose laborante qui evasit. Simon Paulli in *quadr. Bot.* narrat quasdam filiolas quinquennes & septennes harum

bac-

baccarum esu ad orci fauces perductas fuisse, e quibus illas, una excepta, ipse remediis alexipharmacis eripuit. Accidit Romæ, referente Hocchstetero *Decad. observ.* 7. quosdam de famulitio cujusdam Cardinalis infudisse in vino Malvatico Belladonam per noctem ut hujus herbæ effectus discerent: Infusum hoc propinaverunt fratri cuidam mendicanti. Primo breve delirium, cachinni, gesticulationes variæ, dein insania vera, postea stupor mentis, qualis est ebriorum vigilantium. Medicus qui hujus morbi causam subolfecerat, aceti cyatho propinato, a dementia quam Belladona causaverat, eum liberavit. Acetum enim aut succus Limonum pro hujus veneni antidotis habentur.

Plura aliaque exempla referunt auctores: nobis hæc memorasse sufficit. Quamvis aut baccarum esus periculosus & letalis supra dictus fuerit, nihilominus tamen Gesnerus *L. 1. Epistolar. p. 34.* refert quod succus harum baccarum expressus & ad syrupi consistentiam cum pauco saccharo redactus, sit conveniens & efficax medicamentum ut cochlearis parvi mensura somnum inferat, quascumque fluxiones sistat, dolores tollat & dysenterias curet: quod etiam confirmari videtur *Ephemeridum Germanicarum observatione 64. Decad. 2. anni 3.* de quodam Pastore qui in Chersoneso Cymbrica adversus dysenteriam, morbum eo loci contumacissimum & contagiosissimum, summo cum fructu & successu decumbentibus propinavit vinum cui infusæ sunt bæccæ Solani: non solum, inquit auctor, enormem fluxum sistunt, & dolorem demulcent: sed etiam malignitatem in sudorem resolvunt. Verum ab hoc remedio satius est abstinere a quo plus non raro periculi imminet ægrotantibus quam ab ipso morbo.

Folia recentia contusa & exterius admota dolores demulcent & potenter resolvunt, ad erysipelas, sacros ignes & alios calidos affectus commendantur. Hæmorrhoidum inflammationem compescunt. Mammis imposita earum durities & humores etiam cancriferos emolliunt & discutiunt, narrante Joanne Raio.

Vel sola recentia contusa tantummodo, vel in aqua aut axungia porcina cocta sub cataplasmatismis forma applicantur: vel etiam eorum succo solo aut cum spiritu vini admisto partes affectæ foventur.

A Matthiolo folia contusa & oculis admota ad oculorum palpebrarumque phlegmonas leniendas proponuntur. Sed non adeo tutum & innoxium esse illius usum ad oculos constat ex hac Raii observatione. Nobilis Domina ulcusculo cuidam paulo infra oculum, quod cancriferos esse suspicabatur, folii Belladonæ recentis particulam imposuit: quæ noctis unius spatio uveam oculi tunicam adeo relaxavit, ut omnem explicandi sese & pupillam contrahendi facultatem ei adimeret: siquidem pupilla clarissimo lumini obversa vehementer dilatata perstitit, socio & pari suo plus quadruplo amplior: donec amoto folio uvea musculosam vim suam & tonum paulatim recuperaret. Atque hoc ne quis casui imputet, tribus distinctis vicibus in seipsa nobilis matrona experta est. Non ergo incaute remedia illa stupefacientia etiam externe adhibenda sunt.

Aqua e tota planta distillata pota, duorum aut ad summum trium cochlearium mensura, internas viscerum inflammationes extinguit, referente Matthiolo, sed a copiosiore potu abstinendum est.

Ex Belladonæ succo vel aqua stillatitia Italæ mulieres fucum conficiunt quo faciem oblinunt ut ex rubicunda pallidam efficiant, unde Belladonna planta dicta fuit.

Usurpatur herba in Balsamo Tranquillante *P. Tranquilli Franciscani Regii*.

B E L L I S.

DUÆ plantæ genere diversæ Bellidis nomine censentur in officinis, major scilicet & minor.

BELLIS MAJOR, Leucanthemum vulgare, Buphthalmum majus, Oculus bovis, *Off.* Leucanthemum vulgare *Inst. R. H.* 492. Bellis sylvestris, caule folioso, major *C. B. P.* 261. Bellis major *Dod. Pempt.* 265. 7. *B.* 3. 114. Oculus bovis *Brunsfelsii*. Consolida media vulnerariorum *Adversarior. Lobel.* 253. Buphthalmum majus *Loniceri*: Bellium majus *Tabern. Icon.* 351. vulgo *Grande Marguerite. Grande Paquette. Oeil de Bœuf*.

Radice est fibrosa, reptante, acri: caulibus bicubitalibus, pentagonis, rectis, villosis, ramosis, in quibus folia alternatim nascuntur pinguia, duas uncias longa, semiunciam lata & crenata. Flores adfunt inodori, radiati, ampli, quorum scilicet discus ex plurimis flosculis tubulosis, aureis, in quinque segmenta divisus, cum stylo in medio uniuscujusque; corona vero ex semiflosculis candidis componitur, embryonibus insidentibus & calyce semisphærico squammoso & nigricante comprehensis. Embryones autem deinde abeunt in semina exilia, oblonga, striata, non pappescentia. Folia & flores in usu sunt.

Analyti chymica, ex Bellidis majoris ℥v. prodierunt humoris limpidi fere inodori & insipidi, obscure acidi ℥j. 3v. gr. xlv. humoris r. limpidi, sub finem rufescentis, acidi manifesti & subausteri ℥ij. 3xij. 3v. humoris rufi empyreumatici tum acidi tum alcali & sale volatili urinoso imprægnati 3ij. 3j. olei spissi ad instar extracti 3ij. gr. xxiiij. Massa nigra in retorta residua pendebat 3v. 3ij. gr. xxxvj. quæ igne reverberii calcinata reliquit cinerum 3j. 3vj. gr. lxxvj. ex quibus salis alcali fixi 3v. gr. xx. lixivio extracta sunt. Partium jactura in distillatione fuit 3iiij. 3vj. gr. xxxvj. in calcinatione 3iiij. 3iiij. gr. xliij.

Folia saporis sunt herbacei, subsalsi, chartam cæruleam levissimo rubore tingit. Sale essentiali donari videtur Tartaro vitriolato vel tali Coralliorum simili cum multo oleo conjuncto.

BELLIS MINOR *Off.* Bellis sylvestris minor *C. B. P.* 261. & *Inst. R. H.* 491. Bellis minor sylvestris spontanea *J. B.* 3. 111. Bellis minor *Tabern. Icon.* 328. Solidago consolidæ species *Brunsfelsii*: Symphytum minimum *Quorumdam*: Primula veris *Cæsalpini* 493. Consolida minor *Herbariorum*: vulgo *Paquerette ou petite Marguerite*.

Radicebus est multis, tenuibus: foliis numerosis, humi sparsis, pinguiusculis, hirsutis, longis, versus radicem angustis, sensim latescentibus rotundatisque, levissime serratis: nullo caule, sed pediculis frequentibus inter folia exortis, palmaribus & altioribus, tenuibus, teretibus, hirsutis: quorum singulis flos insidet unus, radiatus, cujus scilicet discus ex plurimis flosculis luteis,

coro-

corona vero ex femi-floſculis lacteis aut ex albo ſanguineis componitur, embryonibus infidentibus & calyce ſimplici & multifido comprehenſis. Embryones autem deinde abeunt in ſemina exigua nuda Thalamo pyramidato affinia. Folia, flores & radices in uſu ſunt. Utraque Bellis in pratis & paſcuis agri Pariſienſis paſſim naſcitur.

Analyſi chymica, ex Bellidis minoris floridæ lbv. prodierunt humoris limpidi, odoris & ſaporis expertis, obſcure tamen acidi lbj. ℥v. ℥ij. gr. lx. humoris primo limpidi, manifeſte acidi, deinde ruſcentis, empyreumatici, auſteri lbij. ℥xv. ℥v. gr. xxiiij. humoris fuiſci, ſale volatili urinoſo imprægnati ℥j. ℥ij. gr. xlvij. olei ſpiſſi ad inſtar extracti ℥j. ℥iiij. Maſſa nigra in retorta ſuperſtes pendeſcit ℥v. ℥vij. gr. xxxvj. quæ igne reverberii calcinata reliquit cinerum ℥iiij. ℥vij. gr. xxx. ex quibus lixivio ſalis fixi alcali ℥iiij. extracta ſunt. Partium jactura in diſtillatione fuit ℥ij. ℥j. gr. xlvij. in calcinatione ℥ij. gr. vj.

Hujus plantæ folia acria ſunt, ſucco viſcoſo turgida, & chartam cæruleam tingunt colore rubro. Sale eſſentiali donantur ammoniacali tartareo aut Corallino ſimili, multo oleo acri involuto.

Bellides vulnerariæ ſunt, emolliunt, attenuant & detergunt. Earum ſuccus expreſſus & defæcatus ad ℥iiij. propinatur. Coquuntur folia & flores in aqua communi vel in juſculo carniū ad M. j. vel contuſa in vino macerantur & expreſſum hauritur. Ex Bellide majore collecta priuſquam flores erumpant, habetur decoctum acris ſaporis, Piperis modo ſubtilis & penetrantis, diureticum & vulnerarium inſigne. In purulenta expuitione plurimum commendatur. Alii utuntur infuſo folior. & florum in aqua calcis vivæ, cujus ℥iiij. quotidie mane propinant. J. Raius herbam integram in Zythogalo decoctam & potam adverſus aſthma, phthiſim & orthopnœam tamquam ſingulare remedium proponit.

Externe unguentum ex Bellidis majoris floribus & axungia ſuilla adverſus porriginem (*la Teigne*) a Cæſalpino laudatur.

Maximam Bellidis minoris probari efficaciam in curatione vulnerum Jacobus Cornutus *in Hiſtor. plantar. Canad.* aſſerit, nec præſtantius ullum ab herbariis præſidium dicatum eſſe. Ejus folium impoſitum labia unit & cicatrice obducit: ſuccus inditus aut linamentis exceptus inflammationi quæ ſupervenire ſolet, valide obſiſtit: ad omnes cervicis dolores, tumoresque quacumque in parte illinitur: ſtrumas diſcutit: podagras lenit: in ferventium inteſtinorum cruciatibus utiliter injicitur, ulceratis bibendus datur. Ejus ſuccus aut decoctum, auctore Ettmullero, multum prodeſt in quocumque ſanguine grumolo diſſolvendo & diſcutiendo, ſive ex caſu, ſive ex vulnere, ſive ex contuſione. Hinc etiam inter antipleuritica ad ſanguinem fere coagulatum reſolvendum ab Helmontio commendatur. Mindererus *in Medic. Melit. p. 77.* iis, tamquam ſingulare ſpecificum, qui poſt nimiam incaleſcentiam corporis, ſubito frigidum potum ingurgitant, proponit. Ettmullerus refert experimentum Michaelis in coquo qui per diem incaluit, & ſitibundus arripuit hauſtum frigidum, unde aſthmate aliisque ſymptomatis correptus fere ſuffo-

candus videbatur: hunc succo ex tenellis foliis floridis recenter expresso & in vino propinato per sudorem curavit, ut sequenti die optime se habuerit. Ad hepatis inflammationem, & adversus hydropem a nonnullis commendatur. Obstructiones enim discutit tenuibus suis partibus, sanguineam molem spissiorrem dissolvit, attenuat & fibrarum tonum restituit. Emanuel Konig Medicus Basileensis *in suo Regno Vegetabili* refert vulnus thoracis cum læsione pulmonum usu continuato decocti Bellidis minoris cum oculis canceror. sanatum fuisse, & idem decoctum in diathesi pulmonum inflammatoria plurimum valere asserit. Vvepferus, referente eodem, phthificis desperatis auxilium fecit illis Bellidis minoris, Nasturtii & Nummulariæ succi recens expressi cochlearia duo vel tria cum pauxillo mellis rosati vel cum jusculo carniū propinando. Horum usu duos prope desperatos præter expectationem convaluisse testatur: quod etiam Simonis Paulli testimonio & experientia confirmatur. Schroderus refert mulierculis Germanicis usitatum esse herbam cum floribus ad alvum laxandam infantibus exhibere. Et Garidellus *in Histor. Plantar. Aquisext.* observat hujus herbæ succum alvum ciere. Quapropter monet hunc succum pleuriticis non incaute propinandum esse, præsertim dum humoris purulenti excretio per expectorationem fieri incipit, ne naturæ molimen laxante medicamento irritum fiat & morbi crisis interrumpatur. Herbæ decoctum alvum non movere idem observat.

Ruellius asserit Bellidis minoris folia trita cum Arthemisia strumas efficacissime resolvere. Ejus flores & Geranii Robertiani folia hemicranie plurimum conducunt, auctore D. J. Chomel Medico Parisiensi peritissimo, Acad. Reg. scientiar. Socio.

Aqua distillata paratur in Officinis ad eosdem affectus utilis, sed decocto vel succo debilior. In potionibus vulnerariis præscribitur ad ℥iij. ad ℥iiijve. Extractum quoque conficitur ad eadem commendatum: ad pondus ℥j. exhibetur.

Bellis utraque usurpatur in aqua vulneraria Lemerii.

B E R B E R I S.

BERBERIS ET OXYACANTHA, *Off.* Berberis Dumetorum *C. B. P.* 454. *Inst. R. H.* 614. Berberis vulgo quæ Oxyacantha putata *J. B.* 1. 52. Spina acida sive Oxyacantha *Dod. Pempt.* 750. Crespinus *Matthioli*: Amirbaris *Avicennæ*: Uva ursi, Spina Sancta, Spina Christi, Spina acuta *Quorumdam*: vulgo, *Epine-vinette*.

Frutex est procerus radicibus flavescentibus, multifidis, fibrosis & repentibus: stolonibus tres cubitos altis, ramosis, spinis minacibus armatis, intus luteis: folia parva sunt, oblonga, ex angusto principio lateſcentia, subrotunda, in ambitu crenata, mollioribus aculeis cincta, dilute virentia, glabra, gustu acida. Flores odore gravi in uvam nascuntur conglobati, rosacei, petalis scilicet senis, luteis, in orbem positis constantes, cum totidem staminibus concoloribus & pistillo viridante abeunte in fructum cylindraceum mollem quatuor lineas longum, rubrum, succi acidi plenum, nucleum unum aut alterum oblon-

longum continentem. In agro Parisiensi sponte nascitur. Transfertur & ad hortos ad quorum sepimenta utilis est. Radix, fructus & semina in usu sunt.

Analyſi chimica, ex ſucci acidi fructuum Berberis expreſſi ℥v. prodierunt humoris limpidi fere inodori, ſaporis aliquantiſper vinoſi & acidi ℥j. ℥xij. ℥vij. gr. xxix. humoris i. ſaporis & odoris ejuſdem, ſed minus grati, acidi & ſubauſteri, deinde ruſcentis, empyreumatici, acidi auſteri ℥ij. ℥xiiij. gr. lj. humoris ruſi, ſubacris, acidi & aliquantiſper alcali urinoſi ℥j. ℥j. olei fluidi ℥j. Maſſa nigra in retorta ſuperſtes pendeſcit ℥ij. ℥v. gr. xlviij. quæ igne reverberii calcinata reliquit cinerum nigricantium ℥j. ℥iij. gr. xlviij. ex quibus ſalis fixi mere alcali ℥iij. gr. vj. lixivio extracta ſunt. Partium jactura in diſtillatione fuit ℥j. ℥j. gr. xvj. in calcinatione ℥j. ℥ij.

Fructuum ſuccus ſaporis eſt acidi auſteri: chartam cæruleam colore intenſe rubro inficit. Radix amara eſt & ſtyptica & chartæ cæuleæ colorem vix mutat. Sale igitur donatur eſſentiali tartareo aluminoso haud diſſimili.

Berberis fructus refrigerant & adſtringunt: humorum efferveſcentiam ab acri & fervida bile excitatam compescunt, bilioſos alvi fluxus ſedant, ventriculum & inteſtina roborant, appetitum languentem recreant, dyſenterias compescunt, hæmorrhagiis ab humorum acrimonia vel nimia ſanguinis diſſolutione oriundis conducunt.

Maturi comeduntur recentes, ſoli vel Saccharo conditi. Exſiccati in ptisanis vel decoctis adſtringentibus uſurpantur: exſiccati enim magis adſtringunt. Eorum ſuccus expreſſus & deſecatus ad ℥j. propinatur: & ex eo ſyrupus, gelatina, ſapa, in Officinis præparantur quæ in julapiis refrigerantibus uſurpantur, tum ad ſitim extinguendam in febribus ardentibus, tum ad humorum malignitatem debellandam. Vis enim cardiaca & alexipharmaca ipsis tribuitur.

Ægyptii, narrante P. Alpino *de Medic. Ægyptior.* hoſce fructus in febribus malignis & peſtentialibus felici cum ſucceſſu & ſimplici interveniente apparatu uſurpare ſolent. Horum ſiquidem libram in vaſe magno aqua pleno vel duodecim etiam aquæ libras continente mittunt, cum nonnullis ſeminibus Fœniculi vel fruſto panis, atque per noctem vel diem ſic macerare volunt, deincepsque de frigida hac expreſſione per colum tranſuſa cum Saccharo multo roſaceo vel ſimplici, vel ſyrupo ex acido Citri, large ægrotis propinant, qua potione calorem febrilem ſitimque extinguunt, vires reſciunt, atque etiam putredini prævalide obſiſtunt. Præſtantiffimum auxilium ad alvi fluxiones apud eam gentem ſua adſtrictione habetur, eoque potu ipſe P. Alpinus, peſtifera ibi febre correptus, cum immoderata diarrhæa bilioſa, felici cum ſucceſſu Ægyptiorum Medicorum conſilio uſus eſt. Simon Paulli Proſp. Alpini exemplum imitatus ab acri febre & enormi diarrhæa quibus hic Lutetiæ Pariſiorum olim afflictuſ fuit, ſolius ſyrupi Berberis uſu limpidiſſima fontana diluti fuit liberatus: atque poſt dein ex his fructibus parata medicamenta plurimi fecit.

Idem S. Paulli obſervat Ægyptios Medicos non ſine cauſa remiſcere infuſo ejus tantillum ſeminis Fœniculi, nempe ad frigidiorẽ ejus temperiem corrigendam ne officiat ventriculo. Gaſpar Hoffmannus eandem cautelam circa illius uſum commendat his verbis: Tu vero, inquit, ante omnia
vide

vide ne ventriculus sit frigidior. Siquidem acida minus conveniunt illis quorum ventriculus cibos tardius concoquit, tum ob caloris aut potius spirituum defectum in hujus visceris succo, tum ob ejusdem succi tenacitatem quam acida semper augent.

S. Paulli *Quadr. Bot.* hujus fructus salem essentialem plurimi facit cujus conficiendi ratio hæc est.

℞. Succi Berberis ℥ij. succi Limon. ℥ij. Digerantur per biduum in balneo arenæ: fiat colatura ad dimidias blando calore balnei mariæ exhalanda, tunc per aliquot dies in locum subterraneum aut cella reponatur. Cry-
stalli tartarei circa vasis fundum & latera concrecent. Succus per in-
clinationem effundatur ad dimidias, iterum evaporetur & reponatur ut
in crystallos concreascit; quod toties repetatur donec nullæ amplius cry-
stalli concrecant. Crytalli blando calore exsiccata serventur ad usum.

Sal ille essentialis instar cremoris Tartari pulveratus jusculis ptisanæ, deco-
ctis & julapiis adversus febres immistus, non solum illis acore suo ori & ven-
triculo pergratum saporem conciliat, sed etiam corruptioni humorum & fe-
brili æstui insigniter resistit.

In ischuria, dysuria & inflammationibus internis Nitrum in succo Berbe-
ris solutum exsiccatum & in crystallos coactum Gl. Tournefortius ut præstan-
tissimum remedium proponit.

Succus vel decoctum Berberis faucium & tonsillarum inflammationem com-
pescunt, gingivis laxis & putrescentibus scorbuticorum medentur, si os elua-
tur & fauces gargarizentur.

℞. Confection. Alkermes f. œd. ℥j. Syrup. Berberis ℥j. aq. Cinnamom. ℥ss.
aquar. Meliss. & Oxytriphyll. ana ℥iij. M. F. potio cochleatim sumenda
in febr. malign.

℞. Aq. Plantag. ℥vj. succi Berber. ℥j. Mellis Rosati ℥ss. salis Prunel. ℥j. M.
F. gargarisma in faucium inflammatione.

℞. Rosar. rubrar. siccatar. & Balauſtior. ana ℥ij. affunde aq. Plantag. ℥ij.
Macerentur in B. ciner. per aliquot horas; in Colatura dilue syrup. Berber.
℥ij. Sumat æger ℥iij. tertia quaque hora in hæmoptoe aut diarrhæa.

Acini sex semina potenter siccant & adstringunt: quare in quocunque alvi
fluxu & albo mulierum fluore a nonnullis ad ℥j. pulverati præscribuntur in
liquore conveniente.

Cortex interior flavus tam ramorum quam radicum in conveniente liquore
decoctus vel in vino albo aut Hispanico maceratus & potus in ictero a Joan.
Raio commendatur. Clusius vinum album tenue in quo cortex ille per trium
horarum spatium maceratus fuerit potum mirifice purgare scribit. Ejusdem
corticis pulverem in aceto maceratum Camerarius in aphthis puerorum laudat.

Eo cortice Tinctorii artifices lixivio macerato ad flavum colorem pannis
conciliandum utuntur.

Berberis fructus usurpatur in syrupo myrtino *Charas*; succus in syrupo
Corallior. & in syrupo dysenterico *Medicor. Parisiensium collectaneor. phar-
maceuticor. Lud. Penicher.*

Acini usurpantur in pulvere Diarrhodon *Abb. Nicolai præpos.* in Diapruno simpl. *Nicol. Alexandrin.* & in Electuar. de Psyllio *Mesuai.*

B E R U L A .

BERULA & SIUM, *Off.* Sium five Apium palustre foliis oblongis, *C. B. P.* 154. & *Inst. R. H.* 308. Sion umbelliferum, *7. B.* 3. 172. Sium, *Dod. Pempt.* 589. Crescione vulgo, *Cæsalpin.* 300. Sium, five Laver Dioscoridis Olusatris folio, five Pastinaca aquatica, *Lobel. Icon.* 208. vulgo, *Berle Ache d'eau.*

Ex radicibus geniculatis, repentibus, albis: fibrosis, caules promit cubitales & altiores, teretes, striatos, inanes, rectos, ramosos, & frondes longos pediculo striato, glabro, intus cavo, innixos, ex pluribus singularibus foliis per conjugationes costæ innascentibus & uno impari claudente constantes, pinguibus, glabris, & per circumferentiam serræ modo incis. Flores umbellatim dispositi caulium extrema occupant Rosacei, e quinque petalis albis constantes in orbem positæ & calyci insidentibus. Is autem abit in fructum subrotundum ex duobus seminibus parvis odoratis, acris, hinc gibbis & striatis, inde vero planis compositum. Hæc agri Parisiensis incola planta delectatur in rivulis & fossis. Planta integra in usum venit.

Analyti chymica, ex Berulæ recens collectæ lbv. prodierunt humoris limpidi, odoris & saporis herbacei, primo aliquantisper obscure alcali, deinde obscure, acidi ℥xj. ℥v. gran. vj. humoris primo limpidi, odoris herbacei, subacidi, tandem fusci, empyreumatici, subausteri, tum acidi, tum alcali lbij. ℥xj. ℥vij. gr. ix. humoris fusci alcali & sale volatili urinoso imprægnati ℥ij. gr. xxxvj. salis volatilis urinosi concreti gr. lvij. olei spissi ad instar extracti ℥v. gr. l. Massa nigra in retorta superstes pendebat ℥ij. ℥j. gr. xij. quæ igne reverberii calcinata reliquit cinerum ℥j. ℥ij. gr. lx. ex quibus salis alcali fixi ℥vj. gr. lxij. lixivio fuerunt extracta. Partium jactura in distillatione fuit ℥j. ℥j. gr. xxij. in calcinatione ℥vj. gr. xxij.

Folia sapore subacri donantur. Itaque cum hæc planta parum acidi contineat, plus vero salis salis & urinosi; sale essentiali donari videtur ammoniaci simili cum olei portione mediocri conjuncto.

Berula inter plantas antiscorbuticas, & aperientes recensetur. Obstructiones referat, menses & urinas movet. Quapropter in scorbuto, cachexia, chlorosi, hydrope, & febribus intermittentibus convenit, & arenulas expellit. In acetariis comeditur, vel in jusculis aut apozematibus aperientibus præscribitur. Succus etiam defæcatus ad ℥ij. quatuorve exhibetur.

Extus admota abdominis tumores resolvit.

B E T A .

BETÆ, triplex genus in olitoriis hortis tum ad usum culinarium, tum ad usum medicum excolitur: scilicet Beta alba, Beta rubra vulgaris, & Beta rubra radice Rapæ.

BETA, Beta alba, Beta candida, Sicla & Cicla, *Off.* Beta alba vel pallens quæ Cicla Officinarum, *C. B. P.* 118. *Inst. R. H.* 502. Beta candida, *J. B.* 2. 961. *Dod. Pempt.* 620. *Trag.* 706. vulgo, *Bette ou Poiree*.

Radice est terete, lignosa, minimum digitum crassa, longa, candida: foliis magnis, latis, lævibus, crassis, succulentis, quandoque dilute, alias saturatius virentibus, sapore nitroso, cum costa spissa, lata: caulibus bicubitalibus, gracilibus, striatis, in ramulos effusis: in quibus longa serie ex foliorum alis nascuntur flores exigui, staminei seu constantes ex plurimis staminibus cum apicibus luteis, ex quinque-folio surgentibus calyce, subviridi, qui deinde abit in fructum fere globosum, asperum, verrucosum, in quo veluti nidulantur semina duo vel tria, exigua, oblonga, angulosa seu inæqualiter rotunda, rubentia.

BETA rubra vulgaris, Beta nigra, *Off.* Beta rubra vulgaris, *C. B. P.* 118. *Inst. R. H.* 502. Beta rubra, *J. B.* 2. 961. *Dodon. Pempt.* 620. vulgo, *Bette ou Poiree rouge*.

Radice est alba: foliis brevioribus quam præcedens, plurimum rubentibus plus minusve, interdum atro-rubentibus. Hoc foliorum colore a priori distinguitur.

BETA rubra radice Rapæ, Beta Romana, Beta Erythrorifos, Beta-rapa, *Off.* Beta rubra radice Rapæ, *C. B. P.* 118. *Inst. R. H.* 502. Beta radice rubra crassa, *J. B.* 2. 961. Beta rubra Romana, *Dod. Pempt.* 620. Rapum rubrum sativum, *Fuchsi*: vulgo, *Bette rave*.

Caule est altiore quam Beta vulgaris rubra: radice uncias duas tresve crassa, ventricosa, intus forisque sanguineo saturo colore infecta. Betæ omnes in hortis inter olera coluntur. Alba ad usum medicum sæpius usurpatur: ejus folia & pediculi seu costæ inter cibos magis recipiuntur: rubræ vero seu Romanæ radices in primis expetuntur.

Analysi chymica, ex foliorum & costarum Betæ lbv. prodierunt humoris limpidi odoris & saporis herbacei, obscure acidi lbj. ℥vij. ℥iij. gr. xxxvj. humoris limpidi, primo ejusdem odoris & saporis cum acido manifesto, tandem intense acidi & austeri lbij. ℥iij. ℥j. gr. xxij. humoris rufi, alcali, sale volatili urinoso copioso imprægnati ℥v. gr. xxxvj. salis volatilis urinosi concreti ℥j. gr. x. olei spissi ad instar extracti ℥vij. Massa nigra in retorta superstes pendebat ℥ij. ℥vj. gr. lxxvj. quæ igne reverberii calcinata reliquit cinerum nigricantium & in massam fusorum ℥j. ℥ij. gr. xliij. ex quibus salis fixi mere alcali ℥vj. gr. xij. lixivio extracta sunt. Partium jactura in calcinatione fuit ℥j. ℥iij. gr. xxiiij. in distillatione vero incrementum fuit ℥j. gr. xxvj.

Beta sale essentiali donatur ammoniacali nitroso cum terra adstringente & oleo permisto & multo phlegmate diluto. Betæ enim folia exsiccata & in prunas injecta ad instar nitri comburendo fulgurant.

Beta alba lautioribus mensis hodie non est ingrata, quanquam Betas Martialis Poeta fatuas fabrorumque prandia carmine suo appellavit. Inter herbas emollientes numeratur cum Acantho, Althæa, Malva, Viola, Attriplice, Mercuriali & Parietaria: succus sale nitroso ammoniacali imbutus absterforia & quo-

dammodo acri qualitate donatur: quapropter alvum ad excretionem stimulat assumpta, atque interdum ventriculum mordet, præsertim si cui natura exquisitioris sit sensus; proinde & stomacho frequens aut nimius ejus usus noxius est. Nonnulli adstrictionem quamdam in Betæ corpore seu crassamento observasse credunt, qua ratione ventrem stipare & indurare asserunt, dum succus absterforia & laxante virtute donatur, unde tritum adagium:

Sicla parum nutrit, ventrem constipat & urget.

Quamobrem ad alvum subducendam cum jure in quo decoquitur sumendam esse præscribunt, & absque jure esitatum minus aut nullatenus alvum laxare arbitrantur. Verum reipsa nulla adstrictio in Beta deprehenditur.

Nutrimentum ex Beta exiguum, sicuti ex ceteris oleribus corpori accedit. Nostræ culinæ varia ex ea ciborum genera concinnant. Ejus folia ob fatuum saporem cum Acetosæ foliis sæpe confociantur. Costæ latiores & candidæ coctæ in pretio sunt.

Succus Betæ tum foliorum, tum radiceis naribus exceptus sternutamenta proritat, humores pituitosos magna copia elicit, adeoque cephalalgiam, hemi-craniam, catharros, coryzam compescit & proffigat: & in inveteratis distillationibus in oculos quæ subinde ophthalmiam causantur illis, a Simone Paulli commendatur: hunc succum cum aqua Majoranæ diluere solebat, quod quidem medicamentum a nonnullis pro secreto habetur. At Olaus Borrichius in *Actis Hassnienfibus ann. 1673. Observ. 63.* Betæ succum esse periculosum & valde noxium errhinum scribit: quod confirmat experientia cujusdam virginis jam nubilæ quæ ludibunda & ullo absque incommodo liberalem hujus mixturæ portionem naribus sanis excepit; sed paulo post inter cruciatus intensissimos caput ejus totum ita intumuit, ut duplo majus naturali appareret, & de vertigine, anxietate, agrypnia, doloribusque gravissimis per plures dies conquereretur: tandem ab his malis, curante eodem Olao Borrichio, præmissis universalibus, errhino contrario ex solo lacte recenti & tepido paulatim liberata fuit.

Foliorum decoctum intus sumptum lenit, emollit & alvum blande laxat, quare folia in apozematibus & jusculis refrigerantibus, laxantibus atque etiam aperientibus usurpantur, obstructions enim lienis & hepatis aperiunt.

℞. Folior. Betæ, Lactuc. Portulac. Chærefol. Oxytriphyl. ana M. j. Coq. cum pullo gallinaceo aut frustulo carnis colli vitulini. Fiat jusculum.

℞. Radic. Gramin. Acetos. Fragar. ana ℥j. Folior. Bet. Lactuc. Portulac. Cichor. Borrag. Bugloss. Pimpinell. ana M. j. Coquantur in aq. comm. q. f. ad ℔iij. Fiat apozema pro sex dosibus. Cuique adde syrup. Violar. ℥j.

In decoctis pro clysteribus emollientibus & abstergentibus folia Betæ usurpantur.

℞. Folior. Betæ, Atriplic. Malv. Althoæ ana M. j. Semin. Lini pug. j. Coq. in f. q. aq. fluviatil. In colaturæ ℔j. dilue mellis violati ℥iij. Olei Lilior. ℥j. Fiat enema emolliens.

℞. Decoct. folior. Betæ, Cichor. Lactuc. Portulac. ℔j. qua dilue salis Prunell. ℥j. Mellis Nenuphar. ℥ij. Fiat Clyster emolliens & refrigerans.

℞. Succ. radicum Betæ ℥j. aq. Majoran. ℥ij. Mellis anthosati. ℥ss. Misce. Fiat errhinum naribus attrahendum in coryza.

Externe folia vel integra vel sub cinerem cocta cuti a medicamento caustico aut comburente admoventur : & humorum excretionem per cutis glandulas blanda irritatione promovent .

Betæ rubræ radice Rapæ radix rarissime in usum medicum venit, frequenter in usum culinarium expetitur .

Analyfi chymica, ex radicem Betæ Romanæ recentium ℥v. prodierunt humoris odore & sapore radicem crudam referentis, obscure falsi & alcali urinofi ℥xj. ℥j. gr. xxx. humoris limpidi ejusdem odoris & saporis, obscure acidi ℥ij. ℥j. ℥iij. humoris primo limpidi, deinde rufescentis, intense acidi ℥ij. ℥x. ℥ij. gr. xvij. humoris rufi, empyreumatici, acris, tum intense acidi, tum alcali urinofi & sale volatili urinoso copioso imprægnati ℥ij. ℥j. gr. xlvij. salis volatilis urinofi gr. xxxvj. olei fluidi ad instar syrupi ℥j. gr. lx. Massa nigra residua pendebat ℥iij. ℥vij. gr. xxxvj. quæ calcinata reliquit cinerum ℥vij. gr. lxxvj. ex quibus lixivio salis fixi mere alcali ℥ij. gr. liij. extracta sunt. Partium jactura in distillatione fuit ℥j. ℥vj. gr. lx. in calcinatione ℥ij. ℥vij. gr. xliij.

Betæ Romanæ radix sale essentiali donatur ammoniacali cum olei & terræ portione mediocri conjuncto .

Betæ Romanæ radix alvum minus movet, imo nonnullius adstrictionis particeps censetur, parum nutrit & in ventriculo difficile coquitur . In clybano vel sub cineribus cocta, tum calida, tum frigida comeditur. Hiberno tempore in acetariis præcipuè est æstimationis. In assulas vel circulos transversim secta a coquis ad margines patinarum & fercula exornanda adhiberi solet .

B E T O N I C A .

BETONICA, *Off.* Betonica purpurea, *C. B. P.* 235. & *Inst. R. H.* 203. Betonica vulgaris, purpurea, *J. B.* 3. 301. Betonica, *Dod. Pempt.* 40. vulgo, *Betoine*.

Radice est pollicem crassa, transversa, fibrosa, capillata, gustu amara : caulibus cubitalibus, quadrangulis, nodosis: foliis aliis ad caulium nodos binis ex adverso nascentibus, aliis humi sparsis, inconditis, pediculis palmariibus circiter donatis, oblongis, villosis, rugosis, obscure virentibus, ad basim auritis, in ambitu crenis acuminatis, incis, & sapore aromatico præditis. Flores in spicas dense oriuntur verticillatim dispositi, monopetali, labiati, purpurascens, labio superiori sulcato & ad posteriora veluti reclinato, inferiori vero trilobato, cum staminibus flori concoloribus e medio exortis. Ex calyce monotomo in quinque partes inciso surgit pistillum posticæ floris parti ad instar clavi infixum & quatuor veluti embryonibus stipatum, qui deinde abeunt in totidem semina subrotunda & fusca in capsula quæ floris calyx fuit recondita . In agri Parisiensis dumetis & sylvis sponte nascitur. Folia & flores creberrimi sunt usus.

Analyfi chymica, foliorum Betonicæ ℥v. præbuerunt humoris limpidi, odorem foliorum referentis, subacidi ℥x. ℥v. humoris primo limpidi acidi, deinde rufescentis, odoris acescentis, intense acidi, austeri ℥iij. ℥vij. ℥ij. gr. xlvij.

humoris rufi, empyreumatici, tum acidi austeri, tum alcali urinosi & fale volatili urinoso imprægnati ℥ij. ℥vj. olei ℥j. ℥ij. Massa nigra in retorta residua pendebat ℥v. ℥ij. gr. xvij. quæ calcinata reliquit cinerum ℥ij. ℥v. gr. xxx. ex quibus salis fixi mere alcali lixivio extractæ sunt ℥iiij. gr. xlvij. Partium jactura in distillatione fuit ℥iiij. ℥v. gr. vj. in calcinatione ℥ij. ℥v. gr. lx.

Folia sapore herbaceo subsalso donantur, & odore aromatico: chartæ cæruleæ colorem non mutant. Sale essentiali donantur composito ex sale tartareo & ammoniacali conjunctis cum multo oleo & pauca terra. Flores chartam cæruleam rubro colore leviter tingunt, & analysi chymica multo plus olei præbent.

Samuel Fischer Medicus Sheffeldensis apud Raium observat expressos plantarum omni in succos quos expertus est, postquam aliquandiu steterint & facibus subsidentibus clari evaserint, aliqua ruboris tinctura perfusos apparere, alios dilutiore, saturatiore alios: at Betonicæ succum omnium dilutissimum esse & minime coloratum.

Betonica discutit, attenuat, aperit & abstergit. In primis cephalica est, hepatica, splenetica, thoracica, uterina, diuretica, antiarthritica & vulneraria. In capitis affectionibus præcipue commendatur. Nonnulli vim anodynam & fere inebriantem in ea observaverunt. Simon Pauli in *Quadripartito Botanico*, refert quasdam edentulas anus occupatas in eruenda & eradicanda Betonica, eaque transplantanda in distantiore areolam sole sub ardente cernuas & conquiniscentes, a nimia Betonicæ fragrantia temulentas factas fuisse, & miros, ridiculosque corporis gestus egisse. Bartholinus in *Historia Anatomicarum observationum*, *Observ. 97. Centur. 3.* recenset quod cum hortulani operarii hero suo evellere voluissent Betonicam pro usu medico, omnes velut temulenti & ebrii titubarint. Quæ quidem vis oritur a Betonicæ recentis & vegetæ subtili sulphureo spiritu cerebrum & nervos feriente.

In Officinis frequentissime ex Betonicæ floribus conditum; ex foliorum succo syrupus & extractum; ex herba ipsa aqua distillata, infusa, decocta & epithemata præparantur. Foliorum vel recentium vel exsiccatorum manipulus unus in aqua bulliente maceratur Theæ ad instar, aut in ℥j. decoquitur. Flores a nonnullis ad hunc usum anteponuntur. Syrupus vel conditum ab ℥ss. ad ℥j. foliorum succus ad ℥iiij. vel extractum ad ℥ss. præscribuntur & iisdem virtutibus instruuntur. In hemicrania, vertigine, membrorum stupore & paralyfi hæc omnia usurpantur. Expectorationem promovent & ulcera interna detergant & ad cicatricem perducunt.

Fabricius Hildanus *Centur. 3. Observ. 32.* observavit, multos arthriticos curatos fuisse quotidiano usu florum foliorumque Betonicæ in jusculis, acetariis, potu & balneis: sed exquisitam observabant victus rationem, corpus per intervalla expurgabant, & fonticulos aliquot gestabant.

Doctor Boyle Medicus Anglicus apud Raium, infusum e foliis Betonicæ, Scorodonæ & Chamæpithyos exsiccatis paratum & calide potum ad ℥vj. bis, terve die, & per longum tempus continuatum proponit velut medicamentum admirandæ efficacæ in podagra, cephalalgia & nervorum affectionibus.

Poterius historiam cujusdam calculo laborantis refert, qui Betonica cum Herniaria in carniū jusculo cocta sanatus fuit. Bibit quotidie hoc jusculum ad tres vel quatuor menses, & vesp̄is ℥ss. oculorum Cancrorum cum succo Limonum sumpsit, ac tandem convaluit.

Betonicae folia exsiccata & pulverata sternutatorium præbent potissimum & in morbis capitis præstantissimum. Cerebrum enim purgat irritando fibras nerveas quarum extremitates in interiori narium tunica expanduntur. Hac irritatione nervi & cerebri membranæ commotæ humores viscosos in glandulis cerebri aut in sinubus altius impactos fortiter excutiunt, qui per vasa sanguinea ad glandulas narium, faucium & vicinas partes delati, sub aquæ, mucī, pituitæque viscidæ specie e naribus per sternutationem ejiciuntur. Aptè igitur Betonicae pulvis præscribitur contra capitis affectus diuturnos & contumaces ex tenaci materia oriundos, uti gravativos dolores, paralysem præsertim linguæ & faucium, morbos soporosos, necnon rheumaticos oculorum affectus sine multo dolore & rubore.

Sternutatoriis autem abstinendum est ubi inflammatio imminet vel adest, in cerebri defluxionibus cum febre, oculorum inflammatoriis affectionibus, ulceribus narium, aut quando malum est inveteratum, in obnoxiiis vertigini, hæmorrhagiæ, & in gravidis. Nonnulli foliorum Betonicae exsiccatorum & concisorum vel seorsim vel cum Tabaco mixtorum & tubis infarctorum fumum ore haurire & reddere solent in capitis affectionibus.

Externe folia contusa sola vel vino calido macerata capiti admoventur tum ad dolores capitis gravativos sedandos, tum ad vulnera sananda.

℞. Folior. Betonic. M. j. Liquiritiæ ras. & contus. ℥ss. Coquantur in aq. comm. ℔ij. Colatura per cyathos propinetur. In capitis affectionibus.

℞. Folior. exsiccator. Betonicae & Majoran. ana q. v. M. F. pulvis sternutatorius ad usum.

℞. Folior. Beton. Salviæ, Majoran. & rad. Irid. Florentin. ana ℥ss. folior. Nicotianæ ℥j. Fiat pulvis sternutatorius.

℞. Folior. recentium Beton. Majoran. Salviæ ana M. ss. Contund. sensim affundendo vini albi & aq. Betonicae ana ℥iiij. Liquor percoletur cum expressione & fiat errhinum, de quo tepido, prono capite & aqua ore pleno naribus attrahatur aliquantisper, ter quaterve mane, jejuno ventriculo, ad purgandum cerebrum a crassis & viscidis humoribus.

Radicum facultates in hac planta a foliorum & florum viribus longe dispares sunt: multum ori, stomachoque ingratae nauseam, ructus, vomitumque provocant. Rarissime in usum veniunt.

Betonica usurpatur in pulvere contra rabiem *Palmarii*, Syrupo de *Arthemisia Charas*, de Ibisco *Pharmacop. Parisiensis*, Emplastro de Betonica, de Gratia Dei, Unguento mundificativo de Apio, & Ung. martiato, Aqua vulneraria *Lemery Chymia*. Ex planta florida aqua distillata servatur in Officinis, & ex foliorum succo syrupus conficitur.

B E T U L A .

BETULA, *Off.* Betula, *C. B. P.* 426. & *Inst. R. H.* 588. *J. E. I.* 148.
Dodon. Pempt. 839. Populo albæ similis in Alpibus, *Cæsalpin.* 121.
 vulgo, *Bouleau.*

Arbor est satis procera, sæpe etiam fruticans. Ramos spargit tenues, flexiles, magna ex parte deorsum pendentes. Multiplici libro vestitur. Cortex ejus exterior caudicem convestiens crassus, scaber, albidus at rimosus; qui vero huic subest interior tenuis admodum, lævis atque instar membranæ pelucidus: crassiorum ramulorum cortices inalbescant quoque, sed minimorum non ita qui spadiceo resplendent. Ligni materia alba est similiter ac ramulorum qui adeo lenti & flexibiles, ut ex illis circuli ad dolia magna constringenda probatissimi parentur. Viminum seu furculorum gracilium usus ad scopas & ad fascium vincula frequens est. Folia quæ primo exeunt plicata & crispa prorumpunt læte virentia, singula singulis iisque tenuibus dependentia pediculis, subrotunda, acuminata, Populi nigræ haud absimilia, sed minora, minus lævia, in ambitu serrata, subpinguia, odorata, sapore amaro. Fructus huic arbori a Matthiolo & Camerario denegatur, a Trago & Dodonæo cum nucamento confunditur. De eo J. Raius dubitanter loquitur. Clariss. Tournefortius & fructum & florem distinguit in *Inst. R. H.* & accuratissime descripsit in *Agri Parisiensis plantarum Historia*. Julos mense Aprili profert seu flores amentaceos & quasi vermiculares, sesquiunciam longos, lineas duas crassos, ex plurimis foliolis rubescentibus, subrotundis, cuspidatis, duas lineas longis, axi seu capillamento affixis & squammatim dispositis constantes: squammulæ paulatim dehiscunt, promuntque congeriem quatuor vel quinque apicum sub foliolis delitescentium, gracilium, flavescentium vel purpurascantium, lineam longorum, bivalvium, seu in duas partes hiantium, & pulvisculum tenuissimum subluteum expansionis tempore fundentium. Hos inter apices quædam occurrunt foliola intermixta. Eodem tempore fructus iisdem ramis separatim adnascuntur, primo vermiculis similes, semiunciam longi, lineam crassi, ex squammulis virentibus compositi acuminatis cum acumine reflexo, axi cuiusdam affixis. Singulis sub squammis seminum embryones cum quatuor vel quinque plumulis tenuissimis purpurascantibus delitescunt. Maturitatem adepti cylindracei sunt, pollicares, tres, quatuorve lineas crassi, utraque parte extrema rotundati, ex squammulis conflati fuscis duas lineas & amplius longis, trifidisque. Squammulæ semina tegunt minuta, fusca, compressa, lineam longa, fere ovata, cum duabus alis membranaceis utrimque dispositis, semine latioribus & pallidioribus. Autumno maturescunt, & adhuc hyeme & vere sequente in arbore nondum decidui reperiuntur. Ratione fructus hæc arbor inter coniferas a nonnullis recensetur, a quibus distinguitur folio deciduo ad Populneum accedente. In nemore Bononiaco agri Parisiensis sponte crescit. Folia, cortex & lacryma in usum veniunt.

Hieronimus Tragus existimat veteres antequam papyri usus esset inventus, libro

libro Betulæ, hoc est, cortici candido opera sua inscribere solitos fuisse. Revera non inepti sunt huic usui exteriores illi candidi & membranacei cortices, qui veluti cuticulæ quædam in mediocri magnitudinis arboribus, crassiores corticem amplectuntur, cujusmodi quatuor aut etiam quinque diversas nonnunquam separasse J. Raius testatur. Unde suspicatur novam quotannis huic arbori cuticulam accedere, vel ex humore qui paulatim per corticem transsudat concretam, vel ex annua a cortice decedente tunica spoliis Serpentis in modum excrecente. Quicquid sit J. Bauhinus Trago assentiri nequit Betulæ librum fuisse papyrum veterum.

Hujus arboris cortices bituminosi sunt & Alpini ex illis contortis nocturnas faces parant quæ optimæ flagrant & incenduntur.

Sub finem hyemis Betula succo turgida lacrymare incipit. Si vero in trunco aut ramis vulneretur, dulcem & potulentum humorem adeo copiose effundit ut ramulus aliquis unico die facile ploret libras 8. vel 10. liquoris. Hunc siti pressi pastores in sylvis sæpenumero potare solent.

Helmontius observat quod si vulneretur cortex Betulæ prope terram in trunco, liquor qui ex vulnere manat sit totus aqueus ac pene insipidus, si autem ramus crassitudinis trium digitorum ad medium usque perforetur, flet liquorem sapidorem, subacidulum, non ingratum, quod quidem notatu dignum videtur.

Analyti chymica, ex foliorum Betulæ recentium ℥v. per retortam distillatis prodierunt humoris limpidi, coriarii odorem referentis, subamari, occulte falsi & subacidi ℥j. ℥vij. ℥vij. gr. xlvij. humoris primo rufescentis, deinde rufi, ejusdem odoris, manifeste acidi, deinde intense acidi, austeri, empyreumatici ℥j. ℥xiiij. ℥iij. gr. xlvij. humoris rufi, austeri, sale volatili urinoso mediocriter imprægnati ℥iij. ℥vij. gr. xxxvj. olei adiposi ℥iij. ℥vij. gr. lx. Massa nigra in retorta residua pendebat ℥x. ℥vij. quæ igne reverberii calcinata reliquit cinerum ℥j. ℥vij. gr. xxx. ex quibus lixivio, salis fixi mere alcali ℥ij. gr. xiiij. extracta sunt. Partium jactura in distillatione fuit ℥v. ℥vj. gr. xxiiij. in calcinatione ℥viiij. ℥vij. gr. xlij.

Ex ramulorum recentium ℥v. prodierunt humoris limpidi fere inodori & insipidi, obscure acidi ℥viiij. ℥vij. gr. xij. humoris rufescentis, manifeste acidi, pungentis, subausteri ℥j. ℥xiiij. ℥iij. gr. xvij. humoris fusci, empyreumatici intense acidi, subfalsi & subausteri ℥ix. ℥iij. gr. xlij. olei ℥iij. ℥ij. gr. xij. Massa nigra in retorta superstes pendebat ℥xv. ℥iij. quæ igne reverberii calcinata reliquit cinerum leucophæorum ℥v. gr. xxxviiij. ex quibus salis fixi mere alcali & caustici gr. lix. lixivio extracta sunt. Partium deperditio in distillatione fuit ℥xiiij. ℥iij. gr. lx. in calcinatione ℥xiiij. ℥v. gr. xxxiiij.

Betulæ folia sale essentiali tartareo, nitroso & aliquantisper ammoniacali cum multo oleo bituminoso permisto donantur. Lignum minorem olei quantitatem continere videtur & minus terræ. Chymici observant optimos ex Betula parari carbones, ad fundenda metalla peridoneos; sane ratione bituminis copiosi quod in illis continetur.

Folia aperiendi, resolvendi & potenter abstergendi facultate sunt prædita.

Costa

Cocta cum aqua & imposita pro epithemate adversus hydropem & scabiem a S. Pauli & Friderico Hoffmanno commendantur. Cortex & ramuli teneri ad eadem valent. S. Pauli narrat se balneo ex tenellorum ramulorum & corticis decocto parato honestissimam matronam scabie pruriginosa universali quam ex contagio contraxerat, laborantem sanavisse. Cortex aerem halitibus malignis & pestilentialibus inquinatum suffitu corrigere dicitur, præsertim ad inferiorem caudicem natus. Horum suffimentorum duo adsunt specimina a Medicis Vvratislaviensibus proposita, ad puras necnon etiam infectas ædes pestis tempore fumigandas.

℞. Baccar. Juniper. M. iiij. Rutæ virentis, Absinth. radic. Helen. corticis Betulæ inferius circa caudicem nati ana M. ij. Folior. Quercus ℥j. Myrrhæ rubr. ℥iiij. Exsiccentur & fiat l. a. pulvis pro fumo purarum ædium a contagio præservandarum.

℞. Baccar. Juniper. M. iiij. Rutæ virentis, Absinth. radic. Helenii, corticis Betulæ ex caudice inferiori detracti, cornu Hirci rasi, non castrati, Sabinæ, pilor. Hirci, ana M. ij. Folior. Quercus, Myrrhæ ana ℥j. Fiat pulvis pro domibus contagio infectis.

Humoris verno tempore ex Betula profluentis vim & efficaciam in calculo renum & vesicæ, in stranguria & urina cruenta Tragus, Helmontius & alii non immerito celebrant. Hic humor colligitur vel ex cortice ejus terebra perforato, cui filum laneum vel xylinum inseritur, vel ex ramorum extremis præfcisis antequam folia erumpant: simulatque enim hæc apparent, liquor qui exstillat nullius est usus, inquit Helmontius. Ante germinationis tempus collectus saporem habet suavem, acidulum, quasi Terebinthinaceum, & facile acescit. Servatur autem optime vasis & lagenis probe clausis, superaffundendo tantisper olei Olivarum ad aeris contactum arcendum: vel etiam leni committitur fermentationi, quam liquor ille musti ad instar facile concipit, donec in liquorem convertatur potulentum & quasi vinosum: sic enim gratum saporem retinet & per totum annum servari potest. Cyathus unus aut alter hujus humoris Betulini hauritur matutino tempore, jejunio ventriculo. Nonnulli eum ad ℥ij. tresve propinant in phthisi incipiente aut ad calculi præservationem. Diuresim promovet, sicque calculos renum & vesicæ propellit, eorum generationem impedit, & ipsum paroxysmum nephriticum sedat; quapropter a nonnullis Betula vocatur lignum nephriticum Europæum, & succedaneum habetur ligno nephritico ex Indiis allato. Ut major ipsi concilietur vis diuretica, cuilibet haustui potest admisceri aliquid vini cui primo vel radix aut semen Raphani, semen Lithospermi, vel bacca Alkekengi infusæ sint. Podagricis confert humorem podagræ causam per urinæ vias eliminans. Dysuriis & stranguriis quibus senes obnoxii sunt medetur. In scorbuto Cerevisiæ recentius coctæ & liquori Betulæ æquali proportionem simul mistis immittunt nodulum ex antiscorbuticis, fumuntque pro potu ordinario. In ictericis, cachecticis, item melancholia hypocondriaca egregii est usus. Hepatis, lienis, mesenterii obstructions nitroso sale suo referat & curat crassos succos resolvendo. Ettmullerus illum mense Martio per aliquot dies haustum ad massam

sanguineam tenuiorem & puriorem efficiendam apprime convenire asserit. In scabie quoque commendatur, tum externe, tum interne adhibitus. Idem tamen Ettmullerus observat, hunc succum sanguineam molem adeo purgare ut etiam usu suo quosdam scabiosos reddiderit, dum scilicet heterogenea salia ex massa sanguinea secreta & intra cutim defixa, pathemata illa scabiosa producerunt: sed brevi ab illius usu continuato perfecte sanantur. Gualther. Needham Medicus apud Anglos celebris hoc succo partim mero, partim cum melle permisto phthisim scorbuticam, referente J. Raio, non semel curavit. Quidam hunc succum distillant, & creber ejus potus cum aqua Sambuci in hydrope laudatur. Aqua præcipue commendatur ad vulnerum abstersionem & curationem. Simon Pauli hunc succum jonthis seu varis faciei certo experimento mederi affirmat: si interdiu & præsertim mane & vesperi facies eo lavetur, atque non deterfa siccescat.

B I S T O R T A.

BISTORTÆ duæ sunt species in Officinis usitatæ, una radice minus intorta, altera radice magis intorta, quarum radices promiscue venales prostant in seplasiariorum officinis, & iisdem virtutibus donantur.

BISTORTA vulgaris radice minus intorta, *Off.* Bistorta major, radice minus intorta, *C. B. P.* 192. *Inst. R. H.* 511. Bistorta major, rugosioribus foliis, *J. B.* 3. 538. Bistorta, *Dodon. Pempt.* 333. Colubrina & Dracunculus major, *Brunsfelsii*: *Serpentaria femina* & Colubrina, *Fuchsii*: Bulapathum seu Bistorta: vulgo, *Bistorte*.

Ex radice crassa, oblonga, geniculata, articulum digiti complicatum referente, nonnunquam retorta, multis fibris capillata, foris fusca vel ex spadiceo nigricante, interiore vero pulpa non intense rubente, gustu austeriusculo adstringente, folia in longiusculis pediculis promit oblonga, lata & acuminata, Lapathi similia, verum minora, venosa, superne quidem atrovirentia, inferne vero glauca: inter quæ mediæ exeunt caules pede altiores, tenues, glabri rotundi, geniculati, minoribus aliquot foliis circumvestiti: in quorum fastigio spica florum nascitur apetalorum, qui scilicet ex plurimis staminibus constant, cum apicibus coloris carnei, & ex calyce quinquifido & concolori surgentibus: pistillum abit in semen triangulare rufum & fere nigricans, splendens: in capsula quæ calyx floris fuit reconditur. In hortis colitur. Sponte crescit in regionibus calidis super altiora montium juga, in locis humentibus. Radix in usum venit.

BISTORTA radice magis intorta, *Off.* Bistorta major, radice magis intorta, *C. B. P.* 192. *Inst. R. H.* 511. Bistorta media, folio minus rugoso, *J. B.* 3. 538. *Serpentaria mas*, seu Bistorta, *Fuchsii*.

A priori differt foliis minoribus & lævibus, radiceque magis intorta & complicata. Hæc radix exsiccata ex calidioribus regionibus nobis affertur. Iisdem virtutibus donatur.

Analyfi chymica, ex radicum Bistortæ recentium lbv. prodierunt humoris limpi-

limpidi, subacidi, aliquantisper odorati, aromatici, cum olei essentialis guttis aliquot ℥ij. ℥iij. ℥j. gr. xliij. humoris primo limpidi, aromatici, deinde rufescentis, manifeste acidi ac subaufteri ℥xij. ℥vij. gr. lx. humoris fusci, empyreumatici, manifeste acidi, subsalsi ℥vij. ℥vij. olei spissi ad instar extracti ℥j. ℥iij. gr. xl. Massa nigra in retorta residua pendebat ℥xiiij. gr. xxiiij. quæ igne reverberii calcinata reliquit cinerum ℥ij. ℥vj. gr. xlvij. ex quibus salis fixi mere alcali ℥iij. gr. xl. lixivio extracta sunt. Partium jactura in distillatione fuit ℥vij. ℥iij. gr. xlvij. in calcinatione ℥xj. ℥j. gr. xlvij.

Hæc radix continet salem essentialem aluminosum seu acidum terra & oleo, tum tenui, tum crasso ac bituminoso copioso involutum.

Virtute balsamica, vulneraria & adstringente donatur. Usurpari solet adversus omnes affectus in quibus adstrictione opus est, ut urinæ incontinentiam, gonorrhæam, menses nimios, sanguinem e vulneribus manantem sanguinis sputum, vomitiones biliosas, dysenteriam, aliasque alvi fluxiones.

Recensetur quoque inter alexipharmaca & sudorifera; quapropter ad febres malignas, variolas, pestem, & dysenteriam malignam usurpatur, & sæpius cum Tormentilla consociatur. Verumtamen diaphoreticam & sudoriferam virtutem illi sicut & Tormentillæ S. Pauli denegat; vim exsiccantem solum & refrigerantem aut incrassantem concedendo. Reipsa si in peste & in malignis febribus Bistorta præstantissima sit, sane quia sanguinis æstum compescit, nimiamque dissolutionem ejus coercet, tum sale suo aluminoso, tum etiam bituminoso suo sulphure, quibus acres massæ sanguineæ sales retunduntur, irriuntur. Radix recens vel ficcata usurpatur in ptisanis & apozematibus adstringentibus ab ℥ss. ad ℥j. in aq. comm. ℥iij. ad ℥ij. Pulvis exhibetur a ℥ss. ad ℥j. cum conserva Rosar. rubrarum mistus vel liquore idoneo dilutus, ejus infusum in vino ab ℥ij. ad ℥iij. propinatur. Pulveris Bistortæ ℥ss. cum pari Succini portione ex ovo forbili diebus aliquot continuis usurpata abortum prohibet, auctore J. Raio. Ettmullerus in hæmorrhagia ex febre maligna hunc pulverem ad ℥j. feliciter exhibuit. Sylvius decoctum ejus ad fluxus sanguinis uterinos nimios post partum, qui contingunt ex retentione particularum secundinæ stimulantium ad excretionem, sicque sanguinis fluxum inducentium, præscribit permistum cum uterinis & leniter expellentibus. Sic enim apprime conducit secundinæ reliquiis expellendis & hæmorrhagiæ sedandæ. Eiusdem radicis decoctum adversus mulierum fluorem album commendatur.

℞. Rad. Bistortæ minutim concisæ ℥j. Glycyrrhizæ rasæ & contusæ ℥j. Rasuræ C. C. ℥ss. Radic. Graminis M. j. Coquantur in aq. comm. ℥iij. ad ℥ij.

Fiat colatura pro potu solito in alvi fluxu variolis superveniente.

℞. Rad. Bistort. pulver. ℥ss. Conserv. Rosar. rubrar. ℥j. Syrup. Berberis q. s. M. F. bolus adstringens in dysenteria, & alvi fluxu.

℞. Rad. Bistort. ℥ij. Coquantur in aq. comm. ℥xvj. ad ℥x. Adde folior. Majoran. & Pulegii ana M. j. Vini albi ℥xij. Digerantur in vase clauso. Infusum refrigeratum transcoletur. Colatura dilue syrup. de Artemisia ℥ij. Adde aq. Cinnamomi ℥ss. Dosis ℥iij. bis terve die, in hæmorrhagia uterina ex secundinæ portione retenta. Vel

℞. Rad.

℞. Rad. Bistortæ pulver. ℥ij. Corall. rubr. ꝑꝑ. Cinnamomi acuti pulver. & Boracis ana ℥j. Croci pulver. ℥ss. M. F. pulvis pro duabus dosibus cum syrapi Kermesini q. s. sumendus.

Bistortæ radix usurpatur in Aceto theriacali *Charas*, in pulvere dysenterico *Eiusdem*, & in Electuar. Diascordio *Fracastor*.

B O L E T U S .

BOLETUS esculentus vulgaris: Boletuss esculentus, *I. R. H.* 561. Fungus porosus, *C. B. P.* 370. Fungus rugosus vel cavernosus, sive Merulius niger & albus, *J. B.* 3. 836. Primi generis Fungorum esculentorum 3. species, *Clusii Histor.* 263. Fungus spongiosus, *Dalechamp. Lugd.* Fungi terreni præcoces, Spongiolæ nonnullis, *Dodon. Pempt.* 481. Fungi favaginosi, sive Fungi rugosi favis mellis similes, *Lobel. Belg.* vulgo, *Morilles*.

Plantæ genus est cujus flores & fructus adhuc ignoti sunt. Nucis Juglandis magnitudinem sæpe æquat, nonnunquam superat, substantia carnosus, totus circumquaque scrobiculis pervius ut favos apum imitetur, ex albo nonnihil rubescens, fulvus, aut niger, interiori parte cavus, albus & velut farinaceo quodam lævore aspersus. Pediculus vero qui Fungi corpus sustinet, totus albus, cavus & infima parte tenuibus radiculis filamentosis instructus est.

Clusius quatuor hujus Boleti species observavit, quæ magnitudine, figura & colore differunt. Verno tempore reperitur in sylvis Vitæ-sanæ, vernaculo idiomate, *Vincennes*, in sylvis Castelli regii sancti Germani dicti, & in valle pagi *Montmorency* dicti. Ad usum culinarium tantummodo colligitur.

Analyti chymica, ex Boletor. esculentor. recentium ℔v. per retortam distillatis, prodierunt humoris limpidi Boletorum odorem, saporemque referentis, primo subacidi, deinde acidi manifesti ac tandem intensi ℔ij. ℥viii. ℥j. gr. lx. humoris limpidi, intense acidi, ℔j. ℥xiiij. ℥ij. gr. xxxvj. humoris primo rufescentis, limpidi, acidi & subsalsi, deinde rufi, sale volatili urinoso copioso imprægnati ℥j. ℥vj. gr. xxxvj. salis volatilis urinosi concreti gr. xlviij. olei fluidi ℥j. ℥ij. gr. xxx. Massa nigra in retorta residua pendebat ℥iiij. quæ igne reverberii calcinata reliquit cinerum ℥j. ℥v. ex quibus salis fixi salis ℥iiij. gr. xliij. lixivio extracta sunt. Partiam deperditio in distillatione fuit ℥ij. gr. vj. in calcinatione ℥ij. ℥ij. Itaque Boleti salem essentialem continent tartaro similem, cum sale ammoniacali conjunctum, cum oleo copioso permixtum & multo phlegmate dilutum.

Boletus tum recens, tum exsiccatus ob gustum suavissimum in deliciis habetur variis modis præparatus, & hominum palatum variis condimentis oblectatur. Appetitum excitat, sanguinis motum auget, vires instaurat sed parum nutrit: usu nimio sanguinem accendit: quapropter biliosis & calidis naturis noxius censetur.

Boletus olim exitio Claudii Imperatoris nobilitatus fuit. Optimus, inquit Plinius, cibus Boletus est: sed immenso exemplo in crimen adductus veneno Claudio Principi per hanc occasionem dato a conjuge Agrippina. Certum est

est non vitio Boleti extinctum Claudium, sed vi medicamenti quo imbutum fuisse omnes tradunt. Hinc medicatum Boletum dixerunt.

B O N U S - H E N R I C U S .

BONUS-HENRICUS & Tota-bona, *Off.* Chenopodium folio triangulo, *I. R. H.* 506. Lapathum unctuosum folio triangulo, *C. B. P.* 115. Bonus-Henricus, *J. B.* 2. 965. Tota-bona, *Dod. Pempt.* 651. Rumex unctuosus, *Tragi* 319. Spinacia sylvestris, *Matthiol.* Mercurialis, *Anglor.* vulgo, *Bon-Henry*.

E radice crassa, sublutea, fibris aliquot donata, acri & amara, plures emittit caules striatos, concavos, partim erectos, partim supinos, brevi lanugine hirsutos, pedales aut cubitales: folia triangula, Atriplicis aut Ari similia, & interdum paria, superne glabra, inferne farina tenui respersa, longis pediculis nixa, caulibus alternatim adnata, sapore nonnihil nitroso. Flores in summis caulibus nascuntur conferti in thyrsis, exigui, apetalis, plurimis scilicet staminibus constantes luteis, ex calyce multifido surgentibus. Eorum pistillum abit in semen parvum, orbiculatum, planum, ad renis figuram accedens, per maturitatem nigrum, in capsula veluti stelliformi, quæ floris calyx fuit, reconditum. Herba integra in usum venit. In incultis locis ac ruderratis, secus vias, veteres muros & agrorum sepimenta frequenter reperitur, aut etiam in oleraceis excolitur.

Analyti chymica, ex totius plantæ cum semine & radice lbv. per retortam distillatis, prodierunt humoris limpidi, odoris & saporis herbacei, occulte acidi ℥xv. ℥j. gr. xij. humoris limpidi, ejusdem odoris saporisque manifeste ac tandem intense acidi lbij. ℥xij. ℥ij. gr. xxxvj. humoris rufescentis, empyreumatici, intense acidi, subsalsi, subausteri ℥j. ℥iiij. gr. xxx. humoris rufi, empyreumatici sale volatili urinoso copioso imprægnati ℥j. ℥v. gr. lx. olei crassi ad instar syrupi ℥j. ℥iiij. gr. xxxvj. Massa nigra in retorta residua pendebat ℥viiij. ℥iiij. quæ calcinata reliquit cinerum leucophæorum ℥iiij. ℥viij. gr. lx. ex quibus salis fixi mere alcali ℥j. ℥j. gr. xlv. lixivio extracta sunt. Partium deperditio in distillatione fuit ℥vj. ℥j. gr. xliij. in calcinatione ℥iiij. ℥iiij. gr. xij. Itaque hæc planta continet salem essentialem nitroso-ammoniacalem oleo copioso permixtum & multo phlegmate dilutum, & ex hac mistura compositum lentum & aliquantisper mucaginosum.

Hujus plantæ turiones, germina novella, florum thyrsi dum adhuc teneri sunt, & folia in aqua aut carniū jure decocta & cum butyro & sale condita comeduntur: sed parum nutrimenti præbent. Alvum emolliunt & laxant.

Ejusdem folia concisa aut contusa externe admota vulnera recentia uniunt, ulcera sordida & vetustiora expurgant & detergunt, & vermes, si qui in eis enati fuerint, interimunt, tumores digerunt atque resolvunt, doloresque sedant. Simon Pauli, in *Quadripartito Botanico* non sine felici successu totam plantam cataplasmatibus forma ad mitigandos podagricos dolores adhiberi semel atque iterum apud plebejos observavit: nec quidquam

periculi timendum esse affirmat, cum non repellat sed discutiat & digerat: imo insuper anodyna est: quæ qualitates raro in uno simplici conveniunt.

℞. Folior. Boni-Henrici recentium M. iij. Flor. Sambuc. & Chamæmeli siccor. ana M. ij. Contund. grosse: coquantur in f. q. aq. Sambuc. ad putrilaginem. Tum adde gumm. Carann. ℥ss. Camphor. ℥ss. Fiat lege artis cataplasma ad podagram parti dolenti applicandum, præmissis præmittendis.

B O R R A G O.

BORRAGO, *Off.* Borrigo floribus cæruleis, *J. B.* 3. 574. *Inst. R. H.* 133. Buglossum latifolium, Borrigo flore cæruleo, *C. B. P.* 256. Buglossum sive Borrigo, *Matthiol.* 1186. Borrigo, *Dod. Pempt.* 627. Corago quorundam: vulgo, *Bourrache*.

Radice est alba, digitum crassa, fibrata, mansu viscida: foliis latis, subrotundis, e viridi nigricantibus, asperis, rugosis & plicatis, per terram sparsis, eminentibus pullis, tenuissimisque aculeis: caule hispido, terete, inani, cubitali, ramoso. Flores ejus in cacuminibus ramulorum nascuntur eleganter cærulei, raro carnei aut albidi, pediculis uncialibus & sesquiuncialibus insidentes, purpurascens & deorsum incurvatis. Monopetali sunt, rotati, in quinque segmenta acuminata divisi, cum umbone acuto in medio e quinque apicibus nigricantibus fastigio coeuntibus pyramidis in modum coagmentato, & segmento oblongo purpurascens cuique apici seu cincinnulo extrorsum appposito: calyce quinquifido, acuminato, viridi, hirsuto sustinentur, ex quo surgit pistillum posticæ floris parti ad instar clavi infixum & quatuor veluti stipatum embryonibus qui deinde abeunt in totidem semina nuda, viperini capitis æmula, basi lata, mucrone acuto rugosa, per maturitatem nigricantia, quæ in calyce ipso longe ampliato maturescunt. Tota planta succo donatur viscido & fatui saporis. In hortis colitur. Radices, folia & flores in usum veniunt.

Analyti chymica, ex totius Borriginis recentis cum radicibus ℔v. per retortam distillatis prodierunt humoris primo limpidi, deinde albicantis, odoris & saporis lixiviosi, subsalsi ℔iij. ℥ix. ℥vj. gr. xliij. humoris primo limpidi, deinde rufescentis, ejusdem odoris & saporis, sed debilioris qui primo subsalsi, deinde subacidi notas præbuit ℔j. gr. lxx. humoris rufi, sale volatili urinoso copioso imprægnati ℥v. gr. xxxv. olei spissi ad instar extracti ℥v. gr. iij. salis volatilis urinosi concreti gr. xj. Massa nigra in retorta superstes pendebat ℥j. ℥ij. gr. lx. quæ igne reverberii calcinata reliquit cinerum ℥j. ℥ij. gr. lj. ex quibus salis alcali fixi ℥v. gr. xxiv. lixivio sunt extracta. Partium jactura in distillatione fuit ℥ij. ℥ij. gr. lxxvij. in calcinatione ℥j. gr. ix.

Borrigo exsiccata & super prunas projecta comburendo plurimas edit fulgurationes nitri ad instar, & revera salem essentialem continet nitroso-ammoniacaalem qualis est mistura spiritus nitri & spiritus urinæ exurgeret. Quemadmodum autem sal ille medius nunquam concreveret in salinam formam, ita pariter nitrosum acidum in Borragine contentum non concrevit cum urinoso sale in salem essentialem aut potius in nitrum nisi calce aut sale alcali

cali fixo imprægnetur, quæ cum sale acido nitroso avide consociantur & urinosum salem dejiciunt. Radicum succus Heliotropii tincturam efficit rubram: dilutior est tinctura ex florum succo. Nulla vero a foliorum succo hujus tincturæ fit mutatio, unde conjicere licet acidum in radicibus magis evolutum esse, minus vero in floribus, at in foliis sulphure & terra magis implicitum esse.

Borrago, licet temperata censeatur, inter cardiaca medicamenta numerari solet. Vis corroborandi, lipopsychiam removendi, lætitiæ melancholicis excitandi & sanguinem defæcandi omnibus ejus partibus vulgo tribuitur. Vulgari tamen sententiæ C. Hoffmannus adversatur, qui Borruginis partes aut præparata in affectibus cordis biliosis, ad cor muniendum in febribus pestilentibus, in ictu serpentum aliisque venenis frustra adhiberi se novisse affirmat. Sed in hac sententiarum diversitate non possumus quin multum concedamus sali essentiali nitroso ammoniacali, quo hæc planta donatur, utpote digestivo potentissimo. Humores enim lentos, tenaces & crassos dissolvit, dividit & attenuat, sanguinem fluidiorem efficit, obstructions tollit, secretiones & excretiones restituit, urinas promovet, vel sudores excitat, expectorationemque provocat. Quapropter in calida, ut vocant, viscerum intemperie a succis crassis, stagnantibus, acrioribus factis & phlogosim minantibus hæc planta utiliter præscribitur: in pleuritide, peripneumonia, morbisque inflammatoriis incipientibus, in affectionibus ex atra bile oriundis, melancholicis nempe, hypochondriacis & hysteris, in cordis palpitatione, in cachexia, & in mensium suppressione a succorum crassitie aut ab irritatione membranarum, ubi calidiora medicamenta vitanda sunt, ægrotantes ab illius usu diuturno non parum levaminis recipiunt.

Radices, folia & flores usurpantur in decoctis & jusculis alterantibus. Succus ex foliis contusis extractus & defæcatus propinatur ab ℥ij. ad ℥iiij. vel ℥vj. nonnunquam permiscetur cum succis Buglossi, Chærefolii & Cichorii sylvestris, & edulcoratur cum syrupis pectoralibus vel laxantibus pro libitu.

Succi harumce plantarum, aliarumque per residentiam spontaneam solam defæcantur, vel per levem ebullitionem, despumationem & colaturam. Reipsa per solam residentiam purgati majoris sunt energiæ; verum illis quorum ventriculus imbecillior est nocent, ventriculum enim gravant. Idcirco levi decoctione indigent. Nec adeo effecti sunt illi succi ut nonnullis videtur. Alius plantarum succos obtinendi modus a Th. Fullero in sua *Pharmacopœa extemporanea* proponitur non contemnendus.

℞. Borragin. q. l. Concisa & leviter contusa ponatur in olla fictili vitreata cum operculo debite obturato, quæ clibano calido post panes extractos indita stet per sex horas. Dein massa in colum effusa, liquor clarus diffuens servetur ad usum.

Quandoquidem per hyemem plantarum succi facile obtineri nequeunt, vere vel æstate, dum herbæ vigent, earum succos extrahere & rite reconditos ad usum medicum asservare expedit. Cum autem facile corrumpantur, triplicem illorum conservandorum modum idem Fuller proponit: 1. Scilicet affuso oleo olivarum, mediante quo a mucore & acore per tempus præservantur; 2. Post

ali-

aliqualem phlegmatis exhalationem & despumationem ad quartæ partis consumptionem coquuntur. Deinde pro unaquaque succorum libra spiritus vini ℥ij. vel iij. adjiciuntur. 3. Per residentiam spontaneam despurati succi immituntur vasis halitu sulphureo conditis. Nimirum tæda sulphurea incensa in vase suspendatur, ita nebula alba totam lagenam implebit: hoc tandiu fiat donec a fumo sulphuris extinguatur: deinde lagena succo repleta claudatur. Ita per longum tempus succi incorrupti commode conservari possunt. Verum ab acido sulphuris fumo nonnihil immaturi possunt, ad quod attendendum est.

Flores Borriginis inter flores cordiales recensentur, nempe Borriginis, Buglossi & Violarum, quibus nonnulli Rosas addunt. Recentes in acetariis comeduntur: vino injecti animum exhilarare dicuntur. Ex his conditum in Officinis & syrupus præparantur. Exsiccati quoque servantur. Verum observandum est, hos flores, quando exsiccantur, exiguæ admodum virtutis esse, & tunc ad medelam ægotantium parum conferre.

Ex integra planta aqua distillatur & extractum conficitur.

Borrigo & Buglossum sæpius consociantur & iisdem fere virtutibus donantur.

℞. Succor. defæcator. Borrigin. Bugloss. ℥j. Dilue syrup. Violar. Tussilagin. aut Caryophyll. hortens. ℥ij. Distribuat in quatuor doses quarta quaque hora interjectis jusculis propinandas, in pleuritide, peripneumonia & febribus inflammatoriis. Sæpe etiam succi Chærefolii & Cichor. sylvestris adjiciuntur ad diuresim promovendam & viscerum obstructions potentius referandas.

℞. Radic. Borrigin. & Cichor. ana ℥j. Folior. Borrig. Bugloss. Lactuc. & Agrimon. ana M. j. salis prunellæ vel polychrestii ℥j. Decoquantur cum pullo gallinaceo aut frustulo colli carnis vitulinæ. Fiant juscula duo mane & sero sumenda, ad sanguinis æstum compescendum, viscerum obstructions referandas, in cachexia, chlorosi, aut hydrope incipiente.

Borrigo usurpatur in illo apozemate satis noto quod vocatur jusculum *D. De Lorme*, cujus descriptionem alibi dedimus. Ejus succus usurpatur in Eleætuar. de Pssyllo correcto *Charas*, & in syrupo de pomis composito *Eiusdem*, Syrupo Mercurialis seu *De longa vita* dicti, de Erysimo *Lobelii*.

B O T R Y S.

DUÆ plantæ hujus generis in usum medicum veniunt, scilicet Botrys ambrosioides vulgaris & Botrys ambrosioides Americana.

BOTRYS ambrosioides vulgaris: *Off.* Chenopodium ambrosioides, folio sinuato, *Inst. R. H.* 506. & *Raii Histor.* 196. Botrys ambrosioides vulgaris, *C. B. P.* 138. Botrys, *Dod. Pempt.* 34. Atriplex odora seu suaveolens, *Morriss Histor.* Botrys plerisque Botanicis, *J. E.* 3. 2. 298. vulgo, *Piment*.

Radice est parva, alba, recta descendente, paucis fibrillis donata: caule dodrantali aut pedali, terete, rigido, erecto, hirsuto, crebris foliis alternatim positis vestito, ab imo statim ramoso: foliis Quernorum æmula divisura utrinque laciniatis ac profundius incis, venis majoribus, rubris

insignitis, pediculis longis insidentibus, cum primo emergunt, rubris, postea pallescentibus. Flosculi ad tactum glutinosi in summis caulibus & ramulis numerosissimi, longa serie velut in spicas laxas digesti sunt. Ex uniuscujusque autem folioli sinu duo exeunt furculi & velut racemuli flosculis & seminibus onusti. Hi furculi divisionibus suis Διχοτομίας. observant, & in unoquoque divaricationum angulo flosculus sedet nullo pediculo, itemque in ipsis foliorum alis inter pediculos furculorum modo dictorum. Flosculi apetalii sunt, plurimis scilicet staminibus constantes, ex calyce herbaceo multifido surgentibus. Singulis singula succedunt semina Sinapeos similia, sed minora multo in capsula, quæ calyx floris fuit, inclusa.

Tota planta odorata est cum quadam graveolentia non insuavi, saporis subacris, aromatici, & resinoso quodam lentore prædita, quo colligentium manus inficit.

Sponte nascitur in Gallo-provincia circa profluentes aquas & fontes & in aridis, arenosisque locis. Facile nostris in hortis adolescit. Herba integra usitata est.

Analyti chimica, ex hujus plantæ floridæ dempta radice ℥v. per retortam distillatis, prodierunt humoris limpidi, odoris & saporis aromatici, subamaricantis, acris, obscure salis & obscure acidi ℥ij. ℥j. gr. xxxvj. humoris primo subacidi, deinde manifeste acidi, tandem subausteri ℥ij. ℥iiij. ℥iiij. humoris rufescentis, limpidi, sale volatili urinoso copioso imprægnati ℥ij. gr. xxxvj. olei spissi ad instar extracti ℥j. ℥j. gr. xij. Massa nigra in retorta superstes pendebat ℥iiij. gr. vj. quæ igne reverberii calcinata reliquit cinerum leucophæorum ℥ij. gr. lx. ex quibus lixivio salis fixi mere alcali ℥vij. gr. xxx. extracta fuere. Partium jactura in distillatione fuit ℥iiij. gr. liiij. in calcinatione ℥j. ℥vij. gr. xviiij.

Hæc planta sale essentiali ammoniacali cum oleo tum tenui, tum crasso conjuncto donatur.

A recentioribus ad pectoris affectus pituitosos magnopere commendatur, præsertim in tussi & asthmate humido & orthopnœja. Infusum in vino aut hydromelite, aut in aqua bulliente instar Theæ mane & vesperi ad ℥vj. propinatur, vel herbæ siccæ pulvis cum melle vel syrupo idoneo ad ℥j. exhibetur. Sic pulmonum infarctum reserat, mucum spissum incidit, attenuat, & expectorationem promovet. Purulenta exspuentibus mirifice auxiliatur, attestante Matthiolo. Pulmonum ulcera detergit & vomicas sanat. Camerarius in *Horto suo* scribit in Misnia herbam mandi & cum paucis vino deglutiri, vel etiam fieri ex ea cum melle electuarium ad pulmonis vitia præstantissimum.

Puerperarum flatulentos dolores colicos & abdominis inflationem sedat. Præterea expertam Ettmullerus asserit in inflammatione hypochondriorum infantum, in qua succus cum pulvere permixtus exhibetur.

Externe admota herba ipsa recens facit quoque ad uteri dolores & ad puerorum flatulentam abdominis distensionem, si in calenti tegula, vino generoso irrorata calefiat & ventri imponatur. Eadem quoque una cum Matricaria & Chamæmeli floribus puerperarum a partu cruciatibus auxili-

liatur, & est præsentaneum auxilium, ubi simul omnia concisa in oleo Lili-
 orum in patella parumper coquantur, & deinde ovis gallinaceis excipian-
 tur, simul misceantur, coquanturque quoad placentæ formam referant &
 calida ventri superponantur.

Aqua ejus distillata fervatur in Officinis, & epota ad dolores post par-
 tum leniendos & hypochondriorum infantum inflationem sedandam peruti-
 lis censetur.

℞. Botryos M. j. Infund. in aq. cal. ℥vj. Colaturæ adde mell. Narbonens. q.
 s. Sumat æger infusum calens instar Theæ in orthopnœa, tussi & asthma-
 te humido.

℞. Botryos exsicc. & pulver. q. l. Adde Mel. despumati q. s. Fiat Electuar.
 Dosis ℥j. ter quaterve die adversus vomicas pulmonum.

℞. Herbx Botryos recentis M. vj. Capillor. Vener. M. iij. Passular. Corin-
 thiacar. ℥ss. Glycyrrhiz. rasæ ℥iij. Incisa & contusa infund. in aq. Botryos
 q. s. Coquantur. Fiat colatura, cui adde succi Botryos ℥iij. Succi Hede-
 ræ terrestr. ℥ij. Sacchari albi q. s. Coq. Fiat syrupus s. a. Sumat æger ℥j.
 mane & vespere cum cyatho infusi Botryos in phthisi incipiente, ulcere
 pulmonum, & purulenta exspuitione.

Nonnulli inter vestes Botrym reponunt ad tineas abigendas & ad odoris
 suavitatem communicandam.

BOTRYS ambrosioides Americana, *Off.* Chenopodium ambrosioides Mexi-
 canum, *Inst. R. H.* 506. Botrys ambrosioides Mexicana, *C. B. P.* 138. & *App.*
 516. Epazotl seu Atriplex odorata Mexicana, *Hernandez* 159.

Radice est oblonga, fusca, capillaribus fibris cincta, intus candida: caule pe-
 dali, etiam altiore, eoque subrubente quandoque, rotundo, striato, pilis levif-
 simis & rarissimis aspersis: foliis pallide virentibus, Atriplicis sylvestris vulga-
 ris forma similibus, oblongis, sinuatis, & absque ordine caulem ambientibus.
 Ad singulorum exortum ramuli, ut in Atriplice emergunt, pluribus velut capi-
 tulis alternatim dispositis onusti, quibus singulis foliolum exiguum subicitur,
 quibusque apertis flosculi exigui luteoli, ut in Botry vulgari conspiciuntur, his-
 que semen minutum, copiosum succedit. Tota planta odorem gravem, sed
 non ingratum spirat, & saporem aromaticum ad Cuminum accedentem refert.

Analyti chymica, ex foliorum & summitatum recentium Botryos America-
 næ ℥v. prodierunt per B. V. humoris limpidi, odorati, saporem resinofum &
 subamarum referentis primo obscure acidi, ac tandem subacidi ℥iij. ℥xij. ℥ij.
 gr. lj. cum olei essentialis flavescentis gr. lxxix. deinde per retortam humoris
 subfalsi, subacidi & urinosi ℥ij. ℥iij. gr. xvij. humoris rufescentis, obscure aci-
 di, manifeste alcali, urinosi, & sale volatili urinoso copioso imprægnati ℥iij.
 gr. x. salis volatilis urinosi concreti ℥j. gr. iij. olei adiposi ℥iij. ℥vij. gr. x. Mas-
 sa nigra in retorta superstes pendebat ℥vj. ℥j. gr. lvij. quæ calcinata reliquit
 cinerum leucophæorum ℥ij. ℥vj. gr. ix. ex quibus salis fixi mere alcali ℥vij. gr.
 lxxvj. lixivio extracta sunt. Partium jactura in distillatione fuit ℥v. ℥j. gr. lxxix.
 in calcinatione ℥iij. ℥iij. gr. xlviij.

Per hanc analysim manifestum est, Botrym Americanam continere salem am-

moniacalem multo oleo tum tenui, tum crasso conjunctum. Multo plus salis volatilis urinosi & olei in ea deprehenditur quam in vulgari Botry.

Hæc planta fudores, urinas & menses potenter movet, flatus discutit & ventriculum roborat. Francisc. Hernandez herbam crudam coctamve adjectam condimentis corroborare scribit, pectori asthmaticis & obstructis conferre, gratamque alimoniam præbere; radicum decoctum dysenterias coercere, dissipare inflammationes & noxia venenis animalia pellere.

B R A S S I C A.

BRASSICÆ, seu Caulis species non pauca observantur in hortis excultæ, vel colore, vel forma differentes. Quædam enim sessili folio patulæ sunt; aliæ contracto capitata; nigra nonnullæ vel rubra; pleræque albida, vel etiam saturato colore virentes: jam ex lævi folio istæ, illæ vero crispo aut laciniato. Ea est etiam quæ ex florido caule Cauli-flora dicitur, sicut ex tumente caule Caulo-rapa. Quarum varietatum præcipuæ & magis usitatæ sunt, Brassica capitata alba, Brassica capitata rubra, Brassica rubra vulgaris, Brassica alba vulgaris, Brassica alba crispa, Brassica cauli-flora.

BRASSICA capitata alba, *Olitorum*, C. B. P. III. 7. B. 2. 826. *Inst. R. H.* 219. Brassica capitata albida, *Dod. Pempt.* 623. vulgo, *Chou pomme blanc.*

Ex alba & fibrata radice caulem producit humilem, crassum, albicantem, crasso cortice tectum, medulla parum acri & subdulci. Folia quæ primum erumpunt lata habet & ampla, nullis insignibus laciniis sinuata, longis, crassis pediculis hærentia, costis nervisque albicantibus crassis intertexta, colore cæso aut cinereo cærulescente, quorum inferiora evulsa aut sponte decidua stipitem relinquunt densa vestigiorum serie rugosum & inæqualem: superna vero quæ remanent, lata quoque & subrotunda, & ex viridi albicantia aut cæsia, mutuo incubitu in caput maximum nonnumquam ultra libras quadraginta ponderantem, durissimum, conglobantur tam arcto amplexu ut difficile separentur. Horum interiora plane albicant. Porro glomer, adveniente vere, quo tempore semini ergo plantari solet, parum dehiscens, e medio caulem erectiorem profert, floribus onustum cruciformibus, qui scilicet quatuor petalis constant luteis aut luteo pallidis, calyce quadrifido, ex quo surgit pistillum quod deinde abit in fructum seu siliquam teretem, longam, tenuem, cylindraceam, septo medio cui valvæ imbricatæ utrinque adhærescunt, in duo loculamenta divisam, feminibusque fetam subrotundis, nigricantibus.

BRASSICA capitata rubra, *Olitorum*: Brassica capitata rubra C. B. P. III. 7. B. 2. 831. *Inst. R. H.* 219. Brassica rubra capitata, *Dodon.* 621. vulgo, *Chou pomme rouge.*

Quod folia attinet, albæ similia quodammodo sunt: at colore magna varietate ludunt; quædam enim atro-purpurea, quædam atro-virentia, aut etiam dilutius virentia: nonnulla quoque cæso nebulae aspersu glauca sunt. At omnes rubris costis ac nervis intertexta. In reliquis cum alba convenit.

BRASSICA rubra vulgaris, *Olitorum*: Brassica rubra, C. B. P. III. *Inst. R. H.*

R. H. 219. & *Tabern. Icon.* 396. *Brassica rubra vulgaris*, *J. B.* 2. 831. vulgo, *Chou rouge*.

Procerior hæc reliquis esse videtur. Stipite namque velut arborefcit duorum, trium aut quatuor pedum, aut etiam cubitorum alto, crasso, atropurpureo, ima parte verrucoso, alias singulo, alias in ramos divaricato: quem folia fortuito posita stipant lata, ex viridi rubentia, alias sanguineo rubore aut obscuriore etiam tota perfusa, non sine obductu nebulæ cujusdam glaucæ, crebro crassarum venarum discursu rugosa, patula, sinuataque. Flores lutei cauli erecto hærent: quos siliquæ excipiunt palmares, in quibus semen rufum, rotundum. Hujus folia patula manent & expansa. Hyemem perfert, ac sæpe, præsertim culta, arboream acquirit proceritatem, firmitatemque, ac ita in plures durat annos. Sæpe etiam laterales producit ramulos. Ramorum extrema adventante vere delicatioribus in acetaria expetuntur.

BRASSICA alba vulgaris, Olitorum: *Brassica alba vel viridis, C. B. P.* 111. *Inst. R. H.* 219. *Brassica alba vulgaris, J. B.* 2. 829. vulgo, *Chou blond ou Chou verd*.

Ex radice tophosa surgit stipes qui foliis, nervorumque divisura atque intertextu rubræ quodammodo respondet. Folia tamen subrotunda, auriculata ex longis, crassis pediculis delicatiora videntur, in quorum circuitu feraturæ quædam apparent. Flores albidi cruciformes sunt ut in ceteris *Brassicis*. Tota planta albicat, & cæsis quodam colore obducta est.

BRASSICA alba crispa, Olitorum: *Brassica alba crispa, C. B. P.* 111. *Inst. R. H.* 219. *Brassica Sabauda rugosa, J. B.* 2. 828. *Brassica Sabauda, Dodon.* 624. vulgo, *Chou frise blanc*.

Hujus folia rotunda, rugosa valde & ita quidem rugis inæqualia sunt, ut singula ceu ex vesicis aut cellulis quibusdam similibus congesta videantur subtus extuberantibus atque prominentibus, aversa parte cavis, & brevibus pediculis hærentia, ex luteolo quodam & atro-virentia & pallide viridantibus costis intertesta. Eadem etiam in densum globum coguntur, sed parvum & candicantem, dum extremitates interim obscurius virent. Flos luteus. Semen ut in reliquis.

BRASSICA Cauli-flora, Olitorum: *Brassica Cauli-flora, C. B. P.* 111. *Inst. R. H.* 219. *Brassica multi-flora, J. B.* 2. 828. *Brassica florida Botrytis, Lobel. Icon.* 245. vulgo, *Chou-fleur*.

Perampla hæc quoque fert folia, cubitalia, longiora quam *Brassica capitata* albæ, acutiora, nec ita lata, nulla insigni laciniarum divisura, dilute virentia, quædam etiam colore magis glauco, exteriora præsertim nervis candicantibus conspicua, per ambitum nonnihil denticulata & veluti ferrata, sed nec profunde, nec dense. In caput glomerantur sed mollius, minus denso foliorum incubitu formatum: inter quorum sinum cauliculi florigeri densissimo stipatu prodeunt crassi, albidi, molles, qui cocti palato grati, cum suavitate comeduntur. His cauliculis, si per tempus liceat, debitam proceritatem adeptis innascuntur flores & siliquæ aliorum similes.

Hæ omnes *Brassicæ* species in hortis coluntur ad culinarium usum potius

quam ad Medicum. In Officinis Pharmaceuticis præsertim usitata sunt folia Brassicarum rubrarum.

Analyſi chymica, Brassicæ capitatæ folior. ℥v. per retortam distillatæ præbuerunt humoris limpidi, odore & sapore caules coctos referentis, obscure falsi ℥xj. ℥v. humoris limpidi ejusdem odoris & saporis, primo obscure acidi, & deinde manifesti, nonnihil falsi ℥ij. ℥viii. gr. xxxv. humoris primo limpidi, deinde subturbidi, odoris & saporis ejusdem, sed ingrati, quasi porracei, intense acidi, subsalsi & subausteri ℥j. ℥vj. ℥j. gr. xxxvj. humoris fusci, sale volatili urinoso copioso imprægnati ℥j. ℥ij. gr. xxxv. salis volatil's urinosi concreti gr. xx. olei adiposi, ℥iij. gr. xxij. Massa nigra in retorta superstes pendebat ℥iij. gr. vj. quæ calcinata reliquit cinerum ℥v. gr. xl. ex quibus salis fixi mere alcali ℥ij. gr. lxxvj. lixivio fuerunt extracta. Partium jactura in distillatione fuit ℥j. ℥ij. gr. lxij. in calcinatione ℥iij. gr. xxxij.

Per hanc analysim liquet, Brassicam capitatam sale essentiali donari tartareo, nitroso, ammoniacali, cum olei portione mediocri conjuncto.

Ex Brassicæ cauli-floræ summitatum recentium ℥v. per retortam distillatis prodierunt humoris limpidi, odore plantam referentis, fere insipidi, obscure falsi & obscure acidi ℥xiiij. ℥ij. gr. xxxvj. humoris limpidi ejusdem odoris, saporisque, obscure alcali ℥iij. ℥v. gr. xxxij. humoris primo limpidi ejusdem odoris, subsalsi, alcali, urinosi, deinde rufescentis, ac tandem rufi, sale volatili urinoso copioso imprægnati ℥v. ℥iij. gr. xlviii. salis volatil's urinosi concreti ℥iij. olei spissi ad instar extracti ℥j. ℥iij. gr. vj. Massa nigra in retorta superstes pendebat ℥ij. ℥vj. gr. xxxvj. quæ calcinata reliquit cinerum ℥vj. gr. xxiiij. ex quibus salis fixi mere alcali ℥iij. gr. lxxvj. lixivio extracta sunt. Deperditio partium in distillatione fuit ℥ij. ℥iij. gr. lxiiij. in calcinatione ℥ij. gr. xij. Ex hac analysi concludendum salem essentialem Brassicæ cauli-floræ esse ammoniacalem.

Brassicæ decoctum ex aqua summe foetet & Brassica in terram putrefacta tetrum spirat odorem. Ille foetor oritur ex sulphure crasso & admodum compacto, per salia volatilia in putrefactione aliquantisper evecto.

Brassica omnis apud olitores & coquos magis familiaris est quam apud Pharmacopœos. A quibusdam veterum pro Medicina universali plane habitata est. Narrant Romanos per sexcentos annos sola Brassica ad omnes morbos usos fuisse. Etiam medicina magni Catonis audit, qui ejusdem beneficio familiam suam a lue pestilenti immunem servavisse dicitur. Hodie quamplurimi tum ex magnatibus, tum ex plebejis eam inter edulia avide appetunt. Rustici fere omnes ea vesci solent. Verumtamen ex omnium fere Medicorum sententia difficilis est concoctionis, parum nutrit, & succum crassum ac melancholicum gignit, quod facile quivis in seipso colligere potest ex ructibus foetidis ingratisque quos excitat. Ventrem inflat, halitibus caput replet, mentis operationes hebetiores reddit, somnumque turbulentum efficit. Quapropter eam relinquendam censemus illis qui valent stomacho, aliisque hominibus qui multis durisque laboribus exercentur. Alba gustu censetur præstantior rubra, præsertim folia illius interiora quæ tenera: suavissi-
ma,

ma, delicatissima, concoctuque facilior cauli-flora. Rubra vero ad usum medicum reservatur, quæ speciali dote pectori convenire dicitur.

Medici contrarias distinguunt in Brassica virtutes scilicet alvum solvendi, & adstringendi. Succus qui nitrosus est ammoniacalis, alvum movet; ipsum corpus seu substantia terrena adstringens est. Hinc illud Scholæ Salernitanæ.

7us Caulis solvit, cuius substantia stringit.

Præterea vis detergens & vulneraria in ea deprehenditur. S. Paulli vidit verrucas illitas succo Brassicæ spatio 14. dierum evanuisse in ancilla quadam cui manus oblitæ erant verrucis, quas sinebat sponte exsiccari sua citra detorsionem ullam. Camerarius refert folia ejus in ulceribus & lepra vino incocta admodum utiliter adhiberi. Tragus tantæ Brassicam efficaciam ait, ut urina eorum qui hoc oleris vescuntur, fistulis, cancro, serpigini, & similibus vitiis mederi queat. S. Paulli potum vulnerarium ad consolidanda vulnera ex Brassicæ rubræ, Saniculæ, Verbenæ ana M. j. Nucis mosch. Zingiber. ana ʒss. in ℥vj. Cerevisiæ maceratis describit & vulneratis pro potu ordinario propinandum proponit. G. Hieronymus Velschius refert ex Ottone Heurnio quemdam scorbuto adeo misere laborantem, ut maculis toto pectore & cruribus diffusis, membrisque rigentibus vix incedere posset, sanatum potu quotidiano ex vini ℥iij. quibus Brassicæ rubræ concisæ M. iij. cum Zingiberis ʒss. Cinnamomi ʒij. immacerata fuerant. Grube *De Arcanis Medicinæ*, testatur quemdam hydrope & scorbuto laborantem ope solius Brassicæ vino cum suis corrigentibus infusæ feliciter fuisse restitutum.

Rubra acrimoniam humorum in pectore potissimum summopere mitigat, tussim egregie sedat & incipientia ulcera detergit. Eo nomine in decoctis & jusculis pectoralibus præscribitur. Concionatoribus quibusdam & cantoribus in usu est pro raucedine nimiam loquelam insequente emendanda ac voce conservanda, decoctum ejus cum passulis frequenter haurire.

℞. Pulmonem unum vitulinum minutim sectum, Brassicæ rubræ frustulatim sectæ ℥j. Napor. n. xij. Orizæ mundatæ cochlear unum. Coquantur in aq. comm. ℥vj. ad ℥iij. pro quatuor jusculis adversus tussim vehementem, & spirandi difficultatem.

℞. Succ. defæcati caulium rubror. ℥j. Croci minutim concisi ʒiij. Mellis despumati & Sacchari albi ana ℥ss. Coquantur ad syrup. consistentiam. Fiat colatura. Syrupus rite coctus servetur ad usum.

Hartmannus ad lateris dolorem folia Brassicæ butyro illita pulvere Cumini aspersa dolentique parti imposita proponit. Puerperarum mammis ad lactis abundantiam aut coagulationem præcavendam, mammarum quoque abscessibus, ad præcavendam inflammationem, & ad ulceris consolidationem promovendam utiliter imponuntur.

Brassica rubra usurpatur in Unguento mundificativo de Apio. Ex ejus succo syrupus Caulium rubrorum in Officinis paratus servari solet.

B R U N E L L A.

B RUNELLA, Prunella, Consolida minor, & Symphytum minus, *Off.* Brunella major, folio non dissecto, *C. B. P.* 260. *Inst. R. H.* 182. Prunella flore minore, vulgaris *J. B.* 3. 428. Brunella, *Dod. Pempt.* 136. Consolida minor, *Matthiol. Camerar. Epitom.* 703. Symphytum petræum, *Lobel. Icon.* 474. vulgo, *Brunelle.*

Radice est transversa, fibrata, parva: caulibus spithamam superantibus, quadrangulis, hirsutis, ramosis: foliis subrotundis, obscure virentibus, sinuatis, pediculis longiusculis hærentibus. Flores quasi spicatum & verticillatum in densis capitulis oriuntur monopetali, labiati, purpurei, labio superiori galeato, inferiori vero trilobato. Calyx monotomos quatuor semina subrotunda continet e pistillo nata. Delectatur locis herbidis & Soli expositis agri Parisiensis. Herba integra in usum venit.

Analyfi chymica, folior. Brunellæ recentium ℥v. per retortam distillatæ præbuerunt humoris limpidi, primo odore & sapore plantam referentis, deinde saporis & odoris expertis, obscure acidi ℥ij. ℥iij. humoris primo limpidi, deinde rufescentis, inodori, manifeste acidi, deinde fusci, empyreumatici, intense acidi, subausteri, ac tandem aliquantisper & obscure urinosi ℥ij. ℥iij. ℥ij. humoris fusci, turbidi, sale volatili urinoso copioso imprægnati ℥vij. salis volatilis urinosi, concreti gr. viij. olei spissi ad instar extracti ℥iij. gr. xxxvj. Massa nigra in retorta residua pendebat ℥iiij. ℥vj. gr. xxxvj. quæ calcinata reliquit cinerum ℥ij. ℥j. ex quibus salis fixi mere alcali ℥v. gr. lx. lixivio sunt extracta. Partium jactura in distillatione fuit ℥vj. ℥j. gr. lxiiij. in calcinatione ℥ij. ℥v. gr. xxxvj.

Brunellæ succus chartam cæruleam rubro inficit colore, saporem refert herbaceum, stipticum, mucaginosum, cum exiguo amarore. Salem essentialem continet aluminosum cum Ammoniâci portione exigua & mediocri sulphuris crassi, bituminosi, portione conjunctum.

Brunella inter plantas vulnerarias adstringentes recensetur, nec infimum locum tenet. Usus præcipuus in vulneribus, in primis pulmonum, in sputo & mictu cruento, uterinis hæmorrhagiis, & dysenteria. In decoctis, jusculis & potionibus vulnerariis ejus decoctum ad ℥vj. succus ad ℥ij. vel ℥iiij. præscribitur. Usurpatur quoque decoctum in enematis vulnerariis & adstringentibus adversus cruenta ventris profluvia, necnon in profundiora vulnera injicitur. Ab animali venenato demorsis J. Bauhinus ejus succum propinat.

In faucium & tonsillarum inflammationibus, in aphthis & ulceribus oris & palati, decoctum ejus in ore detentum specificè convenit & ingreditur gargarismata anginosa.

℞. Brunellæ M. j. Coqu. in aq. comm. ℥j. ad medias: sub finem coctionis adde mellis rosati ℥j. Salis Prunell. ℥j. Fiat colatura cui adde phlegmatis vitriol. ℥j. Fiat gargarisma.

℞. Folior. recent. Brunell. & Veronicæ ana M. j. Vini rubr. ℥j. Macerentur
in

in vase clauso in balneo Mariæ per sex horas . Fiat colatura cum expressione
cujus ℥iij. ter die in mictu cruento sumat æger .

℞. Succor. defæcator. Brunell. Bugulæ, Saniculæ ℥iij. Syrup. Heder. ter-
restr. ℥ß. Fiat potio in sputo cruento & hæmorrhagiis sæpius pro ur-
gentia mali reiteranda.

Rustici plantam recentem contusam vulneribus imponunt ad sanguinem si-
stendum & agglutinandum vulnus. In putridis ulceribus sedis & pudendorum
commendatur . Cæsalpinus plantam contusam in cataplasmate furunculis ad eo-
rum suppurationem excitandam admovebat . Idem in vehementi cephalalgia,
succo Brunellæ cum oleo Olivarum & aceto commixto tempora colluebat.

Brunellæ aqua distillata servatur in Officinis .

Brunella usurpatur in balsamo polychresto *Bauderoni*, in Emplastro pro fra-
cturis *Nic. Præpositi*, in Emplastro ad herniam *Eiusdem*, & in Aq. vul-
neraria.

B R Y O N I A .

BRYONIAE sub nōmine duæ plantæ genere diversæ in Officinis usitatæ
sunt ; Bryonia alba & Bryonia nigra . Bryonia alba adhuc duplex, bac-
cis rubris scilicet atque baccis nigris .

BRIONIA & Bryonia alba, Vitis alba, Uva serpentina , Uva anguina ,
Offic. Bryonia aspera five alba, baccis rubris, *C. B. P.* 297. & *Inst. R. H.*
102. Vitis alba five Bryonia , *J. B.* 2. 143. Bryonia alba , *Dod. Pempt.*
400. Tamarum vulgo, vel Cerasiola, *Cæsalp.* 206. vulgo, *Coleuvree*, *Bryo-
ne*, ou *Vigne blanche*.

Radice nititur brachium superante, & femur humanum, cum annosa est,
æquante, carnosæ, in crassiores fibras divisa, cum exsiccat fungosa, circu-
lis ac radiis distincta, saporis acris, amaricantis, ingrati, & odoris, dum
recens est, virosi: caules longissimos fundit tenues, scandentes, striatos, sub-
hirsutos, capreolis donatos, in quibus folia alternatim nascuntur angulosa, ad
Vitis formam quodammodo accedentia, sed longe minora & subaspera . Ex
foliorum alis flores aliquot simul juncti exeunt, monopetali, campaniformes,
patentes, in quinque partes subrotundas divisi, ex albido virescentes, & ve-
nis distinctas, quos ita complecti solet calyx ut ab iis sejungi nequeat. Ex flo-
ribus alii steriles sunt, majores, & nulli embryoni adhærescentes, alii fecun-
di, minores, insidentes embryoni qui abit in baccam sphæricam, Pisi magni-
tudine, primum viridem, deinde rubram, mollem, succi nauseosi plenam,
feminibus fetam subrotundis, mucagine quadam obductis. Nascitur passim in
sepibus & sylvis præsertim in temperatis & frigidioribus regionibus. Agri Pa-
risiensis est incola . Radix potissimum in usum venit.

Bryonia alba baccis nigris, *C. B. P.* 297. *Inst. R. H.* 102. Bryonia ni-
gra, *Dod. Pempt.* 399. Hæc a priore differt radicum & baccarum colore .
Hujus radix interius buxæ colore pallet, illius ex albido sublutei coloris est:
hujus baccæ nigricant, illius rubent . Hæc priore minus usitata est.

Analyti chymica, radicis Bryoniæ recentis ℥v. per B. V. distillatæ præbue-
runt

runt humoris limpidi, insipidi, obscure salsi ℥ij. ℥xiiij. humoris limpidi, saporis herbacei, obscure acidi ℥xiiij. ℥vij. gr. xvij. Massa residua per retortam distillata præbuit humoris rufescentis primo manifeste acidi, deinde austeri ℥ij. ℥vj. gr. xxxvj. humoris fusci, empyreumatici, alcali urinofi ℥ij. gr. xxxiiij. salis volatilis urinofi concreti ℥ij. olei fluidi ℥ij. gr. xxxiiij. Massa nigra in retorta residua pendebat ℥vj. ℥vij. gr. lxiiij. quæ calcinata reliquit cinerum ℥j. ℥vij. ex quibus lixivio, salis alcali fixi ℥j. ℥ij. extractæ sunt. Partium jactura in distillatione fuit ℥iiij. ℥vj. gr. xxxij. in calcinatione ℥v. gr. lxiiij.

Radici succus chartam cæruleam rubro colore inficit, amarus est, & odoris nauseabundi. Itaque patet, eam continere salem essentialem, tartareum, ammoniacalem, cum oleo acri & fœtido conjunctum.

Bryoniæ radix recens serum lentum, crassum & glutinosum potenter dissolvit, quacumque in parte sit condensatum, illudque evacuat per secessum & nonnumquam per vomitum. Siccata vero debilior est, & per inferiora solummodo purgat. Feliciter usurpatur in hydrope, passione hysterica, asthma, epilepsia, vertigine, paralyfi, arthritide & morbis chronicis. In primis in asthma humoralis, in hydrope pectoris & uteri & in hysterica suffocatione ab obstructionibus hujus visceris specifica audit. At vero cum potens sit & acre catharticum, ejus vehementia temperari solet a cremore Tartari, Sale vegetabili, Aceto tum simplici, tum stillatitio, aut aliquo pulvere aromatico & stomachico. Radix siccata & pulverata exhibetur a ℥j. ad ℥j. succus a ℥j. ad ℥ss. in jusculo. Radix ex lacte vel vino cocta ad ℥iiij. vel ℥vj. Ex succo radici paratur syrupus ad eosdem morbos efficax si propinetur ad ℥j.

Refert Arnaldus a Villa-nova epilepticum curatum fuisse trium septimanarum spatio, purgando se quotidie cum succo Bryoniæ defæcato, addito paucis Saccharo. Thomas Sydenham mania curationem hoc cathartico inniti asserit, si, debitis venæ sectionibus, tum ex brachiis, tum ex jugularibus venis præmissis, æger hujus radici pulveratæ ℥j. cum lacte, vel infusum ℥ss. in vino, tertia vel quarta quaque die sumat, donec convaluerit. Ad passionem hysterica vel succus vel decoctum in vino præstat ex Matthiolo, si bis vel ter in hebdomada usurpetur.

Aqua vel succus radici Bryoniæ singularis a quibusdam adversus hydropem commendatur, qui sic præparatur. Primo vere radix Bryoniæ circa caput ex transverso refecatur: pars vero reliqua terræ cohærens excavatur: tum superior pars resecta tamquam operculum ipsi imponitur. Cavitas postero die reperitur repleta succo quodam fere lacteo, qui exhibetur ad cochlear unum, duo vel tria quotidie mane jejuno ventriculo, clementer purgat per inferiora, aquas hydropicorum subducit, viscerumque obstructions tollit.

Fæcula Bryoniæ præparata servatur in Officinis; quæ nihil aliud est quam farinacea pars radici quæ dum succus depuratur in pelvis fundo subsidet, & effuso paulatim succo exsiccatur. Sed exigua admodum est virtutis.

Extractum majoris est energię & præparatur radicem recentem minutim concisam decoquendo in vino ad medias, decoctum exprimendo, & colaturam ad extracti consistentiam inspissando. A ℥ss. ad ℥j. exhibetur.

R. Radic.

℞. Radic. Bryon. pulver. ℥β. Cremor. Tartar. ℥j. Fiat bolus cum f. q. conserv. Rosar.

℞. Radic. Bryon. alb. pulver. ℥j. Lactis vaccin. ℥iiij. Hauriat æger. Vel

℞. Rad. Bryon. recentis ℥β. Vini albi ℥iiij. Macerentur per noctem. In colatura dissolve syrup. Violar. ℥j. M. Fiat potio in mania.

℞. Radic. Bryon. recent. ℥iiij. Coque ex aq. ad ℥vj. In colatura dissolve Mann. Calabr. ℥j. Sal. vegetabil. ℥j. Fiat potio.

Externe admota radix potentissime resolvit. Ad hydropem, lateris dolorem, ischiadicum dolorem & scrophulas commendatur. Radix recens contusa & renum regioni applicata sola vel cum stercore vaccino, urinas promovet & hydropem sanat, auctore J. Raio. Tachenius refert dolorem ischiadicum radice recente tusa, cum oleo Lini mixta & tepide applicata, mirum in modum pacari.

Zacutus cum juramento affirmat scrophulas tam apertas, quam non apertas hoc unguento sanari.

℞. Rad. Bryon. alb. succosæ ℥β. In taleolas minutim sectam frige in sartagine, quousque contabescat. Cola. Adde Terebenthin. Abietis ℥β.

Ceræ ℥v. Fiat unguentum. De hoc unguento supra strumas appones mane & vesperi. Vel enim strumas resolvit, vel ad suppurationem deducit, tandemque sanat ulcera.

Turiones & Baccæ alvum vehementer commovent & ventriculum gravant. Rarius in usum veniunt.

Circulatores & Agyrtæ nonnulli ex hujus radice mira quædam monstra effingunt, quæ cum aliquot dies siccæ arenæ mandaverint, pro Mandragoris postea distrahunt & vendunt.

Radix Bryoniæ usurpatur in syrupo aperiente cachectico *Charas*, in unguentis *Agrippæ & Aregon. Nicolai Salernitani*.

BRYONIA nigra vulgaris seu racemosa, Vitis nigra, Tamnus, Sigillum Beatæ Mariæ, *Off.* Tamnus racemosa flore minore, luteo-pallescente, *Inst. R. H.* 103. Bryonia levis sive nigra racemosa *C. B. P.* 297. Vitis nigra quibusdam sive Tamnus Plinii, folio Cyclaminis, *J. B.* 2. 147. Vitis Sylvestris, *Dodon.* 401. vulgo, *Sceau de Notre Dame* ou *Racine vierge*.

Radice est magna, crassa, longa, tuberosa, foris nigra, intus alba, succo glutinoso & lento turgida, sapore acri non ingrato: cauliculis viticulosis, tenuibus, longis, scandentibus, lignosis, obscure subrubentibus, absque capreolis: foliis alternis, mollibus, late virentibus, splendentibus, Smilacis lævis haud absimilibus, multis nervis sinuatis præditis, saporis viscidii. Flores ex foliorum alis oriuntur racematim cohærentes, exigui, monopetali, campaniformes, patentes, in sex partes divisi, ex luteo virentes, quorum alii steriles sunt, nulli embryoni adhærescentes, alii fœcundi insidentes embryoni qui deinde abit in baccam ovatam, rubentem, aut ex rubore fuscam, calyptra membranacea instructam, seminibusque fetam subrotundis. In agro Parisiensi frequens nascitur. Radix in usu est.

ALIA est Bryoniæ nigræ species quæ Bryonia nigra baccifera dicitur: Tamnus

us baccifera flore majore albo, *Inst. R. H.* 103. Bryonia lævis sive nigra baccifera, *C. B. P.* 297. *J. B.* 2. 149. A vulgari Bryonia nigra racemosa potissimum in his differt, quod vulgaris florem minorem habeat & racemosa sit: hæc vero flore sit majore & albo, atque baccas ferat Cerasis fere similes, & singulatim in singulis pedicellis e caule prodeuntes.

Analyfi chymica, ℥v. radice Bryoniæ nigra vulgaris recentis per retortam distillatæ præbuerunt humoris limpidi, fere inodori & insipidi, obscure acidi ℥xij. humoris primo limpidi subacidi, obscure austeri, deinde rufescentis, empyreumatici, intense austeri ℥iij. ℥iiij. ℥ij. gr. xlvij. humoris fusci, empyreumatici, intense acidi, cum quadam acrimonia, necnon obscure alcali, urinosi & austeri ℥ij. ℥vij. gr. xxxvj. humoris fusci, mediocri salis volatilis urinosi portione imprægnati ℥j. olei ℥j. gr. xxxvj. Massa nigra in retorta superstes pendebat ℥vj. ℥v. quæ calcinata reliquit cinerum ℥iij. ex quibus salis fixi alcali ℥ij. gr. xiiij. extracta sunt. Partium jactura in distillatione fuit ℥iiij. ℥vij. gr. xxiiij. in calcinatione ℥iij. ℥v.

Hæc radix salem continet essentialem aluminoso similem cum ammoniacali & oleo tenui ac raro conjunctum. Licet enim parum olei extractum videatur: attamen duæ posteriores humoris distillati portiones iterata distillatione rectificatæ olei fere ℥iiij. reliquerunt.

De internis hujus plantæ viribus inter Botánicos non convenit. Compertum est, inquit Lobelius, vel mulierculis vehementius urinam renumque sabulum, mensiumque saburram impellere potu. Quidam contendunt ejus radicem aquosa detrahare ac hydropicis utilem esse. Verum C. Hoffmannus de vi purgatrice valde dubitat: & J. Raius refert Mart. Lister celeberrimum apud Anglos Medicum, tum radicem ipsam in substantia, ut vocant, tum ejus extractum arga dosi sæpius exhibuisse, numquam tamen observasse eam vel per vomitum, vel per secesum, vel alio quovis modo sensibili operari.

Externe hæc radix vulneraria est & potenter resolvit. Vulgaris est usus in suggillationibus hanc radicem rasam & contusam sub forma cataplasmatidis contusæ parti imponere: & livorem cito discutit. J. Raius pulverem radicum cum aceto & stercore vaccino ad formam cataplasmatidis redactum podagricos dolores lenire asserit.

Usurpatur in pulvere ad puerorum enterocalem *pauderoni*, & in Empl. Diabotano D. Blondel, *collectaneor. Pharmaceuticor.*

BUGLOSSUM.

BUGLOSSUM & Buglosa, *Off.* Buglossum angustifolium majus flore cæruleo, *C. B. P.* 256. *Inst. R. H.* 134. Buglossum vulgare majus *J. B.* 3. 573. Buglosa Italica, *Tragi* 232. Buglosa vulgaris, *Dodon. Pempt.* 628. Cirsium Italicum, *Fuchs*: Lycopsis *Anguill*: vulgo, *Buglose*.

Ex radice oblonga, terete, digitali crassitudine, pluribus annis restante, foris rubente aut nigricante, intus candida, lentoque succo prædita, caules plures exferit sesquicubitales aut cubitales, teretes, pilis rigidulis asperos, summa

summa parte ramosos: quibus absque pediculis adnascuntur folia crebra, angusta, oblonga, ex viridi glauca, non ut Borriginis rugosa, in acutum mucronem desinentia, confimilibus pilis utrimque hirsuta, ad margines æqualia. Flores in fastigiis caulium & ramorum, e calyce quinque oblongis, angustis, acutis, pilosis segmentis composito, exeunt monopetali, infundibuliformes, in quinque segmenta obtusa seu orbiculata e cæruleo purpurascencia, divisi, cum umbone medio obtuso, villosa, quinque staminibus composito. Pistillum oblongum ex imo calycis fundo nascitur posticæ floris parti ad instar clavi infixum, & quatuor veluti stipatum embryonibus qui deinde abeunt in totidem femina viperini capitis æmula, in acutum mucronem ad latus spectantem fastigiata, per maturitatem pulla, rugosa, quæ in calyce ipso longe ampliata maturescunt. Summitates caulium & calyces florum purpurascunt. Surculi floriferi, antequam flores expandantur, reflectuntur, seu contorquentur caudæ scorpii in modum. In agro Parisiensi sponte nascitur, & in hortis ad usum medicum colitur. Tota enim planta usitata est.

Analyti chymica, ex folior. Buglossi recentium ℥v. prodierunt humoris limpidi, saporis & odoris herbacei, obscure alcali ℥ij. ℥xij. gr. lxxvj. humoris limpidi, tum obscure acidi, tum obscure alcali ℥j. ℥x. gr. xl. humoris limpidi subsalsi, tum obscure acidi, tum obscure alcali ℥ij. ℥ij. gr. xxxvj. humoris rufi, sale volatili urinoso copioso imprægnati ℥vij. salis volatilis urinosi concreti gr. lx. olei spissi ad instar extracti ℥vij. gr. lxxij. Massa nigra in retorta superstes pendebat ℥ij. quæ calcinata reliquit cinerum ℥j. ℥vij. gr. lxxvj. ex quibus lixivio salis fixi merè alcali ℥vj. gr. xliij. extracta sunt. Partium jactura in distillatione fuit ℥j. ℥iiij. gr. xxij. in calcinatione ℥j. gr. vj.

Buglossi radicum succus glutinosus est, & chartam cæruleam rubram efficit. Non adeo lentus est florum & foliorum succus, & longe debiliorem rubedinem conciliat. Præterea folia exsiccata & prunis imposita accenduntur, & leves emittunt fulgurationes, quales ex sale nitri in prunas projecto exsurgere solent. Ex quibus concludere licet, salem huic plantæ inesse essentialem, nitrosum, ammoniacalem, quadam mucagine involutum & multo phlegmate dilutum. Sed acidum in radicibus magis est evolutum, minus vero in floribus & in foliis.

Buglossum easdem obtinet virtutes quas Borrago: cum illa sæpe confociatur aut illi substituitur. Borragine minus succosum videtur. Ratione salis nitrosi tenuis & volatilis qui in illo deprehenditur, sanguinis æstum & effervescentiam biliosam temperat & coercet: ejus lentorem sale ammoniacali blando resolvit: sicque sanguineum laticem resolvendo, fermentatitium ejus motum compescendo, ejusdem circuitiorem expeditiorem efficit, secretiones excretionisque imminutas aut interruptas restituit. Ea ratione utiliter exhibetur in affectionibus melancholicis & hypochondriacis, in febribus inflammatoriis, pleuritide, peripneumonia & aliis.

Flores sunt e numero florum cordialium quorum pugillus unus aut alter in liquoris idonei cyatho uno infusus instar Theæ præscribitur, aut eorum con-

conserva a ℥ij. ad ℥ß. Folia & radices in decoctis bechicis, in jusculis alterantibus & refrigerantibus usurpantur. Buglossi succus sicut & Borruginis expressus & defœcatus ad ℥iiij. vel ℥vj. pro dosi sumitur in pleuritide: & tertia vel quarta quaque hora iteratur, ut diximus articulo de Borragine. Sæpe sudorem movet, sanguinem spissum & fere coagulatum resolvendo.

Extractum Buglossi in officinis præparatur, & aqua distillata quæ inter aquas cordiales temperatas recensetur.

Succus Buglossi usurpatur in syrupo Mercurialis, de longa vita dicto, syrupo de Fumaria *Mesuae*, syrup. de Pomis composito *Charas*, Electuar. de Psyllio *Ejusdem*, Pilulis angelicis *Collectaneor. Pharmaceutic.* Flores adhibentur in syrupo Elleborato *Quercetani*: Conserva florum in opiata *Salomonis* & in Electuario de Citro solutivo.

B U G U L A.

BUGULA, Consolida media, & Symphytum medium, *Off.* Bugula, *Dodon. Pemptad.* 135. *I. R. H.* 209. Consolida media pratensis cærulea, *C. B. P.* 260. Consolida media, quibusdam Bugula, *J. B.* 3. 430. Prunella Germanis, *Tragi* 311. Herba Laurentiana, *Cast. Dur.* Arthetica *Pandectar. Anguill.* Chamæcissus quorundam, *Lugd.* 109. Symphytum medium *Lonicer*: Sylvatica vulgaris cærulea, *Hort. Oxon. Morisson*: vulgo, *Bugle* ou *petite Consoude*.

Radice est tenui, fibrosa, albida, styptica: foliis duabus unciiis longis, subrotundis, mollibus, sinuatis, leviter incis, nitidis, obscure virentibus, & in apricis & saxosis nonnumquam inferiore parte purpurascens, sapore primo occurso subdulci, mox amarescente & adstringente: duplici caulium genere, aliis tenuibus, teretiusculis, humi repentibus quibus se propagat, aliis erectis, palmam superantibus, quadrangulis, non ex omni parte hirsutis, sed duobus oppositis tantum lateribus, idque alternatim ad singula internodia, in quibus folia bina ex adverso nascuntur inferioribus minora. Flores in foliorum alis verticillatim oriuntur monopetali, unilabiati, cærulei, in tres divisi partes, quarum media bifida est, labii superioris locum occupantibus denticulis, cum pistillo & apicibus cæruleis: calyci insident sessili, brevi, hirsuto, cyaneo, monotomo, quinquepartito: ex quo surgit pistillum posticæ floris parti ad instar clavi infixum & quatuor veluti embryonibus stipatum, qui deinde abeunt in totidem semina subrotunda, in capsula quæ calyx floris fuit recondita. Delectatur pratis & locis umbrosis. Herba integra in usum venit.

Analyti chymica plurimum præbet spiritus urinosi, phlegmatis acidi & olei, mediocrem vero salis volatilis & terræ quantitatem; unde exsurgit sal essentialis aluminosus ammoniacalis cum oleo spisso bituminoso & aliquantisper aromatico consociatus.

Vulneraria est adstringens tam intrinsecus quam extrinsecus adhibita. Commendatur in hæmorrhagiis quibuscumque, cruenta exspuitione, dysenteria, fluore albo mulierum. In infusis, apozematibus, jusculis & potionibus

vulne-

vulnerariis, folia ad M. j. flores ad P. j. aut ij. præscribuntur vel sola, vel cum Sanicula, Brunella, aut aliis herbis vulnerariis permista. Succus foliorum expressus & defecatus ad ℥iiij. vel ℥vj. ad eadem valet. Insuper sanguinis concretionibus ubicumque sint dissolvere & circulationi denuo reddere dicitur. Qua ratione propinatur ab alto devolutis, item cæsis, ruptis, confractisque, & iis qui externa, intestinave vulnera acceperunt. Idem succus externe adhibitus vulnera ulceraque sanat. Utiliter quoque adhibetur in collutionibus ad aphthas, oris & gingivarum ulcera, sicut & pudentorum utriusque sexus.

Quidam huic plantæ vim diureticam & aperientem tribuunt. Camerarius & Dodonæus eam in hepatis obstructionibus, ictero, urinæ suppressione utilem esse asserunt. Poterius decoctum Bugulæ in jusclo vervecis factum maxime in phthisi commendat & internis ulceribus. Hepati quoque conferre mirifice asserit: & observat eam parum & clementer ventrem laxare, contra naturam Consolidarum inter quas reponitur.

℞. Folior. Bugulæ, Saniculæ, Alchimillæ, Vincæ Pervincæ, Pyrolæ, Veronicæ ana P. j. seu ℥ss. Affunde vini rubri generosi ℔j. Infundantur per sex horas in vase clauso: deinde superaffunde aq. comm. ferventis ℔iiij. Macerentur adhuc simul per aliquot horas, & colentur. Dosis erit ℔ss. mane & sero propinanda, in cruenta exspuitione, casu ab alto, &c.

℞. Radicum Aristoloch. rotundæ & Gentianæ ana ℥iiij. Radicis Rubiæ tinctor. ℥ss. Minutim incidantur, & bulliant per horæ quadrantem in aq. commun. ℔iiij. Tum adde foliorum Bugulæ, Saniculæ, Brunellæ, Alchimill. ana ℥ss. flor. Centaur. minor. & Hyperici ana P. j. Bulliant leviter, & colatura servetur ad usum. Dosis ℥v. vel ℥vj. cum syrupi de Hedera terrestri ℥ss. Est potio vulneraria insignis ad vulnera, ulcera, & casum ab alto.

Aqua distillata Bugulæ servatur in Officinis, iisdem fere virtutibus instructa ac planta ipsa sed debilioribus. Extractum quoque conficitur in Officinis non contemnendum.

Parkinsonus unguentum e foliis Bugulæ, Scabiosæ & Saniculæ tuis, in axungia bullitis ad siccitatem usque, deinde expressis, ad omnis generis ulcera, contusiones & vulnera sananda plurimum valere scribit.

Bugula usurpatur in aq. vulneraria *Lemerii*; Balsamo polychresto *Bauderoni*, & mundificativo de Apio *Charas*.

BURSA PASTORIS.

BURSA PASTORIS, Off. Capsella, Sanguinaria, & Crispula, *Quorundam*: Bursa pastoris major, folio sinuato C. B. P. 108. *Inst. R. H.* 216. Bursa pastoria J. B. 2. 936. Pastoria Bursa *Dodon. Pemptad.* 103. Bursa pastoris major, capsula cordata, foliis laciniatis, *Morisson. Oxon*: Thlaspi fatuum, Bursa pastoris dictum *Raii Histor.* 838. vulgo, *Tabouret, Bourssette, Bourse* ou *Malette a Berger*.

Radice

Radice est alba, recta, fibrosa, exili, sapore subdulci & nauseoso: caule cubitali singulari vel multiplici, in ramulos alternatim positos diviso: foliis inferioribus modo integris, plerumque tamen profunde utrimque laciniatis, & Dentis leonis pene modo dissectis, ex angusto principio sensim dilatatis, asperis; quæ vero caulem amplectuntur minora sunt, lata basi, cum auricula utrimque producta, nec omnino laciniata. Flores longa serie in summis ramulis oriuntur parvi, cruciformes, seu e quatuor petalis subrotundis, albidis constantes, cum staminulis aliquot apices luteos gestantibus, calyce quadrifolio & pistillo abeunte in fructum compressum & quasi cordatum, aut latiusculam bifidam crumenulam referentem, tres lineas longum, septo intermedio cui valvæ utrimque adhærescunt, in duo loculamenta divisum, in quibus continentur semina minutissima per maturitatem fulva aut subrufa. In agro Parisiensi secus vias, locis incultis & desertis ac in ruderibus passim provenit. Herba integra in usu est.

Analyti chimica, hujus plantæ floridæ ℥v. præbuerunt humoris primo flavescens, deinde limpidi, odoris & saporis quasi sulphurei & alcalini ℥iij. ℥viii. ℥ij. gr. xxxviii. humoris primo limpidi, obscure salis & urinosi, ac tandem rufescens, intense alcali, urinosi & obscure acidi ℥xij. ℥vj. gr. xij. humoris rufescens sale volatili urinoso copioso imprægnati ℥j. ℥iiij. gr. xlviii. salis volatilis urinosi concreti ℥ij. gr. lvj. olei ℥j. ℥vij. gr. xlviii. Massa nigra in tetorta residua pendebat ℥v. ℥ij. gr. lx. quæ calcinata reliquit cinerum ℥iij. ℥j. gr. vj. ex quibus salis fixi mere alcali ℥vj. gr. iij. lixivio extracta fuerunt. Partium jactura in distillatione fuit ℥j. ℥v. gr. xxvj. in calcinatione ℥ij. ℥j. gr. liij.

Herba integra saporem herbaceum, subsalsum, nonnihil adstringentem, aliquantisper glutinosum refert. Succus foliorum chartam cæruleam rubro tingit colore. Parum tamen acidi analyti chymica exhibet, plurimum vero alcali tum volatilis, tum fixi, non parum terræ & olei quibus alcalini sales involvuntur. Salem igitur ammoniacalem continet cum aluminosi portione & ceteris principiis implicitum.

Inter plantas vulnerarias, adstringentes & refrigerantes recensetur. Hinc in hæmorrhagiis quibuscumque utiliter adhibetur, necnon etiam in diarrhæis, dysenteriis, alvi profluviiis & gonorrhæa. In aqua vel vino rubro cocta vel infusa ad M. j. vel succus defecatus ad ℥iiij. vel ℥vj. vel folior. ficcator. & pulverator. ℥j. præscribuntur & in jusculis, apozematibus, & clysteribus recipiuntur.

In mictu cruento specifica habetur. Theodorus Turquet Mayerne refert quemdam in paroxysmis nephriticis, & etiam extra paroxysmos urinas cruentas fundere sæpius solitum, pluribus frustra tentatis, intra decem dies curatum fuisse sequenti methodo.

℞. Folior. virid. Bursæ pastoris, Plantagin. Centinod. & summ. Hyperici ana q. l. Concisis affundatur in vesica stannea lactis vaccini recenter mulcti q. s. Fiat distillatio & aqua reservetur ad usum.

℞. Hujus aquæ ℥vj. syrup. Althææ vel Symphyti ℥j. M. Capiat æger ter in die,

die, videl. mane, hora quinta pomeridiana & hora somni, per duodecim vel quindecim dies.

In gonorrhæa succus vel decoctum ejus ad ℥ij. cum granis tribus vel quatuor Camphoræ epotum confert præmissis præmittendis.

Ipsi quoque febrifuga virtus tribuitur. Succum vel decoctum bis die febricitantibus propinant in febribus intermittentibus.

Externe in usu est contra qualvis hæmorrhagias: in primis planta contusa & naribus indita, vel in nucha, vel sub axillis utrisque applicata, vel in ea manu detenta ex quo latere nares sanguinem fundunt, narium hæmorrhagias sistit. Quidam succum expressum naribus attrahunt, aut turundam succo intinctam naribus applicant. Eamdem in cataplasomatis formam redactam cum aceti tantillo vel cum foliis Plantaginis contusam, regioni pubis contra nimium mensium fluxum cum successu sæpius adhibui.

Herba contusa vulneribus recentibus pro sistendo sanguine, & ad inflammationem præcavendam utiliter apponitur, vel pulverata iis inspergitur, vel ejus succo vulnera eluuntur. Cum aceto contusa & imposita tumores calidos, inflammationes & erysipelata sedat, & a nonnullis cum Sempervivo consociatur. Abdomini imposita etiam dysenterix confert. Item cum aceto & sale adhibetur a mulierculis carpis manuum pro febribus intermittentibus, imminente paroxismo, vel sola, vel cum Plantagine contusa ac tantillo Croci & Camphoræ in cataplasomatis formam redacta. Tota planta a quibusdam in ictero commendatur calceis indita & nudis pedibus admota. Decoctum in gulæ affectionibus purulentis pro gargarismate inservit.

℞. Folior. Bursæ pastoris & Plantaginis ana M. ij. Aceto irrorata contundantur & in sartagine decoquantur ad consistentiam cataplasomatis regioni pubis calide applicandi, in uterinis hæmorrhagiis. Expertum.

℞. Folior. Bursæ pastoris, Erysimi, Plantaginis & Millefolii ana q. s. Contusa instar pultis plantis pedum applicentur ineunte paroxismo in febribus intermittentibus cum cephalalgia. Ab Emmanuele Konig commendatum.

B U X U S.

BUXUS & BUXUM, Off. Buxus arborescens C. B. P. 471. Inst. R. H. 578. Buxus J. B. 2. 496. Dodon. P. 782. vulgo *Bovis* vel *Buis*.

Radice est magna ex parte nodosa tuberosaque: caudicibus subinde humani cruris, raro femoris crassitudine, non alte assurgentibus, densis ramis, cortice scabro albicante, materie densa, dura, ponderosa valde æquali, flava, nulla intus medulla: foliis creberrimis, semper virentibus, lævibus, splendentibus, oblongo-rotundis, crassis, rigidis, & interdum concavis, odoris & saporis ingrati amaricantis. Flores ex foliorum alis secundum ramulos racematim nascuntur distincti a fructibus qui in aliis ejusdem plantæ locis oriuntur, ut primus observavit Clariss. Tournefortius. Apetali sunt seu plurimis staminibus constantes e fundo plerumque tetragono calycis foliati flavescentis surgentibus. Steriles sunt: fructus enim aliis in partibus

nascuntur ollæ inversæ quodammmodo similes, virides, in tres partes apice dehiscentes, in tria divisi loculamenta, quibus singulis bina plerumque continentur semina oblonga, lucida, spadicea, in capsula vi elastica munita recondita. In agro Parisiensi sponte nata reperitur in via quæ ducit ad Pagum *Marcoussy*, & circa vicum *Chevreuse*. Necnon etiam in hortis colitur.

Analyſi chymica, ex *Barchusen Acroamatib.* ex folior. Buxi viridum ℥v. prodierunt humoris primo limpidi, odoris ingrati, obscure acidi, actandem flavescentis, empyreumatici, subausteri & alcali urinofi ℥iiij. ℥vij. ℥vj gr. xlviij. olei spissi ℥vij. ℥vij. gr. xliij. Massa nigra in retorta residua pendebat ℥x. gr. lx. quæ igne aperto cremata reliquit cinerum albidorum ℥ij. gr. viij. ex quibus salis fixi falsi ℥j. gr. lxviij. lixivio extracta sunt. Partium jactura in distillatione fuit ℥vj. gr. lxiiij. in calcinatione ℥viij. gr. liij.

Hæc folia amara sunt, foetida, & chartam cæruleam debili rubore tingunt: salem essentialem tartæreo-vitriolicum continere videntur cum multo oleo crasso & narcotico conjunctum.

Ex ligno Buxi multum spiritus acidi & olei foetidi crassi extrahitur, parum vero spiritus urinofi. Quidam, ut Amatus, erronee Buxum cum Guaiaco eandem esse arborem putaverunt. Amatus, Prævotius & alii in lue venerea idem præstare decoctum ligni ejus cum decocto Guaiaci asserunt. Lobelius virgulta ejus, lignum & folia decocta Guaiaci modo sudores elicere scribit, & hoc decocto famulam pauperulam a lue venerea vindicatam fuisse. Sunt quoque nonnulli qui in decoctis sudoriferis & antivenereis Buxum pro Guaiaco, pro ligno Sassafras Juniperinum, radices Bardanæ & Caryophyllatæ pro China & Sarsaparilla substituunt. Sed quid opus est nova & incerta medicamenta in locum certiorum & longo usu comprobatorum medicaminum sufficere?

Fernelius folia Buxi inter purgantia medicamenta recenset. Verum tanta est purgantium medicamentorum & quidem præstantiorum multitudo, ut a nemine hodie præscribantur.

Quidam ajunt, Buxei ligni scobem adstringere & exsiccare: unde decoctum in aqua, alvi profluvia sanare tradunt, & cum vino rubro prodesse in doloribus dentium a frigidis fluxionibus?

Oleum nigrum & empyreumaticum ex Buxeo ligno arte chymica distillatur eodem modo quem exposuimus articulo *de Guaiaco*. Huic oleo vis narcotica & antispasmodica tribuitur. In epilepsia, & in hystericeis atque spasmodicis affectionibus magnopere commendatur. Mira de hoc oleo prædicat Quercetanus in *Tetrade cap. 16. p. 211. & 215.* illudque tantæ virtutis esse asserit, ut omnis generis dolores edomare, corruptiones & putrefactiones corrigere, vermes enecare & expellere, malignosque vapores ex quibus sympathicæ epilepsiæ nascuntur, quæ facile tandem in idiopathicas transeunt, arce-re & absumere valeat. Ab eodem Quercetano & aliis habetur pro oleo Heraclino genuino Rulandi, sed perperam, contra affirmante Friderico Hoffmanno qui oleum esse ex visco Corylino distillatum pronunciat. Usurpatur ad dolorem dentium compescendum & eorum cariem emendandam, guttulam in cavum cariosi dentis instillando.

Cum

Cum autem fere intolerabilis sit ejus foetor, rectificatur iteratis distillationibus & cohobationibus cum aqua simplici, cum calce viva aut cum sale communi, vel etiam cum vini spiritu. Sic multum de suo foetore empyreumatico deponit. Hoc oleum rectificatum intus sumptum anodynum est & diaphoreticum; a gutt. x. ad xx. praescribitur. Illitum impetigines sanat. Cum oleo Hyperici permistum ad rheumaticos dolores, sub forma linimenti commendatur.

Buxum lignum ad opera quævis conveniens est & summe expetitur.

Alia est Buxi species minor, quæ Buxus foliis rotundioribus *C. B. P.* 471. *J. R. H.* 579. Chamæpyxos *Tabern Icon* 1050. vulgo, *Bouis a Partere*, quæ ad hortorum areolas & pulvillos limitandos magni usus est. A priori nonnisi magnitudine discrepat.

C A L A M I N T H A .

CALAMINTHÆ species tres quatuorve occurrunt in Officinis: Calamintha nempe vulgaris, Calamintha Pulegii odore, Calamintha magno flore, & Calamintha arvensis.

CALAMINTHA vulgaris *Off.* Calamintha vulgaris vel Officinarum Germaniæ, *C. B. P.* 228. & *I. R. H.* 194. Calamintha flore magno vulgaris *J. B.* 3. *P.* 2. 228. Calamintha montana *Dod. P.* 98. Nepeta montana *Cordi*: vulgo, *Calament*.

Radice est fibrata: caulibus palmaribus & altioribus, quadrangulis, ramosis, in quibus folia bina nascuntur ex adverso posita unciam aut sequiunciam longa, subrotunda, obtuse acuminata, leviter serrata, pilosa, saporis acris, odoris grati. A medio ad summum usque ramorum ex alis foliorum pediculi duo in plures minores divisi flores sustinent monopetalos labiatos, quorum labium superius surrectum est, subrotundum, bifidum, inferius vero tripartitum; semiunciales & longiores, purpurascens, odore jucundo præditos. E calyce hirsuto, striato, surgit pistillum posticæ floris parti infixum & quatuor veluti embryonibus stipatum, qui deinde abeunt in totidem semina subrotunda, lævia, nigricantia, in capsula quæ calyx floris fuit recondita. Frequens occurrit in Sylvis Regii Castellii Sangermaniaci. Herba integra usu est.

CALAMINTHA Pulegii odore, *Off.* Calamintha Pulegii odore, sive Nepeta, *C. B. P.* 228. & *I. R. H.* 194. Calamintha flore minore, odore Pulegii, *J. B.* 3. *P.* 2. 229. Pulegium sylvestre sive Calamintha altera *Dod. Pempt.* 98. Nepeta agrestis *Cordi*.

Priori haud absimilis est, at foliis & floribus minoribus & sapore ac odore Pulegii ab illa discrepat. In calidioribus Galliæ Narbonensis regionibus sponte nascitur.

CALAMINTHA magno flore, *Off.* Calamintha magno flore *C. B. P.* 229. & *I. R. H.* 194. Calamintha montana, flore magno ex calyce longo, *J. B.* 3. *P.* 2. 229. Calamintha montana præstantior *Lobel. Icon.* 512.

Gignitur in herbidis Alpium & Pyrenæorum collibus, prioribus minori si caulibus spectetur: sed foliis ac floribus longe amplioribus & suavius olentibus.

CALAMINTHA arvensis, *Off.* Mentha arvensis verticillata hirsuta *J. B.*

3. P. 2. 219. & I. R. H. 189. Calamintha arvensis verticillata C. B. P. 229. Calamintha arvensis 1. Tab. Icon. 352. Polycnemon Lobel. Lugd. 332. Nepeta agrestis Tragi 16. Pulegium agreste Serap. Eidem 17. vulgo, Pouliot. Thim quatumdam.

Calaminthæ vulgaris similis est foliorum figura & odore: ab ea vero florum figura discrepat quæ ad Menthæ genus reducitur. Flores enim ejus verticillatim nascuntur monopetali labiati, quorum labium superius fornicatum est, inferius vero tripartitum: sic tamen ambo secantur ut flos quadripartitus primo aspectu videatur. In agro Parisiensi sponte nascitur.

Calaminthæ species sale essentiali ammoniacali donantur cum oleo aromatico copioso conjuncto.

Viscidos humores potenter incidunt: appetitum excitant, ciborum concoctionem juvant, flatus discutiunt, menses & urinas movent, ulcera renum detergant, lochia & secundinam expellunt, expectorationem promovent, asthmaticis conferunt, & pulmonibus exulceratis auxiliantur, ex infuso Thææ modo assumptæ.

Externe discutiunt, attenuant & resolvunt, præscribuntur vel in balneo vel in fomentis. Herba aqua vel vino macerata abdomini in affectibus intestinorum flatulentis, vel regioni pubis ad ciendos menses & sistendos mulierum dolores post partum, vel capiti in vertigine aut veterno admoventur. Earum decocto partes paralyti tentatæ utiliter foveantur.

Oleum essentielle distillatur utile ad flatus discutiendos & colicos dolores sedandos, Menses quoque ab uteri infarctu suppressos promovet. Aqua distillata fragrans in officinis servatur, & syrupus ex earum succo præparatur.

Usurpatur in decocto cephalico *Chara*, Lohoch sano *Eiusdem*, syrup. de Artemisia, de Stœchade, de Præssio, & Theriaca *Andromachi*.

CALCITRAPA.

CALCITRAPA & Carduus stellatus, Off. Carduus stellatus sive Calcitrapæ 7 B. 3. 89 I. R. H. 140. Carduus stellatus foliis Papaveris erratici C. B. P. 387. spinatella Tab. Icon. 701. Hippophæstum Column. Phytobasam. 107 vulgo *Chardon etoille* ou *Chaussetrappe*.

Radicibus est albidis, longis, mollibus, succosis, intus nervosis, digitum crassis: caulibus sesquicubitalibus, angulosis & ramosis, in quibus folia nascuntur villosa in profundas lacinias Papaveris rhœados more divisa. Extremis in ramulis capitula florida nascuntur composita ex floribus flosculosis, purpurascentibus, embryoni insidentibus, & calyce squammato aculeatoque, cujus squammæ in unciales & sesquiunciales, rigidas, mordaces, recta foras minantes spinas desinunt, ut radiatam stellam imitari videantur. Embryones deinde abeunt in semina lubrica, parva, oblonga, pappis instructa. In agro Parisiensi frequens occurrit. Radices, folia & semina in usum veniunt.

Analyti chymica, Calcitrapæ lbv. præbuerunt humoris limpidi, absque odore, & insigni sapore, obscure salis lbj., ʒvj. ʒv. humoris limpidi primo obse-

obscure acidi, deinde manifesti, postea rufescentis, leviter empyreumatici, austeri ℥iij. ℥iiij. humoris fusci sale volatili urinoso copioso imprægnati ℥j. gr. xxiiij. salis volatilis urinosi concreti gr. xx. olei spissi, extracti ad instar, ℥j. ℥iiij. Massa nigra in retorta residua pendebat ℥iij. ℥vj. gr. xxxvj. quæ calcinata reliquit cinerum ℥ij. gr. lx. ex quibus lixiviosalis fixi mere alcali ℥iiij. gr. xl. extracta fuerunt. Partium jactura in distillatione fuit ℥ij. ℥iiij. gr. lxiiij. in calcinatione ℥j. ℥v. gr. xlviiij.

Calcitrapæ folia insigni amarore donantur & chartam cæruleam levi tingunt rubore. Radix vero sapore dulcis magis intensum ruborem ipsi conciliat. Unde liquet, salem essentialem continere ammoniacalem, tartareum cum sulphure crasso conjunctum. Ammoniacalis copiosior est in radicibus. Tartareus vero uberior in foliis.

Calcitrapa diuretica est, vulneraria & febrifuga. Succus foliorum expressus ineunte paroxismo ad febres intermittentes sedandas propinatur ad ℥iiij. vel ℥vj. Extractum ad ℥ij. vel pulvis foliorum & florum exsiccatorum ad ℥j. ad eadem valere dicitur. Eiusdem succus externe vulnera consolidat.

Tota planta in decoctis & jusculis diureticis & aperientibus utiliter præscribitur. Semen contusum ad ℥j. vino per noctem maceratum & mane jejuno ventriculo potum urinas pellit, & urinarias vias a mucosissimo viscido liberat. Sed caute his utendum est, ne mictum cruentum afferant.

Cortex radicum mense Septembri effossarum exsiccatus & pulveratus insigni præbet remedium ad dolores nephriticos præcavendos summopere commendatum. Hæc est illius remedii præparandi & exhibendi ratio.

℞. Cortic. radic. Calcitrapæ ℥j. Infunde per noctem in vini albi ℥v. Infusum capiat mane jejuno ventriculo, die 28. mensis lunaris. Postridie potus sequens mane propinandus est.

℞. Foliorum Parietar. M. j. ligni Sassafras, Semin. Anisi ana ℥j. Cinnamomi ℥ss. Bull. leviter in aq. comm. ℥viiij. Infunde per noctem. Summo mane ad ignem admoveantur ut incalescant. Fiat colatura cum expressione, qua dissolve Sacchari candidi ℥ij. Fiat potio calidissime propinanda, nulloque exhibeatur alimentum nisi tribus post elapsis horis. Hoc remedium veluti specificum a D. *De Lamoignon de Berville* in Gallia Narbonensi summo Præfecto publici juris factum fuit, ejusque jussu typis mandatum.

C A L E N D U L A .

CALENDULÆ vel Calthæ duæ species in officinis usitatæ sunt, hortensis scilicet & sylvestris.

CALENDULA hortensis, Caltha vulgaris. *Off.* Caltha vulgaris flore pallido *C. B. P.* 275. *I. R. H.* 498. Caltha flore simplici *J. B.* 3. 101. Calendula *Dod. P.* 254. Chrysanthemum & Caltha Poetarum, *Lobel. Icon.* 552. vulgo, *Soucy*.

Radice est furculosa, in fibras multas crassiores oblongas divisa: caulibus tenuibus, teretibus, aut nonnihil angulosis, hirsutis & tactu nonnihil viscidis, in crebros ramos divisis: foliis sine pediculis, caulem amplexis, oblongis,

ad basim angustioribus, summitate latioribus & subrotundis, pinguibus, hirsutis, incanis, dilute virentibus, gustu herbaceo, mox calidiusculo, odore gravi. Flores in summis ramulis nascuntur cum gravitate quadam aliquantum odorati, coloris aurei, radiati, quorum discus ex plurimis flosculis tubulosis, in summitate quinquefariam divisus; corona vero ex semiflosculis in summo crenatis componitur, embryonibus insidentibus, & calyce multifido, hirsuto, comprehensis. Embryones autem deinde abeunt in capsulas incurvas & marginatas, semine fetus oblongo. In hortis colitur. Flores & folia usitata sunt.

CALENDULA sylvestris Off. *Caltha arvensis* C. B. P. 276. & I. R. H. 499. *Caltha minima*, J. B. 3. 103. *Calendula arvensis*, *Tabern. Icon.* 335. vulgo, *Soucy de vigne* ou *Soucy sauvage*. A priori magnitudine tantum differt. In agro Parisiensi sponte nascitur.

Analysi chymica, ex *Calendula* multum extrahitur olei & humoris acidi, parum vero salis volatilis & spiritus urinosi.

Flores *Calendulæ* annotante Riverio *observ.* 30. a Pachequo communicata, odorem sanguinis menstrui bene valentis exhalant. *Calendulæ arvensis* folia, observante Cl. Tournefortio, amara sunt, foetida & chartam cæruleam levissimo rubore tingunt. Exsiccata dum comburuntur fulgurationes nonnullas nitrosas edunt. Unde liquet has plantas salem essentialem continere nitroso-ammoniacalem multa terra & sulphure copioso permixtum.

Utrique *Calendulæ* eadem virtutes tribuuntur. *Sylvestris* ut valentior a nonnullis anteponitur. Aperiendi & resolvendi vim obtinent. Obstructiones hepatis, lienis & uteri resolvunt. Ictero medentur, menses cient, partum promoveant. Humores crassos ac viscidos attenuant; necnon inter alexipharmaca recensentur. Succus totius plantæ ab ℥j. ad ℥iiij. propinatur. Infusum florum & foliorum contusorum in vino albo ab ℥iiij. ad ℥vj. extractum a ℥j. ad ℥ij. conditum a ℥ij. ad ℥j. præscribuntur. In scrophulis flores & folia cruda vel cocta comesta, & decoctum pro potu solito commendantur. Decoctum florum *Calendulæ* in Zythogalo ad variolas expellendas, teste J. Raio, apud Anglos usitatissimum est. Pestilentia, eodem narrante, floribus *Calendulæ* cum oleo & aceto comestis præcavetur, eademque sanatur sudoribus provocatis per succum florum *Calendulæ* calide potum. Acetum *Calendulatum* tanquam prophylacticum in peste a plurimis laudatur, si mane jejuno ventriculo os primum abluatur, & cochlear hujus aceti unum aut alterum potetur.

℞. Succus florum *Calendulæ* ℥ij. Pulver. lumbricor. terrestrium ℥j. Salis ammoniaci gr. xij. Fiat haustus in ictero.

℞. Extracti *Calendulæ* ℥j. Aloes gr. xij. Boracis pulver. ℥j. Olei Cinnamom. gutt. j. Syrup. de Absynth. q. s. Fiat bolus in remora mensium.

Aqua ex floribus distillatur quæ oculis instillata eorum rubori & inflammationi medetur.

Folia contusa & tumoribus admota eos resolvunt: callosis ulceribus, verrucis & clavis pedum utiliter applicantur.

Florum extractum & conditum in opiatis aperientibus usurpantur.

Flos perinde atque ipsa herba secundas educit mirifice, teste Trago, si aridus suffitibus admotus fuerit.

C A M P H O R A T A.

CAMPHORATA, *Off.* Camphorata hirsuta, C. B. P. 486. & *Commentariorum Regiæ Scientiar. Academ. Parisiensis anni 1705.* 238. Camphorata Monspeliensium *J. B.* 1. P. 2. 379. Camphorata Monspeliens. an Chamæpeuce five humilis Picea Plinii, *Adversarior. Lobel.* 174. Selago Plinii five Camphorata *Lugd.* 1201. vulgo, *Campfree.*

E radice lignosa, longa, pollicari, cauliculos plures emittit lignosos, crassiusculos, cubitales, ramosos, subhirsutos, albicantes, cum nodulis alternatim positis, ex quorum singulis confertissima prodeunt foliola trientem uncie non excedentia, tenuia, pilosa, mediocriter rigida, odore aromatico dum inter digitos teruntur ad Camphoram accedente, sapore aliquantulum acri. Flores profert apetalos seu quatuor constantes staminibus, cum apicibus roseis ex calyce monophyllo herbaceo, modo trifido, modo quinquifido surgentibus, & pistillo quod deinde abit in semen exiguum, nigrum, oblongum, subrotundum, in capsula quæ calyx floris fuit reconditum. In Gallia Narbonensi & in Gallo-provincia sponte nascitur. Planta integra in usum venit.

Lobelius inter Botanicos fere solus de hujus plantæ virtutibus mentionem fecit. Vulnerariam & adstringentem virtutem illi tribuit. Vir Doctissimus Claudius Burlet, Doctor Medicus Parisiensis & quondam primarius Hispaniarum Regis Medicus in *Commentariis Academicis anni 1703.* eam aliis dotibus instructam ostendit. Urinas ciet, sudores aut blandam diaphoresim excitat & menses provocat. Recentes viscerum obstructions tollit & in morbis chronicis proficit. Asthmati humido prodest. Apud Monspelienses adversus hydropem usitatissima est. At vero non omni hydropi confert, observante Cl. Burlet. Illis tantum conducit in quibus nulla sitis, nullus ardor deprehenditur; in hydropisi inveterata fere semper inutilis est. Hujus plantæ usus diuturnus esse debet, & identidem catharsi opus est. In decoctis ad ℥j. in aquæ ℔ij. coquenda vel in vino maceranda præscribitur: necnon etiam ejus infusum instar Theæ propinatur. Multum autem calefacit, quapropter ea caute utendum est.

C A N N A B I S.

CANNABIS nomine duæ sunt plantæ non genere sed specie tantummodo diversæ, fructifera scilicet & florifera, ex eodem semine natæ.

CANNABIS fructifera, *Off.* Cannabis sativa, C. B. P. 320. *Inst. R. H.* 535. Cannabis mas, *J. B.* 3. P. 2. 447. Cannabis fecunda, *Dodon. P.* 535. vulgo, *Chanvre.*

CANNABIS florifera, *Off.* Cannabis erratica C. B. P. 320. *Inst. R. H.* 535. Cannabis femina, *J. B.* 3. 2. 447. Cannabis sterilis, *Dod. P.* 535.

Radice est simplici, alba, lignosa, fibrata: caule quadrato, hirsuto, ad ta-

Stem aspero, intus concavo, singulari, quinque aut sex pedes alto, cortice in fila ductili: frondes contrariis inter se pediculis bini, in quatuor, quinque vel plura segmenta ad pediculum usque dividuntur angusta, oblonga, acuminata, ferrata, venosa, atro-virentia, aspera, odore gravi caput tentante. Flores & fructus non in eadem planta nascuntur, sed in stirpibus diversis. Florigera dicitur species quæ flores gerit, ab aliis sterilis seu femina improprie nuncupatur: altera vero fructifera quæ fecunda seu mas ab aliis. Flores in florigera stirpe ex alis foliorum exeunt in quatuor surculis seu racemulis decussatis, apertali, quinque staminibus & apicibus subluteis calyci quinque foliolis exterius purpurascens, intus albicantibus composito insidentibus constantes, & steriles sunt. Fructus in fructifera stirpe copiosi nascuntur ullo præeunte flore secundum caules conferti: pistillis constant capsula membranacea ex luteo virente involutis, quæ abeunt in semen subrotundum, nonnihil compressum, glabrum, subtesta tenui, ex cinereo spadicea, lucida, albidam, teneram, dulcem & oleosam medullam, odoris dum recens est gravis, caput ferientis, continens, & capsula seu pellicula univalvi, in apicem desinente, inclusum. Ex ejusdem plantæ seminibus utraque species nascitur. In omnibus fere regionibus in agris feritur, ob culmorum filamenta valida & tenacia ad funes & linreamina texenda idonea. Folia & semen in usum medicum veniunt.

Analysi chymica, ex foliorum & summitatum recentium lbv. prodierunt humoris limpidi plantæ odorem aliquantisper referentis, saporis subacris, obscure falsi lbj. ℥iiij. ℥iiij. gr. xvij. humoris limpidi, obscure falsi, obscure acidi, deinde rufescentis, empyreumatici, obscure acidi lbj. ℥iiij. gr. xliij. humoris fusci, sale volatili urinoso copioso imprægnati ℥iiij. ℥ij. olei spissi syrupi ad instar ℥iiij. ℥ij. Massa nigra in retorta superstes pendebat ℥xj. ℥iiij. quæ calcinata reliquit cinerum ℥iiij. ℥vj. ex quibus lixivio salis fixi mere alcali ℥iiij. gr. xlv. extracta sunt. Partium jactura in distillatione fuit ℥v. ℥iiij. gr. xij. in calcinatione ℥vj. ℥v.

Hæc planta sale essentiali ammonicali videtur instructa cum multo oleo crasso & narcotico conjuncto.

Nulla fere planta hominibus magis necessaria occurrit propter fila, funes, linreamina & papyrum quæ cunctis populis suppeditat. Cannabis utriusque fascies lacunis & scrobibus aqua plenis immerguntur, ubi macerantur eluunturque multum & diu, deinde siccantur in sole & tunduntur: ac demum cortices staminei tundendo idonei fiunt, ut pectine separentur a lignosis culmorum partibus fungosaque substantia ad filum postea inde parandum. Sed aqua in qua intabuit tantopere viru nocet, ut epota præsentissimo sit sitientibus exitio, cui antidotis præstantissimis & tempestive etiam datis occurri vix possit. Itaque vi inebriante & stupefaciente Cannabis folia donata videntur. Siquidem ex illis aut saltem ex Cannabis specie in nonnullis Indiæ orientalis locis nata & nostrate paulo minore. Kæmpferus in *Amœnitat. Exotic.* refert parari potum inebriantem apud illos populos usitatum, terendo nempe Cannabina folia in aqua fervida, & aquam cum pulvere permistam ac turbidam statim hauriendo.

Semen Cannabinum a nonnullis inter ceteros cibos quotidie decoquitur non aliter quam hordeum. At caput vaporibus replet, & immodice si estur delirium facit ut Coriandrum, referente Raio.

Idem lacte decoctum tussi opitulari dicitur. Franciscus Sylvius a solo Cannabis semine in lacte ad crepaturam cocto & colato atque bis terve die ad ℥v. vel ℥vj. sumpto plures curavit ictericos. Idem præstat emulsio ex eodem semine parata, si quando icterus ex sola obstructione & citra febrim exoritur, observante Dodonæo: eadem quoque gonorrhææ & ardori urinæ conducit.

Ex hoc semine contuso oleum exprimitur non solum lucernis idoneum, sed etiam ad tumores resolvendos utile. Idem cum cera in unguenti consistentiam redactum plurimum commendatur ad ambusta quorum dolorem sedat.

Ferunt, Elisabetham Angliæ Reginam contractas variolarum suppuratione maculas in seipsa delevisse emulsione lactea ex semine Cannabino, detractis corticibus, cum aqua Rosarum parata & cum gossypio sæpius die admota. Folia & semina contusa & in cataplasmate apposita tumores potenter resolvunt. Ettmullerus pro uvulæ inflammatione aut relaxatione gargarisma ex semine Cannabino proponit.

℞. Semin. Cannabin. ℥j. Contund. in decoct. rad. Chelidonii maj. Fragar. & Oxalyd. ℔ij. Colatura cum expressione facta propinetur per cyathos in ictero & in hepatis obstructionibus.

Matthiolus Cannabinum semen Gallinas ovorum feraciores reddere experientia sese comperisse scribit, adeo ut hoc semine pastæ, etiam hyeme sæviente quo tempore rarius parere solent, ova frequentius multo ponant. Verum easdem, ut observat Lobelius, ob alimenti copiam quam suggerit, postea steriles & quasi pinguedinis mole obrutas reddit. Aviculis omnibus cibus est optimus & valde expetitus.

C A P P A R I S.

CAPPARIS, *Off.* Capparis spinosa, fructu minore, folio rotundo *C. B. P.* 480. *Inst. R. H.* 261. Capparis spinosa, *J. B.* 2. 63. Capparis retuso folio, *Lobel. Icon.* 635. vulgo, *Caprier*.

Ex radice lignosa, grandi, numerosa, crassiore cortice circumvestita, plures stolones bicubitales profert hic frutex, aculeis duris & acutis munitos, in quibus folia alternatim nascuntur circinata pene rotunditatis, semiunciam lata & peramara. Ex eorum alis pediculi exeunt singulares, longi, quibus flores insident rosacei, terrapetali, candidi, quorum medium occupat numerosa staminum congeries, cum pistillo longiori, e calyce tetraphyllo, viridi, surgente, cujus extrema pars abit in fructum turbinatum & quasi pyriformem, Olivæ aut Glandis magnitudine, in quo nidulantur semina plurima, parva, albida, veluti reniformia. In Italia sponte nascitur in muris ac ruderibus. Circa Tolonam in Gallo-provincia ad muros & macerias culta reperitur. In foraminibus scilicet murorum lapideorum trium vel quatuor pedum intervallo prope terram ad id factis Cappares plantant. Radicis cortex & florum gemmæ in usum veniunt.

Gem-

Gemmas florum adultas, quas vulgo *Capres* dicimus, antequam explicentur colligunt, & per trium quatuorve horarum spatium in umbra sparsas relinquunt, donec flaccescere incipiant, ad impediendum ne se aperiant. Tum vasi immittunt & acetum superaffundunt, asserculo imposito vas contegentes, adeoque contectas octiduum servant. Deinde exemptas leniter premunt & recenti aceto infundunt per alterum octiduum. Eandem operationem iterum repetunt expressis gemmis & novo aceto tertium affuso, quo peracto eas in dolia cum aceto recondunt. Nonnulli salem aceto admiscunt. Gemmæ hoc modo conditæ in frequenti usu sunt in acetariis & ad intinctus.

Cortices ex radicibus delibrantur & Cinnamomi modo in tubulos exsiccati contorquentur colore cinereo, lineis quibusdam & rugis transversis notati, amari sunt, acres, acerbi.

Analyti chymica, ex corticis radicum Capparis lbv. per retortam distillatis, prodierunt humoris primo rufescentis, inodori, subacidi, deinde fusci, odoris empyreumatici, manifeste acidi ac austeri lbj. ℥ij. ℥iij. gr. xxxvj. humoris fusci, saporis & odoris empyreumatici, intense acidi, subsalsi, obscure alcali, urinosi & austeri ℥ix. gr. xxxvj. humoris fusci, sale volatili urinoso copioso imprægnati ℥ij. ℥j. gr. xxiiij. olei ℥ij. ℥ij. Massa nigra in retorta superstes pendebat lbj. ℥ix. ℥vj. quæ per horas octo calcinata reliquit cinerum fuscorum ℥vij. ℥iij. gr. xxxvj. ex quibus lixivio salis fixi falsi ℥ij. ℥iij. gr. xij. extracta sunt. Partium jactura in distillatione fuit lbj. ℥vj. ℥ij. gr. xlvij. in calcinatione lbj. ℥ij. ℥ij. gr. xxxvj.

Totus ille frutex saporis est subamari, adstringentis, & salem essentialem continet nitroso-aluminosum cum oleo copioso conjunctum.

Conditæ Capparis gemmæ palato pergratæ invitant ad epulas & languentem revocant appetitum, unde inter irritamenta gulæ recensentur. Verum illarum sapor ascititius est a muria aut aceto: ipsæ vero difficilis sunt coctionis. Unde stomacho imbecilliori nocivæ a nonnullis habentur. Hepati autem & lieni obstructis ob vim suam abstergentem, incidentem & solventem valde conducibiles existimantur. Schenckius *lib. 3. observationum* ex Benivenio refert quemdam a 7. annis spleneticum liberatum fuisse solo usu Capparum adjuncto potu aquæ ferrariorum. Et Forestus *lib. 20. observ. 2.* simile quid refert de vetula 20. annorum splenetica a tumore ingenti solo usu Capparum curata.

Cavendum est ne Cappare ab æruginе virorem suum contraxerint, tunc enim maxime nocerent. Quandoquidem sæpius mercatores ob elegantiores colorem viridem Capparibus conciliandum eas in vase aheneo cum aceto macerant: acetum autem cuprum erodendo viridescit & eodem virore Cappares inficit.

Externe acetum quo gemmæ conditæ fuerunt, utilissime cum linteo seu spongia lateri sub hypochondrio sinistro apponitur ad tumores splenis discutiendos. Ettmullerus semen Sinapi huic aceto admiscet.

Cortex radicum diureticus est & vulgo refertur inter aperientia & solventia. Nitroso suo sale humores viscidos dissolvit, urinas provocat: styptica sua terra viscerum tonum laxiorem restituit & firmat. Unde omnibus fere

morbis chronicis conducit. Sed in hepatis, pancreatis, uteri & potissimum lienis obstructionibus & in hypochondriacis affectionibus plurimum laudatur. Menses provocat & ad paralysem utilis dicitur. Pulvis ad ℥j. intus sumitur, infusum vero vel decoctum ℥j. in ℔j. aquæ vel vini.

℞. Cortic. Cappar. ℥iij. Capparum muria conditar. ℥j. Coque in aq. muls. vel vini aut oxymelit. ℔iij. Fiat apozema ad induratum lienem.

℞. Cortic. Capparis, medii Fraxini, Tamarisciana ℥j. Cuscutæ, Epithym. summitatum Lupul. & folior. Scolopendrii ana M. j. Capparum conditar. ℥ss. Fiat decoctum ex aqua ad ℔iij. quo dilue syrup. Capillor. vener. ℥ij. Dosis ℥iij. sexta quaque hora in morbis ex viscerum obstructionibus, & in affectionibus hypochondriacis.

Gemmæ & cortex radices usurpantur in oleo de Capparibus *Mesuae* ad tumores resolvendos perutili. Cortex radices usurpatur in Trochiscis de Capparibus, Syrupo hydragogo *Charas*, & in oleo Scorpionum composito *Mesuae*.

CAPRIFOLIUM.

CAPRIFOLIUM & Matrisylva, *Off.* Caprifolium Germanicum, *Dod. Pem.* pt. 411. & *R. H.* 608. Periclymenum non perfoliatum Germanicum, *C. B. P.* 302. Periclymenon non perfoliatum, *J. B.* 2. 104. Matrisylva, *Schroderi* vulgo, *Chevrefeville*.

Radice est lignosa, repente, in plures fibras crassiores divisa, longis, tenuibus, lignosis, repentibus cauliculis in ramulos partitis: circa quæ ex intervallis folia nascuntur bina, ex adverso posita, oblonga, acuta, mollia, dilute virentia, subtus incanescencia. Flores in summis ramulis complures emicant candicantes, interdum flavescentes, suavissime olentes, monopetalii, tubulati, ex corniculato angusto principio in latius orificium fatiscentes & in duo labia dehiscentes, quorum superius multifidum, inferius linguiforme, plures in orbem positi, & calyci insidentes monotomo viridi. Calyx autem abit in fructus molles seu baccas conglomeratas acinis Sambucinis similes, per maturitatem rubentes, seminibus fetas duriusculis, subrotundis, & compressis. In agro Parisiensi sponte nascitur & in hortis colitur. Folia, flores & bæcæ rarioris sunt usus.

Analyti chymica, ex florum Caprifolii recentium ℔v. prodierunt humoris limpidi, odorati nec ingrati saporis, obscure acidi ℥xv. ℥iij. gr. xxxvj. humoris manifeste acidi, deinde austeri ℔iij. ℥v. ℥vj. gr. lxxvj. humoris rufescentis, subsalsi & sale volatili urinoso imprægnati ℥iij. gr. lx. olei spissi ad instar extracti ℥vij. gr. xxxvj. Massa nigra in retorta supertesspendebat ℥iij. ℥j. gr. xxxvj. quæ calcinata reliquit cinerum ℥vj. gr. xij. ex quibus lixivio salis fixi mere alcali ℥iij. gr. lvij. extracta sunt. Partium jactura in distillatione fuit ℥ij. ℥ij. gr. liij. in calcinatione ℥iij. ℥iij. gr. xxiiij.

Caprifolii folia distillatione plurimum humoris tum acidi, tum salis, tum austeri præbuerunt, parum spiritus urinosi, non mediocrem olei portionem, nec parum salis fixi mere alcali.

Insuper folia saporis sunt fatui, styptici, odoris gravis, ingrati, cimicem redolentis: eorumque succus chartam cæruleam levissimo rubore tingit. Intensior fit rubedo a radicum succo. Earumdem cortex gustu est acris, salus, stypticus & odoris ingrati. Hæc planta salem essentialem continere videtur tartareum cum salis ammoniacalis aliquantulo & multo oleo tum tenui, tum foetido crasso conjunctum.

Omnibus Caprifolii partibus vis diuretica tribuitur. Vetus est a Dioscoride traditio fructum maturum in umbra siccatum ℥j. pondere in vino exhibitum per quadraginta dies, lienem absumere, lassitudinem discutere, sed urinam ciere statim a sexto die cruentam: quapropter illius usum reformidarunt, nec immerito, si Caprifolium nostrum sit Periclymenon Græcorum. Ejus decoctum in Cerevisia paratum Ettmullerus in arthritide vaga laudat.

Ex foliis succus expressus vulnerarius est & abstergens. Ad capitis vulnera & ad impetigines aliaque cutis vitia sananda commendatur. Foliorum decoctum in tonsillarum & faucium affectionibus, gulæ inflammatione, exulceratione & aphthis, in gargarismatibus usurpatur.

Baccæ maturæ contusæ in balneo maris vel in fimo equino in vase clauso digestæ resolvuntur in liquorem oleosum qui a G. Agricola in *Chirurgia parva*, 110. velut catholicum balsamum magnopere commendatur in omnibus vulneribus recentibus, non vero in ulcere sanando.

Aqua ex floribus distillatur quæ oculorum inflammationi confert & a Rondeletio ad partum accelerandum plurimi æstimatur; præsertim si seminis Lavandulæ triti ℥j. in hujus aquæ ℥iij. propinetur.

Alia Periclymeni species in hortis nostris colitur quæ Caprifolium Italicum, *Dodon. Pempt.* 411. Periclymenum perfoliatum. *C. B. P.* 302. Periclymenum perfoliatum, *J. B.* 2. 104. A priori differt foliis pene glaucis, rotundioribus, & pediculis brevissimis, quorum quædam sunt sæpe continua & a viticulis trajecta pertusave, suprema autem acetabuli instar modice concava, floribus ex purpura albescentibus aut in luteum languescentibus, brevioribus & minoribus. In Italia & Gallia Narbonensi sponte oritur. Eadem virtutes ipsi tribuuntur.

C A R D I A C A.

CARDIACA & Agripalma. *Off.* Cardiacæ, 7. *B.* 3. 320. *Inst. R. H.* 186. *Dod. Pempt.* 94. *Lobel. Icon.* 516. Marrubium Cardiacæ dictum, forte 1. Theophrasti, *C. B. P.* 230. Lycopsis Branca lupina, *Anguill.* Cardiacæ vel Lycopus, *Fuchsi*: vulgo, *Agripaume*,

Plurimæ pro radicibus fibræ ab uno veluti capite descendunt: plures quoque ex eodem affurgunt quadrangulares caules, crassi, duri, duos tresve pedes alti, obscure & ex nigro rubentes. Folia longis infident pediculis, venosa & rugosa, brevi adeo lanugine utrinque obsita ut nihilominus glabra videantur: quæ infimum occupant subrotunda sunt, pallidius virentia, in tres insigniores lacinias profunde divisa, laciniis circa margines dentatis; quæ in caulibus sunt obscurius virent, sensim angustiora fiunt & integra fere in
lon-

longam cuspidem desinunt, ad latera utrinque unico dente incisa. Calyces monotomi, duri, in quinque spinulas rigidas, pungentes divisi, plurimi dense stipati, nullis pediculis, ex alis foliorum orti verticillatim caules ad nodos amplectuntur, & flores sustinent ex albido purpureos, exterius lanugine alba, densa, hirsutos, parvos, monopetalos, labiatos, quorum labium superius imbricatum & multo longius est inferiore tripartito. Ex calyce autem surgit pistillum posticæ floris parti ad instar clavi infixum, & quatuor veluti embryonibus stipatum, qui deinde abeunt in totidem semina parva, oblonga, angulata, lævia, spadicea, totam capsulam quæ floris calyx fuit, occupantia. Tota planta gravi satis odore prædita gustu amaricat. Ruderibus & locis incultis ac asperis gaudet agri Parisiensis incola. Planta integra ex usu est.

Analyti chymica, ex foliorum & summitatum floridarum recentium ℥v. prodierunt humoris limpidi, odoris & saporis herbacei, subacidi ℥ij. ℥ix. ℥vj. gr. lxxvj. humoris acidi manifesti, deinde austeri ℥ij. ℥vj. ℥ij. gr. xxxvj. humoris rufi, sale volatili urinoso copioso imprægnati ℥j. ℥ij. gr. xxiiij. olei ℥ij. gr. xxiiij. Massa nigra in retorta superstes pendebat ℥v. ℥vj. quæ calcinata reliquit cinerum leucophæorum ℥ij. ℥iiij. gr. xij. ex quibus salis fixi mere alcali ℥vij. gr. xij. lixivio sunt extracta. Partium jactura in distillatione fuit ℥vj. ℥v. gr. lxxvj. in calcinatione ℥iiij. ℥j. gr. lx.

Cardiaca salem essentialem continet tartareum multo sulphure tenui & crasso conjunctum. Nomine longe quam usu celebrior est hæc planta quam nonnulli cordis affectibus convenire dicunt. Eam autem Schroderus & Ettmullerus sic dictam tantummodo putant, quod molestiis cordis, ut vulgus loquitur, seu potius ventriculi succurrere soleat. Medetur enim puerorum cardialgiis ab inflatione & distensione hypochondriorum & ventriculi cataplasma ex foliis contusis & coctis præparatum & abdomini applicatum, viscidos nempe humores quorum effervescencia flatus producit resolvendo. Fertur convulsis mederi, obstructions viscerum tollere, ventris tineas & lumbricos interimere, & ejus pulverem ad ℥j cum vino exhibitum non modo urinam & menses evocare, sed etiam difficulter parientibus prodesse.

Decoctum Cardiacæ, ejusve siccæ pulvis cum Saccharo mixtus & haustus in palpitatione cordis lienis morbis & affectibus hystericeis, ut admirandæ virtutis & efficacæ medicamentum a J. Raio proponitur.

A Veterinariis & Mulo-mediceis ad quosdam Boum & Equorum morbos usurpatur cum successu.

CARDUUS BENEDICTUS.

CARDUUS BENEDICTUS & Carduus sanctus, *Off* Cnicus sylvestris hirsutior sive Carduus benedictus, *C. B. P.* 378. & *Inst R. H.* 450. Carduus benedictus, *7. B.* 2. 75. *Dod Pempt.* 737. Carduus sanctus *Attractylis* Dioscorid. *Cæsalpini* 454. *Attractylis hirsutior*, *Fuchsi*: Acanthium, *Cor-di*: vulgo, *Chardon benit*

Radicem habet albam, multifidam, fibratam; folia laciniata Dentis leonis pene

pene modo sed minus profunde incisa, amara valde, hirsuta & in spinulas breves & molles desinentia, alternatim in caule posita. Is autem sesquicubitalis, ramosus, supinus, villosus, striatus, flores magnos sustinet flosculosos, plurimis scilicet flosculis luteis constantes quinquepartitis, pistillo trifido, quod quinque staminula apicibus longis, fuscis, sibi invicem adnatis, & velut tubulum quemdam efformantibus donata amplectuntur, cum calyce pyriformi squammoso, spinis ramosis munito, foliis amplioribus capitelli instar obvalato & multa lanugine instructo. Semina longa sunt striata, sublutea & papposa. Tota planta amarore insigni prædita est, radice excepta quæ vix leviter amaricat. Hujus Cardui capitula antequam flores pandantur, & florida recisa succum sanguineum paucum fundunt. Colitur vulgo in hortis. Folia, capitula & semina usitata sunt.

Analysi chymica, ex foliorum & summitatum Cardui benedicti ℥v. prodierunt humoris limpidi, odoris & saporis herbacei, obscure salsi, obscure acidi ℥vj. ℥viij. ℥vij. humoris limpidi, subacidi, deinde rufescentis, austeri ℥ij. ℥xv. gr. lviij. humoris fusci, empyreumatici, sale volatili urinoso copioso imprægnati ℥vij. gr. xxxvj. salis volatilis urinosi concreti gr. xv. olei ℥vij. gr. xij. Massa nigra in retorta superstes pendebat ℥iiij. gr. xlvij. quæ calcinata reliquit cinerum ℥ij. ex quibus salis fixi mere alcali ℥v. gr. xv. lixivio sunt extracta. Partium jactura in distillatione fuit ℥ij. gr. lj. in calcinatione ℥ij. gr. xlvij.

Carduus benedictus salem essentialem continet tartareo-ammoniacaalem cum paucis oleo admisto. Diaphoresim & sudores potenter movet. Alexiterius est, antipleuriticus & febrifugus. In omnibus malignis febribus utiliter usurpatur, & in ipsa peste a Palmario plurimum commendatur. Succus ad ℥ij. iiijve exhibetur; decoctum ad ℥vj. sæpius die iteratum; pulvis ad ℥j. in vino vel in ejusdem plantæ aqua distillata; extractum ad ℥j. vel ℥ss. quod Ettmullerus cum tantillo Laudani opiatî propinatum sudores adeo promovere asserit ut ægri sudore quasi diffluant. Pleuriticis opitulatur statim initio una aut altera præmissa venæ sectione. Febres intermittentes sæpissime sanat continuato aliquandiu usu ante paroxysmum, præmissis universalibus, in primis vomitorio, vel solus vel cum Centauryo minori aut Asaro usurpatus. Conducit quoque ad sanguinem in corpore grumosum dissolvendum, præsertim in casu ab alto, illum autem resolutum per urinas expellere dicunt. Notatur sane dignum est quod Ballonius *Lib. 2. Consil. 2.* observat, decoctum Cardui benedicti ad ℥ij. vel ℥iiij. assumptum urinam reddere crassam & foetidam.

In morbis chronicis summitatum infusum cum aliis amaris plantis sæpius die utiliter propinatur.

Semen in emulsionibus cum aqua stillatitia Papaveris rhæados paratis adversus pleuritidem & rheumatismum sæpe felici cum successu usurpatur. Sudorem enim copiose prolicit. Eadem emulsio in variolis & morbillis, aliisque morbis mali moris utiliter præscribitur: exanchematum enim eruptionem faciliorem efficit & felicior.

Virtus quoque vulneraria huic plantæ a nonnullis tribuitur. Simon Pauli in *Quadr. Botanico* scribit vix huic secundam aliquam reperiri herbam in

consolidandis putridis & contumacibus ulceribus, etiam in cancro ipso. At Schroderus tempus colligendi hanc plantam pro usu vulnerario observandum esse existimat. Si enim, inquit, sub initio Junii collectus fuerit Carduus benedictus, vulnera recentia mirabiliter sanat, sin alio tempore, numquam id præstabit. Quandoquidem eo tempore succo illo sanguineo balsamico turget, quod in hac plantâ aliis temporibus non reperitur.

℞. Folior. Card. bened. M. ℞. Contund. in vini alb. generos. ℥v. Colatura hauriatur ad sudorem proliciendum in pleuritide.

℞. Semin. Card. bened. ℥iij. Contund. in aq. Card. bened. ℥vj. In colatura dilue syrup. Meliss. vel Caryophyllor. ℥j. F. emulsio ad sudorem provocandum in pleuritide & ad variolar. aut morbillor. eruptionem promovendam.

In Officinis aqua distillata servatur quæ sudorifera est, & in julapiis ac potionibus cardiacis & sudoriferis præscribitur. Sæpe Pharmacopœi aquam ex alia planta sub Cardui benedicti nomine distillant quæ dicitur

ATTRACTYLIS lutea, *Off.* Cnicus *Attractylis lutea* dictus, *H. Lug. Bat. & Inst. R. H.* 451. *Attractylis vera* *J. B.* 3. 83. *Attractylis*, *Dod. Pempt.* 736. *Chartamum sylvestre*, *Cæsalp.* 532. *Attractylis lutea*, *C. B. P.* 379.

Cardui bened. folia usurpantur in aceto theriacali *Charas*: Ol. Scorp. *Matthiol.* Ung. Martiato *Charas*, semina in opiata *Salomonis* & in decocto amaro *Pharm. Londin.*

CARDUUS MARIÆ.

CARDUUS MARIÆ, Carduus Marianus, Carduus lacteus, *Off.* Carduus albis maculis notatus vulgaris, *C. B. P.* 381. *Inst. R. H.* 440. Carduus Marianus sive lacteis maculis notatus, *J. B.* 3. 52. Carduus Leucographus, *Dod. Pempt.* 722. Leucacantha, *Lacun*: Sylibum Carduus Mariæ, *Lobel. Icon. T. 2 p. 7.* Spina alba hortensis, *Fuchsf.* vulgo, *Cardon Marie*, *Chardon de Notre-Dame*, *Artichaut sauvage*.

Radice est longa, crassa, succulenta: foliis latis, longis, sinuatis, ambitu crenatis, multis duris aculeis horrentibus, nitidis, glabris, dilute virentibus, notis & lineis varie ductis, candidis ac lactei coloris maculatis: caule digitum crasso, striato, lanugine villosa incano, bicubitali aut tricubitali, ramoso. Summi ramuli sustinent flores capitatos flosculosos, plurimis scilicet flosculis purpureis constantes tubulosis, in summitate quinquifariam divisis, quorum singuli singulis insident embryonibus, & calyce squammato aculeatoque comprehensos. Embryo autem abit deinde in semen læve, Carthami magnitudine, ovatum & aliquantisper compressum, pappis instructum, gustu dulce. Agri Parisiensis incolæ sponte nascitur in campestribus & incultis locis, secus itinera & agrorum margines. Semen in usum venit, raro folia & radices.

Analyfi chymica Carduus Mariæ plurimum humoris acidi, non mediocrem olei & alcalini humoris portionem, parum terræ præbet. Folia amara sunt & adstringentia. Eorum succus intenso colore rubro chartam cæruleam inficit.

inficit. Salem essentialem in hac planta Tournefortius contineri suspicatur enixum, seu alcalinum acidò sale plusquam saturatum, quale est Oxysal Diaphoreticum *Angeli Salaë*.

Hujus Cardui folia tenera, demptis spinis a nonnullis inter olera recensentur.

Eadem ipsi tribuuntur virtutes quibus Carduus benedictus insignitur. Sudorem & urinas promovet.

Foliorum & radicum decoctum ad hepatis & viscerum infarctus utiliter prescribitur. In hydrope, ictero, nephritide a Matthiolo commendatur.

Seminis insignis est usus in pleuritide & rheumaticis pectoris doloribus. In emulsionibus propinatur, aut pulveratum ad ℥j. aut ℥ij. ex vino aut aq. distillata sumitur. Lindanus *super praxim Hartmanni*, hoc semen ut specificum adversus hydrophobiam proponit: quod egregie sudorem movet, Succus febrifugus dicitur: ineunte paroxismo ad ℥iiij. propinatur.

℞. Semin. Card. Mariæ & semin. Card. bened. ana ℥ij. Semin. Nasturtii ℥j. Contund. sensim affundendo aq. still. Card. bened. ℥viiij. Fiat colatura cum expressione qua dilue syrup. Meliss. ℥j. Fiat emulsio sudorifera, in pleuritide & rheumaticis doloribus punctoriis.

Externe hujus Cardui decoctum vel aqua distillata in phagedænis, nomis & ulceribus erodentibus, in cancro narium utilia censentur.

C A R Y O P H Y L L A T A.

CARYOPHYLLATA, *Off.* Caryophyllata vulgaris, *C. B. P.* 321. *Inst.* *R. H.* 294. Caryophyllata vulgaris, flore parvo luteo, *J. B.* 2. 398. Vulgaris Caryophyllata, *Lobel Icon.* 693. Herba Benedicta, *Brunsfels*: Gariofilata vulgo, *Cœsalpi*: Sanamunda, *Quorumdam*: vulgo, *Benoite*, *Herbede S. Benoit*, *Galiot*, *Gariot*, *Recise*.

Radice est fibrata, subrufa, acri, aromatica, verno tempore Caryophyllum olente: caulibus cubitalibus, hirsutis, alternatim ramosis: foliis inferioribus veluti conjugatis cum extremo impari claudente, ceteris ampliori, trifido superioribus vero cauli adnexis, tripartitis, & duabus pinulis minoribus ad pediculi basim stipatis, obscure virentibus & villis tenuioribus aspersis. Flores in summis ramulis adsunt aurei, rosacei, pentapetali, quorum umbilicum occupat pistillum globosum & quasi echinatum quod mutatur in capitulum sphaericum e pluribus seminibus conflatum villosis, compressis, in orbem positis, acutis & in filum quoddam rigidum extremo reflexum uncinatumque abeuntibus. Calyx monotomus in decem partes acutas, majores, minoresve alternatim positas dividitur. Nascitur in sepibus & sylvis agri Parisiensis. Radix & folia in usu sunt. Radix non semper æque odorata est: verno tempore & in aridis calidioribus locis collecta longe fragrantior est.

Analyti chymica, ex plantæ integræ recentis cum radicibus ℔v. prodierunt humoris limpidi, leviter aromatici, obscure acidi ℥vij, ℥iiij. gr. xxxvj. humo-

humoris primo limpidi, manifeste acidi, ac tandem rufescentis austeri ℥iij. ℥ij. 3j. gr. xij. humoris fusci sale volatili urinoso copioso imprægnati ℥iij. gr. xxxvj. olei adiposi ℥j. ℥iiij. gr. xxxvj. Massa nigra in retorta superstes pendebat ℥ix. ℥ij. gr. xxxvj. quæ calcinata reliquit cinerum ℥iij. 3v. ex quibus salis fixi mere alcali 3vj. gr. xxxviij. lixivio extracta sunt. Partium jactura in distillatione fuit 3viiiij. ℥iij. gr. lx. in calcinatione 3v. 3v. gr. xxxvj.

Radices solæ recentes distillatæ plurimum humoris acidi, odorati, aromatici præbuerunt, parum spiritus volatilis urinosi, mediocrem olei portionem, sed adeo gravis ac densi ut aquæ fundum peteret. Caryophyllatæ folia amara sunt & styptica: & eorum succus chartam cæruleam intenso rubore tingit. Itaque hæc planta ammoniacalem salem continet acido plusquam saturatum, oleo tum tenui, tum crasso involutum.

Radix recens & in calidioribus locis nata, blandumque aroma Caryophyllatum spinas adversus catarrhos & capitis obstructions commendatur ob salem volatilem quo donatur: sicca vero & sale volatili fere orbata magis adstringit & utiliter usurpatur ad fibrarum ventriculi & intestinorum tonum firmandum in diarrhæis, & alvi profluviiis cruentis, in cruenta exspuitione, & hæmorrhagiis. Decoctum radicum recentium ℥j. vel herbæ integræ M. j. in aq. communis ℔jss. ad medias; vel eorundem contusorum infusum in vini ℔ss. per noctem, deinde percolatum & ineunte paroxismo hæustum sudorem potenter provocat & sæpius febres abigit. In variolis, morbillis, aliisque malignis morbis ejusdem radice decoctum cum rasura Cornu Cervi utiliter propinatur, ubi alvi profluvium metuendum est. Eadem radix in sanguine coagulato resolvendo in illis commendatur qui ex alto deciderunt pulverata ad 3j. in vino calido. Folior. succus ad eadem valet. Ad ℥iij. propinatur.

℞. Radic. Caryophyllatæ exsiccata & contusæ, Rasur. Cornu Cervi ana 3ss. Radicis Scorson. taleolatim concisæ 3j. Coquantur in aq. comm. ℔ijss. ad ℔ij. Detur pro potu solito in dysenteriis & morbis malignis alvi fluxu stipatis.

℞. Rad. Caryophyllatæ recentis & Acori veri ana 3j. Infunde per noctem in vini generosi ℔j. Sumat æger ad ℥iiij. quarta quaque hora in catarrho.

Folia contusa carpis admota ante paroxysmum febres intermittentes nonnumquam profligaverunt.

C A R V I.

CARVI, Off. Carvi, *Cæsalpini* 291. *Inst. R. H.* 306. Cuminum pratense, Carvi Officinarum, *C. B. P.* 158. Caros, *J. B.* 3. 2. 69. Carum, *Dod. Pempt.* 299. Careum, *Fusch Ger*: vulgo, *Carvi*.

Radice est singulari, longa, pollicem crassa, acri & aromatica, fibris nonnullis stipata: caulibus cubitalibus & sesquicubitalibus, striatis, glabris, ramosis frondibus partim e radice partim ex ramulorum alis enatis, compositis ex longo carinato pediculo, sed angusto & foliis conjugatis tenuissime incis, nitidis & obscure virentibus. Flores in umbellis nascuntur parvi, odorati,

rosacei, e quinque petalis cordiformibus, inæqualibus & nonnihil ad fissuras crispis, in orbem positis, & calyci viridi insidentibus, staminibus tenuissimis, albicantibus, & apicibus virentibus constantes. Calyx mutatur in fructum ex duobus seminibus compositum exiguis, longiusculis, hinc gibbis & striatis, inde vero planis, subnigricantibus, acris, aromaticis. Nascitur in pratis circa Parisios, tum & in Alpibus & Pyrenæis. Semen in usum venit, nonnunquam etiam radix.

Analyfi chymica, semen Carvi plurimum exhibet olei tum essentialis, tum empyreumatici crassi, nec mediocrem portionem humoris tum acidi, tum volatilis urinofi. Oleum essentielle acre, aromaticum & exurens paratur ex semine cum aquæ magna copia distillato.

Semen Carvi passim in Germania, Batavia, & Anglia usitatissimum est: nam cum panibus quos biscoctos vocant pinsitur, & caseis adjicitur, jusculis, placentis, aliisque ferculis incoquitur, & Saccharo obducitur.

Stomachicum & diureticum dicitur. Inter quatuor semina calida majora recensetur, quæ sunt Anisi, Fœniculi, Carvi & Cumini semina. Minora vero sunt semina Ammeos, Amomi, Apii, & Dauci. Humores crassos ac tenaces incidit, flatus discutit, colicos dolores sedat, ciborum concoctionem juvat, urinas promovet & menses. Sed actuosis suis partibus, oleosis & acris æstum accendit in sanguine, & ardorem invehit in partibus & eas ad inflammationem disponit. Quapropter hæc oleosa, aromatica & acria remedia prorsus evitanda sunt ubi adest in visceribus ardor & inflammatio. Semen pulveratum a ℥j. ad ℥j. usurpatur, vel infusum ℥j. in vino aut vehiculo idoneo. Ejus oleum essentielle a gutt. iij. ad vj. præscribitur, cum Saccharo.

Radix dum adhuc tenera est non minus efficax censetur quam semen. In apozematis & enematibus carminantibus nonnunquam præscribuntur.

℞. Sem. Carv. pulver. ℥i. Sacchar. alb. ℥ij. cum vini generosi ℥iiij. Sumat æger in colica flatulenta.

℞. Olei essential. Carv. gutt. v. Sumat ex aqua Menthæ vel vino.

Externe in colicis doloribus fomenta abdomini admoventur ex seminum & radicum decocto; vel oleo essentiali Carvi cum oleo Amygdalar. amarar. vel oleo Absinth. permisto abdominis regio utiliter inungitur.

℞. Rad. Carvi, Acori veri, & Althææ ana ℥j. Folior. Malvæ, Calamenth. Puleg. Majoran. & summ. Anethi ana M. j. Flor. Chamæmeli & Melilot. ana P. j. Semin. Carv. & Cumin. ana ℥ss. Fiat decoct. in aq. comm. addendo sub finem vini albi ℥vj. Colatura foveatur abdomen & ventriculi regio ad emolliendum & discutiendum in colicis doloribus aliisque morbis a flatu.

Semen Carvi usurpatur in Electuar. de Baccis Lauri, El. Micleta, & Benedicta laxativa *Pharm. Reg. Charas*, nechon in Clareto vulgo dicto *Rossolis des six graines*, quod sic conficitur.

℞. Semin. Anisi, Fœniculi, Anethi, Coriandr. Carvi & Dauci ana ℥j. Contusa macerentur ad Solem in vase vitreo clauso per tres hebdomadas cum sp. vini ℥iiij. Fiat colatura cui adde syrupi præparati ex Sacchari albissimi ℥j. cum s. q. aq. Chamæmeli vel Menth. crispæ. Servetur ad usum.

Dosis cochlear unum aut alterum ad cibor. concoctionem juvandam, dolores colicos flatulentos discutiendos, urinas provocandas, & menses ciendos.

C A R Y O P H Y L L U S.

CARYOPHYLLUS hortensis, Caryophyllea, Tunica, *Off.* Caryophyllus altis major, *C. B. P.* 207. *Inst. R. H.* 330. Betonica coronaria sive Caryophyllus major flore vario, *J. B.* 3. 327. Caryophyllus multiplex, *Lob. Icon.* 441. Caryophyllea, *Trag.* 574. Herba Tunica, *Quibusdam*, Cantabrica, *Turneri*: Viola flammea, *Scaligeri*: vulgo, *Oeillet*.

Radice est simplici, fibrosa: caulibus numerosis, lævibus, teretibus, cubitalibus, raro altioribus, geniculatis, nodosis, ramosis: foliis e singulis geniculis binis, angustis, gramineis, duris, per extremum acuminatis, cæso quasi vel glauco colore. Flores in summis caulibus nascuntur Caryophyllei seu plurimis constantes petalis, coloris diversi, coccinei, nigricantis, carnei, candidi vel variegati, in orbem positis, quinis, senis aut pluribus, lente fimbriatis, odore Caryophyllos aromaticos suaviter referentibus, staminibus & apicibus candidis, in medio emicantibus, pistilloque in duo vel tria filamenta recurva desinente, ex calyce cylindræo, membranæo, ad exortum squammato, in summo denticulato, emergentibus. Pistillum autem abit deinde in fructum cylindræum, apice dehiscens, calyce ipso involutum, seminibus fetum parvis, planis & quasi foliaceis, rugosis, per maturitatem nigris, placentæ affixis. Varia sunt horum florum genera magnitudine, colore & petalorum numero differentia: quæ quidem varietates a diversa cultura emergunt. Coluntur in hortis ob florum elegantiam & odoris suavitatem. Seruntur frequentius a vulsis exiguis cum foliis furculis, seminibus rarius; nam e semine nati flores ad agrestem naturam redeunt, minores minusque odorati & simplices, etiamsi prius multiplices, redduntur. Usus est florum. Coccinei & odorati ceteris anteponuntur.

Analyti chymica, florum a calycibus separatorum lbv. per retortam distillatæ præbuerunt humoris limpidi, odore & sapore Caryophyllos aromaticos referentis, obscure acidi ℥ix. ℥ij. gr. xij. humoris primo odorati, subacidi, deinde empyreumatici, manifeste acidi & austeri lbij. ℥viii. gr. xxxvj. humoris rufescentis, sale volatili urinoso imprægnati ℥j. ℥vj. gr. xli. olei spissi ad instar extracti ℥ij. ℥iiij. gr. liiij. Massa nigra in retorta superstes pendebat ℥v. ℥iiij. gr. xlviii. quæ per decem horas calcinata reliquit cinerum nigricantium ℥j. ℥vij. gr. xlviii. ex quibus salis fixi mere alcali ℥v. gr. xxxvj. lixivio extracta fuerunt. Partium jactura in distillatione fuit ℥iiij. ℥vj. gr. xxiiij. in calcinatione ℥iiij. ℥iiij. gr. xli.

Caryophylli flores non mediocrem olei tenuis & subtilis portionem continent ut ex eorum odore fragranti conjicere licet, multum olei densi & rarefcentiæ capacis & sale tartareum ammoniacalem. Copioso suo sulphure acres sanguinis sales involvunt ac demulcent. In omnibus capitis & cordis affectionibus commendantur, sed præsertim in morbis malignis & pestilentialibus. Nonnulli succum totius plantæ veletiam radicum ut alexipharmacum commen-

dant. Verum solus flos hac virtute donatus videtur, nec quidem tota substantia, sed solum infusum vel decoctum quod C. Hoffmannus præsertim commendat. Simon Paulli testatur, innumeros solo decocto florum a febribus malignis liberavisse, & asserit hoc decoctum sudores & urinas potenter provocare citra magnos naturæ motus, cor simul corroborare sitimque sedare.

Ex his floribus syrupus, conditum, acetum in officinis præparata servantur, & aqua distillatur odorata. Syrupus in julapiis ac potionibus cardiacis frequenter usurpatur ad ℥j. vel ℥ij. conditum ab ℥ss. ad ℥jss. in electuariis cephalicis, cardiacis & antispasmodicis. Aqua distillata ad sudores proliciendos aut exanthematum eruptionem promovendam utilis censetur. Flores in aceto macerati illud colore rubro, odore suavi, sapore grato & virtute cardiaca insigniunt. Tempore pestilentie ad contagium arcendum linthea hoc aceto Caryophyllato madefacta gestanda & identidem olfacienda sunt, nec non etiam illius aceti cochlear unum aut alterum mane utiliter assumitur ad contagium præcavendum.

C A S T A N E A.

CASTANÆ arboris duæ sunt species in Officinis, altera sativa, sylvestris altera.

CASTANEA sativa, *Off.* Castanea sativa, C. B. P. 418. *Inst.* R. H. 584. Castanea, J. B. I. 121. Castanæ majores, *Lugd.* 31. vulgo, *Marronier*.

Arbor est magna, procera, ramosa, furculosa, tantæ nonnumquam amplitudinis ut truncum ejus tres homines vix complecti potuerint: ligni materie solida, durabili, non obnoxia putredini & in igne multum crepitante, cortice lævi, maculoso, subnigro aut ad cinereum vergente. Folia gerit ampla, uncias duas plus minus lata, quatuor aut quinque longa, tenuia, aspera, rugosa, ambitu incisa, transversis multis venis in dorso eminentibus a media insigni costa extensis. Flores e ramulis dependent amentacei, plurimis staminibus e calyce quinquefolio viridi surgentibus cum luteis apicibus constantes, tenui capillamento seu axi affixis, steriles. Fructus echinati, pungentes, erinaceis similes, in eadem arbore a floribus separati nascuntur subrotundi, quadrifariam dehiscences, intus villosi, in quibus continentur binæ aut ternæ Castanæ, alias uncia; unciales circiter, subrotundæ, ex lata basi veluti in acumen desinentes, ab uno latere planæ, ab altero plerumque gibbosæ, cortice exterius obductæ veluti coriaceo, duro ac lento, exterius spadiceo ac lævi, excepta basi scabriore & subcinerea qua parte adhæsit, interne incana, lanugine molli pubescente, cui subjacet alia tenuior membrana rufa, crispa, fragilis, amaricans & adstringens, nucleum seu medullam continens albam, solidam ac duram satis, sed dulcem & gratam palato, præsertim si cocta fuerit. Maturo fructu echinati cortices sponte dehiscunt & Castaneas maturas dimittunt. In Galliæ meridionalis provinciis colitur. Materies arboris ædificiis atque aliis domesticis utensilibus admodum apta est. Castanæ in cibos veniunt.

CASTANEA, *Off.* Castanea sylvestris quæ peculiariter Castanea, C. B. P. 419. *Inst. R. H.* 584. Castanea, *Dodon. Pempt.* 814. vulgo, *Chataignier*.

Magnitudine tantum a priori differt ratione culturæ. Fructus enim & ceteræ arboris partes minores sunt. In agro Parisiensi sponte nascens reperitur.

Analyfi chymica, ex Castanearum sativarum decorticatarum lbv. per retortam distillatis prodierunt humoris limpidi, fere insipidi, sub finem obscure acidi ℥xij. ℥iij. humoris subacidi & austeri lbj. ℥xv. ℥ij. gr. xxiiij. humoris fusci, empyreumatici, intense acidi, austeri ℥ij. ℥iiij. gr. xlvij. humoris fusci, empyreumatici, intense acidi, subsalsi ℥ix. olei ℥ij. ℥ij. gr. xlvj. Massa nigra in retorta superstes pendebat ℥x. ℥iiij. quæ calcinata reliquit cinerum ℥j. ex quibus salis fixi mere alcali ℥v. gr. xx. lixivio sunt extracta. Partium jactura in distillatione fuit ℥xj. ℥vij. gr. vj. in calcinatione ℥ix. ℥iiij.

Castanearum medulla dulcis est, aliquantisper styptica, & chartam cæruleam rubro colore tingit: unde liquet abundare sale essentiali aluminoso multo sulphure involuto.

Castaneæ gentium multarum apud nos opes sunt: adjuvant in primis rem escariam. Integræ vel in aqua coquuntur, vel igne torrentur, idque duobus modis, vel in sartagine aut perforata patina ad ignis flammam, vel sub prunis & cineribus candentibus. Prius tamen quam cineribus aut igni credantur, cultello obiter vulnerari debent, ut e plagæ hiatu flatus igne citatus evadat: alioqui ubi flagrant incaluerint, humore intus contento rariore facto, magno cum strepitu profiliunt non sine adstantium periculo: & insuper æquabilius torrentur. A nonnullis posterior coquendi modus præfertur: nam in sartagine tostæ partim comburuntur, aut aliquid fuliginosi empyreumatis contrahunt. Apud lautiores Castaneæ sub cineribus tostæ & decorticatæ cum succo Aurantiorum vel Limonum & tantillo Sacchari mensis secundis inferuntur. In Gallia Lugdunenses prædicantur amplitudine & saporis suavitate commendatissimæ, non solum quæ in agro Lugdunensi nascuntur, sed etiam quæ ex Delphinatu, ubi maximus est earum proventus, a negotiatoribus Lugdunum devehuntur, unde in alios tractus deinde comportantur.

Multis populis pro pane Castaneæ sunt, præcipue Petrogoriis, Lemovicen-sibus & Gebennicorum montium incolis. Sic autem illas parare solent. Primum ut diutius servari possint spoliantur lento cortice coriaceo qui sub echinato calyce primo subest, deinde proxima corpori membrana, quæ infestat saporem, detrahitur: mox ut siccentur exacte, curant sedulo: nam cratibus sic delibratas imponunt, quas postea in caminis suspendunt, & siccitas in usus servant. Coquunt plerumque cum suilla in capaci cacabo: viceque pulmentarii ac panis jucundissime vescuntur.

Castaneæ quocumque modo paratæ flatulentæ sunt, difficile coquuntur: multum quidem præbent nutrimenti sed crassi, nec conveniunt nisi robustis & duris laboribus assuetis. Citra igitur satietatem comedendæ sunt: quippe valetudinem mire infestant si modus absit & potissimum eorum qui calculis renum, colicis doloribus, & viscerum infarctibus obnoxii sunt.

Adstringunt cum ipsæ nuces & præsertim crudæ, tum quoque membrana sub-

rufescens quæ carnem ambit. Sistunt utique stomachi & ventris fluxiones, & sanguinem excreantibus prosunt. Earum farina cruda vel medulla cocta cum melle & sulphure subacta tussientibus & cruenta expuentibus utile præbent ele-
ctuarium. Diarrhæis decoctum Castanearum vel earum cortex exsiccatus & pulveratus conferunt. Interior membrana rubens commendatur ad alvi pro-
fluvia & sanguinis rejectionses seu in aqua decocta & pota, seu in vino austero
ʒij. pondere: quin etiam cum pari pondere eboris rasi alba feminarum proflu-
via cohibet. Emulsio Castanearum & seminum Papaveris albi cum decocto
Glycyrrhizæ extracta, confert iis qui ardoribus urinæ laborant.

Externe cataplasma cum Castanearum medulla, farina Hordei & aceto mam-
mis admotum earum duritiem resolvit & lac coagulatum dissolvit.

C E N T A U R I U M.

DUÆ in Officinis occurrunt plantæ Centaurii nomine insignitæ, genere ta-
men prorsus diversæ: Centaurium majus & Centaurium minus.

CENTURIUM majus, Centaurea major, Rhaponticum vulgare seu Phar-
maceuticum, *Off.* Centaurium majus folio in plures lacinias diviso *C. B. P.*
177. Inst. R. H. 449. Centaurium majus Juglandis folio *J. B.* 3. 38. Cen-
taurium magnum *Dodon. Pempt.* 334. Rhapontica quæ hodie Centaurea ma-
jor *Tragi* 138. vulgo, *Grande Centauree* ou *Rhapontique vulgaire*.

Ex radice crassa, ponderosa, solida, tripedali, foris nigricante, intus rube-
scente, succo sanguineo prægnante, cum dulcedine & adstrictione nonnihil mor-
daci, caules edit rotundos, teretes, bicubitales aut tricubitales, ramosos cum
multis adnatis; frondes gerit amplissimos in plures particulas divisos & in alæ
formam dispositas, quorum folia oblonga, spithamam fere longa, tres vel qua-
tuor uncias lata, Juglandis foliis fere similia, in ambitu serrata, nervosa, gla-
bra, saturate virentia. Surculorum extrema capitula sustinent seu flores flo-
sculosos, plurimis nempe flosculis constantes cæruleis, quinquifidis, embryoni
insidentibus & calyce squammoso non aculeato comprehensis. Embryo autem
abit deinde in semen oblongum, glabrum, Cnico fere simile & pappis instru-
ctum. In Alpibus sponte nascens reperitur, unde radix quæ usus est, affertur.
In hortis colitur.

Analysi chymica, radicum recentium lbv. præbuerunt humoris limpidi, saporis
aliquantisper herbacei, obscure subsalsi ʒviij. ʒiiij. humoris limpidi primo obscure
acidi, deinde manifesti, ac tandem austeri lbiiij. ʒviij. ʒv. gr. xxiiij. humoris rufi,
empyreumatici, tum acidi, tum urinosi & sale volatili urinoso imprægnati ʒiiiiij. ʒj.
gr. xxiiij. olei adiposi aqua gravioris ʒj. ʒiiij. gr. xij. Massa nigra in retorta superstes
pendebat ʒviij. ʒij. gr. xxxvj. quæ calcinata reliquit cinerum ʒj. ʒv. gr. xxiiij. ex
quibus salis fixi mere alcali ʒiiiiij. gr. vj. lixivio extracta sunt. Partium jactura
in distillatione fuit ʒiiij. gr. xlviiij. in calcinatione ʒvj. ʒv. gr. xij.

Centauri majoris radix cum quadam adstrictione ac dulcedine acri, sale do-
natur essentiali tartareo aliquantisper aluminoso cum olei crassi portione non
mediocri, unde concretum exsurgit salinorefinosum.

Virtu-

Virtutes contrariæ huic radici tribuuntur, ob acrimoniam crassos humores incidit, viscerum obstructions resolvit & menses movet: ratione adstrictio- nis profluvia sistit, prodest in hernia & exspuitione sanguinis. Ad vulnera re- centia conglutinanda efficax admodum dicitur. Hepatis obstructions reserat & hujus visceris tonum firmat ac roborat, unde hydropicis & ictericis auxilia- tur tum vino macerata, vel aqua decocta, tum in pulvere pota. Ad ℥j. usur- patur in infusis aut decoctis vulnerariis, adstringentibus necnon etiam aperien- tibus. Pulvis ad ℥j. præscribitur in vino vel alio liquore idoneo.

Usurpatur in Pulvere antipodagrigo *Principis Mirandolani*.

A nonnullis hæc radix pro Rhapontico vero sumitur, sed perperam, ut jam alibi diximus.

CENTAURIUM minus, Centaurea, Fel Terræ Off. Centaurium minus C.B.P. 278. *Inst. R. H.* 122. *Dodon. Pemptad.* 336. Centaurium minus, flore purpureo *J. E.* 3. 353. Centaurea *Brunsfels*: Gentiana dydropica *Hoffm. Altorf.* vulgo, *Petite Centauree*.

Radice est parva, candida, lignosa, fibrata, insipida: caule spithameo, an- guloso, ramoso: foliis aliis in terram sparsis, aliis in caule binis ex adverso posi- tis, Hyperici forma, sed majora, glabra, nervosa, dilute virentia. Flores in summis ramulis velut in muscarium nascuntur monopetali, infundibuli forma, quinquepartiti & suave rubentes. Calyx florum e quinque foliis acutis constat, & pistillum quod infimam floris partem perfodit, mutatur in fructum semiunciam longum, cylindraceum, membranaceum, bicapsularem, in duas carinas hian- tem & semina fundentem minutissima. Folia & flores intenso amarore donan- tur. In agro Parisiensi sponte nascitur. Usus est herbæ cum floribus.

Analyti chymica, ex plantæ floridæ lbv. demptis radicibus, prodierunt hu- moris limpidi, fere inodori, saporis acris, linguam pungentis, subacidi ℥xij. ℥vj. gr. xxxvj. humoris primo limpidi, acris, deinde rufescentis, minus acris, intense acidi, tandem odoris & saporis empyreumatici, intense acidi & austeri, lbij. ℥ix. gr. xxj. humoris fusci, odoris & saporis empyreumatici, fumum referentis, austeri, alcalini ac tandem sale volatili urinoso impræ- gnati ℥iij. ℥iiij. gr. xlij. olei spissi ℥j. ℥v. gr. vj. Massa nigra in retorta super- stes pendebat ℥viiij. quæ calcinata reliquit cinerum ℥j. ℥iij. gr. liij. ex quibus salis fixi alcali ℥iij. gr. xl. lixivio sunt extracta. Partium jactura in distillatio- ne fuit ℥xij. ℥vij. gr. xxxix. in calcinatione ℥vj. ℥iiij. gr. xviiij.

Centaurii minoris folia & flores insigni amarore donantur, chartam cæ- ruleam intenso rubore tingunt: salem continere videntur essentialem Tar- taro vitriolato haud ab similem cum ammoniacali consociatum & multo oleo acri & crasso conjunctum.

Centaurii minoris summitates floridæ, ratione salis digestivi quo donan- tur, viscidos humores potentissime incidunt & obstructions viscerum rese- rant. Hinc in affectionibus chronicis & febribus intermittentibus plurimum valent. Ratione olei tenuioris & acris sanguinem in vasis infimi ventris ex- pandunt & fermentant: hæmorrhoidales venas aperiunt & menses provo- cant. Summitates floridæ ad pugillum unum aut alterum in vino maceran-

tur, vel in aqua Card. Benedict. decoquuntur pro haustu. Pulvis earundem exsiccatarum ad ℥j. præscribitur, & conditum ad ℥ss.

Rulandus, referente Ettmullero, febres intermittentes fere omnes, præmissio vomitu, solo ejus florum, vel etiam herbæ decocto curabat: in chronicis vero radicem Afari cum Centaurio minori consociabat. In ictero & mensium suppressione utiliter exhibetur. Centaurium minus ad suppressum hæmorrhoidum fluxum revocandum tum interno usu tum externa affriccione conducit. Venter roborat, ciborum concoctionem juvat, vermes enecat. A Palmario in morbis contagiosis, veluti specificum laudatur: si pulveris Centaurii minoris ℥j. in vino vel aqua Cardui benedicti hauriatur, sudorem moderate provocat.

Licet stirpes nostrates cum veterum plantis comparare nolum, non possum tamen quin hic obiter dicam veteres tanti fecisse Centaurium minus, ut inter opera Galeno adscripta, integer libellus reperiatur *de virtute Centauræ* inscriptus, in quo Simon Paulli duo observavit notatu digna; primum scilicet veteres aut saltem auctorem illius libri extracta conficiendi modum non ignoravisse, quippe qui Centaurii extractum præparandi modum accuratissimum proponit: alterum quod ingens præsidium idem collocet in hac planta tamquam specifica in curandis canis rabidi aliorumque venenatorum animalium moribus. Hac ratione Julianus Palmarius illud usurpat in præparatione insignis sui pulveris contra rabiem, quem adeo probatum esse dicit, ut nullum umquam animal hoc usum se vidisse scribat, quod non atrocis morbi periculum evitarit quacumque uteretur victus ratione, illæsis tamen capitis partibus quæ dentes superant: his enim vulneratis exigua spes est, ut & vulnerata parte statim a morfu frigida elota annotante eodem Palmario. Hæc est illius pulveris præparandi ratio.

℞. Foliorum Rutæ, Verbenæ, Salviæ minoris, Plantaginis, foliorum Poly-podii, Absinthii vulgaris, Menthæ, Artemisiæ, Melissophylli, Betonicæ, Hyperici, & Centaurii minoris. p. æq. Legantur singula quo tempore viribus pollent maximis, id est circa Junii plenilunium, & cælo sereno. Papyraceis dein chartis conclusa siccantur seorsim in loco ad quem neque sol, neque pluvia pertingat, ne vel nimium exarescant, vel situm contrahant. Siccata ad futuros usus asserventur ea lege ut quotannis renoventur.

Cum autem utendi necessitas incidet, singulorum æquale pondus in pulverem tenuissimum redigatur, qui a ℥ss. ad ℥j. demorsis quotidie exhibeatur, idque ex cochleari cum duplo Sacchari, vel ex vino, vel ex pomaceo, vel ex jusculo, vel ex butyro aut melle electuarii forma jejunò stomacho tribus horis ante cibum. Quamquam autem ℥ss. aut ℥ij. satis sint tum homini tum omni animali quantumvis crudeliter sauciato, nihil tamen obfuerit ad tres quatuorve processisse, cum præsertim vel longo post morsum tempore, vel jam nata etiam hydrophobia curationem aggredimur. Nonnulli hujus pulveris ℥j. cum pulveris Viperarum ℥ss. in vini albi generosi haustu quotidie propinant per novem, nonnumquam etiam per quindecim dies. Interim vulnus non aqua frigida lotum, sed siccis linteis aut spongia exsiccatum vino aut hydromelite in quo suprædicti pulveris ℥ss. soluta sit bis terve quotidie fovetur. Deinde unguentum aut emplastrum inducitur quale aliis vulneribus ex usu est.

Fernelius ad ischiadicum dolorem Centaurii minoris decoctum per clysterem infusum plurimum commendat.

Confert quoque Centaurium minus glutinandis vulneribus recentibus, & ulceribus inveteratis, quæ abstergendo siccandoque glutinat & carne replet. Contra furfures & crustosam capitis scabiem vix præstantius ullum decoctum S. Pauli reperiri asserit quam Centaurii minoris ex Pisorum brodio paratum. Illo enim decocto si lavetur caput, insigniter furfures & scabiem detergit, imo una myriades pediculorum enecat.

Sal ex ejus cineribus extrahitur qui tertianam fugare dicitur & menses suppressos restituere. Ad ℥ss. exhibetur.

Aqua arte distillatoria ex Centauro parata in usum venit, sed exigua virtutis est. Usurpatur in Theriaca *Andromachi*, aceto theriacali, syrupo de Arthemisia, Pulvere *Comitis Mirandolæ* antiarthritico, decocto amaro *Ph. Londinens.* & mistum reperitur cum ceteris plantis vulnerariis quæ ex Helvetia sub *Faltran* titulo advehuntur.

C E P A.

CEPARUM diversæ sunt species ratione coloris, magnitudinis, formæ &c. quarum usitatæ sunt, Ceba vulgaris candida & rubra, Ceba Ascalonica, & Ceba fissilis.

CEPA vulgaris candida vel rubra, *Off.* Ceba vulgaris floribus & tunicis candidis vel purpurascentibus *C. B. P.* 71. *Inst. R. H.* 382. Cepe five Ceba rotunda, alba vel rubra *J. B.* 2. 547. vulgo, *Oignon*.

Radice nititur bulbosa, ex variis tunicis contexta, interioribus carnosiss, exterioribus membranaceis, modo rubra, modo alba, interdum orbiculari, alias oblonga, alias depressa, pendulis ab imo fibris albis, subtili & acerrimo turgida succo oculos mordicando lacrymas eliciente: ex qua folia assurgunt longa, pedalia, fistulosa, teretia & acuminata, acri sapore, & caulis nudus, rectus, duorum triumve cubitorum altitudine, circa medium in ventrem utrinque turbinatum turgescens, qui glomeratum in summo fastigio gestat florum caput pugni magnitudine. Flores liliacei sunt ex petalis sex compositi, quorum medietullum occupant stamina sex & pistillum, quod deinde abit in fructum subrotundum in tria loculamenta divisum seminibusque fetum subrotundis, angulosis, atris. Ab omnibus aliis bulbosis differt quod ejus radix nullam omnino sobolem edat; unde & Unio latinis dicta est olim, referente Columella. Unde forte gallicum *Oignon*. In hortis olitoriis ad usum culinarium colitur. Radix usus est.

Analyti chymica, Ceparum albarum a tunicis membranaceis mundatarum ℔v. per B. V. distillatæ præbuerunt humoris limpidi, fere insipidi, odore Cepas referentis, obscure salis ℔j. ℥xij. ℥vij. humoris limpidi, obscure acidi, ℔ij. ℥vij. ℥v. gran. xlvij. Massa residua per retortam distillata præbuit humoris rufi, subsalsi & obscure austeri ℥iij. ℥ij. humoris rufescentis, obscure acidi & alcali urinoso imprægnati ℥iij. gran. vj. salis volatilis urinosi concreti ℥j. gran. xxxvj. olei adiposi ℥iij. Massa nigra in retorta superstes pen-

pendebat ℥iij. ℥ij. quæ per duodecim horas calcinata reliquit cinerum fuscorum ℥ij. gr. lxiiij. ex quibus salis fixi falsi ℥j. gr. viij. extracta sunt.

Cepæ rubræ minorem salis volatilis & olei quantitatem præbuerunt, scilicet gr. xxxvj. & olei ℥ijß.

Partium jactura in distillatione fuit ℥iij. ℥vj. gr. liiij. in calcinatione ℥ij. ℥vij. gr. viij.

Cepa itaque salem continet ammoniacalem cum olei crassi portione mediocri & spiritu quodam oleoso essentiali tenui & acerrimo conjunctum.

Cepæ ad escarum condimenta frequenter hodie in culinis usurpantur. Nonnulli eas devorant crudas: Delicatiores tamen coctis magis delectantur, quia non adeo foetidum spirant odorem.

Coctæ enim asperum & acrem saporem amittunt. Appetitum languentem excitant, palatum irritant, & conducunt stomacho frigidis, crassis, glutinosisque humoribus referto: hos enim coquunt, incidunt, attenuant atque detergunt, urinas & menses movent; sed nil aut parum nutrimenti suppeditant: succi sunt pravi, flatus gignunt, largiori esu capitis dolores invehunt, somnia efficiunt turbulenta, halitibus multis & acribus caput implendo quibus nervosæ cerebri membranæ commoventur, sitim pariunt, alvum faciunt lubricam acredine sua intestinorum membranas vellicando. Oculis nocere dicuntur & animi functionibus obesse intus sumptæ. Venerem irritant, sanguinem inflammant & biliosis nocent.

Cepæ cum melle coctæ asthmatis & pulmonum affectionibus a pituita crassa & lenta oriundis conveniunt. Succus bulbi & foliorum ad ℥vj. cum Saccharo epotus a nonnullis velut diureticum præstans commendatur in urinæ suppressione & hydrope. Adversus nephritidem Cepa alba taleolatim secta in vini albi ℥viij. per noctem maceratur, infusum mane percolatum propinatur, jejuno ventriculo, quod per tres mensis lunaris ultimos dies iteratum a D. Chomel Med. Parisiensi tamquam comprobatum remedium prædicatur.

Cepa non secus ac Allium rusticorum est Theriaca, & Prophylactica existimatur in peste & morbis contagiosis mane comesta. Quidam Cepam excavatam Theriaca replent, sub cineribus coquunt & comedendam præbent peste correptis, vel ejus succum propinant ut remedium antipestilens & diaphoreticum. Eadem simili modo cocta, tusa, & cataplasmatitis ritu imposita pestilentes bubones efficacissime attrahit, emollit & aperit. Nonnulli Cepam in aquæ paucis coctam & cum porcino adipe non falso contusam & Theriacæ ℥ij. ad bubonem pestilentem potenter attrahendum supra partem affectam imponunt, & mane ac vespere illud cataplasma renovare solent.

Fernelius Cepas cum sale contusas parti impositas ambustæ sanare scribit. Easdem quoque Ambrosius Paræus mire commendat, modo ne Epidermide pars sit spoliata vel ulcerata. Cepæ contusæ ad Alopeciam ab omnibus prædicantur, unde Schola Salernitana canit:

Contritis Cepis loca denudata capillis

Sæpe fricans poteris capitis reparare decorem.

Mane & vespere caput iis confricetur dum prorsus rubescat & mox melle oblinatur vice cataplasmatitis.

Ad Cephalæam Cēpa alba per medium incisa & in spiritu vini macerata applicata supra partem dolentem valde prodest. Auditus difficultatem tollit succus Cēparum cum æquali portione spiritus vini mistus & ad aliquot guttas auribus instillatus.

Cēpæ contusæ plantis pedum admotæ œdematosos pedum tumores tollunt urinas promovendo, ventri vero applicatæ ascitidi necnon & leucophlegmatix medentur. Cēpæ contusæ & in cataplasomatis formam redactæ a Riverio commendantur ad urinæ suppressionem. Vel etiam placenta ex Cēpis minutim concisis, cum ovis agitatis, in axungia porcina frixis calide applicetur parti dolenti, si urinæ suppressio sit renalis, renibus; si vesicalis, regioni pubis; necnon etiam perinæo admoveatur.

Cēpa alba sub cineribus assata & cum butyro insalfo in cataplasomatis formam redacta hæmorrhoidum dolorem sedat & tumorem discutit, narrante Riverio. Suppositoria ex Cēpa parata hæmorrhoides aperiunt.

CēPA Ascalonica & Ascalonia *Obsoniorum*: Cēpa Ascalonica *Matthiol.* 556. *Inst. R. H.* 382. Cēpa Ascalonica sive fissilis *J. B.* 2. 551. vulgo: *Echalottes*.

Plures simul conjunctos bulbos nuce avellana paulo majores, ab uno radicum fibrosarum cespite prodeuntes habet, sapore Cēpæ vulgaris admodum acri, haud tamen ingrato, ex quibus folia exeunt tenuia, fistulosa, teretia, glabra, eodem sapore prædita. Seritur in hortis olitoriis ad ciborum condimenta.

Analyfi chymica, bulborum recentium a tunicis mundatorum per retortam distillatorum ℔v. præbuerunt humoris limpidi, odoris saporis, obscure alcali, obscure salis, ac tandem subacidi ℔j. ℥ij. ℥j. humoris primo limpidi, deinde rufescentis, ejusdem odoris & saporis, acidi & subausteri ℔ij. ℥xij. ℥v. gr. vj. humoris rufi, sale volatili copioso imprægnati ℥ij. salis volatilis urinosi concreti ℥j. gr. xxxvj. olei spissi ad instar extracti ℥v. Massa nigra in retorta residua pendebat ℥vij. ℥vj. gr. xlvij. quæ calcinata reliquit cinerum ℥j. gr. lx. ex quibus lixivio salis fixi parum alcalici ℥iiij. extractæ sunt. Partium jactura in distillatione fuit ℥iiij. ℥v. gr. liij. in calcinatione ℥vj. ℥iiij. gr. lx.

Cēpæ Ascalonicæ salem ammoniacalem continent oleo crasso conjunctum & cum spiritu quodam acri tenui conjunctum. Major terræ copia in illis quam in Cēpa vulgari reperitur.

Eadem præstare dicuntur quæ cetera Cēparum genera. Cibi appetentiam excitant. Ab illis qui sitim quærunt summe prædicantur. Vermes intestinorum earum esu necari vulgo creditur. At iisdem ac Cēpæ vitiis obnoxia sunt.

CēPULA & Cēpa fissilis *Obsoniorum*: Cēpa fissilis *Matthioli Lugd.* 1539. *Inst. R. H.* 382. vulgo, *Ciboule*.

Facie tota Ascalonicam refert, nisi quod omnibus suis partibus major spectatur. Bulbi plures ab una tantum radicum coma oriuntur longa tenuique cervice nitentes, Ascaloniæ modo, sed acredine differentes. In hortis olitoriis feritur.

Analyfi chymica, ex Cēpularum recentium per retortam distillatarum ℔v. prodierunt humoris limpidi primo plantæ contusæ odorem & saporem referentis, deinde saporis & odoris debilioris, obscure salis, obscure acidi & obscure

urinofi ℥iij. ℥vj. gr. xij. humoris limpidi ejusdem odoris & saporis debilis, deinde manifeste acidi, ac tandem austeri ℥j. ℥xj. ℥iij. humoris rufescentis, empyreumatici, sale volatili urinoso copioso imprægnati & obscure acidi ℥v. gr. ix. salis volatilis urinofi concreti ℥j. gr. xij. olei adiposi ℥vj. gr. l. Massa nigra in retorta residua pendebat ℥j. ℥iij. gr. xlvij. quæ calcinata reliquit cinerum ℥vij. gr. xvij. ex quibus salis fixi mere alcali ℥ij. gr. xxvij. lixivio sunt extracta. Partium jactura in distillatione fuit ℥v. gr. xij. in calcinatione ℥iij. gr. xxx.

Cepula sale ammoniacali & tenui spiritu donatur.

Ea omnia potest quæ cetera Ceparum genera. Folia minutim incisa pro olere usurpantur.

Cruda Acetariis admiscuntur ad saporem acutum communicandum; item salitis piscibus & carnibus bubulis. Cocta vero placent in aliis esculentis, ut ovis frixis. In ventriculo difficile coquuntur, & comedentibus tædium est ex eorum halitu & ructibus ingratis quos pariunt.

C E R A S U S.

Purimæ sunt arborum quæ Cerasia vel Cerasa proferunt varietates ex fructus potissimum forma, colore, sapore & magnitudine desumptæ. Aliæ tamen sativæ sunt, aliæ sylvestres, quæ etiam ratione habitus totius arboris aliquantisper variant. Distinguuntur pomi figura turbinatiore, longiore, rotundiore, cordis etiam figura, alia pediculo longiore, alia brevior, singulis vel pluribus una coeuntibus. Distinguuntur etiam colore albo, sed rarius, partim rubro, partim candicante, quædam pallide rubente, quædam plane cereo, alia rubro, rufescente, nigricante, nigro, & quædam etiam nigerrimo & succo sanguineo labia & manus inficiente. Distinguuntur quoque sapore dulci, acido, austero, & ex dulci acido admisto: nonnulla amaritudinis quid retinent; alia nimia sua dulcedine fastidium pariunt; alia ob nimium acorem respuuntur; alia ob aquei succi redundantiam insipida sunt: similiter alia carne sunt prædura, alia carne molliore & teneriore sive aquosa constant, & in quibusdam caro pertinacius adhæret nucleo qui in aliis fragilior & medulla non insuavi est.

Ex his apud nos potissimum veniunt in usum Cerasa acida & vulgaria, *les Cerises ordinaires*; Cerasa sativa majora Agriotta nonnullis, *les Griottes*; Cerasa duracena, *les Bigarreaux*; Cerasa aquea, *les Guignes*; Cerasa nigra, *les Merises* ou *Cerises noires*.

CERASIA acida & vulgaria fructus sunt arboris quæ dicitur Cerasus sativa, fructu rotundo, rubro & acido *Inst. R. H. 625*. Cerasa sativa, rotunda, rubra & acida, quæ nostris Cerasa sativa *C. B. P. 449*. Cerasia sativa *Tab. Icon. 985*. vulgo, *Cerisier*.

Arbor est haud procera nec recta, multis brachiata ramis fragilibus, caudice mediocriter crasso, cortice e puniceo nigricante, ligni materie intus subnigricante, ad circumferentiam subalbida: foliis magnis, oblongis, venosis, ambitu crenatis, ceteris speciebus minoribus magisque rotundis. Flores pro-

fert

fert rosaceos, plurimis scilicet petalis albidis in orbem positis & aliquot staminibus concoloribus mediis constantes, ex quorum calyce in quinque segmenta recurva diviso surgit pistillum quod abit in fructum longis & tenuibus pediculis adhærentem, subrotundum, carnosum, carne non admodum dura vel compacta, sed succosa, sapore dum bene maturuit grato, non nimium acido sed quodammodo vinoso: in carnis medietate officulum continetur lignosum, durum, cum nucleo amaricante haud ingrato. Gummi ex se fundit lucidum, flavescens, insipidum & inodorum. In hortis colitur & magna est harumce arborum copia in valle *Montmorency*.

Analyti chymica, ex carnis Cerasorum maturorum ab officulis separata ℥v . per retortam distillatis prodierunt humoris limpidi, odoris & saporis expertis, obscure subsalsi ℥ij . gr. xxiiij. humoris limpidi, sapore aliquantisper subamaricantis, nucleorum Cerasi contusorum amarorem leviter referentis, obscure subacidi ℥j . ℥iiij . ℥vij . gr. xxxvj. humoris primo subacidi, subausteri, deinde manifeste acidi, subausteri & amaricantis ℥j . ℥ij . ℥vj . gr. xxx. humoris rufescentis, acidi & falsi ℥j . ℥ij . olei spissi ad instar syrupi ℥ij . gr. xxxvj. Massa nigra in retorta superstes pendebat ℥iiij . gr. xxxvj. quæ calcinata reliquit cinerum ℥iiij . gr. xlij. ex quibus lixivio salis fixi mere alcali ℥j . gr. lvj. extracta sunt. Partium jaçura in distillatione fuit ℥ij . ℥iiij . gr. liij. in calcinatione ℥ij . ℥iiij . gr. lxvj.

Liquor ex Cerasis expressus & rite fermentatus vinosum præbet liquorem non ingratum, licet non admodum spirituosum ob magnam phlegmatis copiam quo salia & sulphura diluuntur.

CERASA sativa majora, Agriotta nonnullis, fructus sunt arboris quæ dicitur, Cerasus sativa fructu majore *Inst. R. H.* 625. Cerasa sativa majora *C. B. P.* 449. Cerasa acida rubella *F. B.* 1. 221. Cerasia hispanica *Tabern. Icon.* 984. vulgo, *Griottier*.

Arbor est priori haud dissimilis, humilior multo, quarum & minimæ atque ideo paucorum annorum fructum ferre consueverunt. Fructus brevi pendet pediculo, & quam reliquorum fere crassiore. In hortis, pomariis & campis colitur.

Cerasa inter fructus horarios maxime commendantur. Acida corpori succum alibilem tenuem sed laudabilem suppeditant, sitim sedant, humorem biliosum fervidiorem contemperant & jecoris infarctus tollunt. Febricitantibus utilia censentur & dicitur vulgo febres apud plebem desinere statim atque Cerasa matura fiunt. Bene matura recentia ventrem subducunt, viridia diarrhæas excitant, siccata vero sistunt.

Cerasorum succus aqua dilutus & saccharo edulcatus potum præbet diebus æstivis refrigerantem & stomacho gratum & febricitantibus utilem. Cerasa coquuntur ex aqua cum tantillo sacchari: Et esca est non modo sanis per jucunda sed etiam ægrotantibus & convalescentibus biliosis præsertim perutilis: sapore enim dulci & subacido languentem ventriculum excitat & ciborum appetentiam promovet. Majori vero sacchari copia condita, ut per longum tempus servari queant, secundas mensas subeunt & inter præstantissima dulciaria habentur: nec adeo facile in ventriculo debiliore corrumpuntur ut cruda, imo ventriculum roborant ac firmant.

Qui.

Quibus ventriculus debiliior est, aut acidis scatet humoribus, qui diarrhæis obnoxii sunt, ab his fructibus abstinere debent qui facillime acefcunt & alvi profluvia provocant. Cerafa acida sole vel furno exficcata febricitantibus masticanda conceduntur ad fitis ardorem extinguendam eorumque os refrigerandum. Eorundem decoctum in hypochondriorum affectu sum-mopere valere, imo hoc unico remedio complures convaluisse liquido asse-verare non veretur Fernelius, *Consil. 43. ad D. de Morigni.*

Ex Cerasis potiones fermentatæ a nonnullis conficiuntur quæ vinum men-tiuntur. Si cum carne nuclei contusi fermentescant, vis lithontriptica his vinis tribuitur. Ex iisdem vinis spiritus ardens distillationis ope extrahitur qui cum nucleis Ceralorum contusis maceratus blando suo amarore palato & ventriculo non est ingratus.

Nucleis Ceraforum vis diuretica adscribitur; unde utiles censentur in ne-phritide & urinæ suppressione, ad renes ab arenulis & mucagine liberandos. Ex his emulsiones præparantur. Quin etiam oleum ex his nucleis expreffum contra eosdem nephriticos affectus a quibusdam commendatur.

Gummi ex arboribus distillans ad eadem valet quibus Gummi arabicum conducit, insuper vi lithontriptica donatum censetur. At perperam hæc vis illi tribuitur, siquidem nullum adhuc medicamentum hac virtute donatum novimus. Revera urinæ ardores demulcere valet mucosis suis partibus urinæ salia involvendo, & urinarias vias magis lubricas efficiendo, sicque urinæ aut mucaginis aut arenularum excretionem faciliorem & feliciorem efficit.

CERASA Duracena fructus sunt arboris quæ dicitur Cerasus major, fru-ctu magno cordato *Raii Histor. 1538. Inst. R. H. 626.* Cerafa crassa, car-ne dura *C. B. P. 450.* Cerafa duracena, oblonga *J. B. 2. 221.* Cerasia Pli-niana *Tabern. Icon. 985.* vulgo, *Bigarotier.*

Hujus arboris folia majora sunt quam Cerasi vulgaris acidi, ad Castaneæ folia quodammodo accedentia, deorsum fere dependentia. Fructus magnus est, oblongus, ad cordis figuram aliquatenus accedens, carne dura solida-que, dulci, coloris ex albo rubelli, nucleo magno. Hæc arbor in hortis sa-tis frequens est: variat fructus colore rubro, albo, nigricante.

Analyfi chymica, carnis Duracenorum a nucleis separatæ lbv. per retortam distillatæ, præbuerunt humoris, odoris & saporis expertis, obscure falsi & ob-scure alcali ℥iij. ℥vij. gr. xliij. humoris limpidi fere insipidi & inodori, obscure acidi lbj. ℥viij. ℥iiij. humoris primo limpidi sub finem rufescentis, manifeste acidi, austeri lbij. ℥viij. ℥ij. gr. xij. humoris rufescentis, sale volatili urinoso imprægnati ℥ij. gr. xxxvj. olei spissi ad instar extracti ℥ij. Massa nigra in retor-ta superstes pendebat ℥iiij. ℥vj. quæ calcinata reliquit cinerum rufescentium ℥iiij. gr. xlvij. ex quibus lixivio salis fixi mere alcali ℥ij. gr. xxiiij. sunt extracta. Partium jactura in distillatione fuit ℥iiij. ℥j. gr. liij. in calcinatione ℥iiij. ℥ij. gr. xxiiij. Duracena itaque sale tartareo multo oleo crasso implicito donantur.

Duracena matura ut plurimum vermibus scatent & facile putrescentia sunt; in ventriculo difficile coquuntur, viscidos humores & putrefactioni obnoxios in ventre generant, qui, cum per intestina tardius descendant, faci-

facile corrumpuntur & vermium generationem promovent: idcirco ab illis quorum ventriculus imbecillior est, quorum viscera glutinosis humoribus infarcta sunt, rejici debent.

CERASA Aquea fructus sunt arboris quæ dicitur Cerasus fructu aquoso *Inst. R. H.* 626. Cerasa carne tenera & aquosa *C. B. P.* 450. Cerasia aquea *Tabern. Icon.* 986. vulgo, *Guignier*.

A prioritantum differunt fructu molliori, magis succoso & obscurius rubente.

Analyfi chymica, minorem olei portionem quam Duracena suppeditant; unde liquet, sale essentiali tartareo donari multo phlegmate diluto.

Cerasa aquea non adeo ventriculum gravant ut Duracena & facilius digeruntur, sed facilius corrumpuntur quam acida Cerasa.

CERASA Nigra fructus sunt arboris quæ nuncupatur Cerasus major ac sylvestris fructu subdulci, nigro colore inficiente *C. B. P.* 450. Cerasus sylvestris fructu nigro *J. B.* 1. 220. Cerasia nigra *Tabern. Icon.* 986. vulgo, *Merisier*.

Arbor est procera, caudice recto, cortice exteriori spadiceo aut cinereo, maculoso, lævi, interiori virenti; materie firma subrufa, foliis oblongis Pruni foliis longioribus, dense crenatis, splendidis, subamaris. Flores ex eadem quasi vagina plures simul juncti, ex pediculis tenuibus, longis, nonnihil rubentibus pendent ceterorum similes, quibus succedunt fructus rotundi fere, parvi, carne pauca, dulci, aliquantisper amaricante, haud ingrata, succo nigro colore inficiente.

Cerasa nigra in morbis capitis, epilepsia, apoplexia, paralyfi peculiariter proficua censentur. Fructus recentes comedendi offeruntur: vel aqua ex his fructibus non fermentatis distillata exhibetur, vel etiam aqua spiritiosa præparatur, sive recentes fructus cum nucleis contusos vino generoso irrorando & distillando, sive eorum succum expressum novis Cerasis contusis affundendo & rite fermentando donec vinosum saporem adipiscatur, & inde spiritum ardentem distillando. P. Joan. Faber in balbutie & aliis loquelæ vitiis os hoc spiritu sæpius lavari commendat. Th. Keslerus in *sua Chymia c. de fructibus*, asserit, quemdam apoplecticum, qui loqui non poterat, spiritu Cerasorum hausto loquelam recuperavisse. J. Raius refert, Cerasorum nigrorum aquam stillatitiam valde celebrari, & in frequenti usu esse apud Anglicas Matronas ad motus convulsivos præcipue infantum. In febribus malignis ad motus convulsivos compescendos sæpe a Medicis apud Anglos præscribitur.

Rx. Sp. Cerasor. nigrorum, aquæ flor. Tiliæ ana ℥iij. pulver. de Gutteta ʒss.

M. F. potio. Sumat æger cochlear unum alterumve singulis bihoriis. In convulsion. infantum, in epilepsia & paralyfi.

Cerasa nigra usurpantur in aq. Cerasor. nigror. comp. *Ph. Bateana*, in aq. paralytica & apoplectica *Ph. Reg.*

C E T E R A C H.

CETERACH, Asplenium, Scolopendrium sive Scolopendria, *Offic.* Asplenium sive Ceterach *J. B.* 3. 749. Ceterach Officinarum *C. B. P.* 354. Asplenium *Dod. Pempt.* 468. vulgo, *Ceterac*.

Radicibus est capillaribus & nigricantibus, ex quibus plurimâ folia in orbem sparsa oriuntur tres uncias longa, semiunciam circiter lata, sinuata & undulata fere ad costam, superne glabra & viridia, inferne squammulis obducta inter quas erumpunt acervuli capsularum sphaëricarum annulo elastica vi donato munitarum, cujus contractione rumpuntur, seminaque fundunt aurea minutissima. Delectatur maceris & rupibus. In agro Parisiensi sponte nascitur.

Analyfi chymica, ex Asplenii foliis plurimum educitur phlegmatis acidi & austeri, non mediocri olei & terræ portio, parum vero spiritus urinosi. Saporem præbet herbaceum, mucaginosum, aliquantisper asperum seu adstringentem.

Itaque Asplenium mucagine sua humores acres demulcet, adstrictione vero partes roborat, viscerum tonum laxum firmat. Sic expectorationem promovet, ceterasque functiones in visceribus restituit. Unde Asplenium pectorale & aperiens habetur. In tussi, asthma, ictero, liene tumido, urinæ suppressione conducit in vino maceratum vel in aqua aut jusculis decoctum. In liene tumido juvat præcipue, non quod splenem absumat ut quidam falso reputant unde Asplenium dici volunt, sed quod spleni ut ceteris obstructis visceribus ferat opem. In cruenta exspuitione & alvi fluxu creditur prodesse: sed debilius est illius adstrictio, unde his in affectionibus parum levaminis affert.

Tradit Matthiolus aurei illius pulveris qui invenitur in averfa foliorum parte ʒj. cum albi Succini farinæ ʒß. ex succo Portulacæ aut Plantaginis potam gonorrhæa laborantes mirifice juvare.

Schroderus refert Asplenii folia externe admota mundificare vulnera ac ulcera.

Ceterach cum ceteris plantis Capillaribus in decoctis & jusculis sæpius usurpatur.

Usurpatur quoque in syrupo Capillorum veneris, *Renaudæi*.

C H Æ R O P H Y L L U M.

CHÆROPHYLLUM, Chærephyllon, Chærefolium, Cerefolium, & Gingidium, *Off.* Chærophyllo sativum *C. B. P.* 152. *Inst. R. H.* 314. Chærephyllon *J. B.* 3. p. 2. 75. Chærefolium *Dod. Pempt.* 700. Cerefolium *Matthiol.* Gingidium *Fuchs:* vulgo, *Cerfeuil*.

Radice est singulari, alba, fibrata, subacri: caule sesquicubitali, tereti, striato, inani, geniculis longius distantibus nodoso, glabro & ramoso: foliis Cicutæ similibus sed minoribus, tenuioribus & dilute rubentibus, pediculis sæpe rubentibus, nonnihil hirsutis, saporis & odoris aromatici, Flores summis ramis insident umbellatim digesti, rosacei, e quinque petalis albis, inæqualibus, cordatis, in orbem positis, totidemque staminulis albis compositi, cum calyce abeunte in duo semina oblonga, hinc gibba, inde plana, glabra, per maturitatem nigricantia, rostro aviculæ similia, sapore dulci aromatico. Crescit in hortis in quibus seritur singulis mensibus ut tenerius sit.

Analyfi chymica, ex Chærophylli foliorum & caulicor. ℥v. per. B. V. distillatis prodierunt humoris limpidi, odore & sapore Chærophyllo referentis, subsalsi & obscure acidi ℥ij. ʒxj. humoris manifeste acidi, deinde austeri

steri ℥j. ℥vij. ℥vj. gr. lx. Massa residua in alambice exsiccata pende-
bat ℥xij. quæ per retortam distillata præbuit humoris rufi, empyreumatici, manifeste acidi,
subfalsi, austeri & obscure alcali urinosi ℥j. ℥v. gr. lvij. humoris & fusci, sale
alcali urinoso copioso imprægnati ℥iij. gr. xxiiij. salis volatilis urinosi concreti
gr. x. olei syrupi ad instar spissi ℥j. ℥vj. Massa nigra in retorta superstes pende-
bat ℥iiij. ℥iij. gr. xxxvj. quæ per quindecim horas in crucibulo calcinata reli-
quit cinerum leucoph. ℥j. ℥vij. gr. lx. ex quibus lixivio salis alcali fixi ℥vj. gr.
xlvj. extracta sunt. Partium jactura in distillationibus fuit ℥iiij. ℥vj. gr. xxviiij.
in calcinatione ℥ij. ℥iij. gr. xlvij.

Chærophyllyum recens odorem herbaceum tenuem ac blandum spargit, sa-
poremque refert subacrem, aromaticum cum quadam adstrictione; nec ingra-
tum: exsiccatum super prunas candentes projectum fulgurationes quasdam ni-
trosas emittit: unde concludendum est, illud sale essentiali ammoniacali nitro-
so donari cum oleo subacri aromatico copioso conjuncto.

Olus est familiare suaveolens & sapidum, ori proinde & ventriculo gratum.
Estur crudum cum aliis herbis in acetariis; dissectum etiam brodiis incoquitur
solum vel cum aliis oleribus, eaque palato gratiora reddit: sed propter par-
tium tenuitatem diuturnam coctionem ferre nequit. Incidit, attenuat, aperit,
urinam movet, menses evocat, calculos pellit, viscerum obstructions reclu-
dit, cutaneis affectibus medetur, chronicis morbis opitulatur, grumos sangui-
nis ex casu vel ictu collectos egregie resolvit, tum interne tum externe adhibi-
tum. Succus ex herba recenti contusa exprimitur & levi ebullitione defæcatur:
vel herba in vase fictili inclusa furni calentis calori exponitur, deinde succus
cum expressione extrahitur. Ad ℥iij. quatuorve propinatur reiterando si opus
sit tertia vel quarta quaque hora. Decoquitur etiam in aqua, & decoctum ad
℥v. vel vj. hauritur. A nonnullis infunditur in vino. Ejus succum solum vel
cum nitro defæcato & syrupo de 5. radicibus aperientibus quarta quaque hora
assidue sumptum in qualibet hydropisi maxime proficuum expertus sum. Hy-
dropicorum enim urinas fere suppressas restituit, turbidas & fæculentas defæ-
cat, ardentes & igneas pallidiores reddit. Diureticum est blandum, nequa-
quam irritans, imo inflammationes compescens & sedans. Hoc si medicamen-
to non curetur hydrops, vix alio sanabitur modo. Idcirco illud specificum an-
tihydropicum censeo. Observandum est tamen Chærophyllyum sale nitroso do-
nari, cujus ope suos effectus exerit, & iisdem vitiis obnoxium esse quæ in ni-
tro deprehenduntur. Siquidem ex largo & diuturniori illius usu tussis excita-
tur; quapropter tussientibus non adeo convenit utrumque; nec cruenta ex-
spuentibus nisi cum cautione præscribenda sunt. In apozematibus aut jusculis
carnium cum aliis herbis, Cancris fluviatilibus, salibus aut aliis medicamen-
tis idoneis incoquitur, præsertim vere novo; humorum enim ferociam & im-
petum compescit. Dolæus succum Chærophylli aut ejus aquam distillatam ter-
que super novam plantam cohobatam sæpius epotam tamquam specificam con-
tra vertiginem commendat. Idem succus febres intermittentes sæpe profliga-
vit copioso sudore prolicito ad ℥vj. epotus paulo ante paroxysmum, & a non-
nullis in pleuritide ad sudorem excitandum præscribitur.

Extrinfecus in urinæ fuppreffione Simon Paulli ufum Chærophylli, Parietariæ & Petrofelini in butyro infulfo fimul frixorum & peftini calide applicatorum proponit. Ettmullerus ejus decoctum ad dolores internos poft partum fedandos, fi ex retentione fanguinis grumofi oriantur, plurimum valere afferit. Idem decoctum folum vel cum tantillo aquæ vitæ inflammationes & vitia cutis eryfipelatofa demulcet & mundat. Herba contufa hæmorrhoides cæcas fanat podici calide appofita.

℞. Chærophylli recenter collecti M. vj. carnis vitulinæ taleolatim fectæ ℥j. Stratum fuper ftratum difponantur in olla fictili, addendo falis Prunell. ℥j. Olla operculo accurate obturata bulliat in cacabo aqua repleto per horas quatuor vel quinque. Tunc fuccus exprimatur & ad ℥vj. propinetur quarta quaque hora in hydrope. Vel

℞. Succu Chærophylli defæcati ℥xij. Quo dilue Nitri puri ℥ß. Syr. de 5. rad. aper. ℥ij. Dividatur in quatuor dofes quarta quaque hora fumendas.

Aqua Chærophylli diffillata fervatur in Officinis.

C H A M Æ D R Y S.

CHAMÆDRYS, *Off.* Chamædryſ minor repens, *C. B. P.* 248. Chamædryſ repens minor, *Dod. Pempt.* 43. Chamædryſ vulgâris five 2. *Cluſ. Hiſt.* 351. Triſſago, Trixago, Quercula Calamandrina, *Germanor:* vulgo, *Germandrèe*, *petit Chene*, *Chenette*.

Radicibus mire repit fibroſis in ſylvoſis, caules hinc inde ſpargens ſupinos, quadrangulos, ramosos, dodrantaſes, lanuginofos, in quibus folia bina ex adverſo naſcuntur læte virentia, ſemiunciam longa, duas aut tres lineas lata, baſi anguſta, a media parte ad extremam uſque crenata & amara, aliquantiſper aromatica. In eorum aliſ flores naſcuntur monopetalii, labiati, purpuraſcentes, labio ſuperiori carentes, cujus loco ſtamina gerunt incurva cum piſtillo bicorni. Labium inferius præter cervicem in duas appendices acutas abeuntem trilobatum eſt. Calyx monotomos, cytiniſormis & quinquifidus quaterna ſemina ſubrotunda continet e piſtillo nata. Folia & flores in uſum veniunt. In ſylva Bononiënſi agri Pariſienſis ſponte naſcitur.

Analyſi chymica, ex hujus plantæ floridæ recentis ℔iiij. & ℥x. per retortam diffillatis prodierunt humoris limpidi, fere inodori, ſubacidi ℥xij. ℥j. humoris manifeſte acidi, ſub finem auſteri ℔ij. ℥v. ℥v. gr. xvij. humoris ruſi, empyreumatici, intenſe acidi, auſteri, ſubſalſi, deinde tum acidi, tum alcali & ſale volatili urinoſo imprægnati ℥vj. gr. xlvij. olei adipofi ℥ij. ℥j. gr. xxiiij. Maſſa nigra in retorta ſuperſtes pendebat ℥x. gr. xvij. quæ rite calcinata reliquit cinerum ℥ij. ℥j. gr. xxxvj. ex quibus lixivio, ſalis fixi mere alcali ℥iiij. gr. liij. ſunt extracta. Partium jaçtura in diffillatione fuit ℥iiij. ℥vij. gr. xxxvj. in calcinatione ℥vij. ℥vj. gr. liij.

Hujus plantæ folia amara ſunt & ſubaromatica. Chartæ cæruleæ colorem nullo modo mutant. Salem eſſentialem continere videntur ſali mirabili Glauberi ſimilem cum ammoniacali conjunctum & multo oleo aromatico involutum.

Hu-

Humores crassos & tenaces incidit, attenuat, laxiorem partium solidarum tonum firmat & roborat, urinam & sudorem potenter movet. Intus assumpta confert in viscerum obstructionibus, ictero, tumoribus lienis, mensium suppressione, febribus contumacibus, hydrope incipiente, scorbuto & arthritide. Matthiolus asserit eam in pestilentia juvare, lumbricos necare, & capitis affectibus frigidis mederi. J. Raius scribit hanc plantam in agro Cantabrigiensi Theriacam Anglicam nuncupari, procul dubio quia alexipharmaca censetur.

Vesalius in *Epistola de China*, narrat decoctum Chamædryos fuisse commendatum a Medicis Genuensibus Carolo quinto Imperatori pro perpetuo podagræ auxilio, facto decocto sive ex vino, sive ex aqua stillatitia. Experiatur qui volet, inquit C. Hoffmann. eam tamen utiliter decoctis aperientibus utiliter admisceri annuit, & J. Raius refert in Anglia apud mulierculas idem decoctum creberrimi esse usus in mensium suppressione. Idem profert quemdam celebrem ob scrophularum curationem exhibuisse decoctionem Chamædryos in vini albi ℥ij. ad ℥j. consumptionem, & sumebat æger cochlearia vj. mane & vesperi per mensem. Ejus summitates infusæ in modum Theæ ad P. j. aut ij. usurpantur in morbis chronicis & viscerum obstructionibus. Ejus pulvis ad ℥j. exhibetur, & celebratur apud Ægyptios adversus febres intermittentes, referente Alpino *De Med. Ægypt. fol.* 146. 147. Multi rustici curant febres quartanas ejus pulvere sumpto in jussulis per aliquot dies. Adversus febres contumaces D. Chomel infusum Chamædryos & Centaurii minoris in vino commendat.

Ejusdem plantæ extractum in Officinis conficitur ad eosdem affectus utile. Exhibetur ad ℥j.

℞. Chamædryos & Centaurii minor. pulverator. ana ℥ss. Infunde per noctem in vini generosi cyatho uno. Hauriat æger ante paroxysmum in febribus intermittentibus.

Usurpatur in Theriaca *Andromachi*, hiera Diacolocynthidos, syrup. de Artemisia *Rhasis*, syrup. Chamædryos *Bauderon*. syrupo Hydragogo & aperiente cachectico *Pharm. Regiæ*, Pulvere arthritico *Comitis Mirandolani*, Oleo Scorpionum composito *Matthioli*, Ung. Martiato, Unguento mundificativo de Apio.

C H A M Æ M E L U M.

TRes Chamæmeli species in usum medicum veniunt, scilicet Chamæmelum vulgare, Chamæmelum odoratum & Chamæmelum foetidum.

CHAMÆMELUM vulgare, Chamomilla, *Off.* Chamæmelum vulgare, Leucanthemum Dioscor. *C. B. P.* 135. *Inst R. H.* 94. Chamæmelum vulgare, amarum *J. B.* 3. 116. Chamæmelum vulgare *Dodon Pempt* 257. Anthemis *Matthiol. Cord*: Chamæmelum Parthenii 3. species, *Brunsfelsii*: vulgo, *Camomille*.

Radicibus est tenuibus, fibrosis, cauliculis tenuibus in alas multas divis, dodrantalibus aut altioribus: foliis tenuissimis & dissectis, numerosis. Flores in summis caulibus & ramulis singulares pediculis prælongis insident radiati, quorum discus ex plurimis flosculis aureis, corona vero ex semiflosculis candidis componitur embryonibus insidentibus, & calyce squammo-

fo comprehensis. Embryones autem abeunt in semina tenuia, oblonga, pap-
po destituta & thalamo infixæ. Tota planta odorem spirat medicatum non
adeo ingratum. In agro Parisiensi sponte nascitur.

CHAMÆMELUM odoratum, Chamæmelum Romanum, Chamæmelum no-
bile, Chamomilla Romana odorata, *Off.* Chamæmelum nobile five Leucan-
themum odoratius *C. B. P.* 135. *Inst. R. H.* 494. Chamæmelum odoratissi-
mum repens, flore simplici *J. B.* 3. 118. Chamænelum odoratum *Dodon.*
Pempt. 260. vulgo, *Camomille Romaine*.

Ex radice fibrosa caules profert multos non erectos sed procumbentes &
quasi per terram repentes, folia ut Chamæmeli vulgaris sed majora & vi-
rentiora, flores quoque similes. Referunt folia & flores pergratum ac jucun-
dum cum gravitate quadam odorem, aromaticum. In hortis colitur.

Est & hujus generis quoddam, semiflosculos candidos medium floris am-
bientes densissime multiplicans, luteis flosculis in angustum orbem coactis,
quod odore & forma præcedenti per omnia simile alias est. Dicitur Chamæ-
melum nobile flore multiplici, *C. B. P.* 135. & *Inst. R. H.* 494.

CHAMÆMELUM foetidum, Cotula foetida, *Off.* Chamæmelum foetidum,
C. B. P. 135. *Inst. R. H.* 494. Chamæmelum foetidum five Cotula foetida,
J. B. 3. 120. Cotula alba, *Dodon. Pempt.* 258. Buphtalmum minus, *Cordi:*
Parthenium, *Fuchsi:* vulgo, *Camomille puante*, ou *Maroute*.

Ex fibrosis radicibus caules promittit rotundos, virentes, fragiles & succu-
lentos, in alas multas divisos: crassiores & altiores quam Chamæmeli vulgaris,
folia similiter ampliora in virore nigricantia, flores forma & colore similes.
Foetet herba tota gravemque spirat odorem. Nascitur sponte in agro Parisiensi.

Analyfi chymica, Chamæmelum vulgare præter phlegma acidum copio-
sum, non mediocrem olei tum tenuis seu essentialis, tum crassi, sicut &
spiritus urinosi quantitatem, & aliquantulum salis volatilis urinosi concreti
suppeditat. Præterea succo suo chartæ cæruleæ rubrum colorem conciliat,
& aromaticum est amarumque. Salem igitur essentialem continet ammonia-
calem acido saturatum & sulphure copioso tum tenui, tum crasso involu-
tum. Chamæmelum odoratum multo plus olei essentialis possidet. Foetidum
vero Chamæmelum odorem quasi bituminosum spargit. Chartam cæruleam
rubro colore leviter admodum tingit, ac proinde sale gaudet essentiali am-
moniacali cum multo oleo crasso ac foetido implicito.

Utriusque Chamæmeli, scilicet vulgaris & odorati, floridæ summitates &
folia usurpantur. Digerunt, laxant, molliunt, flatum discutiunt, dolores mi-
tigant, & nervosis partibus utilissima deprehenduntur. Romanum potentius
calefacit & attenuat, digerit & rarefacit, remissius vero emollit & dolo-
res mitigat quam vulgare. Utriusque usus est insignis in dolore colico fla-
tulentum, in cruciatibus spasmodicis & convulsionibus, cardialgia, adversus
calculum, ad febres intermittentes profligandas. Interne & externe usur-
pantur. Florum pulvis exhibetur ad ℥ss. vel ℥j. succus expressus & defæca-
tus ad ℥ij. iij. iiijve: infusum vel decoctum ex aqua aut vino ad ℥vj. Ett-
mullerus *in Praxi*, p. 1. c. 9. Chamæmelum præ aliis omnibus antispasmodicis

commendat, adeo ut in nephritide, doloribus gravidarum, torminibus puerperarum post partum, aliisque cruciatibus mirabile sit remedium. A Simone Pauli in pleuritide ejus aqua distillata plurimum laudatur ad dolorem discutiendum, intus sumpta, & decoctum calidum in vesica fuilla supra latus dolens applicatur. Ad cardialgiam a Foresto & Ettmullero ejus decoctum aut tinctura ex floribus cum spiritu Chamomillæ fermentatæ, vel cum spiritu quocumque carminativo extracta, veluti specificum valde prædicatur.

Nonnulli adversus calculum ejus decoctum propinant: Simon Pauli plurimos nephritide laborantes insigne levamen ex infuso florum Chamæmeli in vino Rhenano percepisse testatur, si præsertim in balneo Avenæ & Artemisiæ sederent. Illud autem infusum sic præparari jubet.

℞. Flor. Chamæmeli vulgaris M. ij. Quibus affunde vini Rhenani, vel vini albi generosi ℥ij. Digerantur in cineribus calidis per duas horas. Infusum cum forti expressione coletur, & duobus aliorum florum Chamæmeli manipulis affundatur. Digerantur iterum super cineres calidos per totidem horas: fiat fortis expressio novis adhuc floribus affundenda & pro tertia vice maceranda eodem modo: tandem bulliant leviter & hoc decoctum ultimo coletur. Hujus decocti duo vel tria cochlearia sumat æger cum haustulo vini calido permista. Sic non tantum mitescebant gravissima nephritica symptomata, sed etiam calculi nonnumquam ejiciebantur.

Hoc infusum adeo falsum gustu deprehenditur, inquit S. Pauli, ut si quis degustaret inscius, pugillos aliquot salis culinarii in eo esse liquefactos asseveraret.

A veteribus & neotericis vis febrifuga Chamæmeli valde prædicatur. Richard. Morton refert, febres intermittentes rebelles & Cortici Peruviano haud cedentes pulvere florum Chamæmeli ad ℥j. vel solo exhibito, vel cum sale Absynthio & Diaphoretico minerali permisto feliciter curatas fuisse. J. Raius succi Chamæmeli cochlearia duo vel tria cum guttulis aliquot spiritus Vitrioli in jusculo exhibita in febre quacumque intermittente paulo ante accessum instantem paroxysmum sæpe avertere & febrem ipsam sanare scribit. Ejusdem decoctum vel aquam distillatam ad ℥vj. propinatam idem præstare Riverius asserit. Hujus plantæ infusum vel decoctum, annotante Raio, ad scrophulas felici cum successu propinantur. Forestus decocto florum Chamæmeli & lacte bubulo se senem dysuria laborantem curasse testatur.

℞. Decocti Chamæmeli ℥vj. Syrup. Menth. ℥j. Sp. carminativ. Sylv. ℥℥. M. F. julapium in colica flatulenta propinandum.

℞. Flor. Chamæmel. subtilissim. pulverator. ℥j. Diaphor. miner. & sal. Absynth. ana ℥℥. M. F. pulvis sumendus in haustu vini aut alio liquore idoneo, vel in formam boli cum syrup. Caryophyllor. hortens. q. s. redactus, sexta quaque hora per biduum vel triduum reiterandus.

Externe hæc planta in fomentis & cataplasmatibus emollientibus, resolventibus ac demulcentibus, vel sola vel cum Melitoto consociata usurpatur. In clysteribus ad intestinorum dolores sedandos, quacumque ex causa procedant, magnopere conducit. Ad duritiem mammarum ex lactis coagulatione, ejus decocto pars affecta lavetur bis die & superponatur cataplasma ex

summitatibus Chamæmeli, foliis Enulæ, Marrubii & semine Lini contusis & axungia permistis ad emplastri consistentiam.

Oleum Chamæmelinum duplex in Officinis deprehenditur, scilicet vulgatissimum quod per infusionem, alterum elegantissimum quod per vesicam arte chymica paratur, coloris cærulei elegantia & amœnitate ipsi saphyro non cedens. Primum tumores duros emollit & dissipat, dolores sedat, lassitudinem spontaneam tollit. Idem quoque clysteribus admiscetur, ut omnis generis dolores infimi ventris in utroque sexu leniat & compescat.

Posterius oleum arte chymica ex Chamæmeli Romani floribus calidioribus præsertim in regionibus collectis elicatum & eorum dotibus instructum, illis qui decoctum florum Chamæmeli fastidiunt, cum tantillo Sacchari in conveniente vehiculo contra colicos dolores & calculum propinatur ad guttas aliquot.

Observandum est cum S. Pauli hoc oleum essentiale Chamæmeli florum infuso vel decocto dotibus præstantius non esse, ut quidam volunt. Imo experientia compertum habuit quemdam nephriticum post usum olei essentialis Chamæmeli frustra tentatum tandem ejusdem plantæ infuso superscripto sanatum fuisse. Idem auctor observat insuper post C. Hoffmannum olea essentialia stillatitia ventriculo esse infesta. Reipsa hæc olea usu diuturno & intempestivo ardorem accendunt in ventriculo & in renibus, hepatis obstructions pariunt, sanguinem inflammant, in quibusdam sitim perpetuam excitant, in aliis cachexiam biliosam, in aliis calidum hydropem inducunt. Quapropter nonnisi maxima cautione eorum ulus præscribendus est, & calidis naturis atque biliosis interdicens.

℞. Radic. Althææ, Calami aromatici ana ℥ij. folior. Malv. Calamenth. Puleg. summitatum Aneth. flor. Chamæmel. & Melilot. ana M. j. Fiat decoctum in aq. commun. q. s. ad ℔ij. addendo sub finem vini albi ℔j. Colatura foveatur abdomen tepide cum linteis crassioribus quadruplicatis, vel pannis laneis, aliquando cum spongiis dicto liquore imbutis & mutatis quoties refrixerint, vel etiam vesicis bubulis aut suillis dicto liquore semiplenis, in colicis doloribus præsertim flatulentis.

℞. Rad. Alth. & Brion. ana ℥ij. Bulbos Lilior. contusor. n. iiij. Radices mundentur & concidantur. Bulliant deinde in s. q. aq. donec insigniter mollescant. Deinde adde folior. Malvæ utriusque, Violar. Acanthi, Mercurialis ana M. j. Caricar. ping. paria vj. Coqu. omnia ad putrilaginem, deinde fetaceo trajiciantur. Trajectis adde flor. Chamæmeli & radices Ireos Florentin. pulverat. ana ℥ß. Olei Lilior. ℥ij. F. cataplasma emolliens.

℞. Quatuor farinar. resolvent. ℔ij. Coquantur in lixivio leni sarmentor. Tum remoto lixivio adde pulver. flor. Chamæmel. Meliloti, Sambuci & radic. Ireos Florentin. pulver. ana ℥ß. cum olei Chamæmelin. s. q. Fiat cataplasma resolvens.

℞. Olei Chamæmelini ℥ij. Ung. de Althæa ℥j. Fiat linimentum in pleuritide quo latus dolens illiniatur.

℞. Folior. Malv. Althææ, Violar. Flor. Chamæmeli, Melilot. Origan. ana M. j. Semin. Fœnicul. P. ij. Fiat decoct. in cuius ℔j. dissolve Diaph. vel

Bened. laxativ. ℥j. Mellis anthosat. ℥jβ. Fiat clyster. ad flatum discutien-
dos in colicis doloribus. Addi potest Therebenth. vitello ovi dissolut. ℥β.
Olei Chamamel. ℥ij. in dolore nephritico.

Chamamelum usurpatur in Ung. Martiato, Empl. de Meliloto, Emplastro
pro utero *Nicolai*, de ranis, *J. de Vigo*.

Chamameli foetidi decoctum, auctore Trago, in passionibus hysteris, infes-
su, fomentis & odoratu saluberrimum est. Adeo acris est hæc herba, inquit Mat-
thiolus, ut cutem exulceret alligata. Quo fit ut qui in campis alvum exonerant,
ac deinde hac herba sedem abstergant, paulo post intolerabili vexentur ardore.

C H A M Æ P I T Y S.

CHAMÆPITYS seu Iva duplex in Officinis, scilicet Chamæpitys lutea vulga-
ris, seu Iva arthritica, & Chamæpitys moschata seu Iva moschata.

CHAMÆPITYS lutea vulgaris, Iva arthritica, Arthetica, *Off.* Chamæpitys
lutea vulgaris sive folio trifido, *C. B. P.* 249. *Inst. R. H.* 208. Chamæpitys vul-
garis odorata, flore luteo, *J. B.* 3. 295. Ajuga sive Chamæpitys mas Diosco-
ridis, *Lobel. Icon.* 382. Peristerona crateræ, *Anguillar: vulgo, Ivette*.

Planta est vulgatissima in agro Parisiensi sponte nascens, radice exili, fi-
brata, alba: caulibus supinis & humifusis, villosis, in orbem sparsis & do-
drantalibus, in quibus folia ad nodos bina oriuntur unciam superantia, tri-
fariam laciniata, acuta, ex luteo virentia & villosa. Flores in alis adsunt
monopetali, unilabiati, lutei, labio inferiori in tres partes diviso quorum
media bifida est, labii superioris locum occupantibus aliquot denticulis,
cum staminibus dilute purpurascens. Calyx cytiniformis, quinquifidus,
villosus, quaterna semina includit triquetra, fusca, e pistillo nata. Herba
tota usitata est, odore resinam piceam aut larignam refert.

Analyti chimica, ex totius plantæ floridæ lbv. per retortam distillatis pro-
dierunt humoris limpidi, odoris & saporis aromatici, subacidi ℥xj. gr. xxxvj.
humoris primo limpidi, deinde rufescentis ac tandem rufi & sub finem empy-
reumatici, manifeste acidi & austeri lbij. ℥j. ℥vij. gr. xxxvj. humoris rufi sa-
le volatili urinoso imprægnati ℥ij. ℥ij. gr. lx. olei crassi adiposi ℥j. ℥vij. gr. xij.
Massa nigra in retorta residua pendebat ℥x. ℥v. gr. xij. quæ calcinata reliquit
cinerum ℥v. ℥vij. ex quibus lixivio salis fixi salis ℥j. extracta fuit. Partium ja-
ctura in distillatione fuit ℥iiij. gr. lx. in calcinatione ℥iiij. ℥vj. gr. xij.

Amara est & aromatica hæc planta, & succo suo chartam ceruleam ru-
bro colore inficit. Sale essentiali tartareo aliquantisper aluminoso multo
oleo & terra implicito instructa videtur.

CHAMÆPITYS moschata, seu Iva moschata, *Off.* Chamæpitys moscha-
ta, foliis serratis, an prima Dioscoridis, *C. B. P.* 249. *Inst. R. H.* 208.
Chamæpitys sive Iva moschata Monspeliensium, *J. B.* 3. 296. Chamæpitys
spuria prior, sive Anthyllis altera, *Dod. Pempt.* 47. Chamæpitys altera &
major, *Cæsalp.* 456. Anthyllis Chamæpitydes minor, *Lobel. Icon.* 384. An-
thyllis altera, *Clus. Hist.* 166. vulgo, *Ivette musquée*.

Humi serpit instar prioris Chamæpityos quam tenuibus sed tamen durioribus cauliculis & foliis satis refert: flos similis sed colore purpureus. Semina in singulis calycibus quaterna, nigra, crispa, sublonga, vermiculi instar aliquantulum incurva in utriculis lanuginosis. Tota hæc herba admodum hirsuta est, sapore amaricante, odore gravi, resinoso, prædita, haudquaquam grato, ad moschum nonnumquam accedente præsertim diebus æstivis & calidis in regionibus, ut observat D. Garidel in *Historia Plantarum agri Aquiseptiensis*. Circa Monspelim in Occitania & Gallo-provincia sponte crecit.

Iisdem fere principiis donatur ac prior, sed paulo plus olei essentialis continet. Utraque in Officinis fere indiscriminatum usurpantur, cum iisdem virtutibus præditæ censeantur. Inter plantas aperientes, vulnerarias, cephalicas, hystericas & nervinas numerantur. Foliorum & florum infusum, decoctum & pulvis intus sumuntur. In catharralibus affectionibus, doloribus rheumaticis, ischiadicis, artuum tremore & paralyfi earum pulvis ad ℥j. solus vel cum pulvere Chamædryos in vino rubro, vel earum decoctum in sero lactis, si vinum minus conveniat, quotidie mane propinatur. A nonnullis in asthma convulsivo, ab aliis in mictu cruento laudantur. A quibusdam earundem decoctum ex lacte vaccino in vesicæ exulceratione commendatur ter die sumptum. A S. Pauli adversus paralyfin valde prædicantur pilulæ a Matthiolo præscriptæ in *Commentar. Dioscorid. cap. ultimo Lib. 3.* quarum hæc est descriptio.

℞. Chamæpityos, Betonic. Stæchad. flor. Rorismarini ana ℥j. Turpeth. ℥jss. Agaric. ℥ij. Colocynthid. ℥ss. Zingiber. Sal. gemm. ana gr. x. Rhabarbar. ℥jss. Spicæ indic. gr. vij. pulv. Hieræ simpl. ℥ss. Diacr. ℥j. Omnia in mortario Chamæpityos succo excipiantur & in massam redigantur, e qua catapotia formantur ex qualibet drachma novem. Ex quibus si quotidie tria sumantur a paralyticis, cum se cubitum recipiunt, præsentaneum fere sentient auxilium.

Insuper Chamæpityos in ischiadicis & arthriticis affectionibus præcipuæ est æstimationis cum Chamædry instar Theæ pota vel in pulverem redacta: Quamquam ex his podagrici nonnisi parum solatii sibi promittere possint, observante Ettmullero.

℞. Chamædryos & Chamæpityos ana M. j. summ. Centaur. minor. M. ss. Coquantur in aq. ℔iij. ad ℔ij. Propinetur ad ℥iiij. calide quater die in arthriticis & ischiadicis doloribus.

℞. Chamæpityos M. ij. flor. Salviæ & flor. Betonic. ana ℥j. Rad. Pæoniæ mar. ℥j. Coqu. in aq. comm. ℔iij. ad ℔ij. Colatura dilue syrup. de Stæchad. ℥ij. Sumantur ℥vj. ter vel quater die in artuum tremore & paralyfi.

Hepatis & lienis obstructions referare dicitur & ictero mederi, menses suppressos revocare, fetum mortuum & secundinas pellere, & adeo potenter, ut usus ejus in utero gestantibus omnino interdicator, ne abortum faciat.

Ejusdem extractum in Officinis paratum servatur ad eisdem usus. Ad ℥j. exhiberi potest.

Externe abstersione vulnerum & ulcerum solidationem promovent utraque & tumores discutunt.

Chamæpityos lutea usurpatur in Theriaca *Andromachi*, syrupo de Artemisia,

Pulvere arthritico *Comitis Mirandulani*, Pilulis de Iva arthritica *Nicolai Salernitani*, & Ung. Martiato.

C H E L I D O N I U M.

CHELIDONIUM duplex in Officinis habetur, majus & minus.

CHELIDONIUM majus, *Chelidonia major*, *Hirundinaria major*, *Offic.* *Chelidonium majus vulgare*, *C. B. P.* 144. *Inst.* *R. H.* 231. *Chelidonia*, *J. B.* 3. 482. *Chelidonium majus*, *Dodon. Pempt.* 48. *Papaver corniculatum luteum Chelidonia dictum*, *Raii Syn. Histor.* 857. vulgo, *Eclairre*, *Chelidoine*, *Felougne*.

Radicibus est fibrosis, multo capillitio stipatis, ex uno capite pendentibus, miniati coloris, succo croceo intensiori, acri, turgentibus: folia inferiora ampla sunt, spithamam longa, lobata, superne pulchre virentia, subtus glauca & villis nonnullis aspersa: lobi subrotundi sunt, auriti, ex adverso quandoque positi, venosi, venis amplis & incisuris distincti, majoresque sunt quo magis a pediculo recedunt. Caules cubitales sunt & ampliōres, nodosi, fragiles, fistulosi, ramosi, foliis alternatim donati, quæ in inferioribus sæpe ampliōra sunt; ex eorum alis in summo oriuntur pediculi palmo longiores qui flores velut in umbella sustinent cruciformes, e quatuor petalis aureis conflatos, calyce bifolio & facile decidente. Pistillus florum mutatur in siliquam sesquiunciam longam, teretem, gracilem, bivalvem quidem, sed monocapsularem, glabram, & quasi corrugatam, primum viridem, deinde rufescentem quæ semina effundit nigra, lucida, rotundiora, compressa, semilineam lata. Tota planta graveolens est, & quacumque parte læsa aut vulnerata crocei coloris succum acrem mordacemque ac nonnihil amaricantem fundit. Delectatur locis aquosis & umbrosis. In agro Parisiensi sponte nascitur. Folia & radix usitata sunt.

Analyfi chymica, ex *Chelidonii folior.* & stirpium lbv. per retortam distillatis prodierunt humoris limpidi, fere insipidi & inodori, subacris, obscure acidi lbj. ℥xj. ℥iij. gr. xvij. humoris limpidi, manifeste acidi & obscure austeri lbij. ℥xij. gr. xvij. humoris rufescentis, subsalsi, alcali, urinosi ℥j. ℥vij. gr. xxxvj. salis volatilis urinosi concreti ℥j. olei spissi ad instar extracti ℥iij. gr. xxxvj. Massa nigra in retorta residua pendebat ℥ij. ℥vij. gr. xvij. quæ rite calcinata reliquit cinerum ℥j. ℥ij. gr. xxxvj. ex quibus salis fixi mere alcali ℥vj. gr. xxvij. lixivio sunt extracta. Partium jactura in distillatione fuit ℥ij. gr. xvij. in calcinatione ℥j. ℥iij. gr. liij.

Tota planta & radix potissimum succo turget amaro, acri, deurente. Chartam cæruleam nonnisi leviter rubro colore tingit, & odore ova putida aliquantisper refert. Unde conjicere licet hunc succum ad lac sulphuris accedere; ac proinde salem essentialem continere ammoniacalem, vitriolicum, multo oleo bituminoso implicitum.

Chelidonium majus intus sumptum obstructions aperit, urinas & sudores movet, cachexiæ & hydropi medetur, febrifugum est & ictero præsertim dicatum. Radicis exsiccata pulvis ad ℥ss. vel ℥j. ejusdem recentis ℥j. infusum
in vini

in vini ℥ij. vel decoctum ex aqua ad ℥vj. epotum; succi crocei guttæ tres vel quatuor in vini haustu vel alio vehiculo idoneo præscribuntur.

Dicunt nonnulli ejus radicem fuisse specificum remedium Helmontii adversus hydropem ascitem.

Pro sudorifero quoque egregio cum aceto decocta in febribus malignis & pestilentialibus propinata habetur. Radix, inquit Tragus, quantum ejus manus capere potest, purgata, in sextario aceti rosacei decocta, ita ut deinceps percoletur, decoctoque adjiciatur Theriacæ ℥jss. cyathique vulgaris mensura exhibita a peste correptos liberabit, si in lectum se composuerint & sudaverint. Jul. Palmarius *Tra. Etatu de Morbis contag.* c. 18. p. 456. ejus succum his verbis commendat. Succus radiceis Chelidonii majoris ex vino albo, & aceti rosacei momento expressus nonnullis præsentaneum auxilium attulit, & virus sudore foras pepulit.

Garencieres *Tra. Etatu de Tabe Anglica*, Chelidonium majus multum celebrat in hactabe, illudque in omnibus pulmonum affectionibus utilissimum & convenientissimum prædicat. At eo in affectu Simon Paulli observat pulmones non nisi secundario affici, hepar vero primario & in eo viscere præcipuam latitare morbi causam ut apud auctorem in *Quadr. Botanico*, videre licet: ac proinde Chelidonium tunc tabidos juvasse non tam pulmones quam jecur ab infarctu liberando.

Emmanuel Konig in *suo Regno Vegetabili* monet, ne Chelidonium nimia dosi exhibeatur. Si enim radix ad ℥ij. infusa propinetur, eam horrenda inducere symptomata asserit. Lobelius raro intus sumendum esse putat. J. Raius in eadem est sententia: nec succum, cum acerrimus sit, ad oculorum affectus adhibendum esse existimat, nisi eis additis quæ acrimoniam ejus retundant, cujusmodi est lac muliebre.

℞. Folior. Chelidon. major. P. j. cremor. Tartari ℥j. Macerentur in seri lactis ℥vj. Colatura dilue syrup. de Cichor. comp. c. Rh. ℥j. Fiat potio mane jejuno ventriculo propinanda in ictero & in mensium suppressione.

℞. Rad. Chelidon. maj. minutim incis. q. v. Affunde vini albi vel Rhenan. ad supereminentiam trium vel quatuor digitor. Digerantur frigide in vase bene clauso per dies aliquot, sæpius agitando, donec tinctura extrahatur, quæ per chartam bibulam transcolata servetur usui. Dosis ℥iiij. vel ℥vj. mane & quarta pomeridiana in ictero.

℞. Radic. Chelidon. major. M. ij. Baccar. Juniperi. M. j. Contund. cum vini Rhenan. ℥j. Deinde exprimatur succus, cujus capiat æger ℥iiij. bis in die.

℞. Radic. Chelidon. major. Urtic. urentis, & Aristoloch. rotund. ana ℥iiij. Radic. Gentian. ℥jss. summ. Absynth. roman. & Scord. ana M. ss. semin. Aquileg. & Cannabis contusor. ana ℥jss. flor. Hyperic. Centaur. minor. ana P. j. Croci martis aper. nodulo inclus. ℥ss. salis Tartar. ℥j. Coquantur per semihoram in ℥iiij. aq. comm. ad medias. Colatura dividatur in 4. doses. Exhibeantur duæ quotidie, una sero circa octavam, altera circa sextam matutinam, addita cuilibet ℥ss. syrup. de Præssio albo. In ictero.

℞. Radic. Chelid. major. ℥j. Tinctur. Martis ℥ss. vini alb. ℥j. Digerantur per 24. horas. F. colatura cujus ℥iiij. pro singula dosi bis die sumantur.

Chelidonium majus externe adhibitum vulnera præsertim vetustiora & ulcera abster-

abstergit & mundat seu foliis contusis admotis, seu pulvere insperfo, seu succo instillato. Croceus ejus succus verrucis applicatus eas tollit. Idem præstat herba trita cum axungia. Cataplasma ex herbis contusis & bis die parti admotum herpetem miliarem efficaciter compescit & sanat.

In oculorum affectionibus Chelidonium plurimum celebratur. Succus ejus luteus ex rupto caule exstillans oculis instillatus a nonnullis commendatur ad oculorum ulcera detergenda & pro panniculis aut nubeculis removendis. Sed quia est admodum acris vel diluitur cum liquore quolibet idoneo, vel ejus aqua distillata usurpatur quæ longe mitior est. Fabricius Hildanus *Cent. Epistolar.* 59. testatur extractum Chelidonii non solum in externis nubeculis sed etiam incipiente suffusione proficuum esse, veluti sæpissime expertus. At non ultra magnitudinem capitis aciculæ singulis vicibus imponendum esse monet propter acredinem.

In Officinis prostat aqua distillata Chelidon. major. quæ a Rulando & Quercetano mirum habetur ophtalmicum, si in ea infusum fuerit antimonium crudum vel crocus metallorum. Herba aut radix recens contusa imponitur plantis pedum in tumoribus œdematosis ex febribus intermittentibus pertinacibus aut aliis morbis chronicis oriundis, quos dissipare valet.

Usurpatur in Orvietano *Frideric. Hoffmann.* Ung. mundificativo de Apio, Emplastro Diabotano, Aq. distillata usurpatur in aqua ophtalmica *D. Daquin Ph. Reg.*

CHELIDONIUM minus, Scrophularia minor, Ficaria, Hæmorrhoidum herba, *Off.* Ranunculus vernus, rotundifolius, minor, *Inst. R. H.* 286. Ranunculus præcox rotundifolius granulata radice, *Moriss. Histor.* 446. Ranunculus latifolius, *Lugd.* 1036. Chelidonia rotundifolia minor, *C. B. P.* 309. Scrophularia minor sive Chelidonium minus vulgo dictum *J. B.* 3. 468. Chelidonium minus, *Dodon. Pempt.* 49. Malacocissus minor, *Fuchs.* Favagello, *Cæsalp.* 546. Strumea, *Plin.* vulgo, *Petite Scrophulaire*, ou *petite Chelidoine*.

Radice est ex multis tenuibus & candicantibus composita fibris quibus adhærent aliquot tubercula, granis triticeis magnitudine similia, subrotunda vel oblonga, foris pallida, intus alba: cauliculis palmaribus, tenuibus, humi plurima parte procumbentibus: foliis subrotundis, lævibus, glabris, virentibus ac splendentibus, quam Hederæ minoribus. Summo cauliculorum fastigio insidet flos unus Ranunculi æmulus, rosaceus, ex octo scilicet aut novem petalis aureo fulgore micantibus, cum unguibus Chloris, in orbem positus, staminulis multis croceis medium occupantibus, & calyce triphylo compositus. Ex floris meditullio surgit pistillum, quod abit in fructum subrotundum, echinatum, e viridi luteum, cujus placentæ multa semina tenuia adhærescunt. Agri Parisiensis incola hæc planta in pratis, secus vias, in scrobium fossarumque marginibus crescit. Herba integra & potissimum radice tubercula usitata sunt.

Analyti chymica, ex foliorum Chelidon. minor. ℥v. per retortam distillatis, prodierunt humoris limpidi, inodori, at initio seminis Sinapi saporem fere & leviter referentis, sub finem saporis prorsus expertis, primo obscure acidi, deinde manifesti ℥iij. ℥vj. ℥j. gr. xxxvj. humoris limpidi, primo inodori, deinde empyreumatici, austeri ℥j. ℥j. ℥iij. gr. xlvij. humoris fusci, empyreumatici, sale volatili urinoso copioso imprægnati ℥j. salis volatilis urinosi con-

concreti ℥iiij. gr. xxx. olei spissi ad instar syrupi ℥vij. Massa nigra in retorta superstes pendebat ℥ij. ℥vij. gr. xxxvj. quæ calcinata reliquit cinerum ℥j. ℥ij. gr. xviii. ex cineribus lixivio ℥v. gr. ix. salis alcali fixi sunt extracta. Partium actura in distillatione fuit ℥ij. ℥vij. gr. lxxvj. in calcinatione ℥j. ℥v. gr. xviii.

Radicum recentium ℔v. per retortam distillatæ præbuerunt humoris limpidi, odore tenui sed acuto, sapore Sinapi fere referente, absque ullis acidi aut alcali signis ℔j. ℥viii. ℥iiij. humoris limpidi, odore simili, sapore vero debiliore, primum obscure acidi, deinde manifesti ℔ij. ℥x. ℥ij. gr. xxiiij. humoris fusci, empyreumatici, acidi, austeri, ac tandem obscure alcali urinosi ℥ij. ℥iiij. gr. xxxvj. olei spissi ad instar extracti ℥j. gr. liiij. Massa nigra in retorta residua pendebat ℥v. gr. xxx. quæ calcinata reliquit cinerum ℥j. ℥vj. gr. xxvij. ex quibus lixivio salis alcali fixi ℥iiij. gr. lxxij. fuerunt extracta. Partium jactura in distillatione fuit ℥iiij. ℥vj. in calcinatione ℥iiij. ℥ij. gr. iij.

Chelidonii minoris folia saporem herbaceum referunt: nec in eis ulla acrimonia manifesta gustu deprehenditur. Folia & radices spiritum quemdam acrem & sinapizantem obtinent qui in primis phlegmatis portionibus manifestum se præbet. Insuper salem essentialem continere videntur ammoniacalem, vitriolicum, magna olei & terræ copia implicitum. Folia plus salis ammoniaci seu volatilis urinosi, radices plus salis acidi vitriolici continent. Idcirco folia magis resolvunt quam radices.

Schroderus scribit radices hujus plantæ refrigerare & humectare: verumtamen distillatione spiritum acrem fundunt tum folia tum radices, ut per analysim manifestum est. Idcirco nonnulli hanc plantam calidam esse potiori jure pronuntiant.

Inter plantas antiscorbuticas temperatas non infimum locum obtinet. Vel folia recentia in acetariis comeduntur, vel infusa in vino, vel condita Saccharo præscribuntur, vel etiam succus expressus usurpatur.

Radices ad hæmorrhoides & strumas tam intus sumptæ quam externe admotæ commendantur. Hæmorrhoides earum succo cum vino aut ægrotantis urina permixto sæpius ablutæ contrahuntur, & dolore sopito resiccantur. Nonnulli hæmorrhoidas inungunt unguento ex radicibus recentibus cum butyro recente contusis parato. Sunt etiam qui existimant vel gestatam solummodo herbam prodesse adversus earumdem dolores posse. Neque exterius tantum extinguunt dolores, sed & interius consuetum illarum fluxum promovent, auctore G. Hoffmann.

Radices recentes contusæ & impositæ a Cæsalpino ad scrophulas curandas commendantur, vel etiam comedendæ a Sylvatico præscribuntur. Boyleus radices contusas in axungia porcina incoquit ad radicem siccitatem, his rejectis novas radices cum axungia expressa coquit iterum atque iterum, ut radicem succo axungia imprægnetur; sic præstantissimum obtinet unguentum adversus hæmorrhoides & strumas, quo partes affectæ mane & sero inungantur.

Tragus herbam ipsam contusam, ejus pulverem, succum, aut aquam distillatam mariscas aut ficos ani curare scribit imposito, colluto, aut inspersu.

Succus radicum per nares attractus caput per ipsas nares expurgat.

C I C E R.

CICERIS species plures in hortis coluntur quæ non differunt nisi fructuum vel etiam florum colore. Duæ in primis in usum veniunt tum medicum, tum culinarium, scilicet Cicer sativum seu arietinum, & Cicer rubrum, quæ nonnisi varietates ejusdem plantæ a nonnullis existimantur.

CICER sativum sive arietinum nigrum, rubrum, vel album, *Offic.* Cicer sativum flore candido *C. B. P.* 347. *Inst. R. H.* 389. Cicer arietinum *J. B.* 2. 291. *Dodon. Pempt.* 525.

CICER rubrum *Off.* Cicer floribus & seminibus ex purpura rubescentibus *C. B. P.* 347. vulgo *Pois chiches* ou *Pois becus*.

Radix tenuis, albida, nonnihil rufescens, fibrosa & capillacea, caulem promit erectum, patulum, hirsutum; folia conjugata ultimo impari claudente, subrotunda, ferrata, villosa. Flores papilionacei sunt in foliorum alis pediculis tenuibus insidentes, colore aut candidi aut ex purpura rubescentes. Calyx villosus, in sex partes acutas divisus. Pistillum abit in fructum tumidum, vesicam referentem, unciam pene longum & in filum tenue abeuntem, in quo semen adest unum vel alterum Piso majus, subrotundum, angulosum, unico angulo acuto præditum colore albido, aut subrubro, & fere capitis arietini forma. Semina seu Cicera rubra præ aliis seliguntur ad usum medicum: cetera inter legumina esculenta recensentur. Seruntur in arvis in plurimis Gallicæ meridionalis provinciis, ut & in Italia & Hispania.

Analyti chimica, Cicera præter phlegma acidum, salsum & subausterum, plurimum olei, nec mediocrem salis volatilis urinosi quantitatem præbent. Salem itaque essentialem ammoniacalem continent multo sulphure implicitum.

Legumen est flatuosum, copiosi nutrimenti, sed crassi, alvo movendæ habile, ciendæ urinæ idoneum. A quibusdam non tantum maturum sed etiam viride, non solum coctum, sed etiam crudum esitatur, ut Pisa & Fabæ. Sed difficile concoquitur in ventriculo, nec nisi rusticis, utpote valentioribus ac robustis convenit, non vero delicatioribus hominibus.

Veteres Medici illud inter potentiora lithontriptica numerabant. Eorum sane promissis delusi Empyrici nonnulli calculum frangere ejus decocto promittunt, sed sæpius malis ægri rebus. Sæpius enim Cl. Tournefortius compertum habuit decoctum Ciceris dolores atroces afferre, si revera in vesica vel renibus calculus adsit. Abstergit enim & urinas crassas, limosas ac turbidas educit, dum remanet letalis calculus mucagine sua denudatus. Ideo caute eo utendum est.

Apud nos ejus decoctum solum usurpatur in urinæ suppressione a muco copioso vel tenaci vias urinarias fere occludente. Monent autem practici ne usurpetur frequentius ab illis, in quibus illæ partes exulceratæ sunt. Idem decoctum ad vermes enecandos & ejiciendos a nonnullis prædicatur, menses etiam promovet & lochias.

℞. Cicerum rubror. ℥j. Carnis vitulinæ ℔ss. Coq. in q. s. aq. comm. Fiat jusculum

sculum in urinæ suppressione, vel ad mucum & arenulas ex vesica vel renibus expellenda.

℞. Semin. Cicer. rubr. ℥℥. Stipitum Fabarum crematar. M. j. Rad. Gramin. Petrosel. ana ℥ij. Coq. in aq. comm. ℔iiij. ad medias. P. decoctum diureticum, cui adde syrup. de Ibisco Fernel. ℥j℥.

Externe Cicer rubrum vi pollet resolvendi, attenuandi, emolliendi & abstergendi. Ejus farina in cataplasmate pforas & lichenes detergit, tumores mammarum ac testium discutit.

Usurpatur in syrupo de Althæa *Fernelii*.

C I C H O R I U M.

CICHORIUM sylvestre, Cichorium erraticum, Cichorea sylvestris, *Off.* Cichorium sylvestre sive officinar. *C. B. P.* 125. *Inst. R. H.* 479. Cichorium sylvestre, Picris *Dodon. Pempt.* 635. Cichorium sylvestre *J. B.* 2. 1007. Seris Picris Dioscoridis, Amarugo Theophrasti, Hippochæris *Dalec. Lugd.* 563. Hieracium latifolium *Gerard.* Cichorium Intybus erratica *Tabern. Icon.* 170. vulgo, *Chicoree sauvage*.

Radix pedem longa, pollicem crassa, obliqua & fibrosa, succo lactescente prægnans, caulem profert firmum, hirsutum, tortuosum, sesquicubitalem, ramosum, cum foliis Dentis leonis foliis similibus sed majoribus, villis hirsutis & obscure virentibus. Flores in foliorum supremorum alis nascuntur semiflosculosi, plurimis scilicet semiflosculis cæruleis constantes, embryoni infidentibus & calyce comprehensis, qui deinde contrahitur & in capsulam abit seminibus fetam angulatis, brevibus, pappo carentibus. Diffluit ex caule, foliis aut radice vulneratis albicans & amarus succus. Amari vero saporis folia & radices sunt. Non modo hic in hortis seritur, sed etiam secus vias & in locis incultis nascitur, ac potissimum folia habens profundioribus incisuris laciniata, quod & reliquis amarius est. In usum veniunt radices, folia, flores & semina.

Analyti chymica, ex foliorum tenerorum recentium ℔v. per B. V. distillatis prodierunt humoris limpidi, saporis & odoris herbacei, obscure acidi ℔ij. ℥xij. humoris limpidi, manifeste acidi, ℔j. ℥vij. ℥ij. Massa sicca in alambice residua pendebat ℥x. ℥vij. quæ per retortam distillata præbuit humoris rufescentis, empyreumatici primo acidi austeri, deinde sale volatili urinoso copioso imprægnati ℥ij. ℥v. gr. xxxvj. salis volatilis urinosi concreti ℥j. gr. xl. olei adiposi ℥j. ℥iiij. gr. vj. Massa nigra in retorta superstes pendebat ℥iiij. quæ calcinata per vij. horas reliquit cinerum nigricantium ℥j. ℥vij. gr. xlvij. ex quibus salis fixi mere alcali ℥vj. gr. lx. lixivio sunt extracta. Partium jactura in 1.^a distillatione fuit ℥vij. in 2.^a distillatione ℥ij. ℥iiij. gr. lxiij. in calcinatione ℥j. gr. xxiiij.

Radicum tenerarum recentium ℔v. per B. V. distillatæ præbuerunt humoris limpidi, odoris & saporis herbacei, obscure acidi ℔ij. ℥xij. humoris manifeste acidi ℔j. ℥iiij. ℥v. Massa sicca in alambice superstes pendebat ℥xij. ℥vj. ex qua per retortam distillata prodierunt humoris rufescentis, empyreumatici,

matici, acidi, austeri & sub finem alcali urinofi ℥iiij. ℥vj. gr. lxiiij. olei adiposi ℥vj. gr. lxvj. Massa nigra in retorta residua pendebat ℥iiij. ℥ij. quæ per decem horas calcinata reliquit cinerum fuscorum ℥j. ℥ij. ex quibus salis fixi mere alcali ℥vj. lixivio fuerunt extractæ. Partium jactura in 1.^a distillatione fuit, ℥j. ℥v. in 2.^a ℥iiij. ℥vj. gr. xiiij. in calcinatione ℥iiij.

Planta & radix moderate amara sunt cum aliqua stypticitate, flores minus amari sunt, & saporem glutinosum referunt. Radicum & foliorum succus chartam cæruleam colore rubro vix tingit. Folia salem essentialem continere videntur falsum, vitriolico-ammoniacaalem, multo sulphure involutum. Radices minus salis volatilis urinofi continent, ac proinde majore stypticitate donantur.

Frequentior est Cichorii sylvestris usus in pharmacopoliis quam in culinis. Crudum & viride in acetariis a nonnullis comeditur. Alii vero ob insignem amaritudinem ab ejus usu abhorrent. At olitorum cura ac diligentia, maxima ex parte amaritudinem deponit, eximium candorem & suavem teneritudinem adipiscitur, quo fit ut ab omnibus fere in acetariis cum oleo, sale & aceto, aut cum saccharo & succo Citriorum vel Aurantiorum sumatur. At vero Cichorium sylvestre toto suo amarore atque virore stipatum tamquam polychrestum tum alimenti, tum medicamenti loco variis in morbis laudatur, præcipue ubi resolvendum, abstergendum & temperandum est. Humores crassos attenuat, glutinosos resolvit, spissos fluidiores efficit, solidas partes aliquantisper constringit & roborat, secretiones omnes promovet, elegantioresque faciei colorem reddit, calidam viscerum intemperiem temperat, oriundam nempe ab obstructionibus & ab acrium humorum stagnatione. Hinc in incipientibus hepatis, & viscerum obstructionibus, in ictero, cachexia, melancholicis affectionibus, faucium, pectoris, vel aliarum partium inflammationibus feliciter adhibetur, five foliis recentibus crudis aut coctis comestis, five succo ad ℥iiij. quatuorve, five aqua stillatitia aut decocto ad ℥vj. hausto, five foliorum exsiccatum pulvere ad ℥j. assumpto. Solum etiam, vel cum aliis plantis idoneis consociatum, five folia, five radices, five tota planta in apozematis & jusculis alterantibus & aperientibus incoquitur. Nec pauci sunt qui pro potu solito utuntur levi decocto vel infuso foliorum Cichorii in calida viscerum intemperie & in affectionibus melancholicis & cachecticis. Blando enim suo amarore laxiores ventriculi fibras firmat, appetitum excitat, ciborum concoctionem juvat, vias urinarias expurgat, sæpe etiam diaphoresim aut expectorationem promovet. Commendatur etiam in febribus. Novi qui solo usu foliorum Cichorii sylvestris assidue in acetariis comestorum diuturnas & contumaces febres intermittentes profligarunt, plurimis febrifugis antea frustra tentatis. Usus radices Cichorii sylvestris in febre hectica insigniter laudat Crato ab experientia edoctus. In febribus inflammatoriis & malignis succus defæcatus inter juscula, tertia vel quarta quaque hora, propinatur ad ℥iiij. solus, vel cum succis Borraginis, Chærophylli, & cum syrupo Violarum aut alio conveniente consociatus. Idem succus in hepatis, lienis vel viscerum obstructionibus cum tinctura Martis vel cum sale quocumque digestivo utiliter quoque præscribitur.

Ex Spi-

Ex Spigelio & Simone Pauli ejus folia vere novo collecta exsiccata, in pulverem redacta & bis die ad ℥j. assumpta mane & sero, podagram præsertim biliosam levant. A Joanne Rhodio adversus melancholiam hypochondriacam juscula Cichoracea plurimum laudantur.

Ex Cichorio sylvestri præparantur in Officinis aqua & extractum. Aqua ex floribus cæruleis distillata inflammationibus & caligini oculorum medetur; cardiaca etiam censetur.

Extractum ad omnia usurpatur quibus Cichorium convenit, solum vel cum aliis extractis amaris & aperientibus, necnon martialibus conjunctum, in electuariis aperientibus, ad ℥ss. aut ℥j.

℞. Succī defæcati Cichor. sylvestr. ℥iiij. Tinctur. Martis ℥ss. Syrup. de quinque radic. aper. ℥ss. F. potio bis terve die reiteranda in cachexia & viscerum obstructionibus.

℞. Extracti Cichor. sylvestr. ℥ij. Extractor. Gentianæ, Centaur. minor. Fumar. Nasturt. Corticis Peruviani & Rhabarbar. Croci Martis aper. & cremor. Tartar. ana ℥j. Salis Martis River. ℥j. Syrup. de Absinth. q. s. M. F. Electuarium. Dosis ℥j. bis terve die. In cachecticis & melancholicis affectionibus, mensium suppressione, & viscerum infarctu.

Folia nomen dederunt syrupo de Cichor. simpl. *Codic. Parisiensis*, & syrupo de Cichor. composito cum Rheo *Ph. Regiæ*.

Semina inter quatuor semina frigida minora numerantur, scilicet Cichorii, Intybi, Lactucæ, Portulacæ.

C I C U T A.

CICUTA, *Off.* Cicuta major *C. B. P.* 160. & *Inst. R. H.* 306. Cicuta *Dod. Pempt.* 461. & *J. B.* 3. 2. 175. Cicutaria vulgaris *Clus. Hist.* 200. *Tragi* 474. vulgo, *Cigue*.

Radice est pedali, digitum crassa, multifida, priusquam caulem ferat, foliida, cortice tenui flavescente, carne alba, fungosa, odoris gravis, saporis subdulcis, quando caulem facit interius cava: caule fistuloso, striato, tres cubitos alto, inani, lævi, dilute virenti, nonnullis tamen subrubentibus veluti serpentum maculis resperso: foliis alatis multifariam partitis, glabris, atrovirentibus, graveolentibus, ad Apium hortense accedentibus. Flores umbellatim congesti fastigia occupant, rosacei, quinque scilicet petalis constantes candidis, cordiformibus, inæqualibus, in orbem positis & calyci insidentibus, qui abit in fructum fere globosum, ex duobus seminibus compositum exiguis, hinc gibbis & striatis, inde vero planis, pallide virentibus. Ingratum, gravem virosumque tota planta odorem spirat. Agri Parisiensis incola in umbrosis vulgo nascitur.

Analyſi chymica, ex foliorum & caulium tenerorum ℔v. per retortam distillatis prodierunt humoris primo albicantis & turbidi, deinde limpidi, odore & sapore Cicutam referentis, aliquantisper acris, obscure subsalsi, obscure acidi ℔j. ℥viiij. ℥iiij. gr. xlviij. humoris limpidi, ejusdem odoris & saporis acidi & obscure austeri ℔ij. ℥xv. ℥ij. gr. xxj. humoris rufescentis, sale volatili urinoso copioso

copioso imprægnati ℥j. ℥j. gr. xxxix. salis volatilis urinosi concreti ℥j. gr. xx. olei ℥j. ℥j. gr. xxxvj. Massa nigra in retorta residua pendebat ℥iij. ℥iij. gran. xvij. quæ rite calcinata reliquit cinerum nigricantium & fuscorum ℥j. ℥iij. gr. xij. ex quibus lixivio salis fixi mere alcali ℥vj. gr. lvj. extracta sunt. Partium jactura in distillatione fuit ℥ij. ℥j. gr. xliij. in calcinatione ℥j. ℥vij. gr. vj.

Totius plantæ sapor herbaceus salsus est, odor narcoticus, foetidus. Succus chartam cæruleam rubro colore perparum inficit. Unde conjicere licet, Cicutam sale ammoniacali donari cum multo oleo & terra permisto.

Cicutam intus sumptam venenum esse, & publica Atheniensium pœna invisam præcipueque morte Socratis celebrem, fere inter omnes constat. Kircherus *Tr. de Peste* gravia & admiranda symptomata ex radicibus Cicutæ pro Petroselini radicibus a duobus religiosis viris comestis excitata refert. Vix enim in ventriculum descenderat cibus, statim virulentam ac mortiferam suam virtutem explicat, caput utriusque tam horrendis fuliginum exhalationibus opplevit, ut uterque protinus mente captus, alter in vicinum lacum se præcipitaverit, in anatem se transmutatum existimans, alter, omnibus spoliatis disruptisque vestibus, in publicum prorumpens, nihil nisi flumen ad intestini incendii vehementiam extinguendam appetens, in anarem se transformatum sine aquis vivere non posse clamaret. Paulo post totum corpus livore perfusum apparuit. Tandem diversis admotis remediis mortem quidem effugerunt, sed paralytico membrorum tremore afflicti non nisi languidam & miseram vitam per triennium adhuc protraxerunt; denique ambo summis doloribus cruciati extincti sunt. Unde conjicere licet Cicutam non adeo frigidam esse, sicut nonnulli existimaverunt. Nec semper noxia est hæc planta, imo salutifera quandoque deprehenditur, siquidem J. Raius in *histor. plantarum* asserit post observationes Doct. Boevle pulverem radicis Cicutæ ad grana viginti in febribus malignis & quartana ante paroxysmum exhibitum omnibus Diaphoreticis antecellere. Et Renealmus in *observationibus* 3. & 4. intus hunc pulverem a ℥j. ad ℥ss. in vino, vel ejusdem infusum a ℥j. ad ℥ij. idque felici cum successu in scirrhis hepatis & lienis ut & pancreatis gravissimis exhibuit. Caute tamen tali medicamento utendum esse censemus. Qui vero ab eo abstinet prudentior est.

Inter Cicutæ antidota commendantur Acetum, Absynthium, Daucus, Gentiana, Urtica. Tragus refert, quamdam mulierem, cum inter Pastinacas Cicutæ radicem decoctam forte comedisset, ebriam quasi ac insanam redditam fuisse, ut in altum scandere ac subvolare conaretur, cui haustu aceti subventum est, ut ad mentem rediret. Sennertus folia Absynthii vel radices Gentianæ aut semina Dauci vel Urticæ in pulverem redacta & ex vino generoso hausta, vel eorundem decoctum in vino factum proponit.

Externe frequentior est ejus usus. In primis Cicutæ succus expressus, vel ipsa contusa planta, aut cum decocto applicata mammarum incrementum coercet, duras & parvas reddit, auctore Ettmullero: verum hanc applicationem temerariam & periculo plenam esse Dodonæus existimat. Sunt qui non inepte ad nimium lactis proventum mammis puerperarum quæ lactare

nolunt, vel sub metu coagulationis lactis coerciti & indurationis mammarum, plantam hanc contusam & in lacte vel aqua Caprifolii vel in aqua & aceto decoctam, sub forma cataplasmatidis, vel succum cum aceti tantillo temperatum applicant.

Henricus ab Heer *in observ.* 7. magnopere commendat Cicutam ad inflammationem & tumorem penis ex nimia venere, discutit enim & tumorem resolvit. Cicutæ nempe folia si recentia, contusa, si exsiccata, macerata vel decocta in aqua florum Sambuci cum tantillo Camphoræ immittantur intra præputium.

Eadem folia in lacte cocta commendantur ad dolores podagricos & hæmorrhoidales mitigandos; cataplasma ex foliis cum Cochleis & quatuor farinis resolventibus plurimum laudatur adversus hydrocelem & dolorem ischiadicum. In emolliendis tumoribus, tam lienis & hepatis, quam etiam partium externarum duris, nempe schirrosis, strumosis, grumosis, folia & radices potissimum, quocumque modo applicentur, remedia sunt egregia.

℞. Fulior. Cicutæ M. ij. Contund. cum limacibus terrestribus n. 24. sensim addendo farinar. resolv. ℥ij. F. cataplasma in tumoribus testiculorum vel mammarum.

In Officinis emplastrum de Cicuta præparatur quod ad strumas & omnes tumores duros & schirrosos emolliendos & præsertim lienis aut hepatis schirrum resolvendum plurimum laudatur, si cum oleo Succini subigatur.

Cicuta usurpatur in emplastro Diabotano *D. Blondel.*

Alia est Cicutæ species quæ huic in officinis nonnumquam substituitur & dicitur.

CICUTA minor, *Off.* Cicuta minor, Petroselino similis *C. B. P.* 160. Cicutaria Apii folio *J. B.* 3. 2. 179. Cicutaria fatua *Lobel. Icon.* 280. Petroselini vitium *Tragi* 459. Sed viribus priori longe debilior est.

CINARA.

CINARA vel levis est, nullis neque in foliis, neque in capite spinis seu aculeis armata, vel aculeata seu spinosa; unde duo Cinaræ genera exsurgunt quæ plurimas species seu varietates sub se continent. Duæ potissimum ad culinarum cupedias coluntur.

I. CINARA hortensis, *Off.* Cinara hortensis, foliis non aculeatis *C. B. P.* 383. *Inst. R. H.* 442. Carduus sive Scolymus sativus non spinosus *J. B.* 3. 48. Cinara *Dodon. Pempt.* 724. Scolymus non aculeatus *Tab. Icon.* 695. vulgo, *Artichaut.*

Radice nititur crassa, firma, non insuavi, folia promit pedem & sesquipedem longa, semipedem fere lata, in lacinias latas subsectas divisa, incano & cinereo tomento obsita, potissimum parte prona, spinis carentia aut omnino paucis obsita. Caulis cubito altior, striatus, tomentosus, ramis aliquot donatus, in singulorum cacumine caput gerit hic turbinatum seu in gracilescientem metam productum, ille magis compressum & rotundum, squamis magnis glaucis, carnosus, acumine obtuso, ungue infimo crassiusculo, tenero, vesco, albicante compactum. Caput illud squamosum seu calyx sensim divulsis squamis

superius latefcit & fe pandit, tandemque in medium profert flosculosos flores plurimis fcilicet flosculis ex fubcæruleo colore eleganter purpureis, quinquefariam divifis, & embryoni infidentibus, qui abeunt deinde in femen oblongum, tumidiufculum, lævi cortice obtectum cinereo, pappis candicantibus & lanuginofis inftrumtum. Floris feu calycis ima pars feu placenta feminum carnofa eft & efculenta.

2. CARDONES, *Off.* Cinara spinofa cujus pediculi efitantur *C. B. P.* 383. *Inf. R. H.* 342. Scolymus aculeatus *Tabern. Icon.* 696. Cardones *Cæfalp.* 526. vulgo, *Cardons.*

Hæc a priore non differt, nifi quod hujus foliorum omnes anguli & calycis squamæ duris, pungentibus spinis armentur. Caules feu foliorum costæ terra obruuntur, qua ratione mirum candorem contrahunt, teneritudinemque; ficque demptis utrinque foliofis costarum lateribus in cibos vel pretiosos lautioresque tranfeunt. Utraque planta in hortis colitur.

Analyfi chymica, ex placentarum carnofarum Cinaræ tenerarum & recentium ℥v. per retortam diffillatis, femotis squamis & feminibus pappofis, prodierunt humoris limpidi, odoris & faporis herbacei, fatui, obfcure acidi ℥ij. ℥iiij. gr. xxxvj. humoris primo limpidi, acidi manifeftè, fub finem intense acidi, austeri, rufefcentis, empyreumatici, ℥j. ℥xj. ℥. ij. gr. ix. humoris empyreumatici rufi, primo intense acidi, deinde fubfalfi & fale alcali urinofo copiofo imprægnati ℥ij. ℥iiij. gr. lx. olei ad infiar fyrupi ℥iiij. gr. xlvij. Maffa nigra in retorta refidua pendeat ℥v. ℥v. gr. xxxvj. quæ per decem horas calcinata reliquit cinerum ℥j. gr. xxxvj. ex quibus falis fixi mere alcali ℥iiij. gr. xvij. lixivio funt extracta. Partium jactura in diffillatione fuit ℥xj. ℥iiij. gr. xxvij. in calcinatione ℥iiij. ℥v.

Carnofa hæc fubftantia faporem obtinet fubdulcem, austerum & vitrioli folutionem nigro colore tingit. Salem igitur effentialem continet tartareum cum terra adftringente copiofa & oleo fubdulci conjunctum.

Cardones ab hac carnofa fubftantia plurimum differunt. Cum phlegmate copiofo plurimum falis volatilis urinofo præbent, mediocrem olei & terræ portionem, acidi vero perparum.

Cinara cruda eftur plerumque cum adhuc tenera eft cum fale & pipere. Sic ftomacho grata & amica eft, ciborum appetentiam dejectam recreat, potato-ribus vero vini potum fuaviorem efficit. Ubi vero grandior evafit, coquitur, re-jectis squamarum duriore parte & lanugine intus contenta, & ex butyro liquato, aromatis, aceto vel omphacio parata comeditur, vel ex pingui carniurn jure elixa, vel per fruftula fecta & in fartagine frixa additis fale & Petroselino, vel ex oleo & aceto fupra cineres cocta. Affervantur quoque placentæ illæ carnofæ in hiemem, fi infolentur vel in fumo exficcentur; atque in loco ficco reponantur ne fitum contrahant, & ad intinctus & carniurn condimenta ufurpantur.

Quocumque modo præparetur aut coquatur Cinara parum nutrit & fucci eft craffi & flatulenti, qui fit ut quidam eam venerem fimulare exiftiment. Concoctu tamen facilis eft in ventriculo, fi moderate comedatur, ratione ftypticitatis fuæ qua ventriculi fibræ roborantur. Urinam ciere præcipue traditur, eamque turbidam ac putidam, quem tamen effectum Raius ipfi denegat.

Foliorum costæ & caules teneri & candidi difficilis coctionis dicuntur, quod verum deprehenditur, nisi ab illis qui eos butyro saturant.

Radices Cinaræ urinas potenter provocant. In decoctis & jusculis diureticis usurpari possunt. A quibusdam earum decoctum ad urinās ciendas in enematibus præscribitur.

CITREUM ET LIMON.

CITREUM, Citrum & Malus Medica, *Off.* Citreum vulgare *Inst. R. H.* 621. *Malum Citreum vulgare Ferrarii hesperid.* 61. *Malus medica C. B. P.* 435. *Medica Malus five Cidromela Advers. Lob. Icon.* 143. vulgo, *Citronier.*

Arboris modus nostratibus in hortis modicus est. Radix ramosa, alte lateque diffusa, lignosa & corticosa, foris lutea, intus albicans: truncus gracilis, ligno albo duroque, cortice coloris e viridi pallentis: rami numerosi, prolixi, tenues, ductilique lentitia obsequentes: ex his vetustiores diluto virore flavescentes, pallidisque aculeis armati, recentiores vero læta viriditate nitidi: summa ramorum foliorumque teneritas rubente virore fulca. Folium ad Juglandis folii magnitudinem accedens, persæpe obtusum, interdum etiam acuminatum, triploque fere in longitudinem quam in latitudinem porrectius, supina parte quam prona viridius, oris leviter incisus ferratum, fibris a medio crassiore nervo excurrentibus venosum, nonnumquam corrugatum & veluti bullans, spisso ambitu ramos convestiens & tota hyeme exornans, bene odoratum, gustatu amarum, soli si objiciatur instar foliorum Hyperici foraminibus vel potius punctulis translucidis undique respersum: spina foliorum plerisque superne contigua, gemmæque finitima, acumine subrubens, cetero viridis, apprimè rigida & satis longa. Flores confertim summis ramulis velut odorarium in fasciculum frequenter cohærentes, rosacei, petalis carnosiss, persæpe quinis per ambitum resupinatis, foris interfusis rubore, ceterum candidis, in orbem positis, ex calyculo viridi quinquifido emergentibus constantes, albescentibus flavo sub apice, staminibus numerosis bene capillati, languide olentes, gustu primo subdulces, mox amari, partim frugiferi, exstante inter stamina longulo pistillo fructus rudimento, partim citra hoc indicium infecundi, & hi quidem cito decidui, at illi tenacius hærentes. Fructuum figura sæpius oblonga, nonnumquam globosa, fastigio alias mucronato, alias retuso, superficie rugosa tuberosaque, longitudine non raro dodrantali, imo quandoque majori; magnitudo enim varia, pondusque diversum, siquidem nonnulli ad sex, novem, imo ad triginta usque libras proveniunt: cortex exterior coriaceus, tenuis, amarus & fervidus, colore primum viridi, in maturitate vero aureo seu citrino, odore fragrantis: cortex interior seu caro crassa, veluti cartilaginea, firma, candida, subdulcis, aliquantisper acida & leviter odorata; intus divisa in varia loculamenta succi acidi vesiculis membranaceis contenti plena: denique semina cuique pomo complura, alicui quinquagena supra centena in medullæ vesicularis sinu inclusa, oblonga, semiuncialia, utrinque fere acuminata, duriuscula & membranacea,

ama-

amara, foris flava, striataque cute vestita, nucleo duplici, candido, amari-
cante cum quadam admixta dulcedine referta. In eadem arbore sæpe visitur eo-
dem tempore tempestivum & pulchre confusum floriferum ver cum pomifero au-
tumno, pomis aliis cadentibus, aliis maturescentibus, aliis subnascentibus.
Sed per autumnum proventus uberior. In Gallo-provinciae hortis colitur hæc
arbor ab Assyria & Media primum in Græciam & inde in meridionales Europæ
regiones translata. Unde fructus Mala Medica, Mala Assyria dicuntur. Fru-
ctus partes omnes, cortex exterior seu flavedo Citri, cortex interior seu caro,
pulpa seu succus & semina eximii usus sunt in medicina.

Analyti chymica, ex corticis exterioris Citri lbv. per retortam distillatis pro-
dierunt humoris limpidi, odorati & sapidi, primo obscure salsi, deinde obscu-
re acidi, cum oleo essentiali limpido flavescente, odoratissimo, lbij. ℥ij. ℥j. gr.
xviij. humoris limpidi, citrei odoris saporisque grati, manifeste acidi & auste-
ri, cum oleo essentiali limpido, flavescente, grato, sub finem rufo ℥xv. ℥iiij.
gr. xxxviij. humoris rufi, empyreumatici, intense acidi, austeri cum levi acri-
monia ℥ij. ℥vij. olei tum tenuis & essentialis, tum crassi & empyreumatici ℥j.
gr. lij. Massa nigra in retorta residua pendebat ℥v. ℥vij. quæ calcinata reliquit
cinerum ℥j. ℥j. gr. xxxvij. ex quibus lixivio salis fixi mere alcali ℥ij. g. xxxiiij.
extracta sunt. Partium jactura in distillatione fuit ℥iiij. ℥ij. gr. xxxvj. in cal-
cinatione ℥iiij. ℥v. gr. xxxv.

Ex succi Citrei recenter expressi lbv. prodierunt humoris limpidi, saporis
& odoris fere expertis, obscure subsalsi & obscure acidi lbj. ℥v. ℥ij. gr. vj.
humoris limpidi saporis & odoris expertis neque manifeste neque obscure aci-
di ℥xiiij. ℥ij. gr. xxxvj. humoris primo obscure acidi, deinde manifeste acidi,
austeri, subsalsi lbij. ℥viiij. ℥ij. gr. xxx. humoris rufi, leviter empyreumatici,
intense acidi, austeri, cum acredine quadam, obscure subsalsi & alcali ℥vj.
gr. xij. olei spissi ℥ij. Massa nigra in retorta residua pendebat ℥ij. ℥vij. gr.
xviij. quæ calcinata reliquit cinerum ℥iiij. gr. lxj. ex quibus salis fixi mere al-
cali ℥ij. gr. xxiiij. lixivio sunt extracta. Partium jactura in distillatione fuit
℥vj. gr. xliij. in calcinatione ℥ij. ℥ij. gr. xxix.

Itaque cortex Citrei mali plurimum olei continet, cum sale essentiali a m-
moniacali subadstringente conjuncti. E contra medulla seu succus olei portionem
exiguam, & salis acidi evoluti plurimum obtinet.

Citrea mala mensis non tam ut alimenta, quam condimenta apponuntur. Sa-
poris & odoris gratia in taleolas concisa multis ciborum veneribus intermiscen-
tur sola, vel sacchari polline conspersa. Succo eorum carnes irrorantur: ejus
enim aciditas appetitum languentem excitat, & ciborum concoctionem juvat,
modo modicus sit illius usus. Cortex exterior propter duritiem in ventriculo
difficile concoquitur, quemadmodum & cortex interior seu caro alba.

Commendantur integra contra venena febresque malignas & pestilenciales:
& a pluribus Medicis Theriacæ, Mitridatio & confectio quibuscumque
alexiteriis in ipsa pestilentia potiora & magis proficua censentur. Insuper in-
signi donantur antiscorbutica virtute, ita ut pro hujus morbi specifico reme-
dio habeantur. Equidem solo succo Citri vel malorum Citreorum esu scor-

butici etiam gravissimi sanantur. Eorundem succo scorbuticorum gingivæ exulceratæ sæpius collutæ citissime absterguntur. Batavi certe post diuturniores navigationes in Indiam orientalem, aut alia absita loca, ubi scorbutum sæpissime contrahunt, statim atque Lusitanicas oras attingere possunt & mala Citria vel Aurantia obtinere, ab eo citissime liberantur. In febribus ardentibus & malignis plurimum conferunt ad sitim extinguendam, bilis aut sanguinis æstum & effervescentiam coercendam, vires prostratas restituendas. His nominibus in potum frustulatim secta conjiciuntur. Succus cum saccharo aqua diluitur, & potum præbet refrigerantem, palato gratum, sanis & ægris saluberrimum. Præterea succus Citri diureticus est, arenulas pellit, & ad affectus nephriticos commendatur: vomitiones cohibet quas biliosi humores movet: affectionibus melancholicis & hypochondriacis opitulatur: cordis palpitationes spasmodicas sistit: languores quos utriusque bilis fervidi vapores faciunt, discutit.

Externe quoque hæc Mala valde prædicantur in peste & morbis contagiosis ad contagium arcendum. Pomum Citri solum vel Caryophyllis aromaticis confixum manu assidue gestant, identidem naribus admovent & interdum morficant. Equidem hoc modo non tam arcetur contagium, quam compescuntur nausæ & vomitiones, vel ex pravis ægrotantium halitibus, vel ab imaginatione læsa oriundæ, quibus ventriculus debilitatur & ciborum concoctio depravatur.

Exterior cortex flavescens valde odoratus est & aromaticus, quod vesiculis constet innumeris oleo essentiali repletis. Mastigatus oris halitum emendat, amarore ventriculum roborat, vermes necat. Ipsi exsiccatō vis cardiaca & alexiteria tribuitur. Flatus potenter discutit, humores crudos in ventriculo aut in intestinis contentos concoquens, ac digerens. Exsiccatus cardiacum vel alexiterium habetur præstantissimum. Saccharo conditus inter bellaria mensis secundis infertur. Electuariis etiam cardiacis admiscetur adversus morbos contagiosos, vel ad ventriculum roborandum, necnon etiam electuariis & medicamentis purgantibus ad purgantium medicamentorum vehementiam temperandam.

Ex eodem cortice flavo oleum essenziale extrahitur duplici ratione: vel corticis exterioris recentis tæniæ tenuissimæ inter digitos exprimuntur super vitrum latum vel infundibulum vitreum, in quod ros oleosus cadit qui sensim in olei essentialis summe volatilis, penetrantissimi & suavissimi guttas maiores coalescit, & in aliud vas recipiens stillat: vel iidem cortices ærea vesica cum magna aquæ copia, ignis ope distillantur, ut cetera olea essentialia dicta. Ex his elæosaccharum conficitur quod utiliter julapiis cardiacis, stomachicis, vel extractis purgantibus admiscetur. Sed cavendum est ne immodicus sit horum oleorum essentialium usus, ut jam diximus. Alia est elæosaccharum conficiendi ratio compendiosior & facilior; affricantur nimirum integra Citrea poma durissimo & siccissimo sacchari frusto tamdiu donec inde extimus flavescens cortex oleosus plane abrasus sit. Saccharum flavo & oleoso hoc succo imbutum cultro abraditur & in vase probe clauso reservatur ad usum.

Syrupi tum ex succo acido, tum ex cortice flavo Citri conficiuntur. Ille dicitur syrupus e succo Citri: potenter refrigerat seu sanguinis æstum compescit,
bills

bilis effervescentiam coerces, & urinas promovet: Hic syrupus flavedinis Citri nunciatur, & inter cardiaca & stomachica numeratur. Nonnulli etiam syrupum totius Citri præparant qui utriusque virtutes in seipso retinet.

Cortex interior seu caro alba rarioris est usus in medicina, & difficile coquitur in ventriculo. Nonnulli tamen vim diureticam, imo lithontripticam ipsi tribuunt, sed illam ceteris diureticis valentioribus consociant. Saccharo rite condita inter dulciaria locum tenet.

Ex pulpa Citri seu medulla acida conditum præparatur quod inter alexipharmaca & antiscorbutica medicamenta annumeratur.

Semina alexipharmaca existimantur. In quibusdam compositionibus alexiteriis usurpantur. Ventriculi & intestinorum vermes enecant, menses provocant, flatus discutunt, humores viscidos attenuant & dividunt. Ex his emulsiões conficiuntur vermifugæ, & cardiacæ, in morbis mali moris & pestilentialibus.

Etiam si in prædictis morbis acida utiliter usurpentur, quia insignem vim habent refrigerandi, aperiendi, pituitam crassam incidendi, putredini resistendi, inflammabilitatem humorum, & eorum acrimoniam demulcendi; advertendum tamen in pleuritide, peripneumonia, hæmoptoe, phthisi, ceterisque pulmonum affectionibus, ventriculi & intestinorum inflammatione, dysenteria, sanguinis mictum, renum & vesicæ ulceribus, plurimum nocere. Tunc igitur ab illis abstinendum est. Tussim enim provocant, ventriculi & intestinorum tormina pariunt, diarrhæas aut hæmorrhagias provocant. Speciatim vero de succo Citri & Limonum Riverius observat cantum esse debere illius usum; quia frequentius aut nimia copia exhibitus aphthas facit in ventriculo & excoriaciones, unde lenteria succedit.

℞. Crystall. mineral. ℥j. Sacchar. albi ℥iiij. Coccinillæ gr. xvj. Bulliant in aq. comm. ℔ijß. ad despumationem. In decocto per subsidentiam purgato & per inclinationem a fæcibus separato ac refrigerato mali Citrei succus exprimatur, & sæpius de vase in vas transfundatur liquor pro potu palato grato, in febribus ardentibus, biliosis, malignis & pestilentialibus perutili.

℞. Folior. or. ℥ijß. Mann. Calabr. ℥ij. Sal. vegetabil. ℥jß. Liquiritiæ rasæ & contus. ℥j. Coriandr. ℥ß. Folior. Pimpinell. Mij. Malum Citreum unum taleolatim sectum. Affund. bull. ℔ij. Macerentur per noctem. Fiat colatura, & erit ptisana laxans distribuenda in quatuor doses tertia vel quarta quaque hora sumendas.

℞. Radicis Raphani rusticani recentis & minutim concisæ ℥ij. Folior. Cochlear. P. j. Passulas exacinas n. vj. Liquir. rasæ & contus. ℥ß. Dimidium Citri cum cortice taleolatim concisi, vini, albi & aq. comm. ana ℔j. Macerentur frigide per 24. horas in vase vitreo rite clauso, identidem agitando. Sit pro potu ordinario in scorbuto.

℞. Spir. Cochleariæ & Sp. vini ana ℥j. Succu Citri ℥ij. Aq. Nasturtii ℥iiij. Fiat gargarisma in scorbuto ad gingivarum exulceraciones abstergendas.

℞. Conserv. Cochlear. ℥ij. Conserv. Lujulæ ℥j. Pulver. Ari comp. ℥vj. Syrup. e Succo acido Citri q. s. F. electuarius de quo sumat æger ter die ad magnitudinem nucis moschatæ in scorbuto, servatis servandis.

Rx. Aquæ Parietar. stillatit. ℥iij. quibus dilue syrup. e succo Citri vel Limonum ℥j. Adde olei Amygdalar. dulc. ℥j. F. potio oleosa in doloribus nephriticis perutilis.

Observabunt Tyrones in julapiis cardiacis & diaphoreticis Stibii præparationes diaphoreticas cum acido succo Citri vel Limonum permiscendas non esse, ne emeticæ fiant. Caveant pariter ne acida emulsionibus commisceant : quippe substantiam lactescentem facile præcipitant.

Cortex Citri tum conditus, tum siccus usurpatur in opiata *Salomonis*, eleuat. de Citro solutivo, Tabellis contra vermes laxativis *Penicher. collectan. Pharm.* Pulver. lætificante & digestivo *eiusdem*. Semina usurpantur in diamargarito frigido *Codicis Paris.* Tabellis contra vermes, Pulver. Pannonico *Charas*, confectioe & Hyacinthis & opiata *Salomonis*.

LIMON, malus Limonia *Off.* Limon vulgaris *Ferrarii hesperid.* 193. *I.R.H.* 621. Malus Limonia acida *C. B. P.* 436. Limonia malus *L. B.* 196. Limones *Lobel. Icon.* 143. vulgo, *Limonier* cujus fructus *Limon-*

Citro congener est malus Limonia quam ea de causa hic adjungimus. Arbor enim satis procera, nec tamen admodum plerumque ramosa : oblongo Citri folio, sed brevior : crebris sæpe aculeis, at minoribus & venenatis : languidi odoris flore propemodum æquali, fructu in ovatam figuram conglobato sed contractiore, remissius flavente, ac levius odorato Citrum ex parte repræsentat. Ab eo tamen distinguitur fructu minore, cortice carnosissimo seu interiore tenuiore, copiosiore pulpa & succo uberiore, ut interdum nihil fere nisi succum contineat, eoque magis acido quam quæ mandi facile queat. In hortis Galliæ meridionalis colitur. Poma in usum veniunt & medicum & culinarium.

Limonia mala, cum Aurantiis & Citreis sint gustu acidiora, ideo magis refrigerantia esse verisimile est. Valent ad eisdem usus atque Citrea ; ad venena tamen ut minus efficacia, ita ad æstuentes morbos valentiora habentur. Cortices Limonum saccharo condiuntur pro bellariis. Fructus integri parvi & virides condiuntur quoque & inter stomachica recensentur. Quidam Mala hæc taleolatim secta, asperso multo saccharo, comedunt, sicque appetitum languentem excitant, sitim potenter extinguunt, & febrilem ardorem compescunt. Succus Limonum admodum efficax in dissolvendis calculis & detergendis viis urinariis censetur. Sed ne quid nimis.

Syrupus de succo Limonum in officinis præparatur commendatus ad calculum & obstructions renum : item ad sitim & æstum in febribus ardentibus : cordi & ventriculo robur addit, & bilis effervescentiam compescit : ideoque haud infeliciter imbecillitates, lipothymias, vomitus & singultus febribus ardentibus supervenientes curat.

Succus Limonum tinctoribus utilis est ad colores multos transmutandos, aut fixiores efficiendos. Quæ hoc succo exarantur super chartam litteræ occulta, igni admotæ manifestæ fiunt.

CITRULLUS.

CITRULLUS & Anguria, *Off.* Anguria Citrullus dicta *C. B. P.* 312. *Inst. R. H.* 106. Citrullus folio Colocyntidis secto, semine nigro, quibusdam Anguria *J. B.* 2. 235. Anguria, Cucumis, Citrullus *Dod. Pempt.* 664. Cucumer, vel Cucumis Citrullus *Fuchs.* vulgo, *Citroville*.

Radices habet tenues, rectas, fibratas, capillatasque, spargit per terram framenta fragilia, hirsuta, foliis vestita amplis, in profundas lacinias dissectis, asperis & hirtis, e quorum sinu exeunt capreoli, necnon pediculi, flores sustinentes luteos, campaniformes, patentes, quinquifidos, quorum alii steriles sunt, alii fecundi seu infidentes embryoni qui deinde abit in fructum magnum & rotundum, quem vix ambabus ulnis ambiat: cortex duriusculus sed lævis, nullis tuberculis inæqualis, atro-viridis, dilute virentibus maculis aut albicantibus perfusus: caro Cucumeris vulgaris, alba vel subrubra, firma, grati saporis. Semen fungosa medutullium occupante substantia immergitur oblongum, latum, compressum, rhomboideum, flavescens aut subrubens, rugosum, duriusculo cortice præditum, sub quo medulla alba esui grata ut Cucurbitarum. Hortos olitorios locupletat. Caro edulis est, & semen e numero quatuor frigidorum majorum.

Analyti chymica, ex carnis Citrulli lbv. per retortam distillatis prodierunt humoris limpidi, saporis & odoris herbacei, obscure subsalsi, ℥vij. ℥vij. gr. xlvij. humoris limpidi, obscure subacidi lbij. ℥v. ℥iiij. gr. xlij. manifeste acidi ac tandem intensi lbij. ℥ij. gr. lxxvj. humoris rufescentis, alcali, urinosi ℥v. olei spissi & gravis ℥ij. gran. xxxvj. Massa nigra in retorta superstes & jam semi-calcinata pendebat ℥vij. gran. lxxij. quæ rite calcinata reliquit cinerum ℥iiij. gran. xij. ex quibus lixivio salis fixi mere alcali ℥ij. gran. xxvj. extracta sunt. Partium jactura in distillatione fuit ℥j. gran. xxxiiij. in calcinatione ℥iiij. gr. l.

Citrullus plurimum phlegmatis continet, mediocrem salis essentialis tartarei & ammoniacalis portionem, olei vero aliquantulum a sale essentiali ita divisum ut liquorem aliquantis per mucaginosum constituat. Hic liquor fermentatione saporem nonnihil vinosum adipiscitur, evolutione nempe salis acidi & olei, sed multo phlegmate obrutorum.

Citrulli caro, quæ cortici subest, a nonnullis cruda, sed frequentius cocta comeditur. Nutrimentum autem confert exiguum, sanguinemque producit aquosum, qui internarum partium inflammationes mitigat, & bilis acrimoniam ac fervorem temperat. Infinitis modis culinæ eam parant, elixant, frigunt, assant; butyro, lacte, sale, cæpis, aromatis, & saccharo condiunt. Imo & Citrulli pulpæ admixta triticea farina, panis conficitur qui flavescit, sapit suaviter & in refrigerium salubriter assumitur.

Semina refrigerant & eam ob causam inter semina frigida majora recensentur. Urinas movere dicuntur; vel potius urinarum acrimoniam demulcent, & sanguinis effervescentiam compescendo ejus seri secretionem per renes juvant. Eapropter emulsiones ex his parantur cum decoctis vel aquis con-

convenientibus in febribus ardentibus, dysuria, ischuria, ardore urinæ, calculo, renum aut vesicæ exulceratione, arthritidis doloribus; & cum aliis feminibus frigidis consociari solent. Cum medicamentis purgantibus nonnunquam admiscantur ad eorum vehementiam retundendam.

Oleum ex feminibus expressum cutim emollit, ejus inæqualitates lævigat & vitia delet, idcirco in pomatis cosmeticis sæpe usurpatur.

℞. Seminum Citrull. & Melonum ana ℥j. Semin. Papaver. alb. ℥ss. Contunde in mortario marmoreo sensim affundendo aq. Lactucæ, Portulacæ, vel Papaver. rhæad. ana ℥vj. Colatura cum expressione facta dilue syrup. de Nymphæa, vel Diacodii ℥vj. F. emulsio hora somni propinanda ad sanguinis æstum coercendum & somnum conciliandum.

℞. Semin. Citrull. Cucumer. Cucurbitæ & Melon. ana ℥j. Amygdalar. dulc. decorticatar. paria vj. Contundantur sensim affundendo decocti Hord. vel aquar. Lactuc. Portulacæ ℔ij. Expressione dilue syrup. de Althæa vel Nenuphar. ℥ij. F. emulsio. Sumat æger per cyathos inter juscula, in febribus ardentibus, renum aut vesicæ affectionibus.

℞. Quatuor semin. frigidior. major. ℥ss. Semin. Card. bened. ℥j. Decoct. Scorsoner. vel aquar. Ulmar. Scabios. aut Bugloss. ℥xij. F. emulsio qua dilue syrup. Caryophyllor. hortens. vel syrup. flavedin. Citri ℥j. pro duabus dosibus. Unicuique addi potest Diaphor. mineral. ad gr. xv. aut conf. Alkermes ad ℥ss. in febribus malignis aut pestilentialibus.

Usurpantur semina Citrulli in pulvere Haly *Pharm. Lond.* Pulvere Diatrachanthi frigidi, *Charas*, Electuario Diapruno, El. de Psyllio & El. de succo Violar. *Charas*.

℞. 4. S. Semin. frigidior. major. ℥j. Contusa insuantur in ventre pulli gallinacei & coquantur in aq. communis ℔ij. ad ℔ij. Aqua Pullastri dicitur quæ per cyathos propinatur in febribus inter juscula.

COCHLEARIA.

COCHLEARIA, *Off.* Cochlearia folio subrotundo, *C. B. P.* 110. *Inst. R.* H. 215. Cochlearia, *J. B.* 2. 942. *Dodon. Pempt.* 594. Cochlearia major Batavica subrotundo folio, *Moriss. H. Oxon.* Britannica, *Gesner:* vulgo, *Herbe aux Cuilliers*.

Radice est candida, crassiuscula, recta, fibrata & capillata: foliis multis, sat virentibus, rotundioribus, auritis, unciam longis, cochlearis fere in modum nonnihil cavis, succi plenis, crassis & pediculis palmaribus insidentibus, acris, pungentibus, amaricantibus, odoris nidorosi ingrati: caules ramosi sunt, supini, cubitales, glabri, foliis onusti magis laciniatis, longioribus & sine pediculis, floribus ornati tetrapetalis, cruciformibus, candidis, cum calyce quadrifolio & pistillo abeunte in fructum membranaceum, sphericum, duas lineas longum, bicapsularem, in quo semina continentur parva, subrotunda, rufa. Nascitur in Pyrenæis & in ora maritima Belgii. Planta integra usu est.

Analyfi chymica, Cochleariæ floridæ ℔v. demptis radicibus præbuerunt hu-

humoris primo albicantis, deinde limpidi, saporis acris, linguam pungentis, odoris penetrantis, Cochleariam crudam referentis, tandem saporis minus acris & acidi ℥ij. ℥xiiij. ℥iiij. gr. lx. humoris primo limpidi, deinde rufescentis, acidi, empyreumatici, postea acidi austeri ℥j. ℥x. gr. lx. humoris rufescentis, sale volatili urinoso imprægnati ℥vij. gr. xxiiij. olei spissi adiposi ℥vj. Massa nigra in retorta residua pendebat ℥iiij. ℥j. gr. liij. quæ calcinata reliquit cinerum ℥j. ℥vj. gr. vj. ex quibus lixivio salis fixi mere alcali ℥vj. gr. xlvij. extracta sunt. Partium jactura in distillatione fuit ℥ij. ℥ij. gr. xliij. in calcinatione ℥j. ℥iiij. gr. xlvij.

Phlegma quod primum in distillatione prodit, turbidum est ab oleo quodam tenui, acri, pungente & summe volatili, a quo plantæ odor & sapor acris præcipue pendebat. Præterea sale essentiali ammoniacali donatur hæc planta copioso phlegmate diluto. His principiis Cochlearia humores lentos & crassos incidit & attenuat, illisque morbis medetur qui ab hoc humorum lentore originem ducunt, in primis vero scorbuto, cujus peculiare seu specificum, ut vocant, medicamentum est, unde & Germanice & Anglice inde nomen sumpsit. Usurpari solet a nonnullis in jure carniū lacte aut vino decocta. Verum quia partes illæ in quibus præcipua vis & utilitas hujus herbæ consistit, admodum volatiles sunt, & coctione facile evanescent. J. Raius multa cum ratione satius esse putat succum herbæ expressum aut ejus infusum exhibere quam decoctum.

Herba recens leviter contusa vel potius incisa cerevisiæ, vino vel aquæ infusa in vitro probe obturato, intra tres quatuorve dies totam suam vim antiscorbuticam seu spiritum volatilem eis communicat. J. Raius experientia fretus cerevisiam sic præparatam pro potu ordinario scorbuticis commendat. Minus proficua est, observat idem auctor, in qua Cochlearia diu infusa fuerit: nam diuturna infusione partes terræ & fixiores herbæ eliciuntur & cerevisiæ communicantur, partesque volatiles vel avolant, vel cum fixioribus complicatæ vim suam amittunt. Herba exsiccata nil vel parum habet virtutis. Extractum a nonnullis laudatur, sed in eo parum energiæ deprehenditur: diuturna enim evaporatione spirituosæ hujus plantæ partes avolaverunt.

Licet autem in scorbuto curando Cochlearia apud septentrionales populos primatum ducat, attamen non omnibus naturis conducit. Nam illis qui phlogosi vagæ, observante Ettmullero, rubori faciei, palpitationibus cordis, hypercatharsi, cephalalgis, & aliis symptomatis sunt obnoxii, acria, hæc non conducunt, sed potius nocent; nisi cum Acetosa, Acetosella, Beccabunga, vel lacte, vel sero lactis aut vino propinentur, ut ita temperetur acrimoniæ eorum volatilis. Unde iis qui laborant febre intermittente scorbutica, cujus norma est typus erraticus, medicamenta antiscorbutica præscribit in sero lactis quod egregie abstergit.

Joannes Junckerus in *Medicina conspectu*, pro variis naturis varias antiscorbuticorum classes constituit. Temperamentis phlegmaticis acriora & penetrantiora, Cochleariam scilicet, Nasturtiorum genera, Raphanacea, Armoraciam, Sinapi, Cæpas, Allium proponit: melancholicis amara, scilicet Beccabungam, Fumariam, Trifolium fibrinum, Chelidonium minus, Cichorium, Chærophyllyum assignat: sanguineo-cholericis acida vel sola vel ceteris con-

ciata,

ciata, qualia sunt Acetosa, Oxytriphyllum, succus Citri, Limonum, Ribium, Berberum, &c. præscribit. Verum quamplurimi & magni nominis Medici acris medicamentis antiscorbuticis acida consociare amant. Ufu Felici Th. Sydenham cum Cochleariæ condito Malorum Citreorum vel Aurantiorum pulpam adjungit, Martinus Lister *Exerc. de Scorbuto*, acidos omnes fructuum succos, acrum & ipsum vitrioli spiritum: Simon Paulli misturam simplicem ad ℥j. cum succo Cochleariæ permiscet; & Groenlandi populi diuturna experientia edocti ad scorbutum curandum Cochleariam & Acetosam promiscue apud eos sponte nascentes usurpant. Reipsa in scorbuto incipiente sanguis & lympa spissiora sunt, motu circulari per artus lente admodum circumferuntur, & vitali fere destituuntur fermentatione, ac proinde acris & spirituosus medicamentis indigent, ad torpidas fibrarum solidarum oscillationes concitandas, ad humorum lentorem dissolvendum, & eorum motus tum circulares, tum fermentatitium concitandum; verumtamen in scorbuto jam confirmato humores stagnatione & mora quandam susceperunt putredinem, qua sales in illis contenti urinofam indolem contrahunt, & evolvuntur, ut in sanguine, fero & urina putrescentibus observare licet, & sui juris fiunt. Tunc autem urinosi sales, si spirituosus & actuosus antiscorbuticorum medicamentorum partibus concitentur, & agitentur, sulphureas humorum partes carminant & dividunt, spissam & viscidam humorum crasim destruunt coagula dissolvendo, partes solidas corrodunt, unde tot scorbuti symptomata. At vero acidorum subtilium & volatiliū ex vegetabili potissimum desumptorum intromissione hi sales urinosi a spiculis acidorum irretiuntur, & ex amborum consociatione exsurgit sal salsus non amplius reformidandus, qui ut plurimum per vias urinarias blande & placide secernitur. Actuosus vero partibus quæ inter acida vegetabilium spicula latent, vel quæ cum illis a prudente Medico consociantur, spissior humorum crasis diluitur, & blanda vitalisque fermentatio restituitur. Illis qui hujus succum fastidiunt, S. Paulli Cochleariæ essentiam liquidam proponit in Germania celebratam quam eo parant modo,

℞. Cochlear. recentis contusæ q. v. Affunde ejusdem plantæ succum in quo tantillum fermenti vel fæcis cerevisiæ solutum sit. Irrora, consperge raro sale. Hæc probe mista reponantur vase optime operculato tandiu in locum subterraneum usque dum acriorem odorem spirent. Tunc distillantur per alambicem in balneo M. & obtinebitur spiritus Cochleariæ. Postea

℞. Recentia Cochlear. folia. Contunde & torculari valido ex iis succum exprime, eumque in vase aut vitro optime lutato defæca & per chartam bibulam filtra

Hujus hac arte depurati succi tribus partibus affunde partem unam spiritus Cochleariæ supra descripti. Digere & circula l. a. Quibus si addideris paululum Sacchari, essentia Cochleariæ parata est. Dosis ℥j. aut ℥ij. Adhuc præstantior erit, si misturæ simplicis dictæ aliquot guttulæ ad ℥j. pro dosi remisceantur.

Spiritus antiscorbuticus præstans præparatur ex aliquot manipulis foliorum Cochleariæ contusarum & totidem uncis radicis Raphani rustici rase simul mistis, succo Cochleariæ irroratis, per 24. horas maceratis ac tandem blando ignis calore distillatis. Hujus spiritus unum aut alterum cochlear jusculis vel potionibus antiscorbuticis affunditur.

Spiritus Cochleariæ, annotante J. Junkero; concitat facile sanguinem, infert anxietates, æstuosam cephalalgiam, & maculas nimium expellit. Major in *Chirurgia infusoria*, p. 270. observat spiritum Cochleariæ quibusdam cephalalgiam concitare. Ideo cum acidis liquoribus hunc spiritum semper miscendum esse Ettmullerus existimat.

℞. Radicum Raphani rusticani, Scrophular. minor. Helenii, & Acetosæ ana ℥ss. Folior. Fumariz, Becabung. Nasturtii aquatic. ana M. j. Summitatum Pini & Abietis, florum Centaur. minor. & Genist. ana P. j. Seminum Eruce & Aquilegiæ, Baccar. Juniper. contus. ana ℥j. Coquantur in aq. comm. ℥vj. ad ℥v. addendo sub finem folior. Sempervivi minor. P. ij. Cochlear. M. j. Apozema coletur ad usum. Dosis ℥vj. cum syrup. Limon. ℥ss. quater die in scorbuto.

℞. Aquar. stillatitiar. Raphan. rusticani, Nasturtii. Becabung. ana ℥ij. Succ. Cochlear. ℥j. Mistur. simplicis gutt. xxx. Syrupi Limon. ℥ss. F. julap. in scorbuto.

℞. Folior. Cochlear. Becabung. Nasturtii, Cichor. sylvestr. Oxytriphyll. & Acetosæ rotund. ana M. j. cum frustulo carnis vitulinæ. Fiat juscum in baln. Mariæ in vase probe obturato.

℞. Rad. Raph. rustican. ℥j. fol. Cochlear. & Nasturtii contusor. ana M. ij. Passular. exacinar. ℥vj. Fiat infusio ex vini albi vel feri lactis ℥ij. De qua capiat ℥iiij.

Externe in scorbuticis oris affectionibus, tumore cruentato gingivarum, earundem inflammatione, exulceratione, dentium vacillatione, Cochleariæ succus vel ejus spiritus apprime conducunt. His humectetur linteam, quod postmodum affricetur gingivis & partibus oris a scorbuto affectis. Vel etiam in gargarismatis recipiuntur. Quidam in succo Cochleariæ aluminis usti tantillum dissolvunt & sic parant gargarisma in excrescentia gingivarum scorbutica egregium.

Cochleariæ succus cum herba contusa & imposita faciei maculas intra breve spatium tollit: postea vero decocto furfuris abluenda est.

Cochleariæ conditum & aquam distillatam in Officinis præparant ad scorbutum & in viscerum obstructionibus perutilia.

C O L C H I C U M.

COLCHICUM vulgare, Off. Colchicum commune, C. B. P. 67. *Inst R. H.* 348. Colchicum, 7. B. 2. 649. *Dodon.* 460. Colchicum Anglicum purpureum & Anglicum album, *Prakins & Gerard.* vulgo, *Colchique.*

Paulo ante autumnæ æquinoctium flores erumpunt, nullis jam apparentibus foliis, liliacei, monopetali, ab ipsa radice emergentes sub tubi tenuissimi, tenerioris, albicantis forma in sex partes sensim ampliati. Croci flosculis & forma & colore affimiles, dilutius tamen cærulei, staminibus internis pallide luteis & pistillo e floris fundo surgente & in capillamenta tenuia desinente. Postquam unum aut alterum diem duraverint flaccescunt. Deinde post sequentis veris initium folia profert terna aut quaterna, oblonga, lata,

lata, lævia, pingua, Lili albi foliis & forma & lævore satis similia: inter quæ medii in brevibus pediculis exeunt duo, tres aut quatuor instar filiquarum folliculi triangulares, crassi, oblongi, in tria loculamenta divisi & per maturitatem in tres sese explicantes partes, semine pleni rotundiusculo, & rufo colore nigricante, quo maturo folia una cum cauliculis intercidunt.

Radice nititur bulbo simili, turbinata, ab una parte in planum compressa, rimam sive sulcum cum floret habente, reliquo tempore non apparentem, tunicis convestita nigricantibus & fibris aliquot inferius donata. Bulbus ipse carnosus, candidus, lacteo succo manans dum quidem viret & recenter e terra erutus: siccatus etenim rugosus, & foris interiusque nigricat, aut obscure rubescit. Sapore autem est dulci, amaritudinis tamen exiguum salivam eliciens subsequitur. Odorem vero omnes plantæ partes gravem & nauseabundum spirant. In pratis agri Parisiensis sponte nascitur.

Medici veteres & Neoterici unanimi consensu Colchici radicem venenatam esse & in cibo acceptam necare pronuntiant. Ferunt eos qui Colchici radicem comederunt, pruritu per totum corpus affici, in internis partibus morsum, & circa stomachum cum multa gravitate æstum percipere: invalescente vero affectione per alvum cruenta cum ramentis admixtis excernere. D. Ludovici narrat unicam Colchici radicem rustico cuidam robusto exhibitam validissime & ad necem usque purgavisse. Petrus Garidel *in Hister. Plant. Aquisextiens.* refert quosdam rusticos tres quatuorve Colchici flores febris intermittente laborantibus comedendos offerre & sæpe felici cum successu. At ipse quamdam vidit ancillam quæ hocce a rusticis acceptum remedium sumpserat, diris anxietatibus circa præcordia & ventris torminibus per tres dies vexatam, quæ tandem post triduum interiit. Legitur apud Historiæ Lugdunensis auctores, Turcas Colchici floribus uti cum inebriari volunt: eos enim vino macerant, quo epoto adeo stupidi redduntur, ut in exstasim abeant. Unde liquet hanc plantam omnibus suis partibus deleteriã esse.

His qui Colchici bulbum sumpserunt auxilium ferendum r. per vomitum, per clysteres ex decoctis demulcentibus foliorum & radicum Althææ, feminis Lini, &c. deinde lac quodcumque calidum magna copia propinandum est.

Externe vero non nocet, imo juvat. J. Bauhinus refert, quemdam Medicum ad verrucas ani Colchici bulbos tusos cataplasmatibus modo superligare: quo remedio excidunt: eundemque ad pediculos latos pudendorum eorundem decocto ex aqua locum affectum abluere.

At præstantiorem hujus radicis energiam Georg. Volfgangus Vvedelius peculiari dissertatione nuperrime promulgavit sub hoc titulo: *Experimentum curiosum de Colchico veneno, & alexipharmaco simplici & composito.* Genæ. 1718.

Celebris ille Medicus & summa eruditione & diuturna felicique praxi clarus narrat se ab anno 1668. in hunc usque annum 1718. hanc radicem pro amuleto collo appensam semper gestasse & optimo quidem cum successu, neque seipsum solum sed & alios plurimos, neque solum in peste, sed etiam in morbis epidemicis quibuscunque, dysenteria, febribus malignis, variolis, morbillis & similibus.

Occasionem qua hoc amuletum sibi ipsi innotuit sic refert. Cum anno 1668. in urbe Gothana strages dysenterica sævire incipiebat, qua minimum quadringenti ipsi curandi incumbabant homines malignis symptomatibus affecti, cum petechiis, deliriis, faucium inflammationibus decumbentes & quotidie invisendi per duos menses & ultra, ipsi occurrit dissertatio quædam antiloinica de peste universali anno 1637. grassante cum quibusdam remediis & arcanis. Auctor nomine Caspar narrat, quemdam præfectum militum in bellis Hungaricis suos milites solo hoc amuleto a sævienti peste immunes semper fecisse, quod a rusticano didicerat qui assererat omnes vicini cujusdam pagi incolas ab eodem præfecto hic degente eodem amuleto præmunitos, pestifera lue affectos non fuisse, dum in pagis & urbibus vicinis dire sæviret. Laudata experientia inducti Vedelius & focii appendere caperunt radicem, & nullus eorum contagiosa hac pestilente dysenteria affectus fuit.

Cum ante aliquot annos, addit Vedelius, in urbe Hamburgensi grassaretur pestis, illustris Magistratus a facultate Medica nostra desiderabat duos Medicos pestilenciales, quos illuc mandabamus divinæ tutelæ commissos, & hoc amuletum ipsis appendendum suadebamus. Bene gesta re, liberata urbe, salvi utrique & incolumes redierunt.

Grassantibus variolis ejusdem amuleti efficaciam deprehendisse testatur. Data enim essentia præservativa interne, & amuleto hoc munito corpore vel non correpti sunt quamplurimi, vel levius affecti feliciter evasere.

Huic bulbo idem auctor Plantaginis majoris radicem sæpius adjunxit pro amuleto antipestilentiali valde commendatam. Has radices suo tempore collectas, exsiccatas, & contusas cum tantillo pulveris Lavandulæ admixto, ut res coletur, & sacculo inclusas distribuere solebat & Arcanum duplicatum catholicum nominabat. Hoc tandem comprobata quinquaginta annorum experientia publici juris facere non dubitavit velut alexipharmacum pestis, febrium ardentium, malignarum, variolarum, morbillorum, purpuræ simplicis puerperarum, dysentericæ & similium: ita ut vel non corripiant homines, vel minori copia, minori molestia & periculo.

Attamen Vedelius observat legitimam diætam insuper requiri, vitando noxia & moderationem servando in rebus dictis sex non naturalibus, aere, cibo & potu, somno & vigiliis, motu & quiete, excretis & retentis, & animi pathematibus.

Colchici bulbi colligi debent circa festum sancti Michaelis seu autumnale æquinoctium, dum flores marcescere incipiunt. Tunc enim radix succo turget. Taleolatim concisi in umbra exsiccantur. Cum uno Colchici bulbo crassiuscule contuso radicis Plantaginis majoris seu latifoliæ exsiccatæ & contusæ ʒj. permiscetur. Sacculo sericeo inclusa de collo suspenduntur ita ut circa cordis scrobiculum pendeant. Nonnulli his radicibus Camphoræ tantillum addunt: post tres menses amuletum renovandum est.

Jacobus Vvolffius Medicinæ Professor Jenensis in tractatu cujus titulus est *Curiosus Amuletorum scrutator*, testatur hoc amuletum a plurimis laudatum & commendatum fuisse variis temporibus in Germania grassante peste. At
-exem-

exemplum deficientis hujus amuleti refert in quodam Theologo insigni in Thuringia qui hoc amuleto præmunitus nihilominus febre maligna correptus fuit & interiit. At non ideo omnis virtus huic amuleto deneganda. Non ideo enim medicamentum rejiciendum est & reprobandum quod una aut altera vice inefficax deprehendatur, modo sæpius profecerit. D. Aug. Quirinus Rivinus *Tractatu de Peste Lipsiensi ann. 1680.* de hoc amuleto sibi ipsi communicato mentionem facit tanquam certissimo contra pestem: & postea suam de his amuletis mentem aperit: & non alium esse eorum usum, nisi quod his confisi præsidii plebeji præsertim magnanimi reddantur, minusque contagium perhorrescant, existimat. Omnes autem norunt quid valeat terror, quantum pestilentiae vires adaugeat.

C O N S O L I D A.

PLANTÆ plurimæ Consolidarum nomen acceperunt propter virtutem vulnera consolidandi quæ ipsi tribuitur. Sex septemve in Officinis usitata sub hoc nomine prostant: scilicet Consolida major, seu Symphytum: majus Consolida media quæ duplex; Bugula una, altera Bellis major sive Leucanthemum: Consolida minor quæ etiam duplex; Brunella & Bellis minor: Consolida rubra sive Tormentilla: denique Consolida Sarracenica quæ Virga aurea. De Bugula, Brunella, Bellide majori & minori suo loco jam egimus: de Consolida rubra differemus sub nomine Tormentillæ, & de Consolida Sarracenica sub nomine Virgæ aureæ. Hic vero Consolidam majorem tractabimus. Alia Consolida in hortis sæpius colitur ad ornamentum, quæ Consolida regalis seu regia, sed nullius fere usus est.

CONSOLIDA major, Symphytum majus, *Off.* Symphytum, Consolida major, *C. B. P.* 259. *Inst. R. H.* 128. Symphytum magnum, *J. B.* 3. 593. *Dod. Pemp.* 134. Consolida major, *Trag.* 240. Symphytum Alum seu Alus, *Lo-bel. Icon.* 583. vulgo, *Grande Consoude, Oreille d'ane.*

Radicibus est crassis, multifidis, carnosis, foris nigris, intus albis, viscidis & glutinosis: caulibus sesquicubitalibus, inanibus, hirsutis, asperis & alatis. Folia duas spithamas longa sunt, aspera, hirsuta, obscure virentia, palmam lata, mucronata. Flores in summis ramulis & caulibus oriuntur multi, eleganti serie dispositi, antequam aperiuntur caudæ scorpii in modum revoluti, penduli, monopetali, albidi, aut purpurascens, infundibuliformes oblongi & quasi campaniformes, quatuor lineas longi, leviter quinquepartiti, cum calyce quinquifido & pistillo longo flori concolori e centro calycis oriundo abeunte, in quaterna semina caput viperinum referentia, nigricantia & splendentia. Agri Parisiensis incolæ nascitur in pratis & secus rivulos. Folia, flores, sed radix potissimum in usum veniunt.

Analyti chymica, ex radicum recentium Symphyti majoris ℥v. per retortam distillatis prodierunt humoris limpidi, saporis & odoris herbacei, obscure subsalsi ℥ix. ℥j. gr. xij. humoris subacidi ℥j. ℥xij. ℥vij. gr. xlij. humoris limpidi, sub finem rufescentis, acidi, subausteri ℥j. ℥xij. ℥vij. gr. xlviij. humoris rufescentis, empyreumatici, intense acidi, subacris ac tandem urinosi & sale

sale volatili urinoso, parco tamen imprægnati ℥iij. ℥vj. gr. xxiiij. olei spissi, gr. lx. Massa nigra in retorta residua pendebat ℥vj. ℥iij. quæ rite calcinata reliquit cinerum ℥ij. ℥v. gr. liij. ex quibus salis fixi mere alcali ℥v. gr. xxx. lixivio sunt extracta. Partium jactura in distillatione fuit ℥ij. ℥v. gr. xxx. in calcinatione ℥iij. ℥v. gr. xvij.

Ex foliis pariter plurimum phlegmatis subacidi extrahitur, olei portio exigua, aliquantulum spiritus urinosi, nullus sal volatilis urinosus concretus; remanet vero terra copiosa cum mediocri salis alcali fixi quantitate. Succus foliorum & radicum fatuus est & mucaginosus, chartam cæruleam levissimo colore rubro tingit. Tournefortius salem hujus plantæ essentialem sali Coralliorum comparat cum aliquanta salis ammoniaci portione conjuncto. Ex eorum & pauci olei miscela compositum exsurgit mucaginosum, unde ejus vires præcipue emanant.

Radix crassiore mucagine pollet quam Althæa cum qua convenit. Speciatim vulnerarium est, antidyntericum & antihæmoptoicum. Adstringit autem, consolidat, incrassat, & egregie temperat, serum falsum & acre corrigit. Pulvis radice exhibetur ad ℥j. In infuso vel decocto præscribitur ab ℥ss. ad ℥j. Conditum quoque ex ea paratur in Officinis, ad ℥ij. vei ℥ss. sumendum. Observandum est decoctionem hujus radice mediocrem esse debere, ne decoctum mucilaginosum fiat & nimis glutinosum ac proinde palato & stomacho ingratum & noxium. Eadem radix in ulcere pulmonum & in aliis eorum affectionibus quæ a tenui, subtili, acri, & calida materia eveniunt, commendatur; sanguinis sereatum & fluorem sistit, renum & vesicæ exulcerationibus medetur, dysentericæ prodest tam per os sumpta quam sub enematis forma injecta. Externe & interne exhibita enterocelas cohibet, ossibus fractis mederi dicitur, & vulneribus consolidandis efficax est. Florum decoctum ex vino bis in die sumptum in cruenta urina optimum scribit Camerarius.

℞. Radic. Symphyt. maj. taleolatim sectæ ℥j. Orizæ lotæ ℥ss. Liquir. ras. & contus. ℥j. Coq. in aq. fluv. ℔iiij. ad ℔iiij. F. ptisana in hæmoptoe.

℞. Pulmonis vitulini dimidiam partem minutim sectam, Orizæ cochlearia duo, radice Symphyti maj. ℥ij. fol. Urtic. urentis & Plantag. ana M. j. Coq. in aq. comm. q. s. F. juscula duo in sputo cruento. Vel

℞. Pulver. rad. Symph. major. Terræ japonic. ana ℥j. Succin. pp. Mastiches pulver. ana ℥ss. syr. Corallior. q. s. M. F. opiata. Dosis ℥j. ter quaterve die.

℞. Pulver. Symph. major. & Tormentill. ana ℥j. fol. Alchimill. Plantag. ana M. j. flor. Hyperic. M. ss. Coq. leviter in aq. comm. ℔j. Colatura dilue syrup. de Symph. Fernel. ℥j. F. tres doses quarta quaque hora sumendæ in hæmorrhagiis.

℞. Rad. Consolid. major. ℥j. radice Tormentill. & Bistortæ ana ℥ss. folior. Pyrol. Alchymill. & Sanicul. ana M. j. Coq. in aquæ Chalybeatæ q. s. Colaturæ adde olei Hyperic. ℥j. F. enema antidyntericum.

Externe admota Symphyti radix vulnera conglutinat, dolores compescit, fracturas ossium consolidat, herniis & luxationibus confert, atque potenter adstringit. In luxationibus & fracturis ossium Ettmullerus commendat cataplasma

factum ex radice Symph. major. contusa, permista cum pulvere osteocollæ, vel etiam cataplasma ex radicibus Symphyti & foliis & radicibus Geranii rubri seu sanguinei. Parkinsonus & Raius radices recentes minutim concisas, tufas & impositas ad dolores podagricos leniendos & ulcera serpentia aut etiam gangrænas compescendas plurimum laudant. Cataplasma sequens a Paulo Hermanno ad quamvis herniam recentem ex laxato peritoneo commendatur.

℞. Semin. Nasturtii hortens. ℥ss. Gumm. Carann. Mucaginis ex rad. Symph. extract. ana ℥j. F. cataplasma.

Ex Symphyti radicibus paratur syrupus de Symphyto simplex, seu syrupus Boyleanus a celeberrimo Roberto Boyle plurimum laudatus pro hæmoptoicis. Sic autem conficitur.

℞. Radic. Symphyt. major. ℥iiij. folior. Plantag. M. xij. Contusis exprimatur succus cui adde Sacchari pondus æquale & fiat syrupus s. a.

Usurpatur insuper radix Consolidæ in pulvere *Bauderoni* ad puerorum enterocolem, Balsamo polychresto *Eiusdem*, Aqua vulneraria *Lemery*, Unguento mundificativo de Apio, Emplastro ad herniam *Charas*, Emplastro pro fracturis & luxatione ossium *Eiusdem*, Emplastro Regio ad herniam, vulgo, *du Prieur de Cabrieres*.

C O R I A N D R U M.

CORIANDRUM, *Offic.* Coriandrum majus, C. B. P. 158. *Inst.* R. H. 316. Coriandrum, *Lobel. Icon.* 705. J. B. 3. 2. 89.

Radice est tenui, candida, simplici, nonnullis fibris stipata: caule simplici, gracili, tereti, glabro, medulla farcto, sesquicubitali, ramoso: foliis inferioribus quasi conjugatis, rotundioribus, pulchre incis, superioribus multifidis ac profunde dissectis. Flores in summis ramulis adsunt in umbellam digesti, rosacei, ex albo purpurascens, ex quinque petalis inæqualibus & bifidis constantes, cum calyce in duo semina abeunte quæ simul juncta sphaeram integram complent primo viridem, deinde pallide flavescentem. Odor totius plantæ aromaticus sed vehemens, gravis & ad cimicum odorem accedens. Semen odor progressu temporis mitescit & suavior fit gratusque sapor. In arvis circa Parisios colitur. Semen solum in usum venit.

Coriandri semen dum recens est habet odorem gravem, aliquantisper virosum, caput tentantem, qui tamen per exsiccationem & progressu temporis evanescit & in gratum ac suavem odorem convertitur. Oleum essenziale tenue, odorum, & aromaticum analysi chymica suppeditat, cum phlegmate acido & aliqua spiritus urinosi portione.

Magna de Coriandri facultatibus inter auctores agitur controversia. Plerique Arabes & Græcorum nonnulli Coriandro frigidam facultatem, narcoticam, stupefacientem atque deleteriam tribuunt. His adstipulatur Matthiolus, qui asserit semen in ciborum aut medicamentorum usum numquam admitti debere, nisi prius triduo aceto fuerit maceratum. Tragus etiam, qui monet seplasiarios, ne semen cuiquam nisi prius dicto modo præparatum vel cum Saccharo vendant, nisi venenum loco remedii exhiberi velint.

His

Hisadversantur Lobelius & Alpinus, qui asserunt herbæ etiam virentis usum in cibo esse apud omnes Ægyptios familiarissimum. Hispani quoque, auctore Amato, frequentissime illa utuntur & pro cordiali habent. Nihilominus tamen experientia docuit, monachos in Mesuem propter hunc usum Hispanorum plurimos esse fatuos, ob quorum curam tam frequentia sunt valetudinaria publica. Malignitatem arguit fœtor plantæ digitis comminutæ teterrimus. Utcunque hoc medicamento propter malignam vim quæ ei a multis dubio procul non absque experientia tribuitur, præsertim non præparato, non temere utendum censet J. Bauhinus. Verum Zvvelferus existimat noxiam seminis Coriandri qualitatem, si qua inest, a cruda ejus & excrementitia humiditate & immodico usu dependere. Siquidem semen viride virosum quid spirat quod evanescit dum siccatur. Quapropter utrum hæc noxia qualitas rectius aceto affuso, an vero sola & simplici exsiccatione corrigatur, inquit: ac tandem concludit hanc qualitatis nocivæ, crudæ, excrementitiæ correctionem melius arelcentia quam aceti maceratione & iterum exsiccatione perfici, quia vis seminis Coriandri carminativa & balsamica sic non destruitur, imo conservatur & augetur; olea enim essentialia in quamplurimis aromatis exsiccatione magis evolvuntur. Aceto autem potiore sua virtute spoliatur, dum acetum partes oleosæ volatiles ac spirituosas figit, & in aliud compositum traducit, ut experientia quemvis edocere potest. In eadem sunt sententia S. Pauli, Fredericus Hoffmannus Ettmullerus, Paulus Hermans quotidiana experientia edocti, quandoquidem populi plurimi Coriandrum tanquam gratissimum aroma cibis admiscunt.

Laudatur autem semen Coriandri tanquam carminativum & stomachicum singulare. Viscidos incidit ventriculi succos & inde flatus ructusque enatos dissipat. Commendatur maxime illis quibus ex sympathia ventriculi caput dolet. Habet etiam aliquid adstrictionis qua ciborum concoctionem juvat, & in hæmoptisi, nimis menstruis & ventris fluxibus conducit. Insuper strumas discutere creditur. Externe in flatulentis herniis laudatur.

℞. Semin. Coriandri, Anisi, Fœnicul. ana ℥ss. Cinnamom. acut. ℥j. Macis ℥j. Flavedin. cortic. Citr. ℥ij.

℞. Semin. Coriandr. ℥ss. Anisi, Fœnicul. ana ℥j. Nuc. mosch. ℥ss. Cinnamom. ℥j. Piper. long. ℥ss. Sacchar. alb. ℥j. M. F. pulvis post pastum sumendus ex vino. Dosis ℥j. ad ciborum concoctionem perficiendam, ructus, flatus & colicos dolores discutiendos.

℞. Semin. Coriand. ℥ss. semin. Cumin. Anis. ana ℥ij. Alum. rup. ℥ss. Vini rub. Aq. chalib. ana ℥ss. Coq. & applica decoctum in fotu herniæ flatulentiae.

Semen integrum Saccharo obduci solet. Usurpatur in Clareto, vulgo dicto. *Rossolis des six graines*: aqua Melissæ composita H. R. pulvere digestivo Charas.

C O R N U S.

CORNUS & Cornus seu sativa, Off. Cornus hortensis mas, C. B. P. 447. Inst. R. H. 641. Cornus sativa seu domestica, 7. B. 1. 210. Cornus, Clus. Histor. 12. Camerar. Epitome 159. vulgo, *Cornouiller*, *Cornier*: cujus fructus Cornum, *Cornouilles* dicitur, aut *Corne*.

Arbor est mediocriter procera, multis brachiata ramis, cortice subrubro vel cinereo, scabro, materie alba, firma, solida & dura: foliis lævibus, latis, mucronatis, venosis per oras, æqualibus, ex viridi nigricantibus, Cotonæ mali pene similibus. Flores primo vere profert, antequam folia erumpant, in ramorum extremis furculis insidentes, numerosos, rosaceos seu quatuor petalis croceis constantes, cum staminulis exiguis, luteis, ex calyce tetraphyllo communi, purpurascente vel subluteo, sex, octo vel decem prodeuntes. Fructus subsequuntur oblongi, ad Olivam accedentes, graciliores, molles, carnosissimi, primum virides, postea rubri, sanguinei, majores, nonnumquam ceræ colorem referentes, raro albicantes, forma sua ad Jujubas accedentes, gustu primum acerbo, at ubi maturatione remollita fuerint, acido, dulci & suavi, cum quadam tamen adstrictione, officula condentes oblonga, teretia, qualia fere in Olivis, durissima, in duo loculamenta divisa, in quibus nuclei latitant exigui, subdulces, graciles. In hortis colitur. Fructus edulis est & in usum medicum nonnumquam venit.

Analyti chymica fructus nondum bene maturi plurimum præbuerunt phlegmatis acidi, austeri & terræ, mediocrem olei crassi portionem, nonnihil salis fixi mere alcali, fere nullum vero spiritum urinosum. Fructus aciditate styptica pollet & instar Aluminis cæruleam Heliotropii tincturam rubram efficit, adeo ut ejus salis essentialis cum sale aluminoso multa sit affinitas.

Fructus nullo in ciborum honore nisi apud vulgus & rusticos habentur. Refrigerant, exsiccant, adstringunt quomodocumque sumpti. Ob id contra alvi profluvia, mensium & hæmorrhoidum immoderatiorem fluxum exhibentur. Sed præstat ad suavitatem succum ex fructibus expressum cum Saccharo in Cydonitis consistentiam coquere: tunc enim acidulo sapore palato magis blanditur. Dysentericis & aliis qui adstrictione indigent non minimum proficit. Fit etiam ex iis Rob seu Sapa sed minus gratum. Nonnulli in diarrhæa & dysenteria fructus exsiccatos & pulveratos ad ℥j. præscribunt. Vinum quoque adstringens a nonnullis paratur adversus eosdem morbos cum fructus contusi ℔x. Vini rubri ℔ centum, aquæ ferratæ ℔xij. simul fermentatis. Corna frigido ventriculo nocent & ejus cruditates adaugent.

Corna sicca contrita & cum oleo myrtino aut omphacino mixta in emplastri formam præsentis auxilio sunt ad vomitiones ventriculo imposita; contra fluxum autem alvi abdomini admota; contra menses immodicos pectini & coccygi applicata.

In Hetruria abstinere demorfi a cane rabido per integrum annum a quorundam lignorum præsertim Corni contactu: siquidem si harum virgæ tantisper manibus teneantur donec concalescant, illico demorfi rabie exagitantur, sic narrante Matthiolo.

Folia quoque & germina gustu acerba sunt, valenterque desiccant; itaque maxima vulnera glutinare possunt.

Hujus arboris lignum omnibus lignis durius perhibetur, ad radios & dentes rotarum & cochleas utilissimum.

C O R Y L U S.

PLURIMÆ sunt Coryli species ratione fructuum sive nucularum inter se diversæ. Sunt enim vel domesticæ ac cultæ, vel sylvestres. Ex domesticis quibus hortorum pergulæ ornantur aliæ sunt oblongæ & abditæ latent in calycibus longis, callofis, herbaceis, in extremo fimbriati: aliæ rotunditate insignes & calycem exteriorem breviorē & magis patulum habentes. Inter longiores, quæ membrana rubente obvelantur sunt præstantiores. Sylvestres seu calvæ dictæ parvæ admodum sunt, minus gratae, & in sepibus, dumetis, & sylvis passim nascuntur. Harum innumeræ fere in figura, magnitudine putaminum, crassitie, nucleorum sapore, maturescendi tempore differentiæ sunt. Duas tantum considerabimus apud nos magis usitatas quæ colliguntur ex arbore pumila quæ dicitur Corylus.

CORYLUS, Nux Avellana, *Off.* Corylus sativa fructu albo minore, sive vulgaris, *C. B. P.* 417. *Inst. R. H.* 581. Corylus sativa, *J. B.* 1. 266. Corylus, *Clus. Histor.* 11. vulgo, *Noisetier*.

CORYLUS sativa, fructu rotundo máximo, *C. B. P.* 418. *Inst. R. H.* 581. Avellana Lugdunensis major, *Camerar. Hort.* vulgo, *Aveline*, quarum fructus, Nuculæ Avellanæ, Noces Ponticæ, Noces Prænestinæ, Noces Heracleoticæ, *Avelines*, *Noisettes*.

Corylus arbor pumila est, radice crassa, alta, nodosa, late diffusa, crassis caudicibus in multos ac robustos stolones divisis, virgasque lentas, enodes, obsequiosas, cortice, ubi annosi fuerint, incano & lævi obductis, materie candida, molli: foliis latis, majoribus, rugosioribus quam Alni, modice serratis, colore virentibus, averfa parte albidioribus. Flores oblongi, tenues, compactique. Juli cum quibusdam coccineis filamentis pro floribus dependent primum virides, deinde flavi, plurimis foliolis constantes axi squamatim affixis quibus singulis subsunt denso agmine apices flavescentes. Fructus in eadem arbore a floribus separati nascuntur aliquot simul juncti, involucris callofis, fucosis, herbaceis, barbatis, hirsutis, adstringentibus & acidis obsepti, magnitudine dimidio minores ut plurimum Juglande, oblongi, vel globosi, putamine umbilicato per maturitatem flavescente aut rufo, lævi, lignoso & duro satis: cui subest pellicula in domesticis quibusdam coccinea, in aliis subrufa, nucleum obvestiens albidum, firmum sicut Amygdali nucleus, ejusdemque sapore dulci, lacteum remittentem succum. In Avellanis nucibus antequam nucleus formetur aut perficiatur ambiens pulpa est candicans, fungosa, saporis acidi. Domesticæ habentur in hortis, vineis & viridariis. Sylvestres vero ubique proveniunt, in sylvis & secus itinera. Fructus usu sunt.

Analyfi chymica Avellanæ noces mediocrem phlegmatis tum aciditum urinosi portionem continent, plurimum olei tum tenuis tum spissi, & resinosi plusquam dimidiam partem, parum terræ & salis fixi.

Alimentum copiosius præbent Avellanæ quam Juglandes, sed crassum: Potissimum expetuntur recentes, nondum perfectam maturitatem assecutæ, quo tempore magna humiditate excrementitia donantur; tunc palato gratiores

sunt, sed nullomodo concoquuntur in ventriculo. Bene maturæ & per aliquod tempus asservatæ salubriores sunt. Incrustantur Saccharo & inter tragemata accensentur. Quidam scribunt novem vel decem Avellanas perpurgatas, ante pastum per aliquod tempus comestas, a nephriticis doloribus liberare. Bechicam quamdam vim obtinent ob copiosum earum oleum dulce, nec inepte medicamentis thoraci dicatis admiscuntur, aut ex his lac exprimitur Avellanatum dictum, quod non solum tussientibus, sed etiam coeliacis & dysentericis prodesse fertur. Adstringentis enim quid obtinent.

Nuces Avellanas stomacho infestas esse & difficulter concoqui, necnon caput gravare, præsertim largius sumptas Medicorum veterum & recentiorum communis est sententia. Si quis post cibos illas edat, sitim & inflationem molestam percipiet. Vulgaris est opinio nuces Avellanas pinguedini corporis conferre: ac etiam anhelosos & asthmaticos efficere ad satietatem eis vescentes vulgo persuasum est. Quod alvum sistant & dysentericis prosint nonnulli scribunt: alii & verius dysentericiæ aut diarrhææ obesse potius quam prodesse tradunt, ideoque in ejusmodi morbis ab iis omnino abstinendum. Intestinis infestas esse experientia docere conatur Tragus. Pueri namque, inquit, si Augusto mense Avellanas nuces avide devorant, facile in dysentericum morbum incidunt. Ad dysenteriam etiam pestilentialem nocuas esse vulgo persuasum est.

Oleum ex Avellanis nucibus per expressionem extrahitur, quod ad tussim veterem & distillationes utile Tragus scribit. Hoc oleo mulierculæ infantium caput inungunt, ut capilli majori copia crescant.

Avellanarum juli, cortices exteriores virides, & putamina adstringere & ventris fluores sistere affirmant qui de illis scripserunt. Putaminum pulverem cum pulvere seminis Anisi mistum Ettmullerus ad fluorem album commendat.

Ligno Corylino vis sudorifera & diuretica a nonnullis tribuitur. Sed præstantiora habemus ligna sudorifera in Guaiaco & Sassafras. Ex hoc ligno oleum per distillationem extrahitur, quod sæpius super calcem vivam distillatum, aut ut ajunt, rectificatum amittit odorem empyreumaticum, colorem limpidum aureum adipiscitur & est oleum Heraclinum a Rulando Medico Cæsareo magnopere decantatum ut antiepilepticum, anodynum & anthelminthicum. Dosis a guttulis ij. ad x. cum mica panis vel in quolibet cõdito idoneo. Ad epilepsiam infantium etiam commendatur a nonnullis spiritus acidus qui in eadem distillatione cum oleo prodit.

In Corylo viscum nonnumquam nascitur quod epilepticis aliisque capitis affectibus obnoxiiis Querno longe utilius a nonnullis habetur; a ℥ss. ad ℥j. ratione ætatis ejus pulvis exhibetur. Illud autem certo tempore collectum, nempe luna crescente, inter duos dies B. Mariæ expostulant. Nam tale viscum amuleti instar collo appensum contra epilepsiam, paralytim & morbos ab incantatione ortos plurimum valere credunt. Ex eodem parant unguentum ad veneficiorum infringendam vim mirabile cujus descriptio apud Henricum ab Heer *L. 1.º Observ. 8.ª* videri potest; sed has nugas ne dicam imposturas aniculis delirantibus relinquimus. Eiusdem farinæ est virgula divinatoria qua vulgus metallicorum ad venas metallorum inquirendas utitur & ex ligno Corylino parat.

Lignum Corylinum ad varios usus mechanicos utile est.

COTONEA MALUS.

PLURES sunt hujus arboris species quæ quidem inter se non nisi fructus magnitudine & forma differunt. Harum duo genera constituuntur potissimum, fativa & sylvestris; fativa duplex, fructu nempe majore & minore.

COTONEA malus fructu majori, *Off.* Cydonia fructu oblongo læviori, *Inst. R. H.* 632. Malus Cydonia fructu oblongo & læviori, *H. R. P.* Mala Cotonea majora, *C. B. P.* 434. Cydonia majora, *Raii Histor.* 1453. Cotonea malus, *J. B.* 1. 27. vulgo, *Coignier femelle*.

COTONEA malus fructu minori, *Off.* Cydonia fructu breviori & rotundiore, *Inst. R. H.* 633. Malus Cydonia fructu breviori & rotundiore, *H. R. P.* Mala Cotonea minora, *C. B. P.* 434. Cydonia minora, *Raii Hist.* 1453. vulgo, *Coignier femelle*.

COTONEA malus sylvestris, *Off.* Cydonia angustifolia vulgaris, *Inst. R. H.* 633. Malus Cydonia angustifolia vulgaris, *H. R. P.* Cotonea sylvestris, *C. B. P.* 434. vulgo, *Coignassier*.

Arbor est humilis sæpiusque tantum instar fruticis assurgens, radice copiosa, fusco cortice vestita, alias recta, alias oblique acta, e cujus summo multi stolones virgati sese exerunt: ligno contorto, intus pallente & albicante, firmo satis & æquabili, cortice obtecto mediocri, non rimoso nec valde scabro, inferna parte subfusco, superne subcinereo, lævior atque glabro: foliis Malo vulgari æqualibus, subrotundis, mucronatis, nulla in ambitu crenâ incisurave dissectis, prona parte cana lanugine ubertim obsitis, supina vero viridantibus & lævibus fere, rarius & nonnisi tenellis foliis lanuginosis, quæ lanugo facile affricu digiti dera- ditur. Flores non multi simul ut in Malis, sed in furculis singulares, rosacei, Rosi sylvestribus per similes, quinque petalis subrotundis ac semiuncia latioribus, carneo colore præditis, in orbem positis constantes: in quorum medio stamina multa purpurascencia, apicibus luteolis, calyci insident composito ex quinque foliis ex viridi canescentibus, villosis, quæ postmodum fructus *II. quæve* seu umbilicum foliatum efficiunt, & embryone tumido, oblongo, lanuginoso, qui cadentibus florum petalis incrementum capescit donec fructus perficiatur magnitudine Mali, figura varius, turbinatus, modo circa pediculum, modo circa umbilicum angustior, alias subrotundus & torulis (*Godron*) eminentibus tuberosus, parvus, magnus, mediocris, densa lanugine rasili obducta, carne firma, melina, odora, adstringente & subacida. Semina in ipso pomi centro quinque cellulis distincto continentur, cortice spadiceo, medulla alba, Pyri feminibus non multum dissimilia, viscido quodam lentore lubrica, quem in aquam dejecta deponunt, & ipsam mucilaginosam reddunt: fructus odorem gratum quidem sed vehementem spargunt, & qui quorundam capita ita percellit ut ipsis dolorem moveat, præsertim si conclavi inclusi habeantur. Arbor in hortis & viridariis passim colitur. Ex usu sunt fructus & semina.

Analyti chymica, ex pulpæ malorum Cydoniorum rasæ lbv. per vaporarium distillatis prodierunt humoris limpidi, saporis & odoris tenuis mali Cotonei,

primo obscure acidi, deinde subacidi ℥ij. ℥iij. humoris limpidi, acidi & subaustri, ℥j. ℥viii. ℥iiij. gr. lx. Massa in vaporario residua, fusca, fere exsiccata pendebat ℥xviii. ℥vj. quæ per retortam distillata præbuit humoris primo limpidi, rufescentis, deinde fusci, odoris & saporis empyreumatici ℥vij. ℥ij. gr. xxxvj. olei ℥j. Massa nigra in retorta residua pendebat ℥v. ℥vj. quæ per 29. horas calcinata reliquit cinerum fuscorum subrubentium ℥iij. gr. xxxvj. Partium jactura in distillatione fuit ℥viii. ℥vij. gr. xlviii. in calcinatione ℥v. ℥ij. gr. xxxvj.

Cotonea mala sapore acido austero donantur. Odorem spargunt haud dissimilem illi qui ex olei vitrioli & spiritus vini mistura per aliquam digestionem exhalat. Salem continent essentialem acidum, stipticum, pauca terra implicitum, ac multo phlegmate dilutum.

Crudorum malorum Cotoneorum vix ullus est esus. Cocta palato gratiora & naturæ amica magis. Adstringunt valide, præsertim quæ cruda, ventriculum firmant: vomitiones arcent, alvi profluvia sistunt. Propterea coeliacis, lientericis, dysentericis, diarrhæa conflictatis, sanguinolenta & purulenta exscreantibus, vel fluore mensium aut hæmorrhoidum immoderatiore affectis utilia sunt: venenorum vires frangere dicuntur. Ante cibum sumpta alvum constipare creduntur, e contra a pastu laxare. Certum est alvum movere, si avidius & copiosius ingerantur. Apponuntur mensis secundis vel sub cineribus cocta, vel saccharo condita. A nonnullis in veru assantur & tostorum carniū succo irrorantur. Frustrulatim secta, seminibus & cortice mundata, caryophyllis confossa, cum vino, cinnamomo & saccharo elixantur.

Officinæ pharmaceuticæ varia ex Cydoniis conficiunt. Ex his fructibus tuis, expressis & cum melle fermentatis fit vinum melites vel cydonites, quod paratur etiam ab aliis conjiciendo tantum Cydonia mala frustrulatim secta in dolum vino repletum. Mivam & gelatinam parant ex succo expresso defæcato & ad mellis aut gelatinæ consistentiam cocto, cum vel sine saccharo. Ex fructuum pulpa tusa & cum saccharo cocta fit Cydoniatum vel Cotoneatum aut marmelata. Syrupus ex eorum succo paratus in officinis servatur; oleum quoque ex malis cotoneis nondum maturis in oleo communi decoctis.

Sylvius de Leboe *Method. Medend. lib 2. cap. 10.* refert se effectum mirabilem & valde laudabilem percepisse non sine admiratione ex syrupo seu miva Cydoniorum ex solo succo ad syrapi consistentiam igne blando decocto. Hujus, inquit, si cochlear semis vel plus adultioribus exhibeatur, pituitam glutinosam incidit, & nunc tussi ex pulmonibus educit, nunc vomitu e ventriculo tenuique intestino, nunc dejectione ab iisdem partibus expellit, quodque maximi faciendum, robur simul affert ægris, adeo ut hoc uno remedio plures restituerim ægros a plerisque medicamentis abhorrentes. Pituitæ autem in primis conducit tum evacuandæ, tum corrigendæ. Est & seminibus sua præstantia. Aquâ infusa seu macerata mucilaginem præbent quæ lenit & vitiosorum humorum acrimoniam demulcet. Gargarismatibus admiscetur hæc mucilago cum aqua rosacea vel alia quacumque extracta ad linguæ ariditatem in febribus ardentibus leniendam, collyriis ad ophtalmiam sanandam, enematis ad dysentericorum tormina placanda, & dolores hæmorrhoidum sedandos: scissuris mammarum & ambustis insuper illinitur utiliter.

R. Mu-

℞. Mucilaginis femin. Cydonior. & sem. Psyllii extractæ cum aqua rosarum ana ℥ij. albumin. ovi dilutissime agitati & aq. Plantag. ana ℥j. Camphoræ gr. iij. F. collyrium in ophtalmia.

℞. Mucilag. sem. Cydonior. Psyllii & Hormin. cum aq. Semperviv. vel Plantag. extract. ana ℥ij. Pulpæ malor. Cydonior. sub ciner. coctor. & pomor. dulc. ante ignem coctor. ana ℥iij. Camphor. ℥j. sacchar. saturni ℥ss. F. cataplasma ad ambusta, oculorum contusiones & ophtalmias.

Succus Cydoniorum malorum usurpatur in syrupo de Absynthio & syrupo Emetico *Charas*, & semina in syrupo jujubino *Eiusdem*.

C R U C I A T A.

CRUCIATA & crucialis, *Off.* Cruciata hirsuta *C. B. P.* 335. *Inst. R. H.* 115. Cruciata *Dod Pempt.* 357. Gallium latifolium, Cruciata quibusdam, flore luteo, *J. B.* 3. 717. vulgo, *Croisette*.

Radice plurimis fibris subluteis, e geniculis emissis capillata reptat. Caulis profert plures, pedales interdum & longiores, quadratos, hirsutos, tenues, infirmos, crebris geniculis interceptos: ad quorum singulos folia quaterna cruciatim disposita, decussata, hirsuta, paulo latiora quam Aparines, mucrone obtuso, absque pediculis cauli adnata. Flores ex alis foliorum egrediuntur verticillatim. Non tamen, si curiose observes, e foliorum omnium sinubus egredi advertes, sed ex oppositis duobus tantum, tres fere ex uniuscujusque folii sinu surculos pluribus floribus exiguis, monopetalis, campaniformibus, patentibus, quadrifidis, flavis onustos. Eorum calyx abit deinde in fructum siccum ex gemellis seminibus subrotundis & sub cortice tenui, hirsuto reconditis constantem. Ad sepes & in dumetis frequens nascitur. Herba usu est. A Gallio & Aparine differt solo foliorum numero, quæ quaterna tantum decussatim ad caulium nodos oriuntur.

Analysi chymica, ex totius plantæ recentis floridæ, dempta radice ℔v. per retortam distillatis prodierunt humoris limpidi, saporis & odoris fere expertis, seu aliquantisper herbacei, obscure subacidi ℥xj. ℥iij. humoris primo acidi manifesti, deinde intensi & austeri, postea rufescentis, ac tandem fusci, empyreumatici, intense acidi, austeri ℔iij. ℥viiij. ℥ij. gr. xxx. humoris rufescentis, sale volatili urinoso copioso imprægnati ℥j. ℥ij. gr. xxiiij. olei spissi extracti ad instar ℥j. ℥iij. Massa nigra residua pendebat ℥vj. ℥j. gr. xxxvj. quæ calcinata reliquit cinerum ℥ij. ℥ij. gr. liiij. ex quibus lixivio salis fixi mere alcali ℥vj. gr. xij. extracta sunt. Partium jactura in distillatione fuit ℥iij. ℥iij. gr. liiij. in calcinatione ℥iij. ℥j. gr. xxxvj.

Hæc planta salem continet essentialem aluminosum cum aliqua portione salis ammoniacalis & multo oleo involutum.

Cruciata inter plantas vulnerarias dictas numeratur. Siccat enim & adstringit tum interne sumpta, tum externe adhibita. Dicunt, ramices hac curari posse, decocto ejus aliquot diebus epoto, herba vero ipsa loco imposita. Jungkenjeus fotum in schirro hepatis commendat. Joannes Cruso *in suo medicamentorum euporiston Thesauro* affirmat se rusticum qui falce superiorem manus par-

partem vulneraverat, hac planta inter duos lateres trita & cataplasmatiss forma vulnere admota feliciter curavisse, sine ulla alia applicatione.

CUCUMIS.

CUCUMIS aut sativus est, aut sylvestris, qui etiam asininus nuncupatur. **CUCUMIS** vel Cucumer, & Cucumer sativus seu esculentus *Off.* Cucumis sativus vulgaris maturo fructu subluteo *C. B. P.* 310. *Inst. R. H.* 104. Cucumis vulgaris viridis *F. B.* 2. 245. Cucumis vulgaris *Dod. Pempt.* 662. Citreolus vulgo, *Casalpin.* 199. vulgo, *Concombre.*

Ex radicibus rectis, multisque candidis capillamentis fibratis, hirsuta sarmenta, crassa, longa, ramosa per terram huc illuc reptant, quibus alternatim adnascuntur folia palmi unius aut alterius amplitudine, angulis hederaceis cæsa, ambitu ferrata, tactu aspera, e quorum alis exeunt capreoli & flores monopetali, campaniformes, patentes, quinquepartiti, semiuncia majores, ex luteo pallentes; ex quibus alii steriles sunt nulli embryoni adhærescentes; alii fecundi insidentes embryoni qui deinde abit in fructum semipedem & amplius longum, teretem, utrinque turbinatum, sæpius incurvatum, angulosum, verrucosum, primo viridem, deinde flavescentem vel albicantem, carnosum, cortice tenuiore, carne firma, translucida, candida, succosa, sapore non ita grato ac Melonum, sed peculiari quodam & agresti, in terna vel quaterna loculamenta divisum, medullosa quadam & laxa carne repleta quæ semina continet copiosa, oblonga, plana, Melonum seminibus fere similia, paulo tamen angustiora, & ab illis pusillo apiculo subtus protenso distincta, medulla lactescente, suavi. Seritur in hortis. Fructus crudus vel coctus edulis est. Semina officinis multi sunt usus.

Analysi chymica, ex hujus fructus nondum bene maturi \mathfrak{lb} v. per retortam distillatis prodierunt humoris limpidi, odore & sapore primo herbam viridem, deinde Cucumeris fructum referentis, obscure acidi \mathfrak{lb} ij. \mathfrak{z} vij. \mathfrak{z} iiij. gr. xviiij. humoris limpidi, manifeste acidi, subausteri, \mathfrak{lb} j. \mathfrak{z} v. gr. xviiij. humoris rufi, sale volatili urinoso imprægnati \mathfrak{z} v. gr. lxxvj. olei fluidi \mathfrak{z} ij. gr. xviiij. Massa nigra in retorta superstes pendebat \mathfrak{z} j. \mathfrak{z} iiij. gr. xxiiij. quæ calcinata reliquit cinerum \mathfrak{z} iiij. gr. xlvij. ex quibus salis fixi mere alcali \mathfrak{z} ij. gr. xxxvj. lixivio extracta sunt. Partium jactura in distillatione fuit fere nulla; in calcinatione \mathfrak{z} vj. gr. xlvij.

Salem essentialem tartareum obtinet parcum multo phlegmate viscido dilutum.

Cucumeres exiguum & aquosum corpori præbent nutrimentum. Crudi licet bene maturi difficile coquantur in ventriculo, ejus fibras viscido suo succo laxant, & ad ceterorum alimentorum concoctionem perficiendam inhabilem eum reddunt. Virides & parum ventricosi vulgo *Cornichons*, licet gula erudita suaviores judicet, nullo modo coquantur, imo sæpe ventriculum lædunt, si præsertim aceto vel muria conditi fuerint. Facile autem Cucumeres in ventriculo & intestinis corrumpuntur, & ex eorum esu assiduo pravi congeruntur succi qui exiguum ad putrescendum occasionem nacti febres accendunt.

contumaces, ut in seipso Petrus Gonterius expertus est, referente eodem *lib. de sanitate tuenda*. Attamen J. Raius refert semetipsum per multos annos Cucumeres copiose comedisse, quamdiu rempestivi & esui idonei erant, nec tamen ullam vel levissimam noxam aut incommodum inde percepisse, licet sexagenarium. Narrat insuper cum Florentiæ in Italia febris laboraret, præscribente quodam Medico Anglo ibi degente, pulpam Cucumerum jusculis incoctam non sine insigni solatio & levamine esitasse.

Verum crudi cum comeduntur, cortice cartilagineo resecato, in orbiculos tenues concisos & sale aspersos duplici paropside exceptos, eo usque exagitare convenit, inquit Raius, donec humor aqueus copiosus eliciatur & extillet; quo effuso, aceto, oleo & pipere condiendi sunt; quo modo & palato & ventriculo gratissimi evadunt, & certe non insalubres. Alii Cucumeres in taleolas sectos, manibus atterunt, deinde contritam pulpam succo madentem per noctem servant, postea succum exprimunt, pulpamque oleo, sale, aceto & pipere conditam non solum innoxiam, sed etiam calidioribus naturis & æstuantibus visceribus utilem asserunt. Revera quadam inchoata fermentatione, agrestis & viscida pulpæ substantia inciditur ac dividitur, ac proinde coctioni fit magis apta.

Quandoquidem autem viscida hæc substantia coctione melius quam ullo alio modo resolvitur, multos Cucumerum coquendorum modos culinæ invenerunt. Cortice mundati & per frustula secti, cum aliis oleribus in carniū jure elixantur. Quandoque cum aliis herbis & speciebus aromaticis saporati in offas apparentur. Alias elixati & aqua expressa, in sartagine friguntur ex butyro multo. Infarciuntur quoque purgati seminibus. Farctura cum carne vitulina, suilla, caponum, perdicum, aut alia quacumque, lardo insulso, medulla bubula, ovis & aromatis omnibus concisis paratur: jure carniū infarcti coquuntur, & offis immixti apponuntur. Quin etiam illud farcimen ex carnibus piscium quorumlibet butyro conditis concinnantur; tum cum multo butyro coquitur, & nutritur jure ex carnibus residuis, capitibus, squamis, pelliculis, spinis parato.

A nonnullis commendatur Cucumerum usus internus in affectibus renū & vesicæ, maxime calculosis.

Externe Cucumerum caro capiti applicata in pleuritide multum laudatur a Borello. Bartholetus in *Tractatu de Respiratione*, in fervida maxime phrenitide commendat carnem Cucumeris aut Cucurbitæ tusam, niveque refrigeratam, abrasis capillis capiti impositam.

Semen Cucumeris inter semina quatuor frigida majora refertur, adeoque solet ingredi emulsiones refrigerantes, quas vocant, in febribus ardentibus, nephritide, urinæ ardore. Minus tamen refrigerat quam fructus ipse.

CUCUMIS agrestis, Cucumis asininus, Cucumis sylvestris, *Uff.* Cucumis sylvestris, asininus dictus *C. B. P.* 314. *Inst. R. H.* 104. Cucumis sylvestris si-ve asininus *J. B.* 2. 248. Cucumis sylvestris *Dod. Pempt.* 663. Cucumer elaterii sylvestris *Adversor. Lobel. Icon.* 646. vulgo, *Concombre sauvage*.

Radice[m] habet duas tresve uncias crassam, pedem longam, in varias fibras divisam, albam, carnosam, amaricantem & nauseosam, ex qua caules oriuntur humi fusi, asperiusculi, crassi, in quibus folia nascuntur ex rotundo acuminata,

nata, palmo longiora, ad basim aurita. Ex eorum alis emergunt flores monopetali, campaniformes, patentes, semiunciam superantes, in quinque partes profunde divisi, flavescentes cum venis virescentibus. Fructus sesqui unciam vel duas uncias longi sunt, cylindriformes, bullis asperiusculis echinati, divisi in tria loculamenta tenuibus septis distincta, succi amari plena: qui maturi levissimo tactu virosuum succum cum lubrico semine violenter ejaculantur. Semina lata sunt, lævia & nigricantia. In meridionalibus Galliæ provinciis sponte secus vias & in ruderatis nascitur: hic in hortis colitur. Ejus succus expressus & inspissatus, quod elaterium dicitur, in usum venit.

Analyti chymica, ex totius plantæ floridæ & cum aliquot fructibus lbv. per retortam distillatis, prodierunt humoris primo aliquantisper turbidi, flavescentis, saporis & odoris subacris, deinde limpidi, saporis & odoris expertis, obscure falsi lbj. ℥vij. ℥vj. gr. xlviij. humoris limpidi, acidi lbij. ℥xj. ℥iiij. gr. lx. humoris rufescentis sale volatili urinoso copioso imprægnati ℥vij. ℥iiij. gr. xvij. salis volatilis urinosi concreti gr. xij. olei spissi extracti ad instar ℥j. gr. liij. Massa nigra in retorta superstes pendebat ℥iiij. ℥vj. gr. xxxvj. quæ calcinata reliquit cinerum ℥ij. ℥j. gr. liij. ex quibus salis fixi mere alcali ℥vij. gr. lxij. lixivio sunt extracta. Partium jactura in distillatione fuit gr. lx. in calcinatione ℥j. ℥iiij. gr. liij.

Hæc planta igitur abundat sulphure tum tenui & acri, tum crasso, ac sale ammoniaco cum mediocri quantitate salis nitrosi. Tota planta exsiccata & prunis injecta fulgura quasi nitro copioso turgida, & odorem foetidum spargit, ab illo oleo crasso.

Omnes plantæ partes catharsim vehementer movent. Radicum vis cathartica major est quam foliorum, minor vero quam fructuum. Ejus succus expressus & inspissatus a veteribus græcis Elaterion dicitur, quo nomine non solus hic succus, sed omne per inferiora purgans designatur medicamentum. Græci eo frequentissime ceu valido aquas, pituitam bilemve superne ac inferne evacuante medicamento, usi sunt; rarius vero neoterici.

De duplici elaterio mentionem faciunt auctores, viridi & albo. Viride ex pulpa fructus leviter expressa & per cribrum adacta; album vero ex liquore albicante & seroso ex fructu frustulatim secto sponte sua exstillante, absque ulla pressura fit. Viride elaterium minorum virium est, minusque violenter sursum deorsumve purgat quam album. Hujus enim vel granum unum liquore aliquo solutum in corpore teneriore potenter operatur. Imo Parkinsonus, narrante Raio, testatur, dimidium granum medicamento cuidam cathartico inditum, ad illud acuendum, ventriculum conturbasse mirum in modum, vomitus crebros excitasse & postea per sedem violenter purgasse. Fructus ad elaterii præparationem eligendi sunt non immaturi; succum enim tunc dant virosuum, qui hypercatharsim & dysenteriam inducit, sed pene maturi, non vero ad hunc maturitatis gradum eo usque perducti ut ad primum contactum dissiliant: sic enim periret quod ad purgandum validissimum est.

De quodam elaterio ex semine contuso & expresso veteres mentionem faciunt, nunc ignoto.

Elaterium purgat pituitam, & interdum bilem, si vacuari parata est, serosum.

rososque humores etiam evulso contumaces vomitu & dejectione dejicit, atque etiam e juncturis mirifice trahit; adeo ut tunicas etiam intestinorum erodat & vasorum oscula aperiat. Movet menses, fetumque expellit: unde rarus ejus usus, præcipue cum nec malignitate careat. Hinc factum ut multis annis, ejus usus evanuerit. Massarias tamen observat, si quando contingit ut aqua thermarum pota in corpore detineatur, nullum præstantius hoc medicamento repertum iri.

Veteres elaterium exhibebant a gr. vj. ad xxx. hodie longe parcius dosi præscribitur a gr. ß. ad gr. ij. quæ stimuli loco tantummodo cum aliis extractis purgantibus admiscetur, licet Mercurialis *Tom. 3. consultation. 75.* scribat, elaterium facilius erumpere & evacuare si paulo plus illius quam paulo minus exhibeatur, aut viscosis gummatibus misceatur. Populi enim sub calidis climatibus viventes vehementiora purgantia facilius ferunt quam qui sub frigidis degunt. Non utimur autem eo, utpote stomacho & intestinis venisque mesenterii valde infesto, nisi stomachicis corrigatur. Attamen ex recentioribus nonnulli in hydrope illud commendant. S. Pauli narrat se in contumaci hydrope, viribus constantibus, uni & alteri hydropico aquas elaterio eduxisse, moxque eosdem roboratis visceribus, pristinae sanitati restituisse: sed nihilominus medicinae candidatos commonefacit tam ex Colocynthis quam ex Cucumere asinino parata medicamenta, ceu canem caveant; nec iis nisi irritis benignioribus iisque tutioribus, unquam utantur. Acerrimi quoque sunt elaterii patroni Sydenhamus & Lyster utrique apud Anglos Medici spectatissimi: ille palmarium illud vocat hydragogum in hydrope: hic elaterio tribuit vim calefacientem, digerentem & exedentem, ac citra inflammationem & sitim. Mercurialis & Heurnius elaterium laudant in illius hydropis specie quæ Anasarca dicitur sub duabus conditionibus; 1. modo multa sit aqua: 2. modo non adsit febris: ab illis dissentientes qui illud in ascite usurpant, ubi, monente Villisio, sæpius ad patientis noxam quam emolumentum cedit.

Egregiam adhuc illius operam laudat Saxonia in fluore albo, & Ettmullerus in hydrocele. Verum Capi vaccius frequentiori in usu elaterium habuit. Elaterio utebatur incipiens a gr. ß. postea exhibens grana duo, tria, ad quinque, sed sensim, nec augendo dosim, nisi evacuanda materia postulet & vires ferant: formula talis est.

℞. Elaterii gr. ij. vel iij. &c. Pilular. alœphanginar. ʒj. cum succo Iridis. F. pilulæ.

Hydropicis vero qui elaterium admittere non poterant, idem ipsis radicem vino maceratam exhibebat. Dosis radice a gr. xv. ad ʒß. in pulverem redactæ.

℞. Radic. Cucum. asinin. exsiccata & pulverata ʒß. Vini Malvatici vel Hispanici ʒxij. Macerentur per triduum. Vinum hoc cum pulvere tribus partitis vicibus per tres dies continuos mane, jejuno ventriculo, propinetur. Deinde tribus aliis vel quatuor intermissis diebus, rursus aliud vinum hydragogum per tres alios dies exhibeatur. Sic citra molestiam plurimos hydropicos Capi vaccius sanavit.

Michaelis ex hac radice Tincturam extrahit cum sp. vini tartarizato quam speciatim in hydrope uteri commendat: eam a ʒj. ad ʒij. exhibet cum oleo Cinnamomi vel alio quocumque temperatam.

Succus Cucumeris asinini naribus attractus ad guttas aliquot multum feri educit. A nonnullis utilis dicitur ad icterum solvendum sic exhibitus. Vulvæ ex pello inditus fetum mortuum expellit, sed vivum enecat, quapropter ab eo abstinendum est.

Cucumeris asinini succus multum facit externo usu in tumoribus duris emolliendis & scirrhis discutiendis, uti & scrophulis & strumis resolvendis.

E'aterium usurpatur in extracto panchymagogo *Crollii*, unguento Agrippæ *Nicol. Salernitani*, unguento aregon *eiusdem*, ung. de Arthanita *Mesuae*, & Empl. Diabotano *Blondel. Penich.*

C U C U R B I T A.

CUCURBITA, *Off.* Cucurbita longa, folio molli, flore albo *7. B. 2. 214.*
Inst. R. H. 107. Cucurbita oblonga, flore albo, folio molli *C. B. P. 313.*
 Cucurbita longior, *Dod. Pempt. 669.* Cucurbita sive Zuccha omnium maxima, anguina *Adversarior. Lobel. 366.* vulgo, *Courge ou Calebasse.*

Vitículas digitali crassitudine, angulosas, orgyias aliquot longas, e radice tenera, candida, in multas tenues partes distracta emittit, quæ per terram sparguntur, alioqui pergulas & perticas Capreolorum ope scandunt: folia rotunda, pedem aut sesquipedem lata, molli lanugine tomentosa, crenis subinde nonnullis per ambitum incisa & pediculo tereti, oblongo, concavo. Flores ex foliorum sinu exeunt albidi, campaniformes, patentes & plerumque ita secti ut ex quinque petalis constare videantur, intus villosi, exterius brevi pilo obstiti. Horum alii steriles sunt, nulli embryoni adhærescentes, alii vero fecundi seu infidentes embryoni, qui deinde abit in fructum insignis magnitudinis, pedes quinque aut sex nonnumquam longum, cervice crassa, in ventrem modice turgescens, cortice recentis tenero, herbaceo, adulti vero duro, flavescente: medulla seu carne alba, insipida, modice fungosa, in sex loculamenta plerumque divisum, quibus semina continentur uncialis fere longitudinis, oblonga, plana, compressa, una parte lata, duobus angulis seu auriculis conspicua, altera qua germinare solent angustiora, quasi introrsum emarginata, & sub tunica duriuscula quasi cartilaginea, alba, medullam includentia albam, dulcem, esui gratam. In hortis feritur & colitur. Fructuum pulpa edulis est. Semina in numero quatuor feminum frigidorum majorum recensentur.

Analyti chymica, ex seminum Cucurbitæ a cortice mundatorum lbv. per retortam distillatis prodierunt humoris limpidi, odoris & saporis expertis, obscure subsalsi ℥vij. ℥iiij. humoris flavescentis, odoris empyreumatici, primo subacidi, falsi, deinde urinosi ℥j. ℥iiij. gr. xxix. humoris rufescentis sale volatili urinoso copioso imprægnati ℥viiij. ℥j. gr. xv. olei rufescentis lbij. ℥v. Massa nigra in retorta superstes pendebat ℥xij. gr. xviiij. quæ per 20. horas calcinata reliquit massam nigram ac densam, ponderis ℥v. ℥iiij. gr. liiij. ex qua salis fixi leviter alcali gr. xv. lixivio extracta sunt. Partium jactura in distillatione fuit ℥xiiij. ℥vj. gr. x. in calcinatione ℥vj. ℥iiij. gr. xxxvj.

Hæc semina multo oleo donantur quod etiam per expressionem extrahitur. Præterea ammoniacalem salem continent.

Cucurbitæ caro vel pulpa quam veteres Medici aquam coagulata[m] esse dixerunt, frigidum, humidum & exiguum corpori præbet alimentum, stomachum relaxat, & omne bibendi desiderium restinguit. Ideo calidis naturis utilis est, frigidis noxia. Cito per alvum secedit. At quoniam insuavis est, fatua & insipida, raro nostris mensis apponitur. Ceterum ut hæ plantæ valde sunt affines, Cucumer scilicet, Melo, Cucurbita & Citrullus, ita viribus non multum differunt. Semina ex illis collecta quæ a Medicis quatuor frigida majora appellantur, adversus febres morbosque ab humorum æstu vel acredine oriundos usurpantur. Ex his emulsiones præparantur quæ urinæ acrimoniam contemperant, eandemque mediocriter provocant, somnum conciliant. Ex his oleum per expressionem elicitur, ejusdem cum aliis seminum frigidorum majorum virtutis & energiæ.

C U M I N U M.

CUMINUM, Cyminum, *Off.* Fœniculum orientale, Cuminum dictum *Inst. R. H.* 312. Cuminum semine longiore *C. B. P.* 146. Cuminum sive Cyminum sativum *J. B.* 3. 22. Cuminum Dioscoridis *Lobel. Icon.* 742. vulgo, *Cumin.*

Planta est umbellifera, annua, vix pedem assequens, radice tenui, alba, fibrata; foliis paucis, raris, capillaribus, Fœniculi similibus sed longe minoribus, nisi quod lacinia crassiores sint. Flores candidi, rosacei, exigui & in umbellis parvis rotundis congesti, quibus succedunt semina oblonga, angusta, striata, e cinereo spadicea, longitudine quartam fere uncia[m] partem æquante, ex duabus partibus composita, una parte gibbis, inde vero planis, saporis subamari, aromatici, acris, ingrati, odoris admodum gravis & vehementis, non insuavis, columbis maxime grati. In Melita insula copiose seritur. Semen usus est.

Analyti chymica, semen Cumini plurimum præbet olei, phlegmatis tum acidi, tum urinosi. Salem igitur essentialem obtinet ammoniacalem, oleosum, aromaticum.

Cumini semen ciborum concoctionem juvat, flatus discutit; unde utiliter a quibusdam pane incoquitur & caseis inditur. Utile est in colica flatulenta, tympanite & vertigine a prava digestionem oriunda, tam interne quam externe. Ad usum internum tamen semen Carvi, Cumini semini utpote minus grato & vehementiori anteponitur, externe vero Cuminum potius adhibetur.

Rx. Semin. Cumini contusi q. l. Sacculo involv. & irroretur cum vino calido aut aqua vitæ & ventriculo flatibus distento vel abdomini contra tormina admoveatur.

Oleum essentialia arte chymica extrahitur quod iisdem viribus donatur quibus oleum Carvi sed præstantioribus. Ad guttas tres præscribitur tantum. Confert affectibus flatulentis præsertim uterinis. Ejus guttæ aliquot affunduntur pani tosto qui statim calide umbilico imponitur.

C U P R E S S U S.

CUPRESSUS duum est generum, mas alterum, alterum femina. Hæc fastigatio est culmine; illa ramos in latum spargit. De ceteris conveniunt.

Cu-

CUPRESSUS femina, *Off.* Cupressus meta in fastigium convoluta, quæ femina Plinii *Inst. R. H.* 587. Cupressus *Dod. Pempt.* 856. vulgo, *Cypres femelle*.

CUPRESSUS mas, *Off.* Cupressus ramos extra se spargens, quæ mas Plinii *Inst. R. H.* 587. Cupressus *Matthioli* 119. vulgo, *Cypres male*.

Utraque procero, recto crassoque caudice surgit, cortice fere spadiceo, ligni materie solida, compacta, pallida aut rubescente, undulis nonnihil crispata saturationibus, vehementer ac suaviter odorata, Santalorum fere modo. Supra medium in ramos abit, femina metam acuminatam concursu suo effingentes, mas in latum undequaque sparsos. Foliis viret perpetuis, Sabinæ bacciferæ aut Tamarisci proximis; quæ surculi sunt brevissimis veluti squamis toti convestiti. Flores amentacei sunt, plurimis scilicet foliolis seu squamis constantes, sed steriles: in earum alis adsunt apices pulverem tenuissimum effundentes. In aliis ejusdem arboris partibus fructus nascuntur subrotundi, confragosi, sapore acerbi, rimas agentes, in plura clavata tubera dehiscentes, inter quarum commissuras semina continentur rufa, sublonga, altera parte rotunda, altera acuminata, semiculmo latiora, medulla donata. In Creta insula & in plagis orientalibus sponte nascitur: hic in hortis colitur. Calidis in regionibus resinam fundit sed modicam, odore haud ingrato. Fructus fere soli usitati sunt; nuces Cupressi, Pilulæ Cupressi, Galbuli & Gallulæ in officinis nuncupantur.

Analyti chymica, ex nucum Cupressi recentium lbv. per retortam distillatis prodierunt humoris limpidi, odoris resinosi, terebinthinati, subacidi, deinde rufescentis, odoris & saporis aliquantisper empyreumatici, intense acidi, austeri lbij. ℥xv. ℥v. gr. xxiiij. humoris rufescentis, intense acidi, subsalsi, austeri ℥ij. ℥iiij. gr. xij. humoris rufescentis, sale volatili urinoso copioso imprægnati ℥iiij. ℥iiij. olei partim fluidi & flavescentis, aquæ supernatantis, partim adiposi, aqua gravioris ℥iiij. ℥v. gr. xxxv. Massa nigra in retorta residua pendebat ℥xiiij. ℥vj. gr. xxxvj. quæ calcinata reliquit cinerum ℥ij. gr. xvij. ex quibus salis fixi mere alcali ℥j. gr. xlix. lixivio sunt extracta. Partium jactura in distillatione fuit ℥vij. ℥vij. in calcinatione ℥xij. ℥vj. gr. xvij.

Cupressi fructus seu Galbuli inter adstringentes sunt celeberrimi usus. In dysenteria, alvi fluxibus, hæmorrhagiis, eorum pulvis vel decoctum exhibetur, Iusuper vis febrifuga ipsis tribuitur. Eorum pulvis ad ℥j. in vino maceratus propinatur in febribus intermittentibus, vel etiam in quartana, eandem dosim quarta quaque hora reiterando.

Externe conveniunt ubi porulorum occlusionem & fibrarum laxatarum constrictione opus est. Recentes viridesque fructus herniosos magnopere juvant, si eorum decoctum ex vino paratum quotidie biberint trium unciarum pondere: interim tamen folia Cupressi trita testiculis illinantur. Est enim hoc auxilium multis experimentis comprobatum, auctore Matthiolo.

Lignum cupressinum ex hoc maxime laudatur quod neque vetustatem, neque cariem sentiat, & bonum semper odorem spiret.

C U S C U T A .

CUSCUTA duplex in officinis occurrit, major & minor.

CUSCUTA major, Cassutha major, & Cassytha, *Off.* Cuscuta major *C. B. P.* 219. *Inst. R. H.* 653. Cassuta five Cuscuta *J. B.* 3. 266. Cassytha *Tabern. Icon.* 901. Androsaces vulgo Cuscuta *Tragi* 810. Cassuta *Dodon. Pempt.* 554. Cassitha *Quorumdam*: vulgo, *Cuscute, Goute de lin.*

CUSCUTA minor, Cassutha minor, Epithymum, *Off.* Cuscuta minor *I. R. H.* 553. Epithymum five Cuscuta minor *C. B. P.* 219. Epithymum *Tabern. Icon* 357. vulgo, *Epithym.*

Cuscuta seu Epithymum est planta singularis quæ radicibus suis nititur, cum primum erumpit e semine, ut Fuchsius observavit. Hæ vero aridæ fiunt & pereunt cum capillamenta Cuscutæ plantas vicinas amplexantur: foliis enim plane destituitur, nec aliud profert nisi cirrhos (seu capillamenta) subrubentes, fidibus testudinum, non absimiles, saporis acris & subadstringentis, qui tuberculis quibusdam veluti cotyledonibus radicum vicem obtinentibus ita figuntur in corticem ceterarum plantarum, ut vasa succum nutritium deferentia lace- rent: quo plane modo Hederæ vulgaris rami facere solent: idcirco inter plan- tas parasiticas recenseri debet. Flores in capitulum nascuntur hinc inde per capillamenta digesti, monopetali, albi vel subrubentes, campaniformes, urceo- lis similes, in quatuor vel quinque segmenta divisi atque in fundo perforati, qua parte excipiunt pistillum, quod decidentibus floribus abit in fructum subrotun- dum: trigonum aut tetragonum, monocapsularem, transversim in duas partes hiantem, quarum superior inferiorem longe superat, semina autem continet mi- nutissima, fusca. Cuscuta e semine in terram deciduo se quotannis renovat. Cum tamen adoleverit, radix penitus marcescit. Si semen in fictili seratur, e- mergit quidem plantula, sed brevi radicitus perit, si non sint in propinquo stirpes quibus irrepat, unde alimentum suum exsugit.

Cuscuta proprie dicta ea est quæ Lino adhæret; quæ autem aliis plantis ad- nascitur ab iisdem suam appellationem desumit: sic Epithymum, Epilavandu- la, Epimarrubium, prout has plantas amplectitur, dici solet. Ab illis proin- de temperamentum & vires mutuare existimatur pro varia plantarum a quibus alimentum recipit, natura. Hic super diversas plantas nascitur. Sed Cuscuta nostras rejicitur. Veneunt in officinis duo Cuscutæ seu Epithymi genera, Creti- cum & Venetum. Creticum longioribus constat capillamentis, Veneti tuniores sunt citri, odoratiores & quasi crispati.

Analyfi chymica, ex Cuscutæ recentis floridæ lbv. prodierunt humoris lim- pidi, fere insipidi, deinde subacidi, obscuri lbj. ℥iij. ℥iij. humoris manife- ste acidi, & austeri lbij. ℥xiv. ℥vij. gran. lx. humoris primo rufescentis, intense acidi, deinde rufi, sale volatili urinoso copioso imprægnati ℥iij. gr. xxx. olei adiposi extracti ad instar ℥j. ℥iij. gran. xxxvj. Massa nigra in retor- ta superstes pendebat ℥vij. ℥j. quæ per horas octo calcinata reliquit cinerum nigricantium ℥j. ℥ij. gr. xij. ex quibus lixivio salis fixi mere alcali fuerunt extra-

ætā ℥iiij. gr. l. Partium jactura in distillatione fuit ℥ij. gr. xviii; in calcinatione ℥v. ℥vi. gr. lx.

Cuscuta itaque abundat sulphure & sale essentiali tartareo subadstringente.

Cuscuta & Epithymum purgandi vim adeo debilem obtinent, ut eorum usus plane obsoleverit. Rectius inter aperientia medicamenta quæ affectibus melancholicis & hypochondriacis conveniunt, sicut & scorbuticis, a Cl. Tournefortio reponuntur. Ab auctoribus in obstructionibus lienis & hepatis, ictero, scabie, utilia dicuntur.

Plantarum quibus Cuscuta innascitur temperamentum participare aliquatenus creditur. Sic humidior est quæ Lino implicatur, quæ Genistam superat urinas potentius movet, adstringendi facultatem admixtam habet quæ Rubiæ infidet, quæ in Urtica nata est urinis potenter eliciendis efficax dicitur, adnotante Lobelio & post eum Parkinsono. Præscribitur a pugillo uno ad duos vel tres.

℞. Epithymi P. ij. Qinq. herbar. capill. M. j. Infunde per noctem supra cineres calidos in aq. font. q. s. In colaturæ ℥vj. dissolve extract. Rhabarbar. ℥j. Syrup. de pom. c. ℥j.

℞. Epithymi P. iij. cortic. Cappar. & Fraxin. ana ℥β. folior. Marrub. & Meliss. ana M. j. Coquantur in aq. comm. q. s. Colatura dissolve Tartar. chalybeati solut. ℥vj. F. apozema pro tribus dosibus in chlorosi aut in viscerum obstructionibus.

Usurpatur Epithymum in pilulis tartareis *Quercetani*, Pulvere lætificante *Renedæi*, Electuario de Psyllio, El. sennato, confectione hamech, & syrup. aper. cachectico *Charas*. Semina Cuscutæ adhibentur in syrupo de Cichor comp. *Charas*, in syrupo de Fumaria *Mesuae*.

C Y A N U S.

CYANUS, *Off*: Cyanus segetum flore cæruleo; C. B. P. 273. *Inst. R. H.* 446: Cyanus hortensis flore simplici C. B. P. Cyanus flos *Dodon. Pempt.* 251: Cyanus *J. B.* 3. 21: Lichnis agria & flos frumenti *Brunsfelsii*: Baptifecula *Tragi* 506: Papaver heracleum quorundam *Chomeli*: vulgo, *Bleuet*, *Aubifoin*, *laveole*, *Peroole*, *Barbeau*, *Casselunette*.

Cyano lignosa est multisque fibris capillata radix: caules plures cubitales & sesquicubitales, angulosi, cavi, lanugine incani, ramosi: folia infima, acutis laciniiis sinuata, Scabiosæ aut Dentis leonis more alia longa, culmum lata, per longitudinem nervosa, cæsia albicantiave: capitula in summis cauliculorum fastigiis turbinata & in angustis se contrahentia, ex multis parvis veluti squamis non aculeatis, sibi invicem impositis, coni alicujus exigui modo composita, ex quibus flores erumpunt flosculosi, plurimis scilicet flosculis sed dissimilibus constantes: alii enim qui medullium floris occupant ceteris minores sunt, in quinque lacirias æquales divisi, ceteri vero ad circumferentiam positi majores sunt magisque conspicui, veluti bilabiati & in extremitate profundius serrati: utrique colore communiter cæruleo, &, ut nomen loquitur, Cyaneo, alias albo, alias puniceo aut purpureo, embryoni infident, qui abit deinde in semen parvum, forma

forma oblongum, læve, splendidum, superiore parte pappis instructum, Centaurii majoris femini simile sed minus & candidus, quod in ipsis capitulis seu calycibus, inter eos qui in ipsis gignuntur molles pilos reconditur. Nascitur in agris frumentariis una cum Tritico, Secali, Hordeo & aliis frugibus. Seritur & in hortis, ubi culturæ mangonio non tantum flores edit cæruleos, albos, purpureos, carneos, aut variegatos, sed etiam multiplices seu plenos. Flores fere soli in usum veniunt.

Analyfi chymica, flores Cyani præbuerunt plurimum phlegmatis acidi, subausteri, aliquantulum spiritus urinosi, non mediocrem olei spissi ad instar extracti portionem, nonnihil salis alcali fixi & terræ. Flores perparum odoris spirant, & sapore subadstringente donantur: unde salem essentialem vitriolico-tartareum obtinere videntur multo cum oleo permistum.

Plurimæ & fere contrariæ inter se facultates huic plantæ tribuuntur, verbi gratia, æstus febriles exstinguere, adversus venenatarum bestiolarum morsus & puncturas prodesse, putredini resistere, contagium arcere, in palpitatione cordis, in suffocatione uterina prodesse, iis qui ex alto delapsi sunt aut contusi, & quacumque de caula sanguinem concretum intus habentibus utiliter exhiberi, viscerum obstructions tollere, & aquas purgare; quæ quidem virtutes admodum incertæ sunt. Florum aqua distillata a plurimis commendatur in oculorum inflammationibus, rubedine, lippitudine, necnon etiam ad visum acuendum & roborandum. Unde *Eau de Casseluneite* a plebe nuncupatur, quæ si conficitur.

℞. Florum Cyani cum propriis calycibus collector. & contusor. q. l. Cum nivis vel aquæ nivis q. s. horis viginti quatuor macerentur, deinde simul igne arenæ moderato distillantur, & aqua fervetur ad oculos pluries die abluendos.

Pulvis ex floribus una cum capitibus factus, ad ℥j. in vino per aliquod tempus assumptus adversus morbum regium a nonnullis commendatur. Rajus eundem pulverem erysipelati inspersum utilem dicit, & eorundem florum expressum succum ulcera putrida sanare.

Aqua stillatitia in officinis servatur.

C Y C L A M E N.

CYCLAMEN, Cyclaminus, Panis Porcinus & Arthanita, *Off.* Cyclamen orbiculato folio inferne purpurascens *C. B. P.* 308. *Inst. R. H.* 154. Cyclaminus folio rotundiore vulgatiore *J. B.* 3. 551. Cyclaminus orbicularis rotundifolius *Dod. Pempt.* 337. Panis porcinus & Artanita, Rapum terræ *Lobel. Icon.* 604. Cyclaminus minor & umbilicus terre *Tragi*: vulgo, *Ciclamen* ou *Pain de pourceau*.

E globulari radice crassa, carnosâ & aliquantulum depressa, foris nigricante, intus candida, nigricantibusque fibris prædita, saporis acris, pungitivi, exurentis, ingrati, inodora, multa circinata propemodum rotunditatis profert folia, palmaribus plus minus pediculis hærentia, Asari foliis haud multum dissimilia, non adeo tamen crassa superne atrovirentia, aspersis subinde maculis, lacteis, inferne purpurascens, nonnihil per margines sinuata. Flo-

res longis & tenellis inhærent pediculis, deorsum nutantes, monopetali, rotati, globosi, in quinque partes sursum revolutas divisi, coloris vel dilutius vel saturatius purpurascens, odoris suavis. Ex calice quinquifido surgit pistillum posticæ floris parti ad instar clavi infixum, quod marcescente flore & deciduo, pediculo cui insidet in multas spiras circumactis convolvitur, donec terram attigerit, cui incumbens paulatim augefcit in fructum fere globosum, membranaceum, multifariam dehiscentem, seminibus fetum oblongis, angulatis, ex fusco fulvescentibus, placenta affixis. Semen terræ commissum in germen non abit, sed in tuberculum aut radiculam convertitur, præter reliquorum feminum naturam, unde postea foliola promit. Sub æstatis finem aut autumnii initium flores emittit, deinde folia, quæ postquam tota hyeme perstiterunt, sub Aprilis finem aut mense Majo amittit. Hic in hortis colitur. Radices usitatæ sunt.

Analysi chymica, radicum recens effossarum ℥v. præbuerunt humoris limpidi, primo fere insipidi, odoris non ingrati, obscure falsi, deinde sub finem subacidi ℥ij. ℥ij. ℥vj. gr. xij. humoris primo rufescentis, manifeste acidi, subausteri cum quadam acredine, qualis est panis rustici sapor & odor, deinde fusi, odoris & saporis empyreumatici, intense acidi & austeri, ℥ij. ℥ij. gr. xix. humoris rufi, sale volatili urinoso copioso imprægnati ℥j. ℥ij. gr. xxxvj. olei spissi extracti ad instar ℥j. ℥ij. gr. xij. Massa nigra in retorta superstes pendebat ℥vij. ℥j. quæ rite calcinata reliquit cinerum ℥j. ℥j. gr. xlvij. ex quibus salis fixi mere alcali ℥iiij. gr. xxxvij. lixivio extracta sunt. Partium jactura in distillatione fuit ℥j. ℥ij. gr. lxxv. in calcinatione ℥v. ℥vij. gr. xxiiij.

Radix recens valde acris est; ubi vero exsiccata est, nulla acredo percipitur. Salem essentialem obtinet tartareum cum oleo tum tenui & acerrimo, tum crasso conjunctum.

Cyclaminis radix inter purgantia vehementiora refertur. Bilem & serum educit. Licet cum summa violentia humores expurget, tardioris tamen est operationis propter particulas terrestres quibus donatur. Plebeji robustiores ejus pulverem ad ℥j. in decocto vero ℥ss. usurpant. Aromaticis stomachicis corrigitur, & Asaro, Diacrydio aut cremore Tartari stimulatur. Sed parum tutus est illius usus internus: faucium enim, ani, ventriculi & intestinorum inflammationem excitat. Externus crebrior & minus noxius est. Potenter enim incidit, resolvit, abstergit. Contusæ radices recentes utiliter scirrhis durisque tumoribus & strumis, lienibus duris aut tumentibus admoventur sub cataplasmatibus forma. Succus radice abdomini illitus ventrem subducit, aquas hydropicorum per alvum, menses suppressos movet, fetum nonnunquam expellit, & vermes necat. Idem succus valet ad scirrhis, & tumores duos emolliendos & resolvendos, item ad scrophulas, strumas & tumores partium externarum. Unde cum gummi ammoniaco inspissatur & coquitur a nonnullis ad emplastri consistentiam: & plurimis in emplastris & unguentis emollientibus & solventibus recipitur.

Ex hoc succo celeberrimum illud conficitur unguentum de Artanita dictum ad scirrhis lienis præsertim tumores emolliendos, & aquas hydropicorum educendas commendatum externe abdomini admotum. Hoc unguentum ventriculo impositum vomitum excitat, abdomini catharsim, renibus

nibus urinas promovet, si præsertim oleum ex granis Tilli expressum admisceatur.

Matthiolus aquam e Cyclaminis radicibus distillatam, si naribus excipiat, fluentem inde sanguinem sistere refert, eandemque potam sex unciarum pondere, addita sacchari uncia, manantem ex pectore, ventriculo, jecinore sanguinem mirifice cohibere testatur.

Radices Cyclaminis usurpantur in Empl. Diabotano *D. Blondel*, & Empl. ad ganglia *Charas*.

C Y N O G L O S S U M.

CYNOGLOSSUM, *Off*: Cynoglossum majus vulgare *C. B. P.* 257. *Inst.* *R. H.* 139. Cynoglossum vulgare *7. B.* 3. 598: Cynoglossum *Dod. Pempt.* 54. Cynoglossa major *Brünfels*: *Lycopsis Lacunæ*: vulgo, *Langue de chien, Cynoglosse*.

Cynoglossa radix recta est, crassa, Rapam exiguam repræsentans, foris ex atro rubens, intus albida, odore gravi, aliquid foetidi canis redolente, narcotico, sapore mucoso, qui dulcedinem nonnullam fatuam linguæ offert: caules cubitales aut bicubitales, ramosi, vetustate concavi, multa lanugine obsiti: folia longa & latiuscula primo anno, secundo ubi caulem fert, stricta, acuminata, incana, mollia, languinosa, odore gravi, viroso, alternatim cauli adnata absque pediculis. Flores monopetali, infundibuliformes, in quinque segmenta divisi, colore sordide rubentes, calycibus insident hirsutis, quinquepartitis. Pistillum ex calycis fundo surgit infimæ floris parti ad instar clavi infixum quod deinde abit in fructum ex quatuor capsulis constantem nonnihil compressis, hispidis, que pertinaciter vestibis adhærescunt, placentæ pyramidatæ & quadrilateræ affixis, semine fere plano fetis. Agri Parisiensis incola est. Radix & folia in usum veniunt.

Analyti chymica, ex folior. Cynoglossi explicator. *℥v.* prodierunt humoris limpidi, odoris & saporis herbacei, obscure falsi & alcali *℥iij*, *℥iij*. *℥vij*, gr. *vij*: humoris limpidi, subsalsi, subacidi *℥vij*, *℥vj*, gr. *xvj*: humoris rufescentis, acidi, subsalsi *℥vij*, *℥vij*, gr. *xvj*: humoris rufi, sale volatili urinoso copioso imprægnati *℥j*, *℥vj*, gr. *v*, salis volatilis urinosi concreti gr. *lxvj*: olei adiposi *℥j*, *℥v*, gr. *xl*. Massa nigra in retorta residua pendeat *℥vj*. gr. *lxiiij*: quæ post calcinationem reliquit cinerum *℥iij*. gr. *xlj*. ex quibus salis fixi mere alcali *℥v*. gr. *xlviij*. lixivio extracta sunt. Partium jactura in distillatione fuit *℥ij*. *℥vj*. gr. *j*. in calcinatione *℥iij*. gr. *xxiiij*.

Radicis cortex subamarus est, falsus, stypticus, glutinosus: chartam cæruleam rubro colore tingit: salem essentialem videtur obtinere ammoniacalem multo phlegmate, terra & oleo foetido temperatum.

Cynoglossum vi narcotica & anodina pollet; qua ratione ad catarrhos cohibendos commendatur. Præterea adstrictio quædam in eo deprehenditur, qua sistendis alvi profluviiis, fluori albo, gonorrhææ & hæmorrhagiis utile est. Nonnulli illud naçoris virulentæ suspectum habent & eapropter illius usum reformidant, sed immerito, ut J. Raius observat; quandoquidem intus tuto sumi posse arguunt pilulæ de Cynoglossa quarum frequens & laudabilis est

usus. Radix ad ℥j. folia ad M. j. in aqua vel jusculis decocta utiliter præscribuntur in catharris, tussi, diarrhæis, dysenteria & hæmorrhagiis.

℞. Folior. Cynogloss. M. iiij. Hyssop. Capillor. vener. Tussilag. ana M. j. Rad. Glycyrrhiz. ℥ij. Oriz. ℥j. Coq. in aq. comm. ℔vj. ad ℔iiij. Sub finem adde Mell. Narbon. ℥ij. F. apozema per cyathos propinandum in tussi ferina.

Externe tumores emollit & resolvit, ad omnis generis vulnera & ulcera conducit, ubi in cataplasmatibus & emplastris magno cum successu adhibetur. Hieron. Tragus unguentum ex illius succo cum Melle & Therebinthina paratum ad ulcera antiqua maligna & fistulosa valde extollit. In strumis & scrophulis Cynoglossi radix tum intus in decocto, tum extra in cataplasmatibus forma a quibusdam commendatur. At J. Raius refert mulieris cujusdam pauperculæ puerulum cujus caput & vestes pediculis scatebant, suspensas Cynoglossi radices circa collum gestasse ad scrophulas quibus afficiebatur sanandas, pediculos quidem radicum foetorem exosos procul aufugisse, at scrophulas obstinate restitisse.

Pilulæ de Cynoglossio præstantissimæ sunt ad cattharros tenues sistendos, tusses ferinas sedandas, epilepticos puerorum insultus compescendos, somnum conciliandum & omnis generis dolores placandos. A gr. iiij. ad gr. x. exhibentur.

D A U C U S.

SEMINA duo sub Dauci nomine in Officinis occurrunt, scilicet, Dauci Cretici & Dauci vulgaris.

DAUCUS Creticus, *Off.* Myrrhis annua femine striato villosa incana, *Morisson. Umbellif. 67. Inst. R. H. 315.* Daucus foliis Fœniculi tenuissimis, *C. B. P. 150.* Daucus Creticus femine hirsuto, *J. B. 3. 2. 56.* Daucus Creticus, *Tabern. Icon. 75.* vulgo, *Daucus de Candie.*

Radice est longa, digitum crassa, fibrata, sapore Pastinacæ Germanicæ simili; dodrantali aut altiore caule, tereti, striato, hirsuto; foliis lanuginosis, cinereis, minutissime dissectis, nonnunquam, observante Raio, penitus glabris atrovirentibus. Umbella mediocris magnitudinis summo cauli extremisque ramis insidet florum exiguorum, rosaceorum, pentapetalorum, candidorum, quorum calyx abit in fructum e duobus seminibus compositum oblongis, striatis, superiori in parte acutioribus, hinc gibbis, inde vero planis, incanis, villosis, acris, aromaticis, odoris debilis. In Creta insula & Germanicis Alpibus sponte nascitur. Semen in usum venit quod ex Creta insula nobis affertur.

DAUCUS vulgaris, *Off.* Daucus vulgaris, *Clus. Histor. cxcviii. Inst. R. H. 307.* Pastinaca tenuifolia sylvestris Dioscoridis, vel Daucus Offic. *C. B. P. 151.* Pastinaca sylvestris, sive Staphylus Græcor. *J. B. 3. 2. 62.* vulgo, *Chyrouis, Carotte sauvage.*

Pastinacæ sativæ similis, radice est minore & acriore: caules profert altitudine pares, sesquicubitales scilicet, striatos, hirsutos, medulla fardos, in alas divisos: folia minutim dissecta; atrovirentia, aversa parte hirsuta: flores in umbellis magnis confimiles, rosaceos scilicet, quinque petalis constantes candidis, cordiformibus, inæqualibus, in orbem positis & calyci insidentibus.

Flo-

Flosculus umbellæ medius interdum purpura rubet. Umbellas autem obvalant folia in angusta, longa, acuta segmenta divisa. Delapsis floribus succedunt fructus subrotundi Dauco Cretico breviores, latiores, ex duobus seminibus compositi cinereis, striatis, circa marginem utrinque villo instructis & cinctis, saporis Dauco Cretico debiliori, odoris fragrantis: tum vero convoluta umbella cavitatem seu aviculæ nidum in medio efficit. In agro Parisiensi sponte nascitur. Semen in usum venit & pro Dauco Cretico substituitur.

Dauci utriusque semina sale oleoso aromatico pollent uberrimo & oleum essentiale copiosum in distillatione fundunt. Carminativa, diuretica & uterina censentur. Humores lentos & crassos attenuant & incidunt: flatus discutiunt, obstructions aperiunt, menses & urinas provocant.

Semen Dauci in cerevisia tenui infusum & bibitum ad stranguriam & calculum renum ac vesicæ miris laudibus efferunt nonnulli. Verum de ejus vi lithontriptica nihil nobis constat, quidquid dicat Helmontius de quodam Consiliario lithiasi afflicto qui ejus usu seminis ab hoc affectu liber per plures annos vixit.

Dauci Cretici semen in uterinis doloribus & affectionibus commendatur, in tussi chronica, singultu & colica flatulenta. Seminis ʒij. vino albo infusæ & potæ hystericis paroxifinis medentur.

Dauci semen inter quatuor semina calida minora recensetur cum Ammeos, Apii & Petroselini seminibus.

Creticum usurpatur in Theriaca. Mithridatio, Triphera magna, Electuar. de Baccis Lauri, Philonio magno, Aurea Alexandrina *Nicolai Alexandri*, Syrupo de Calamintha *Mesuae*, & Syrupo de Prassio.

Radix Dauci vulgaris primo vere comeditur & plebeis non injucundum alimentum præbet.

DENS LEONIS SIVE TARAXACUM.

DENS LEONIS & Taraxacum, *Off.* Dens Leonis latiore folio, *C. B. P.* 126. Hedypnois sive Dens Leonis Fuchsi, *J. B.* 2. 1035. Dens Leonis, *Dodon. Pempt.* 636. Aphaca Theoph. *Plinii*: Hedypnois major Fuchsi. *Dalechamp Lugd.* 564. Caput Monachi, Rostrum porcinum & Ambubeia, *Nonnullis*: vulgo, *Dent de Lion*, *Pissenlit*.

E radice digiti fere minimi crassitudine, lactescente, folia promit oblonga, acuminata, utroque margine profundis incisuris veluti per lacinias divisis, sylvestris Cichorii æmula, sed læviora, humifusa: caule caret, sed pediculos habet nudos, fistulosos, teretes, palmares & plusquam dodrantes, non ramosos, aliquando hirsutos lanugine facile cedente, subrubentes, quibus insident singulis singuli flores semiflosculosi, patuli, lutei, exterioribus foliis prona parte ex fusco rufescentibus, calyce glabro multifido, extra quem quatuor, aut quinque folia viridantia reflexa conspiciuntur. Semiflosculus unusquisque embryoni insidet, qui, calyce dehiscente & circa pediculum reflexo, abit in semen rufum vel citrinum pappis instructum. Semina per maturitatem decidunt & avolant, nudumque thalamum porosa pellicula calvitium senile quodammodo imitante obductum relinquunt; unde a nonnullis Caput Monachi dicitur.

In agro Parisiensi frequens ubique nascitur, & in hortis colitur. Omnibus suis partibus amarus est & succo lacteo turget. Radix & folia usitata sunt.

Analyfi chymica, ex Taraxaci floridi folior. ℥v. per retortam distillatis prodierunt humoris limpidi, fere inodori & insipidi, primo obscure falsi: deinde obscure acidi ℥j. ℥iiij. ℥v. gr. lx. humoris primo limpidi, manifeste acidi, deinde rufescentis, subausteri ℥ij. ℥xiiij. ℥ij. gr. xvij. humoris rufi, empyreumatici, primo obscure acidi, subsalsi, austeri, ac tandem sale volatili urinoso copioso imprægnati ℥ij. ℥v. gr. xij. olei fluidi ℥j. ℥ij. gr. xxiiij. Massa nigra in retorta superstes pendebat ℥vij. quæ rite calcinata reliquit cinerum rufescentium ℥iiij. ℥vij. ex quibus salis fixi falsi aliquantis per alcali ℥iiij. gr. xxxvj. lixivio extracta sunt. Partium jactura in distillatione fuit ℥ij. gr. xxx. in calcinatione ℥iiij. ℥j.

Ex radicum Taraxaci recentium ℥v. prodierunt humoris limpidi, odoris & saporis debilioris ad herbaceum accedentis, obscure acidi ℥x. ℥v. gr. xlv. humoris primo limpidi, manifeste acidi, subausteri, deinde rufescentis, intense acidi & austeri ℥ij. ℥xiiij. ℥ij. gr. xxiiij. humoris rufi, tum intense acidi, tum alcali & sale volatili urinoso copioso imprægnati ℥ij. ℥iiij. gr. xxxvj. olei spissi extracti ad instar ℥j. ℥ij. gr. lxiiij. Massa nigra in retorta superstes pendebat ℥ix. ℥vj. gr. ix. quæ calcinata reliquit cinerum rufescentium ℥ij. ℥iiij. gr. vij. ex quibus lixivio salis fixi falsi ℥j. gr. xxxix extracta sunt. Partium jactura in distillatione fuit ℥x. ℥ij. gr. xxxix. in calcinatione ℥vij. ℥ij. gr. ij.

Intense amara sunt hujus plantæ folia, & charram cæruleam rubro colore leviter tingunt: radices colorem rubentem magis intensum efficiunt: amaræ sunt & adstringentes. Sal essentialis hujus plantæ ad salem mirabilem Clauberi accedit; cum ammoniacali sale & oleo consociatur. Sal acidus in radicibus uberior est & magis evolutus quam in foliis.

Dens Leonis hepatis & viscerum obstructions aperit, urinas movet, vulneraria & febrifuga censetur. Infusum vel decoctum ad ℥iiij. vel vj. usurpatur. Succus recenter expressus & defæcatus ad ℥iiij. iiijve præscribitur. Succus in morbis chronicis hepatis & mesenterii obstructioni adscriptis, item in febribus intermittentibus & febribus putridis inveteratis ab Ettmullero commendatur. Laudatur quoque in curanda pleuritide, & sanguine grumoso solvendo, necnon etiam in aliis partium internarum inflammationibus cum febribus acutis conjunctis Thomas Fuller succum defæcatum commendat in cutaneis affectionibus ad ℥iiij. vel vj. ter vel sæpius die exhibitum. Radices in ptisanis & apozematibus aperientibus usurpantur. Universæ plantæ decoctum potum morbo regio laborantibus auxiliatur.

Externe succus in affectibus oculorum commendatur oculis instillatus: leniter morficat quidem & pungit, attamen pro visu acuendo & roborando, & pro delendis maculis, nebulis & albuginibus oculorum, & abstergenda cornea, lacteus hujus plantæ succus ab Ettmullero prædicatur sive solus, sive propter acrimoniam cum aqua Fœniculi dilutus. Linthea eodem succo madentia ad vulnera quoque & ulcera quæcumque mammillarum, aliaque putrida manantia & sordida pudendorum ac tibiæ abstergenda optime conveniunt; succum enim hunc post Nicotianam omnibus præferendum idem Ettmullerus censet.

Aquam distillatam magnopere commendat Tragus in apozematibus & febribus arden-

ardentibus, trium aut quatuor cochlearium mensura singulis vicibus sumptam. ex qua & optima collyria adversus oculorum maculas fieri asserit. Verumdum succus obtineri poterit, longe majoris erit efficacix. Extractum ex totius plantæ succo defæcato præparatur ad eadem perutile. Ad ℥j. exhibetur.

Folia teneriora in acetariis comeduntur, ventriculum roborant, appetitum excitant, ciborum concoctionem juvant, alvum nimis fluentem sistunt, & urinas provocant.

Taraxacum usurpatur in apozemate aperiente *D. De Lorme*, vulgo dicto *Bouillon rouge*, & in syrup. de Cichorio comp. *Pharmacop. Regiæ*.

D I G I T A L I S.

DIGITALIS, *Off.* Digitalis purpurea, *J. B.* 2. 812. *Dod. Pempt.* 169. *Inst. R. H.* 165. Digitalis purpurea folio aspero, *C. B. P.* 243. Campanula sylvestris, *Tragi* 889. Aralda Bononiensibus, *Gesner*: Virga regia major flore purpureo, *Casalp.* 348. Digitalis purpurea vulgaris. *Parkinsoni*: vulgo, *Digitale & Gants de Notre-Dame*.

Ex radicibus multis, tenuibus, fibrosis, amaris, caulem promit cubitalem & bicubitalem, pollicem crassum, angulosum, hirsutum, subrubentem, concavum: folia oblonga, acuminata, hirsuta, in ambitu serrata, superne atrovirentia, inferne incana, Verbasci quodammodo similia; quæ ad radicem sunt, longis nituntur pediculis; quæ in caulibus, nullo ordine posita, crebra. Flores in thyrsi longioris morem, frequentes, ab uno caulis latere penduli, brevibus, hirsutis pediculis, quorum singulis est appositum foliolum acuminatum, innixi, monopetali, anomali, tubulati, utrimque patentes & quasi bilabiati, dactylotheceis propemodum similes, colore foris coccineo, excepta inferiore parte, quæ propter admixtam nonnullam albedinem carneo est, intus vero similiter purpurei, inferiore parte, (quæ & longis pilis obsita est) versicolore, albis maculis nigro guttatis: floris basi penitus adnascuntur stamina alba aut purpurascencia contorta, quæ apices didymos, croceos, guttatos sustinent. Ex calyce plerumque quinquifolio surgit pistillum tenue, purpurascens, posticæ floris parti ad instar clavi infixum, cujus basis crassior, oblonga, hirsuta ab initio in fructum seu testam e rotundo acuminatam, bifariam dehiscentem, in duo loculamenta divisam & seminibus fetam exiguis, quodammodo angulosis & subruvis: variat interdum coloris flore albo. Agri Parisiensis incolæ ob florum elegantiam in hortis colitur. Tota planta in usum venit, licet rarius.

Analyti chymica, ex Digitalis folior. recentium ℔v. per retortam distillatis, prodierunt humoris primo rufescentis, inodori; deinde limpidi, odoris & saporis herbacei, subacidi, ℔j. ℥vj. ℥vij. gr. lx. humoris limpidi, inodori, intense acidi, austeri ℔iij. ℥ij ℥vij humoris rufi, empyreumatici intense acidi, austeri, & subsalsi ℥ij. ℥v. gr. xij. humoris rufi, sale volatili urinoso copioso imprægnati cum salis volatilis concreti granis aliquot ℥j. ℥ij. olei spissi syrupi ad instar ℥j. ℥j. gr. xij. Massa nigra in retorta residua pendebat ℥v. ℥iij. gran. xxx. quæ calcinata reliquit cinerum ℥ij. gran. xxxvj. ex quibus lixivio salis fixi mere alcali ℥iij. gr. lx. lixivio extracta sunt. Quæ facta fuit
jactu-

jactura partium in distillatione non percepta est : imo substantiarum extractarum pondus herbæ assumptæ distillatæ quantitatem superavit ℥iiij. ℥iij. gr. xliij. Partium jactura in calcinatione fuit ℥v. ℥j. gr. lxvj.

Digitalis folia amara sunt. Salem essentialem obtinent austerum, ammoniacalem, similem fere vitriolico ammoniacali, cum multo oleo conjunctum.

Digitalem emericam esse Raius profert. Dodonæus refert quosdam cum placentas ex hujus plantæ & aliarum herbarum foliis cum ovis factas gustassent atque edissent, mox sese male habuisse & ad vomitionem excitatos fuisse. Lobelius *in Observationibus*, narrat Somerseti Angliæ rusticam turbam hujus decocto febricitantibus purgationes & interdum superpurgationes & vomitiones humidioribus alvo moliti. Parkinsonus efficacem contra epilepsiam affirmat, si duo ejus manipuli cum ℥iiij. Polypodii quercini in cerevisiæ q. s. decoquantur & decoctum propinetur; quod bis in hebdomada iterandum. Qui enim, inquit, sex & viginti annos hoc morbo laboraverant, ut singulis mensibus bis terve caderent, hujus decocti usu penitus liberati sunt, & saltem per integros sexdecim menses ne unum quidem paroxysmum senserunt. Verum J. Raius observat medicamentum hoc robustioribus tantum convenire, siquidem violenter admodum purgat & vomitiones immanes excitat.

Parkinsonus externe strumosis conducere tritam & impositam, succumve ejus in unguento experientia compertum esse affirmat. Novi plures, (inquit Raius post D. Batesium) qui in strumosis tumoribus Digitalis floribus valde confidunt, quos quidam in butyro majali quali quot possunt immittentes curant insolandos per æstatem. Alii cum adipe suillo miscent, & sub terra defodiunt per quadraginta dies: utrique flores cum unguento reservant, una cum linteis inducunt & tumoribus applicant. Hosce tumoribus discutiendis vel maturandis, ulceribus detergendis vel explendis sufficere ferunt se expertos. Quinto & sexto quoque die Diacarthamo purgant, interim continue herbæ Robertianæ decoctum præbent. Pars ulceris rubens parte unguenti tenuiore illinatur: pars autem crassior unguenti linteamini imponatur, quod nunquam mutetur. Sunt qui novella & primo erumpentia plantæ germina accipiunt, eorumque succum expressum in butyro coquant ad succi consumptionem, atque novo succo addito bis terve repetunt.

Not. I. Oportet ut paretur sufficiens quantitas unguenti eo anni tempore quo flores haberi possunt, cum nonnunquam integer annus aut amplius ad curam perficiendam requiratur. 2. Quamvis ulcera primo majora fiant, ne metuas; siquidem unguentum postquam humores omnes absumpserit & exsiccaverit, ea demum sanabit & cute obducet. 3. Unguentum hoc in scrophulis humidis & pure manantibus utile est, in siccis parum valet: sed ad Basilicum & Præcipitatum confugiendum est.

Vetus apud Italos adagium hoc quidem est, *Aralda che tutte piaghe salda*, hoc est, Digitalis quæ omnia vulnera sanat.

D I P S A C U S .

DIPSACUS sativus & Carduus Fullonum, Off. Diplacus sativus, C. B. P. 385. J. B. 3. 73. Inst. R. H. 466. Carduus Fullonum sive Diplacus sati-

sativus, *Lobel. Icon. 17. Labrum vener. Matthiol. Lugdunens, vulgo, Char-*
dno a Bonnetier ou a Foulon.

Duorum aut trium cubitorum, aut etiam majorem altitudinem assequitur, caule pollicari, recto, recte, rigido, multis alis concavo, striato, spinulis quibusdam horrente: folia bina apposita ita circa caulem conjuncta sunt, ut concavum labrum excipiendæ roris vel pluvie aquæ efficiant, ampla, longa, dilute virentia, marginibus spinosa, dorso vero eminente durioribus etiam spinis rigentia: scaporum fastigia oblonga occupant capitula quæ pugnum implent, composita ex plurimis foliis imbricatis squamarum instar positis, cum mucronibus rigidissimis hamulorum instar reflexis, & axi medio favi æmulo affixis; e quorum alis surgunt flosculi multifidi, candidi aut ex albo purpurascentes, embryonis parti supremæ coronatæ insidentes & abeuntes deinde in semina striata veluti Fœniculi, gustu amaricantia. Inabescunt per vetustatem capitula, ac in ipsis per medium sectis subinde parvuli quidam vermiculi reperiuntur. Radice nititur lævi, candida, mediocris longitudinis. Agri Parisiensis incola in agris feritur, cujus echinata capitula utilia ad rudes pannos depectendos & expoliendos habentur & expetuntur. Radix & folia in usum veniunt medicum.

Scrophulas sanare dicitur Carduus Fullonum. Omni putredini resistit. Coctus in vino purgat per urinam non secus ac Asparagus. Phtificis etiam quodammodo desperatis, experimento Guidonis Helidei & Henrici Stromajeri, Achilles Gasserus *in Obse.* mire proficuum comperit radicem tusam & melle exceptam.

Radicis decoctæ in vino usus in rhagadibus ani consolidandis commendatur & in verrucis abigendis.

Aqua quæ in foliorum concavo reperitur caliginosis & rubentibus oculis prodesse creditur. Eadem maculas faciei emendat & exterit.

DRACUNCULUS.

TRES plantarum species diversæ in Officinis occurrunt sub Dracunculi nomine, scilicet Dracunculus major seu Serpentaria, Dracunculus pratensis seu Prarmica, & Dracunculus esculentus seu Tarchon.

DRACUNGULUS major, Dracontium, Dragontea & Serpentaria, *Off. Dracunculus polyphyllus, C. B. P. 195. & Inst. R. H. 160. Dracunculus major vulgaris, J. B. 2. 789. Drocontium, Dodon. Pempt. 329. Arum polyphyllum, Dracunculus & Serpentaria dictum, caule maculato, majus & elatius Hort. Lugd. Batav. Erva de sancta Maria, sive Dracunculus major, Pisonis 240. Anguina, Dracontia, & Serpentaria Colubrina, Lob. Icon. 600. vulgo, Serpente.*

Dracunculo majori profunde in terram depacta radix est, perennis, fere orbiculata, volam implens, bulbo similis, multis candidis capillamentis stipata, candida, tenui cortice flavescente induta, sapore fervido, cujus lateribus parvi bulbi plures quibus se propagat adnasci consueverunt. Caulis unicus, rectus, pollicaris & crassior, sesquicubitalis & altior, teres, lævis, versicoloribus lituris veluti Serpentum maculis respersus, e tunicis convolutis constans. Ipsa vero folia pediculis dodrantalibus, fungosis donata, in segmenta digitata, sena, septena vel plura, oblonga, angusta, lævia, splendentia, glabra,

fin-

finduntur; e quorum medio eluctatus scapus vix digiti minimi crassitiem æquat, cuius fastigium occupat vagina oblonga, pedalis, coloris foris herbacei, intus in purpura rubentis, odoris foetidi admodum, quæ evoluta florem constituit monopetalum anomalum, auris asininæ vel leporinæ forma, e sinu suo pistillum promens nigricans, longum, crassum, Ari majus, & in mucronem acutiorē designens, ad basim plurium apicum congerie & plurimis embryonibus stipatum, qui singuli deinde abeunt in baccas fere globosas, succosas, racematim dispositas, primum virentes, deinde rubentes, ferventi ac mordaci gustu, uno vel altero semine fetas subrotundo, duriusculo, quodammodo rugoso. Calidarum regionum incola hic in hortis colitur. Radix & folia ex usu sunt.

Principia quæ ex Serpentaria analysi chymica extrahuntur, ab Ari principiis parum differunt: salem essentialē ammoniacalem multo acido saturatum continent & sulphure acri copioso implicitum.

Radix & folia Dracunculi Ari vires obtinent, ita ut unum pro altero substitui possit. Nos tamen Simon Paulli monet mitius esse Arum Dracunculo remedium; quare ubi fortius aliquantulum extergere animus est, Dracunculus anteponendus est. Eadem ob causam frequentius in externis usurpatur.

Interne ut Arum usurpatus venenum a corde pellere dicitur. Crassos ac lentos humores, in pulmonum & viscerum glandulis hærentes incidit, & expurgat, obstructions aperit, menses & urinas movet. In asthmate picroto, mensium suppressione, affectibus chronicis & cachexia a lymphâ tenaci & inspissata utiliter usurpari potest. Radix exsiccata & pulverata ad ℥j. aut ℥ij. præscribitur. Alvum nonnunquam subducit. Ex ea radice sæcula seu gersa sicut ex Aro præparatur.

Externe radix optimum est remedium contumacium ulcerum quæ cacoethæ nuncupantur. Expurgat enim abstergitque strenue. Folia quoque ut pote simili facultate instructa ulceribus vulneribusque recens inflictis accommodata sunt; & quanto minus fuerint sicca, tanto magis conglutinant: nam quæ sicciora viribus sunt acrioribus, quam ut vulneribus conveniant. Venenatorum animalium moribus imposita recentia venenum extrahunt, ac brevi tempore partes affectas sanant. Fructus valentior est non foliis tantum sed & radice: proinde & cancos & polypos eliquare creditus est. Succum quoque ejus oculorum vitia expurgare dicunt. Recens radix ferventi cinere tosta & imposita dolorificas & tumentes hæmorrhoidas curat, scirrhus tumores resolvit, strumas & lienis duritiem emollit. Supposita menses remorantes trahit. Eadem absterguntur cutis maculæ quæcunque.

Radiceis Serpentariæ pulvis recipitur in celebri ad cancrum pulvere cujusdam Antonii Fuchsi Itali de quo mentionem faciunt Rodericus a Castro *L. I. De Morbis mulierum*, & Daniel Sennertus *T. III. fol. 758*. Pulvis Benedictus a Fuchso dicebatur: sic autem ab illis describitur.

℞. Sandaracæ græcor, vel Arsenici albi subtilissime pulverati ℥j. Per quindecim dies de die tertio in tertium affundatur aqua vitæ ad supereminentiam unius transversi digiti, identidem agitando. Post triduum aqua vitæ abjiciatur & nova affundatur. Post quintam affusionem pulvis exsicce-
tur. Tum adde radiceis Dracunculi majoris mense Julio vel Augusto collectæ, in taleolas scissæ, exsiccatae & pulveratae ℥ij. Fuliginis camini
splen.

splendidi ℥iij. Redigantur omnia in subtilissimum pulverem super lapidem marmoreum, & servantur in vase vitreo bene clauso per longum tempus, saltem anni unius integri. Rodericus a Castro refert, Fuchsiū hunc postquam suum pulverem inspersisset, si intra triduum tumor non exacerbabatur, sed in melius tendebat sanari posse prædixisse, cum procul dubio conjiceret cancri radices non admodum alte esse infixas, nec humorem valde adustum: atque tum in usu pulveris ad 30. diem perstitisse, quo termino, ut referebat, radices extinctæ per se cadebant, ac si quid adhuc hæreret scalpello præscindebat.

Pulverem autem hunc ita applicabat. Mane ipse jejunos sputum super bombacem apponebat: si cancer exulceratus, absterfo prius vulnere ab omni sanie, aspergebat pulverem, adeo ut totus cancer tegetetur, & cum illa supra scripta bombace tegebat. Cum adhæret numquam cadit, nisi una secum radices tollat. Solet ut plurimum inferre dolorem non continuum sed interpolatum, quando humor acris & mordax non potest purgari per ulcus. Et aliquando fit magnus tumor, quando ille acris humor purgatur per ulcus: eo tempore neque removendum medicamentum, neque aliud supra apponendum, sed circum circa oleum illinendum rosaceum, & postea dimittendum usquedum per se cadat. Postea purgandum sicut alia ulcera. Ipse Fuchsius usus est pulvere incarnativo & mundificativo hoc.

℞. Thuris, Sarcocollæ, Mastiches, Mirrhæ, Aloes, Mumix, Aristoloch. rotundæ ana ℥iij. Mercurii præcipitati ℥jss. F. pulvis subtilissimus. Digestivi loco solum usus est unguento ex Terebinthina & vitello ovi.

Dracunculus usurpatur in emplastro Diabotano D. Blondel *Collectan. Pharm. Penicheri*.

DRACUNCULUS Pratenfis, Ptarmica, *Off.* Ptarmica vulgaris, folio longo ferrato, flore albo, *J. B.* 3. 147. *Inst. R. H.* 496. Dracunculus pratenfis, ferrato folio *C. B. P.* 98. Draco sylvestris, sive Ptarmice, *Dod. Pempt.* 710. Pyrethrum, *Brunsfels*: Mentha sarracenica Myconi, *Lugd.* 672. Tanacetum album seu acutum, *Trag.* 159. vulgo, *Herbe a eternuer*.

Hæc planta cubitalis est, nonnumquam bicubitalis & tricubitalis, radice oblique acta & velut geniculata, fibris majusculis & longissimis donata, sapore acris & fervido: caule singulari, tereti, glabro, fistuloso, gracili, satis tamen rigido: cui alterno aut potius nullo ordine posita adnascuntur folia forma & magnitudine Oleaginis similia, sed ab imo ad summum argutis asperiusculisque denticulis circumquaque ferrata, atro virore splendentia, sapore fervido, Pyrethri mitiore. Summus scapus nonnihil angulosus & subhirsutus in furculos aliquot dividitur, qui umbellatim fere flores gestant candidos, radiatos, Millefolii terrestris duplo vel triplo majores, odore non dissimili sed remissiore: quorum discus ex plurimis flosculis arcte stipatis & in quinque segmenta acuta divisus, corona vero ex semiflosculis componitur trifariam divisus, embryonibus insidentibus & calyce squamoso brevior quam in Millefolio comprehensis. Embryones autem deinde abeunt in semina tenuia. Agri Parisiensis incola in pratis udis & palustribus Julio mense floret. Radix & folia in usum licet minus frequentem veniunt.

ptarmica sale essentiali oleoso acri donatur. Plantæ sicca pulvis naribus inditus sternutamenta movet, unde ei nomen. Verum raro usurpatur, nec nisi cum aliis generosioribus capiti appropriatis remediis destituimur. Radix comansa caput purgat & dentium dolores mulcet pituitam eliciendo. Dicunt quoque contusa ipsius folia viridia, contusionibus imposita discutere livorem. Adduntur a nonnullis Lactucis aliisque acetariis hujus folia, quorum frigiditatem veluti Eruca & Draco, corrigunt quoque ac temperant.

DRACUNCULUS esculentus sive Tarchon, *Off.* Abrotanum Lini folio acriori & odorato, *Inst. R. H.* 459. Dracunculus hortensis, *C. B. P.* 98. Dracunculus hortensis, sive Tarchon, *J. B.* 3. 148. Draco herba, *Dod. Pempt.* 709. Tarchon Avicennæ & Sethi, *Gesner. Hortor.* vulgo, *Estragon*.

Fruticosa promit duorum cubitorum & ampliora virgulta, dura, gracilia, nonnihil angulosa, inconditis ramis divisa: foliis primo orientibus divisis, ubi vero adolevit, foliis onusta Lini folia æquantibus aut Hyssopi, atro-virentibus, splendidis, omnis divisionis ignaris, sapore acri, aromatico, cum quadam dulcedine grata, Anisum conditum æmulante. Flores eo ordine per summos ramos quo in Abrotano, in corymbum digesti, flosculosi, sed exigui & vix conspicui, plurimis flosculis constantes tubulosi, in summitate quinquefariam divisi, embryoni insidentibus & calyce squamoso comprehensis. Embryo autem abit deinde in semen minutum, pappis nequaquam instructum. Radix perennis novam singulis annis stolonum sobolem emittit. In olitoriis hortis colitur.

Planta tota insigni acrimonia prædita est, & sale essentiali oleoso aromatico donatur. Valenter incidit, aperit, digerit, appetentiam excitat, flatu dissipat, urinam & menses ciet, obstructions expedit, mansa pituitam ducit & salivam instar Pyrethri; hinc dentium dolores mulcet & humidum cerebrum purgat. Frequentissimus est apud nostrates usus ejus in acetariis ad temperandam & corrigendam aliarum herbarum quibus admiscetur frigiditatem & cruditatem. Prodest Tarchon, scribente Matthiolo, iis quibus ventriculus frigidior. Vehementer excalefacit: ad pestis contagia maxime & primæ laudis est ejus aqua stillatitia apud Anglos, auctore Lobelio: quæ tamen virtus J. Raio prorsus ignota fuit.

D U L C A M A R A.

DULCAMARA, Amaradulcis, Solanum Scandens, *Off.* Solanum scandens seu Dulcamara, *C. B. P.* 167. Glycypicros sive Amaradulcis, *J. B.* 2. 109. Dulcamara, *Dod. Pempt.* 402. Salicastrum, *Plinii: Circæa, Adversar. Lobel.* 104. Vitis sylvestris, *Camerar. Epitom.* 986. Solanum lignosum sive Dulcamara, *Parkinson. Rair Histor.* 672. vulgo, *Morelle, Douce amere.*

E radice modica, fibrosa, sarmenta lignosa, fragilia, tenuia, tres, quinque vel sex pedes longa, vicinis sepibus aut fruticibus scandendo se circumvolvencia emittit. Cortex novellorum ramulorum viret, sed vetustiorum ipsorumque caudicum asperior cinericeo subcandicat colore, extrinsecus quidem, nam intrinsecus pulchre etiam viret. Lignum fragilem medullam intus fungosam habet. Folia alternatim nascuntur oblonga, lævia mucronata, Smilaceis minora, atro-

virent-

virentia, duabus pinnis nonnumquam ima parte aurita, pediculo circiter unciali. Flores in muscariis exiguis foetidi, sed pulchelli, monopetali, rotati, in quinque segmenta angusta, acuminata, extrorsum reflexa partiti, cæruleo-purpurei, quandoque candidi, in quorum medio apices lutei in umbonem compositi. Ex floris calyce surgit pistillum mediæ floris parti ad instar clavi infixum, quod deinde abit in fructum mollem seu baccam succulentam per maturitatem coccinei coloris, sublongæ formæ, lenti & ingrati saporis, parvis granulis compressis, albescentibus repletam. Aquosa & rigua amat. Tota planta usitata est.

Analyti chymica cum Solano officinali fere convenit. Chartam cæruleam folia rubro colore vix tingunt: sapore fatuo & odore narcotico donantur. Fructus vero vinosum saporem refert & chartam cæruleam rubro tingit colore. Salem essentialem continet ammoniacalem qui in foliis multo sulphure crasso narcotico involvitur, in fructibus vero hujus salis pars acida magis evoluta est. Unde fructus magis refrigerant & reperiunt, folia vero magis resolvunt & absterunt.

Intus sumpta efficax censetur ad hepatis & lienis obstructions resolvendas. Urinam ciere dicitur, & contra hydropem utiliter exhiberi. Fertur a ruptis & ex alto præcipitatis aut etiam cæsis succum utiliter bibi. Creditur siquidem concretum alicubi in visceribus sanguinem dissolvere & partium læsarum sanitatem procurare. Parkinsonus scribit quoties ex Medicorum præscripto illum exhibuit, se comperisse satis violenter purgare. Et Prævotius *L. de Med. Pauperum*, ligno Dulcamaræ decocto inter bilem benigne evacuantia principem locum tribuit. Tragus hujus ligni decoctum præscribit in morbo regio præsertim in veterato.

℞. Dulcamaræ ligni ℥j. ac minutim in frustula tali ludicri instar concisam cum mensura vini albi in novam ollam, eamque operculo exiguo foramine in medio pertuso probe contactam & massa farinacea oblitam reponas, superque carbones lento igne decoquito ad tertias, demumque his utare. Hæc potio mane una hora antequam surgas, & vespere cum lecto te committere velis, cyathi vulgaris mensura sumpta, morbi regii causam, bilem nempe viscidam leniter per alvum & urinam exigit.

℞. Caulium virid. Solani lignosi concisor. ℥iiij. Coccinill. ℥j. vini albi ℥ij. Infunde calide in vase clauso per noctem. Colaturæ adde Syrup. Heder. terrestr. ℥iiij. Theriac. Androm. ℥ss. M. Dosis ℥iiij. vel vj. bis terve die.

Hoc traumaticum infusum a Th. Fullero singulariter commendatur ad casum ab alto, & contusiones. Cruorem quippe extravasatum & grumescens mire dissolvit, in massam sanguinis intra vasa majora circulantis denuo propellit; atque illinc partim per diaphoresim, per diuresim, partimque nonnumquam per catharsim exterminat. Tam potenter & specificè, inquit, operatur, ut aliquando (non sine stupore) notaverit ab ejus usu urinam (propter grumos solutos absorptos, & sero commistos) plane nigricantem reddi.

Externe vi anodyna & resolvente plurimum valet. Sebizi viridem Dulcamaram contusam & cataplasmatibus forma applicatam ait mitigare mammarum dolores, emollire earum duritiem, atque dissolvere in iis grumescens lac. J. Raius refert cataplasma ex foliorum Dulcamaræ concisor. manipulis quatuor cum ℥iiij. feminis Lini pulverati decoctor. in vino moschato cretico aut larido

porcino, calide applicatum, unius noctis spatio tumorem capitis humani magnitudine resolvisse, & contusiones deploratas musculorum sanavisse.

Mulieres in Hetruria, narrante Matthiolo, Acinorum succum usurpant ad faciei nitorem, & lentigines maculasque delendas.

E B U L U S.

E BULUS, Sambucus humilis, Sambucus herbacea, Chamæacte, *Off.* Sambucus humilis, sive Ebulus, *C. B. P.* 456. *Inst. R. H.* 606. Ebulus sive Sambucus herbacea, *J. B.* 1. 546. Ebulus, *Dodon. Pempt.* 381. Chamæacte, *Dioscorid.* vulgo, *Teble.*

Hæc planta herbacea Sambuci æmula, raro hominis altitudinem assequitur, sæpius sesquicubitalis: ex radice longa, digitalis crassitudinis, non lignosa, carnosa, albida, late sparsa, saporis amaricantis, subacris & nauseosi, caules herbaceos promit, striatos, angulosos, ac frequentibus articulis geniculatos, Sambuci ritu medullosos, hybernis mensibus contabescentes: frondes ordinatius dispositas, e tribus quatuorve conjugationibus ad crassum, nervosum pediculum annexis, imparique extremo folio compositas, quarum singula folia Sambucinis longiora, acutiora, ambitu serrata, odore graviore. Flores in umbellis nascuntur parvi, numerosi, odorati, & nescio quid nucleorum Persicorum magmatis spirantes, sed esu vix ferendi, candidi, monopetali, rotati, quinquepartiti, cujus meditullium a mucrone calycis tamquam a clavo perfoditur inter quinque stamina candida & totidem apices ferrugineos. Floribus deciduis calyces abeunt in fructus seu baccas, per maturitatem nigras, torulis multis angulosas ante maturitatem & pene triangulas, post vero magis rotundas, succo suo manus rutila quadam purpura inficientes, seminibus fetas oblongis, ternis, altera parte gibbis, altera angulosis. Ad vias publicas & in agrorum limitibus non raro occurrit. Cortex radiceis, folia, baccæ usitata sunt.

Analyfi chymica, ex folior. & summitatum Ebuli recentium ℔v. per retortam distillatis prodierunt humoris limpidi, sub finem rufescentis, odoris & saporis ingrati, primo obscure acidi, deinde remissioris ac tandem subsalsi ℔j. ℥iiij. ℥v. gr. xlvij. humoris rufescentis, primo leviter alcali, urinosi, ac tandem intensi ℔ij. ℥v. ℥vij. gr. xxxvj. humoris rufi, sale urinoso copioso imprægnati ℥vij. gr. xlvij. olei ℥j. ℥iiij. gr. xxiiij. Massa nigra in retorta residua pendebat ℥vj. ℥iiij. gr. xxxvj. quæ rite calcinata reliquit cinerum ℥ij. ℥v. ex quibus salis fixi leviter alcalini ℥ij. gr. ij. lixivio extracta sunt. Partium jactura in distillatione fuit ℥xij. ℥ij. gr. xxiiij. in calcinatione ℥ij. ℥vij. gr. xxxvj.

Baccarum maturarum recentium ℔v. per retortam distillatæ præbuerunt humoris limpidi, odoris & saporis fatui, ingrati & obscure salsi, deinde obscure subacidi ℥ix. ℥vj. gr. xlvij. humoris rufi, odoris & saporis ingrati, primo subacidi, deinde acidi, subsalsi & austeri ℥vij. ℥ij. gr. xvij. humoris limpidi, rufescentis, acidi, alcali, urinosi & austeri simul ℥xj. ℥iiij. gr. xxxvj. olei ℥xiiij. ℥iiij. gr. xxxvj. Massa nigra in retorta residua pendebat ℔j. ℥ix. ℥vij. gr. xxxvj. quæ rite per 12. horas calcinata reliquit cinerum albicantium ℥ij. ℥ij.

ex quibus salis falsi talcosi ℥j. gr. xxx. lixivio sunt extracta. Partium jactura in distillatione fuit ℥x. ℥viij. gr. xliij. in calcinatione ℔j. ℥vj. ℥iiij. gr. xxxvj.

Folia Ebuli amaricantia sunt, baccarum vero magis intensus est amaror, cum quadam adstrictione: chartam cæruleam earum succus non mutat. Sale essentiali ammoniacali cum oleo copioso, baccae præsertim donantur tum tenui, tum crasso.

Ebulo facultas purgandi per alvum eximia & valida tribuitur: radices ad hunc scopum efficacissimæ sunt ac præsertim cortex ejus. Alii sumunt medianum stipitis corticem. Post radices sunt baccae & semina. Asparagi seu turiones & folia mitiora censentur. Radicis substantia lignea interior adstringit potius, & propterea in fluore albo & nimio mensium fluxu ex vino sumpta a P. Hermans & a Friderico Hoffmanno laudatur. Folia digerendi & discutendi potentia præstant. Educunt autem cortices non modo pituitam, sed & aquosos potissimum humores: utiles idcirco prædicantur ad hydropicorum purgationes; sed tamen correctæ & ubi vires suffecerint. Purgant enim cum molestia, ventriculum subvertunt, vomitum nonnumquam promonent, interioraque viscera omnia perturbant. Male omnibus usus earum succedit, quibus hepar obduruit, ut quando morbo regio ascites successit. Quamobrem nec temere nec nisi valde robustis & viribus adhuc integris ex Ebuli corticibus medicamentum aut potio danda.

Succus, cui vis purgandi valida, elicitur vel e radice vel e mediano stipitis cortice contuso, affuso Hordei vel uvarum passarum decocto cum Cinnamonomi vel Nucis mosch. momento & Saccharo. Infusum corticum radicum Ebuli, non adeo violentum est, decoctum vero minus. Coctura, auctore Fernelio, vis ejus purgandi perit & exsolvitur. Succus exhibetur ad ℥j. Cortex in vino maceratur vel decoquitur ab ℥ss. ad ℥ij. si causa morbi frigida, si febris absit: alias pro affectus natura potio temperanda est.

Semen in pulvere præscribitur ad ℥j. Seminum Ebuli ℥ss. in vini albi ℥vj. maceratur per noctem & colatura hydropicis propinatur. Vel etiam ex eorumdem seminum ℥vj. confusis in aq. florum Parietariæ emulsio hydragoga conficitur. Fridericus Hoffmannus radicem, dempto cortice, tempore verno rubicundam collectam & pulverizatam a ℥ss. ad ℥ij. exhibitam nimio mensium fluxui mederi scribit. Ex baccis Rob conficitur ad aquas hydropicorum in robustioribus subjectis educendas ab ℥ss. ad ℥j. exhibitum.

Flores Ebuli sicut flores Sambuci interne sudores movent.

Ex Ebuli seminibus in aqua calida maceratis & fortiter expressis oleum aquæ supernatans obtinetur quod externe dolores podagricos demulcet & tumores optime resolvit.

Aqua stillatitia radicum Ebuli commendatur a D. Duval Medico Paris. in doloribus, inflationibus & obstructionibus lienis: propinatur ad ℥iiij. per decem aut duodecim dies mane, jejuno ventriculo.

Folia cocta ad cataplasmatum formam sopiendis podagricorum doloribus conferunt. Eadem tumores aquosos & herniam in specie aquosam discutendo ac resolvendo tollunt. Contusa & imposita ambusta parti eam persanant.

S. Paulli *Quadrip. Botanico* ingentem testium & scroti inflammationem in

puero, cataplasmate ex foliis Ebuli & Agrimonix partibus æqualibus & vino rubro coctis curavit. Cortex radicum potenter discutit & emollit, unde externe in inflammationibus & erisypelate admovetur. Ad tumores pedum œdematosos resolvendos, aut dolores podagricos, rheumaticos sedandos, fots foliorum Ebuli, Tanacetii, Salviæ in aqua vel vino coctorum commendatur.

℞. Cortic. radicum Ebuli ℥j. Baccar. Juniper. ℥j. flor. Sambuc. P. j. Macerentur in vini q. s. Colatura detur ad aquas per urinam & alvum educendas.

℞. Fol. Ebuli recentium ℔ij. Contunde & misce cum butyri majalis ℔j. Coq. ad herbæ ficcitatem. F. colatura & unguentum erit efficacissimum ad tumores resolvendos, arthriticos dolores sedandos.

Radix & semina Ebuli usurpantur in hydragogo eximio *Renodæi*. Radix adhibetur in syrupo hydragogo *Pharmacop. Regiæ*, & in emplastro de Ranis cum Mercurio *Eiusdem*. Folia vero in extracto panchymagogo *Crollii*, & in ung. Martiato, *Pharmacop. Regiæ*.

E L A T I N E.

E LATINE & Veronica femina, *Off.* Linaria segetum, Nummulariæ folio villoso, *Inst. R. H.* 169. *Raii Hist.* 759. Elatine folio subrotundo *C. B.* P. 252. Elatine mas, folio subrotundo *J. B.* 3. 372. Veronica femina Fuchsi five Elatine *Dod. Pempt.* 42. Verbasculum quorundam, *Lugd.* 1301, vulgo, *Velvete* ou *Veronique femelle*.

Radix alba, simplex, tenuis, paucis fibris donata, recta in terram descendit. Caulis tenuis, rotundus, vix palmum altus: verum flagella quæ ad latus supra terram spargit, longitudine non raro spithamam excedunt. Folia quam Alines mediæ majora, rotundiora, pallide viridia & canescentia, hirsuta & ad tactum mollia, circa margines plerumque æqualia, interdum tamen obiter dentata, pediculis brevissimis fulta, situ alterno. Ex alis foliorum emergunt pediculi singulares, longi, tenues, singulos flores sustinentes Linariæ similes, parvos, monopetalos, anomalos, personatos, posterius in caudam seu calcar tenue, incurvum desinentes, antè in duo labia divisos quorum superius colore pullo, bifariam, inferius vero, ex herbido flavescens trifariam secatur. Ex calyce pentaphyllo surgit pistillum posticæ floris parti infixum, quod deinde abit in fructum seu testam membranaceam, subrotundam, septo intermedio in duo loculamenta divisam, seminibusque pluribus minutis, subrotundis fetam. Usu herba est quæ in sylva Bononiensi sponte crescit.

Analyti chymica, ex totius plantæ recentis ℔v. per retortam distillatis prodierunt humoris limpidi, inodori, sub finem subacidi ℥xiiij. ℥iiij. gr. xxxvj. humoris primo limpidi, magis ac magis acidi, deinde rufescentis, intense acidi & austeri ℔iiij. ℥ij. ℥v. humoris rufescentis, sale volatili urinoso copioso imprægnati ℥j. ℥j. olei ℥vj. gr. xliij. Massa nigra in retorta superstes pendebat ℥ix. gr. xliij. quæ rite calcinata reliquit cinerum ponderosorum & terræ similium ℥vj. ℥j. gr. xxxvj. ex quibus salis fixi salis ℥ij. gr. xxxvj. lixivio sunt extracta. Partium jactura in distillatione fuit ℥iiij. ℥vj. gr. xviiij.

Elatines folia intense amara sunt, subadstringentia, & aliquid oleosi spirant.

rant. Salem essentialem continere videntur Tartareo-aluminosum mediocri olei portione involutum.

Summe vulneraria est, temperans & detergens, aperit & resolvit. Ejus infusum, decoctum vel aqua distillata usurpari solent ad ℥iij. vel ℥vj. Succus vero ab ℥iij. ad ℥v. bis terve die potus. Laudatur in cancro, podagra, impetigine, lepra, hydrope, scrophulis. Pena & Lobelius narrant, quemdam misellum barbitonforem, cum perdocti Medici complures nasum cujusdam ægrotantis abscindere decrevissent, hoc remedium a quopiam suo hero edoctum, amputationem dissuasisse, & hujus plantæ succi litu & potu sic effecisse ut nasus non abscinderetur & ut reliquo corpori in lepram prono mederetur. Ejus extractum præparatur & ad ℥j. exhibetur. Externe admota planta, vel succus effusus ulcera fordida & cancrosa abstergere, cohibere & sanare dicitur. Unguentum ex ea conficitur a Tournefortio ad ulcera, hæmorrhoides, scrophulas, cunctaque cutis vitia prædicatum.

℞. Elatines floridæ q. v. Contundantur & macerentur per 24. horas in vini albi q. s. ut herba tegatur. Tum fiat colatura cum forti expressione. Coquatur ad tertias & affund. adip. porcini q. s. F. unguentum.

Utiliter quoque a nonnullis in enematum decoctis adversus alvi profluvia & dysenteriam usurpatur.

ENDIVIA SIVE INTYBUS.

ENDIVIA sive Intybus Cichorii species est. Intybum tamen a Cichorio J. Raius distinguit foliis brevioribus, non laciniatis & quod annua planta sit, cum Cichorium perennet. Tres Endiviæ species usitatæ sunt, Endivia latifolia, seu vulgaris, Endivia angustifolia, seu Scariola vulgaris, & Endivia crispa seu Romana.

ENDIVIA latifolia, Endivia vulgaris, Intybus sativa, Intybum latifolium, Scariola latifolia Seriola, *Off.* Cichorium latifolium, sive Endivia vulgaris *Inst. R. H.* 479. Intybus sativa, latifolia, sive Endivia vulgaris *C. B. P.* 125. Intybum sativum latifolium *℞. B.* 2. 1011. Intybus major sativa, Cichorium domesticum *Tabern. Icon.* 173. Seris domestica *Dioscoridis*: Cichorea sativa *Tragi* 273. Intubus *Turn*: Intubum latifolium sativum Fuchs. *Dod*: Scariola Arabum, *interpretibus*: Gallice *Endive commune* ou *Chicorée blanche*.

Radicibus est fibrosis, lacte prægnantibus: foliis per terram sparsis antequam caulescat, longis, latis, Lactucæ foliis similibus, in ambitu subinde crenatis, subamaris: foliis quæ in caule sunt quasi hederaceis, minoribus: caule cubitali & sesquicubitali, lævi, striato, inani, multis ramis brachiato, tortuoso, vulnere lac fundente; floribus & foliorum alis nascentibus, cæruleis, Cichorii sylvestris, seminibus quoque consimilibus.

ENDIVIA angustifolia seu minor, Intybus angustifolia, Scariola vulgaris seu angustifolia, Seriola & Endiviola: *Off.* Cichorium angustifolium, sive Endivia vulgaris *Inst. R. H.* 479. Intybus sativa, angustifolia *C. B. P.* 125. Intybum sativum, angustifolium *℞. B.* 2. 1011. Serium, Cichorium sativum minus *Tabern. Icon.* 174. Intybum sylvestre *Gerard*. Intybus sive Endivia minor angustifolia *Parkinson*: vulgo, *Petite Endive*.

Foliis est angustioribus, sapore amariore, caule ramosiore; in reliquis cum priore convenit.

EN DIVIA crispa, seu Romana, Intybus crispa, *Off.* Cichorium crispum *Inst. R. H.* 479. Intybus crispa *C. B. P.* 125. Intybum sativum crispum *7. B. 2. 1011.* Intybus crispa, Endivia crispa *Tabern. Icon.* 173. Seris seu Intybus crispa *Adv. Lobel:* vulgo, *Chicorée frisée.*

Foliis est quam Endivia vulgaris majoribus, ubique in ambitu crispis ac sinuatis: caule ceteris majore, crassiore, teneriore, semine nigro: cetera similis.

J. Bauhinus hortulanorum mangonio Intybum crispam effici opinatur. J. Raius Intybum crispam a sativa specie differre existimat. Seritur Intybus in hortis olitoriis, ad usum culinarium. J. Raius observat quod vere fata celeriter adolescat, & ipsa æstate florens semina proferat & deinde intercitat: Julio vero fata in hyemem restet, Septembri aut Octobri terra obruta, colligatis prius foliis, nivis instar candida reddatur, ac deinde mensibus hybernis, aliorum acetariorum loco, mensis inferatur palato sapida & grata.

Analyti chymica, totius Intybi sativæ majoris recentis cum radicibus ℥v. præbuerunt humoris primo sub turbidi, deinde limpidi, saporis & odoris herbacei, obscure salis, obscure acidi, tandem manifeste acidi ℥ij. ℥xij. ℥j. humoris limpidi, manifeste & magis ac magis acidi, sub finem rufescentis, atque saporis odorisque leviter empyreumatici, austeri ℥j. ℥x. ℥vj. gr. xvij. humoris fusci, odoris & saporis vehementer empyreumatici subacidi, acris & salis, sub finem rufi, sale volatili urinoso copioso imprægnati ℥j. ℥v. olei spissi ad instar extracti ℥v. gr. lx. Massa nigra in retorta superstes pendebat ℥iiij. ℥v. gr. viij. quæ rite calcinata reliquit cinerum ℥ij. ℥ij. gr. xxxvj. ex quibus salis fixi mere alcali ℥j. ℥j. gr. xxxvij. lixivio sunt extracta. Partium jactura in distillatione fuit ℥iiij. gr. lvij. in calcinatione ℥ij. ℥ij. gr. xliij.

Ex Intybi sativæ candidæ foliorum recentium & a radicibus separatorum ℥v. prodierunt humoris limpidi, primo inodori & insipidi, obscure salis, deinde subacidi ℥iiij. ℥iiij. ℥iiij. humoris limpidi, subsalis, urinosi ℥v. ℥iiij. gr. xiv. humoris fusci, empyreumatici, sale volatili urinoso copioso imprægnati ℥iiij. ℥iiij. gr. xxiiij. olei ℥v. gr. xxiiij. salis volatilis urinosi concreti gr. circiter xx. Massa nigra in retorta residua pendebat ℥vij. gr. xlij. quæ rite calcinata reliquit cinerum ℥vij. ex quibus lixivio salis fixi mere alcali ℥ij. gr. viij. extracta sunt. Partium jactura in distillatione fuit ℥j. gr. xx. in calcinatione gr. xlij.

Intybi viridis junioris foliorum recentium ℥v. per retortam distillatæ præbuerunt humoris limpidi, rufescentis, odoris & saporis herbacei quasi lixiviosi, subsalis ℥j. ℥xv. ℥j. gr. vj. humoris rufescentis, sub turbidi, ejusdem saporis & odoris ℥j. ℥ij. ℥iiij. humoris flavescentis, limpidi, saporis & odoris lixiviosi, subsalis & aliquantisper urinosi ℥j. ℥iiij. ℥j. gr. liij. humoris turbidi, rufescentis, odoris & saporis empyreumatici, sale volatili urinoso copioso imprægnati ℥j. ℥j. gr. xxij. salis volatilis urinosi concreti nitidi ℥j. gr. xxiiij. olei spissi ad instar extracti ℥v. gr. xij. Massa nigra in retorta superstes pendebat ℥ij. ℥ij. quæ rite calcinata reliquit cinerum ℥j. ℥iiij. gr. lx. ex quibus lixivio salis fixi mere alcali ℥iiij. gr. xlvij. extracta sunt. Partium jactura in distillatione fuit ℥v. ℥vij. gr. xxvj. in calcinatione ℥vj. gr. xij.

Endiviæ viridis folia recentia salem essentialem continere videntur nitro-fo-ammoniacalem cum olei tenuis & paululum terræ permistum. Nullum acidi signum præbuerunt in tentaminibus ob maximam salis urinosi copiam.

Endiviæ folia colligatione dealbata aliquantulum acidi exhibuerunt, minus vero salis volatilis & terræ: succus eorum, dum colligantur ut dealbescant, quamdam fermentationem intus suscipit, qua salia volatilia in hac planta copiosa & evoluta satis, partim avolant, remanente acida portione & aqua. Terra autem eadem fermentatione attenuata cum ceteris principiis intimius miscetur.

Folia dealbata teneriora sunt & palato magis sapida virentibus, ob acidi portionem magis evolutam & cum alcalinis & oleis intimius permistam; virentia amaricantia sunt ob molecularum salinarum crassitiem & diversam cum oleo & terra miscelam.

Endiviæ virentes apud nos raro esitantur, sed angustifolia & crispa curatolitorum qui illas terra vel arena in hortis vel in cellis subterraneis obruunt, candidæ factæ & dulciores, in acetariis crudæ in mediis frigoribus sicut lactuæ in æstate frequentissime comeduntur. Usitatæ sunt etiam in jusculis carniū, & ex jure coxæ vervecinæ, in quo sensim elixantur & tabescunt, dum caro assatur, saporatæ, ut artis est, cibum præbent & gratum & salubrem.

Nec minus notæ sunt in officinis pharmaceuticis quam in culinis, ubi & virides & dealbatæ in usum veniunt. Folia præsertim frequenter usurpantur, semina raro, fere numquam radices.

Endiviæ omnes refrigerant, abstergunt & aperiunt: sale suo nitroso ammoniacali, subtili, multo phlegmate diluto, sanguinis fervorem sedant, biliosorum humorum orgasmum compescunt, acres sanguinis sales nimis evolutos & nimis evecta sulphura sibi consociant, & per urinas aut per secesum abducunt: viscera maximeque jecur infarctu liberant, emolliunt & diluunt collectam in illis bilem viscidam & quasi resinofam factam, serum glutinosum seu pituitam crassam dividunt: icterum sanant, febribus biliosis ardentibus & inflammationibus quibuscumque conducunt: hæmorrhagiis medentur. In jusculis & apozematibus temperantibus, refrigerantibus & aperientibus usurpantur: earum succus defæcatus sæpius die, ad ℥iij. vel decoctum pro potu solito propinatur.

Simon Paulli *Quadr. Botanico* 322. folia exsiccata commendat, quæ decoctionibus hepaticis permista, ad præparandam bilem, quæ icterum invenit, additis Fragariæ foliis, valde prodesse asserit.

Semen Endiviæ inter quatuor semina frigida minora numeratur, ex quibus æque ac ex majoribus emulsiones præparantur.

Externe Endiviæ virentis folia in inflammationibus & tumoribus erysipelaceis admoventur contusa. Usurpantur in enematis refrigerantibus & emollientibus, & in pediluviiis pro concilianda quiete & somno, vel tempore æstivo vel in ardoribus febrilibus.

℞. Radicum Gramin. Fragar. & Asparag. ana ℥j. Folior. Cichor. sylvestr. cum toto, folior. Endiviæ vulgar. Scariolæ, Pimpinell. & Agrimon. ana M. j. Coquantur in ℔iij. ad ℔ij. aq. comm. Colatura dilue sal. amar. ca-

thartic. ℥ss. Syrup. de pom. simpl. ℥ij. F. apozema ad bilem crassam incidendam in ictero, & hepatis obstructions referandas. Propinetur per cyathos statis temporibus.

℞. Radic. Cichor. & Nenuphar. ana ℥j. Folior. Endiviæ, Scariol. Bugloss. Borrag. Lactuc. & Portulac. ana M. j. Semin. Melon. Citrull. Endiv. & Althææ ana ℥j. Passular. Jujubar. ana ℥j. Orizæ contusæ P. j. Coq. in aq. fluviatil. ℔iiij. ad ℔iij. F. apozema ad pituitam tenuem & salsam in catharris temperandam & demulcendam.

℞. Pullum gallinac. exenteratum, excorticatum, capite & pedibus resectis. Coquatur in aq. ℔vj. ad ℔iiij. Sub finem coctionis adde folior. Intybi utriusque, Cichor. Sylvestr. Chærophylli, Borrag. Bugloss. Lactuc. Pimpinell. & Agrimon. ana M. j. Per cyathos calens propinetur 3. vel 4. quaque hora ad refrigerandum, aut humorum æstum compescendum in febribus biliosis.

℞. Fol. Intybi utriusque, Lactuc. Cichor. sylvestr. Borrag. Bugloss. Acetos. rotund. Scolopendr. Fumar. Agrimon. ana M. j. Contundendo affunde sensim feri lactis ℔ij. F. colatura cum forti expressione. Colatura defæcata, dissolve syrup. de Cichor. simpl. ℥ij. F. serum medicatum refrigerans & aperiens ad temperandum viscerum æstum & obstructions aperiendas.

Endivia utraque usurpantur in syrupo de Cichoreo simplici & composito
Collectaneor. Pharm. Penicheri.

ENULA CAMPANA.

ENULA Campana, Helenium, Inula, *Off.* Aster omnium maximus, Helenium dictus, *Inst. R. H.* 483. Helenium vulgare, *C. B. P.* 276. Helenium sive Enula campana *7. B.* 3. 108. Helenium *Dod. Pempt.* 334. Elenion *Tragi* 170. Panax Chironium Theophrasti *Anguill*: Inula *Gesner. hortor*: vulgo, *Aunèe, Enule campane.*

Radice est crassa, carnosâ, multifida, foris fusca, intus alba, sapore acri, aliquantisper amaro & aromatico, odore etiam, præsertim cum exsiccata fuerit, suavi & grato: folia cubitum æquant & sæpius superant, spithamam penetrata, superne pallide virentia, subtus incana, per ambitum crenata, utrinque acuta, ad tactum mollia; caulis ad tres vel quatuor cubitos assurgit, rectus, villosus, striatus, ramosus, flores sustinens radiatos, aureos, amplos, cum feminibus longis, angustis & papposis. Agri Parisiensis incola delectatur locis pinguibus & udis. Nulla hujus plantæ pars præter radicem odorata fit. Radix sola fere totius plantæ pars usitata autumno & nonnumquam Aprili & Majo mensibus legitur.

Analyti chymica, ex radicum Enulæ recentium ℔v. per retortam distillatis prodierunt humoris limpidi, odoris & saporis radicem referentis, cum quadam amaritie, primo obscure salis & obscure acidi, deinde subacidi, austeri ℔j. ℥xj. gr. xij. humoris limpidi, ejusdem odoris & saporis, cum exigua olei essentialis adiposi & granulatim concreti, cineracei portione, magis ac magis acidi, austeri ℔ij. ℥ij. ℥v. gr. vj. humoris rufescentis, odoris & saporis empyreu-

reumatici, intense acidi, austeri ℥ij. ℥iiij. gr. xx. humoris fusci, empyreumatici, obscure acidi & sale volatili urinoso copioso imprægnati ℥ij. ℥v. gr. xij. olei spissi syrupi ad instar ℥j. ℥j. gr. xij. Massa nigra in retorta residua pendebat ℥viij. ℥j. gr. xxvij. quæ rite calcinata reliquit cinerum ℥j. ℥iiij. gr. xx. ex quibus lixivio salis fixi mere alcali ℥iiij. gr. lvij. extracta sunt. Partium jactura in distillatione fuit ℥iiij. ℥vj. gr. lv. in calcinatione ℥v. ℥v. gr. vij.

Ex radicum Enulæ recentium, minutim incisarum & contusarum ℔x. & ℥v. cum aq. communis ℔xl. per tres dies maceratis & per refrigeratorium simul distillatis, prodierunt humoris turbidi, lactescentis, radicis odorem & saporem referentis, sine ullo acido aut alcali manifesto ℔xx. cum olei essentialis cineracei in diversæ magnitudinis flosculos concreti, partim in aquæ superficie fluctuantis, partim fundum petentis ℥v. deinde humoris limpidi, odorati, obscure acidi cum tantillo ejusdem olei ℔viiij.

Cineraceum illud oleum concretum in vase idoneo igne eliquatum & postea refrigeratum in humorem spissum, resinofum, Terebinthinæ instar crevit colore fuscum, & radicis Enulæ odorem referentem.

Humoris illius lactescentis primo distillati ℔xx. oleo semoto, per refrigeratorium serpentino canali instructum iterum distillatæ præbuerunt humoris lactescentis, radicis odorem saporemque referentis cum quodam amarore ℔vj. Humor ille per tempus limpidus evasit, supernatante olei hujus essentialis, cineracei, concreti, portione exigua, & flocculis aliquot candidis oleosis, nivis flocculorum ad instar, ex plurimis lamellis tenuissimis compositis liquoris infimum petentibus, illi flocculi salino-oleosi Camphoræ species videntur seu sal essentialis oleosus haud multum discrepans a Benzoini floribus, nisi quod majori olei copia scateat. Liquor in alambice residuus odoris & saporis expers repertus fuit, attamen obscure acidum in quibusdam tentaminibus se præbebat.

Radix Enulæ campanæ acris est, amaricans, aromatica, nonnihil glutinosa: exsiccata odorem gratum spirat ad Iridem aliquantisper accedentem. Chartæ cæruleæ colorem in subrubrum mutat. Multum resinæ continet hæc radix cum aliqua salis vitriolico-ammoniacalis portione permistam.

Radix Enulæ campanæ ad multa maxime utilis est tum recens, tum exsiccata. Bechica est, stomachica, diuretica, uterina, aperiens, necnon alexipharmaca & sudorifera. Prodest adversus respirandi difficultatem, asthma humidum, incidendo nempe & attenuando crassos, lentos ac pertinaces humores qui in thorace & pulmonibus hærent. Phthisicorum ulcera pulmonum abstergit. In jusculis & apozematibus bechicis ab ℥ss. ad ℥j. recens præscribitur, vel ex ea cum saccharo conditum paratur ad ℥j. exhibendum. Exsiccata & pulverata ad ℥j. vel ℥ij. intus sumitur, vel in vino aut alio liquore idoneo; vel cum melle Narbonensi, aut extracto seu Rob Juniperi fit electuarium crebriori usu ad humores glutinosos ubicumque hærentes incidendos & expellendos, seu per expectorationem, seu per urinas; vel Tabellæ cum saccharo conficiuntur. Extractum ejus quoque præparatur ad ℥ss. vel ℥j. exhibendum.

Stomacho etiam commoda & salubris est, unde tritum illud adagium.

Enula campana reddit præcordia sana.

Apud Germanos Salgamarii magnam hujus radicis copiam condiunt, & a Platero dicitur aroma Germanicum quo cibi utiliter condiuntur, & maxime laudatur præ Zingibere & aliis Indicis aromatibus. Revera ciborum concoctionem promovet, laxatum nimis fibrarum ventriculi tonum restituit & firmat, & viscidam saburram qua non solum ventriculus sed etiam intestina infarciuntur incidit & expellit sæpe per secesum, unde alvum fluxiliorem reddere dicitur. Eadem ratione colicos dolores flatulentos compescit: renes expurgat & arenulas pellit; uteri obstructions reserat & menses suppressos provocat, humores nempe spissos, tenaces & mucosos his in partibus concretos dividendo.

Valet ad venena, non modo quæ corpus inficiunt humanum, sed & reliquorum animantium præsertim quadrupedum. Data enim ovibus, referente Renodæo, cum vino aut aceto, eas servat, & sanat a peste quadam cui sunt obnoxia, quam vulgus *Clavelatum* vocat. In peste contagiosisque morbis plurimum laudatur tum ad arcendum contagium, tum ad lue sanandam. Et ex ea vinum præparatur Enulatum dictum, radicem cum musto fermentando, vel eam solummodo macerando in vino. Illud vinum largiter haustum sudores movere dicitur. Urinam ciet, calculos & arenulas pellit, & nephritidi medetur, si per tres dies, decresciente Luna, haustus hujus vini mane, jejuno ventriculo, sumatur. Ejusdem vini haustus mane, jejuno ventriculo, epotus visum mirabiliter acuit, referente J. B. His qui usi sunt mercurio nimio in lue venerea, aut qui ex mercurialibus halitibus artuum tremores patiuntur, decoctum Helenii & Fœniculi potum Ettmullerus commendat, expectando sudorem, ut mercurius per cutis poros e corpore propellatur.

Enula vino decocta, aut ejus succus vino infusus & potus lumbricos & tineas ventris enecat.

Externe potenter resolvit & abstergit. In scabie plurimum valet. Radix in taleolas dissecta tamdiu in aqua coquitur, ut digitis conteri queat: tunc conteritur in mortario, & pulpa per setaceum trajecta cum butyri insulsi parte æquali miscetur & fit unguentum quo pars affecta scabie ungitur. Ejus decocto scabiosorum manus & pedes eluuntur. Idem decoctum tum intus sumptum tum externe admotum a Parkinsono aliisque ad spasmus, contusiones, & dolorem ischiadicum commendatur.

Ex radice exsiccata per spiritum vini resina extrahitur, in qua vis plurima concentrata videtur, quæ in uteri ruptura ex partu difficili specifica audit, referente Paulo Hermanno.

℞. Rad. Helen. exsicc. ʒss. Infunde per noctem in vini albi ʒvj. Colaturam capiat mane.

℞. Enulæ campanæ ʒij. Coque in aq. fluv. ad ℥ij. F. ptisana.

℞. Enul. camp. ʒjss. Ireos Florentin. ʒss. Sem. Cymin. ʒiij. Piper. long. ʒss. Mellis despumati ℥j. F. Electuarium tussientibus & asthmaticis perutile.

Dosis a ʒij. ad ʒiij. mane & fero.

℞. Rad. Enul. exsicc. & pulver. ʒj. Mellis Juniperini q. s. M. F. bolus ad ventriculum roborandum, renes a muco inhaerente liberandos & arenulas expellendas, necnon etiam ad expectorationem promovendam.

℞. He-

℞. Helen. Bardan. Fœniculi ana ℥j. F. ex aqua comm. decoctum ad ℔ij. contra tremores artuum ex mercurialibus halitibus.

℞. Resinæ Helenii ℥ij. Terebinth. Venet. ℥iij. Olei Hyperic. ℥ijß. Myrrh. Sang. Dracon. ana ℥j. M. F. balsamum quo inungantur pudendorum rupturæ post partum.

℞. Radicum Enulæ campanæ & Lapathi sylvestr. ana M. j. Incidantur & coquantur in aq. comm. ℔iij. in vase clauso ad ℔j. Colatura laventur partes scabie affectæ, vel alio cutis vitio. Vel

℞. Earumdem radicum pulpæ per setaceum trajectæ ℥v. axungia porc. ℔ß. Flor. sulphuris ℥ij. F. unguentum in scabie.

Enulæ radix usurpatur in syrupo de Artemisia, syrupo hydragogo *Ph. Reg. Charas*, syrupo antiasthmatico *eiusdem*, Looch sano & Looch pectorali, Opiata Salomonis *Jouberti*, Electuar. Catholico simplici *Fernelii*, Unguento martiato, Emplastro J. De Vigo, *Renodæi*, & Empl. Diabotano D. Blondel, *Penicher*.

EQUISETUM sive HIPPURIS.

EQUISETUM, Hippuris, Cauda equina, Herba equina: vulgo, *Preste* ou *Queue de Cheval*. His sub nominibus duæ plantarum species in officinis cognitæ sunt, scilicet Equisetum majus, & Equisetum minus.

EQUISETUM majus, *Offic.* Equisetum palustre longioribus setis *C. B. P. 15.* & *Inst. R. H. 533.* Equisetum majus aquaticum *J. B. 3. 728.* Hippuris *Lobel. Icon. 793.* Hippuris *Diolcoridis*: Cauda equina *Tab. Icon. 251.* Polygonum femina *Fuchs.*

Pro radicibus sunt creberrimæ, tenuissimæ nigricantesque fibræ, longe e caulium geniculis demissæ. Asparagos primum protrudit palmares & cubitos altiores, internodiis & pixidata insertione distinctos, fimbria nigricante, geniculum cingente, striatos, inanes, quorum summo fastigio clavatum insidet capitulum veluti nucamentum, plurimis scilicet staminibus apice fungiformi, ex fusco albido, donatis constans, spicatum & sterile. Fructus enim Equiseti speciebus innascuntur, quæ staminibus carent, grana nempe nigra, aspera & facta. Procedente tempore caules sunt bicubitales & interdum altiores, minimi propemodum digiti crassitie, teretes, concavi, albicantes plerumque, læves aut striis vix conspicuis exarati, crebris geniculis pixidatim cohærentibus intercepti. Singulos geniculos ambiunt folia seu setæ plurimæ, prælongæ, tenues, asperæ, striatæ, virides, non ramosæ, octo, novem & amplius, nonnumquam ad triginta usque, pluribus aut paucioribus internodiis pixidatim articulatis compositæ. Cum veterascere incipit caulis in colorem spadiceum aut attrubentem e latere soli obverso non raro mutatur. In palustribus & aquosis nascitur.

EQUISETUM minus: *Off.* Equisetum arvense longioribus setis *C. B. P. 16.* Equisetum minus terrestre *J. B. 3. 730.* Hippuris minor *Dodon. Pempt. 73.* Equisetum segetale *Gerard.*

Radice est gracili, nigra, articulata & serpente, fibris nigricantibus e geniculis exortis capillata, quæ vere haud secus ac Equisetum majus asparagos emit-

tit,

lit, sed graciliores, longioribus & laxioribus, fimbriatis, nigricantibus coty-
tis tubulos excipientibus, nucamenti æmulum capitulum apicibus albis confer-
tum sustinentes. Deinde caules frequentes sequuntur pedales, geniculis distin-
cti, pixidatim inserti, cavi, aliquantisper scabri. Ex geniculis prodeunt folia
seu setæ radiatim enatæ, pauciores ad singulos caulis nodos quam in priori, qua-
tuor sulcis profunde striatæ, tortuosæ, e geniculis interdum folia seu setas se-
cundarias emittentes. Inter segetes solo humidioris & arenoso non raro inve-
nitur. Utraque in usum venit: hæc autem viribus præstantior censetur.

Analysi chymica, ex herbæ Equiseti majoris ℥v. per retortam distillatis pro-
dierunt humoris limpidi, odoris & saporis herbacei, subsalsi ℥iiij. ℥iij. humoris
limpidi, subsalsi & obscure austeri ℥j. gr. xlvij. humoris rufescentis, turbidi, sale
volatili urinoso copioso imprægnati ℥j. ℥vij. gr. liij. olei ℥iij. gr. xlvij. Massa ni-
gra in retorta superstes pendebat ℥vij. ℥ij. quæ rite calcinata reliquit cinerum ℥iij.
℥iiij. ex quibus lixivio salis fixi falsi ℥iiij. gr. xv. extracta sunt. Partium jactura
in distillatione fuit ℥ij. ℥j. gr. lxvj. in calcinatione ℥iij. ℥vj.

Equisetum saporem herbaceum subsalsum refert: chartam cæruleam vix
mutat. Sale ammoniacali donari videtur cum multa terra adstringente &
exigua olei portione permixto.

Equisetum adstringit valide; hinc ad sanguinis rejectionem, ad profluvium
muliebre, potissimum rubrum, mictum cruentum, & ad dysenterias reliquos-
que ventris fluxus strenuum & generosum est remedium vel herba ipsa aut ex
aqua aut ex vino epota, vel pulvis ℥j. pondere, aut decocti in vino ℥iiij. mane
& vesperi propinatæ, vel succus ejus ad ℥ij. vel aqua ejus stillatitia, si cochlearia
tria duobus tribusve diebus bibantur. Sistit hæmorrhagias quascunque: item
exulcerationes & vulnera renum, vesicæ tenuiumque intestinorum sanasse aucto-
res annotarunt. S. Paulli in *sua Flora Danica* singularem refert historiam vul-
neratæ puellæ, punctim cultro ad oram ossis pubis in pectine ita percussæ, ut ei
post inflictam plagam urina per aliquot dies ex vulnere vesicæ efflueret: quæ
illo ipso articulo temporis, quo plaga inflictæ est, tam distenta fuit ab urina,
ut prominuerit ultra modum dictum os. Quæ tamen, parvo intermisso tem-
poris spatio, potionibus, decoctis ac clysteribus vulnerariis rite administratis,
quibus Equisetum remissum erat, præter spem pristinæ valetudini restituta est.
Ad sanguinis sputum exhibe radicis Equiseti exsiccata & pulverisatæ ℥j. cum
succo Granatorum acidorum. Ad pectoris pulmonumque ulcera decoctum Equi-
seti in aqua mane & vesperi calide potum ad ℥iij. vel ejus succi ℥ij. in phthisi
pulveris Equiseti ℥j. cum aquæ Plantaginis ℥iij. mane & vesperi aliquot die-
bus sumpta commendatur. In diuturnis febribus, etiam malignis, miracula
fecisse cum aliis, se comperisse scribit C. Hoffmannus.

Diutina experientia compertum est, inquit Ammonius *Medic. herbar.*
p. 95. scabiei vesicæ mederi. Nam unico hoc medicamine testatur lithoto-
mum insignem hanc scabiem penitus profligasse, decoctiones illius ægroto
propinandas porrigendo.

Notatu vero dignum quod Pechlinus *Observationibus medicis* refert,
Equisetum adstringentem & aluminosam herbam, ubi inter gramina a bo-
bus,

bus decerpitur, succo fermentante alvum vehementer turbare, pinguedinemque vel detrahare vel prohibere.

Equiseti asparagos, auctore Matthiolo, in Hetruria, modo defectu melioris cibi, modo in dysenteria aliisque alvinis fluxibus comedunt Hetrusci, quibus alvus nonnumquam adeo stringitur, ut inde coli cruciatus facile excitentur.

Gonorrhææ conducit, auctore Emāuele Konig. & prostaticarum laxitatem maxime corrigit.

Extrinsecus foliis tritis & admotis, vulnera glutinantur, etiam ubi nervi læduntur.

ERUCA.

INTER plures *Eruca* species duæ potissimum usitatæ in officinis prostant, scilicet *Eruca sativa* & *Eruca sylvestris*.

ERUCA sativa, *Off.* *Eruca latifolia*, alba, sativa Dioscoridis *C. B. P.* 98. & *Inst. R. H.* 227. *Eruca major*, sativa, annua, flore albo, striato *J. B.* 2. 859. *Eruca sativa* *Dodon. Pempt.* 708. *Sinapis alterum genus* *Fuchs.* *Sinapi hortense* *Lugd. histor.* 646. vulgo, *Roquette*.

Alba, lignosa, tenui & rectibili radice est donata, sapore acri; caulibus cubitalibus & sesquicubitalibus, subhirsutis: foliis *Sinapi albi*, longis, angustis, utrimque profundis incisuris laciniatis, teneris, glabris, ejusdem cum radice saporis: floribus in caulium cacumine cruciformibus, quatuor scilicet petalis constantibus, e luteo albidis, striis nigricantibus pictis, cum calyce hirsuto, ex quo surgit pistillum quod deinde abit in siliquam brevi pediculo innixam, glabram, qualem in *Sinapi* siliqua glabra, sed longiorem, septo intermedio, cui valvæ utrimque adhærescunt, in duo loculamenta divisam, seminibusque fetam multis flavis, majoribus quam *Sinapi* jam dicto, minusque rotundis. Odor hujus plantæ validus & ingratus, nec minus sapor, quamvis nonnulli, & Itali præsertim, eo delectentur, & acetariis gustus gratia *Erucam* admisceant. In hortis passim seritur. Folia & semen usitata sunt.

ERUCA sylvestris, *Off.* *Eruca tenuifolia perennis* flore luteo *J. B.* 2. 861. *Inst. R. H.* 227. *Eruca sylvestris vulgatio*, *Parkins.* *Eruca sylvestris* *Gerard. Dodon. & Raii histor.* 807. *Sinapi sylvestre* *Lugdunens.* 646. vulgo, *Roquette sauvage*.

Radice hæret alba, crassa, satis longa: ex qua multi prodeunt caules, crebris alis, concavi, striati, villosi potius quam hirsuti. Folia crebris incisuris *Dentis leonis* divisa, atrovirentia, glabra, sapore fervido sativæ, cujus & flores, sed colore præditos luteo, serie simili dispositos gerit odoratos: siliquis succedentibus longioribus, angulosis, erectis seminibus *Sinapis sylvestris* similibus, acris & amariusculis repletis. Odor totius plantæ foetidus & ingratus.

Analysi chymica, ex *Eruca sylvestris* floridæ lbv. demptis radicibus, per retortam distillatis, prodierunt humoris odore & sapore plantam referentis, subacidi lbj. ℥iij. ℥vij. gr. liij. humoris primo limpidi, ejusdem odoris, manifeste acidi magis ac magis, deinde flavescens & rufescens, empyreumatici, acidi, salsi, austeri lbij. ℥v. gr. lxij. humoris rufi, odoris valde empyreumatici, saporis acris, austeri, & sale volatili urinoso copioso im-

præ-

prægnati ℥ij. ℥ij. salis volatilis urinosi concreti gr. xvij. olei spissi ad instar extracti ℥j. ℥ij. gr. xlij. Massa nigra in retorta residua pendebat ℥iiij. ℥vj. gr. lxxvj. quæ rite calcinata reliquit cinerum ℥ij. gr. lxxij. ex quibus salis fixi falsi ℥vij. extractæ sunt. Partium jactura in distillatione fuit ℥ij. ℥vj. gr. liij. in calcinatione ℥ij. ℥vj. gr. iij.

Eruca sylvestris saporis est acris, urentis cum quadam amaritudine in recessu. Chartam cæruleam rubro colore tingit, & odorem refert oleorum foetidorum super calcem vivam rectificatorum. Salem igitur essentialem continere videtur acrem ad ammoniacum accedentem, cum oleo tum tenui essentiali, tum crasso foetido, & terra copiosa conjunctum.

Erucae sativæ odor & sapor remissiores sunt, sicut & virtus debilior, unde in alimoniam sæpius desumitur: illa vero pro medicamentis præstantior est.

Eruca diversæ prorsus est a Lactuca naturæ: idcirco veteres in cibis illas confociare solebant, ut nimio frigori par fervor temperamentum æquet. Itali etiam nunc dierum acetariis Erucae tantillum admiscent, forte viribus potius quam sapore illis commendatæ. Eruca enim non Medicorum tantum sed & poetarum testimonio conciliatrix veneris videtur. Sic Martialis:

. . . *Et venerem revocans Eruca morantem.*

Columella. *Excitat ad venerem tardos Eruca maritos.*

Et Ovidius. *Nec minus Erucas iubeo vitare salaces.*

Omnes Erucarum partes comestæ appetitum excitant, ciborum concoctionem promovent, viscidam saburram in ventriculo immorantem dissolvunt, quapropter in anorexia & aepsia commendantur. Urinam provocant, quam acriorem reddunt, ac proinde levi titillatione partes & urinæ & seminis secretioni & evacuationi dicatas afficiunt. Eapropter in compositionibus languenti veneri sollicitandæ dicatis usurpantur. At biliosis aut calidis naturis minus conveniunt, nec illis quorum stomachus æstuat.

In scorbuto & chronicis morbis Eruca conducit, sive herba cruda comedatur, sive succus solus vel cum vino hauriatur, sive in jusculis aut apozematibus decoquatur. Observandum tamen has plantas acres antiscorbuticas levi coctione indigere, alioquin & sale suo volatili & oleo essentiali tenuissimo spoliantur, & simul sapor & præcipua virtus earum avolat. Semina eandem obtinent virtutes, imo ab Ettmulero præstantiora censentur, qui tempore hyemali hanc antiscorbuticam misturam commendat.

℞. Pulver. stomachal. Quercetan. ℥ij. Semin. Cochlear. Nasturt. Erucae ana ℥j. Aloes Succotrin. & Myrrh. elect. ana ℥ij. M. F. pulvis. Dosis ℥j. bis die cum conserva Lujulæ, vel syrup. acetositis Citri q. s. in scorbuto, vel conserv. flor. Anthos in apoplexia & paralyfi.

Præter vim antiscorbuticam, in præcavenda apoplexia semina Erucae aut Sinapeos plurimum laudantur. Sunt qui pro certo affirmant, senes plurimos per multos annos ab apoplexia, soporosis affectibus & paralyfi immunes perstitisse, Erucae semina ad grana xv. vel xx. sola vel cum seminis Cymini parte æquali mista quotidie matutino tempore masticando. Mathiolus refert foliorum Erucae decoctum cum saccharo propinatum tussim infantum sanare.

Semen

Semen masticatum, non secus ac Sinapi, acri suo stimulo copiosum phlegma salivale ex ore eliciunt, unde in apophlegmatismis usurpantur. Commendantur quoque sub nomine Sinapismi sola vel cum fermento mista & cuti imposita ad rubefaciendum & ad vesiculas excitandas.

℞. Semen Erucae, Sinapi & Baccar. Juniper. ana p. æq. Contusis affunde sp. vini camphorati ad supereminentiam unius transversi digiti. Liquorem decanta quo foveatur pars paralytica, & postea massa residua eidem admoveatur.

Semen Erucae usurpatur in Electuar. de satyrio *Pb. Reg.* & in tabellis magnanimitatis *eiusdem*.

ERYNGIUM.

ERYNGIUM, *Off.* Eryngium vulgare *C. B. P.* 386. *Inst. R. H.* 327. *J. B.* 3. 85. Eryngium campestre *Dodon. Pempt.* 730. Eryngium mediterraneum sive campestre *Parkinson. Adversar. Lobel. Icon.* 22. Carduus Lepusculus & Carduus volutans *Rusticorum*: vulgo, *Chardon roland*, *Chardon a cent tetes*, *Panicaut*.

Radice[m] habet pedem longam, pollicem crassam, mollem & teneram, cum nervo in medio solidiore, exterius nigricantem, interius candidam, sapore dulcem: caule[m] striatum, cubitalem, medulla fungosa, alba plenum, in ramos patulos orbiculatim divisum: folia alternatim posita, lata, rigida, glabra, glauca, aliquantisper aromatica, utrimque in lacinias profundas divisa, qua inciduntur crenis in spinas minaces desinentibus. Flores in capitulis rotundis copiose nascuntur rosacei, e quinque petalis albis & minimis, totidemque staminibus concoloribus conflati. Calyx oblongus & quinque cuspidatus abit in duo semina qua se tangunt plana, altera vero parte gibba & striata. His capitulis subjecta sunt folia seu potius spinæ longæ, striatæ, mucrone & marginibus spinosæ, in orbem positæ. Copiose provenit in satis & secus vias. Planta integra marcescens, viventorum evellitur, & per medios agros volutatur, ita ut currentem Lepusculum diceret. Plantæ partes omnes usitatæ, & præsertim radix.

Analyti chimica, ex radicem Eryngii succulentarum ℔v. per retortam distillatis prodierunt humoris limpidi, saporis & odoris herbacei, subacidi ℔. ℥v. ℥v. humoris primo limpidi, deinde sub finem rufescentis, intense acidi & austeri ℔ij. ℥viii. ℥iij. gr. xxxvj. humoris rufi, tum acidi, tum alcali & sale volatili urinoso copioso imprægnati ℥iij. ℥v. gr. xxxvj. olei syrupi ad instar spissi ℥j. gr. lx. Massa nigra in retorta superstes pendebat ℥vij. ℥ij. gr. xxxvj. quæ rite calcinata reliquit cinerum ℥ij. ℥j. gr. xxiiij. ex quibus lixivio salis fixi mere alcali ℥iij. gr. xliij. extracta sunt. Partium jactura in distillatione fuit ℥v. ℥vj. gr. xlviiij. in calcinatione ℥v. ℥j. gr. xij.

Non nihil acredinis in Eryngio masticando deprehenditur. Charta carulea a foliorum succo aliquantisper rubescit, multo magis a radicem humore. Sale essentiali donatur tartareo ammoniacali, cum multo sulphure & terræ adstringentis portione non mediocri conjuncto.

Eryngium humores crassos ac tenaces, quibus viscera infarciuntur incidit, & eorum

& eorum obstructions aperit. Hinc hepaticum dicitur, uterinum, diureticum, & nephriticum. Ictero medetur, urinam ciet, renum & vesicæ saburram, & arenulas abstergit, & foras amandat, mesenterii obstructions reseruat, mensesque provocat.

Eryngii vis potior in radice vel etiam in radicis cortice, qui non facile in pulverem teri potest nisi exsiccatus, sed tum fere omni virtute orbatur, observante P. Hermans; hinc in decocto recens ad ℥j. pro singulis decocti libris, vel conditus usurpari debet. In numero quinque radicum aperientium minorum collocatur, & sunt radices Graminis, Capparis, Rubiæ, Ononidis & Eryngii. Majores vero sunt radices Apii, Asparagi, Fœniculi, Petroselini & Rusci. In jusculis & apozematibus diureticis & aperientibus usurpari solet. S. Pauli Eryngii radices insigni menses moderate ducendi virtute præditas agnoscit: & ideo in sequiori sexu eas in decoctis aperientibus & materiam peccantem præparantibus, dum menses tardiuscule & inordinate excernuntur, præ aliis commendat. Non igitur incongruum est earum usu prævio martialibus medicamentis viam sternere. In morbis chronicis earumdem decoctum assidue potum ab Ettmullero commendatur. Veneris quoque blandum est incentivum: & hac ratione radices vel recentes vel conditæ in pluribus adversus virilem impotentiam medicamentis usurpantur. A nonnullis tamen hac in indicatione semina radicibus anteponuntur.

Eryngii radices melle aut saccharo conditas maxime conferre gonorrhææ Velschius refert, *Sylloge observationum Marcelli Cumani. obs. 44. p. m. 64.*

Externe Simon Simonius Medicinæ Professor Lipsiæ affirmabat, referente Raio, multis in Italia cum successu, familiarissimum remedium esse ad prohibendum abortum, radicem Eryngii, cataplasmatibus modo ventri sub umbilico impositam. Eandem Emanuel Konig *in regno vegetabili*, cum vino coctam & impositam ad abortum præcavendum proponit.

In nimio menstruorum fluxu J. Raius decoctum radicis Eryngii ex vino commendat, quo lavetur ægrotans mane & vespere, linteis calidis post abluitionem impositis. Initium vero abluitionis fieri debet pone aures, tum in cervice, hinc per totam spinam usque ad os sacrum, postea foveantur ilia. Nonnullæ intra triduum hoc remedio sanatæ fuerunt. Aqua ex junioribus foliis Eryngii distillata, vel sola vel cum aqua Nucum assatim pota febrim fugat & depravatam sanguinis crasim emendat.

℞. Radic. Eryng. vulgar. & Gramin. ana ℥j. Coquantur in aq. comm. ℔iij. ad ℔ij. F. ptisana aperiens.

℞. Rad. Eryngii & Lapathi acuti ana ℥ij. Folior. Agrimon. & Veronicæ ana M. j. Coquantur in aq. comm. ℔iij. ad medias. Colatura dilue syrup. de 5. radic. aper. ℥ij. & arcani duplicati ℥ij. F. apozema aper. in quatuor doses propinandum.

℞. Rad. Eryngii, Ononid. ana ℥jss. Baccas Alkekengi contusas n. iij. Coquantur in aq. ℔iij. ad ℔ij. Colatura contund. semin. Eryngii & Melon. ana ℥ss. F. emulsio diuretica qua dissolve syrup. de Ibisco ℥j.

Radix Eryngii usurpatur in syrupo hydragogo & in syrupo antiscorbutico *Ph. Reg. Syrup. de Ibisco Cod. Paris. Electuar. de satyrio P. R.*

ERYNGIUM marinum, *Off.* Eryngium maritimum C. B. P. 386. *Inst. R. H.* 327. Eryngium marinum J. B. 3. 86. *Dod. Pempt.* 730.

Radices huic subsunt longissimæ, circumquaque profunde vagantes, digitum aut pollicem crassæ, aliquot locis nodosæ, candicantes, sapore dulces & gratae, aliquantisper odoratae: folia plurimum pullulantia ex longis pediculis, interdum palmum lata, subrotunda, malvaceis fere similia, sed marginibus angulosa, durisque spinis circumsepta, crassa sive spissa, e caelo candida, gustu aromatico: caulis crassus, cubitalis, valde ramosus, inferius subinde non-nihil rubescens, cacuminibus vero capitula proferens spinosa ac globosa, Nucis fere magnitudine, senis ut plurimum spinosis foliolis, cauliculi fastigium orbiculariter ambientibus incumbencia, quæ una cum capitulis cæruleo nitent colore: flores autem Eryngio vulgari similes, albicantes. In maritimis tum septentrionalibus, tum mediterraneis oris frequens sponte nascitur.

Licet Eryngii marini radices rarius hic usitatae sint, attamen a pluribus Eryngio vulgari anteponuntur, velut viribus præstantiores. Præter virtutes cum vulgari communes, J. Raius eas utiles etiam adversus pestem & aeris contagionem, saccharo conditas & mane, jejuno ventriculo, sumptas; insuper tabidis & macilentis valde proficuas esse, ac tandem luei venereæ mederi scribit.

ERYSIMUM.

ERYSIMUM vulgare, & Irio, *Off.* Erysimum vulgare C. B. P. 100. *Inst. R. H.* 228. Erysimum *Tragi*, flosculis luteis, juxta muros proveniens J. B. 2. 863. Erysimum, Irio 1. *Tab. Icon.* 448. Hierobotane femina *Brunsfels*: Verbena femina & Sinapi 7. *Trag.* 102. Cleome Octavii, *Anguill*: Eruca hirsuta, siliqua cauli appressa Erysimum dicta, *Raii Histor.* 810. vulgo, *Velar* ou *Tortelle*.

E radice simplici, minimum digitum vix crassa, alba, lignosa, acri & Rapæ sapore, caules profert duos cubitos superantes, rotundos, firmos, asperos & ramosos: in quibus folia ad exortum nascuntur plurima, palmo longiora, hirsuta, in plura segmenta quasi trigona utrimque divisa, quorum supremum amplius est & trifidum. Flores pusilli longissima serie in ramis digeruntur cruciformes, e quatuor petalis luteis compositi, cum calyce tetraphyllo & hirsuto. Pistillum mutatur in siliquam semiuncia longiorem, teretem, corniculatam, in duas distinctam capsulas, in quibus semina continentur exigua, spadicea, & gustu ferventia. In muris & rudibus, & ad sepes non raro invenitur. Herba integra in usum venit.

Analyti chymica, ex foliorum & summitatum Erysimi vulgaris lbv. per retortam distillatis prodierunt humoris limpidi, odoris & saporis herbacei, obscure falsi & alcalini lbiiij. ℥iiij. ℥ij. gr. xvij. humoris falsi, alcalini, urinosi ℥j. ℥ij. humoris rufi, sale volatili urinoso copioso imprægnati ℥ij. ℥iiij. gr. xlviij. olei ℥vj. gr. xlviij. Massa nigra in retorta residua pendebat ℥iiij. ℥v. quæ rite calcinata reliquit cinerum ℥ij. ℥v. gr. xliij. ex quibus lixivio salis fixi mere alcali ℥j. gr. xvij. extracta sunt. Partium jactura in distillatione fuit ℥iiij. ℥iiij. gr. xxx. in calcinatione ℥ij. gr. xxx. Erysi-

Erysimi foliorum sapor herbaceus est, subsalsus & aliquantisper glutinosus. Chartam cæruleam succus rubro colore tingit, licet analysi chymica parum acidi præbeat. Salem essentialem continere videtur ammoniacalem cum multo phlegmate, sulphure & terra involutum.

Vires ejus sunt egregiæ in resolvendo muco viscido canales bronchiorum & vesiculas pulmonum investiente, faucesque occupante. Tenuibus enim, volatilibus & acribus suis particulis crassum hunc ac tenacem mucum incidit, resolvit & abstergit, illum per expectorationem evacuando. Unde in asthma, pulmonum affectionibus, tussi chronica, raucedine & aphonia a materia crassa, non inelegans est medicina & a Lobelio & Pena commendata. Phonascos plurimos tum juvenes, tum ætatis provectæ ferme jam amissa voce, unius Erysimi ope a Rondeletio qui primus illius usum monuit, paucis diebus fuisse restitutos asserunt. Ex eo paratur celebris ille syrupus de Erysimo Lobelii, seu pro raucedine, qui vulgo Syrupus Cantatoris, *le Syrop du Chantre*, nominatur. Viribus tamen inferior non est syrupus de Erysimi simplex ex Erysimi succo expresso cum Melle confectus, quo diu & assidue utendum, corpore prius purgato. Dos. ʒj. in decocto pectorali.

Herba incisa vel contusa ad M. j. aut M. ij. per aliquot horas in aqua vel hydromel. maceratur & colatura tepens propinatur.

Nec solam pituitam viscidam in pulmonibus aut faucibus hærentem, sed etiam in ventriculo aut intestinis cumulatam dissolvit, unde colicis doloribus ab hoc muco oriundis convenit. Multos, colico dolore laborantes Erysimi decocto Riverius curavit. Ejus infusum ex vino efficacius adhuc remedium est. Scire licet non forti aut diuturna coctione Erysimum indigere, sicut de plantis antiscorbuticis jam monuimus; ignis enim partes ejus volatiles secum abripit, ac proinde vim & energiam destruit.

Vi antiscorbutica instruitur hæc planta & præsertim semen ejus, sicut Erucæ & Sinapis semina, quibuscum sapore etiam convenit. Idem semen ab Ettmullero in ischuria seu suppressione urinæ commendatur ad ʒj. exhibitum, & a Lobelio ad ulcera pulmonum abstergenda.

Extrinsècus utile est Erysimum in cancro non exulcerato, tumoribusque renitentibus.

Alia est Erysimi species quæ Erysimi vulgaris defectu huic substituitur & dicitur ERYSIMUM latifolium majus glabrum, C. B. P. 101. & *Inst. R. H.* 228. Irio Apulus alter, lævi Erucæ folio, *Col. p. 1.* 265. Sinapi sylvestre Monspeffulanum, lato folio, flosculo luteo, minimo, siliqua longissima, *7. B.* 2. 858. Erysimum Monspeffulanum Sinapeos foliis, *Raii Histor.* 812. In agro Parisiensi quoque nascitur, nec a prioris virtutibus multum discrepat.

E S U L A.

SUB ESULÆ nomine Pharmacopœi diversis in regionibus diversas exhibere solent Tithymali species, & eam seligunt quæ frequentius apud ipsos occurrit. Alii enim usurpant radices Tithymali Cyparissia, alii radices Tithymali

mali foliis Pini, alii utuntur radicibus Tithymali palustris fruticosi, nonnulli Tithymali Helioscopii radicibus: nec in eo vituperandos Cl. Tournefortius existimat, quandoquidem iisdem facultatibus pollent, eodemque modo præparari debent. Hic vero duæ stirpes sub Esulæ nomine in Officinis occurrunt, altera Esula proprie dicta seu Esula minor, altera Esula major.

ESULA, Esula minor, *Off.* Tithymalus Cyparissias, *C. B. P.* 291. *Inst. R. H.* 86. Tithymalus Cupressinus sive Humipinus, *Lobel. Icon.* 356. Esula Officinarum, *Cæsalp.* 374. vulgo, *Efule*, ou *petite Esule*.

Radice est minimo digito crassiori, lignosa, fibrosa, nonnunquam serpente, saporis acris, pungentis & nauseosi: caulibus cubitalibus in summo ramosis: in quibus folia densissime nascuntur, primo Linariæ forma, mollia, postea vero tenuiora multo & capillacea, cum in ramos dividitur. Flores in summis ramulis, veluti umbellati, monopetali, urceoli forma, virescentes, in quatuor partes distincti quasi circinatas. Pistillus mutatur in fructum trigonum & tricapsularem, in quo semina subrotunda tria continentur. Tota planta lacte turget. Nascitur ubi vis secus vias & in sylvis. Ab eadem quoque radice exsurgunt cauliculi, quorum folia breviora multo, pinguiora, subrotunda, aversa parte plurimis punctulis seu stigmatis rufis notata, in quibus ramulis nullum florem J. Bauhinus observavit. Hos furculos pro abortu J. Raius habet, licet a nonnullis pro privata specie proponantur. Hinc patet quid sentiendum sit (inquit J. Bauhinus) de Tithymalo Styctophyllo *Thalii*, idest Cyparissia foliis punctis croceis notatis *C. B.* & foliis maculatis *Parkins.* Hic Tithymalus pro anni tempore, & ætate insigniter variat: non raro enim verno tempore coma rubente aut flava exit. Ex his varietatibus quas Cl. Tournefortius ipse in hac planta in nemore Bononiensi nata observavit, non mirum est Botanicos de ea tam confuse & obscure scribere. Vix enim intelligi potest quid sibi velint & quo titulo illam proponant, ut J. Raius & Cl. Tournefortius illud observaverunt. Ab aliis speciebus tamen discretu facilis est, annotante Raio, radicibus reptatricibus, statura humili, foliis oblongis, angustis, virentibus, mollibus, & teneris, in caule creberrimis, Linariæ adeo similibus ut obiter intuentem pro iis fallant: verum succo lacteo facile distinguuntur, secundum vulgarem illum versiculum:

Esula lactescit, sine lacte Linaria crescit.

Nascitur ubivis secus vias & in sylvis. Radix fere sola in usum venit.

ESULA major, *Off.* Tithymalus foliis Pini, forte Dioscoridis Pithyusa, *C. B. P.* 292. *Inst. R. H.* 86. Tithymalo Cyparissia similis, Pithyusa multis, *J. B.* 3. 665. Tithymalus Pineæ, *Lobel. Icon.* 357. Tithymalus Pineus, *Gerard.*

Nascitur in arvis, radice pollicem æquante, acri, pedem longa, & parum fibrosa. Caules cubitales sunt, ramosi, foliis Linariæ vulgaris similibus, flores lunati, fructus trigonus & tricapsularis. Tota planta lactescit. J. Raius suspicatur hanc plantam ab auctoribus descriptam cum priori unam & eandem plantam esse. Hæc enim a Cyparissia differre videtur sola radice longiore, crassiore, minusque fibrosa, quod quidem varietas prioris esse potest. Eas tamen Cl. Tournefortius & in *Inst. R. H.* & in *Materia Medica codicibus* distinguunt: quem secuti sumus.

Analyſi chymica, ex Tithymali Cypariſſiæ recentis ℥v. per retortam diſtillatis prodierunt humoris limpidi, cum levi odore & ſapore herbaceo & quadam acredine, primo obſcure ſaſi & alcali, urinoſi, dende debiliter admodum alcali ℥j. ℥iij. gr. xliij. humoris limpidi, primo obſcure & leviter alcali, deinde acidi, manifeſti magis ac magis ℥ij. ℥iij. gr. liiij. humoris ruſi, magis ac magis acidi, intenſi, ſub finem ſaſi, auſteri ℥x. ℥v. gr. lxxvij. humoris ruſi, tum acidi, auſteri, tum alcali & ſale volatili urinoſo copioſo imprægnati ℥iij. gr. xxxvj. olei ℥ij. ℥vij. gr. xviiij. Maſſa nigra in retorta ſuperſtes pendeſcit ℥vj. ℥ij. gr. xij. quæ rite calcinata reliquit cinerum ℥j. ℥v. gran. xviiij. ex quibus ſalis fixi mere alcali ℥iij. gr. xviiij. extracta ſunt. Partium jaçtura in diſtillatione fuit ℥j. ℥vij. gr. lix. in calcinatione ℥iij. ℥iij. gr. lxxvj.

Tithymali Cypariſſiæ folia ſaporem habent magnatis Amygdalarum ex quibus lac expreſſum fuit, aliquantiſper ſtypticum, ſed abſque amarore aut acredine: chartam ceruleam levi rubore tingunt; radices intenſiori rubore illam inficiunt, eundemque ſaporem primo referunt, ſed poſtea in faucibus inſignem relinquunt acredinem urentem. Salem eſſentialem tartareum, aluminofum continere videtur hæc planta cum ſulphure reſinoſo, in foliis parco, in radicibus copioſo permiſtum. Quæ quidem miſtura magiſterio Jalapæ vel Scammonii ſeu eorum reſinæ phlegmate dilutæ optime comparari poteſt.

Omnia Tithymalorum genera validam per inferiora purgandi vim obtinent, in primis vero lacteus eorum ſuccus, etiam in exigua quantitate ſumptus; quare raro citra noxam ſumi poteſt.

Eſulæ minoris radix, ejuſque cortex potiffimum, pituitam validiſſime, præcipue per inferiora purgat, ſed ventriculum vehementer conturbat & interna vilcera inflammat. Si enim ejus corticis tantillulum deglutiatur, urentem ardorem non ſolum in faucibus & in æſophago, ſed etiam in ipſo ventriculo accendit. Eam ob cauſam prudentes Medici ab ejus uſu abſtinere ſolent, aut ſaltem nonniſi mitigatam vel aliquo modo temperatam atque præparatam exhibere.

Cortex radicis Eſulæ ſic in Officinis corrigi ſolet. Cortex recens per horas 24. in aceto acerrimo, omphacio, ſucco Cydoniorum, Limonum aut Berberidis maceratur & poſtea exſiccatur. Hac ratione præparati pulvis a ℥j. ad ℥j. exhiberi poteſt, vel in infuſo ad ℥ij. Magnam ſeri copiam extrahit & evacuat; hydropicis, cachecticis, & febre quartana, aut intermittente quacunque contumaci laborantibus utiliter præſcribitur, ubi cetera remedia magis temperata nihil profecerunt. Nec ſolus exhibendus eſt, ſed cum aliquibus medicamentis ejus violentiam temperantibus, tum ſtomachicis, tum mucilaginofis conſociatus.

℞. Cortic. rad. Eſul. ꝑꝑ. ℥j. Cremor. Tartari ℥ß. Elæoſacchar. Citri vel Abſinth. ℥ß. Pulpa Caſſiæ recentis, vel Conſerv. flor. Aurantior. q. ſ. F. bolus hydragogus.

℞. Cortic. rad. Eſul. ꝑꝑ. ℥iij. Macis, Galang. ana ℥ij. Glycyrrhiſæ pulver. ℥j. Gummi Tragacanth. & Bdell. ana ℥iij. M. F. pulvis, cujus doſis a ℥ß. ad ℥j. in morbis contumacibus.

℞. Cort. rad. Eſul. ꝑꝑ. ℥ij. Crem. Tart. ℥ß. Mercur. dulcis ℥ß. Baſſam. Peruv. gutt. v. Conſerv. Abſinth. q. ſ. F. bolus purgans in cachecticis affectionibus.

Cavendum tamen ne hæc medicamenta exhibeantur in visceribus delicatioribus, vel æstuantibus.

Extractum ex tota planta præparatur cum vino generoso, vel Spiritu vini diu macerata, cum additione olei Anisi vel Cinnamomi. Dosis ℥j. aut ʒss. Nonnulli folior. ʒij. coquunt in lacte & colaturam propinant ad serum educendum. Semina Esulæ N. x. vel xij. intus sumpta vehementem catharsim movent, nec nisi rusticorum visceribus utilem.

Cortex radicum Esulæ præparatus usurpatur in extracto Catholico & Cholagogo *Rolfincii*, Benedicta laxativa, hydragogo eximio *Renodæi*. Parantur etiam pilulæ de Esula *Fernelii*, quarum dosis a ℥j. ad ℥ij.

EUPATORIUM.

EUPATORII nomen in Officinis tribus diversis plantis assignatur, scilicet Eupatorio vulgari seu Cannabino, Eupatorio Mesue seu Agerato, & Eupatorio veterum seu Agrimonix. De his duobus suo loco sub Agerati & Agrimonix nominibus jam actum est, nunc de illo differendum est.

EUPATORIUM Cannabinum, Eupatorium vulgare, *Off.* Eupatorium Cannabinum, *C. B. P.* 320. *Inst. R. H.* 455. Eupatorium adulterinum, *J. B.* 2. 1065. Vulgare Hepatorium, *Dodon. Pempt.* 28. Eupatorium Avicennæ creditum, *Gesner*: Herba sanctæ Kunigundis, *Tragi* 491. Cannabina aquatica, sive Eupatorium mas, *Lobel. Icon.* 528. vulgo, *Eupatoire d'Avicenne*.

Radice est oblique acta, plurimis fibris majusculis, albicantibus stipata: caule duos tresve cubitos alto, recto, tereti, tomentoso, & in viridi purpurascente, medulla alba pleno, gratum & aromaticum odorem dum inciditur spirante: foliis in caule crebris, adversis, in eodem pediculo ternis, Cannabis folia nonnihil referentibus, oblongis, acuminatis, per ambitum serratis, sapore amaro: floribus velut in umbellas digestis, flosculosis, seu compositis ex plurimis flosculis tubulosis, in summitate quinquifariam divisis, purpurantibus, cum longis capillamentis seu pistillis bifidis, embryoni insidentibus, & calyce longo, tereti ac squamoso comprehensis: seminibus oblongis, sub pappo delitescantibus. Aquosa & loca aquis vicina amat. In agro Parisiensi sponte nascitur. Usus est herbæ integræ.

Analyti chymica, ex foliorum Eupatorii Cannabini recentiorum ℔v. per retortam distillatis prodierunt humoris limpidi, odore & sapore non ingrato, obscure acidi ℔ij. ʒix. ʒij. gr. xij. humoris magis ac magis acidi, manifesti, obscure subausteri ℔j. ʒix. ʒiiij. humoris subturbidi, deinde rufescentis, odore & sapore leviter empyreumatico, acidi, subsalsi, & subausteri ʒij. ʒv. gr. xvij. humoris rufi, sale volatili urinoso copioso imprægnati ʒj. ʒij. salis volatilis urinosi concreti, ʒj. gr. viij. olei adiposi ʒij. gr. xxx. Massa nigra in retorta residua pendebat ʒiiij. ʒv. quæ rite calcinata reliquit cinerum ʒj. ʒvj. gr. xxiiij. ex quibus lixivio salis fixi falsi ʒiiij. gr. lx. extracta sunt. Partium jactura in distillatione fuit ʒij. ʒiiij. gr. xij. in calcinatione ʒij. ʒvj. gr. xlviiij.

Folia Eupatorii amara sunt, chartam cæruleam non mutant. Sale essentiali natro similem continere videntur cum multo sulphure, & terra copiosa permixtum.

Hepaticum est, aperiens & vulnerarium. Usus præcipuus est in cachexia, ubi massam sanguineam lentescentem dissolvit & hepatis viscerumque tonum roborat & restituit. Catharris & tussi medetur, urinam & suppressa menstrua provocat, cutis vitia emendat. Folia & summitates ad M. j. in feri lactis vel aq. comm. ℥j. levi ebullitione cocta potum constituunt perutilem ad viscerum infarctus & obstructions quæ morbis diuturnis superveniunt, febribus præsertim intermittentibus, cum ægotantes œdematosi fiunt & ad hydropem proclives. Necnon etiam in hydrope ascite proficuum est illud decoctum post paracenthesim celebratum. Eodem tempore œdematosi ægotantium pedes herbæ decocto ex vino fovendi sunt, addito tantulum Camphoræ. In jusculis etiam incoquantur; foliorum siccatorum infusum Theæ instar sæpius die propinatur. Succus folior. ad ℥iij. præscribitur. Extractum quoque ex hoc succo paratum ad ℥j. exhibetur. Ad scabiem, cutaneos affectus, hepaticas maculas, icterum, Eupatorium cum Fumaria confociatum commendatur.

℞. Folior. & summitatum Eupatorii Cannabin. Mij. Fumar. M. j. Coquantur leviter in feri lactis ℥ij. Colatura per cyathos debitis intervallis propinetur. In hydrope incipiente, & cutaneis affectibus.

Externe folia & summitates floridæ in vino cocta & tumoribus œdematosis admota eos resolvunt; scroti præsertim tumores aquosos & hydrocelem absque punctione sanant.

Radicibus vim purgantem inesse Gesnerus in seipso expertus asserit his verbis: „Eupatorii aquatici, vel Avicennæ quorundam, radicis fibras in „vino nuper decoxi, bibi colatum; unde per horam post alvus, urinaque „copiose motæ sunt, & vomitus postea duodecies fere, pituita quamplurima „evacuata multo tutius & facilius quam ab Helleboro fiat.

Nihilominus tamen D. J. B. Chomel refert in *Plantar. usualium Historia*, decoctum ℥j. radicum in vini ℥viii. hydropicis propinasse absque ulla per vomitum vel secessum evacuatione. Unde, quæso horum experimentorum diversitas?

E U P H R A S I A.

EUPHRASIA, Off. Euphrasia Officinarum, C. E. P. 233. *Inst. R. H.* 174.

Euphrasia, J. B. 3. 432. *Dod. Pempt.* 54. Eufragia, *Matthiol. Cæsalp.* 339.

Ophtalmica sive Ocularia, *Eric. Cordi.*

Radice est simplici, exili, tortuosa seu huc illuc reflexa, fibris paucis majusculis donata, lignosa, alba: cauliculo palmari vel sesquipalmari, tereti, subhirsuto, subnigricante, nunc ramoso, alias nudo, cum foliis tres aut quatuor lineas longis, subrotundis, glabris, nitidis, rugosis, cristatis, obscure virentibus, binis ex adverso nascentibus sine pediculis & conjugationibus sese interfecantibus, sapore pingui, subamaro. Ex eorum alis nascuntur flores in summo, monopetali, anomali, personati, albicantes, purpureis tamen ac luteis lineis intus striati, in duo labia distincti, labio superiore surrecto, fornicato, bifido, obtuso, crenato staminula aliquot occultante, inferiore vero trifido segmentis quasi cordatis. Calyx sessilis, cytiniformis, quadrifidus pistillum involvit

posticæ floris parti infixum, quod deinde abit in fructum seu capsulam tres lineas longam, compressam, fuscam, in duo loculamenta distinctam, in quibus adsunt semina plura minutissima, oblonga, cinerea. Agri Parisiensis Incola frequens nascitur in montanis, herbidis & sylvosis. Herba florida in usum venit.

Analyſi chymica, ex totius plantæ floridæ recentis ℥v. dempta radice per retortam distillatis distillaverunt humoris primo limpidi, fere inodori, saporis herbacei, obscure acidi, deinde manifeste acidi magis ac magis, sub finem rufescentis, odoris & saporis empyreumatici ac tandem austeri ℥iiij. ʒj. ʒv. gr. lx. humoris rufescentis, sale volatili urinoso copioso imprægnati ʒij. gr. xxiiij. olei spissi ad instar extracti ʒj. ʒj. gr. lx. Massa nigra in retorta superstes pendebat ʒvj. ʒv. quæ rite calcinata reliquit cinerum cerulescentium ʒj. ʒvj. gr. xxiiij. ex quibus salis fixi mere alcali ʒiiij. gr. l. lixivio extracta sunt. Partium jactura distillatione fuit ʒiiij. ʒiiij. in calcinatione ʒiiij. ʒvj. gr. xlviij.

Euphrasie folia amara sunt, eorum succus chartam cæruleam colore purpureo leviter tingit. Sale essentiali obtinent tartareo-ammoniacaalem cum sulphure copioso & multa terra conjunctum.

Euphrasia humores lentos & glutinosos, serosos, præsertim in cerebro crescentes, potenter discutit & ad circuitiorem habiles reddit: aliquantisper etiam subadstringit, & laxum fibrarum tonum in glandulis cerebri firmat & restituit. Quare cephalica dicitur & ophtalmica. Siquidem quoquomodo sumpta, seu in pulverem redacta, & cum vino aut aqua Verbenæ vel Fœniculi posita, seu per se sola aut cum alimentis masticata & deglutita, seu succus ejus expressus visionem mirifice roborat & adauget, debilem aut amissam reparat & restituit. Fabricius Hildanus, auctor in primis celebris & fide dignissimus *Centur. Epistol.* 103. tantam esse ait Euphrasie in imbecillitate visus vim & efficaciam, ut ejus usu septuagenarios quosdam, propter vigilias & studia plurimam amisso visu, in decrepita ista ætate eum recuperavisse observaverit. Fuchsius in cataractis & suffusionibus eam commendat. Datur autem commodissime in pulverem trita a ʒj. ad ʒiiij. Additur non raro Fœniculi semen pari pondere, & nonnihil Maceris, cui Sacchari tantillum additur. Exhibetur mane jejuno ventriculo, & quidem per continuos non modo dies sed & menses & annos. Alii hujus pulvis ʒj. ter die præscribunt, mane scilicet jejuno ventriculo, paulo ante prandium & coenam. Fit & ex Euphrasia vinum vindemiæ tempore, cujus usu senum etiam oculi rejuvenescere feruntur, auferrique omne oculorum impedimentum visusque defectionem, præsertim pituita crudisque humoribus redundantibus, ut auctor est Arnoldus Villanovanus. Attamen S. Pauli post Lobelium, Camerarium, Cl. Hoffmannum & alios, non promiscue vino Euphrasiato utendum esse nos admonet; non enim curat quamvis caliginem, ait Camerarius, sed illam quæ est a frigiditate, neque hanc omnem, sed positive a pituita. Imo notat Lobelius focium ac commilitonem suum; ex trimestri tantum hujus vini potu in Helvetia, pene ambobus orbatum fuisse oculis & fluxionibus modo non oppressum, cum antea duntaxat levi cataphora & lacrymatiunculis laboraret. Hinc idem sciscit tutiorem esse pulveris Euphrasie usum.

Emanuel Konig in *Regno Vegetabili* hunc pulverem, si cum Millepedum

pulvere confocietur, efficaciorem esse censet. Non solum ad visus læsionem valet Euphrasia, sed etiam ad capitis affectiones a nimia lymphæ visciditate, aut fibrarum cerebri laxitate plurimum commendatur. Schroderus memoriam debilitatam ab illa restitui scribit. Eandem scotomiæ mederi J. Raius refert: & Fredericus Hoffmannus *in Clavi Pharmaceutica*. Euphrasiam præsertim flore albo in vino decoctam contra icterum flavum utilem deprehendisse asserit.

Inflammationibus & caligini oculorum herba recens tusa & imposita, aut succus ejus oculis inditus, vel etiam aqua distillata plurimum conferunt.

℞. Euphras. exsiccat. & pulver. ℥ij. Macis pulver. ℥ss. M. F. pulvis subtilis, de quo cochlear medium seu ℥j. ante cibum mane & sero deglutitur ex aq. Verbenæ, Fœniculi, aut vino.

℞. Euphras. pulver. ℥j. Semin. Fœniculi dulcis ℥ss. Macis ℥j. Sacchar. cand. in tenuissimum pollinem redacti ℥j. M. F. pulvis qui non solum visus debilitati medetur, sed etiam eximie valet ad capitis dolorem, si quotidie sub ingressum in lectum sumatur cum haustulo vini, observante Th. Fuller *in sua Pharmacop. extemporan.* qui cephalica medicamenta opportunius & felicius hora somni quam ullo alio tempore exhiberi pronunciat.

℞. Euphras. pulver. ℥j. Semin. Fœnicul. & Milleped. pp. ana ℥ss. Syrup. Stæchad. q. s. M. F. bolus bis die sumendus, in oculorum caligine, glaucomate aut cataracta.

℞. Euphras. pulver. Cran. human. pulver. ana ℥ss. Rad. Pæon. mar. Semin. Fœnicul. dulc. pulver. & Cinnabar. Antimon. ana ℥ij. Syrup. de Stæchad. q. s. M. F. electuar. Dosis ℥j. bis terve die in capitis affectionibus, paralyti & comatosi affectionibus a pituita viscida.

℞. Euphras. M. j. in vasi idoneo impositæ affunde aq. bullientis ℔jss. & post unam aut alteram ebullitionem, macerentur per horæ quadrantem. Liqueor clarus Theæ modo sumatur per cyathos debitis intervallicis. In visus imbecillitate.

Aqua Euphrasiæ distillata in Officinis servatur pauci effectus.

F A B A,

FABA, Faba major hortensis, *Off.* Faba flore candido, lituris nigris conspicuo, *C. B. P.* 338. *Inst. R. H.* 391. Faba cyamos, *J. B.* 2. 278. Faba major recentiorum, *Lobel. Icon.* 57. Bona sive Phaselus major, *Dod. Pempt.* 513. Faba major hortensis, *Gerard & Parkins*: Faba, *Rai Hist.* 909. vulgo, *Fève de maret.*

Radice partim est recta, partim serpente, strumosa & fibris donata: ex qua caules surgunt bicubitales & altiores, quadrangulares, inanes, cum costis plurimis ex intervallis adnascentibus, in mucronem desinentibus, quibus annexæ sunt foliorum conjugationes non exactæ, tres, quatuor, quinque vel plures ex oblongo rotundorum, subpinguium, cæsiarum, venosorum, glabrorum. Ex costarum alis flores nascuntur complures, ex uno tantum pediculo seriatim & eodem latere appensi, papilionacei, quorum vexillum
 ungue

lingue purpurascente albidum, striis purpurantibus pictum est: alæ in medio nigræ, in ambitu albæ, carina colore est ex albo herbaceo. Ex calyce autem viridi, quinquifido surgit pistillum quod deinde abit in siliquam longam, crassam, carnosam, hirsutam, surrectam, seminibus seu Fabis fetam tribus, quatuor, quinque, raro pluribus, oblongis, latis, planis, compressis, quasi reniformibus, maximis, dimidiam drachmam interdum pendentibus, colore præsumque albo, interdum rubente, hilo in summa parte qua siliquarum commissuris adhærent, longo, nigro. Putamen hujus Fabæ densum est & veluti coriaceum, interior substantia exsiccata, dura solidaque, in duas partes facile finditur, & ab uno latere germinationis principium evidens seu plantulam habet. Postquam semen dedit, radicitus exarescit. Stipites, folia, flores, siliquæ & Fabæ in usum medicum veniunt. Fabæ virides & maturæ exsiccatae inter edulia mensis apponuntur. Colitur in suburbiis hujus civitatis & agris palustribus magna copia.

Analyti chymica, foliorum & stipitum recentium ℥v. per vaporarium distillatæ præbuerunt humoris limpidi, inodori & insipidi: mere phlegmatici ℥x. humoris limpidi, inodori & insipidi, obscure acidi ℥ij. ℥viii. ℥iiij. humoris limpidi, manifeste acidi ℥x. ℥iiij. Massa sicca in alambice residua per retortam distillata præbuit humoris rufescentis, intense acidi, aliquantisper alcali, urinosi ℥iiij. ℥vj. gr. xxxvj. humoris limpidi, rufi, empyreumatici, sale volatili urinoso imprægnati ℥j. ℥j. gr. xxiiij. olei syrupi ad instar spissi ℥ij. Massa nigra in retorta superstes pendebat ℥v. ℥vj. quæ rite in crucibulo per 8. horas calcinata reliquit cinerum albicantium ℥ij. gr. xij. ex quibus salis fixi mere alcali ℥j. gr. l. lixivio extracta sunt. Partium jactura in distillatione fuit ℥vj. ℥iiij. gr. xij. in calcinatione ℥iiij. ℥v. gr. lx.

Stipites seu caules recentes absque foliis distillati minorem olei quantitatem præbuerunt quam folia, plus massæ nigræ, quæ calcinata majorem salis fixi alcali quantitatem, minorem vero terræ portionem exhibuit.

Ex Fabarum virentium recentium ℥v. per retortam distillatis prodierunt humoris leviter rufescentis, saporem odoremque decocti Hordei referentis & obscure falsi ℥xiiij. gr. lx. humoris limpidi, ejusdem odoris & saporis, primo obscure falsi & obscure acidi, deinde subacidi ac tandem manifeste acidi ℥ij. ℥x. ℥iiij. gr. xxviii. humoris primo subturbidi & rufescentis, ejusdem saporis & odoris, obscure acidi & subfalsi ℥iiij. ℥iiij. gr. xvij. humoris rufi, odoris & saporis empyreumatici, falsi, urinosi, sale volatili urinoso copioso imprægnati ℥v. ℥iiij. gr. xxiv. salis volatilis urinosi concreti ℥iiij. gr. xij. olei spissi ad instar extracti ℥j. gr. xv. Massa nigra in retorta residua pendebat ℥iiij. ℥vj. gr. xxxvj. quæ calcinata reliquit cinerum ℥vj. ex quibus salis fixi alcali ℥iiij. gr. xij. lixivio sunt extracta. Partium jactura in distillatione fuit ℥iiij. ℥j. gr. xxxiiij. in calcinatione ℥iiij. gr. xxxvj.

Ex Fabarum maturarum & exsiccatarum ℥v. per retortam distillatis prodierunt humoris limpidi, inodori, & insipidi, obscure subfalsi ℥viii. ℥vij. gr. viij. humoris rufescentis, acris, falsi, urinosi ℥j. ℥j. ℥vj. gr. xvj. humoris rufi, empyreumatici, acerrimi, sale volatili urinoso copioso imprægnati ℥viii. ℥vij. gr. viij. salis volatilis urinosi ℥j. gr. lxiiij. olei ℥v. ℥vj. gr. xlviij. Massa nigra

in retorta residua pendebat ℥j. ℥iiij. ℥iiij. gr. xxxij. quæ calcinata reliquit cinerum ℥ij. ℥j. gr. lvj. ex quibus falis fixi mere alcali ℥j. ℥j. gr. xxxij. lixivio extracta sunt. Partium jactura in distillatione fuit ℥xv. ℥vij. gr. xl. in calcinatione ℥j. ℥ij. ℥ij. gr. xlvij.

Foliorum Fabæ succus chartam caruleam rubro colore tingit, non item Fabarum recentium viridium succus. Salem essentialem folia continent tartaro haud dissimilem cum mediocri sulphuris & terræ portione conjunctum. Fabæ virides essentialem obtinent salem ammoniacalem cum sulphure copioso, terra & magna phlegmatis copia sic permixtum ut mucaginem simul constituent. At vero cum maturæ sunt & aliquantisper asservatæ & exsiccatae, quadam intus suscepta fermentatione, mucago illa dissolvitur, principia magis ac magis evolvuntur, acidi fales nova & diversa cum sulphure & terræ mixtione in sales urinosos volatiles aut alcalinos fixos convertuntur; unde major horum salium volatilium copia in Fabis maturis deprehenditur & nihil fere acidi falis in distillatione fundunt.

Faba legumen primum fuisse quo homines usi sunt, Isidorus *L. 17. Origin. C. 4.* asserit: & Plinius quoque Fabæ honorem inter legumina fuisse maximum testatur & ex ea etiam tentatum esse panem. Ex Faba fariam conficiebant Latini quæ Lomentum teste eodem dicebatur, sicut ea quæ mola leviter tantum confracta, Faba fressa (a frendeo, frango) nuncupabatur.

Verum an Faba nostra sive Boona quorundam recentiorum sit veterum Fabæ non levis est inter Botanicos controversia: ut videre licet apud Tragus, Dodonæum, J. Bauhinum, Casp. Hoffmannum, Melchiorum Sebizium &c. Certe veterum Fabæ parva fuit & rotunda, ut patet ex pluribus locis Theophrasti, Dioscoridis & aliorum. E contra tamen certe vix credibile est legumen adeo vulgare & quotidiani usus in desuetudinem abiisse, aut nomen mutasse; & in ejus locum nomenque Boonam successisse nemine conscio. Hæc enim nobis pro Fabæ, & Fabæ latinis pro *χυαμω* unanimi consensu tradita est. Quod tamen non est impossibile.

De Fabarum natura & facultate auctores non inter se conveniunt. Vulgaris est opinio Fabas nostras flatulentas esse & difficilis coctionis & tanto magis quo viridiores, ac proinde crassum & excrementosum alimentum præbere corpori. J. Raius cum Trago eas recentes innoxias esse asserit; nec probat sententiam Dodonæi aridas & exsiccatas recentibus præferentis, ut pote minus flatulentas, sed potius cum Trago eas rusticis & operariis relinquit. Nec video, inquit, cur Porcos aliaque animalia saginent, non æque homines. Præterea Mundyus *De Esculentis, p. 121.* se novisse scribit rusticum quemdam pauperem, qui in gravi annonæ difficultate Fabis solis elixis, nec ulla alia re, liberos aluit. Pueris tamen ita pastis melius coloratos aut habitiores vix alios videres. Unde constat copiose nutrire Fabas aridas, postquam ventriculus eas ferre assueverit.

Verum enimvero non ex brutis ad hominem valet Raii conclusio. Fœnum enim & palea optima sunt Equorum edulia, hominibus parum proficua. Neque omnibus hominibus omnia alimenta æque accomoda sunt. Rustici & duris laboribus assueti illis indigent cibis quæ multum & crassum præbent nutrimentum, quibus delicatiores & otiosam vitam ducentes læduntur. Peritiores Me-

dici fere omnes pronuntiant Fabas quocunque modo ac ratione apparatus atque conditas difficilis esse coctionis & flatus parere, obstructions in visceribus, mesenterio, meatibus urinariis creare, propter flatus, quos gignunt, maxime virides, ventrem distendere, colicam gignere, ructus & crepitus causare, caput gravare, mentem turbare, visum hebetare, viresque ingenii enervare sæpius & immoderatus esitatas. Quapropter vitandæ sunt delicatulis, & illis qui calculo, colicæ passioni, capitis dolori, & alvi constipationi sunt obnoxii. Declinandæ quoque otiosis, litterarum studiis addictis, & quibus ventriculus est debilior, visusque hebetior. Revera hujus cibi flatulentia condimentis flatus discutientibus, Cæpis, Porris, Apio, Petroselino, Satureja, Pipere, aromatis, non parum emendatur.

Ceterum viridis ac recens summopere a nostris Parisiensibus commendatur in re escaria, expetiturque avidissime lautiorum mensis & procerum gulæ. Alias juscula ex iis parantur, alias in sartagine ex lardo, aut butyro, aut oleo aliove pingui frigunt quibus Saturejam, Piper aut alia ejusmodi adjiciunt. Hæ autem cum durescere incipiunt & ad maturitatem properantes, delibrantur ac decorticantur, sicque delicatiores ac teneriores eduntur. Siccæ vero coquuntur, trajiciuntur, & quasi puls conficitur, quæ ex butyro vel lardo frixo coquitur. Itali recentes cum siliquis crudas esitant cum & sine sale: Verum sapidum & gulæ placens magis quam valetudini conducens edulium præbent.

De adstringente facultate farinæ Fabarum, ejusque proinde usu a nonnullis in dysenteria commendato Medici quoque inter se dissentiunt. C. Hoffmannus a farina Fabacea, seu Faba fresa veteribus dicta & Lomento Fabæ, quia paratur sine cortice, non oportere ait ullam expectare adstrictionem. quæ corticis est, non autem substantiæ: ac proinde in errore versari illos, qui hac farina vel in aceto solo, vel in aceto & aqua decocta utuntur in alvi fluxibus ex fibrarum intestinalium laxitate; nisi enim totæ decoquantur, nihil fit. Dodonæus e contra Fabam cum putaminibus descendere ait nec omnino facile, nec omnino tarde: absque his autem alvum constringere. Huic assentiri videtur J. Raius; rem tamen experientia determinandam relinquendo. Hanc litem S. Paulli dirimeret experientia in suo *Quadripartito* allata, nisi illud Hippocratis effatum, *Experientia fallax*, sæpius nimis verum deprehenderetur. Narrat, quemdam cruenta alvi excretionem jugi, seu diarrhæa cruenta, absentibus signis hepatico fluxui & dysentericæ propriis, tres vel quatuor menses integros laborasse, cum antehac nullum levamen persensisset a medicamentis præscriptis, præter omnem spem, integre pristinam valetudinem fuisse consecutum solo usu Fabarum & præfertim rubrarum non contritarum, ex lacte pulmenti in modum coctarum, quo a Gregorio cive Hafniensi quodam vesci iussus erat, mane jejunus & vesperti cubitum iturus. Hic enim ægrotans recuperatam bonam valetudinem fortasse non tam Fabis debuit quam lacti quo incoquebantur. Sed ad externum & certiorum earum usum progrediamur.

Pulvis seu farina Fabarum ex Fabis decorticatis per trituram parata inter quatuor farinas resolventes numeratur, Hordei scilicet, Orobi, Lupinorum, & Fabarum. Externe in contusionibus & inflammationibus partium glandulosarum discutiendis & resolvendis vel ad suppurationem perducendis

dis plurimum confert: quibus cum aqua vel lacte cocta sub cataplasmatibus forma applicari solet. In testium inflammationibus & tumoribus a contractione violenta, casu, contusione, suppressione seminis & similibus a Riverio & Ettmullero cataplasma ex ea sola cocta cum oxycrato, seu aqua simplici & aceto, vel cum dimidio pulveris seminis Cymini, calide applicatum velut egregium discutiens & resolvens commendatur. Quod si acrius videatur cataplasma, addito pauco Lithargyrio, acrimonia aceti frangi, & ita pro mitigandis & resolvendis inflammationibus idoneum reddi potest. Idem cataplasma valet etiam ad tumores scroti duros & scirrhosos, ad mammarum tumores.

℞. Farinæ Fabar. ℥iij. Semin. Cumini pulver. ℥j. Lithargyrii P. j. aceti acerrimi ℥ij. aq. comm. q. s. M. s. a. Coq. ad cataplasmatibus consistentiam.

Inter cosmetica eadem farina Fabarum refertur, si nempe cum aquis cosmeticis v. g. florum Fabarum aqua distillata, vel Sigilli Salomonis, permista, formâ pultis liquidæ, faciei lentiginibus, item oculis suffusis applicetur.

Duæ in Officinis aquæ distillantur: prima ex Fabarum floribus. Inter cosmetica non infimum locum obtinet. Lentigines & faciei maculas detergit. Altera ex corticibus seu conchis Fabarum elicetur, urinas pellit, & adversus nephritidem & calculos a Thoma Bartholino plurimum commendatur propria experientia edocto, *Epistolar. Centur. I. pag. 238. Ep. 55.* Salem quoque ex stipitibus & filiquis Fabarum combustis & calcinatis lixivio extrahunt, potens quidem diureticum. Ettmullerus hunc salem ex cineribus cum vino eluendum esse suadet. Nonnulli fimum columbinum cineribus in calcinatione admiscunt, sicque salem obtinent diureticum & antihydopicum potentissimum. Ad gr. viij. vel x. præscribitur in haustu liquoris convenientis cum syrupo de Althæa edulcati; & pro lubitu pluries die reiteratur.

Ceterum pro immundo edulio Ægyptii Fabas habuisse dicuntur. Ab illis eorum Sacerdotes abstinebant, teste Herodoto. Has etiam damnasæ Pythagoram quid amputarunt: sed contra alii nullo legumine sæpius usum fuisse tuentur, qualis est Aristoxenus apud Aulum-Gellium *L. 4. n. a. c. I. Inst. R. H.* At vero Pythagoricum illud symbolum *Κυάμων απέχεσθαι*, a Fabis abstineto, varie interpretantur veteres & recentiores. Alii de Fabis simpliciter accipiunt, a quibus ideo abstinere Pythagoras præcipit, quia sunt flatulentæ, veneris incentivæ, mentis tranquillitati contrariæ, insomniaque turbulenta efficientes: vel ut alii volunt, teste Plinio, quia mortuorum animæ sunt in illis, & quia in floribus earum litteræ lugubres reperiuntur. Alii *Κυάμων*, Fabas symbolice & ænigmatice testiculos appellatos ajunt, quia sunt *ἀτιολὸν τὸ κύνειον*, auctores fecunditatis seu generationis. Unde non a Faba comedenda, sed a rei venereæ proluvio voluisse philosophum homines deducere. Tandem alii, ut Plutarchus ipse, a muneribus reipublicæ tractandis abstinendum interpretantur. Nam veteres vice calculorum in magistratibus eligendis Fabis utebantur.

FAGOPYRUM.

FAGOPYRUM, Fagotriticum, Frumentum Sarracenicum, *Off.* Fagopyrum vulgare, erectum, *Inst. R. H. 511.* Erysimum Theophrasti; fo-

folio Hederaceo, *C. B. P.* 27. Fagotriticum, *J. B.* 2. 993. Erysimum Theophrasti, *Lobel. Icon.* 63. Ocymum veterum, *Tragi* 648. Ocymum cereale, *Clus. Pan. & Tabern. Icon.* Fegopyrum, *Dodon. Pempt.* 512. & *Raii Histor.* 182. Tragopyron, *Gerardi Emaculati & Parkins*: Frumentum Sarracenicum, *Matthiol. Lugd*: vulgo *Bled noir* ou *Bled sarrafin*.

Radice nititur surculosa, plurimis fibrillis capillata: caule surgit cubitali & altiore, simplici, tereti, glabro, solido, viridi, sed in apricis purpureo, ramoso, ramulis alternatim e foliorum sinubus exeuntibus. Folia ima pediculis duas uncias longis insident, superiorum in caule pediculi sensim breviores sunt, donec tandem in summo immediate adnascantur, hederacea, glabra, atro-virentia, per margines æqualia, sapore fatuo. In summis caulibus & ramulis ex alis foliorum egrediuntur surculi seu pediculi unciales, tenues, flores sustinentes in spicas habitiores seu muscaria congestos, pulchellos, apetalos, plurimis staminibus rubentibus constantes, e calyce quinquepartito, ex albo purpurascente surgentes. Pistillum autem abit deinde in semen oblongum, triquetrum, fordido colore nigricans, in capsula quæ calyx floris fuit reconditum, farinam intus continens candidissimam, inspidam. Ajunt Africanæ originis esse. Apud nos in arvis feritur, nec ullum fere solum refugit. Gaudet imbribus, cito provenit & celeriter maturescit. Seminis farina usitata est.

Analyti chymica, Fagopyri semen præter liquorem acidum copiosum, plurimam olei, mediocrem spiritus volatilis urinosi portionem, parum vero terræ & salis fixi præbuit. Vulgare est in hocce regno Frumentum Sarracenicum dictum, quo solo vel cuiuspiam alteri misto rura sæpissime utuntur, cum præsertim per annonæ gravitatem non alia frumenta suppetunt. Tritico, Secali & Hordeo minus nutrit, plus tamen quam Milium & Panicum. Panis ex eo confectus ater est, gustu non insuavis & hordeaceo multo sapore antecellit: humidus est, citiusque descendit ac flatulenti plus obtinet quam ex Secali coctus. Accommodum est edulium hominibus laboribus & exercitiis addictis.

Potest ex eo parari crassior farina, cujus erit usus ad pultes, offas, placentas cum lacte, vel butyro, vel oleo & sale, vel carniū jure: nec est injucundum edulium, & quamquam flatulentum, Milio, Pisis, Fabis anteponendum. Pulmentaria atque placentæ ex ejus farina confectæ facile concoquuntur, cito descendunt, alimentumque corpori afferunt, exiguum quidem, non tamen malum aut vitiosum. A Petro Pavio Medico Amstelodamensi celeberrimo & S. Pauli in *Quadr. Botanico*, senibus quorum alvus nimis est constricta maxime commendantur.

Ejus farina in cataplasmatibus resolventibus & emollientibus utiliter usurpari potest. Optime resolvit, digerit & maturat.

Herba viridi priusquam semen maturuerit, boves & jumenta pascuntur. Semine gallinaceum genus cibatur, eoque cito facileque pinguescit.

Furfure ex hujus seminis farina extracto hortulani ad cellas, quibus hyberno tempore plantæ reconduntur, ab humiditate præservandas feliciter utuntur. Tabulata lignea duorum triumve pollicum intervallo a muris remota construuntur, & vacuum illud inter muros & tabulata spatium hoc furfure accuratissime repletur.

FILIPENDULA.

FILIPENDULA, *Off.* Filipendula vulgaris, an Molon Plinii, *C. B. P.* 163. *I. R. H.* 293. Filipendula, *J. B.* 3. p. 2. 189. *Dod. Pempt.* 56. Oenante, *Fuchsi, Cordi, Lobel. Icon.* 729. vulgo, *Filipendule*.

Radice est torosa, nigricante, in plurima extenuata filamenta, quæ versus extrema in nodulos aut bulbos extuberant olivares aut longiores minusque ventricosos, Asphodeli more, foris ex rubro nigricantes, intus albentes, acrimoniam quamdam cum adstrictione, dulcedine & levi amaritudine gustu referentes: foliis ad radicem plurimis, multifariam pinnatis, Pimpinellæ saxifragæ fere modo, angustioribus, profundius laciniatis, atro-virentibus: caulis plerumque unicus, erectus, dodrantalis, aut etiam pedalis & altior, striatus, ramosus, paucis foliis vestitus, flores in fastigio sustinet velut in umbellæ formam dispositos: rosaceos, sex petalis candidis, exterius subrubentibus, in orbem positos, leviter odoratis constantes, plurimis staminibus & apicibus luteis, & calyce monophyllo & multicuspidi, ex quo surgit pistillum quod deinde abit in fructum fere globosum, compositum ex undecim, duodecim aut pluribus seminibus asperis, compressis, rhombi irregularis figurâ, radiatim in capitalum dolioli æmulum collectis. In sylvis circa Lutetiam sponte crescit. Radices & folia usualia sunt.

Analyti chymica, ex Filipendulæ radicem recentium ℥v. cum ℥iiij. prodierunt humoris limpidi, subflavescentis odore & sapore radices referentis, subacidi ℥xij. ℥iiij. humoris rufescentis, limpidi, ejusdem odoris, saporis austeri, acidi ℥ij. ℥iiij. ℥iiij. humoris rufescentis, tum acidi austeri, tum salis, urinosi, empyreumatici ℥vij. ℥vj. gr. xxxvj. olei adiposi ℥vij. Massâ nigra in retorta residua pendebat ℥j. ℥j. quæ calcinata reliquit cinerum ℥iiij. ℥v. ex quibus salis fixi salis ℥v. lixivio extractæ sunt. Partium jactura in distillatione fuit ℥x. ℥ij. gr. xxxvj. in calcinatione ℥xij. ℥iiij.

Filipendulæ folia sapore sunt adstringente, subsalfo, odorata, glutinosa, & chartam cæruleam rubro colore tingunt. Rubro magis intenso radices inficiunt. Stypticæ sunt & subamaricantes, & salem essentialem continere videntur tartareum, aluminosum cum copioso sulphure conjunctum. Folia vero quæ plus acidi humoris, & spiritus urinosi fundunt, salem essentialem ad ammoniacalem magis accedentem continere videntur.

Tota planta humores crassos incidit, attenuat & per urinas pellit. Inter diureticas plantas locus haud infimus ei a S. Paulli conceditur. Ejus usus a plurimis laudatur in nephritide, ad stimulandum calculum, renes abstergendos, renum ac vesicæ sabulum, aut mucum viscidum rudimentum calculorum expellendum. Verum quod speciali vi lithonriptica polleat, ut nonnulli opinantur, vix sperandum. Radices magis quam folia subadstringunt. In albo mulierum profuvio, & in nimio lochiorum fluxu, usus sunt eximii, teste D. Needham apud Raium. Pulvis radicem Filipendulæ celebratur in fluore albo mulierum ab experimento a S. Paulli allato in *Quadripart. Botanico*, qui narrat, quamdam Dauci vulgaris decocto, in quo ℥j. pulveris radicem Filipendulæ sibi ipsi pro-

propinarat, a profluvio albo muliebri intra paucos dies vindicatam fuisse, plurimis aliis medicamentis incassum propinatis. Hermannus Corbæus quoque apud Dolæum *L. 5. C. 4. 5. 20.* pro experimento habet quotidie ℥j. radicis Filipendulæ virentis cum vino nigro exhibere in eodem fluore. Dysenteriam sæpius a se curatam notavit *in adversariis suis* exhibito ℥j. pondere, ex vino aut ovi vitello, ejusdem radicis pulvere; quem ante ipsum Lud. Mercatus *L. 1. De recto præsidiorum usu, c. 14.* secreti loco commendaverat. Est sane huic plantæ adeo insignis vis adstringendi ut hernias quoque ejusdem usu curatas Thomas Carthusius observaverit ut videre licet *in Observationibus Hieronymi Velschii, 33.*

Pulverem, radices, ejusve succum adversus morbum comitiales commendant nonnulli. Alii Filipendulam proxime accedere qualitatibus ad Pæoniam scripserunt: hinc epilepticis & vertiginosis Filipendulæ radices conferre Lobelius retulit. Medentur etiam anhelosis, suspiriosis, ventriculi inflationibus cum semine Fœniculi.

Sennertus hanc radicem adversus scrophulas commendat. Ettmullerus asserit hanc radicem scrophularum materiam incidere & resolvere, eamque per urinarias vias educere.

Exhibetur sola vel cum Scrophulariæ & Rusci radicibus admista in decoctis & pulveribus contra scrophulas.

℞. Radicum Scrophulariæ, Filipendulæ, Rusci ana ℥ß. Folior. Agrimon. Pinpinellæ ana M. j. Flor. Rorismarin. P. ij. Digerantur vase clauso in vini albi ℥xvj. Colatura dulcoretur Saccharo pro tribus dosibus.

F I L I X .

PLURIMAS inter Filices quas orbis uterque nobis offert, tres potissimum in Officinis usitatæ sunt, scilicet, Filix mas seu non ramosa, Filix femina seu ramosa, & Filix florida seu Osmunda regalis.

FILIX mas dicta, Filix non ramosa, *Offic.* Filix non ramosa dentata *C. B. P. 358. Inst. R. H. 536.* Filix vulgo mas dicta sive non ramosa *J. B. 3. 737.* Filix mas *Dod. Pempt. 462.* Dryopteris *Matthiol. Lugdunens. 1227.* Filix mas vulgaris *Parkins. Raii Histor. 143.* Filix mas non ramosa, pinnulis latis, densis, minutim dentatis *Gerard. Emacul. vulgo, Fougere male.*

Ex radice crassa, ramosa, fibrosa, foris nigricante, intus pallida, multis appendicibus involuta & implexa, saporis primum subdulcis, deinde amariusculi, subastringentis, odoris nullius, verno tempore multos promit asparagos, primo exortu inflexos, cano capillitio obductos, qui progressu temporis abeunt in frondes amplas, bicubitales, crebras, rectas, frangi faciles, diluto colore virentes, quæ ex alis seu tarsis (a) aut foliis componuntur mediæ costæ musco ferrugineo leviter obductæ alternatim adnascentibus, non conjugatim, nec paribus intervallis in pinnulas seu cristas latas, & lata basi nervo tarfi medio adnascentes, obtusas, circa margines dentatas divisas. Linea nigra nervum uniuscujusque alæ medium superne producta notat. Singulæ pinnulæ supina parte venulis insignes

(a) Tarsus, alarum productio seu expansio.

infignes sunt, prona duplici ordine punctorum ferrugineorum. Hæc puncta fructus reipsa sunt, ut apud Cl. Tournefortium *I. R. H.* videre licet, compositi ex numerosa congerie vesicularum fere ovatarum, minutissimarum, annulo elastica vi donato munitarum & membrana communi involutarum. Per maturitatem corrugatur aut dilaceratur exterior illa communisque membrana, exsiccat & contrahitur annulus elasticus, in binas partes dissiliunt vesiculæ, seminaque fundunt minutissima. Floribus carere videtur hæc planta, aut si qui sint, nondum detecti fuerunt. In agro Parisiensi ubique fere nascitur.

FILIX femina, Filix non ramosa, Filix vulgaris, *Off.* Filix ramosa, major, pinnulis obtusis, non dentatis *C. B. P.* 357. *Inst. R. H.* 536. Filix major & prior Trago, sive ramosa repens *J. B.* 3. 735. Filix femina *Dodon. Pempt.* 462. *Gerardi histor.* 149. Thilypteris Filix femina *Cord. in Dioscor.* vulgo, *Fougere commune, Fougere femelle.*

Huic radix est digitum subinde crassa, foris nigricans, intus albida, longelateque importuno reptatu terram occupans, odore gravi, sapore amaricante, succoque glutinoso prædita, quæ summa parte oblique aut etiam transversim secta bicipitis aquilæ speciem quamdam exhibet. Caulis seu verius pediculus tres quatuorve cubitos altus, rigidus, ramosus, solidus, lævis & aliquatenus angulosus: frondes pinnatæ seu elatæ in tarfos primo, deinde in pinnulas seu foliola angusta, oblonga, acutiuscula, obiter interdum dentata, alias aqualia, dissectæ, superne virides, inferne canescentes. Fructus seu vesiculæ ovatæ fructiferæ, fructibus Filicis maris similes, non eodem modo in adversa foliorum parte disponuntur, sed in marginibus pinnularum elongatis & reflexis reconduntur. Nam autumnno pinnularum margo circumcirca plerumque producit, incurvatur, & complicatur, sinusque subtus format quosdam, in quibus fructus nascuntur. In pascuis sterilibus ubique fere luxuriat. Utriusque Filicis radices, in primis feminæ, in usum veniunt.

Analysi chymica, foliorum & stipitum Filicis feminæ *℔v.* per retortam distillatæ præbuerunt humoris limpidi, primo saporis & odoris fere expertis, deinde subacidi *℔j. ℥vii. ℥iiij. gr. xxxvj.* humoris limpidi, acidi, magis ac magis intensi austeri *℔ij. ℥ix. ℥vj. gr. xxx.* humoris rufi, odoris & saporis empyreumatici, intense acidi, subfalsi & intense austeri *℥vj.* humoris rufi, sale volatili urinoso imprægnati *℥j. ℥vij.* olei spissi *℥j. ℥ij. gr. xxxvj.* Massa nigra in retorta superstes pendebat *℥v. ℥vij. gr. xxxvj.* quæ rite calcinata reliquit cinerum cærulescentium *℥j. ℥v. gr. xxiv.* ex quibus lixivio salis alcali fixi *℥iiij. gr. lxij.* extracta sunt. Partium jactura in distillatione fuit *℥iiij. ℥vj. gr. vj.* in calcinatione *℥iiij. ℥ij. gr. xij.*

Filix mas eadem principia distillatione fundit, sed tamen paulo plus olei, terræ & salis fixi præbuit.

Ex radicibus Filicis feminæ recentium *℔v.* per retortam distillatis prodierunt humoris limpidi, odoris & saporis fere expertis, obscure subacidi *℥xiiij. ℥iiij.* humoris primo limpidi, acidi magis ac magis intense, sub finem rufescentis, odoris & saporis leviter empyreumatici, ac tandem austeri *℔ij. ℥iiij. gr. lxxvj.* humoris rufi tum intense acidi & austeri, tum falsi & sale volatili urinoso leviter imprægnati *℥iiij. ℥iiij. olei ℥iiij. gr. xlviij.* Massa nigra in retorta residua

pendebat ℥ix. ℥j. gr. xxxvj. quæ rite calcinata reliquit cinerum albicantium ℥ij. gr. xxx. ex quibus salis fixi salis ℥j. gr. xx. lixivio extracta sunt. Partium jactura in distillatione fuit ℥iiij. ℥vj. gr. xxx. in calcinatione ℥vij. ℥j. gr. vj.

Radix Filicis maris haud dissimiles substantias analysi chymica præbet. Femina minorem olei fluidi quantitatem suppeditat, at plus olei condensati in capite mortuo retinet, quam mas dicta; minorem quoque salis fixi, plus vero terræ.

Filicis feminae radix glutinoso succo primo subdulci, amaricante & subadstringente, fastidioso donatur, qui chartæ caruleæ colorem mutare nequit. Salem essentialem continere videtur salis coralliorum proximum, ut Cl. Tournefortius opinatur, quodam involutum muco composito ex acido, oleo, terra adstringente & copioso phlegmate, quorum specialis commistio ab igne facile destruitur.

J. Raius narrat pilas seu globulos effici apud Anglos ex utriusque Filicis cineribus cum aqua in massam coactis, & in sole exsiccari, quorum usus est lotricibus ad lintheamina mundanda, saponis aut lixivii loco. Antequam iis utantur in ignem luculentum immittunt, donec candescant, tunc enim calcinati facile in pulverem fatiscunt.

Utraque Filice exsiccata, ligni aut straminis inopia, ad furnos calefaciendos rustici utuntur. In Suffexia etiam Angliæ provincia, referente eodem Raio, ad calcem coquendam adhibetur: est enim ejus flamma vehemens admodum & huic usui valde idonea. Filix utraque iisdem virtutibus donatur. Marem tamen Filicem J. Raius rachitidi morbo vulgo dicto peculiariter convenire scribit. Pro ceteris femina præ mari sæpius eligitur. Tota planta una cum radice apud antiquos in frequenti admodum fuit usu in morbis chronicis ex melancholia natis, in affectionibus hypochondriacis præsertim in quibus splen simul affectus fuit, in tumoribus & scirrhis lienis & pancreatis. In decoctis, jusculis, potionibus aperientibus & antispleneticis præscripta reperitur, nec absque fructu adhibita fuit. Sed cum hodierno tempore delicatioris sint palati homines, & ad ejusmodi decocta diu continuanda nauseant, rarius hodie præscribitur. Forestus tamen valde commendat decoctum radice cum Cuscuta in vino ceu arcanum expertum in splenis affectionibus. Ettmullerus & alii commendant singulariter sequens decoctum in affectibus melancholicis, & dicunt expertum esse ad lienis tumorem & duritiem. Quod quidem operatur tum sale suo essentiali concretos humores solvendo, sed multo magis terreis suis particulis & oleosis adstringentibus fibras partium solidas firmando & constringendo.

℞. Herbarum Filicis cum sua radice, Sabinæ, Absinth. ana q. l. Coquantur in q. s. aq. comm. vel aquæ ferrarior. fabror. ad tertiæ partis diminutionem, vel macerentur in vino: addendo si libet Passular. minor. contus. q. s. pro grato sapore, de quo sub ingressu lecti unus haustus bibatur.

Filix autem gravidis infensa censetur, ut quæ abortum faciat.

Hujus radix in pulverem redacta, & pondere ℥j. duarum vel trium ex aqua mulsa sumpta lumbricos enecat, imo lumbricorum latorum, quæ latinis Tænia & solium dicuntur, præsentissima pestis est, teste S. Paulli, eamque inter secre-

secretissima sua secreta, inquit, habent & venditant agyrta.

℞. Rad. Filic. femin. pulver. ʒj. Mercur. dulc. gr. vj. M. F. bol. cum syrup. de Absynth.

℞. Rad. Filic. femin. Rhei pulv. & summitat. Tanaceti ana ʒj. Cortic. Mor. arbor. & Corallinæ ana ʒij. Æthiop. mineral. ʒiiij. M. F. pulvis. Dosis a ʒß. ad ʒiiij.

Singulare quoque est in Filice experimentum quod ex Antonio Batto refert de ejus virtute adversus ambusta, si sequenti ratione subigatur.

℞. Radicum Filicis feminæ q. s. Ex contusis succum exprime, vel in defectu recentium radicum, sume exsiccatas, & contusis affunde aquam rosaceam vel aquam communem. Tunc per expressionem succus mucilaginosus exprimatur. Hic præ omnibus aliis remediis mirifice prodest.

Tragus idem de hujus radice succo mucoso confirmat.

Notum est, quosdam populos in frugum inopia e radice Filicis panem confecisse. Cl. Tournefortius in *historia plantarum circa Lutetiam nascentium* refert seipsum vidisse panes ex hac radice confectos, qui annis 1693. & 1694. ex Arvernia Lutetiam allati fuerant. Saporis erant pessimi, & coloris rufi, similes fere panibus ex quærneo confectis cortice qui ad coria inficienda inservit: vulgo, *Mottes a bruler*. Notum est quoque Filicum cineribus nitri loco injectis saxa colliquescere in vitrum colore viridi & subobscurum.

FILIX florida & Osmunda Regalis, Off. Osmunda vulgaris & palustris *Inst. R. H.* 547. Osmunda Regalis, sive Filix florida *Parkinson Theatr.* 1038. Filix floribus insignis *F. B.* 3. 736. Filix ramosa non dentata florida *C. B. P.* 357. Filix palustris *Dodon. Pempt.* 436. Filicis majoris alterum genus, *Trag.* 543. Filicistrium *nonnullis* & Lunaria major *Chimæastrorum quorundam*: vulgo, *Osmonde* ou *Fougere fleurie*.

Ex uno perplexarum radicum, longarum, nigricantium cespice, caules attollit complures, bicubitales & altiores, virides, glabros, striatos, ramis pauculos. Hinc inde alæ exoriuntur, pinnatis octo vel novem conjugationibus foliorum impari uno alam claudente constantes. Singularia autem folia omnia sursum spectant, trium quatuorve unciarum longitudine, semiunciam lata, ex principio latiore sensim extenuata, in obtusum mucronem desinentia, a nervo per longitudinem decurrente exporrectis in margines haud quaquam sectos infinitis oblique venulis. Caulis scapus in surculos aliquot divisus racemulos unciales in singulis surculis multos sustinet fructiferos. Floribus enim carere videtur. Flores autem herbarii dicti, inquit J. Raius, nihil aliud esse videntur quam folia, ob semina adnascentia, non explicata, sed ad margines reflexa. Fructus vero veluti in uvam collecti capsulæ sunt sphaericæ, Filicum ceterarum capsulis similes, quæ fibrarum contractione rumpuntur, seminaque fundunt minutissima, ut microscopii ope observatur. In quibusdam agri Parisiensis locis sponte nascens reperitur. Herba & radix in usum veniunt. Vis præcipua in fructiferis racemis & radicis medulla albicante consistit.

Osmunda analysi chymica a Filice parum differt. At sapore est minus amaro & adstringente, Minus adstringens & magis temperata censetur.

Ejus

Ejus radix ad hernias & ulcera exploratissimi commodi esse scribit Lobelius; quin etiam colicis & spleneticis plurimum conferre. Ejusdem radices mucaginem ad curandam herniam in pueris extra applicatam, ut probatissimum remedium, Paulus Hermans commendat.

Pars illa radices media subcandida efficacissima censetur non modo vulneratis, sed etiam cæcis, ruptis, ex alto deturbatis, decocta vel etiam tusa & cum idoneo liquore sumpta. Sunt qui tantam ejus potentiam esse existiment, ut sanguinem alicubi intra corpus hærentem ac concretum dissolvere queat, & foras etiam per vulnus expellere.

Rachitidi morbo dicto remedium præstantissimum & quasi proprium ac specificum a J. Raio & Paulo Hermannò prædicatur hujus radix cui percurando vel sola sufficiat. Doctor Boevles in rachitide proponit conservam asparagorum seu germinum teneriorum Osmundæ & Filicis maris, vel etiam Asplenii & Phyllitidis, prospero successu.

Rx. Summitatum fructiferar. Osmund. M. j. Coq. cum lactis vacc. ℥j. Colatura hauriatur sing. diebus contra rachitidem.

Rx. Radicis medull. subcandicantis ℥iij. Capillor. vener. M. j. Coquantur ex aq. ℥iij. F. decoctum contra rachitidem.

FOENICULUM.

FOE NICULI semen duplex est in officinis, vulgare & dulce.

FOENICULUM vulgare, *Off.* Fœniculum vulgare, minus, acriori & nigriori semine J. B. 3. p. 2. 2. *Inst. R. H.* 311. Fœniculum vulgare, Italicum, semine oblongo, gustu acuto C. B. P. 147. Fœniculum sive Marathrum vulgaris *Adversar. Lobel.* 347. Fœniculum vulgare, Germanicum C. B. P. 147. & *Inst. R. H.* 311. Fœniculum *Dod. Pempt.* 297. vulgo, *Fenouil commun.*

Ex radice vivaci & in plures annos restibili, digitali aut majore, recta, alba, sapore cum quadam dulcedine aromatico, caulis surgit tres aut quatuor cubitos altus, rectus, teres, striatus, geniculatus, lævi, tenui ac virente cortice circumvestitus, fungosa interius medulla candida fæctus, in alas crebras circa fastigium divisus. Pediculi veluti quadam vagina caulem & ramos complectuntur, quibus folia insident ampla, ramosa, in tenuissima segmenta dissecta, atrovirentia, sapore dulci, odore suavi, quorum singula segmenta teretia sunt, extrema vero capillamentorum instar tenuia. Umbellæ latæ in cacuminibus cauliculorum & ramulorum eminent rotundæ ac in orbem circinatæ. Flores rosacei, pentapetali, lutei, odorati, calyci insident, qui abit in fructum ex duobus seminibus compositum oblongis, crassiusculis, hinc gibbis & striatis, inde vero planis, nigricantibus, sapore acriori aut minus dulci. Sponte nascitur in locis saxosis & calidis in regionibus ubi cultura semen dulce evadit, & planta aliquantisper variat; hinc quarundam Fœniculi specierum varietas. Hic in hortis colitur. Radices, folia, semina in culinis & officinis usitata sunt.

FOENICULUM dulce, *Off.* Fœniculum dulce majore & albo semine J. B. 3. p. 2. 4. Fœniculum dulce C. B. P. 147. Fœniculum sive Marathrum vulgaris, dulce *Lobel. Icon.* 775. vulgo, *Fenouil doux.*

A vulgari radicibus, foliis, caulibus & flore vix differre videtur, nisi forte caule minus procero, & graciliore ac foliis minoribus. Semina quidem multo sunt majora, striata, albida, dulcia magis, & minus acria. Hæc Fœniculi species post unum aut alterum annum, iterata satione seminis hic producti, inquit J. Raius, in hortis paulatim degenerat & in vulgare transit, nec in nostris tantum sed in Germanicis atque etiam Italicis, ut testatur Cæsalphinus. Unde autumat J. Raius semen ejus ex ulterioribus adhuc meridiem versus regionibus afferri; ex Syria forte ut Lobelius scribit, aut ex Insulis Azoticis, ut alii.

Analyfi chymica, Fœniculi folia recentia plurimum humoris acidi, odori, mediocrem olei tum essentialis tenuis, tum crassi portionem, modicum salis fixi alcalini, terræ, & perparum spiritus urinosi exhibuerunt. Semina eadem principia præbent, sed oleum essentielle majori copia fundunt, cui eorum virtus præcipue tribuenda est; subtile enim illud oleum & sal acidus tenuis ac volatilis simul permista sese invicem temperant & compositum constituunt ad spiritus acidos dulcificatos chymicorum aliquantisper accedens.

Fœniculum spissiore sanguinis crasim blande dissolvit, lympham viscidam incidit, & fluidiorem efficit. Aperiens est hæc planta, diuretica, sudorifera, stomachica, pectoralis & febrifuga.

Apud nonnullos specificum audit contra variolas & morbillos. In febribus putridis quibus adjuncta est malignitas, S. Paulli vix ullam plantam Fœniculo secundam reperiri asserit, sive ad aperiendum, sive ad discutiendum; hinc variolis & morbillis laborantibus decocto Fœniculi vel seminis vel radicem nihil salubrius esse dicit.

Radix est primaria ex radicibus quinque aperientibus majoribus. Ab Ettmullero veluti antinephriticum egregium, & in renum doloribus stranguis que polychrestum proponitur.

Ad quartanam & alias febres intermittentes succus radicem Fœniculi ad ℥iij. cum saccharo edulcatus & jejuno propinatus in aurora decem diebus continuis eas fugat. Zacutus qui facile sed utile illud remedium vocat, observat plurimis in lecto bene coopertis sudores plurimum moveri, aliis lentæ pituitæ scretum, aliis ructus foetidos & crepitus. Omnes Fœniculi partes ventriculum roborant, ciborum concoctionem juvant, laxiorem nimis fibrarum ventriculi tonum restituunt & firmant, viscidum mucum parietibus hujus visceris inhærentem dissolvunt; semen præsertim, unum e quatuor seminibus calidis majoribus. Utiliter usurpatur quando post pastum adfuerint ægritudo, nausea, ructus, gravitas, tensio, inflatio ventriculi, item segnities, somnolentia, capitis dolor, & cetera id genus coctionis læsæ & male peractæ signa a pituita mucaginosa in ventriculo collecta. Eam enim incidit, attenuat, rugas ventriculi blande detergit, spiritus influos recreat. Eodem modo quoque in intestinis operatur; quare in colicis flatulentis ejus usus est egregius: flatus enim sursum & deorsum expellit, unde tritum illud adagium:

Semen Fœniculi reserat spiracula culi.

Pulvis ejus cum saccharo in vino a ℥ss. ad ℥j. ante vel post pastum hauritur, vel semina integra saccharo condita comeduntur. Attamen C. Hoffmannus has doses de semine sicco solum accipiendas existimat. Tantum abest enim, inquit, ut juvet

ut juvet concoctionem aliorum semen aut herba viridis, ut ipsa potius adjutorio opus habeant. Confert quoque idem semen ad lactis generationem, chylum fluidiorem efficiendo, & lympham aut chylum in mammarum glandulis concrefcentem resolvendo. Radicis decoctum solum, vel etiam floribus Sambuci aut Lumbricis sociatum ad lactis abundantiam promovendam ab Ettmullero & Helidæo de Padoanis commendatur: idem præstant foliorum decoctum aquosum, vel vinum in quo herba vel semen macerata fuerunt.

Foeniculi semen medicamentis thoracicis admistum asthmaticos juvat, veteri tussi & contumaci medetur.

In oculorum vero affectionibus herba tota ejusque semen est commendatissima, illis in primis quorum visio lucubrationibus nocturnis admodum debilitata fuit. Seminum pulvis cum saccharo quotidie mane jejuno ventriculo sumitur. Arnaldus Villanovanus semen hoc aceto infusum, exsiccatum, cum Cinnamomi & sacchari momento permistum commendat ad visionem integram conservandam, debilem & jam fere extinctam etiam in octuagenariis restituendam. Ad caliginosos oculos nihil hoc semine efficacius, inquit H. Tragus. Idem præstat succus foliorum aut radicis, & aqua distillata, tum intus sumpta, tum oculis indita. J. Crato Medicus Cæsareus, referente Raio, quemdam vidit ex suffusione curatum facillimo remedio, radicibus nempe Foeniculi in vino coctis, & decocto oculis sæpius applicato.

Seminum pulvis cum pulveribus solventibus utiliter miscetur in cataplasmatibus & fomentis solventibus.

Oleum essentiale ex seminibus exsiccatis aqua maceratis distillatur vi carminativa insigni præditum. Guttæ sex, decem vel duodecim saccharo exceptæ & ex vino sumptæ dolores colicos flatulentos discutiunt, ciborum concoctionem promovent & perficiunt: ex lacte aut decocto pectorali, tussientibus & asthmaticis conferunt.

Aquam ex tota planta distillatam servant officinæ ad collyria utilem. Herba tota jusculis & sorbitionibus incocta ad corpus obesum extenuandum utilis esse perhibetur.

Semen adhibetur sapissime ad corrigenda purgantia.

℞. Radic. Foeniculi ℥ij. Lentium excorticatar. ℥ss. Caricas ping. n. iij. Coq. in aq. comm. ℔iiij. ad ℔ij. Sub finem coctionis adde fol. Scordii, M. ss. femin. Foenicul. ℥j. Fiat colatura pro potu in morbillis & variolis ad exanthematum eruptionem promovendam.

℞. Rad. Foenicul. ℥iij. Semin. Foeniculi ℥ss. Flor. Sambuc. M. j. Coq. in aq. comm. ℔iiij. ad ℔ij. F. decoctum pro potu solito in lactis imminutione. Vel

℞. Sem. Foenicul. dulc. pulver. ℥ss. Pulver. Lumbr. terrestr. ℥j. Fiat pulvis jejuno ventriculo sumendus.

℞. Rad. Helenii ℥j. Semin. Foenicul. contus. ℥ss. Passular. ℥jss. cum aq. s. q. F. decoct. in tussi & asthmate.

℞. Mucaginis gumm. Tragacanthæ cum aq. Hyssop. extract. & ad syrupi consistentiam redact. ℥iij. Syrup. de Eryfimo ℥jss. Olei amygdalar. dulc. ℥j. Olei essential. Foenicul. gutt. x. F. Lohoch in asthmate.

R. Fœniculi dulcis ℥j. Anisi ℥ss. Olei distillati Fœniculi gut. j. Sacchar. candi ℥ss. M. F. pulvis contra tormina.

Fœniculi viridis comæ acetariis dum adhuc tenellæ sunt permistæ suavitatem addunt. Pisces sive asserventur muria conditi, sive elixentur, sive craticula assentur, Fœniculi foliis involvuntur a nonnullis ut durent & ut sapidiores fiant.

Germina Fœniculi teneriora, antequam caulescant, cum superna radicis parte recisa, cum oleo & pipere mensis secundis adjiciunt Itali & Narbonenses Galli eodem modo quo nos Apium dulce, *Celery*.

Radices Fœniculi usurpantur in syrup. aperiente cacheetico *D. Daquin*, syrup. Chalybeato aper. cathartico *D. Daquin Pb. Reg.* antiasthmatico & anti-nephritico *eiusdem*, de Cichor. comp. *Pb. Reg.* de Artemisia *eiusdem*, de Præssio & de 5. rad. aper. *Mesuai*. Semina in Theriaca, Mithridatio, confectio ne Hamech, Electuar. Catholico cum rheo dupl. pulvere Diarrhodon *Abbatis Nicol. præpositi*, Philonio magno, Diaphanico, Benedicta laxativa, de Psyllio, El. de Citro. Folia in aq. vulneraria *Penicberii collectan. pharmaceutic.*

F O E N U M - G R Æ C U M.

F O E N U M - G R Æ C U M, & Fœnu-Græcum, *Off.* Fœnum-Græcum sativum *C. B. P.* 348. *Inst. R. H.* 409. Fœnu-Græcum 7. *B.* 2. 363. *Dod. Pempt.* 536. *Trag.* 597. Fœnum-Græcum *Garard. Raii Hist.* 954. vulgo, *Fenu-Grec.*

E radice tenui, candida, simplici, lignosa, caulem emittit singularem semicubitalem, tenuem, virentem, intus concavum, in alas ramosque divisum; folia ex uno pediculo terna, pratenfi Trifolio similia, minora tamen, in ambitu leviter serrata, modo oblonga, modo latiora quam longiora, superna parte virentia, inferna cineracea: flores ex foliorum alis nascentes, papilionaceos, subcandidos, siliquas vero longas, palmares & sesquipalmares, nonnihil planas, falcatas, graciles, angustas, compressas, mucrone tenui, longo, inani, seminibus feras non magnis, rhomboidiformibus, linea cum cavitate quadam oblique ab angulo ad angulum impressa, sulcatis, odoratis cum gravitate nonnulla, & flavescentibus. In câmpis seritur. Semen solum usitatum.

Analysi chymica, ex seminum Fœnu Græci ℔v. per retortam distillatis prodierunt humoris limpidi, seminis, odorem saporemque referentis, obscure falsi & obscure acidi ℥xij. ℥ij. gr. iiij. humoris rufescentis, odoris & saporis empyreumatici, subfalsi & acidi ℥ix. ℥v. gr. xxxj. humoris rufi, sale volatili urinoso copioso imprægnati ℥vij. ℥v. gr. xlvij. salis volatilis urinosi concreti ℥j. gr. xxvij. olei tum essentialis, tum empyreumatici, fluidi ℔j. ℥j. ℥j. gr. xxxj. Massa nigra in retorta residua pendebat ℔j. ℥ij. ℥ij. gr. xlvij. quæ rite calcinata reliquit cinerum flavescentium ℥ij. gr. xij. ex quibus lixivio salis fixi alcali ℥vj. gr. vij. extracta sunt. Partium jactura in distillatione fuit ℥xij. ℥ij. gr. xxvj. in calcinatione ℔j. ℥ij. gr. xxxvj.

Fœnu-Græci semina saporem mucilaginosum referunt odoremque gratum cum quadam gravedine. Salem ammoniacalem continere videntur cum multo oleo tum tenui tum crasso implicitum, & terra copiosa quibuscum mucosum compositum exsurgit quod ex eis cum aqua coctis extrahi potest.

Farina feminis tumores emollit, digerit, maturat, discutit, doloresque compe-
scit, ususque adeo frequentis est ut in fomentis & cataplasmatibus emollientibus &
maturantibus, vel discutientibus fere omnibus usurpetur, vel ejus mucilago co-
ctione cum aqua extracta. In clysteribus emollientibus, carminantibus & anody-
nis utiliter præscribitur ad flatūs discutiendos, humorum acrimoniam obtunden-
dam, intestina erosa muco obducenda, in colicis, alvi fluxibus & dysenteria.
Insuper conducit ejus mucilago ad oculorum sugillationes discutiendas. Interne
rarissime usurpatur. In erysipelate fotum sequentem Th. Sydenham laudat.

℞. Semin. Fœnu-Gr. & Lini ana ℥ss. Rad. Althææ, Bulbor. Lilior. ana ℥ij.
Folior. Malv. Sambuc. Verbasci ana M. ij. Flor. Melilot. Hyperic. & Centaur.
minor. ana M. j. Coq. in f. q. aq. ad ℔iij. F. colatura. Usus tempore sin-
gulis decocti libris adde spiritus vini ℥ij. Pars affecta calide foveatur.

℞. Folior. & flor. Verbasci M. j. Furfuristriticei Mss. semin. Fœnu-gr. & Lini ana
℥ij. Coq. in aq. vellaētis q. s. Fiat Enema in tenesmo & dysenteria.

℞. Radic. Althææ & Lilior. minutim incisarum ana ℥iij. Fol. Malvæ, Al-
thææ, Senecionis, Violaria, Parietar. & Brancæ ursinæ ana M. j. Coq.
ex arte in aq. comm. ℔vj. ad putrilaginem usque. Deinde contunde in
mortario marmoreo, & per cribrum cerne: colaturam & pultem secre-
tam cum farina Lini & Fœnu-Græci ana ℥iij. & oleor. Lilior. & Chamæ-
mel. ana ℥ij. coq. igne lento sæpius agitando ad debitam usque spissi-
tudinem, & fiat cataplasma emolliens & maturans.

℞. Farinæ Fœnu-Græci ℥iij. Fermenti veter. ℥j. Stercor. columbin. ℥ij.
Olei Chamæmel. ℥jss. Mell. ℥j. Contunde. M. F. cataplasma in matu-
randis abscessibus.

℞. Radicum Cyclamin. Bryon. & Cucumer. agrestis ana ℥ij. Folior. Ab-
sinth. & Mercurial. ana M. ij. Florum Chamæmeli & Meliloti ana M. j.
Coquantur in aq. comm. ℔iij. & vini albi sub finem additi ℔ij. ad
putrilaginem usque. Colaturæ & pulti trajectæ adde farina Fœnu-Græci
& Lupinor. Pulver. Absinth. Cumini Fœnicul. & Baccar. Lauri ana ℥j.
F. ex arte cataplasma discutiens & resolvens.

Ad ischiadem, arthriticos dolores & tumores mammarum sequens cata-
plasma a J. Raio commendatur.

℞. Semin. Fœnu-Græci in melicrato cocti ad dissolutionem usque q. v. quod
deinde contundatur, & iterum cum melle coquatur ad cataplasmatiss spissi-
tudinem quod super pannum extensum parti dolenti applicetur.

Insuper conducit ejus mucilago ad oculorum suggillationes discutiendas, &
a S. Pauli ut optimum ophthalmicum commendatur. Laudatur quoque a Ri-
verio in ophthalmia. Postulat autem Riverius ut Fœnu-Græci semen, antequam
decoquatur vel ex eo mucilago extrahatur, excutiat per cribrum, ut pulvis
quo abundat auferatur, postmodum vero aqua frequenter abluatur.

℞. Mucilaginis seminum Fœnu-Græci & Cydonior. extractæ in aqua Ro-
sar. & Euphrasie ana ℥jss. Trochiscor. albor. Rhasis sine Opio ℥j. Tu-
thiæ pp. ℥ss. F. collyrium in ophthalmia.

℞. Pulpæ Pomor. dulc. ad consistentiam pultis in aq. Fœniculi & Verbenæ

coctæ ℥ss. Mucilaginis Fœnu-Græci aq. Rosar. extract. ℥j. Lapid. Hæmatitis exquisitissime triti ℥j. Camphoræ & Tuthiæ pp. ana ℥j. Boli armen. q. s. Fiat epithema pro oculo in suggillationibus.

S. Paulli refert se aliquoties observavisse quod licet promiscue Fœnu-Græci semen commendetur utrique sexui ad alvum adstrictam emolliendam aut ad sedanda ventris tormina receptum in clysteribus, facile tamen nonnullas mulieres odore illius offendi, & præsertim illas quæ hysterica passioni obnoxia sunt. Quare abstinendum esse suadet a Fœnu-Græco in præscribendis illis clysteribus sesquiori sexui.

Fœnu-Græci semen usurpatur in Syrup. de Marubio *Mesuae* & Iohoc sano *eiusdem*, in ung. de Althæa, mundificativo de resina, martiato, emplastr. Dyachylo, de mucaginibus & de meliloto *Ph. Regiæ*.

F R A G A R I A.

FRAGARIA, *Off.* cujus fructus Fragum: Fragaria vulgaris *C. B. P.* 326. & *Inst. R. H.* 295. Fragaria ferens Fraga rubra *J. B.* 2. 394. Fragaria & Fraga *Dod. Pempt.* 672. Fragula *Cordi*: Fragum & Trifolium Fragiferum *Tabern. Icon.* 118. Fragaria *Gerard. Raii histor.* 609. vulgo, *Fraizier* & fructus *Fraise*.

Ex radice diuturna, subrufa, multis fibris capillata, gustu adstringente, pediculos palmares, tenues, lanuginosos & in summitate ramosos promit, quorum nonnulli folia, alii flores sustinent, & tenuia quædam edit flagella proserpentia, ad intervalla nodosa & foliosa, ad nodos radices agentia, quibus late se propagat: folia autem profert in uno pediculo terna, oblonga, lata, Pentaphylli similia, venosa, hirsuta, per ambitum serrata, superius virentia, inferius albidiora: flores quatuor aut quini ab uno pediculo exeunt rosacei, quinque petalis albidis in orbem positis constantes, staminulis numerosis, brevibus, apices luteos sustinentibus, pistillo globofo, & calyce e decem partibus seu segmentis composito. Pistillum deinde abit in fructum fere globosum vel ovato-acuminatum, edulem, carnosum, mollem, per maturitatem rubrum, quandoque sed raro albicantem, dulci vinosoque succo prægnantem, odoratum: cui semina multa, exigua, extrinsecus adhærescunt. In sylvis & locis umbrosis sponte nascitur & in hortis colitur, ubi lætius viret, & Fraga fert crassiora & suaviora. Fructus inter edulia usus sunt frequentioris: inter medicamenta diuretica & aperientia radices & folia.

Analyti chymica, ex Fragorum maturor. ℥v. per B. V. distillatis prodierunt humoris limpidi, odoris & saporis fragrantis & vinosi, grati, primo obscure acidi, deinde magis aperte acidi ℥iij. ℥ij. humoris limpidi, manifeste acidi, sub-austeri, ℥xiiij. ℥viij. Massa sicca in alambice residua per retortam distillata præbuit humoris rufescentis, empyreumatici, manifeste acidi & adstringentis ℥ij. ℥ss. humoris rufi, empyreumatici, tum acidi, tum falsi & alcali urinosi ℥j. ℥vj. gr. xxxvj. olei spissi ad instar extracti ℥j. ℥v. Massa nigra in retorta residua pendebat ℥j. ℥iiij. quæ per 16. horas in crucibulo calcinata reliquit cinerum e cinereo fuscorum ℥vj. ex quibus lixivio salis fixi mere alcali ℥ij. gr. xx. extracta sunt. Partium jactura in distillatione fuit ℥ix. ℥j. in calcinatione ℥vj.

Fraga

Fraga saporem vinosum gratum obtinent, succo vinoso donantur cum multo mucositate, seu terreis & aquosis partibus permixto & temperato. Si eorum succus fermentescat vinosus fit, ex quo spiritus ardens extrahi potest, ac tandem diuturniori fermentatione acescit, putrescit & corrumpitur. Foliorum succus chartam cæruleam rubro colore leviter tingit, intensius vero radicum succus, & saporem aliquantisper stypticum, amaricantem referunt. Radices & folia sale essentiali donari videntur, tartareo nitroso, multo sulphure & terra adstringente simul mixtis.

Fraga refrigerant, sitim sedant, æstum ventriculi compescunt, alvum emolliunt, urinam provocant, arenulas expellunt, parum nutriunt, fugacemque alimoniam corpori exhibent. Hæc maxime secundis mensis apponuntur, & saccharo insperso comeduntur vel ex lactis cremore, vel vino aut aqua irrigata. Minus tutum est ea comedere cum lacte, quod facile in ventriculo coagulatur ab acido Fragorum evoluta sale. Vino quamdam horum fructuum commentitiam frigiditatem corrigere tentant, sed perperam: imo, vini admixtione sæpe difficilius coquuntur in ventriculo, nec adeo facile mucosa eorum pulpa dissolvitur, unde diuturniori mora effervescent & acescit, vel corrumpitur; aqua vero facilius dissolvitur, coquitur & citius intestina permeat. Eligenda bene matura, & lotionem in aqua ab omni terra & eluvie repurgata. Picrocholis convenire dicuntur & siticulosi. Verum in ventriculo & intestinis imbecillioribus aut saburra mucosa vel etiam acida onustis facile corrumpuntur aut acescunt, cruditatesque pariunt generi nervoso noxias, ut in quibusdam hypochondriacis observare est. Nonnumquam etiam si majori copia ingerantur, vinosi spiritibus fermentatione evolutis, viscerum æstum augent, aut caput tentant & aliquo modo inebriant, nec gravidis majori copia concedenda, nam præterquam quod colicam in iisdem facile concitant, metuendum est ne propter vim diureticam fetum pellant.

Insuper aperientia sunt & splenitica dicuntur, viscerum obstructions reserant, partibus suis tenuibus & volatilibus humores lentos & viscidos dissolvendo, & blanda adstrictione partium fibras roborando. Renes & vesicam expurgant, unde inter antinephritica recensentur. Mirandum sane quod notat C. Hoffmannus *L. 2. de Med. offic. ff. 16.* se vidisse in quodam qui copiosius comederat Fraga, multas illorum particulas in matula, ita ut renes putarentur colliquati. Certe quidem urina eorum qui assidue Fraga comedunt, fragranti Fragorum odore perfunditur.

G. Fabricius Hildanus *Centur. 5. obs. 38.* cujusdam feminae mentionem facit quæ, post esum Fragorum, jejuno adhuc ventriculo, horrendis symptomatibus statim vexata fuit, ut lipothymia, vertigine, hypochondriorum tumefactione, dolore ventriculi &c. Nec nisi post exhibitum vomitorium restituta fuit. Sed hic notandum est feminam comedissee hæc fraga illota, sine vino aut saccharo. Unde recte J. Raius existimat eos fructus venenatos fuisse ab urina, saliva aut halitu serpentis vel bufonum (qui Fragis summo opere delectari dicuntur,) vel insecti alicujus punctura, quod succum quemdam noxium ipsis immiserat. Sunt, ut observat idem Raius, qui ex

Fragorum solo odore in animi deliquium incidunt. Narrat quoque post Velschium virginem quamdam Austriacam ex esu Fragorum epilepticam factam fuisse, atque exinde quotannis tempore quo efflorescunt, paroxismo obnoxiam fuisse. Sed observationes illæ de Fragorum noxis peculiaria tantum subiecta respiciunt; unde nihil ex eis adversus Fragorum salubritatem concludendum est. Ex Fragorum succo julapia parantur æstate gratissima & utilia ad sitim extinguendam, & sanguinis æstum compescendum; in febribus etiam utiliter propinantur.

Aqua ex Fragis distillatur in officinis pharmaceuticis ad usum cosmeticum præsertim: siquidem illitu faciei maculas & lentigines abstergit. Ad hunc usum tamen aqua ex tota planta distillata a C. Hoffmanno utpote magis abstergens antepositur. At præstantiores dotes ab auctoribus aquæ Fragorum tribuuntur. Cor enim confortare dicitur, vitia thoracis expurgare, morbum arcuatum discutere, sanguinem purgare, ulceribus oris & anginæ auxiliari gargarizatu, calculum renum comminuere, alia etiam juvamenta præstare, si H. Trago credimus. Eadem in calida viscerum intemperie a C. Hoffmanno commendatur, iis præsertim qui pustulosam habent faciem, qui scabie vel in toto, vel in parte, pruriginosa & sicca afficiuntur: singulis diebus mane ʒjss. præterpropter propinatur. Eadem eodem modo sumptam calculosis proponit. Verum aliam longe præstantiorem adversus calculum Fragorum aquam seu potius tincturam J. Bauhinus Gesnero a multis calculosis commendatam refert, quæ sic præparatur. Fraga matura in phialam aqua ardente optima plenam conjicito, in aquam ardentem post horas quadraginta circiter colatam rursus nova Fraga injicito, ac sic relinquito optime tecta ac munita ne aliquid expiret. Cochlear unum sumatur mane jejuno ventriculo cum sacchari candi tantillo. At vero licet J. Bauhinus gratum, probatum, efficacissimumque hoc remedium prædicet, dubito tamen de ejus ad calculum comminuendum efficacia. Reipsa renes & vias urinarias stimulando, arenulas e suis latebris renalibus expellere potest; sed non semper felici eventu, imo nonnumquam pessimo. Si enim arenulæ majores sint quam ut per ureteres descendere queant, incassum propelluntur in eorum orificia, ubi dolores nephriticos, diros cruciatus, mictionem cruentam, renum exulcerationem, & alia mala excitabunt. Quod quidem Em. König de hac aqua spiritiosa observavit, qui in *Regno suo vegetabili* refert incautum ejus usum ulcus renum in quodam senatore Basileensi induxisse.

Fragariæ radices & folia diuretica sunt & aperientia, & crebri usus in viscerum obstructionibus, in ictero. Aliquantisper tamen adstringunt, unde adversus hæmorrhagias, alvi fluxus, dysenterias nonnumquam præferibuntur. Catarrhos & distillationes cohibere dicuntur, tum adstrictione sua partes roborando, tum serum sanguinis per urinarias vias educendo. In decoctis & ptisanis diureticis & aperientibus frequenter usurpantur, radices præsertim quæ cum Oxalidis radicibus consociari solent, & decoctum subrubrum efficiunt. Ubi observandum est etiam harum radicum decoctum assidue & assatim epotum alvinis excrementis rubentem colorem fecum vini aut carniæ loturæ similem inducere, ita ut primo intuitu ægrotans fluxu hepatico affici videatur. Sed mutato potu
fluxum

statim alvinarum fæcum color mutatur. G. Hoffman. asserit Fragariam præstare egregium diureticum in febribus colliquativis, ad aquam intercutem ad renes derivandam. Ejusdem decoctum adversus icterum utile esse S. Paulli testatur: & hoc decoctum palato gratum puerulis ictero laborantibus qui Chelidonii decoctum plerumque averfantur parare solebat.

Rx. Herbae Fragariæ cum toto (ut loqui amant Medici, hoc est, plantæ integræ cum foliis, radicibus & flagellis) Cuscutæ ana M. j. Uvar. passular. Corinthiacar. concisar. vel contusar. ℥ij. Tartari albi pulver. ℥ss. Coq. in f. q. decocti Hord. ad remanentiam ℔j. in qua dissolve syrup. Berberis ℥j.

Idem refert Fragariam in vino rubro coctam & aliquoties pubi & pectini inpositam instar cataplasmatidis, album mulierum fluxum sistere; quod etiam in pollutione nocturna & gonorrhœa non virulenta efficacissimum comperit.

Nobelius in *Miscell. natur. curiosor. Dec. 3. ann. 3. observ. 81.* vim traumaticam insignem Fragariæ assignat, & aliquot observationibus ulcerum pedum, tibiærum aut crurum sanatorum & tumorum œdematosorum resolutorum sola foliorum Fragariæ contusorum applicatione comprobat. Quam quidem virtutem tribuit tum particulis salino-sulphureis tenuibus quibus hæc planta turget, quæ stagnantem sub cute lympham viscidiorē resolvere, fracidum ulcusculorum acorem immutare, & humorum circuitum in loco affecto restituere valent, tum particulis suis austeris ac terreis fixis quæ laxatas cutis fibras stringunt, atque ita resolutam lympham per cutis poros exprimunt, patentia ulcusculorum ora contrahunt, & illa, nova succrescente carne, consolidant.

Ad perniones, seu fissuras & intertrimenta manuum & pedum hyberno tempore a summis algoribus provenientia, præcavenda, Fraga contusa cataplasmatidis modo, partibus quæ per hyemem affici solent, æstate per aliquot noctes applicantur.

Fragariæ folia usurpantur in unguento martiato magno *Fernelii* & ung. mundificativo de Apio *Bauderoni*.

F R A X I N U S.

FRAXINUS, *Off.* Fraxinus excelsior *C. B. P.* 416. *Inst. R. H.* 577. Fraxinus vulgatiore *J. B.* 1. 174. *Raii Hist.* 1702. Fraxinus *Dod. Pempt.* 833. Fraxinus vulgaris *Parkinson:* vulgo, *Frene.*

Alta & procera arbor Fraxinus caudice assurgit simplici, recto, crassitudinis subinde haud exigua, frequenter mediocris: cortice contegitur lævi, cinereo: lignum albidum est, læve, durum, & crispo pectinum discursu undulatum: rami hujus ex adverso positi, teneriores recensque enati geniculis aliquot nodosi sunt, medullamque intus habent candidam & fungosam, sed vetustiores toti lignosi geniculis ac medulla carent. Frondes pennatæ ex compluribus foliis constant, quadruplici, quintuplici, vel etiam sextuplici pinnarum conjugatione quam impar folium terminat, ad costam annexis, oblongis, latis, Laurinis similibus, sed mollioribus, dilutius virentibus, ac nequaquam odoratis, per ambitum leviter ferratis, & sicco sapore, subamaro, acri ac mordaci præditis. A tenerioribus ramis juxta foliorum exortum aliquot prodeunt
simul

simul dependentes pediculi ramosi, qui flores plurimos sustinent apetalos, exiguos, gemino apice donatos, & pistillo bicorni, quibus succedunt fructus plani, membranacei, oblongi, angusti, avicularum nonnullarum linguis affimiles, sescunciam longi, parum culmo latiores, fusci, in quibus semen perficitur ejusdem pene formæ, subrubrum, intus album, medullosum, gustu amaricante ac medicato. Radices summa tellure gaudent & in superficie terræ late extenduntur. In sylvis agri Parisiensis sponte crescit. Cortex, lignum, fructus usitata sunt.

Analyti chymica, ex Fraxini foliorum recentium ℥v. distillatis prodierunt humoris limpidi, fere inodori & insipidi, obscure acidi ℥xiiij. ℥v. humoris primo limpidi, magis ac magis acidi manifeste, deinde rufi, leviter empyreumatici, obscure austeri ℥iiij. ℥j. gr. liiij. humoris rufi, empyreumatici, sale volatili urinoso copioso imprægnati ℥ij. ℥iiij. gr. xxvj. olei spissi ad instar extracti ℥iiij. gr. xxxvj. Massa nigra in retorta superstes pendebat ℥vj. ℥v. quæ rite calcinata reliquit cinerum ℥ij. ℥j. gr. xxxvj. ex quibus salis fixi mere alcali ℥iiij. gr. xxv. lixivio sunt extracta. Partium jactura in distillatione fuit ℥iiij. gr. xviiij. in calcinatione ℥iiij. ℥iiij. gr. xxxvj.

Ex corticis Fraxini recentis ℥v. prodierunt humoris limpidi, inodori, subacidi, cum levi acredine ℥xij. humoris limpidi, acidi magis ac magis, subausteri ℥j. ℥iiij. ℥iiij. gr. lx. humoris rufi, fusci, empyreumatici, intense acidi, aeris, urinosi & austeri ℥viiij. ℥iiij. gr. xviiij. olei spissi & aqua gravioris ℥ij. ℥ij. Massa in retorta residua semicalcinata ob retortæ fissuram pendebat ℥j. ℥v. quæ calcinata reliquit cinerum albicantium ℥iiij. ℥iiij. gr. liiij. ex quibus salis fixi mere alcali ℥ij. gr. xlv. lixivio extracta sunt. Partium jactura uberior ob fissuram æquavit ℥j. ℥v. gr. lxxvj. in calcinatione ℥xij. gr. xviiij.

In Fraxino Cl. Tournefortius salem essentialē contineri dicit fere similem Oxysali Diaphoretico Angeli Salæ, cum multo sulphure & terra conjunctum. Corticis infusum vel decoctum vitrioli solutionem Gallarum instar nigro colore tingit.

Foliis vis vulneraria assignatur; cortici splenitica, diuretica & febrifuga: semini diuretica & aphrodisiaca. Ligno quoque vis exsiccans & sudorifera: necnon styptica a nonnullis tribuitur.

Folia interne raro adhibentur. Quidam tamen foliorum & summitatum succum quotidie mane pauca quantitate potum hydropicis conducere dicunt. Ettmullerus eadem recentia contusa vulneribus recentibus, & locis quibus hæmorrhagiæ contingunt, imposita, revera balsami vulnerarii vices sustinere scribit, & vulgarem rusticorum curationem esse refert. Aqua ex Fraxini foliis distillata ad surditatem commendatur, referente Ettmullero: eandem potam ictero & calculo mederi Tragus scribit.

Cortex & lignum Fraxini siccant & attenuant: lienis duritiem specificè emollire dicuntur; unde & in poculis ex hoc ligno factis si quis assidue bibat, lienem extenuari ajunt, eoque nomine & corticis decoctum quidam exhibent. Idem cortex febrifugus dicitur & a nonnullis in locum Kinæ Kinæ substituitur, sed perperam. Lignum etiam, referente Ettmullero a nonnullis Germanorum Guajacum dicitur, & ab illis diureticum & sudoriferum habetur.

betur, licet hoc ligno viribus longe inferius sit. Multa de hujus ligni vulneraria sympathica proferuntur, quæ velut futilia rejicimus.

Sal ex corticis Fraxini cineribus elixus urinas potenter movet, quod quidem illi commune est cum reliquis salibus alcali lixiviosis. Idem sal, auctore S. Paulli, ex Fraxini tenellis ramulis & corticibus una extractus mire convenit variolis & morbillis laborare incipientibus, in aqua Cardui benedicti, cum tantillo syrupi Granatorum vel Rubi Idæi dilutus, a gr. v. ad xv. vel etiam cum Cornu Cervi philosophice præparato remistus: potentissime enim, inquit, sudores movet.

Corticis & summitatum Fraxini cinis nodulo exceptus, cauterii potentialis supplet vicem madefactus & impositus, ut testatur post Lobelium Simon Paulli, indeque foraminulum contractum reaseratum, immisso Hederæ folio, fovetur.

Ramulus Fraxini recens avulsus & una extremitate igni commissus, altera exsudat liquorem seu aquam, quæ maxime commendatur in surditate.

Semen quod in Officinis pharmaceuticis Ornithoglossum, Orneoglossum, Lingua avis, Passerina & Anserina dicitur, quod avium linguam quodammodo referat, sale volatili acri nitroso turgescit, & diureticum est: propterea nephriticis & calculosis commendatur. Hujus seminis post plenam maturitatem exsiccati pulvis ad ℥j. non tantum ad calculum, sed etiam ad icterum & hydropem remedium præstantissimum a J. Raio dicitur. Idem etiam sæpius ex vino Rhenano exhibitum ad obesitatem laudatur, nam corpore obesos ad maciem reducit. Insuper acrimonia sua veneris stimulos excitare dicitur. Cum nucleis pistaceis, pineis, & Saccharo miscetur & comeditur.

Semen illud distillatum oleum fundit empyreumaticum, ab empyreumate per rectificationem liberandum, perquam acre, potenter diureticum, & velut insigne antinephriticum a Glaubero in *sua Pharmacia Spagyrica*, magnopere laudatum. Semina Fraxini viridia, seu potius fructus collecti ante maturitatem in Anglia, narrante Raio, muria ex aceto & sale condiuntur pro acetariis.

De antipathia inter serpentes & hujus arboris ramos foliaque Plinius mira refert. Tanta vis est, inquit, ut ne matutinas, occidentesve umbras cum sint longissimæ, serpens ejus arboris attingat, adeo eam procul fugit. Experti prodimus, si fronde ea gyro claudatur ignis & serpens, in ignem potius quam in Fraxinum fugere serpentem. At Camerarius contrarium se expertum scribit in serpentibus Germanicis: & Moyles Charas in *Observ. & Experimentis de Viperis* asserit se facto circulo e foliis Fraxini qui habuerat circa tres pedes diametri, viperam vivam in eum immisisse, quæ folia nihil verita, illico sub iis sese occultatum ivit.

Ligni materies ad plurima utilis, quippe quæ obedientissima, tenacissima & durissima.

Fraxini semen usurpatur in electuario Diasatyrio Nicolai Myrepsi.

F U M A R I A.

FUMARIA & Fumus terræ, Off. Fumaria Officinarum, & Dioscoridis flore purpureo, C. B. P. 143. & Inst. R. H. 422. Fumaria vulgaris, J. B. 3.

201. *Parkins. Raii Hist.* 405. *Fumaria*, *Dod. Pempt.* 59. *Capnos*, *Fumaria*, *Lobel. Icon.* 757. *Fumus terræ*, *Brunsfels. Thalii*: *Herba melancholifuga*, *Catalog. Altorffin*: *Cerefolium felinum* aut *Columbinum* nonnullorum, *Corbei. Pharmac.* 36. vulgo, *Fume terre* ou *Fiel de terre*.

Fumariæ radix tenuis, alba, modice fibrosa, recte dimissa: caulis nunc unus, nunc plures brachiati, angulosi, inanes, glabri, colore partim purpurante, partim in albo virente. Folia ima ex longis pediculis, latiusculis & angulosis tenuiter dissecta ad umbellatarum fere modum, glauca, alternatim caulibus adnata. Flores congesti in spicam, quæ non e folii ala oritur, sed ex adversa caulis parte, tenues, oblongi, polypetali, anomali, papilionaceorum æmuli, ex duobus tantum petalis constantes quasi bilabiati, labio superiori in caudam abeunte, cum inferiori ad pediculum conjuncto. Inter hæc labia velut in palato pistillum positum est vagina obvolutum cum staminibus aliquot apicibus donatis. Singulis flosculis singuli succedunt fructus membranacei, cranio similes, subrotundi, minutuli, in quibus semen parvum, subrotundum, ex nigro virens, saporis amari, ingrati. In agris & locis cultis sponte nascitur. Planta integra usurpatur, præsertim florida.

Analyti chymica, *Fumariæ* floridæ, demptis radicibus, ℥v. per retortam distillatæ præbuerunt humoris limpidi, odoris & saporis fere expertis, obscure acidi ℥j. ℥xv. ℥j. gr. lxxvj. humoris primo limpidi, subacidi, deinde rufi, ac fusci, odore & sapore panem rusticanum referentis, sub finem empyreumatici, manifeste acidi, ac tandem intense acidi, austeri ℥ij. ℥iiij. ℥vj. gr. xlvij. humoris fusci, sale volatili urinoso copioso imprægnati ℥j. ℥iiij. salis volatilis urinosi ℥j. olei syrupi ad instar spissi ℥j. ℥vj. gr. xv. Massa nigra in retorta residua pendebat ℥iiij. ℥v. gr. xxxvj. quæ rite calcinata reliquit cinerum ℥j. ℥vij. gr. iiij. ex quibus lixivio salis fixi mere alcali ℥iiij. gr. xxx. extracta sunt. Partium jactura in distillatione fuit ℥iiij. gr. xxvij. in calcinatione ℥ij. ℥vj. gr. xxxij.

Hæc planta intense amara est & chartam cæruleam rubro colore inficit. Sale essentiali donatur ammoniacali cum aliqua salis mirabilis Glauberi portione & multo sulphure conjuncto.

Fumaria purgat bilem & humores adustos, verum magna dosi exhibita. C. Hoffmannus succum exhibet ab ℥v. ad ℥x. vel ℥xij. Ad alterandum ad ℥vj. propinari solet. Nostrates verno tempore herbam integram floridam ad M. j. in sero lactis ℥j. leviter decoquunt & decoctum percolatum cum syrupi *Violarum* ℥j. propinant. Diuturnam coctionem non fert; ea enim sale suo volatili orbatur. Sanguinem fluidiorem efficit, humores tenaces potenter incidit & sensim expurgat, obstructions aperit, ventriculum & viscera roborat, urinas & menses promover. Hinc in cachexia, morbis chronicis, melancholicis, hypochondriacis, ictero, scorbuticis affectionibus plurimum commendatur, *Freitagius in Aurora Medicor.* dicit se hypochondriacis quos simul scorbutus affecerat, quique aliis remediis diu exagitati frustra fuerant, succum *Fumariæ* & *Cochleariæ* in sero lactis caprilli, idque in primis verno tempore, cum successu exhibuisse. Ettmullerus succum *Fumariæ* recenter expressum cum succo *Buglossi* & sero lactis mistum, & Vere mane calide sumptum

ptum in morbis cachecticis & melancholicis commendat. Riverius *in Observ.* refert succi Fumariæ ℥iij. cuidam ictero laboranti & vomitu frequenti vexato propinatis, prima exhibitione vomitum fuisse cohibitum, eodemque remedio per aliquot dies continuato morbum omnino sublatum fuisse.

In cutaneis affectionibus, scabie, pruritu, impetigine, serpigine, specificum medicamentum audit. Simon Paulli scabiosissimos ejus simplici infuso ex sero lactis vel decocto ex cerevisia se restituisse asserit. Necnon virgunculam quamdam nobilem septennem delicatulam, scabie infestatam, universalibus præmissis, sequenti decocto non ingrato, paucis intermissis diebus fuisse restitutam refert.

℞. Herbarum Fumariæ M. j. Fragariæ, Cuscutæ ana M℥. Radicum Taraxaci, Acetosæ ana ℥ij. Cinnamomi acuti ℥iij. Coquantur in seri Tamarindinati q. s. F. colatura, quæ clarificata edulcetur cum syrupi Berberis q. s. Pro singulis hujus decocti ℥℥. adde essentiæ Plantaginis ℥ij. F. apozema sumendum ad ℥vj. tertia vel quarta quaque hora.

Aqua ex Fumaria distillata servatur in Officinis, quam diureticam & sudoriferam esse dicunt. Simon Paulli illam deficienti aquæ Cardui benedicti surrogare solebat. Alii hanc sudoriferam virtutem illi denegant, nisi cum Theriaca vel Mithridatio consocietur.

Camerarius ex Brassavola observat hujus plantæ pulvere sæpius exhibito quemdam a melancholia liberatum fuisse. Pulvis a ℥℥. ad ℥j. exhibetur.

Conserva Fumariæ in Officinis præparatur. Ad eisdem usus ad ℥℥. sumitur.

Extractum quoque conficitur non exiguæ virtutis ad ℥℥. vel ℥j. exhibitum. Cum ceteris extractis amaris in cachecticis affectionibus & viscerum obstructionibus optime consociatur.

℞. Extractor. Fumariæ, Gentianæ, Absynth. Centaur. minor. & Nasturtii aquatic. ana ℥j. Extractor. Elixir. propr. Paracels. Rhabarbar. & cortic. Peruvian. ana ℥j℥. Croci martis aper. & cortic. malor. Aurantiior. acrium pulverat. ana ℥℥. Syr. Menthæ crispæ q. s. M. F. opiata. Dosis ℥℥. bis die.

Externe Fumariæ succus vel aqua distillata oculis indita oculorum caliginem discutere vulgo creduntur. Idem succus in quo gummi solutum fuit, oculis illitus præcavet duplicaturam ciliorum. Ex succis Fumariæ, Lapathi sylvestris, & Enulæ campanæ super ignem inspissatis cum axungia porcina mistis unguentum conficitur adversus scabiem & cutaneos affectus perutile.

Ex Fumaria syrupus simplex & compositus in Officinis nonnūquam reperiuntur.

Usurpatur Fumaria in electuario de Psyllio, Electuar. Sennato, Confectione Hamech, Syrupo de Cichorio composito.

F U N G U S.

EX TOT FUNGORUM generibus sive innoxiiis, sive nocivis, de duobus tantum mentionem faciemus qui apud nos innoxie esitari solent, quorum unus dicitur, Fungus campestris esculentus vulgatissimus; alter vero Fungus vernus & esculentus (*Mouceron*) nuncupatur. Quibus tertium genus adjiciemus ex nocivorum classe qui Fungus pulverulentus, Crepitus lupi, & Lycoperdon nuncupatur.

FUNGUS campestris esculentus vulgatissimus, Fungus sativus equinus *Parisienſium*: Fungus pileolo lato & rotundo, *C. B. P.* 370. *Inst. R. H.* 556. Fungus campestris, albus superne, inferne rubens, *7. B.* 3. 824. Fungi vulgatissimi, esculenti, *Lobel. Icon.* 271. IX. Genus esculentorum Fungorum, *Clus. Hiſt.* cclxvii. vulgo, *Champignon*.

Primo pullulatu globosus est, postmodum paulatim explicatus membranulas seu lamellas infra ostentat rubentes, confertas: superius inoffenso laevo-re æquabilis & albus, materia intus candidissima, pediculo brevi, crasso. Saporis & odoris est boni, primum e terra erumpens, ideoque antequam explicetur colligendus est; nam vetustate vitium contrahit & noxius fit, gravem odorem contrahens & fuscum colorem. Fungus ille vulgatissimus in sylvis & in pascuis sponte passim crescit, & post pluvias potissimum exit. In suburbanis hortis olitoriis, in pulvinis ex fimo equino & terra summa arte & industria constructis ac præparatis, colitur & uberrime provenit. Horum pulvinorum construendorum & præparandorum ratio in *Commentariis Regiæ Scientiar. Academiæ Parisiensis ann. 1707. pag. 58.* a clariss. viro D. Tournefort accurate enarrata reperitur.

FUNGUS vernus & esculentus, *Mouceron* dictus, Fungus pileolo rotundiori, *Mouceron* dictus, *Inst. R. H.* 557. Fungi verni, *Mouceron* dicti odori & esculenti, *7. B.* 3. 823. vulgo, *Mouceron* ou *Mouſſeron*, quia sub musco communiter provenit & sub eo latitat.

Primulum erumpentes hi Fungi, pediculis brevibus fibras deorsum agentibus capitula sustinent Pilo magno æqualia: duodecuplo majorem molem, nisi avellerentur, assecuturi; sed pediculus teres, & in imo crispus vel rugosus, ex terra non multum emergit. Ceterum clusiles sunt, rotundique in summo, subtus vero, qua instar tentorii reflexi, rimosis e centro ad circumferentiam striis donati: ubi penitus excreverunt, campestrium Fungorum instar expanduntur. Tota vero substantia intus forisque candidi, gustus gratissimi, odorisque grati, & eapropter mensis lautioribus expetuntur.

Analyſi chymica, ex Fungorum campestrium, vulgatissimorum, esculentorum, recentium lbv. per retortam distillatis prodierunt humoris limpidi, Fungorum odorem & saporem referentis, magis ac magis ingrati ac tandem paulisper urinosi, obscure alcali & subsalsi lbj. ℥xiiij. ℥vij. gr. xx. humoris limpidi, minus odori & sapidi, subsalsi lbij. ℥vj. humoris limpidi, ejusdem odoris & saporis, subsalsi & alcali urinosi ℥xj. ℥vij. gr. xij. humoris rufi, deinde fusci, empyreumatici, sale volatili nrinoso copioso imprægnati ℥j. ℥ij. gr. xlvij. olei fluidi & limpidi ℥vj. gr. xlij. salis volatilis urinosi concreti ℥ij. gr. x. Massa nigra in retorta residua pendebat ℥j. ℥iiij. gr. lvj. quæ rite calcinata cinerum reliquit ℥vj. gr. xlvij. ex quibus lixivio salis fixi mere alcali ℥iiij. gr. xxj. extracta sunt. Partium jactura in distillatione fuit ℥iiij. gr. xxix. in calcinatione ℥vj. gr. viij.

Fungi salem ammoniacalem essentialem continere videntur cujus acidum sale volatili urinoso copioso saturatum est, & cum oleo copioso ac pauca terra conjunctum. Hæc principia magna phlegmatis copia diluuntur. Ex ætuoſo illo sale volatili, urinoso, ammoniacali, oleoso, sapor & odor Fun-
gorum.

gorum; unde etiam eorum corruptio vel putrefactio facilis. Si enim confusi sibi relinquantur ad putrescendum, in liquorem mucosum colliquefcunt qui nullas falis urinosi notas amplius præbet, fed falſi & acidi falis evoluti. Urinoſus enim ſal volatilis avolavit.

Fungus nonnullis a *funere*, vel a *funus* & *Ago*, vel a *Fungor* dictus videtur, quia veneno ſuo ad funus veſcentes deducit. Quidquid ſit de etymo, Fungus certe hoc nomine non immerito male audit, ut qui a vide deglutientibus non raro funeſtus & exitialis fuerit. Nam ut eos præteream Fungos qui ſe noxios fatetur, & habitu ipſo malitiam produnt; alii non pauci maligni cum ſint, ſalubres ſimulant, adeoque incautos perſæpe fallunt, & ad ſe colligendum invitant. Unde nos oblatorum ſalubritate ſecuros eſſe non ſiunt colligentium vel imperitia, vel incuria, vel forte etiam malitia. Quin & ſalubres & eſculenti habitus vitium facile contrahunt, vel ex genio loci ubi naſcuntur, vel ex natura ſucci quem combibunt, vel ex putridorum aut venenatorum vicinia & afflatu. Quod ſi nihil horum ſit, conſentientibus omnibus peritiſſimis Scripto-ribus, vel optimi largius ſumpti lædunt, ut qui pravum ſuccum generent, ægre coquantur, ſtrangulent, & bilis ſurſum & deorſum eruptionem inducant. De his Athanaſius Kircherus *L. de Peſte* ſic loquitur. Fungus qualicumque ſit ſemper malignus eſt, ſemper exitialium qualitatibus apparatus inſtructus: etſi non ſtatim ſentiatur, frequenter tamen comesus, neſcio quid tamen occultæ machinationis interiore viſcerum adminiſtratione moliatur. Apagete ergo, inquit J. Raius, iſthæ gulæ blandimenta. Quæ tanta, ut cum Plinio loquar, ancipitis cibi voluptas? An uſque adeo vitæ tædet, ut eam tam vili offa permute-mus, mortemque ſemper in procinctu ſtantem ſollicitemus.

Symptomata graviffima, imo letalia, quæ a deleteriis Fungis excitantur, ſunt maxime vomitus, præcordiorum oppreſſio & anxietas, ſtrangulationis ſenſus, ventris tormina, cardialgia, diarrhæa, dysenteria, animi deliquium, frigidus ſudor, ſingultus, tremor partium. Foreſtus *De Venenis Obſerv.* 2. p. 36. ſolo interdum odore eos comitialis ſimilisque cerebri morbi, imo ſubitæ mortis cauſam extiſſe ſcribit, & mulierem ex eſu Fungorum in morbum graviffimum incidiffe, & ab eo inſanam permanſiſſe refert. Hildanus *Centur.* 4. *Obſerv.* 35. memorat, ſymptomata peſſima cuidam qui manibus tantum Fungos verſabat accidiffe.

Hæc ſymptomata quæ Fungi adeo celeriter in ventriculi & inteſtinorum membranis & fibris nerveis concitant a particulis ſalino-ſulphureis, ſubtilibus, acribus & caſticis provenire videntur. Reiſſa exſiccati & bene cum aqua calida eloti non ita nocent, quia partes illæ acres caſtica exſiccatione vel lotione avolarunt aut extractæ fuerunt. Nonnulli etiam eorum noxam emendare putant aceto vel oleo quæ eaſdem particulas retundunt vel involvunt. Verum quocumque modo etiam ſumptuoſiſſimo præparati, ad ſi-metum unde oriuntur relegandi ſunt, fugiendique cane pejus & angue ab omnibus ſanitatis ſtudioſis. Si quis vero forſan venenatos comederit, nul-lum præſentius poſſem ſuadere auxilii genus, quam ut emeticum cum co-pioſo lacte aut oleo bibat, quod & temperandæ acrimonix & expellendæ ex ventriculi regione venenatæ materiæ erit accommodatiſſimum.

FUNGUS pulverulentus, Crepitus lupi, & Lycoperdon, *Off.* Lycoperdon vulgare, *Inst. R. H.* 563. Fungus rotundus orbicularis, *C. B. P.* 374. Fungus orbicularis, *Dod. Descript. Pempt.* 484. Fungus pulverulentus, dictus Crepitus lupi, *J. B.* 3. 848. Fungus ovatus, Crepitus lupi, *Tragi*: vulgo, *Vesse de loup*.

Nulla fere conspicuo pediculo nititur: subrotundus est, nucis Juglandis plus minus magnitudine, membranofus, primo dum junior est, cute albicante subcinerea, eaque non lævi & æquali sed velut granulata tectus, includens pulpam initio mollem, candidam aut virescentem, deinde per tempus medullosam, levem, raram, spongiosam, lividam & veluti fuliginosam, quæ, dum corrumpitur, in tenuissimum, siccum, foetidum & gustu adstringentem pulverem abit. Calcatus crepitum edit, & fumum pulverulentum ac foetidissimum emittit.

Alia species est hujus Fungi quæ tantam assequitur magnitudinem, ut caput humanum facile æquet aut excedat, cute membranea satis firma cinctus, in principio ex albo cinerea, cum tempore livida, substantia lenta, rara: siccus adeo levis est ille Fungus, ut caput humanum mole æquans unciale pondus quandoque non excedat. Dicitur Lycoperdum alpinum, maximum, cortice lacero, *Inst. R. H.* 563. n. XXXVI. generis perniciosorum Fungorum species 3. *Clusii Hist.* cclxxxviii. Fungus maximus rotundus pulverulentus dictus Germanis *Pföfist*, *J. B.* 3. 848. Prior species in agro Parisiensi sponte provenit. Posterior in Alpibus, Germania aliisque locis nascitur.

Analyti chymica, ex hujus Fungi recens collecti lbv. per retortam distillatis prodierunt humoris primo limpidi, Fungorum odorem saporemque leviter referentis, obscure falsi, deinde rufescentis, alcali urinofi, ac tandem rufi, & sale volatili urinoso copioso imprægnati lbiiij. ℥viiij. ℥iiij. salis volatilis urinofi concreti gr. xxxviiij. olei fluidi ℥iiij. gr. xv. Massa nigra in retorta residua pendebat ℥iiij. ℥ij. gr. xxxvj. quæ rite calcinata reliquit cinerum obscure cærulescentium ℥ij. gr. xxiiij. Lixivium horum cinerum per chartam bibulam transcolatum semper turbidum remansit, & ad tertias evaporatum glutinosum remansit & spissum pultis ad instar: tandem assiduo igne exsiccatum massam glutinis taurini similem reliquit siccam, quæ aeri exposita citissime humiditatem & lentorem contraxit: sicca pendebat ℥iiij. gr. l. Saporem falsum referebat. Sal ille fixus non mere alcali, sed falsus, aliquam olei portionem retinere videtur, quam in diuturna calcinatione numquam deserit. Partium jactura in distillatione fuit ℥ij. ℥v. gr. lv. in calcinatione ℥iiij. gr. xij.

Ille Fungus salem essentialem ammoniacalem continet multo sale volatili urinoso saturatum cum oleo tenui, acri, copioso, terraque adstringente permixtum.

Interne ob metum veneni non exhibetur. Externe adstringit, incrassat & humida absorbet, & sanguinem sistentibus medicamentis annumeratur. Vulneribus unde sanguis prorumpit exsiccat & pulveratus inspergitur, ulcera manantia exsiccat, hæmorrhoidum fluxum cohibet. Vetustiores & justam maturitatem adepti, exsiccati & omni pulvere vacui in Germania a tonsoribus omnibus asservantur ad hos usus. Oculis tamen pulvis iste inimicus est, vehementissimasque ophthalmias incaute inspersus producit.

G A L E G A.

GALEGA, *Off.* Galega vulgaris, floribus cæruleis, *C. B. P.* 352. Galega, *J. B.* 2. 342. *Dod. Pempt.* 548. *Raii Hist.* 911. Ruta capraria, Fœnum-Græcum sylvestre, *Taber. Icon.* Caprago, *Cæsalp.* 249. vulgo, *Galega*.

Hinc inde per terram spargit tenues radices, lignosas, albas, fibratas, diurnas, aliquot continuis annis primo vere regerminantes: caules vero tollit bicubitales & altiores, striatos, inanes, ramis compluribus brachiatos: folia Viciæ pinnata, impari alam claudente, longiora, spinulam mollem ex extremitate proferentia, sapore leguminaceo: flores peculiaribus insident surculis ex foliorum alis exortis; jubam longam efficientes, penduli, papilionacei, colore albo, vel ex albo violaceo: quibus succedunt siliquæ teretes & quasi cylindræ, tenues, longæ, erectæ, in quibus semina continentur plura, oblonga & veluti reniformia. In Italia sponte crescit: apud nos in hortis feritur. Herba usus est apud Italos crebrioris, apud nos vero rarioris.

Analyti chymica, Galega acidum phlegma copiosum, spiritus & salis concreti urinosi aliquantulum, mediocrem olei, exiguam vero terræ portionem præbet. Salem essentialem continere videtur ammoniacalem cum sulphure & terra adeo implicitum, ut mixtum mucaginosum constituat.

Celeberrimum dicitur alexipharmacum & sudoriferum, venenum, in primis pestilentielle, potenter discutiens. Illius usus commendatur in petechiis expellendis, aliisque morbis pestilentialibus, ipsaque peste curanda, in morbilis; in epilepsia infantum, in ictibus serpentum & adversus lumbricos. Estur herba ipsa cruda vel cocta, vel succus ad cochlear unum aut alterum exhibetur: in jusculis & apozematibus alexitericis ad M. j. præscribitur. Fabulam de duello lacertæ & viperæ a Foresto *L. 2. de falso urinarum iudicio cap. 5. pag. 156.* relatam, ad vim ejus alexiteriam & vulnerariam comprobendam, sedulo omisimus.

Ex tota planta florida contusa & vino albo macerata per sex dies, aqua distillatur cui eadem virtutes tribuuntur. Ab ʒj. ad quatuor exhibetur.

G A L E O P S I S.

TRES PLANTÆ sub hoc nomine in usum medicum veniunt, nempe Galeopsis sive Urtica iners, magna, foetidissima; Galeopsis angustifolia foetida; & Galeopsis sive Urtica iners flore luteo.

Galeopsis, Galiopsis, sive Urtica iners, magna, foetidissima, *Off.* Galeopsis procerior, foetida, spicata, *Inst. R. H.* 185. Lamium maximum, Sylvaticum foetidum, *C. B. P.* 231. Galeopsis sive Urtica iners, magna, foetidissima, *J. B.* 3. *App.* 853. Urtica herculea, *Tab. Icon.* 536. Galeopsis legitima Dioscoridis, *Parkin. R. H.* 548. Galeopsis vera, *Gerard. Emacul.*: vulgo, *Grande Ortie puante*.

Radix sub terra reptat, fibras tenues e geniculis subinde dimittens. Caules inde exurgunt cubitales aut sesquicubitales, quadrati, hirsuti, inanes, ramosi.

Folia ex adverso bina, Urticæ majoris nonnihil latiora, acuminata, innocua lanugine obsita, in ambitu serrata, pediculis longis insident, ea etiam quæ in caule sunt. In summis caulibus & ramulis flores in spicas longas, angustas, verticillis non admodum crebris compositas digesti, monopetali, labiati purpurei, quorum labium superius lineis albis picturatum cochlearis instar est excavatum, inferius vero in tres partes divisum, medio segmento obtuso, longo, utrinque reflexo, lateralibus parvis, brevibus, cum staminibus purpureis, odorem foetidum ac gravem spirantes. Ex calyce quinquipartito, brevi, patulo, surgit pistillum posticæ floris parti ad instar clavi infixum, ac quatuor veluti embryonibus stipatum, qui deinde abeunt in totidem semina oblonga, mediocris magnitudinis, per maturitatem nigra, in imo calyce recondita. Odor totius plantæ foetidus & ingratus admodum. Tota planta agri Parisiensis incola in usum venit.

Galeopsis odorem foetidum bituminosum refert, saporem herbaceum subsalsum, aliquantisper adstringentem. Ejus succus chartæ caruleæ colorem non mutat, Unde salem ejus essentialem Cl. Tournefortius asserit sali terræ naturali similem, compositum ex sale ammoniaco, nitro & sale cibario, qui hac in planta multo viscoso phlegmati uti & sulphuri & terræ immixtum est.

Vulneraria est, tumores resolvit, & dolores demulcet. Infusum foliorum & florum a rusticis exhiberi solet in pleuritide, nephritide, & adversus scrophulas. Doctor Boerhaave apud Raium herbæ decoctum, vel ejusdem exsiccatae pulverem commendat in affectibus lienis. Folia recentia contusa & phagedenæ imposita, eam brevi sanant. Oleum in quo folia & flores per aliquod tempus macerata sunt plurimum valet adversus ambusta & tendinum vulnera.

GALEOPSIS angustifolia foetida, *Off.* Galeopsis palustris, Betonicæ folio, flore variegato, *Inst. R. H.* 185. Stachys palustris foetida, *C. B. P.* 236. Galeopsis angustifolia foetida, *J. B.* 3. *App.* 854. Stachys aquatica, *Tabern. Icon.* 377. Clymenum minus, *Dalechampii Lugd.* 1357. Sideritis Anglica strumosa radice, *Parkinson. Raii Hist.* 563. Panax coloni, & Marrubium aquaticum acutum, *Gerar: Tertiola, Cæsal. vulgo, Petite Ortie puante.*

Radice est geniculata, reptante, tumoribus inæquali & velut strumosa: caulibus bicubitalibus & tricubitalibus, modice rubentibus, hirsutis, asperis, quadratis, inanibus: foliis ex nodis binis ex adverso nascentibus, angustis, acuminatis, hirsutis, mollibus, averfa folii costa rubescente, nonnihil asperis, per ambitum serratis, odore gravi, sapore subamaro: floribus spicatis, verticillatis, monopetalis, labiatis, purpurascens, labello variegato: calyculo brevi, quinquipartito: seminibus quaternis, nigris, nitidis fere triquetris. In locis humidis sylvarum & secundum rivulorum ripas sponte nascitur.

Folia amara sunt & foetida, & chartæ caruleæ mutationem fere nullam eorum succus affert. Salem essentialem continere videntur ammoniacalem oleo multo implicitum.

Eadem huic tribuuntur virtutes quæ priori. Vulneraria est insignis. Gerardus hujus herbæ efficaciam in vulneribus sanandis, experientia cujusdam messoris Cantiani, qui crus sibi falce graviter vulneraverat, edoctus, miris illam præconiis celebrat. Folia tusa cum axungia porcina vulneribus recentibus

imponit. Hinc nomen Panacis coloni. Paul. Hermannus syrupum ex ea paratum optimum esse remedium ad raucedinem perhibet. Adversus tertianas febres a Cæsalpino commendatur.

GALEOPSIS five Urtica iners flore luteo, *Off.* Galeopsis five Urtica iners flore luteo, *J. B.* 3. 323. *Inst. R. H.* 185. Lamium folio oblongo luteum, *C. B. P.* 231. Urtica iners tertia, five Lamium luteo flore. *Dodon. Pempt.* 153. vulgo, *Ortie morte a fleurs jaunes.*

Radice est inæquali, fibris plurimis majusculis stipata: caulibus longis, quadratis, infirmis, concavis: foliis binis, per intervalla oppositis, viridibus, longis, angustis: floribus ad genicula verticillatim caulem ambientibus, monopetalis, labiatis, luteis, galea ampla ad margines pilosa, quatuor staminibus albentibus cum apicibus luteis, & stylo purpureo, bicorni, e centro calycis in medio quatuor seminum egresso. Rarius in usum venit, nonnunquam Lamio vulgari albo substituitur.

Adversus alvi fluxus & fluorem album mulierum commendatur. Urinam promovet & lienis morbis medetur five externe admota, sub forma cataplasmatismatis, aut decoctum ejus intus sumptum.

Aliæ plures plantæ sub Galeopsidis nomine apud Medicos auctores reperiuntur, ut Lamii species nonnullæ, de quibus suo loco.

GALLIUM.

GALLIUM duplex in Officinis, luteum & album.

GALLIUM & Gallium luteum, *Off.* Gallium luteum, *C. B. P.* 335. *Inst. R. H.* 115. Gallion verum, *J. B.* 3. 720. Gallium, *Dodon. Pempt.* 355. vulgo, *Caillelait* ou *Petit Muguet.*

Radicula donatum est longo tractu repente, tenui, lignosa, fusca: ex qua virgulæ surgunt dodrantes & cubitales, tenues, subhirsutæ, quadratæ, in apicibus rubentes. Folia ad genicula ex intervallis radiatim cauliculos ambiunt longa, angusta, tenuia, mollia, obscuro virore nitentia, quina & novena plerumque. Ad singula etiam genicula bini plurimum ramuli, in quibus, ut & in summis caulibus, flores copiosi in racemulos digesti, parvuli, monopetali, campaniformes, patentes, quadrifidi, lutei, odore suaves: quorum calyx abit in fructum ex gemellis seminibus constantem siccis, subrotundis. Summitates floridæ in usum veniunt.

Analysi chymica, ex Gallii lutei floridi & recens lecti ℥iij. ℥iij. prodierunt humoris limpidi, plantæ odorem saporemque aliquantisper referentis, obscure acidi ℥x. ℥vj. gr. xxxvj. humoris primo acidi manifesti, deinde intensi magis ac magis, subausteri, ac tandem rufescentis, empyreumatici, intense acidi & intense austeri ℥ij. ℥x. gr. xxx. humoris alcali, urinosi, volatilis ℥ij. ℥iij. gr. xlvij. olei spissi ad instar extracti ℥ij. ℥j. gr. xlvij. Massa nigra in retorta residua pendebat ℥vij. ℥iij. gr. xxxvj. quæ rite calcinata reliquit cinerum leucophæorum ℥ij. ex quibus salis fixi alcali ℥ij. gr. xx. lixivio extracta sunt. Partium jactura in distillatione fuit ℥ij. ℥vij. gr. xvij. in calcinatione ℥v. ℥iij. gr. xxxvj.

Gallii lutei florum succus chartam cæruleam rubro colore tingit, & lac cogit:

Gerardus Castrienses circa Nantvicum Angliæ oppidum, ubi laudatissimus conficitur caseus, coagulo suo Gallii lutei summitates floridas immittere solere tradit, & multo pluris facere caseos eo coactos, quam alios quoscunque.

Acetum ex his summitatibus Olaus Borrichius distillatione elicuit hoc modo, Recentissimas Gallii lutei comas floridas, ad manipulos aliquot lectas cucurbitæ vitreæ commisit, & subito subjecto igne invitavit ad distillandum, nequam ab aere aut mora subirent mutationem. Primo stillatius liquor prodiit pene insipidus, odore tamen fragantes Gallii flores non parum referens. Post unam circiter liquoris hujus unciam, suecessit acetum non ingrati saporis ad uncias propemodum tres: tandem validiori igne admoto subsecutum est cum liquore acido oleum flavum ad drachmas pene duas, nec illud admodum ingrati odoris. Hoc acetum ferventi infusum lacti, illud statim coegit & feri a caseosis partibus separationem quam ab aceto vulgari infuso experimur, effecit.

Gallium igitur luteum acido, subtili, & volatili oleo essentiali commixto abundat. A neotericis adversus epilepsiam commendatur plurimum. Ejus pulvis ad ℥j. exhibetur, succus ad ℥iij. vel decoctum manipuli unius in aq. ℔j. quotidie mane propinatur, jejuno ventriculo.

Insuper herba aut pulvis ipsius hæmorrhagiam & sanguinis profluvia sistit. Nonnulli adversus podagram ejus infusum ad modum Theæ propinant.

Externe herba recens, tusa & imposita sacris ignibus & ambustis medetur. Naribus indita sanguinis profluvia sistit. Mulierculæ, inquit Tragus, Gallii decocto infantes arida ac exigua scabie laborantes abluunt, asserentes singulare id esse adversus eam experimentum.

℞. Pulver. Galli lutei & conserv. flor. Pæon. mar. ana ℥j. Radicis Valerianæ sylvestris ℥vj. Pulver. de Gutteta ℥ß. Myrrhæ & pulver. Lumbricor. terrestrium ana ℥ij. Cum syrupo de Stæchade fiat opiata Dosis. ℥ij. aut ℥iij. mane & sero.

Usurpatur in ungento martiato *Nicolai*.

GALLIUM album, *Off.* Gallium album vulgare, *Inst. R. H.* 115. Mollugo montana angustifolia, vel Gallium album latifolium, *C. B. P.* 334. Gallium album, *J. B.* 3. 721. Mollugo vulgatio herbariorum, Gallion album quorundam *Lobel. Icon.* 802.

Hæc a priori differt foliorum magnitudine, florum albo colore. Rarioris est usus; Gallio luteo deficienti substituitur. Eidem vis antiepileptica tribuitur.

GENISTA.

GENISTÆ species duæ in officinis usurpantur, scilicet Genista vulgaris & Genista Hispanica.

GENISTA vulgaris *Off.* Cytiso Genista scoparia vulgaris, flore luteo, *I. R. H.* 649. Genista angulosa & scoparia, *C. B. P.* 395. Genista angulosa trifolia, *J. B.* 1. 388. Genista, *Dod. Pempt.* 761. vulgo, *Genet commun.*

Fruticosa stirps Genista est, interdum hominis staturam attingens: radicem habet duram, lignosam, lentam, flexilem, luteam, fibris quibusdam obliquis subinde stipatam: caudices tenues, lignosos, a quibus plurimæ tenues spar-
gue-

guntur virgulæ, angulosæ, virentes, lentæ, & flecti neſtque faciles, non raro quoque in alas diviſæ; circa quas folia exigua, crebra, hirsuta, obſcure virentia, priora trina, alia ſimplicia, acuminata. Flores virgulis quoque adnaſcuntur eleganti colore, lutei, papilionacei, ſtaminibus recurvis cum apicibus croceis: quibus ſuccedunt ſiliquæ compreſſæ, latæ, per maturitatem nigricantes, in duas partes dehiſcentes, ſeminibus fetæ planis, duris, ſubruſis, & quaſi reniformibus. In agro Pariſienſi ſponte naſcitur. Tota planta, flores, ſemen uſurpantur.

Analyſi chymica, phlegma acidum, auſterum præbet, olei & terræ medio-crem portionem, nonnihil ſalis volatilis urinoſi, haud parum ſalis alcali fixi; odorem fœtidum ad Sambucum vel ad olei empyreumatici odorem accedentem ſpargit. Ejus folia amara ſunt, neque chartæ cæruleæ colorem mutant. Unde C. Tournefortius concludit hanc plantam ſalem eſſentialem continere ſali naturali terræ ſimilem cum oleo fœtido plurimo intime permiſtum. Exinde vero & amaritie inſigni aperit, abſtergit, attenuat, hepatica, ſplenitica & nephritica dicitur. Folia, ramuli & ſummitates Geniſtæ cocta in vino aut aqua, eorumve ſuccus utilia ſunt hydropicis & omnibus obſtructionibus renum ac veſicæ: partim enim purgant ſeroſos humores per alvum, partim per urinas. Purgat Geniſtæ ſemen non minus potenter fere quam Spartium aut Helleborus, ʒiſſ. pondere ex hydromelite ventriculo jejuno ſumptum. Quare Matthiolus illud utiliter exhiberi putat adverſus podagram. Idem confirmat Lobelius, ſeminæ Geniſtæ ſcopariæ vomitum non ſecus ac Spartio Dioſcoridis ſæpius ʒij. decocto propinato citra magnam contentionem ſe moviſſe ſcribens. Pulvis ſeminum cum hydromelite doſi ʒj. exhibitus in liene tumido, hydrope, ictero utroque a J. Raio commendatur. Flores, inquit Ettmullerus, ſi in decocto propinentur, per inferiora educunt; ſi in ſubſtantia, vomitum cient. Verum flores recens decerptos ſæpiſſime quamplurimos & per ſe acetariis inditos vorat, narrante Lobelio, plebecula Arvernæ & Aquitanæ, maxima copia innocuos non modo, ſed etiam admodum guſtui ſuaves: nec quicquam vomitionis aut nauleæ vel commotionis movere ſolent. Quin apud Brabantos, & Anglos non minus, gemmantes, dum adhuc virides ſunt, condiuntur ſale & aceto flores, menſiſque inferuntur, capparum olearumve pari commendatione. Creduntur enim non modo cordi vires, ac ſtomacho appetitum augere, ſed etiam obſtructiones reſerare ac calculum frangere. Tunc forte vis eorum vomitoria ab aceto infringitur.

Paratur ex Geniſtæ ramulorum ac virgultorum aridorum & combuſtorum cinere cum vino tenui albo lixivium quod ad cachexiam & leucophlegmatiam a nonnullis valde celebratur, & potenter quidem ſeroſos humores cum urina per veſicam pellit. Sed acrimonia ſua, inquit Dodonæus, interna viſcera quandoque & lædit & exedit, quod quidem ipſe in hydropico obſervavi poſt paracentheſim. Vulnuſculum enim ejus non ſolum non coaluit, ſed inflammatum & ulceratum fuit quandiu hoc uſus eſt lixivio. Obſervat etiam Ettmullerus cineres caute nec adeo vehementer calcinandos eſſe, ita ut ſal ſaluſ maneat: tunc enim nonnihil oleoſarum partium retinet, quibus ejus vis cauſtica demulcetur & irretitur.

Extractum florum a Cl. Tournefortio commendatur ad ventriculum roboran-

dum, & adhibetur in suis pilulis balsamicis. Verum cum incertæ admodum sint illius extracti vires, satius est ab eo abstinere, cum longe præstantiora in officinis reperiantur stomachica medicamenta.

GENISTA Hispanica, *Off.* Genista juncea, *J. B.* 1. 395. Spartium arbore-
scens, seminibus Lenti similibus, *C. B. P.* 396. Spartium Dioscoridæum, Nar-
bonense & Hispanicum *Lobel. Icon.* 91. Genista Hispanica Gerardi *Raii hist.* 1726.
Spartium Hispanicum, frutex vulgare *Parkins.*

Frutex ad hominis proceritatem assurgit, caule brachiali, vimina profert
juncea, tertia, obsequiosa, viridantia, ad glaucum accedentia: per quæ dum
florete & novella adhuc planta est, sparsa sunt rara quædam folia, oblonga,
angusta, Oleæ foliis similia, decidua, ramis fere concoloria. Flores in summis
ramulis velut in spica oriuntur multi, papilionacei, ampli, aurei, odoratissimi,
gustu dulces, pistillo in filiquam abeunte bivalvem, surrectam, uncias qua-
tuor vel quinque longam, compressam, aliquantulum incurvam, colore fere
Castaneæ; in qua semina continentur nonnunquam ad viginti, sæpius paucio-
ra, compressa, reniformia, rubentia, lucida, sapore leguminoso Pisorum sa-
rum saporis æmulo. In Gallia Narbonensi sponte crescit. Hic in hortis colitur.

Viribus cum Genista vulgari convenit, qua tamen efficacior censetur.

GERANIUM.

EX tot Geranii speciebus cognitis tres potissimum in usum medicum veniunt,
nempe Geranium Columbinum, Geranium Robertianum, & Geranium
Sanguineum.

GERANIUM Columbinum, *Off.* Geranium folio Malvæ rotundo, *C. B. P.*
318. Geranium folio rotundo, multum serrato, sive Columbinum, *J. B.* 3.
473. Pes Columbinus, *Dod. Pempt.* 61. Geranium Columbinum Gerardi *Raii*
histor. 1059. *Tab. Icon.* 56. vulgo, *Bec de Grue*, *Pie de Pigeon*.

Radice est alba, simplici, surculosa, caules emittente plurimos, dodrantes
& altiores in terram reclinatos: foliis Malvaceis in plura segmenta, (septem
plerumque insigniora, aut saltem quinque in summis caulibus) divisis, mi-
noribus tamen, candidioribus, minus glabris, ambituque serratis, longis pe-
diculis fultis. Flores bini in eodem surculo nascuntur, prope summitates cau-
lium & ramulorum ex adverso plerumque foliorum siti, parvuli, hilari pur-
pura nitentes, pentapetali, rosacei. Ex singulorum calyce surgit pistillum,
quod deinde abit in fructum rostratum, quinque striis per longitudinem inci-
sum, quibus totidem adhærescunt capsulæ, in longam, tenuem, acuminatam,
fere semiunciam caudam rostri gruis instar desinentes, tenues, nonnihil pi-
losæ, per maturitatem a basi ad apicem extrorsum se revolventes, singulæ
singulo semine fetæ, oblongo, per maturitatem fusco.

GERANIUM Robertianum & Herba Roberti, *Off.* Geranium Robertianum
primum, viride, *C. B. P.* 319. Geranium Robertianum murale, *J. B.* 3. 480.
Geranium Robertianum, *Dod. Pempt.* 62. Gratia Dei, Geranium quibus-
dam *Tragi*: Sideritis tertia Gesneri *Column.* Rupertiana vulgo, *Cæsalpin.*

559. Herba Ruperti & Geranium secundum Dioscorid. *Lugd.* 1278. vulgo, *Herbe a Robert.*

Ex radice tenui, colore buxead, caules surrigit dodrantes & cubitales, hirsutos, geniculatos, rubentes, maxime circa articulos & prope terram, ramosos & nonnullis pilis obsitos. Folia promit partim a radice, partim ex geniculis, hirsuta, pediculo rubente, hirsuto, Matricariæ fere divisura, segmentis primariis dumtaxat tribus, odore, ubi teruntur, Pastinacæ, sapore adstringente, per oras aliquantulum rubentia, interdum tota. Flores purpurei, dilutione purpura striati, pentapetali, rosacei, e calyce hirsuto, atrorubente, quinquepartito exeunt; apicibus in medio croceis, succedunt rostra mucronata, cum seminibus priori similibus. Tota herba est odore gravi satis, attamen haud injucundo.

GERANIUM sanguineum & sanguinaria, *Off.* Geranium sanguineum maximo flore, *C. B. P.* 318. & *Inst. R. H.* 267. Geranium sanguineum, sive Hæmatodes, crassa radice, *J. B.* 3. 478. Geranium septimum, *Amatōdes* *Clus. hist. ci.* Sanguinaria radix & Geranium tertium *Tragi*, 548. Geranium sanguinarium, *Taber. Icon.* 774.

Crassa hæret radice, rubra, multis, longis, crassiusculis appendicibus aucta, aliquot fibris donata, novas sub terram propagines singulis annis ad latera spargente, quæ non modo fibras similiter agunt, sed etiam crassioribus radicibus interdum sese firmant: caules emittit plures, cubitum altos, rubentes, hirsutos, geniculatos, in multas alas divisos. Ad singulos nodos bina nascuntur folia circumscriptione rotunda, sed in quinque lacinias, trifidas plurimum, ad pediculum fere dissecta, hirsuta, superne virentia, subtus canescentia, sicco & adstringente sapore prædita. Ex superioribus alis oblongi nascuntur pediculi, unicum sustinentes singuli florem, inter reliqua Geranii genera maximum, Cisti maris flori ferme parem, colore eleganti rubro, quinque foliis compositum, decem intus staminulis, quæ quinque nervosis, hirsutis, viridantibus foliolis subtus natis suffulciuntur. Rostra suboriuntur pentagona, semen intumescens utriculis seu torulis continentia, quod maturum cum sonitu exilit, circumvolventibus se utriculorum mucronibus.

Geranium columbinum in pratis & hortis frequens nascitur; Robertianum in veteribus muris, cæsis arboribus, aggeribus sepium & locis ruderatis passim provenit; Sanguineum vero in sylvis & dumetis sæpius occurrit. Tres illæ Geranii species sæpe indiscriminatim sumuntur, sæpius tamen Robertianum.

Analyti chymica, ex Geranii Robertiani floridi, demptis radicibus lbv. per retortam distillatis, prodierunt humoris limpidi, primo odoris & saporis herbacei, deinde subacidi ℥ix. ℥j. gr. xxvij. humoris primo limpidi, deinde rubescentis magis ac magis acidæ, subausteri, odorem & saporem panis rusticani referentis, ac tandem austeri lbij. ℥x. ℥vj. gr. xlij. humoris fusci, sale volatili urinoso aliquantisper imprægnati & intense austeri ℥j. ℥iiij. gr. xvij. olei adiposi ℥vij. gr. x. Massa nigra residua pendebat ℥iiij. ℥v. gr. xxvj. quæ rite calcinata reliquit cinerum ℥j. gr. lx. ex quibus lixivio salis fixi mere alcali ℥iiij. gr. xij. extracta sunt. Partium jactura in distillatione fuit ℥v. ℥vij. gr. xxij. in calcinatione ℥ij. ℥iiij. gr. xxxvij.

Geranii Robertiani folia sapore styptico, falfo, acidulo donantur, chartam cæruleam rubro colore tingunt, Bitumen aut Petroleum redolent. Ex his liquet, salem essentialem in hac planta contineri aluminosum cum aliqua olei fœtidi portione & modico sale ammoniacali conjunctum.

Robertianum Geranium insigne vulnerarium est & adstringens, & præ ceteris temperatum, inquit Ettmullerus; unde in portionibus & decoctis vulnerariis frequenter usurpari solet. Potenter quoque resolvit, sanguinis fluxum sistit, ipsumque sanguinem coagulatum resolvit, vulnera & ulcera mundificat. Vinum in quo folia contusa per noctem macerata fuerunt, hæmorrhagias quascunque sistit. Ejus pulvis ad ℥j. in vino generoso sumptus ad uteri flatus discutiendos multum prodest.

Externe in catharris & tumoribus sub cataplasmatibus forma folia contusa, si-ve in vino cocta parti dolenti utiliter admoventur. Tumores pedum œdematosos resolvunt contusa, & cum sale & aceto subacta. Usus est vulgo, inquit J. Raius, ad erysipelata, mammarum & pudendorum ulcera & vulnera. Ettmullerus ejus succum subactum cum pauxillo Terebinthinæ in balsami formam commendat, quod applicatum ea tuto, cito & jucunde curat. Fabricius Hildanus asserit simplex ejus decoctum mammis cancris applicari sæpe non infelici successu.

Geranii sanguinei folia styptica sunt & subsalsa. Chartam cæruleam rubro colore vivido, æque ac alumen, inficiunt: itaque vis ejus vulneraria pendet potissimum ab aluminoso sale cum magna sulphuris & terræ copia & tantillulo salis volatilis concreti.

Hujus plantæ folia utiliter usurpantur in decoctis & jusculis vulnerariis, & ad catharros cohibendos.

Geranii Columbini folia palato saporem referunt herbaceum, salum, stypticum, & glutinosum: chartam cæruleam rubro colore tingunt: salem essentialem aluminosum obtinent in viscido phlegmate dilutum. Syrupus ex eorum succo paratus a Cl. Tournefort. adversus dysenteriam commendatur. Ejus extractum ad idem valet. Ejus folia in potionibus, decoctis, emplastris, oleis, & unguentis adversus contusiones & vulnera usurpantur: herba quocunque modo exhibita sanguinem undecunque manantem mirum in modum compescit.

GNAPHALIUM.

PLANTÆ duæ genere diversæ sub Gnaphalii nomine in usum medicum veniunt, Gnaphalium Pes cati dictum, & Gnaphalium vulgare seu Filago.

GNAPHALIUM, Pes cati, Æluropus, Hispidula, *Off.* Elychrysum montanum, flore majore purpurascens, *Inst. R. H.* 453. Pilosella major quibusdam, aliis Gnaphalii genus, *J. B.* 3. 162. Gnaphalium montanum flore rotundiore, *C. B. P.* 263. Gnaphalium montanum suaverubens, *Lobel. Icon.* 483. Auricula muris *Lonic*: Lagopiron Hippocratis, *Gesner*: Gnaphalium montanum Gerardii *Raii histor.* 283. Gnaphalium montanum five Pes cati, *Parkins*: Lagopus secundus *Tragi* 332. vulgo, *Pied de Chat*.

Radicibus fibrosis hinc inde repit & humi fundit circumcirca appressa fere terræ folia oblonga, cum acumine rotundiore, dilute virentia, incana lanugine obsita inferna parte: inter quæ surgunt caules palmares aut dodrantalementosi, candicantes, foliis vestiti longis, angustioribus, e quorum cacumine glomerati pendent flores multi flosculosi, plurimis scilicet flosculis constantes, stellæ ad instar divisæ, embryoni insidentibus & calyce comprehensis squamoso, splendido, Embryo autem deinde abit in semen pappis instructum.

Hujus duæ habentur species, altera flore majore, & squamulis latioribus, altera flore minore, squamulis angustioribus: utraque floris colore albo & purpureo variat. In agro Parisiensi sponte nascuntur, & delectantur montosis herbidis & vento perflatis. Flores in primis usurpantur.

Analyti chymica, ex Gnaphalii floridi lbijß. demptis radicibus per B. V. distillatis prodierunt humoris primo insipidi, deinde obscure acidi lbij. ℥v. ℥iij. gr. xlvij. Massa residua per retortam distillata præbuit humoris limpidi, manifeste acidi & subausteri ℥vij. gr. lx. humoris fusci, sale urinoso imprægnati & intense austeri ℥ij. ℥iij. gr. lvj. olei adiposi aqua gravioris ℥ij. ℥v. gr. xxxvj. Massa nigra in retorta residua pendebat ℥vij. ℥j. gr. xxxvj. quæ per tredecim horas calcinata reliquit cinerum albicantium ℥iij. ℥j. gr. vj. ex quibus lixivio salis fixi leviter alcalini ℥j. gr. lvij. extracta sunt. Partium jactura in distillatione fuit ℥v. gr. liij. in calcinatione ℥iij. gr. xxx.

Pes cati succum obtinet lentum & viscidum, constantem sale essentiali, vitriolico, ammoniacali, sulphure copioso, & multo phlegmate.

Inter moderate refrigerantia, seu incrassantia efficaciter adstringentia, & agglutinantia reponitur, atque idcirco herba vulneraria adstringens perhibetur: cujus usus commendatur ad pulmonum affectus, qui ob imbecillitatem, laxitatem nimiam, & continendi sanguinis impotentiam oriuntur. Tussim sedat, humorum acrimoniam demulcet, expectorationem promovet, pectoris infarctus resolvit, sanguinem sistit, pulmonum exulcerationem præcavet, ulcera abstergit & consolidat. Maxime vero his convenit quibus a capite, ac aliis partibus fit fluxio in thoracem, & quibus pulmones pituitoso humore multo infarciuntur. Humoris enim irruentis impetum cohibet, crassitiem digerit, partem affectam roborat & expectorationem movet, in sputo nimio & cruento, dysenteria utiliter adhibetur infusum & decoctum ejus vel syrupus ex eo confectus, tum simplex, tum compositus.

Conditum ex floribus paratum in officinis præparatur ad eadem utile.

GNAPHALIUM vulgare, Filago, Herba Impia, *Off.* Filago seu Impia, *Dod. Pempt. 66. Inst. R. H. 454.* Gnaphalium Germanicum, *J. B. 3. 158.* Gnaphalium vulgare majus, *C. B. P. 263.* vulgo, *Herbe a Cotton.*

Plures ex eadem radice fibrata & capillata caules surrigit tenues, semipedales & dodrantaes, plurimum erectos, teretes, incanos, & lanugine obsitos, summa parte ramosos, foliis vestitos creberrimis, nullo ordine positis, pariter lanuginosis, angustis, oblongis: florum globuli tum in extremis ramulis, tum in ipsis angulis quos ramorum divaricationes efficiunt, sessiles, e pluribus floribus stipatis coagmentatis nascuntur. Sunt autem flores qui globulos hosce componunt & ipsi compositi e flosculis ob exiguitatem suam ægre visibilibus, quinqueariam divi-

divisis, embryoni insidentibus & calice squamoso, sed nequaquam splendente aut specioso comprehensis. Embryo autem abit deinde in semen pappis instructum.

Filago rarius in usum venit: vulneraria & adstringens existimatur. A nonnullis Pediculi substituitur ad cruentam exspuitionem in pleuritide. Decoctum manipuli unius in aq. comm. ℥ij. præscribitur. Dodonæus exsiccantem facultatem & nonnihil adstringentem illi tribuit. Hinc fortasse, inquit J. Raius, hæmorrhagiis, dysenteria, nimio mensium fluori, atque etiam anginae conducit. Aquam ab hac planta distillatam ad cancerum, præcipue mammillarum utilissimam Dodonæus asserit: quippe quæ cum linteolis semel in die imposita occultos cancos continet, ne exulcerentur. Sunt vero, inquit, qui Asari foliis huius aqua madefactis non infelicitè ad cancos reprimendos utuntur.

Lobelius occidua Angliæ plebem herba contusa oleo macerata & cocta, ad livores, concussiones, cæsa & verbera feliciter uti scribit.

G. R. A. M. E. N.

DUÆ Graminum species usurpantur in officinis, Gramen caninum & Gramen Dactylon.

GRAMEN caninum vulgare, *Off.* Gramen loliaceum radice repente, five Gramen officinarum, *Inst. R. H.* 516. Gramen caninum arvense, five Gramen Dioscoridis, *C. B. P.* 1. Gramen repens officinarum forte, triticeæ spicæ aliquatenus simile *J. B.* 2. 457. Gramen caninum arvense, five primum, five Gramen Dioscoridis & officinarum, *C. B. Theatr.* 7. Gramen, *Dod. Pempt.* 558. Gramen caninum, five Canarium primum, *Tabern. Icon.* 301. vulgo, *Chiendent.*

Radicibus est candidis, nonnihil flavescentibus, longe lateque repentibus, geniculatis per intervalla, lineam aut sesquilineam crassis, sibi invicem implicitis, sapore subdulci, cum aliqua stypticitate. Culmi ad duos pene cubitos assurgunt recti, nodosi, foliis donati quatuor vel quinque in eodem culmo, e totidem geniculis exeuntibus, basi caulem instar vaginæ ambientibus, palmum superantibus, angustis, tres lineas latis, & in exquisitum mucronem abeuntibus. Flores spicatim summo culmo insident staminei, per duos versus digesti, cum aristis brevioribus & seminibus oblongis fuscis, ad Tritici formam accedentibus. In agro Parisiensi frequens nascitur.

GRAMEN Dactylon, *Off.* Gramen Dactylon, radice repente, five officinar. *Inst. R. H.* 520. Gramen repens, cum panicula Graminis mannæ, *J. B.* 2. 459. Gramen Dactylon, folio arundinaceo, majus, aculeatum forte Plinio, *C. B. P.* 7. Gramen legitimum, *Clus. histor.* ccxvi.

Ex radicibus perennibus, longis, nodosis, geniculatis, candicantibus, longe lateque serpentibus, subinde plurimis locis germinantibus, fibras parvas ex singulis geniculis spargentibus, sapore subdulci, culmi, pedales, Canino breviores sæpe rufescentes, rotundi, geniculati assurgunt: e quibus folia in ima parte mutuo amplexu stipata prodeunt, brevia, angusta, hirsuta, in superna culmorum parte longiora. Culmi seu calami in quaternas, quinas, nonnunquam,

quam senas spicas virides, per maturitatem nigricantes, aliquando ex atro purpureoque colore mixtas, desinunt: quarum utriculi brevibus aristis donati, saepe ab una parte costæ propendent, dorso libero existente. In agro Parisiensi minus frequens occurrit quam Caninum, uberrime crescit, meridionalibus in Galliæ regionibus. Utriusque Graminis radices indiscriminatim usurpantur.

Analyti chymica, ex radicibus Graminis canini exsiccatarum ℥v. per retortam distillatis prodierunt humoris limpidi fere insipidi & inodori, obscure acidi ℥x. gr. xxxvj. humoris primo subacidi, deinde manifeste acidi & subausteri ℥j. ℥ij. gr. xxx. humoris rufi, odoris & saporis empyreumatici, subsalsi, intense acidi & intense austeri ℥j. ℥vij. gr. xij. olei ℥ij. ℥ij. gr. xlvij. Massa nigra in retorta superstes pendebat ℥j. ℥iiij. ℥vj. quæ rite calcinata reliquit cinerum ℥ij. ℥ij. ex quibus lixivio salis fixi mere alcali ℥iiij. gr. l. extracta sunt. Partium jactura in distillatione fuit ℥xj. ℥vij. gr. xvij. in calcinatione ℥j. ℥ij. ℥iiij.

Radices Graminis saporem obtinent subdulcem, aliquantisper saccharinum cum aliqua adstrictione. Salem continere videntur essentialem sali coralliorum analogum cum multo sulphure permixtum.

Refrigerant moderate, aperiunt & subabstringunt: urinas blande movent, absque irritatione, ad obstructions hepatis, lienis: maxime si febres ex iis scaturiunt, item ad calculos renum pellendos valent. Ubi est insignis viscerum dyscrasia calida, cum eorundem obstructione plurimum comendantur; C. Hoffmannus enim observat eas sine calefactione opus suum perficere, & simul cum levi adstrictione partium solidarum tonum firmare. Iis frequenter utimur in ptisanis, decoctis & jusculis diureticis & aperientibus, ad hepatis & lienis infarctus resolvendos. Ettmullerus post Sylvium refert occasionem hujus effectus suggestam fuisse ab experientia in bobus qui hyemali tempore fere obstructioni folliculi fellei ductusque ejus cystici, vel a mucilagine viscosa, vel concremento calculoso obnoxii sunt: ast æstivo tempore esu Graminis iterum curantur & liberantur. Earundem decoctum a nonnullis quoque ad enecandos & abigendos infantum lumbricos usurpatur.

Fridericus Hoffmannus plurimum laudat decoctum verno tempore paratum ex radicibus recentibus Graminis, Cichorii, Petroselini, Asparagi & Urticæ minoris cum foliis, pro hypochondriacis & atrophia laborantibus ex venarum lactearum obstructione.

In cruenta exspuitione succus radicum & foliorum utiliter usurpatur.

Earundem radicum aqua distillata infantibus propinatur ad eorum vermes necandos. Earum quoque verno tempore collectarum & exsiccatarum, pulvis ad ℥j. exhibitus a nonnullis ad lumbricos necnon etiam & in rachitide præscribitur.

℞. Rutæ murariæ, Polytrici, & radicum Graminis canini exsiccatar. & pulveratar. ana p. æq. F. Electuar. cum syrup. de 5. rad. aper. Dosis ℥j. bis die, in rachitide.

℞. Radicum Gramin. mundatarum, contusarum & minutim concisar. M. j. Glycyrrhiz. exsiccatae rasæ & contus. ℥j. Coquantur in ℥iiij. aq. comm. ad ℥iiij. Sub finem adde nitri purificati ℥ss. Fiat ptisana pro potu solito

lito ad urinam promovendam, & viscerum ac sanguinis æstus tempe-
randum.

Radix Graminis usurpatur in syrupo de Ibisco *Fernelii* & syrupo de 5.
radicibus aper.

G R A T I O L A.

GRATIOLA, *Off.* Digitalis minima, Gratiola dicta, *Morisson. hist. Oxon.*
p. 2. 479. Inst. R. H. 165. Gratiola centauroides, *C. B. P. 279.* Gratiola,
7. B. 3. 434. Dod. Pempt. 362. Gratia Dei, *Cæsalpini 265.* Gratiola vulgaris,
Parkins: Gratia Dei, cujus semen Gelbenech, Papaver spumeum forte *Anguil-*
lar: Limnesium sive centauroides *Cardi:* vulgo, *Gratiole, herbe a pauvre homme.*

Radicibus est oblique repentibus, albis, geniculatis, fibrisque multis deorsum
vergentibus stipatis: quæ caules emittunt erectos, crebris geniculis distinctos,
sesquidrantales & longiores: in quibus folia bina ex adverso nascuntur unciam
superantia, semiunciam lata, glabra, venosa & intense amara. Ex eorum alis
emergunt flores singulares, monopetali, tubulati, posterius perforati, flavescen-
tes, & lineis fuscis virgati, cornu modo incurvi, octo lineas longi, tres lineas
crassi, antè hiantes & in duo labia divisi dilute purpurascencia: labium au-
tem superius quasi cordiforme & sursum reflexum, inferius tripartitum. Calyx
monotomos, in quinque partes divisus, ex cujus fundo pistillum emergit lon-
gius, quod mutatur in capsulam dilute rufescentem, erotundo acuminatam, in
duo loculamenta divisam, seminibus fetam tenuibus & rufescentibus. Agri Pa-
risiensis incola nascitur secus rivulos, & in pratis udis, Junio & Julio florens.
Semina Augusto & Septembri perficiuntur. Herba & radices in usum veniunt.

Analyti chymica, ex Gratiolæ floridæ lbv. per retortam distillatis prodie-
runt humoris limpidi, fere insipidi & inodori, subacidi, obscure salis ℥xv. ℥j.
gr. lxij. humoris primo limpidi, magis ac magis acidi, austeri, sub finem ru-
rescentis, intense acidi & intense austeri lbij. ℥vj. ℥ij. gr. xlij. humoris rufi,
intense acidi, aliquantisper alcali urinosi, & austeri ℥ij. ℥ij. gr. xlvij. olei
spissi ad instar extracti ℥j. gr. vj. Massa nigra in retorta residua pendebat
℥iiij. ℥vij. gr. xij. quæ rite calcinata reliquit cinerum ℥j. ℥iiij. gr. xxxvj. ex
quibus salis fixi alcali ℥v. gr. xvij. lixivio extracta sunt. Partium jactura
in distillatione fuit ℥ij. gr. xlv. in calcinatione ℥iiij. ℥ij. gr. xlvij.

Tota planta inodora, insigni amarore donatur cum obscura adstrictione.
Sale essentiali tartareo, vitriolico donatur, cum multo sulphure acri & crasso.
Inter purgantia medicamenta hydragoga refertur: reipsa lentam pituitam ve-
hementer expurgat, non modo per inferiora, sed etiam per vomitum. Hydro-
pici in primis commendatur. Prodest adversus diutinos coxendicis dolores,
adversus inveteratas febres sive tertianas sive erroneas, jecur & lienem ab ob-
structionibus liberat, ventriculi lumbricos pellit. Sed cum vehemens sit pur-
gans, nonnisi robustis naturis convenit: debilioribus enim sæpe dira excitat
ventris tormina aut superpurgationes. Herba recens ad Mß. vel sicca ad ℥j. in
aqua vel vino macerata præscribitur, sed longe tutior ac mitior est, si cum
lactis lbß. leviter incoquatur & colatura propinetur.

Ejus

Ejus extractum cum vino paratum ad ℥ss. vel ℥ij. præscribitur, conserva vero ad ℥ij. vel ℥iij. usurpatur.

In enematibus foliorum ad M. j. in fero lactis vel ipso lacte vaccino decoctum minori cum periculo usurpatur. Cavendum tamen ne hæc enemata præscribantur dum æstuant viscera, aut ad inflammationem proclivia sunt.

Folia recentia contusa & imposita, vulnera consolidant & curant, teste Cæsalpino. Eadem capiti imposita hydrocephalis mederi Hermannus scribit.

℞. Folior. Gratiolæ virid. ℥ij. vel exsiccator. ℥j. Injiciantur in lactis fermentis ℥vj. Infunde per noctem. Colaturam æger capiat mane.

℞. Folior. Gratiolæ ℥j. Macerentur per noctem in aq. font. ℥vj. F. colatura, in qua contunde Amygdalas dulces n. vj. Expressione dilue syrup. Violar. vel de Althæa ℥j.

℞. Gratiolæ viridis M. j. Centaur. minor. Absynth. ana M. ss. Seminis Tanacetii & Santonic. ana ℥ss. Coq. in fero lactis. Fiat clyster ad enecandos & expellendos vermes præsertim ascarides.

℞. Gratiolæ, Soldanellæ, folior. Ebuli, Afari, Sambuci, florum Genistæ, Persicorum, ana M. ss. corticis Sambuci, Frangulæ, radicis Ireos vulgaris & Esulæ ana ℥j. pulpæ Colocynthid. p. j. Coquantur in urina. Fiat cataplasma hydrocephalo calide applicandum. *Paul. Hermans in Cynosura M. Medicæ.*

G R O S S U L A R I A.

Inter plures Grossulariæ species tres potissimum inter edulia & medicinalia recipiuntur: scilicet Grossularia Uva crispa dicta, Grossularia Ribes dicta, Grossularia olens Ribes nigrum dicta.

GROSSULARIA, Uva crispa dicta, Off. Grossularia simplici acino vel spinosa sylvestris, C. B. P. 455. Inst. R. H. 639. Uva spina, *Matthiol.* Uva crispa, sive Grossularia, 7. B. I. 47. R. H. 1484. Uva crispa, *Dod. Pempt.* 748. Crispina vera, *Cordi*: Cænothus spina, *Theoph*: vulgo, *Groselier blanc epineux*, & fructus *Groseille blanche*.

Ex radice lignosa, fibris non destituta, hic frutex exsurgit bicubitalis & altior, numerosa stolonum segete luxurians, varicque in ramulos subdivisus, cortice in adultioribus ramis purpurante, in junioribus virgis & surculis albicante, materie fere bûxæo colore pallescente, spinis longiusculis acutis ac rigidis ad foliorum exitum passim armatus, singularibus, binis aut ternis. Folia promit brevibus pediculis innixa, unguem lata, nonnumquam ampliora, nonnihil rotunda, modice divisa, vitigineis quodammodo similia, superius saturo virore splendentia, inferius dilutiora, mollia & modice pilosa, sapore acido. Flores parvi, suavi, sed nonnihil gravi odore, simul multi ex eodem tuberculo ex quo folia prodeunt, ex pediculo brevissimo punicante, hirsuto, nutantes, rosacei, quinque petalis in orbem positis ex herbaceo albicantibus constantes, calyce monophyllo, pelvisiformi, in quinque segmenta utrinque rubentia, extrorsum reflexa, diviso, cum quinque staminibus & pistillo virescente, alba lanugine circa infimam parte obsito. Calycis pars posterior quasi globosa abit in acinum seu baccam globosam, aut ovata-

tam, interdum hirsutam, plerumque glabram, mollem, succosam, umbilicatam, plurimis lineis a pediculo ad umbilicum usque protensis, quasi totidem meridianis insignitam, colore initio virentem gustuque acidam austeram, per maturitatem vero subflavescentem, ex vinoso dulcem, feminibus fetam plurimis, exiguis, candicantibus. In sylvis Sangermaniacis & circa pagum *Montmorency* dictum, sponte nascitur. In hortis quoque colitur, ubi cultura majoribus foliis & baccis donatur, quæ tunc dicitur *Grossularia spinosa sativa*, *C. B. P.* 445. *Inst. R. H.* 639. *Grossularia* majore fructu, *Clusii hist.* 120. Uva crispa fructu *Cerasi* magnitudine, *Gesner. hort.* Soli acini maturi vel immaturi in usum esculentum veniunt.

Analysi chymica, ex fructuum jam maturitatem affecutorum ℥v. distillatis prodierunt humoris limpidi, odore & sapore haud ingrato, dulci, primum nullo modo acidi, sub finem obscure acidi ℥j. ℥iiij. ℥vij. humoris subacidi deinde magis ac magis acidi, austeri, ac obscure alcali, urinosi ℥iiij. ℥iiij. ℥iiij. gr. xvij. humoris rufescentis, parum acidi, sale volatili urinoso imprægnati ℥j. ℥iiij. gr. xlij. olei adiposi ℥vij. gr. xvij. Massa nigra residua pendebat ℥iiij. ℥ij. gr. xxxvj. quæ per tredecim horas in crucibulo rite calcinata reliquit cinerum ℥v. ex quibus salis fixi mere alcali ℥j. gr. xxxij. extracta sunt. Partium jactura in distillatione fuit ℥j. gr. xxx. in calcinatione ℥iiij. ℥v. gr. xxxvj.

Fructus maturus acidi salis mediocrem portionem obtinet, multo sulphure, phlegmate & terra obruti; quare sapore aliquantisper dulci sed faruo donatur. Fermentatione tamen succus ejus aliquantisper vinosus evadit, sed non adeo generosus salium defectu. Fructus immaturus acidus est & austerus: refrigerat & adstringit. In cibatu apud nos usus ejus est uvarum acerbarum loco, juri- busque gratissime innatat. Appetitum excitat: gravidis quæ cibum omnem respuunt pergratus, nauseam tollit: hæmorrhagias & ventris profluvia compe- scit. Juscula in quibus coctus febricitantibus utilia. Crudus comestus crudum parit succum, & parum aut nihil alit. Recte autem monet Parkinsonus largiorem immaturi fructus esum, quomodocumque præparetur, ventriculis frigidis & flatibus obnoxiiis non permittendum, ne colicos dolores aut tormina ventris inducat.

Maturus mollis est, & cujusdam dulcedinis, faruæ tamen particeps. Longe minus adstringit immaturo: ad condimenta raro adhibetur: nec nisi a pueris aut feminis voracibus aut rusticis comeditur. In ventriculo facile corrumpitur.

Vinum apud Anglos ex maturis acinis conficitur, narrante Raio. Acinis in dolium injectis aquæ ferventis q. s. affunditur. Vas exacte clausum in loco temperato per tres quatuorve hebdomadas relinquitur, donec liquor baccharum succo & spiritu penitus imprægnatus fuerit, baccæ autem plane exsuccæ & insipidæ reddantur. Deinde exhaustus liquor cum Saccharo in ampullas vitreas infunditur, quæ probe obturatæ ad tempus reser- vantur, donec liquor cum Saccharo intime mixtus & fermentatus in gene- rosum & vini æmulum laticem exaltetur.

GROSSULARIA, Ribes dicta, *Off.* *Grossularia* multiplici acino, sive non spinosa, hortensis rubra, sive Ribes *Officinarum*, *C. B. P.* 455. *Inst. R. H.* 639. Ribes vulgaris, acidus ruber, *J. B.* 2. 97. Ribesium fructu rubro, *Dod.*

Pempt.

Pempt. 749. vulgo, *Groselier rouge*. Fructus, Ribes, Ribesium & Grossula, vulgo, *Groseille rouges*.

Fruticosa stirps est radicibus multifidis, fibrosis, adstringentibus; stolonibus seu virgultis plurimis lentis ac flexilibus, ad duos vel tres cubitos assurgentibus, cortice spadiceo aut cinereo, materie virente cum ampla matrice seu medulla: foliis vitis viniferæ similibus, sed multo minoribus, mollibus, sinuatis, superne obscure virentibus, glabris, inferne molli lanugine canescentibus, acerbis. Flores racematim cohærent plurimi, rosacei, e petalis quinque purpurascens conflati quasi cordatis, & in crenis calycis pelviformis, quinquefidis, nascentibus, cujus posterior pars abit in acinum, initio virentem, per maturitatem rubrum, duas lineas latum, sphaericum, succi acidi grati plenum, pluribus seminulis fetum. Oritur in sylvis Alpium & Pyrenæorum coliturque vulgo in hortis ac septis. In usum cibarium & medicum venit.

Alia species est quæ candidos, pellucidos acinos profert, quæ hujus potius varietas est quam species distincta. Dicitur Grossularia hortensis fructu Margaritis simili, *C. B. P.* 453. *Inst. R. H.* 640. Ribes vulgaris acidus, albas baccas ferens, *J. B.* 2. 98. Ribes vulgaris albo fructu, *Clus. Hist.* 120. vulgo, *Groselier blanc* & *Groseille blanches*. Ad usum medicum prior seligitur.

Analyti chymica, ex maturorum acinorum ℥v. per B. V. distillatis prodierunt humoris limpidi, odoris & saporis fere expertis ℥ij. ℥v. humoris primo obscure acidi, deinde magis ac magis acidi, manifesti & intensi ℥ij. ℥xij. ℥j. gr. xxxvj. Massa sicca residua per retortam distillata præbuit humoris acidi & perausteri ℥vj. gr. xxxvj. humoris rufi, subsalsi, tum acidi austeri, tum alcali ℥j. gr. ix. olei spissi syrupi ad instar ℥j. gr. xl. Massa nigra in retorta residua, pendebat ℥v. gr. xxxvj. quæ per 23. horas calcinata reliquit cinerum cærulefcentium ℥vj. gr. lx. ex quibus lixivio salis fixi mere alcali ℥ij. gr. xliij. lixivio extracta sunt. Partium jactura in distillatione fuit ℥j. ℥iiij. gr. lix. in calcinatione ℥iiij. ℥j. gr. xlvij.

Ribes sale essentiali acidum, austerum obtinet cum olei portione mediocri confociatum. Hujus acini racematim adhuc ex pediculis dependentes nulla arte præparati, aut a pediculis liberati & tantillo Sacchari conspersi, æstivo tempore comendantur. Imo a pueris, puellis chlorosi laborantibus, mulieribus pica & malacia affectis, ægris febre laborantibus avide expetuntur, ratione saporis subacidi, vinosi & palato grati.

Matresfamilias has baccas integras Saccharo condiunt sicut Cerasa; vel Ribesiorum gelatinam elegantem & palato gratissimam, succum acinorum cum Saccharo coquendo ad debitam consistentiam, & pro dulciario, non solum ad secundas mensas instruendas, sed etiam ad ægrotantium, febricitantium præsertim solamen reservant.

Ex eodem succo syrupus, Rob seu Sapa, hoc est succus ad mellis consistentiam inspissatus, in Officinis præparantur.

Ribes & quæ ex eo parantur, omnium consensu utiliter exhibentur ad æstum internum temperandum, sanguinis effervescentiam compescendam, & biliofas commotiones cohibendas. Sanguinem enim & humores leviter inspissant, aci-

acidorum vegetabilium more : cumque simul adstringant moderate, ventriculus roborant, inappetentiam tollunt, in vomitionibus & diarrhæis a biliosa colluvie oriundis, aut febribus biliosis valde conducunt, hæmorrhagias quæ a nimia sanguinis dissolutione aut effervescentia nascuntur, coercent.

In febribus malignis & morbis contagiosis plurimum commendantur : quandoquidem his in ægitudinibus non solum mirum nimiam sanguinis dissolutionem præcavent, sed etiam alcalia salia nimis evoluta retundunt, sulphura expansa nimis & exaltata cohibent. Ne tamen existimes earum curationem ab horum acidorum usu semper absolvi.

Nocebit Ribesiorum usus, si vel voracitate immodica vel tempore minus commodo deglutiantur. Tunc enim diarrhæas excitant, ventris tormina, febres. Acida quoque in quibusdam quorum ventriculus debilior est, ciborum concoctionem minuunt, bilis alcalinam indolem destruendo, chylum spissiore & grumoso efficiendo, unde humorum stagnationes viscerumque infarctus ab eorum esu quandoque nascuntur. Insuper assiduus acidorum fructuum usus pulmonibus nocet, tussim excitat, & phtificis prorsus infensus est. Imo notatum est ab Hannemann apud Bonetum *Lib. 2. Med. Septentrional. sect. 14 cap. 28.* a nimia Ribesiorum comestione tabem ortam. Nonnullis etiam fructus illi ad-versantur. Georg. Hannæus in *Ephemerid. Germanicis Decad. 2. ann. 6. Observ. 138.* observat virum quemdam, qui simul ac ex uno vel altero pediculo pendentes Ribesiorum acinos absumeret, gravedinem sibi actutum accelerasse.

℞. Syrup. de Ribes. ℥ij. aquar. Lactuc. vel Cichor. ℥j. Salis Prunell. ℥ss. Misce pro potu in febribus.

℞. Rob. Ribesior. ℥j. Aquar. Meliss. & Oxytriphyll. ana ℥iij. M. F. Julap. in febribus malignis.

In anginæ initio gargarismata parantur ex succo vel syrup. Ribesiorum & aquis Rosar. Plantag. Centinod. & aliis.

Folia vero Grossulariæ vehementer adstringere testis est Fusius.

GROSSULARIA olens, Ribes nigrum dicta, Off. Grossularia non spinosa, fructu nigro, majore, C. B. P. 455. Inst. R. H. 640. Ribes nigrum vulgo dictum, folio olente, J. B. 2. 98. Ribesium fructu nigro, Dod. Pempt. 749. *Groselier noir, Cassis* ou *Cassier des Poitevins*, Paul. Contant. 39.

Frutici huic folia sunt vitiginea lata, averfa parte leviter pilosa, odore foetido. Flores ex eodem tuberculo plures aut racematim digesti. Uvæ crispæ floribus persimiles, quorum odor, qui & foliis, gravis. Baccæ oblongæ, colore nigro, quæ sive maturæ, sive immaturæ, acidæ sunt cum sapore partim grato, partim ingrato. Apud Pictones & Turones frequens nascitur. Rarius apud nos, & circa vicum *Montmorency* tantummodo reperitur. Folia a nonnullis usitata.

Miræ hujus foliis tribuuntur virtutes in Tractatulo anno 1712. Burdigalæ edito sub hoc titulo, *Les Proprietes admirables du Cassis*; in quo veluti panacea omnibus fere in morbis frutex ille prædicatur. Ejus foliorum recentium succus expressus, infusum vel decoctum in vino vel aqua, eorundem exsiccatorum pulvis vel decoctum præscribuntur.

Ex iisdem foliis syrupus vel conditum præparantur. Ubi defunt folia, eo-

rum-

rumdem germina vel fruticis cortex usurpatur. Sed in primis adversus viperarum & animalium rabidorum morsus, his in provinciis ejus folia plurimum usitata sunt. Folia recentia in vino contunduntur, succus exprimitur, cujus cyathus unus vel ℥viij. bis die per octiduum a demorsis hauritur mane, jejuno ventriculo & tribus quatuorve post prandium horis. Folia contusa & expressa vulnere apponuntur.

Paulus Contant Pharmacopæos Pictavenfis in suo *Commentario in Dioscoridem* aquam vel vinum in quibus Grossulariæ olentis folia per 24. horas macerata fuerunt, adversus hydropem ad ℥iiij. per quindecim dies mane, jejuno ventriculo pota commendat: eademque adversus viperarum morsus utilia dicit.

Ab illustrissimo viro D. Chauvelin summo rei ærariæ & judiciariæ olim in Turonia, nunc in Picardia Præfeto, & Regi a sanctioribus consiliis audivimus hæc folia adversus rabidorum animalium morsum plurimum valere, & usurpari in mistura quadam adversus hydrophobiam apud Turones & Pictones decantata & plurimis experimentis comprobata.

℞. Folior. Galegæ, Rutæ hortens. Rorismarini, Salviæ, Angelicæ sylvestris, Grossulariæ olentis, folior. & radicum Bellidis sylvestris minoris, Spongio-læ, Rosæ sylvestris, folior. Lepidii latifol. Allii bulborum ana p. æq. Contundantur, & contusis pro singulis hujus massæ manipulis adde salis communis ℥iiij. vini generosi ℔iiij. Digerantur in vase clauso per aliquot dies, identidem agitando. Hujus infusi cyatum unum aut alterum bis die sumat æger a cane rabido demorsus, mane scilicet, jejuno ventriculo, & vespere tribus post prandium horis per octiduum, celebrata prius venæ sectione. Si febris accendatur, sanguinis missio erit reiteranda, non interrupto hujus remedii usu. Nihil vero alimenti sumat æger nisi duabus post assumptum remedium elapsis horis. Externe vulnere, si opus sit, sufficienter dilatato, linamentum hoc vino imbutum apponatur, & post duodecim horas renovetur: vel etiam herbæ ipsæ contusæ & vino madentes eodem modo applicentur.

Eadem est animalium quadrupedum demorsorum curandorum ratio. Si vulnus detegi possit, candente ferro comburatur, scalpello crusta inducta tota auferatur, & herbæ contusæ & vino maceratæ admoveantur. Medicatum vinum animali propinetur, sed dosi diversa; bobus scilicet ad ℔j. bis die per octiduum, minoribus animalibus minor dosi exhibebitur. Necessè est etiam ut animalia demorsa quotidie fluviorum vel stagnorum aquis per aliquot temporis intervallum innatent.

H E D E R A.

DUÆ in Officinis plantæ Hedera nomine insigniuntur, scilicet Hedera arborea, & Hedera terrestris. De arborea jam egimus ubi de plantis exoticis, *Sectione de Resinis solidis, articulo de Gummi Hederae*: nunc de terrestri sermo erit.

HEDERA terrestris, *Off.* Calamintha humilior folio rotundiore, *Inst. R.* H. 194. Hedera terrestris, vulgaris, *C. B. P.* 306. Chamæcissus sive Hedera terrestris, *J. B.* 3. *App.* 855. Hedera terrestris, *Dodon. Pempt.* 394.

Gerard. Raii Hist. 567. *Melacocissos, Lugdunens.* 1311. *Chamæclema, Cord:* *Elatine, Brunsfels:* humilis *Hedera, Adversar.* Corona terræ, *Lobel. Icon.* 613. vulgo, *Lierre terrestre, Terrette, Herbe de S. Jean, Rondotte.*

Viticulis quadrangulis, repentibus & fibrosis late se propagat secus rivulos, & in sepibus ac pratis, cauliculos promens tenues, quadrangulos, subrubentes, hirsutos: in quibus folia bina nascuntur, longis pediculis hærentia, rotundiora, aurita, unciam lata, subhirsuta, æqualibus crenis incisa. Flores ad caulium nodos verticillatim dispositi, e singulis foliorum alis tres quatuorve, aut etiam plures exeunt, monopetali, labiati, cærulei, labio superiore bifido, & ad latera reflexo, inferiore in quatuor segmenta diviso, tubo intus saturatioribus purpureis maculis & lineolis variegato, rictu pilis brevibus albis, velut lanugine quadam obrito: pistillo tenui, bicorni. Calyx floris oblongus, angustus, striatus, marginibus in quinque segmenta breviter partitis, flore marcescente in ventrem turgescit, & quatuor semina oblonga continet, subrotunda, lævia. Totius plantæ sapor amarus, odor gravis ad Mentham quodammodo accedit. Tota planta in usum medicum venit.

Analyti chymica, ex totius plantæ recentis ℔v. per retortam distillatis prædierunt humoris fere insipidi & inodori, limpidi, obscure falsi & sub finem obscure subacidi ℔j. ℥v. ℥v. gr. xvij. humoris primo subacidi, deinde magis ac magis acidi, subausteri ℔ij. ℥viij. ℥ij. gr. xvij. humoris rufescentis, leviter empyreumatici, subacidi, subsalsi, urinosi ℥j. gr. xxxvj. humoris rufescentis, sale volatili urinoso imprægnati ℥ij. olei adiposi ℥j. ℥iij. gr. xxxiij. Massa nigra in retorta residua pendebat ℥iij. ℥vj. gr. xxxvj. quæ rite calcinata reliquit cinerum subrufescentium ℥ij. ex quibus lixivio salis fixi mere alcali ℥vj. gr. xxxviij. extracta sunt. Partium jactura in distillatione fuit ℥viij. ℥vj. gr. xij. in calcinatione ℥ij. ℥vj. gr. xxxvj.

Hedera terrestris folia amara sunt, nonnihil aromatica, & chartam cæruleam vix mutant. Quamobrem ejus vires Cl. Tournefortius refert ad sulphur & terram quæ copiose reperiuntur in hujus plantæ analysi, & sale essentialem quemdam, non multum a tartaro vitriolato diversum, mistum cum paucis sale ammoniaco. Unde ob partes bituminosas, salino-terrestres & spirituosas, aperit, abstergit, discutit & vulneraria est, tum intrinsecus sumpta, tum extrinsecus adhibita. Succus ejus defæcatus ad ℥ij. aut iij. infusum vel decoctum ex aqua vel vino propinantur: vel etiam pulvis a ℥ss. ad ℥j. exhibetur. Ex summitatibus floridis conditum in Officinis præparatur; sicut ex ejus succo syrupus & extractum. In decoctis & potionibus vulnerariis usus est frequentissimus. Specifica facultate, inquit S. Pauli, vulneratis & ulcerosis visceribus, si qua herba, hæc maxime medetur. Ettmullerus eandem erosionibus & exulcerationibus viscerum, pulmonum in primis & renum dicatam, & in his consolidandis nulli cedentem scribit: & illius usum in tussi & phthisi pulmonali tum præservanda, tum curanda, siue ex læsione externa, siue ab erosionem interna ortum suum ducat, commendat. Vvillisius in *Pharmaceutica rationali* p. 2. sect. 1. c. 6. pulverem conficit ex summitatibus *Hedera terrestris* nonnihil rubescentibus, contusis & in placentam coactis, quæ sole fervido statim exsiccata in pulverem subtilem redigitur; quem

quem a 3ß. ad 3j. exhibet bis in die cum ejusdem plantæ aqua distillata aut decocto pectorali, in tussi gravi & pertinace, & in phthisi. Ettmullerus ancillam, quæ diu phthisi scorbutica laboraverat, decocto hujus herbæ unico curatam fuisse refert. Lindanus in empyemate & vomica pulmonum & in pleuritide suppurata non parum habere virium asserit, siue usurpetur ejus decoctum, siue conserva: materiam enim purulentam in pectore collectam mirum quantum evacuat, & ulcus potentissime detergit. Ad mictum cruentum & purulentum sanandum plurimum valet. In casu ab alto, ab eodem Ettmullero, & in primis ad grumum sanguinis resolvendum, & inde oriundam difficilem respirationem auferendam ejusdem decoctum commendatur cum solutione lapillorum cancrorum permistum.

Insignes eidem tribuuntur vires ad effectus urinarios demulcendos, acrimoniam urinæ temperandam, nephritidem præcavendam, dispositionem ad calculum removendam, imo etiam calculum minuendum & expellendum. Audienda sunt hæc S. Paulli verba. In calculo vero renum simplex Hederæ pulvis cum Sacchari dimidio præparatus, & cum aqua Hederæ terrestris, cui spiritus vini quarta vel sexta pars est affusa, propinatus, omnem fere fidem superat quam præclare eum atterat.

J. Raius ex Hieronym. Reusneri observationibus narrat, quemdam vino in quo Hederæ terrestris infusa esset, addito Saccharo cando, cum felici quidem successu usum fuisse, & arenulas excrevisse, at cum insigni dolore.

Ad colicos dolores compescendos & ad dysenteriam sanandam ejus decoctum in clysteribus præscribitur. Ad puerperarum tormina post partum folia contusa ventri calide apponuntur. Matthiolus colicis in affectibus oleum in quo ad solem æstivum folia recentia macerata fuerunt injectum & epotum tamquam singulare remedium prædicat.

Succus hujus plantæ naribus attractus cephalalgiam etiam vehementissimam & inveteratam, referente J. Raio, non lenit tantum sed & penitus aufert. Medicamentum hoc, inquit post suum auctorem, quamvis facile parabile & ubique obvium sit, non satis potest laudari, si res ex usu æstimarentur, auro æquiparandum. Novi quippe qui per decennium ac amplius acerrimis doloribus conflictati statim ab ejus usu recreati sunt, nec unquam postea paroxysmum senserunt. Joan. Bauhinus eam observavit ad expellendos vermes equorum præstantissimam, si contusa detur cum Avena.

Ejus folia sola sinuosis tibiæ ulceribus medentur contusa & admota. Ad insaniam sanandam eadem recentia in vino albo usque ad putrilaginem, ut ajunt, coquuntur. Succus exprimitur & cum olei Olivæ æquali portione mistus coquitur adhuc ad mediæ partis humoris diminutionem: hoc oleoso succo ægrotantis capitis vertex, sinciput & tempora calide inunguntur, easdem partes manu calida & hoc succo madida per semihoram fricando. Dein magma expressum eodem liquore imbutum iisdem partibus calens applicatur. Removetur cataplasma sexta quaque hora, novum & calidum admovendo, & frictiones unctionesque simul repetendo. Quod quidem per tres quatuorve dies continuandum est.

℞. Radic. Rubiæ tinctor. Tormentill. & Bistort. ana 3j. folior. Hederæ terrestr.

- Veronic. Millefolii & Virgæ aureæ ana M. j. Summitatum florid. Hyperici & Bellidis minor. ana M. j. Coq. in aq. comm. q. f. ad ℥iiij. Colatura dilue Rhodomeli ℥ij. Fiat apozema vulnerarium ad ℥vj. tertia vel quarta quaque hora propinandum, ad ulcera interna detergenda & hæmorrhagias sistendas.
- ℞. Pullum gallinaceum & vitulinæ carnis ℥ss. Orizæ cochlear unum; radic. Symphyti maj. & Tormentill. ana ℥j. Coq. in aq. comm. q. f. pro jusculis quatuor. Sub finem coctionis adde folior. Hederæ terr. Chærefol. Portulac. Urticæ, Plantag. Geranii Robertian. & Sanicul. ana M. j. Sumat æger jusculum unum quarta quaque hora in hæmorrhagiis quibuscumque.
- ℞. Succor. defæcator. Hederæ terrestris, Chærefol. & Veronicæ ana ℥vj. Syrup. de Hedera terrestri ℥ij. M. Dividantur in sex doses quarta vel sexta quaque hora propinandas, in sputo & mictu cruento aut purulento, in abscessu interno abstergendo.
- ℞. Extract. Hederæ terrestr. Conserv. Rosar. rubr. & Conserv. radic. Symphyti major. ana ℥j. antihectic. Poter. Succini subtilissime pulver. ana ℥iiij. Corall. rubr. & oculor. Cancror. ana ℥ij. M. F. electuar. antiphthificum c. f. q. syrup. de Hedera terrestr. Dosis ℥jss. ter quaterve in die.
- ℞. Succi Hederæ terrestr. defæcati ℥iiij. Thuris subtilissime triti ℥j. Mellis rosati ℥j. M. F. linctus in hæmoptoe, empyemate & vomica pulmonum. Ejus aqua distillata fervatur in Officinis pharmaceuticis plantæ viribus non prorsus destituta, sed succo vel decocto minus valens.

H E L I A N T H E M U M.

Plantis duabus genere diversis Helianthemi nomen Officinæ concedunt, scilicet Helianthemo vulgari, & Helianthemo tuberoso esculento.

HELIANTHEMUM vulgare, *Off.* Helianthemum vulgare, flore luteo, *7. B. 2. 15. Inst. R. H. 248. Chamæcistus vulgaris, flore luteo, C. B. P. 465. Raii Hist. 1013. Flos folis, Dod. Pempt. 193. Chamæcistus 1. Clus. Hist. 73. Helianthos, five Flos folis, Advers. Lobel. Helianthemum Anglicum luteum, Gerard: Panax chironium, five Flos folis, Matthiol: Hyssopus campestris, Tragi 221. Consolida aurea Chirurgis, Cordi Schol: vulgo, Heliantheme, Herbe d'or, Hysope des Garrigues.*

Eradice alba, lignosa, caules, plures, tenues, teretes, humifusi, hirsuti emergunt foliis vestiti oblongis, angustis, Hyssopi foliis paulo latioribus, mucronibus obtusis, ex adverso binis, pediculis brevibus insidentibus, superne viridibus, subtus incanis. Flores in summitatibus in longas veluti spicas dispositi, pediculis semiuncialibus appensi, lutei, rosacei, pentapetali, cum plurimis intus staminibus flavis, e calyce trifolio, lineis rubris striato exeunt. Pistillum ab initio in fructum trigonum, grandem, trifariam dehiscentem, femina aliquot trigona, rufa, continentem: ad floris uniuscujusque pediculum apponitur foliolum longum, angustum. In agro Parisiensi sponte nascitur. Radices & folia usitata sunt.

Helianthemi folia succo lento & glutinoso scatent, qui chartam cæruleam colore rubro leviter tingit.

Vulneraria est & adstringens hæc planta. Unde in sputo sanguinis, alvi proflu-

vio, & omnibus affectibus quibus fluxus nimius conjunctus est, Symphyti aliarumque Consolidarum more, usurpari potest. Exhibetur utiliter decoctum in vino rubro, vel aqua, cum Symphyto & Plantagine ad sanguinis sputum, diarrhæam, dysenteriam.

Ad uvulam, ulcera oris & genitalium decoquitur in vino rubro, addito momento aluminis, decoctioneque os colluitur, aut ulcera partium dictarum.

HELIANTHEMUM tuberosum esculentum, *Off.* Corona solis parvo flore, tuberosa radice, *Inst. R. H.* 489. Helianthemum Indicum, tuberosum, *C. B. P.* 277. Flos solis Farnesianus, Aster Peruanus, tuberosus, *Col. Part.* 2. 13. Flos solis pyramidalis, parvo flore, tuberosa radice, Heliotropium Indicum quorundam Gerard. emacul. *Raii Hist.* 335. Battata Canadensis, *Parkins:* vulgo, *Taubinambours* & *Poires de terre*.

Ab una radice caulis singularis aut multiplex exsurgit, teres, virens, striatus, asper, pilosus, duodecim aut amplius pedes altus, medulla alba, fungosa factus, foliis crebris, nullo ordine positus, ab imo ad summum usque cinctus pallide virentibus, asperis, latis, acuminatis, floris Solis vulgaris fere similibus, non tamen rugosis nec æque latis. Caules ab imo statim ramosi sunt, foliis paulatim magnitudine decrescentibus ab imo ad summum usque. Flores in summis caulibus & ramulis nascuntur floris Calendulæ vulgaris magnitudine, radiati, quorum discus ex plurimis flosculis luteis, dense stipatis; corona vero ex semiflosculis duodecim aut tredecim, striatis, cuspidatis, aureo fulgore micantibus, embryonibus insidentibus, calyce e squamis villosis composito comprehensis. Embryones autem abeunt in semina parva. Caulis plures emittit radices tenues, repentes, fibrillis tenuibus capillatas, longe lateque se diffundentes, inter quas e radice primaria multæ aliæ soboles tuberosæ excrescunt, glomeratæ, nunc radici primariæ seu matri adhærentes, nunc fibris longis ad pedis ab ea distantiam adnascens, terram elevantes, & nonnumquam supra ejus superficiem apparentes. Unica radix triginta, quadraginta, quinquaginta aut etiam plura non raro producit hujuscemodi tubera. Radices hæ tuberosæ foras colore rufescunt, substantia seu carne interna fungosa, candicante, sapore dulci, variis prominentiis gibbosæ, pugni humani interdum magnitudine, ea parte qua germinaturæ sunt velut in rostellum elatæ. Caulibus marcescentibus radices tuberosæ per hyemem in terra restant, & sequenti vere regerminant. In hortis colitur. Radices tuberosæ in usum esculentum veniunt.

Analyti chymica, ex radicibus tuberosarum recentium ℥v. per vaporarium distillatis prodierunt humoris limpidi, primum sapore subdulci, fatuo, odore herbaceo, obscure subsalsi, deinde saporis & odoris prorsus expertis ℥iij. humoris limpidi, obscure acidi ℥xij. Residuum per retortam distillatum præbuit humoris rufi, empyreumatici, manifeste, & impense acidi ℥v. ℥vij. gr. xxxvj. humoris rufi, empyreumatici, sale volatili urinoso copioso imprægnati cum granis aliquot salis volatilii ℥j. ℥iiij. gr. xxxvj. olei ℥j. gr. xlv. Massa nigra in retorta residua pendebat ℥vj. ℥iiij. quæ per quindecim horas in crucibulo calcinata reliquit cinerum albicantium ℥j. ℥ij. gr. xxxvj. ex quibus salis fixi mere alcali ℥v. lixivio sunt extractæ. Partium jactura in distillatione fuit ℥iiij. ℥vij. gr. xxvij. in calcinatione ℥v. ℥j. gr. xxxvj.

Harum radicum succus & decoctum chartam cæruleam rubro colore tingit. Sapore dulci & palato grato hæc tubera gustui se commendant & edulia sunt tum cruda, tum cocta. Cocta carnis capitum Cinaræ saporem referunt. Salem essentialem obtinent tartaro similem cum aliqua ammoniacalis salis portione, sulphure crasso, terra copiosa & multo phlegmate viscido conjunctum. Mediocriter nutriunt, sanguinis & humorum acrimoniam demulcent, unde peccatis affectionibus conducunt. Nonnulli eas flatulentas esse & ventriculo inimicas pronuntiant; alii autem aliter sentiunt, nec ullam hujusmodi flatus excitandi vim in illis percipiunt aut agnoscunt. Apud nostrates aqua decoquuntur & cum butyro, sale & piperis tantillo condita comeduntur. Alii ea frustulatim secta & massa farinacea involuta cum butyro aut oleo in sartagine fringunt. A quibusdam cruda cum sale & pipere utpote palato gratiora devorantur: sed ob suum succum viscidum difficilius coquantur in ventriculo.

H E L I O T R O P I U M.

HELIOTROPIMUM & Verrucaria, *Off.* Heliotropium majus Dioscoridis, *C. B. P.* 253. & *Inst. R. H.* 139. Heliotropium majus, flore albo, *J. B.* 3. 604. Heliotropium, *Dod. Pempt.* 70. Heliotropium Officinis, Verrucaria scorpioides, *Adversar. Lobel.* 101. vulgo, *Herbe aux verrues.*

Huic radix est simplex, tenuis, lignosa, dura: caulis dodrantalis & altior, fungosa medulla plenus, rotundus, ramosus, nonnihil hirsutus, foris ex viridi incanus; folia ad ramulorum exortum & per ipsos ramos disposita, ex rotundo oblonga, Ocymi foliis paria, sed albidiora asperioraque, cauli concoloria, hirsuta. Flores in ramulorum cauliculorumque fastigiis scorpionum caudæ instar reflexis ordinata serie digesti, parvi, candidi, monopetali, infundibuliformes, centro stellæ in modum corrugato & in decem partes alternatim inæquales ad oram incisi. Ex calyce lanuginoso surgit pistillum infimæ floris parti ad instar clavi infixum & quatuor velut stipatum embryonibus qui deinde abeunt in totidem semina hinc angulata, inde gibba, brevialia, cinerea. In agro Parisiensi sponte nascitur. Herba integra usitata est.

Analyti chymica, Verrucariæ floridæ lbv. per retortam distillatæ præbuerunt humoris flavescentis, saporis & odoris herbacei penetrantis, subsalsi, subalcalini, urinosi ℥xiiij. ℥iij. gr. liij. humoris rufescentis, odoris & saporis herbacei, magis penetrantis, falsi & alcali urinosi lbij. ℥xj. ℥vj. gr. lx. humoris limpidi, flavescentis, ejusdem odoris, & saporis magis falsi ℥x. ℥j. gr. lx. humoris rufi, empyreumatici, sale volatili urinoso copioso imprægnati ℥j. gr. xij. salis volatilis urinosi concreti ℥j. gr. lxxvj. olei syrupi ad instar spissi ℥j. ℥vj. Massa nigra in retorta residua pendebat ℥vj. ℥v. gr. xij. quæ rite calcinata reliquit cinerum ℥iiij. ℥iij. ex quibus lixivio salis fixi alcali ℥iiij. gr. lx. fuerunt extracta. Partium jactura in distillatione fuit ℥iiij. ℥vj. gr. xxiiij. in calcinatione ℥ij. ℥ij. gr. xij.

Verrucariæ folia amara sunt, & eorum succus chartam cæruleam nullo modo mutat. Salem essentialem ammoniacalem continent cum oleo copioso tum tenui & acri, tum crasso, & multa terra conjunctum.

Verrucas, myrmecias seu prurigines & thymos in glande aut præputio & ano affricata herba valenter adimere dicitur. Optime detergit, & efficacissima censetur adversus carcinomata & ulcera serpentia & gangrænosa, necnon strumosos tumores. J. Raius folia contusa cum oleo rosaceo & capiti admota, adversus cephalalgiam commendat. Idem refert epotum foliorum decoctum una cum Cumino renum calculos pellere & frangere, & intestinorum animalia necare.

H E P A T I C A.

A PARI Hepatis obstructions resolvendi, qua pollent, facultate, tres stirpes, licet genere prorsus diversæ, Hepaticæ nomen per antonomasiam obtinuerunt, scilicet Hepatica fontana seu vulgaris, Hepatica nobilis seu trifolia, & Hepatica stellaris, seu Asperula. De hac jam egimus sub Asperulæ nomine.

HEPATICA fontana, Hepatica vulgaris, Hepatica terrestris, Lichen petræus, *Off.* Lichen petræus latifolius, sive Hepatica fontana, *C. B. P.* 362. Lichen, sive Hepatica fontana, *J. B.* 3. p. 2. 758. Lichen, sive Hepatica vulgaris *Parkins. Inst. R. H.* 124. Hepatica terrestris, *Gerard:* Jecoraria, seu Hepatica fontana, *Trag.* 523. Fegatella, *Cæsalp.* 601. vulgo, *Hepatique commune.*

Radicibus hæret sericeis similibus pilis, tenuibus admodum, copiosis sub foliis, quæ digiti sunt latitudine, & dupla longitudine vel majore, superne virentia vel parum flavicantia, squamosa velut serpentum cutis vel limacis, singulisque squamis punctum in medio inscriptum elevatur. Flos, si quis sit, non manifestus. Caulem ex parte folii extrema, parum scissa & sinuosa, lunata, album, lævem, firmum, succosum, Junci crassitie, diaphanum, quatuor uncias longum habet, supra quem pileolus, veluti fungus, insidet parvus, in quatuor aut quinque partes inferne divisus. Pileolus primum viridis est, parum ad flavum inclinans, postea flavescit, atque demum rufus efficitur; & partes illæ inferiores divisæ fructum nigrum disruptæ ostendunt, atque apertis fructus seu vascula seminalia decidunt nigro-purpurea, succosa cum viridia, siccata vero pulverem pro semine nigrescentem fuliginosum continent. In saxis aquosis & umbrosis oritur juxta rivulos, fontes aut puteos.

Analysi chymica, ex totius plantæ recentis lbj. ℥xiiij. per retortam distillatis prodierunt humoris limpidi, saporis herbacei, obscure salis lbj. ℥j. ℥ij. gr. lx. humoris limpidi, primum obscure salis, deinde obscure subacidi, ℥xiiij. ℥vij. gr. vj. humoris limpidi, tum alcali urinosi, tum acidi, ℥v. ℥ij. humoris fusci, leviter empyreumatici, manifeste subsalis, alcali & subacidi ℥vij. gr. liij. olei adiposi ℥iiij. gr. xxiiij. Massa nigra in retorta residua pendebat ℥vj. ℥ij. quæ rite calcinata reliquit cinerum ruforum ℥iiij. ℥ij. gr. xxxvj. ex quibus salis fixi salis gr. xxx. tantummodo extracta sunt. Partium jactura in distillatione fuit ℥j. ℥iiij. in calcinatione ℥j. ℥vij. gr. xxxvj.

Hepatica saporis est herbacei cum amarore nonnullo & adstrictione, & odore leviter aromatico, bituminoso, quasi mastichino perfusa. Sale essentiali ammoniacali cum mediocri olei bituminosi portione & copiosa terra conjuncto instruitur.

Ex horumce principiorum miscela compositum exsurgit potenter incidendi, abstergendi, adstringendi & consolidandi virtute præditum. Hepatica est

insignis hæc planta, necnon vulneraria. Pulmonum, hepatis, lienis & ceterorum viscerum obstructions aperit, humores crassos dividit, solvit, partium tonum firmat roboratque. Sanguinem sistit in vulneribus. Humorum acrimoniam ratione terræ & olei bituminosi demulcet & retundit. Cæsalpinus notat quod adustos & crassos humores leniter purget, si in magna copia ut pondere ℥ij. ejus decoctum propinetur, præsertim si cum sero lactis confectum fuerit: quo remedio iterato per multos dies sanatos multos vidit ex maligna scabie & ulceribus exedentibus. Usus ejusdem in hæctica febre infantum, empyemate, phthisi, ictero, scabie & cutaneis affectionibus commendatur. In jusculis aperientibus ad M. j. præscribitur.

Emanuel Konig *in suo Regno Vegetabili*, hunc pulverem velut specificum antiphthysicum proponit.

℞. Lichenis petræi exsiccati & pulverati ℥ss. Geran. Robertiani pulver. Pulmon. vulpinor. præparator. Boli armen. ana ℥ij. Antihectic. Poter. ℥ijss. Sacchar. cand. ℥j. M. F. pulvis. Dosis ℥ss. vel ℥ij. mane & vesperi.

Officinæ Basileenses syrupum servant ex Lichene præparatum, qui infantibus tussientibus & scabiosis, maxime autem phthysicis utilissime datur.

Hepatica usurpatur in syrupo de Cichor. simplici & composito.

HEPATICA nobilis, Hepatica trifolia, *Off.* Ranunculus tridentatus, vernus, flore simplici, cæruleo, *Inst. R. H.* 286. Trifolium Hepaticum, flore simplici, cæruleo, *C. B. P.* 330. *Raii Hist.* 580. Trifolium Hepaticum sive Trinitatis herba flore cæruleo, *7. B.* 389. Hepatica trifolia, cæruleo flore, *Clusii Hist.* 247. Trifolium magnum seu aureum, quod nobilis Hepatica, *Tragi* 519. Hepatica aurea, *Brunsfels. Tabern. Icon.* 527. Trinitas *Matthioli*: Hepatica nobilis sive Trifolia *Parkinson.* Trifolium aureum *S. Pauli Quadr. Bot.* 5. vulgo, *Hepatique des Fleuristes*, ou *belle Hepatique*.

Radices sunt crassiusculæ in plurima capita divisæ, fibris innumeris ex rubro nigricantibus varie intertextis capillatæ, adeo ut totæ fibris hisce occultentur, nec aliud esse videantur quam massa seu congeries fibrarum glomeratarum & miris modis implexarum. E singulis autem radicis capitulis seu nodulis quotannis progerminant primo flores: deinde folia, cum primum emergunt complicata & hirsuta, postquam extenduntur glabra, superne obscurius viridia, aversa parte pallidiora, & interdum Cyclaminis modo purpurascentia, firma, triquetra, in tria segmenta non tamen ad pediculum usque divisa, per margines æqualia, pediculis semipalmaribus & longioribus insidentia. Caules ex eadem radice plures, tenues, pediculis foliorum breviores, nudi, singuli singulos flores sustinent speciosos, rosaceos, & sex vel octo petalis cæruleis conflatos, staminibus cum suis apicibus intus plurimis cum calyce trifolio & pistillo globofo ac verrucoso, quod abit in capitulum in quo plura semina acuta, Ranunculorum modo congeruntur. Variat floris colore cæruleo, carneo, albo: in hortis colitur ob floris sæviente hyeme erumpentis elegantiam. Herba integra usurpatur.

Inter plantas Hepaticas recensetur, necnon vulneraria dicitur. Refrigerat enim, siccatur, roborat & adstringit. A nonnullis, referente J. Bauhino, ad vul-

vulnera glutinanda tam foris illita quam intus sumpta probatur: item ad enterocelas, in quem usum pulverem dimidii cochlearis mensura ex vino austero propinant. Tota planta decoquitur in vino eodem ad columellæ fauciumque inflammationes. Tragus asserit, herbam vino decoctam & potam obstructione liberare jecur, præsertim in his qui veneri nimium indulgere: eandemque inflammationes impositam sedare, doloresque demulcere. Easdem vires ejus aquæ distillatæ tribuit. Nonnulli ejus extractum cum Saccharo præparatum in herniis puerorum perutile esse asserunt. Aqua pluvialis, post ternam quaternamve ex recentibus foliis cohobationem institutam, fit cosmetica egregia, quam honestissimæ matronæ, narrante Simone Paulli, ubi sole sub ardente versatæ sunt, ad formæ suæ restaurationem solent expetere.

H E R B A P A R I S .

HERBA PARIS, *Off. Dod. Pempt. 444. Inst. R. H. 233. J. B. 3. 613.* Solanum quadrifolium, bacciferum, *C. B. P. 167.* Uva versa, Uva lupina, Uva vulpina, *Germanorum*: Solanum tetraphyllum, *Adversar. Lobel. Icon. 267.* Aconitum salutiferum, *Tab. Icon. 112.* Aconitum Pardalianches monococcon *Cordi*: vulgo, *Raisin de Renard.*

E radice tenui, longiuscula, geniculis aliquot articulata, oblique serpente, alibi interdum progerminante, cauliculum erigit teretem & singularem, solidum, duos palmos altum, prope terram rubentem, superius viridem: atque circa hunc folia promit quatuor, ab uno veluti centro in decussis sive crucis figuram concinne digesta, ex angusto principiolata, in acumen desinentia, rugosa & nervosa, per margines æqualia, inferne splendentia, superne nigricantia. Supra hæc, in cauliculi fastigio, flos prodit cruciformis, quatuor scilicet petalis longis, angustissimis, acutissimis & viridantibus constans octonis staminibus longis, acutis, viridibus, cum additamentis ut plurimum croceis, nonnumquam albicantibus, & calyce ex quatuor latiusculis, acuminatis, & viridantibus foliis composito: in cujus medio sedet pistillum seu embryo fructus cum stylo brevi. Embryo autem abit deinde in fructum seu baccam mollem, fere globosam, atropurpuream, in quatuor loculamenta divisam, ex cujus umbilico quaterna filamenta ejusdem cum ea coloris emicant. His in loculamentis semina copiosa, minuta, oblonga, albida, magnitudine Papaverini aut Amaranthi, continentur. Odor totius plantæ virosus & ingratus. In agro Parisiensi sponte nascitur. Tota planta in usum venit.

Analyti chymica, ex ℥iij. & ℥xij. totius plantæ recentis, dempta radice, per retortam distillatis prodierunt humoris limpidi, saporis herbacei, obscure acidi ℥xij. ℥iij. humoris magis ac magis manifeste acidi & austeri ℥iij. ℥vij. ℥j. humoris rufi, leviter empyreumatici, minus acidi, subsalsi, austeri & obscure alcali ℥v. gr. lx. humoris rufescentis, sale volatili urinoso copioso imprægnati ℥vij. salis volatilii concreti urinosi gr. xlij. olei extracti ad instar spissi ℥j. ℥iij. gr. xxxij. Massa nigra in retorta residua pendebat ℥iij. ℥iij. gr. xlvij. quæ rite calcinata reliquit cinerum leucophæorum ℥j. ℥j. gr. xxxvj. ex quibus salis fixi mere alcali ℥v. gr. xlij. extracta sunt. Partium jactura in distillatione fuit ℥iij. gr. xliij. in calcinatione ℥ij. ℥iij. gr. xij.

Herba Paris sale essentiali obtinere videtur vitriolico-ammoniaco cum multo oleo bituminoso conjunctum.

Alexipharmaca censetur, cephalica, resolvens, & anodyna. Fuerunt qui eam Aconiti speciem esse conjectantes, venenatam prodiderunt. At vero Lobelius in *Adversariis* eandem alexipharmacam esse probat experimento duorum canum, quorum intimas in fauces vi indita fuit Arsenici & Mercurii sublimati ana ʒss. carnibus admista. E vestigio, inquit, uterque canum ore patulo aerem captabant, spumas elidebant, anxioque & crebro conatu, sed irritato, vomere nitebantur: latratus edebant ore & assultu rabido, rictuque minaci proximum quemque invasuri videbantur. Hora vix exacta uterque frigidior & quietior factus, decubuit moribundus. Tum Pulveris Saxonici ʒij. ex rubello vino infusæ fuerunt in fauces unius, ac nec tum quidem quicquam evomuit: quin potius aliquanto post, cum socius periculi jam enectus esset, hic nobis attractantibus visus fuit calefcere. Itaque caput ore reptare, oculos referare, & animum viresque adeo repente recipere ut hilaris & ludibundus aliquot horis post, coenam sub mensa ceperit, planeque convaluerit. Idem evenit ad Badenses Thermas aliis canibus quibus data fuit cum arsenico mixta nux vomica: sed hi vertigine ventrisque diris cruciatibus acti sese in gyrum indefinenter versabant.

Joann. Schroderus usum baccarum internum alexipharmacum in peste, venenatis morbis, venenisque assumptis pronuntiat. Ettmullerus eas eorum malignitatem per sudorem expellere scribit.

Baptista Sardus & Cæsalpinus adversus mentis emotionem, insaniam & fatuitatem tam per morbi diuturnitatem aut sævitiam, quam pravarum rerum assumptione contractas commendant, si viginti continuis diebus dimidium cochlear pulveris hujus herbæ jejuno propinetur. Idem præstat solum baccarum semen pulveratum, si Matthiolo credere fas est, ʒss. vel ʒj. pondere potum ad vigesimum usque diem. Secundum Camerarium pulvis radicis colicam sanat. Eadem baccæ n. v. vel ix. pulverizatae & in aqua florum Tiliæ propinatae a nonnullis summopere laudantur adversus epilepsiam, in primis infantum.

Non desunt tamen qui asserant acinos Uvæ lupinæ devoratos soporem inducere. Ego sane, inquit H. Tragus, illos nequaquam degustare volo, ne forte prorsus obdormiam. S. Paulli propter diversas auctorum hac de planta sententias internum illius usum prohibet, Galeni monito obtemperans. Medicinas, quæ jam longo tempore probatae sunt, quæque uno ore a peritis Medicæ materiæ auctoribus commendantur, omnibus aliis præferre videtur. *Lib. I. de antidotis c. 23. p. m. 399.*

Extrinsècus foliorum & baccarum usus plurimum commendatur in bubonibus pestilentialibus, calidis tumoribus, inflammationibus malignis, paronychia & ulceribus inveteratis, sive in decocto, sive sola contusa, aut cum fuligine impastata, in forma cataplasmati imponantur. Sic, auctore Ettmullero, & ad inflammationem & tumorem scroti ac testium, folia imposita admodum laudatum sunt remedium, non minus quam in inflammatione ipsius penis cataplasma ex herba virente contusa factum & applicatum egregie convenit. Hujus plantæ foliis aliquid anodynæ & narcotici in recessu recondi.

recondi existimat quo æstus & dolorem valent refrænare : propter quod in cancro tam exulcerato quam occulto folia hæc contusa in mortario plumbeo & imposita non leve levamen afferre scribit.

Folia & bacca in pulvere Saxonico usurpantur, cujus hæc est descriptio a Lobelio recensita.

R. Utriusque Angelicæ, domesticæ nempe & sylvestris, Vincetoxici, Valerianæ domesticæ, Polypodii querni, radicum Althææ & Urticæ ana ℥iij. corticis Mezerei Germanici ℥ij. Grana Herba Paridis n. xxiiij. folia ejusdem cum toto n. xxxvj. Ex maceratis in aceto radicibus & siccatis fit omnium pulvis. Dosis ℥ij.

H E R N I A R I A .

HERNIARIA, Millegrana, Herba Turca, *Off.* duplex est, alia glabra, alia hirsuta.

HERNIARIA glabra *J. B.* 3. 378. & *Inst. R. H.* 507. Polygonum minus, five Millegrana major glabra, *C. B. P.* 281. Herniaria, *Dod. Pempt.* 114. Empetrum, *Tragi* 527. Herba Turca, five Herniaria, *Lobel. Icon.* 421. Epipactis *Anguillar* : vulgo, *Herniole, Turquette, Herbe du Turc.*

HERNIARIA hirsuta *J. B.* 3. 379. *Inst. R. H.* 507. Polygonum minus five Millegrana major hirsuta, *C. B. P.* 381.

Parva hæc herba supina humique procumbens, late subjectum solum occupat luxurie læta complurium ramulorum, quos ex pusilla radícula in altum descendente fundit, hinc inde sparfos, teretes, subrubentes, creberrimis interceptos geniculis, ad quorum singula adversa folia perquam exigua, Serpilli minora, ex viridi lutea, in hac hirsuta, in illa glabra, gustu acri. Eisdemque locis erumpunt mirum in modum numerosi flores, minimi, luteoli, aut albidii, apetalii, plurimis scilicet staminibus constantes, ex calyce surgentibus. Horum pistillum ab ite deinde in semen perpusillum, splendens, nigrum, in capsula oblonga & striata quæ calyx floris fuit & per maturitatem horizontaliter rumpitur, reconditum. Utraque agri Parisiensis incola in usum medicum indiscriminatim recipitur.

Analyti chymica, ex totius plantæ floridæ & seminibus fetæ ℔v. distillatis prodierunt humoris limpidi, saporis & odoris herbacei, obscure acidi ℔j. ℥ij. ℥iiij. gr. lxxvj. humoris limpidi, sub finem rufescentis, magis ac magis manifeste acidi, & austeri ℔j. ℥xv. ℥vij. gr. xxiiij. humoris rufi, tum acidi, tum alcali & sale volatili urinoso imprægnati & austeri ℥iiij. ℥vj. olei adiposi ℥iiij. ℥vij. gr. xij. Massa nigra in retorta residua pendebat ℥xiiij. ℥vj. quæ rite calcinata reliquit cinerum ℥vij. ℥vij. gr. xxxvj. ex quibus salis fixi mere alcali ℥iiij. gr. lx. lixivio extracta sunt. Partium jactura in distillatione fuit ℥vj. gr. xliij. in calcinatione ℥vj. ℥vj. gr. xxxvj.

Herniaria saporem salsum, acrem refert, chartam cæruleam colore rubro leviter tingit. Sale donatur essentiali vitriolico ammoniacali cum oleo copioso & terra adstringente conjuncto.

In curandis herniis præsertim omenti & intestinorum, quæ propter peritonæi laxitatem in scrotum descendunt speciatim est proficua. Andreas

Mat-

Matthiolus refert, Gabrielem Fallopiū Mutinensem hac tantum herba plures intestinorum ramice laborantes sanavisse. Eamdem Jacobus Hollerius Medicus Parisiensis celeberrimus mirum in modum ad hernias commendat in tractatu *de morbis internis cap. 62*. Et propterea a Parisiensibus herba Holleriana dicta fuit. Hollerius succum expressum solum vel subinde affuso vino albo ab ℥ij. ad ℥iiij. per novem dies propinat. Antonius Valetius in *annotationibus in Hollerium* narrat, adolescentem quemdam, cui citatior saltus insignem herniam conciliaverat unico haustu aquæ stillatitiæ Herniariæ curatum fuisse, admoto tamen post reductionem factam hoc emplastro.

℞. Emplastri contra rupturam & emplastri de gratia Dei ana ℥j. Sanguinis draconis, Olibani, & radic. Osmundæ regalis pulverator. ana ℥ij. cum modico olei Mirtillor. Molliantur in igne, & fiat emplastrum super alutam.

Alii Herniariæ pulverem vel vino dilutum aut jusculo, vel sub forma boli ad ℥j. exhibent. Maceratur vel coquitur ejusdem herbæ M. j. in aquæ vel vini ℔j. & colatura ad ℥vj. vel ℥viiij. propinatur: & post reductionem omenti vel intestini cataplasma ex herba contusa sola vel cum aliis huic morbo accommodatis mista parti afflictæ admovetur. S. Paulli cataplasma sequens adversus exomphalon expertum proponit.

℞. Herbæ Perfoliatæ cum toto M. j. Herniariæ, Auriculæ muris, Plantaginis, musci Acaciæ nostratis ana M. ℔. In suff. quant. vini rubri cocta loco affecto applicentur, & umbilicus fascia arcte & debite constringatur.

Commendantur quoque pulvis, decoctum, infusum, vel vinum ex musto cum herba recenti fermentato paratum ad urinam ciendam, ad promovendas arenulas in urinariis meatibus hærentes, & ad nephriticos dolores sedandos. Cl. Tournefortius aquam diureticam ex hac herba conficit in urinæ suppressione & nephritide præstantissimam.

℞. Herniariæ & Melissæ Tragi ana ℔ij. Asperge salis marini M. ℔. & aquæ q. s. Digerantur per triduum. Postea in Balneo arenæ distillantur. Deinde aqua distillata iterum atque iterum novis plantis affundatur, & distilletur. Servetur ad usum. Dosis ℥iiij. cum vini albi tantumdem. Quarta quaque hora exhibeatur in urinæ suppressione, & nephritide.

Extus inungantur abdomen, inguina, perinæum & lumborum regio oleo per infusionem parato ex Millepedum M. j. Gantharidibus n. x. & semin. Ammeos ℥j. in olei Olivar. q. s. igne leviter decoctis aut sub solis æstivi radiis per triduum maceratis.

Præterea Herniaria ab Ettmullero inter plantas vulnerarias numeratur. Anguillara scribit succum hujus potum, aut herbam esitatum, vel etiam emplastri modo plagæ impositam, morsis a vipera auxiliari. Idem refert eam jecori prodesse, & aquam ejus distillatam & potam intra dies octo iterum sanare.

Joann. Godofredus Gruhlmannus adversus oculorum caliginem Herniariam, quam ea de causa Oculariam nuncupat *Specimine publico anno 1706. Jenæ edito*, velut specificam promulgavit, & illius usum senibus æque ac juvenibus, visionem lectione scriptorum subtiliore charactere impressorum diu noctuque debilitantibus commendat. Pulverem ejus pani butyro illito aspergit & mane

manē ac vesperi exhibet: vel extrahit ex ea cum spiritu vini per infusionem & digestionem essentiam singulis auroris in juscule vel aqua ejusdem distillata propinandam: quin imo pulverem ejus cum radice Helenii, foliis Verbenæ, Eufrasie, Betonicæ, Chelidonii majoris, Majoranæ, Rutæ, addito saccharo in formam Trageæ non minori cum successu redigit.

H O R D E U M.

DUÆ in primis Hordei species ad usum esculentum & Medicum recipiuntur, scilicet Hordeum Polystichum hybernum, & Hordeum Polystichum vernum.

HORDEUM polystichum hybernum, *Off.* Hordeum polystichum hybernum, *C. B. P.* 22. & *Inst. R. H.* 513. Hordeum polystichum, *J. B.* 2. 429. *Raii histor.* Hordeum polystichon hybernum majus, *Tab. Icon.* 274. Hordeum majus, *Tragi* 638. Hordeum primum, *Anguillar.* Hordeum, *Brunsfels.* *Matthiol.* vulgo, *Orge.*

Hordeum, ut reliquæ culmiferæ stirpes, radicibus est fibrosis, tenuibus, numerosis: brevior culmo quam vel Triticum vel Secale, sesquicubitali tamen interdum & in lætiore solo bicubitali, quinque, sex, & pluribus interdum geniculis intercepto; ad quæ singula folia graminea, longa, angusta, culmum aliquousque obvolventia, ima triticeis angustiora, superiora nonnumquam æque lata, scabriora, & quousque culmos obvestiunt glauco quodam polline plerumque obducta. Spicas promit in ordines & versus nunc ternos, interdum quatuor, nunc sex, nunc octo axi dentatæ affixos digestas, longis, firmis, mordacibus & asperis aristis e glumarum apicibus prodeuntibus munitas: in quibus flores nascuntur apetalæ, staminibus plurimis constantes ex calyce ut plurimum triphyllo surgentibus. In centro calycis seu glumæ embryo fructus reconditur, qui deinde abit in semen duas tresve lineas longum, pallidum vel flavescent, farinaceum, utrimque acutum, ventre tumido, glumæ quæ calyx floris fuit arcte adhærescens adeo ut eam deponere vix queat. Seritur in arvis autumno & sequenti anno colligitur.

HORDEUM polystichum vernum, *Off.* Hordeum polystichum vernum, *C. B. P.* 22. & *Inst. R. H.* 513. Hordeum hexastichum pulchrum, *J. B.* 2. 329. Hordeum polystichum æstivum, *Tabern. Icon.* 275. Hordeum septentrioni notissimum, *Lobel. Obs.* Hordeum senis versibus, *Matthiol. Camerar.*: vulgo, *Orge de printemps*, *Orge avance.*

Priori breviores spicas profert & crassiores. Ceterum non differunt nisi solo sationis tempore. Hoc apud nos in arvis verno tempore seritur.

Hordei stipulæ per maturitatem molliores sunt minusque fragiles quam triticeæ: unde & succulentiores sunt, & pabulum bobus & vaccis alendis commodius & pinguius suppeditant. Spicæ ob longitudinem & gravitatem plerumque nutant & deorsum incurvantur, & vel viginti interdum grana in singulis versibus continent: Ab eodem grano plures stipulæ exeunt.

Analyti chymica, ex granor. Hordei ℥vj. & ℥viii. per retortam distillatis pro-

prodierunt humoris limpidi, odore & sapore decoctum Hordei referentis, primum obscure subsalsi, obscure acidi, deinde manifeste acidi ℥j. ℥iij. gr. xxiiij. humoris rufi, empyreumatici, impenfe acidi, acuti, primo obscure austeri, deinde manifesti ℥j. ℥x. ℥iiij. gr. xlviiij. humoris rufescentis, empyreumatici, sale volatili urinoso copioso imprægnati ℥iiij. ℥. olei spiffi fere adiposi ℥iiij. ℥v. gr. xxxvj. Massa nigra in retorta residua pendebat ℥j. ℥xiiij. ℥vij. gr. xxxvj. quæ pulverata & per decem horas rite calcinata reliquit cinerum ℥ij. ℥vj. gr. xl. illorum cinerum lixivium adeo viscidum erat, ut chartam bibulam permeare vix & nisi post longum temporis intervallum valeret: ex cineribus salis alcali fixi ℥j. lixivio extracta est. Partium jactura in distillatione fuit ℥j. ℥vj. ℥ij. gr. xxxvj. in calcinatione ℥j. ℥xj. gr. lxxviiij.

Hordei semen seu granum multum salis essentialis tartarei continet cum sulphure crasso copioso, nonnihil salis ammoniacalis & terræ adstringentis conjunctum. Ex hac mistura compositum exsurgit farinaceum, quod cum aqua dilutum vel coctum in mucilaginem abit adeo viscidam, ut igne quidem destrui vix possit: quandoquidem granorum Hordei insignis portio, (fere tertia pars) in carbonem convertitur, & cineres licet optime calcinati mucosam & viscidam reddunt aquam. Hæc farinacea & mucosa substantia actuosius donatur principiis, quæ, si ope aquæ in motum agantur, fermentationem concipiunt, mucosæ partes dividuntur, attenuantur, ac compositum vinosum fit, ut experimur in Cerevisia, postea acetosum, ac tandem evanidum aut putidum, sicut ceteri fere omnes plantarum succi. Ex liquore vinoso seu Cerevisia spiritus ardens extrahitur spiritui vini haud absimilis.

Hordeum non easdem cum Tritico facultates obtinet: si quidem Triticum calefacit: Hordeum vero quocumque modo paratum sit, nunquam corpus calefacit, sed quodammodo refrigerat & abstergit, & varie pro modo præparationis tum humectat, tum siccatur. Coctum ut in ptisana humectat, tostum ut in polenta siccatur. Differt præterea a Tritico quod succum tenuem aut saltem minus crassum ac deterforium generet, cum Triticum crassum ac lentum sit & nonnihil obstruentis naturæ obtineat. Nonnulli observant Hordeum flatulentum esse & stomacho adversari, quod quidem intelligendum est de Hordeo coctione aut fermentatione non debite subacto aut de ventriculo Triticeis assuefacto.

Ex Hordei farina olim apud populos quamplurimos, panes conficiebantur, & hoc etiam sæculo fiunt, verum in annonæ caritate & ad sublevandam Tritici inopiam, a tenuioribus præcipue. Apud nos certe, sicut apud Romanos olim, mediocrem habet auctoritatem, saltem ad panificia: nam ad conficiendam cerevisiam valde expetitur, & a septentrionalibus populis quotidiano usu frequentatur, illis æque necessarium pro potu parando, ac Triticum pro pane. Reipsa Hordeum minus quam Triticum alit, difficilius concoquitur, quoniam minus habet lentoris, & corpori agglutinari & adhærere æque ac Triticum nequit. Hordeum laudatur candidum & purum, totum plenum, densum ac ponderosum, quantum ejus natura postulat. Reprobatur gracile, rugosum, laxum ac leve. Nec statim a messe & tritura eo utendum est, sed loco sicco & minime humenti per aliquod tempus condendum est propter humorem viscidum, supervacuum qui exhalari

aut attenuari postulat. Quando vero mediocriter siccatum contrahi videtur, tunc ejus usus tempestivus est, idoneus & salutaris. Cortex autem exterior, qui furfuraceus, interiore pulpa seu farina ficior est, minime vel parum nutrit, abstergit, & purgatorium quid, monente Hippocrate, obtinet.

Variis modis Hordeum paratur, vel ut alimentum sit, vel ut alimentum medicamentosum.

1. PANES ex Hordei farina conficiuntur, Triticeis friabiliores & multo inferiores, pabulum tenuioris fortunæ hominum præbent, iis tantum accommodati sunt qui duros subire labores necesse habent, robustum enim ventriculum requirunt: quapropter apud Athenienses, narrante Plinio, gladiatores, qui eo frequenter vesciebantur, hordearii cognominati fuerunt. Dicuntur etiam convenire catarrhosis, hydropicis & mulieribus quibus menses immodice fluunt. Laudabiliores sapidioreque panes evadunt si Hordeum cum Tritico, Spelta aut Secali æquis portionibus misceatur.

2. MAZA *Græcorum & Latinorum*, genus panis Hordeacei apud veteres usitatum, Hordei tosti farina est liquore aliquo conspersa atque subacta v. g. aqua, oleo, lacte, vino, sapa, melle &c. Hinc forte placentæ, quæ in officinis ex amygdalis & saccharo conficiuntur, Massipanes nominantur. Maza coquitur, inquit Galenus *l. 1. de alimentis cap. 12.* panibus Hordeaceis ægrius, magisque ventriculum flatu implet, in quo, si diutius manserit, turbationem excitat. Citius autem subducitur seu dejicitur, si bene commixta fuerit ac diutius subacta. Quod si mel quoque addatur, citius etiam ventrem ad excretionem excitabit.

3. POLENTA, ἀλφιτον *Græcis*, geminam habet apud auctores significationem, generalem & specialem. Generaliter quamlibet farinam cujuslibet frumenti & leguminis denotat. Fragmenta enim omnis grani mediocri magnitudine moliti ἀλφιτὸν vocabant præci: majora fragmenta κριμνα seu farinas crassiores, vulgo *Griau* ou *Gruau*: minora ἀλευρα, farinas tenuiores. Specialiter polenta farinam Hordei recentis tosti vel frixi, ex qua pulles parabantur cum aqua, vel lacte, vel passo significat. Ait enim Plinius Polentam ab Hordei farina eo distare, quod torretur. Fit Polenta laudatissima inquit Galenus *l. 1. de Alimentor. facult. c. 11.* ex recenti Hordeo mediocriter frixo. Græci Hordeum aqua perfusum siccabant nocte una: postero die frigeabant: tum molis frangebant. Alii vehementius tostum rursus exigua aspergebant aqua, siccabantque priusquam molerent. Nonnulli Hordeum virentibus spicis decussum recens purgabant, madidumque tundeabant in pila, atque in corbibus eluebant, ac sole siccatum rursus tundeabant, purgatumque molebant. Polenta omnis, ait Galenus, loco citato, quæ quidem legitime decenterque facta, boni odoris est: sed suaveolentissima illa quæ ex optimo & recenti Hordeo, & quod spicam non admodum siccam habet parata. Addit insuper morem esse compluribus eam sapa & vino dulci mulsoque commistis, nonnumquam sola aqua conspersam, æstate duabus tribusve horis ante balneum bibere, idque sitis extinguendæ gratia. Sæpius antequam Hordeum torreretur pinsereturque, Linum, Salem & Coriandrum miscebant, quorum hanc proportionem ac mensuram Plinius refert. Recipiebant Hordei lbxx. Semin. Lini lbij. Coriandri lbß. Salis 3ij. His omnibus

bus tostis & simul tritis utebantur. Polenta leve & exiguum præbet alimentum: privatis quidem & ab omni exercitatione liberis satis multum: iis autem qui quoquo modo exercentur, minus quam satis est. Desiccatur vero magis quam Hordeum: alvum quoque cohibet.

Hodie in quibusdam Galliæ Provinciis sicca Hordei farina quasi torrida & in clibano resiccata venalis circumfertur, inspissandis carniū jusculis inserviens. *Griotte* vulgo dicitur aut *Gruau*. Offæ genus etiam paratur ex Hordeo sub mola trito in aqua & sale elixato atque despumato, cui lac aut butyrum adjiciuntur. Vocant *des Gruaux d'orge*. Ex avena quoque retorrida conficiuntur quæ *Gruaux d'Avoine*.

4. PTISSANA, Ptisana *Latinorum*, πτισσάνη, ἢ πτισάνη *Græcorum* quadruplicem significationem habet: impropriam, generalem, specialem, & specialissimam ac priscis medendi artificibus usitatam.

Improprie in officinis ptisana sumitur pro decocto Hordei, quod tenue est, & substantiæ ejus parum retinet. Adduntur autem Hordeo etiam alia; v. g. Glycyrrhyza, Graminis radix, Passulæ, Jujubæ, Ficus, Semina &c. Sumitur Hordeum integrum, cum mundificandum, abstergendum, siccandum: excorticatum vero, quando leniendum, mitigandum, emolliendum, sitisque magis extinguenda.

Generaliter, pro quovis frumenti genere quod pistum est, suoque cortice spoliatum, juxta vim vocis: πτισσάνη enim vox videtur Athenæo deducta ἀπὸ τῆς πτίσεως, quod est tundendo deglubere, seu pinsendo decorticare. Verum ptisanam istam non simplici ptisanæ nomenclatura, sed addito frugis ex qua constabat nomine veteres exprimebant. Hinc dicebatur πτισσάνη πυρίνη, ptisana triticea; χονδρ πτισσάνη, ἢ ζείας καὶ ὀρύζης πτισσάνη quæ ex alica, zea, & oriza parabatur: quæ fit ex lentibus φακοπτισσάνη.

Specialiter, pro Hordeo pisto & decorticato, cui proprie & peculiariter ptisanæ nomen competit. Hordeum enim tundendo deglubebatur, ac suo cortice spoliatum recondebatur ad usum. Officinæ Hordeum mundatum hodie appellant: vulgo, *Orge monde*.

Specialissime & juxta vulgarem Medicorum acceptionem, pro πτισσάνης specialiter sumptæ χυλὴ καὶ ῥοφήματι hoc est ptisanæ cremore seu succo & sorbitione. Celsus tamen jus Hordei integri quod decorticatū non est, in aqua tantisper decocti, dum coctione diffiliat, Hordei cremorem vocat: qui biliosis & ardentibus febribus propinatur.

Ptisanam coquendi ratio aliis atque aliis diversa fuit, sed Græcis maxime vulgata hæc est & optima quam Galenus annotavit *lib. I. de Ptisana c. 4. & lib. I. de Alimentor. facul. c. 9.* Monet autem ad illius confectionem eligendum esse Hordeum optimum, & quod inter coquendum in magnam molem attollatur, & aquam optimam. Primum veteres Græci Hordeum crude in aqua macerabant. Deinde maceratum manibus conterebant, donec exterior cortex manibus esset excussus. Tum validius iterum manibus confricabant, quousque totum illud quod paleaceum erat, ablatum esset: nisi ptisanam parare vellent majori abstergendi virtute pollentem; tunc enim Hordeum cum

cum ipso cortice exteriori coquebant. Coquebant id autem primum vehementius, ut bulliret multum; postea igni blando, donec in cremorem abiret, qui etiam jus, succus & lac, *ρῶφημα* græce & *χυλος* appellatur.

Hæc erat ptisana veterum simplicissima. Compositam tradit Galenus, loco citato. Coquitur Hordeum decorticatum in aquæ decem, vel, ut Paulus Ægineta ait, quindecim partibus: daturque inter coquendum opera, ut quam amplissime intumescat. Cum in tumorem est sublatum, aceti infunditur momentum, deinde olei exiguum; quod tamen etiam per initia injici potest. Quando ad exactam coctionem perventum est, sal friatus inspergitur, neque aliud quidquam præterea admiscetur, nisi forte Anethi aut Porri paucillum. Et talis quidem est optima ptisanæ confectio. Ab ea multum aberat quam plerique aliis multis superfluis imperite condiebant. Alii namque Amylum, alii Sapam indebant, alii Mel & Cuminum, cinnum potius quam ptisanam parantes. Nec defuit illis forte ratio, quod sic Hordei crassitiem tenuari, lentorem incidi, flatum discuti arbitrarentur.

Hippocrates *l. de victu in acutis*, qui & *de ptisana* etiam inscribitur, miris ptisanam laudibus extollit, eamque omnibus frumentaceis sorbitionibus in acutis morbis præferendam judicat. Tunc enim de carniū usu in morbis nulla erat mentio. Galenus *in Commentariis* ait dicti Hippocratei veritatem elucere si acutorum natura & qualitates viresque ptisanæ considerentur. Etenim morbi acuti cum febribus sunt conjuncti, & quidem putridis validisque: ideoque ratione febrium opus iis esse refrigeratione & humectatione: ratione putredinis concoctione & evacuatione; concoctione quidem eorum quæ adhuc concoqui & ad meliorem statum redigi queunt: vacuatione illorum, quæ jam plane sunt exusta, & concoqui amplius non possunt; poscere etiam eosdem acutos morbos refectionem & refocillationem, virium causa; hisce autem scopis & intentionibus omnibus ptisanam satisfacere. Revera ab omnibus antiquis Medicis ptisana acutis & ardentibus febribus accommodatissima censetur. Refrigerat enim lentis ac viscidis suis partibus sanguinis & humorum æstum ac effervescentiam compescendo: humectat, solidas partes nimis rigidas emolliendo, sicciores & crispatas aquosis ac lentis particulis irrigando, humores vero spissos & viscidos dissolvendo, sanguinem fluxiliorem efficiendo & ad circuitum suum placide & æqualiter perficiendum aptiorem reddendo: magis sitim extinguit quam ipsa aqua, non solum humorum acrimoniam retundendo, sales & sulphura nimis evoluta involvendo & irretiendo, solidas partium fibrillas emolliendo, sed etiam lentore suo aqueas fluxiliores particulas intra fibrarum poros diutius retinendo: humores crudos adhuc ad coctionem disponit, tum succos inspissatos & coagulatos dissolvendo, tum solidas in quibus reconduntur partes emolliendo & laxando. Cruditas enim humorum vel est eorumdem spissitudo nimia, vel nimia partium continentium constrictio aut erethismus, quibus diluentia apprime medentur: putridos humores abstergit & evacuat eandem ob causam, restituendo nempe & secretiones & excretiones debitas: facillime concoquitur & quaqua versum digeritur: Quid est enim ptisana? nisi chylus vel potius lympa jam fere perfecta, quæ succum nutritio succo congenerem nutritioni aptissimum continet, multa aqua

Tom. II. V dilu-

dilutum, tenuissimum, levissimum, fluxilem, qui ventriculi succo facile confociatur, per totum corpus cito diffunditur, sanguini & humoribus prompte & intime permiscetur, eos diluit, fluidiores efficit, & partibus omnibus nutrimentum exiguum quidem sed convenientissimum quale in febribus requiritur, suppeditat atque circumvehit. Alimentum est insuper innocentissimum, omnipotentiori qualitate vel excessu carens, qui quidem aliqua dignus sit animadversione aut reprehensione: non enim salium & sulphurum exuperantium majori copia donatur, sed omnia principia in eo ita sunt commixta, temperata, actuosæ particulæ aqueis & terrestribus partibus adeo exacte involutæ & subactæ, ut gustu excessus nullus percipiatur. Nullam inflammationem in partibus, nullum æstum in sanguine, in bile nullam effervescentiam excitare valet: quin imo si quæ sint turbæ in humoribus, ab ea facile sedantur & coercentur. Si quid flatulenti in cerealibus deprehenditur, corrigitur in ptisanæ tostione & coctione, quibus viscidæ ejus particulæ sufficienter attenuantur.

Præstantissimo hocce alimento medicamentofo antiquiores Medici in acutis ægotantium vires sustinebant, naturæ morborum medicatrici opitulabantur, nullas morbo suppetias ferendo. Nec indiscriminatim ptisanam granulofam, aut ptisanam jurulentam cuicunque ægotanti afferebant: sed modo cremorem solum, modo ptisanam, modo cremorem variis proportionibus ptisanæ confusum, quantum scilicet ægro cuique pro varia febris ætate, aut indole conveniebat ptisanam plus aut minus cremore dilui. Ptisanam enim nemini febricitanti indulgebant, nisi biduo post crisim vel catharsim elapso, cremorem prope nemini, etiam minus robusto, dum crisis erat futura quarto die; nec ante septimum, si septimo tantum crisim futuram autumabant, & vires essent ferendo pares, sola potione contenti aut mulsa seu hydromeli, aut apomelite (a), aut aqua frigida vel calente. Secus, cremoris oxybapha (b) duo, id est uncias quinque dabant; simul ac semel, si semel tantum cibum sumere solitus fuerat ægotus: bis, & cremoris dosi supradiçta in duas partes divisa, si sanus bis pasci fuerat assuetus; æqualibus vel inæqualibus portionibus, pro ratione consuetudinis in sumendo cibo, dum valebat. A primo vel secundo die tam exiguum demensum magis magisque minuebatur donec morbus pervenisset ad criseos tempora, id est, ad septimum, nonum, undecimum morbi diem; eo die nihil dabant præter potionem. Judicato morbo per crisim vel per concoctionem, alimentum quibus gradibus imminutum fuerat, augebatur. Biduo post crisim addebatur cremori, ptisanæ seu grani concocti nonnihil. Hoc sensim augebant imminuta cremoris portione, auctis dosibus, donec ad solidum alimentum per ova, pisciculos, avium cortalium extrema fieret reditus. In hoc curriculo, si fastidiebatur cremor ptisanæ, panis bis, ter, quater, quinquies, sexies elotus, donec aquæ innataret, sorbitioni fastiditæ sufficiebatur. Nec ex Hordeo solo alimonia febrientium petebatur, sed ex Zea, Chondro (c), Trago (d), dein-

(a) Decoctum paratum ex melle vel favis cum aceto commistis & tantisper decoctis.

(b) Oxybaphon, acetabulum, mensura.

(c) Aliea & Chondros granum significant ex Zea frumenti specie paratum forte; quid simile a l'Orge perle.

(d) Tragus fit ex Olyra decorticata: Olyra est vel ipsa Zea, vel Zeæ aut Tritico respondet. Forte erat gruti species ex hoc frumento.

deinde allica factitia, oriza, denique Milio, imo & ipsis leguminibus. Ex his ptisanas conficiebant, nunc solo nomine notas, olim tam vulgares ut vix eas describere dignati sint veteres. Nonnunquam & carnis nonnihil adjiciebatur; sed hæc magis medicamenti vel condimenti nomine, quam alimenti, si quando liquiditas alvi aut fastigium stomachi infestaret aut metueretur. Nunc vero apud nostros homines harum sorbitionum vestigia sola supersunt: ptisanæ hujus ætatis, nudum nomen nisi quod Hordei nonnihil continent, ut constet aliqua nominis ratio.

Nec solum juscula carniū inolevere, exoletis jam tot plurimorum sæculorum auctoritate confirmatis ptisanis. Sed (quod quidem serio consideranti mirum videbitur & ab omni ratione alienum) postremis hisce temporibus, una cum jusculis carniū, pro antiquatis multiplicibus veterum scitis, de delectu, de mensura, de modo seu systasi. de intervallis alimentorum sorbilia; de his sensim minuendis, augendis, vel omnino prohibendis pro ratione viriū, ætatis, consuetudinis, temporum morbi: una successit lex omnium naturarum, ætatum, tempestatum, febriū utcunque inter se distantium communis, ineunte. procedente, vigente morbo, trium quatuorve horarum intervallis sorbitiones exhibere, non quales vellet Medicus ex artis decretis, hoc est leviores ac leviores febre gliscente, sed a primordiis ad summum succo carniū majorum quadrupedum opimarum valentissimo refertas, & quantas ventriculus ægri potest admittere, hoc est, librales, vix exceptis paroxysmorum gravissimis temporibus. His autem vix minus quatuor libris bubulæ, vitulinæ, vervecinæ uni febrienti in unicum diem deputantur: adeo ut multo plus alimonix ægrotanti homini quam sano aggeratur. Liquidæ tantum, inquit carnivori, illis offeruntur sorbitiones e carnibus longa coctione elicite. Verum quid est illa sorbitio nisi carniū succus, adeo compactus ut jam fluiditatem suam amittet, & in gelatinam concreascit; extractum potius salibus & sulphuribus carniū onustum & ideo ipsis carnibus magis noxium. Et re ipsa hæc jura sæpe ventriculum ægrum sollicitant, ardorem in eo concitant, difficile concoquuntur, imo citissime corrumpuntur, varia symptomata pariunt, ructus nidorosos, nauseas, vomitiones, diarrhæas, sulphurei fœtoris intolerabilis dejectiones, insuperabile fastidium, & alia huic alimonix potius imputanda quam febre: tandem in sanguinem irrepta variis illum imbuunt partibus incendiariis, sulphureis, salinis, actuosis, quibus conturbatus vehementer effervescit, febrilis excandescit ardor: ita ut non tam ægri vires his alimentis sustineantur, quam putridorum humorum copia & morbi robur augeantur & crescant. Sed ad Hordeum redeamus.

Inter diversos Hordei præparandi modos tres nobis aliquantisper adhuc usitati supersunt. Unus qui decoctum Hordei *de l'eau d'Orge* in officinis dicitur: alter a veterum ptisana parum discrepans, Hordeum mundatum dicitur, Vulgo, *un Orge monde*: Tertius Hordeatum *de l'Orgeat, de l'Orge passe*, seu cremor Hordei *de la Creme d'Orge*.

Decoctum Hordei vel simplex est, vel compositum. Simplex præparatur ex Hordeo vel integro, quod ratione corticis magis detergit, & in obstructionibus magis conducit, vel decorticato seu mundato, ut ajunt, quod paulo ma-

gis refrigerat & increffat. Cum aqua communi puriffima plus minufve coquitur, modo ad granorum mollitiem tantum & turgescientiam, modo ad perfectam crepaturam, ut ajunt, feu donec granorum tunica a nimia farinacea substantiæ rarefactione difrumpantur. Hæc decocta in febribus ardentibus & aliis ægitudinibus utiliter usurpantur ad humores crassos & vilcidos diluendos, ad humorum acrimoniam temperandam ac demulcendam.

Compositum vero decoctum Hordei fit cum radicibus Glycyrrhyzæ, Graminis, Cichorii, aut aliis aperientibus, Scorfonneræ, Lapathi, Bardanæ &c. Passulis, Jujubis, Ficubus, Dactylis, feminibus & aliis diversis pro diversis indicationibus. Sic Ettmullerus in pleuritide laudat potum ex decocto Hordei in quo flores Papaveris erratici aut Bellidis infusi fuerunt; in variolis & morbillis decoctum Hordei cum Cornu Cervi; idem decoctum cum radice Chinæ in febribus ardentibus & cum radice Scorfonneræ in petechialibus.

Hordeum mundatum ex Hordeo integro conficitur eoque laudatiffimo, & pistrino gluma sua decorticato, quod *Orge græ* nostrates appellant: cujus pars quædam in aqua maceratur, abluitur, & iterum manibus teritur, ut quidquid exterioris tegumenti inter pinsendum reliquum est, defricetur. In fictili postmodum reponitur, nova aqua affunditur, & in ea elixatur per quinque, sex, vel septem horas, donec in cremorem abeat: sed ne ebullitio interrumpatur, cum nova aqua opus est, tepida affundenda, & igne blando coquenda ptisana granulosa, in qua nempe semen ipsum restitat: ut vero melius fiat hoc Hordeum mundatum, quidam ab initio butyrum recens addunt, sub finem vero salis quantum satis. Sic paratum ab infima plebe comeditur. Alii ut suavius sapiat, Amygdala, & ad refrigerium semina Melonum vel Cucurbitarum admiscent, & insuper multo Saccharo condiunt. Hujus multus est usus per totum quadragesimale jejunium commodum præbet alimentum, & succum laudabilem in sanis & ægris generat.

Hordeatum quod veterum ptisanæ cremor, nobis *Orgeat*, sic conficitur: Hordeum, ut diximus decortikatam, maceratum & manibus fricatum, atque per horas septem octove elixatum in mortarium marmoreum conjicitur, cum Amygdalis dulcibus decorticatis denuo teritur, & sic trajicitur aliis crassius, aliis liquidius tum additur Saccharum, & patinæ argenteæ impositum iterum prunis leviter ebullit, atque exhibetur sanis, ægris, tussientibus, extenuatis, his qui noctes ducunt insomnes, quo tempore semina quatuor frigida majora adjiciuntur. Cum post colaturam coquitur denuo, crassius fit, & magis nutrit: fin minus, liquidius est, & avidius a multis sumitur, sed minus alit: propterea non tantum semel in die circa horam somni porrigitur, sed bis ter aut sæpius julapiorum in morem propinatur. Interdum ptisanæ sub finem coctionis lac additur, quo nomine suaviter esitatur, sed febricitantibus non convenit.

Si vero æger uberiori nutritione refrigerante & humectante opus habeat, vel Hordeum incoquitur cum pullastro vel frustulo carnis vitulinæ: vel post longam in aqua elixationem, jus carniū affunditur & transcolatum simul cum Hordei cremore hauritur.

Quoddam apud Germanos & Belgas Hordeum præparatur in granula rotunda candida seminis Milii magnitudine contritum, quod Hordeum perlatum dicitur.

citur, ex eo quod semen margaritas forma, crassitudine, candore quodammodo referat. Conficitur ex Hordeo decorticato & suspensa mola trito; Fortasse non multum differt a crimno veterum, quod *κρίνον*, Galeno monente, crassior farinae pars est, quæ effracto Hordeo grandiuscula invenitur, quæ exquisitiorem molæ confractionem refugit, & per cribrum laxiora habens foramina transmissa est. Ex eo apud Hermanos Pultes modo cum aqua, modo cum lacte, nonnunquam cum jusculo carniū conficiuntur.

℞. Hordei integri ℥ij. Decoque in aqua pura; sed primum fervefacta abjiciatur: nova addatur, ad q. s. & coquatur igne lento ad ℥vj. Fiat colatura sine expressione. Adde Sacchari rosati vel syrupi cujuscunque ℥j. Sumat æger pro potu solito, ad leniendam tussim & ad sanguinis æstum in calidis affectionibus compescendum.

℞. Hordei integri optime loti M. j. Radicum Gramin. Brusci & Cichorii ana ℥j. Coquantur in aq. comm. ℔iiij. ad ℔iiij. Sub finem coctionis adde folior. Taraxaci, Scolopendrii ana M. j. Liquiritiæ rasæ & contusæ ℥iij. F. apozema aperiens per cyathos, tertia quaque hora, propinandum.

℞. Hordei mundati ℥j. Bulliat leviter in aq. q. s. rejicienda. Nova & limpidissima affundatur ad ℔iiij. & coquatur ad mollitiem. Tum adde Passularum ℥ss. Caricas ping. n. ij. Glycyrrhiæ rasæ & contusæ ℥ij. Bulliant per horæ quadrantem. Adde sub finem, Capillor. vener. Canad. florum Papaveris rhæad. & Tussilag. ana M. j. Decoctum refrigeratum transcolletur & pro potu servetur. Ad tussim sedandam, humorum acrimoniam compescendam, expectorationem promovendam.

℞. Hordei mundati optime loti ℥ij. Coquatur in aq. purissimæ q. s. igne lento ad crepaturam. Trajice deinde per colum, & ad ℥viij. adde Sacchari ℥j. vel syrup. de pomis simplic. de Althæa aut alterius ℥jss. aq. florum Aurantiorum ℥j. Fiat Hordeum mundatum. Capiat mane, jejuno ventriculo & vesperi dum it cubitum ad temperandam humorum acrimoniam aut somnum conciliandum.

℞. Hordei mundati loti ℔ss. Fiat decoctio in aqua fontis purissima lento igne usque ad perfectam crepaturam. Aquam colo separa: & extrahe pulpam seu medullam ab Hordeo per setaceum, quæ ad pultis consistentiam cocta servetur in vase terreo vitreato optime cooperto, & in loco frigido non multum humido, quia cito liquefceret. Hujus pulpæ duo aut tria cochlearia dissolve in jusculo, & coquantur per semihoram ad modum liquidæ panatellæ, seu cremoris Hord. antiquor. addendo si lubet aq. florum Aurantiorum perparum. Capiat æger bis aut ter in die.

℞. Hordei perlati vel Hordei mundati ℥ij. Coque cum frustulo colli carnis vitulinæ vel cum pullo gallinaceo. Colatura sumatur instar liquidioris panatellæ. Ad tabidos & hædicos nutriendos.

℞. Hordei mundati ad crepaturam cocti ℥jss. Amygdalas dulc. decorticatas n. vj. Semin. Melon. ℥iij. Contunde in decoct. Hordei ℥xvj. Expressioni adde syrup. de Althæa aut Nenuphar. ℥ij. aq. flor. Aurantior. ℥ij. Fiat emulsio pro duabus vel tribus dosibus.

CEREVISIA & Cervisia: Gallis olim *Cervoise*, nunc *Bierre*: Ζύθος aut Zythus *Ægyptiorum* & *Græcorum*: Κάρις *Dioscoridis*: Οἶνος κρινωτός *Diodori Siculi*, seu vinum Hordaceum: Πίλος seu Πίλον *Athenæi*: Βρυτον *eiusdem*: Βρυττιον *Hesychii*: Φρυγίς *Simeonis Sethi & Arabum*: Φοκαδιον aliorum: Cœlia & Ceria Hispanorum, *Plinii*: Potus Peleusiacus, *Columellæ*: Sabaia Illyricorum, *Amiani Marcellini*. Portiones sunt inebriantes non prorsus dissimiles, Ex Hordeo vel aliis Cerealibus præparatæ, licet ratione præparationis granorum, fermentationis, aut admistarum rerum aliquantisper differant.

At Cerevisia nostra pectus est aqua cum Malto infusione paratus & fermentatus, mediæ quodammodo inter aquam & vinum naturæ.

I. Ex Hordeo Triticove, vel utroque Maltum, *Buñ Aetii*, & Brasium *Quorundam*, ad conficiendam Cerevisiam sic præparatur.

Grana Hordei vel Tritici in ampla cupa lignea macerantur per unum aut alterum diem, donec cum mollitie intumescant. Deinde subter infusa aqua, grana eximuntur, & in pavimento asseribus strato paulum exsiccantur, ut nimius humor aquosus evaporetur. Humida adhuc aliquantisper coacervantur ad altitudinem circiter dimidiæ ulnæ, quo protrusis perpusillis radicum cirris seu filamentis germinent & quasi fermententur.

Germinatio hæc quo rectius successit, eo porosior evadit Malti substantia, ac infusioni extractionique aptior. Sub germinatione autem hæc grana quotidie bis terye versantur ac moventur, ut æqualiter germinent, ne quædam grana calore nimio suffocentur & putrescant, quædam autem substantiam suam seu medullam omnem in filamenta ejusmodi effundant, quædam etiam in superficie & per ambitum locata ab aeris frigore in germinatione impendantur.

Postea vero ne nimia ejusmodi germinatione Maltum quasi enervetur, & nimiam actuosarum partium quantitatem deperdat, grana ita germinantia laxè & sulcatim dispersa aeri exponuntur ac sensim siccantur, vel tandem etiam supra tabulatum quoddam, igne subiecto, blando calore torrentur, sæpius sub tostione versando ne adurantur. Torrefactio tamen si nimia fuerit, Cerevisiæ saporem ingratum conciliat.

2. Maltum molle molarum beneficio ad cremorem redigitur, ac dein aquæ ferventissimæ in cupa lignea infunditur, ea fere quantitate ut pulmentum referat, & a viris robustis, per aliquot vices, ligneis quibusdam instrumentis planioribus probe agitur, donec spuma in superficie appareat, quod signum sufficientis extractionis est: si maceratio hæc aut extractio justo diutius protrahatur, Cerevisia evadit crassior, mucilaginosa, ac dein vix fermentescit, cujus causa in particulis terrestribus simul extractis latet. Deinde beneficio colatorii cujusdam lignei in cupa repositi, infusum cremore Malti imprægnatum transcolatur: continuo iterum exhauritur & in caldario ad ignem rursus coquitur per semihoram, sesquihoram aut aliquot horas ut melius conservetur, adjectis aliquot manipulis florum Lupuli salictarii. Mox in cupas, ut refrigescat, distribuitur. Tandem hujus decocti frigefacti libris octo vel decem, fermenti sive fæcis Cerevisiæ libra aut sesquilibra adduntur exacte agitando, in loco tepidiore: stragulis operiuntur, sensimque reliquus liquor affunditur, ut commodius

dus fermentescant. Quibus absolutis liquor fermentescens transcolatur: vasa adimplentur, & demum fermentatione absoluta exactissime occluduntur.

Eidem Malto nova aqua affunditur fervida, transcolatur, & ex colatura tenuis Cerevisia concinnatur.

Quo diutius liquor Malto imprægnatus decoquitur, eo durabilior est Cerevisia, & ætatem melius fert, ceteris paribus. Lupulus Cerevisiæ incoctus, eidem diutius asservandæ & ab aciditate tuendæ inservit, quod efficit amarore insigni quo pollet, quin & eandem sapidiorē salubrioremque reddit, nimium alæ lentorem attenuando, obstructions quas Cerevisia sæpe gignit aperiendo & abstergendo. Quæ sine Lupulo Cerevisia conficitur, Ala dicitur ab Anglis. Si generosior sit, maxime nutrit & corpus obesum nimis & pigrum reddit. Cerevisia vero lupulata Pinguedinem dissipat, corpusque vegetius & ad motum aptius efficit.

Cerevisia non ut simplex potus consideranda est sitim extinguendam & sanguinem humoresque tantummodo diluendos apta, sed ut potio alimentosa, cujus lymphæ actuosæ granorum partibus fermentatione evolutis imprægnata, & plurimis eorundem mucosis partibus eadem fermentatione attenuatis & in motum actis onusta plurimum nutrit, sanguinis motum auget; & si nimia quantitate sumatur, caput ferit & inebriat. Revera distillatione, spiritus ardentis, spiritui vini haud dissimilis, portionem non mediocrem suppeditat, olei plurimum & humoris acidi. Salem essentialē continet tartaro æmulum sed crassiorem aut terreis ac oleosis particulis magis involutum.

Observandum autem diversas esse Cerevisiarum qualitates pro earum differentia, quæ multiplex est ratione materie frumentacæ, Malti, aquarum, coctionis, fermentationis, substantiæ, ætatis, necnon etiam locorum in quibus conficitur, ut accurate notatum fuit a Doctiss. viro Conrado Bartholdo Behrens *in Selectis Dieteticis*.

Frumentacea materia in genere selecta & bona esse debet: & quo firmitus est frumentum eo firmior quoque potio. Ratione vero ejusdem, primo Triticea est quæ quidem calefacit, valde nutrit impingatque: sed sanguinem simul viscidiorē reddit, respirationis difficultatem & asthma inducit, viscerum obstructions parit, urinam moratur, & nephritidi occasionem præbet, alvum tamen lubricat. Hordeacea succi tenuioris est, nec ita nutrit ut Triticea, magis tamen aperit, abstergit ac urinam movet, præsertim lupulata, quæ ventriculum roborat & calefacit. Avenacea in Polonia frequens minus calefacit ac nutrit, & si non satis defæcetur, flatulenta valde est & alvum constipat. Urinas & calculum pellit, in frequenti apud Anglos eapropter usu. Secalina vinum Rhenanum colore subviridi æmulatur, nec ingrati saporis est, valde nutrit, simul tamen obstruit & urinam moratur: respirationem difficilem reddit.

Ratione malti nimis torrefacti Cerevisia saporis plerumque ingrati existit. Maltum vero quod calore Solis tantum exsiccat, facile corrumpitur nisi servetur accuratissime. Cerevisiam suppeditat candidiorem sed excrementitiam, quæque simul obstruit, & pectoris difficultatem inducit.

Ratione aquarum, facile per se patet optimas esse quæ ex fontana aliisque salubribus parantur. Quo enim aqua est levior & tenuior, eo melius granorum

& Lupuli qualitates imbibit & extrahit. Quæ ex puteali & stagnanti aqua conficitur, sapidior quibusdam videtur, nec adeo facile acefcit. Sed improbanda est aqua turbulenta & impuritatibus conspurcata & corrupta ne coctione & fermentatione non fatis purgari & defæcari possit, quidquid alii contra sentiant.

Coctio etiam ipsa ut & fermentatio non exiguum momentum ad Cerevisiæ bonitatem conferunt, ut jam dictum est.

Ratione substantiæ alia Cerevisia est tenuis, alia crassa. Tenuis existit ob frumenta pariori manu adhibita. Ejusmodi vero Cerevisia parum nutrit, melius vero humectat, refrigerat, diluit & totum corpus pervadit, unde quoque magis diuretica & salubrior est. Crassa vero duplici ratione dici potest Cerevisia, 1. quatenus turbida & fæculenta est; quæ plerumque crudæ ac flatulentæ sunt, difficulter digeruntur, obstructions, colicos dolores, stranguariam calculumque, quandoque subito & quasi in instanti causantur, sanguinemque crassum generant. 2. Crassior fit Cerevisia propter frumentum copiosius additum. Cum enim particulis farinaceis Cerevisiæ ejusmodi turgidæ sint, chylo quoque diluendo minus adæquatæ sunt, illis qui multo & euchymo alimento utuntur, aut vinum bibunt non admodum conveniunt, qui quidem rectius potu tenuiore sibi consulunt. Quibus vero ventriculus imbecillior, aut qui alimenta sumunt pauciora & parum nutrientia, iis Cerevisiæ illæ pinguiore apprime conducunt, cum & venticuli digestionem subveniant, adeoque condimenti vices præstent & simul nutrant, unde & plurimis inde insignis corporis crassescencia & obesitas.

Ratione ætatis præstat Cerevisia defæcata, præsertim tenuis, quamvis enim minus nutriat, facile tamen distribuitur. Recentior vero si simul turbida & crassa sit, incommoda modo recensita accelerat & adauget. Vetusta, quæ acefcere incipit, nervis, ventriculo, utero, renibus, & vesicæ noxia.

Dulcis fit Cerevisia a frumento, amara a Lupulo. Illa magis nutrit, non ita tamen cum urina secedit, obstructions parit. Hæc magis calefacit, mesenterium & viscera deobstruit, citius tamen caput afficit, inebriat, ac somnolentiam inducit.

Diversis etiam qualitatibus imprægnantur Cerevisiæ a diversis rebus quæ sub fermentatione adduntur. Ita in Hollandia Cerevisia cum aromatibus paratur quam vulgo *Bottelbier*, lagenariam Cerevisiam vocant, quæ adhuc fermentescens in lagenis reconditur, & aperta lagena tota in spumam abit. Valde flatulenta est & periculosum Zithi genus a nonnullis censetur. Non tamen sua laude caret, cum, si moderate & tempestive sumatur, ventriculum & digestionem egregie roboret, & in paralyticis affectibus utilis dicatur. Multæ parantur Cerevisiæ medicatæ: apud Anglos Borruginatæ, ab admixta Borragine, usitatæ. Aliæ Absinthium, Carduum benedictum, Scordium, radices Gentianæ, Helenii, Angelicæ & sexcenta alia habent admixta quorum saporem & vires obtinent.

His Cerevisiarum differentiis addi possent illæ quæ a regionibus & urbibus petuntur, quæ innúmeræ sunt. Sic Anglicanæ plurimi æstimantur: Brunsvicensis apud Germanos præstantissima dicitur. Apud nos quæ in Sancti Marcelli suburbio præparatur: vulgo, *Bierre des Gobelins*. Sed de singularum virtutibus agere non est nostri instituti. Jam de hac re prolixiores fuimus.

Ex Cerevisia spiritus ardens conficitur spiritui vini aliquantisper similis, sed odore & sapore minus grato, imo acri, ob oleum empyreumaticum crassum & acre, quo spoliari vix potest. Idcirco ad usum internum spiritus ex vino extractus semper anteponendus est. Chirurghi observant quoque hunc spiritum externe vulneribus admotum minus conducere ob acrimoniam qua vulnera aliquantisper proritat. Externe hunc spiritum ex frumentaceis granis extractum anodynum dicunt aut soporiferum.

Farina Hordei inter quatuor farinas resolventes recensetur; & sunt farinæ Hordei, Fabæ, Orobi, & Secalis: quibus nonnunquam substituuntur farinæ Tritici, Lini, Fœnu Græci & Lentis. Hæc farina externe sub forma cataplasmatum admota emollit, resolvit, maturat & anodyna est. Quapropter vel sola vel cum aliis farinis adhibetur in cataplasmatibus.

℞. Folior. Malvæ, & Althææ ana M. ij. Flor. Chamæmeli, Melilot. summitatum Aneth. ana M. β. Coquantur in aq. q. s. ad putrilaginem. Contusis adde farinæ Hordei ℥iiij. Olei Chamæmeli ℥jβ. Fiat cataplasma resolvens & emolliens.

℞. Quatuor farinar. resolventium ℔ij. Coquantur in lixivio leni cinerum Samentorum. Tum effuso per vasis inclinationem lixivio, massæ farinaceæ adde pulver. florum Camomillæ, Meliloti, Sambuci, & pulveris radicis Iridis Florentinæ ana ℥β. cum olei Chamæmelini q. s. Fiat cataplasma.

Si polenta Hordei, affirmante Simone Paulli, decoquatur in aceto, & decocto per linteum transcolato os proluatur, intolerabiles dentium dolores sæpe mitigat. Idem auctor sequentem observationem refert. „ Affinis quidam „ meus vehementissimis calculi doloribus & intolerabili ischuria laborans, „ post usitata remedia incassum usurpata, ei quod sequitur applicui. Reci- „ piebam arbitrariam quantitatem probe contusæ Polentæ calidæ, & tantum- „ dem Lupuli, quæ frigebam, addita bene magna quantitate butyri, ex quibus „ parabam cataplasma quod tam calide pectini & perinæo applicabat linteo im- „ plicitum, quam ferre posset: & intra quadrantem horæ a recensitis sympto- „ matibus liberatur. Postea simile cataplasma pluribus dein ægris calculo & „ dysuria laborantibus felici successu præscripsi. Hæc S. Paulli.

Hordei integri decoctum tenue in gargarismatis & injectionibus detergentibus usurpatur.

℞. Hordei integri pug. j. Coquatur in aq. comm. q. s. ad ℔j. Decocto dissolve Diamori simplic. ℥jβ. salis Prunell. ℥j. pro gargarismate.

℞. Hord. integr. p. j. folior. Agrimon. M. β. flor. Hyperici, Rosar. rubrar. summitatum Absynthii ana p. j. Coq. in aq. q. s. In colaturæ ℔j. dissolve mellis rosati ℥j. F. injectio detergens & vulneraria.

Hordeum mundatum usurpatur in syrupo de Hysso de Mesuæ *Collect. pharm. Penicher*. Syrupo Jujubino *Pb. R. Charas*, Electuar. Lenitivo *eiusdem*. Trochiscis Gordonii *eiusdem*. Integrum in syrupo de Cichorio composito *Pb. Reg. Charas*.

Ex Hordeo mundato præparantur Saccharum Hordeatum dictum & Penidia ab Arabibus Alphenicum dicta. Saccharum Hordeatum est confectio flave-

flavescent pellucida ex Saccharo in decoctione tenui Hordei tandiu cocto donec consistentiam idoneam acquirat ut possit in bacillos effingi. Penidia vero fiunt ex aqua Hordei & Saccharo ea proportionem & arte coctis, ut massa quædam exsurgat admodum solida & ita tractabilis, ut digitis oleo Amygdalarum unctis non adhæreat, & in fila ducuntur, tenuiora, crassiora; breviora aut longiora & sæpius intorta, semper vero alba. Plurimum conferunt tussi, raucedini, asperitati arteriæ, sputo movendo, coquendo, excludendo, & omnibus affectibus pulmonum & thoracis.

H O R M I N U M.

HORMINUM, Orminum, Sclarea, Scarlea, Orvala, Orvalla & Tota bona, *Off. Sclarea Tabern. Icon. 373. & Inst. R. H. 179.* Horminum Sclarea dictum, *C. B. P. 238. Raii histor. 543.* Gallitricum Sativum, *J. B. 3. 309.* Orvala, *Dod. Pempt. 292.* Syderitis Heraclea, *Fracastror: Matrysalvia maior, Quorumdam: Galli centrum, Nonnullorum: vulgo, Orvale, Toute bonne.*

Radice est singulari, lignosa, plurimis fibris capillata, fusca, non ingrati saporis, postmodum palatum & fauces calefacientis: ex qua caulis oritur bicubitalis, digitum minimum crassus, quadrangulus, hirsutus, geniculis distinctus, in ramos conjugatim & cruciatim dispositos divisus, medulla alba fæctus: cum foliis binis, ex adverso positis, canescentibus, rugosis, glutinosis, longis pediculis insidentibus, ex rotundo oblongis, spithamam longis, sesquipalmam latis, ex ampliori basi in acumen desinentibus, ad marginem quodammodo dentatis aut crenatis, Hircum olentibus, villis lenissimis aspersis; quæ deinde oriuntur ad summum usque minora fiunt: ex eorum alis longissima serie flores prodeunt quasi verticillatim positi, monopetali, labiati, subcærulei, quorum labium superius amplum, prælongum, falcatum, pistillum tenue, incurvum, nonnihil exstans, in summo bifidum, quatuor embryonibus stipatum, & binastamina cum suis apicibus oblongis occultat; inferius vero in tres partes divisum, media cochlearis instar excavata. Calyx cytiniiformis, tubulatus, striatus, tactu glutinosus, in quinque spinulas divisus, quarum tres sursum spectant: supra flosculum, duæ infra eum sitæ sunt. In imo calyce ad pistilli originem embryones reconditi abeunt per maturitatem in quatuor semina majuscula, subrotunda, altera facie gibbosa, altera angulosa, coloris rufescentis, lubrico lævore perpolita, ad singulos verticillos cauli apponitur hinc inde folium, figuræ & texturæ, multum diversæ ab inferioribus in caule & a radice exeuntibus: sunt enim hæc parva, concava, lata basi absque pediculo cauli immediate adnexa, in acutum apicem abeuntia, minus rugosa & tenuiora iis quæ in caule sunt, colore purpurascente. Odor totius plantæ vehemens & gravis; sapor amarus. Seritur in hortis & viridariis. Herba integra in usum venit.

Analyfi chymica, ex totius Hormini floridi lbv. demptis radicibus per retortam distillatis prodierunt humoris limpidi plantæ odorem saporemque referentis, subacidi lbj. ʒij. gr. xxxvj. humoris limpidi, magis ac magis manifeste acidi, austeri lbij. ʒvij. humoris limpidi, subsalsi, & minus acidi ʒj. gr. liij. humoris fusci, empyreumatici, acris, tum acidi, tum alcali, urinosi &

austeri atque sale volatili urinoso copioso imprægnati ℥ij. 3j. gr. xvij. cum salis volatilis urinosi concreti granis aliquot: olei spissi ad instar syrupi ℥j. 3v. gr. xxiiij. Massa nigra in retorta residua pendebat 3v. 3v. quæ rite calcinata præbuit cinerum ℥ij. 3vj. gr. xx. ex quibus salis fixi mere alcalini 3vj. gr. xxx. lixivio sunt extracta. Partium jactura in distillatione fuit ℥iiij. 3ij. gr. xij. in calcinatione ℥ij. 3vj. gr. lij.

Hormini folia odorem quasi citratum, acutum, vehementem, gravem tamen exhalant. Gustu amara sunt & aromatica. Eorum succus chartam cæreuleam parum mutat. Salem continere videntur tartareo-ammoniacalem cum multo oleo tum tenui, tum crasso & terra confociatum.

Horminum Oenopolis Germanis in primis innotuit, inquit Ettmullerus, pro vinis suis adulterandis. Solent namque ex ejus floribus cum floribus Sambuci per infusionem vinum Rhenanum in Moschatellinum mutare.

Tragus asserit vinum Gallitrico imposito si efferbuerit & decoctum fuerit, ap- prime stomachi frigiditati conducere, phlegmata incidere, consumere: frigidis, infecundis & albis mensibus laborantibus feminis subvenire. Confitetur tamen, capiti noxium esse ob odorem gravissimum, præsertim si quis hoc vini genere intemperantius usus fuerit. Semen ejus, inquit Lobelius, καρπάραν seu capitis gravitatem inducit odore: quo magni usus quibusdam septentrionalium ad Zythi Bieræque confectionem. Illud enim Lupuli vel penuria, vel vegetioris potionis faciendæ causa cortinis ferventibus addunt, fitque temetum, quo non multis poculis depletis temulenti fiunt, hilaritate propemodum insana.

Horminum tum interne sumptum, tum externe admotum plurimum commendatur his tribus in affectionibus, mulierum fluxu albo, suffocatione hysterica, & colicis doloribus. Folia & flores usurpantur in infusis vel decoctis ex aqua vel vino, vel in jusculis alterantibus conditum cum summitatibus floridis conficitur. Essentia quoque seu tinctura paratur cum spiritu vini a foliis & floribus pluries abstracto ad eadem utilis. In albo mulierum fluxu Ettmullerus decoctum Hormini cum Roremarino in vase clauso paratum proponit. Corbejus *de morbis mulierum* c. 3 p. 83. refert, mulierem quamdam alias mulieres fluxu albo laborantes curavisse hoc unguento. Scilicet Sclaream contrivit, cum byrryro non salito miscuit, mixta vero per tempus putrefacienda reliquit, postea coxit, transcolavit & colatum unguentum ad usum servavit. Hoc genitalia mulierum umbilico tenus inuncta fuerunt. Intrinsecus herbam istam comedendam dedit & sic istas mulieres liberavit. Observatum quoque fuit, narrante Ettmullero, quod tale unguentum omnes post partum dolores, eodem modo inunctum sedare soleat. Idem unguentum a Cratone quoque inter alia sua euporista commendatur in suffocationibus uteri & similibus affectionibus spasmodicis umbilico imponendum cum admixtione Tacamahacæ. Ettmullerus hanc plantam externe admotam in passione hysterica plurimum valere, nec ipsi Castoreo cedere asserit.

A Friderico Hoffmanno Profess. Hallensi inter specifica antispasmodica recensetur; si quidem spasmos intestinorum & nervosarum partium sedat ac sistit: colicos dolores mulcet. Ejus aqua distillata vel decoctum, propinatur, vel sub clysteris forma injicitur. J. Raius refert, Sclareæ folia apud Anglos ovis con-

qual-

quassatis cum flore lactis & pauca farina perfusa, & in sartagine frixa pro placentis palato non ingratis, mensis secundis inferri, & ad lumborum imbecillitatem veneremque stimulandam commendari. Idem scribit post Schwenckfeldium Sclaream epilepsiæ mederi. Herba in pulverem redacta & naribus indita sternutationem provocat, catharrum tollit, & cerebrum purgat.

Semen oculis inditum utile esse traditur ad excutiendam eorum caliginem & educenda corpuscula quæ in illos inciderunt. Quippe emollita humore oculi hujus seminis mucilagine, id quod in oculos illapsum est quasi obvolvitur, & cum semine tandem ejicitur. Præterea ex hoc semine mucilago ope liquoris idonei extrahitur pro vitiis oculorum plurimum proficua: siquidem lymphæ lacrymalis acrimoniam plurimum demulcet.

℞. Folior. Hormini, Urticæ mortuæ, Portulacæ, Chærefolii ana M. j. frusti carnis vitulinæ ℥ss. Coquantur ut artis est in aq. q. s. pro duobus jusculis mane & sero propinandis. In fluore albo.

℞. Summitatum floridar. Urticæ mortuæ, & Sclareæ, florum Chamæmeli Romani ana pugill. unum. Infundantur in aquæ bullientis ℥viij. Theæ in modum. Infusum calens syrupo de Hedera terrestri edulcatum mane & sero sorbeatur. In fluore albo mulierum.

Succus Hormini usurpatur in emplastro Diabotano D. Blondel *collectaneor. pharm. Penicher.*

H Y O S C Y A M U S .

HYOSCYAMI species duæ in officinis occurrunt: niger scilicet & albus. **H**YOSCYAMUS niger vulgaris, Jusquiamus, Faba suilla, *Off* Hyoscyamus vulgaris vel niger. *C. B. P.* 169. & *I. R. H.* 118. Hyoscyamus vulgaris, *J. B.* 3. 627. Hyoscyamus, niger, *Dod. Pempt.* 450. *Raii Hist.* 711. Hyoscyamus flavus, *Fuchs*: Apollinaris *Cord.* Dens Caballinus, Herba Cunicularis, Herba Calicularis, Faba Jovis, Fabulum, Mania *Quorumdam*: vulgo, *Jusquame, Hannebane.*

Radice est crassa, rugosa, prolixa, multifida, foris fusca, intus alba: foliis amplis, mollibus, lanuginosis, dilute virentibus, per margines altius incis, Acanthi quodammodo similibus sed minoribus, graveolentibus, copiosis, nullo ordine digestis, in caulibus cubitalibus, ramosis, crassis, rotundioribus, densa lanugine obsitis: quos flores longa serie digesti convestiunt monopetali, infundibulum referentes, in quinque obtusa segmenta divisi, colore secundum margines subluteo, discurrentibus una purpurascensibus aliquot venis, in medio vero ex obscuriore purpura nigricantes, cum staminibus quinque brevibus purpureos totidem apices crassos & oblongos ferentibus, & pistillo longiore, apice rotundo, albo; quod ex calyce hirsuto, oblongo, margine indenticulos rigidos, acuminatos quinquipartito surgit & deinde abit in fructum in ipso calyce reconditum, ollæ formam referentem, bicapsularem, cui operculum suum incumbit, intus pluribus seminibus exiguis, subcinereis, subrotundis, rugosis, compressis refertum. Gravis odoris ac ingrati tota stirps est, caput aggravans & somnolentiam inducens. In agro Parisiensi frequens nascitur.

Hyo-

HYOSCYAMUS albus, *Off.* Hyoscyamus albus major vel tertius Dioscoridis, & quartus Plinii, *C. B. P.* 169. *Inst. R. H.* 118. Hyoscymus albus, *J. E.* 3. 627. *Dodon. Pempt.* 451. Hyoscymus candidus, *Tragi* 134. vulgo, *Jusquiame blanche*.

A priori differt foliis mollioribus, minoribus, minus sinuatis, uberiori & candidiori lanugine obsitis: cauliculis brevioribus, minus ramosis: floribus secundum cauliculos candidis, minoribus, seminibus candidioribus. In Occitania sponte adolescit, hic in hortis feritur.

Utriusque ad usum externum folia, flores & semina adhibentur: ad usum internum vero semina tantum. Nonnulli nigrum majori virulentia præditum esse suspicantur, quapropter, illum prorsus rejiciunt, albi tantum semina usurpantes. Sed ab omnibus fere tum Parisiensibus, tum Germanis & Anglis niger adhibetur.

Analyfi chymica, ex foliorum & summitatum floridarum Hyoscyami nigri ℥v. per retortam distillatis prodierunt humoris limpidi, saporis herbacei, aliquantisper virosi, obscure subsalsi, & obscure acidi ℥j. ℥iiij. ℥j. gr. xlvij. humoris magis magisque manifeste acidi, & subausteri ℥ij. ℥xv. ℥ij. gr. lxxvj. humoris rufi, leviter empyreumatici, impenso acidi, acris, austeri, & obscure alcali urinofi ℥ij. gr. xij. humoris rufi sale volatili urinoso copioso imprægnati ℥ij. gr. xij. salis volatilis urinofi concreti ℥j. gr. xij. olei spissi ad instar extracti ℥j. ℥vij. gran. xxxvj. Massa nigra in retorta residua pendebat ℥v. ℥iiij. gran. xxxvj. quæ rite calcinata reliquit cinerum albicantium ℥ij. ℥ij. gr. xxxvj. ex quibus salis fixi mere alcali ℥j. ℥j. gr. xxxvj. lixivio extracta sunt. Partium jactura in distillatione fuit ℥ij. ℥iiij. gr. lxxvj. in calcinatione ℥iiij. ℥ij.

Ex seminum Hyoscyami recentium ℥v. per retortam distillatis prodierunt humoris limpidi, fere inodori, obscure subsalsi ℥iiij. ℥iiij. gr. xxxvj. humoris limpidi, obscure subsalsi & obscure subacidi ℥v. ℥v. humoris rufi, aliquantisper acidi, austeri ℥j. ℥j. gr. xxxvj. humoris rufescentis, sale volatili urinoso imprægnati ℥xiiij. olei spissi ad instar syrupi ℥j. ℥v. gr. liiij. Massa nigra in retorta residua pendebat ℥j. ℥ix. ℥ij. quæ per 12. horas calcinata reliquit cinerum Leucophæorum ℥v. ℥vij. ex quibus lixivio salis fixi falsi cum substantia terrea talcosa permixti gr. xxxvj. extracta sunt. Partium jactura in distillatione fuit ℥ix. ℥j. gr. xvij. in calcinatione ℥j. ℥iiij. ℥iiij.

Hyoscyami folia saporem fatuum referunt: manibus confricata odorem virosum exhalant. Eorum succus chartam cæruleam rubram efficit: Radices subdulces sunt & Cinaræ sapore donantur. Hæc planta salem essentialem obtinere videtur ammoniacalem cum multo oleo crasso viroso consociatum. Ejus semina saporis sunt aliquantisper glutinosi, odoris narcotici & ingrati. Oleum continet tum tenue, tum crassum virosum & valde narcoticum, summæ rarefactionis aut expansionis capax; cum sale ammoniacali conjunctum.

Hyoscyamus potenter emollit & resolvit externe adhibitus. Verum si externe admoveatur, si intus sumatur, somnum inducit, dolores sedat; humorum acrimoniam mitigat sicut Papaverina, Mentem vero mirum in modum perturbat & afficit ridiculis deliriis; somniis phantasticis & ecstatis, & spe-

cialiter ad jurgia & altercationes disponit, in biliosis præsertim naturis: in quo differt ab Opio & Papaverinis; quæ sæpius soporem & stuporem inducunt absque mentis alienatione. Has autem mentis turbas excitat, quocunque modo adhibeatur, five intus sumantur ejus radices, folia, semina, five decocta clysteribus injiciantur, five torrefactione fumus excitatus naribus excipiat: imo solis ipsius effluviis aere calido in motum actis nocet. Ejus summæ virulentia observationes plurimæ apud auctores occurrunt, quarum nonnullæ hic referendæ sunt ut hujus veneni natura & indoles melius innotescat.

Primo quidem memorabilis est de Hyoscyamo locus apud Scribonium Largum, *cap.* 181. ubi ait: „Hyoscyamum qui biberunt caput grave venisque distentum habent, mente abalienantur cum verborum altercatione, unde etiam nomen herba trahit Altercum: postea sopiuntur & omni sensu carent, livescentibus membris eorum.“

Obiter tamen notandum est hanc vocem *Altercum* non ab altercando originem ducere, siquidem antiquissima vox est arabica, ut refert Plinius.

Joh. Jac. Vvepferus *Tractatu de Cicuta aquatica*, de Hyoscyami radicibus comestis hanc observationem refert. „Die 25. Martii 1649. in Conventu RR. PP. Benedictinorum Rhinoviensi præparatum pro collatione vespertina acetarium fuit, cujus materia debuissent esse radices Cichoreæ eliquatæ. Creverant hæ una in areola mixtim cum Hyoscyamo. Erutæ utræque, separatim collectæ, & ab hortulano relictæ, a puero rerum ignaro ad coquinam deferuntur, ibique promiscue coctæ mensis inferuntur. Nemo pene edentium fuit cui non orexim cierat obsonium insolitum, & maxime ob tam corpulentas & pingues radices. Avide sumuntur tum a patribus, tum a servis. Quid multis? Suo tempore cubitum eunt. Hic vero oriri symptomata cœperunt & vesicarum radicum diffundi toxicum: sentiri a quibusdam capitis vertigo: aliquorum torreretur lingua & labra, asperari fauces, torqueri nonnullorum ilia, ac totis artubus male haberi. Fuit qui gargarismo palati ardorem compescere studuit, sed lingua velut in frixorio tosta omnem respuit medelam. Insonante noctis duodecima, cum ad preces matutinas pro more excitarentur, miserabilem aliquorum metamorphosim spectare fuit. Unus tam destitutus mente ac debilis repertus fuit, ut pro vita desperato habitus. Sacro-sanctæ Ecclesiæ Sacramentis provideri debuerit: alius quasi dentibus nuces frangeret & exemptos nucleos aviculis domesticis projiceret, una manu pavones abigens, varia obmurmurabat: alius in cella sua fornacem prensabat, quasi arborem perrepturus: alius ansatis utrinque brachiis, ac toto corpore incurvus ilia sibi rumpenda clamitabat. Ex illis qui ad chorum venerant, ad matutinum solvendum pensum, aliqui oculos vix aperire & litteras legere nequibant, vel aliqua inter verba seu versiculos admiscebant, quæ ibi non continebantur, unde unus aut alter abire compulsus fuit. Non nemo privatim orare volens, dum librum aperit, myrmidonum aciem aspicit, & litteras jam animatas velut formicas in aggestu suo confusim discurrentes sibi videbatur intueri, ut exinde ne syllabam quidem, ne dicam verbum aut versum integrum combinare ad aliquod tempus va-

„ luerit. Lepidum præterea fuit mane magistrum sartorem videre laboraturien-
 „ tem, jam sedili suo minus oculatum, quippe qui ne filum quidem armare
 „ acu, nec a tyrone armato, tangere rem acu, ut sibi videbatur jam tri-
 „ cuspide valens, quovis punctu aut digitos aut poplitem cruentavit. Pauci
 „ admodum qui gustu variante moniti, minoribus radiculis prælibatis a mayo-
 „ ribus abstinerant, mente sani erant. Et his quidem intemperiiis agitati aliqui
 „ usque mane; nectamen scitum adhuc quæ mali esset origo. Quia tamen omni-
 „ bus fere commune fuit, judicatum est e culina promanasse. Tandem post dili-
 „ gentem indagationem, pueruli error compertus fuit. Summo mane Schaffasio
 „ accersitus Medicus luctantes adhuc cum halluco suo reperit, & aqua e Juni-
 „ peris distillata ad potandum porrecta sævientem pestem aut mitigat aut ab-
 „ stergit. Patribus ea de re gratulatus quod Hyoscyami radices Cichoreæ radi-
 „ cibus oleo, sale & aceto attemperatæ fuissent, fractæque nonnihil earum vires.
 „ Aliter enim omnes orci candidati fuissent. Post discessum ejus patres fere omnes
 „ melius se habere cœperunt paulatim. Unus tamen illorum qui in edendis radici-
 „ bus largior fuerat, has sibi reliquias superesse conquestus est, oculos nimirum
 „ antea acutissimos, adeo obtusos redditos, ut postea perspicillis uti necesse fuerit.

Simon Schultzius *in Ephemerid. N. C. annis IV. & V. Decuriæ I. Observ. cxxiv.* narrat VVratislaviæ quatuor juvenes studiosos simul cum coqua a co-
 mestis Hyoscyami & Pastinacæ radicibus simul per errorem cum carne bubulæ
 elixatis, magnam mentis perturbationem & alienationes passos fuisse, & quasi
 furore percitos, primum jurgiis, dein verberibus se excepisse, & nisi vi abacti
 fuissent, forsan ad internecionem perventum fuisse, cum miris gesticulationi-
 bus & phantasiis: qui tamen adhibitis idoneis remediis sanitati restituti fuerunt.

Iisdem *in Ephemeridibus N. Curiosor. Decur. III. annor. IX. & X. p. 178. in appendice*, videre licet hanc observationem de Delirio ex foliorum Hyoscyami decocto clystere excepto. „ Sacerdoti cuidam 61. annorum, viro ex cachexia
 „ scorbutica asthmatico cum tumore pedum œdematoso, & doloribus tum ne-
 „ phriticis, tum abdominis scorbuticis habitualibus afflicto, enema tereben-
 „ thinatum ex speciebus carminativis & Hyoscyami foliorum dimidio tantum
 „ manipulo cum lacte coctis ab Ettmullero & aliis Medicis præscribitur. Paulo
 „ post sacri officii memor habitu sacerdotali supra indusum amictus, & biblia
 „ sacra in manus tenens templum adire & concionem habere intendit: ab
 „ adstantibus vi retentus ad iram furibundam concitatur & cum his maxime al-
 „ tercatur, parumque abfuit quin unum ex illis, placidus alias satis & minime
 „ iracundus, arreptis quibusdam armis vulnerasset. Eo tandem in lectum re-
 „ dacto, furor brevi quidem cessavit, sed delirium diutius propter injecti ene-
 „ matis in intestino moram continuavit, donec post aliquot horas novi clysmat-
 „ is acrioris injectione alvus a scybalis triduum jam retentis una cum cly-
 „ stere antea injecto liberatus fuit: in quo quasi momento non solum delirium
 „ cessavit, sed intra bihorium etiam duo calculi renales rejiciebantur. “ Dio-
 scorides insaniam a foliis Hyoscyami clysteri incoctis & colo exulcerato infusis
 suo jam tempore observatam fuisse refert.

Alia iisdem *in Ephemeridibus N. C.* legitur observatio de mentis perturba-
 tione

tione cum rixis oriunda decocti foliorum Hyoscyami vaporibus. „ Matrona
 „ quædam 78. annorum, una cum nephritica scorbutica notha habituali,
 „ doloribus abdominis ac crurum simul contumacissimis affligebatur. Qui-
 „ bus sedandis sacculi tres foliorum Hyoscyami manipulis duobus, & flori-
 „ bus Camomillæ, Sambuci, Verbasci, Althææ radicibus & baccis Juniperi
 „ repleti præscripti fuerunt; abdomini & utrique cruri applicandi. Hi ægro-
 „ tantis jussu intensissime fervidi applicabantur, & statim atque calor re-
 „ mittebat, in decocto fervido immergebantur denuo admovendi. Ægrota
 „ quidem cum tantillo phantasiæ errore dormiendo, leviter & per intervalla
 „ delirabat. At vero duæ ancillæ 15. & 18. circiter annorum quibus sacculo-
 „ rum horum calefactio & applicatio reiterata incumberebat, longe gravius
 „ afficiebantur, utpote temulentæ, hinc sæpius vomentes, crebrius altercantes,
 „ & in crines sibi invicem involantes, seque unguibus lacerantes, vix a do-
 „ mesticis separari poterant. Pax minis adstantium indicta brevis durationis
 „ erat, simul ac enim sacculorum calefactiones novæque fomentationes reite-
 „ rarentur, prælia quoque pugnantium gallorum more renovabantur, minis
 „ verbisque ridiculis se invicem provocabant & invadebant “.

Ibidem longe gravior mentis alienatio cum furore observatur e seminum
 Hyoscyami combustorum fumis. „ Dresdæ in pharmacopolio Mulleriano, ty-
 „ ro quidam semen Hyoscyami contusum charta inclusum super capella
 „ arenaria calida posuerat. Horæ autem dimidio non elapso, charta per
 „ nimium arenæ calorem nigredine primum infecta, tandem scintillis i-
 „ gneis conceptis comburi incipit, semenque Hyoscyami inferiori ex parte
 „ jam accensum fumo exhalante laboratorium effluviis suis implet, & tra-
 „ gicis partim altercationibus, partim ridiculis gesticulationibus & imagi-
 „ nationibus locum præbebat. Propter seminis enim dicti scintillantis solli-
 „ citam nimis collectionem & e flamma liberationem, hinc fumi majorem
 „ inspirationem, exoriebantur inter ministrum pharmacopolii dictumque ty-
 „ ronem in laboratorio commorantes, una cum contumeliis innumeralibus rixæ
 „ tantique tumultus, ut infelix tyro ab alio ministro humum jam prostratus,
 „ crinibus circumductus, imo jam ex verberibus undique cruentus occisus fuisset,
 „ nisi magna vi separati fuissent. Per reliquum interim diei spatium scoto-
 „ mia & crebrioribus vomitibus vexabatur, totamque insequentem noctem ri-
 „ diculis gestibus ebriorum more delirabat, & ultra duas septimanas vertigine
 „ afficiebatur. Alter vero minister, homo alias non adeo iracundus, præter vo-
 „ mitus & secessus crebriores, cum absurdis gesticulationibus, morionis instar,
 „ saltando, hymnos amatorios & profanos cantando &c. per reliquum diem &
 „ post noctis medium pariter delirabat. Hinc aliquot septimanis mente & cor-
 „ pore ægrotans de vertigine & cephalalgia querebatur, multum dormiebat.
 „ Post hæc melius se habere per aliquod temporis intervallum videbatur. At
 „ paulo post neglecta sanitatis cura parum sui compos factus tristem vitam e-
 „ git per plures annos identidem recurrente & transeunte delirio. “

Christian. Frideric. Garmannus in *Ephemer. G. annis VII. & VIII. De-
 cur. III. p. 106.* refert ipsa effluvia ex Hyoscyami seminibus in hypocausto
 recon-

reconditis exhalantia eisdem effectus producere, quod sequenti observatione confirmat. „ Vir pannorum laneorum opifex & conjux ejus, cum aliquot annos concorditer & mutuo amore vixerant, ex improvise verba inter se commutare, & iracundia incitati sæpius in maledicta compellari cœperunt; ita ut ad verbera nonnumquam dilaberentur. Maxime vero, utut concordēs, animorum mutationem sentiebant hypocauſto conſuſi, in quo ad rabiem quaſi converſi, primum rixis & contentionibus, poſt pugnis & plagis maritus maritam invadebat, quæ ut ſevere & vehementer vindicaret, toto nitebatur ſanguine. Dolebant extra hypocauſtum conſtituti vicem hanc ſuam conjuges, & vicinos non leviter conſternebant hæ animorum dividiæ. Curioſiores aliquid magici ſub his latitare ſuſpicabantur, adeoque omnes hypocauſti primum & poſtea domus angulos, loculamenta & ſeceſſus exquiſite excutiendos decernunt. Quod ubi factum in ſuperiori textri ni in hypocauſto conſtituti parte magnam ſeminis Hyoſcyami charta involuti quantitatē inveniunt: quo ſublato oppido animis temperies rediit, & omnis ceſſavit contentio, murmur, & ira. “

Ex his liquet quam parum ſit tutus Hyoſcyami uſus tum internus, tum externus: nihilominus tamen a plurimis magni nominis Medicis ejus vires multis in morbis notatæ ſunt & commendatæ. Ejus ſemen a Cratone, Forti, Helidæo, Heurnio, Platero tamquam efficaciffimum remedium laudatur potiffimum in hæmoptiſi vel ſolum vel cum aliis remediis idoneis admixtum, a ℥ſ. ad ℥j.

℞. Semin. Hyoſcyam. & ſemin. Papaver. alb. ana ℥ij. conſerv. Roſar. rubrar. veteris ℥ij. M. F. electuarium ad nucis Moſchatæ magnitudinem ſeu ℥j. pro doſi ſemel aut bis die ſumendum.

℞. Semin. Hyoſcyam. & Papaver. alb. ana ℥ij. Corall. rubr. Terr. ſigillat. Bol. armen. Lapid. Hæmatit. pp. ana ℥ſ. conſerv. Roſar. antiq. ℥ij. cum ſyrup. de Symphyto contuſar. Fiat electuarium cujus doſis ℥ij. mane & ſero.

Ad catarrhos ſeroſos acres a capite ad pectus defluentes Hyoſcyami ſemen & radix non raro uſurpantur.

℞. Semin. Hyoſcyam. & Papaver. alb. ana ℥ſ. Terr. Japonic. Oliban. Myrrh. ana ℥j. Croci pulver. ℥ſ. Succ. Liquiritiæ inſpiſſati Hiſpanic. ℥j. Sacchar. alb. ℥ſ. mucilag. gumm. Tragacanth. q. ſ. M. F. rotulæ exiguæ, quarum unam ſubinde in ore detineat & ſenſim deglutiat.

Adverſus epilepſiam Theodorus Turquet de Mayerne velut præſtantiffimum remedium prædicat ſemen Hyoſcyami per 40. dies & ultra uſurpatum, incipiendo a granis vj. vel viij. & gradatim aſcendendo ad ℥j. aut ad gr. xxiiij. ſumptum quotidie mane, jejuno ventriculo, ex cochleari uno ſucci Sempervivi recenter expreſſi. Vereor tamen ne ſemen Hyoſcyami nervorum ſenſum obtundendo palliativum potius huiusce morbi ſit remedium, quam vere curativum.

Verum quidquid de ſalutiferis Hyoſcyami virtutibus tot celeberrimi Medici prædicent, cum ex ſupra recensitis ſatis ſuperque manifeſtum ſit omnes ejus partes noxias nonnumquam eſſe, inde concludere licet aut illius uſum internum prorſus rejiciendum eſſe, aut nonniſi parce & ſumma cum cautione adhibendum, & ab illius uſu abſtinendum ſtatim atque graviora ſym-

promata sedata sunt aut levis mentis alienatio sensuumve torpor deprehenditur.

Hyoscyamus externe refrigerat, emollit, potenter resolvit & dolores sedat. Ab Ettmullero cataplasma ex foliis Hyoscyami ad scorbuticos quarumcumque partium dolores compescendos potissimum commendatur. Ad tumores dolentes & inflammatorios demulcendos & resolvendos in cataplasmatibus anodynis & solventibus Hyoscyami folia & semina usurpantur, vel sola, vel cum aliis conjuncta.

℞. Folior. Hyoscyami, Mandragoræ, Solani ana M. ij. Seminum Hyoscyami & Papaver. alb. contusor. ana ℥j. Coquantur in lactis vaccini q. s. Pulpæ per Setaceum expressæ adde Croci pulver. ℥ss. vitellos ov. n. ij. Fiat cataplasma anodynum & resolvens.

Ex Hyoscyami foliis fodus aut cataplasmata a nonnullis præscribuntur ad arthriticos dolores sedandos. Sed minus tuta sunt hæc præsidia, quæ arthritidis dolores consopire valent potius quam eorum causam destruere aut foras quocumque modo eliminare. Eadem folia supra calidos cineres emollita & mammis ad-mota nutricum lac grumescens dissolvunt. Tabernæmontanus semina Hyoscyami cum vino contundit & puerperarum mammis applicat ad lac avertendum.

Quidam adversus pruriginem illam molestant, & tumores manuum pedumque a frigore contractos Hyoscyami cytinos cum seminibus vel semina sola carbonibus inspergunt, fumumque exhalantem manibus pedibusque excipiunt. Clar. Tournefortius observat lympham sub cute effusam & inspissatam, digitorum forti compressione exprimi & per cutis poros sub vermiculorum specie expelli.

Adversus capitis aut dentium dolores fumus ex Hyoscyami semine prunis imposito ab agyrtis plurimum laudatur. Fumus ille licet teterrimi odoris, naribus vel ore per infundibulum excipitur, quo expelluntur vermiculi qui aliquando in naso vel dentibus nascuntur; eosque in subjecta pelvi aqua repleta excipiunt ut melius oculis percipiantur. Verum Matthæus Jacobæus *in actis Hafniensibus* T. i. Obs. 14. p. 209. Hanc fumigationem noxiam observat. „ Ancilla, inquit, odontalgia immani diu vexata, suasu juvenis cujusdam, „ seminis Hyoscyami supra prunas injecti fumum per infundibulum ore excep- „ pit, unde subito plusquam quinquaginta vermes e cavitate dentis prosi- „ lierunt, albicantes & exiles admodum, vix fili crassitiem æquantes, qui „ statim se nonnihil contorquendo mortui sunt. Sedatus quidem dolor fuit „ nec post rediit, sed vertigine, stupore & imbecillitate capitis ex eo „ tempore correpta fuit & per sat longum tempus vexata, adeo ut plus „ hic mali quam illic boni fuerit. “

In Hyoscyami usu vel interno vel externo eadem cautiones observandæ sunt quæ in ceterorum narcoticorum & Opii præsertim usu observari solent: quas *Capite de Opio* videre licet.

Si vero vel per imprudentiam vel per malitiam exhibitus nocivas suas qualitates exerceat, tum vomitorium statim initio præscribendum est, deinde ad narcoticorum antidota confugiendum est quæ sunt omnia acida, quibus Hyoscyami malitiam refrænari fere omnes Medici consentiunt. Tandem quibusdam stomachicis & cephalicis ventriculus & cerebrum roboranda sunt & firmanda.

Hyo-

Hyoscyami folia usurpantur in unguento Populeo *Nicol. Alexandrin.* Semina in antidoto *Requies Nicolai Myrepsi* dicto, Philonio romano, *Nicolai Alexandrini*, Philonio magno, *Ph. Reg.* Tryphera magna, *Eiusdem* Pilulis de Cynoglossa, *Ph. Reg.* & Trochiscis Alkekengi.

H Y P E R I C U M.

HYPERICUM, Hypericon, Perforata, & Millefora, *Off.* Hypericum vulgare, *C. B. P.* 279. *Inst. R. H.* 254. Hypericum vulgare sive Perforata caule rotundo, foliis glabris, *J. B.* 3. 381. Hypericon, *Dod. Pempt.* 76. *Raii Hist.* Herba perforata, *Tragi*: Androsæmum minus, *Gesner*: Ascyron, *Cordi*: Fuga Dæmonum, *Quorumdam*: Herba solis & Ruta solis perforata, *Nonnullorum*: vulgo, *Millepertuis*.

Radice est lignosa, fibrosa, flavescente: caulibus compluribus, rigidis, lignosis, teretibus, subrubentibus, ramosis, cubitalibus & altioribus: in quibus nascuntur folia bina ex adverso posita absque pediculis, semiunciam superantia, tres lineas lata, glabra, nervis per longum excurrentibus donata, quæ soli objecta innumeris foraminulis pertusa esse videntur, unde Perforata dicitur hæc herba. Sed hæc puncta translucida nihil aliud sunt quam vesiculæ succo oleoso repletæ, sapore sicco adstringente cum aliquo amarore. Flores in extremis ramulis copiosi, rosacei, e quinque petalis aureis conflati, utrimque acutis, quorum medium occupat numerosa staminum congeries cum apicibus aureis. Ex calyce pentaphyllo surgit pistillum crassum, tricorne, quod floris centrum occupat, & marcescente flore abit in capsulam divisam in terna loculamenta, in quibus adsunt semina minutissima, nitida, oblonga, ex fusco nigricantia, saporis subamari, resinosi, odoris piceæ: tam flores quam capitula semine gravida, si terantur, sanguineum succum reddunt: abunde nascitur in campis & sylvis agri Parisiensis. Folia, flores & semina in usum veniunt.

Analyti chymica, ex totius plantæ floridæ lbv. demptis radicibus per B. V. distillatis prodierunt humoris limpidi, odoris & saporis non ingrati, obscure subacidi, cum olei essentialis portione aliqua, lbj. ℥iiij. humoris limpidi, manifeste acidi, subausteri lbj. ℥j. Massa residua per retortam distillata præbuit humoris rufi, leviter empyreumatici, acidi austeri, subsalsi ℥vj. ℥v. humoris fusci, empyreumatici, sale volatili urinoso copioso imprægnati ℥iiij. gr. xxxvj. olei tum tenuis essentialis, oleo Terebenthinæ similis, tum crassi, adiposi ℥iiij. ℥j. gr. l. Massa nigra in retorta residua pendebat ℥xj. ℥iiij. quæ per horas xvij. in crucibulo calcinata reliquit cinerum albicantium ℥j. gr. lx. ex quibus salis fixi parum alcali ℥ij. gr. ij. lixivio extracta sunt. Partium jactura in distillatione fuit ℥iiij. ℥vj. gr. lvij. in calcinatione ℥x. ℥iiij. gr. xij.

Hyperici folia saporem stypticum subsalsum, & subamaricantem referunt. Flores & semina contrita spirant odorem gratum resinofum, succum vero fundunt rubentem. Multum olei essentialis Terebenthinæ oleo similis hæc planta continet. Puncta enim translucida quæ in foliis pro foraminibus perperam habentur, puncta nigra quæ in petalorum marginibus deprehenduntur, &

tubercula quæ ad fructuum superficiem occurrunt, totidem sunt vesiculæ hoc oleo essentiali repletæ. Salem igitur essentialem continere videtur Hypericum vitriolico-ammoniacalem cum oleo tum tenui his in vesiculis recondito, tum crasso & intime permixto consociatum.

Hypericum vulgatissimum quidem multi usus est & emolumenti in affectionibus quamplurimis. Inter plantas vulnerarias principem locum occupat: unde præcipuus ejus usus est in vulneribus & exulcerationibus tum internis, tum externis mundificandis & consolidandis tam interne quam externe adhibiti. Sanguinis excreationi & mictui cruento medetur. Sanguinem coagulatum resolvit. Menses & urinas promovet; calculos & arenulas expellit: lumbricos enecat: in hysterica passione, melancholia, hypochondriaca affectione, mania, & mentis aberratione plurimum commendatur. His qui pro Dæmoniacis habentur opitulari dicitur, unde Fuga Dæmonum nuncupatur. Non quod Dæmones ad hujus plantæ aspectum fugere visi fuerint, sed quod conferat illis hypochondriacis qui eo melancholiæ aut mania pervenerunt ut pro Dæmoniacis habeantur. Nullos enim Dæmoniacos vel a Dæmonibus vere obsessos vidimus. Summitates floridæ ut plurimum in aqua vel vino decoctæ vel infusæ ad M. j. usurpantur: folia nonnumquam & semina ad ℥j. præscribuntur, sola vel cum aliis vulnerariis consociata.

Ettmullerus affirmat summitates recentes pro usu vulnerario diuretico par sibi remedium non habere. Eapropter in affectionibus renum & vesicæ, in primis in dysuria, renum & vesicæ ulceribus earum decoctum plurimum commendat sive solum sive cum Agrimonie decocto. Idem decoctum, teste eodem, mictum cruentum tollit, & sanguinem grumosum resolvit. Ex Hyperici feminibus cum conserva Violarum, vel Malvæ, aut Rosarum paratur electuarium ab eodem Ettmullero laudatum velut nobile specificum præservativum in dolore nephritico, si bis in septimana Castaneæ quantitate usurpetur. Herba decoctum per sat longum tempus mane jejuno stomacho potum calculos pellere dicitur, teste J. Raio.

Tinctura florum Hyperici vel sola, vel cum tinctura Anagallidis a plurimis laudatur in mania & melancholicis affectionibus. Andreas Tenzelius in *Exegetica Chymiatrica ad Angeli Sala opera* hanc Hyperici tincturam sic describit.

℞. Summitatum floridarum Perforatæ contritarum q. l. Macerentur in spiritu vini per octiduum in vase clauso. Expressio instar sanguinis rubro colore tincta resideat. Pars purior a fœcibus per inclinationem vasis effundatur & separetur. Spiritus vini major pars distillatione abstrahatur ut remaneat liquor spissus seu tinctura, Balsamum vere pretiosum.

Angelus Sala hujus balsami ℥ij. recipiebat, Sacchari ℥jss. & aquæ distillatæ folior. Hyperici vel Betonicæ lbj. Solutione rite peracta, hujus mixturæ cochlearia duo, tria vel quatuor exhibebat, mane & vesperi maniacis, melancholicis, hypochondriacis & mentis alienatione absque causa manifesta laborantibus & subita intellectus depravatione. Plurimos hac mistura restitutos fuisse & sanæ mentis compotes factos testatur. Observat tamen his ægritudinibus satis tempestive succurrendum esse, quando scilicet malum nondum altas egit radices, ratioque non omnimode abolita est ac prorsus corrupta.

Ad lumbricos pellendos Thomas Bartholinus in *Actis Hafniensibus*, flores Hyperici in spiritu vini infusos & cum liquore exhibitos commendat velut præstantissimum remedium experientia comprobatum Camerarius eorundem succum expressum vermifugum asserit. Schroderus quoque, sed superstitiose nimis, Hypericum lumbricos fugare scribit, sed si tempore exaltationis collectum fuerit, alias hac facultate destitui.

℞. Summitatum floridar. Hyperici & Virgæ aureæ ana M. j. Radic. Symphyti major. taleolatim sect. ʒss. Rasur. Corn. Cerv. ʒij. Coquantur in aq. ferrator. ℔iij. ad ℔ij. Colatura dissolve syrup. de Hedera terrestri vel de Symphyto ʒjss. F. apozema vulnerarium per cyathos debitis intervallis propinandum in hæmorrhagiis, & renum aut intestinor. exulcerationibus.

℞. Summitatum Hyperic. & herbæ Anagallid. flore purpureo ana M. j. Infund. in aq. bull. ℔ij. Colatura detur pro potu ordinario in melancholia, mania, &c.

Hypericum externe admotum vulnerarium est insigne: nervosarum præsertim partium contusionibus, vulneribus & ulceribus dicatur. Resinosus enim & balsamicis suis partibus resolvit, detergit & consolidat: eapropter nullum fere est balsamum quod illud non admittat. Herba florida contusa applicatur, vel in vino aut olei maceratur & decoquitur. Quidam, referente Paulo Hermanno, ad vulnera consolidanda & cicatrizanda capiebat Hyperici floridi recentis q. l. & affundebat vinum. Idem vinum per aliquot dies maceratum bis vel ter seminibus affundebat & postea distillabat usque dum spiritus vini per alambicem prodiens totus resinosus apparebat: hoc penicilla imbuta vulneribus applicabat. Chirurgus quidam, referente J. B. Chomel in *sua Plantar. Usual. Historia*, tincturam Hyperici præparabat, vas vitreum floribus Hyperici adimplendo & spiritum vini affundendo. Vas accurate obturatum solaribus radiis per mensem circiter exponebat donec spiritus rubro colore tinctus fuisset. Tinctura percolata Camphoræ ʒj. pro singulis semilibris dissolvebat. Hac tinctura in vulneribus, contusionibus, rheumaticis doloribus felici cum successu utebatur.

Oleum Hyperici duplex in Officinis habetur, simplex & compositum; & utrumque varie apud varios conficitur. Simplex vulgo fit per infusionem florum cum oleo Olivarum quod novis floribus semper affunditur quousque rubrum colorem affecutum fuerit. Apud Monspelienses flores macerantur in liquore resinoso ex Ulmi vesiculis extracto. Olei Hyperici compositi legitimam confectionem videre est in *Pharmacop. Reg. Moys Charas*. Hoc oleum habetur præstantissimum balsamum, quod potenter attenuat, resolvit, & discutit. Dolores omnes a frigore contractos sedat, arthriticos demulcet, vulnera detergit & consolidat, ambustis medetur. In injectionibus vulnerariis, unguentis digestivis, & cataplasmatibus frequenter adhibetur. Intus nonnumquam etiam usurpatur ab ʒss. ad ʒj. ad cruentam exspuitionem, & dysenteriam: necnon in enematibus utiliter admiscetur ad intestinorum exulcerationes sanandas.

Hypericum usurpatur in syrupo antinephritico, aperiente & cachectico *Pharm. Reg.* syrupo de Artemisia, Pulvere contra rabiem *Palmarii*, The-

riaca *Andromachi*, Mithridatio, oleo Scorpionum composito, Ung. Martiato, *Ph. Reg.* mundificativo de Apio, Aqua vulnerar. *Penicher*.

H Y S S O P U S.

HYSSOPUS & Hyssopum, *Off.* Hyssopus Officinarum, cærulea seu spicata, *C. B. P.* 217. *Inst. R. H.* 200. Hyssopus vulgaris, spicatus, angustifolius, flore cæruleo, *J. B.* 3. 274. *J. R. Hist.* 516. Hyssopus vulgaris, *Dod. Pempt.* 287. vulgo, *Hyssope*.

Radice est lignosa, dura, fibrata, crassitudine digitali: caulibus cubitalibus, frutescentibus, fragilibus, ramosis: foliis binis ex adverso nascentibus, unciam aut sesquiunciam longis, duas lineas latis, acutis, glabris, obscure virentibus, gustu acribus & suaveolentibus. Flores densis verticillis spicas longas mentientibus, in caulium summitatibus, in unam partem fere spectantes, e calycibus longis, striatis, in quinque acuta segmenta partitis exeunt, ampli, monopetali, cærulei, labiati, quorum labium superius surrectum est, subrotundum, bifidum, inferius vero in tres partes divisum, media cochlearis instar excavata bicuspidata & quodammodo alata: singulis floribus stamina insunt quatuor oblonga, cærulea, cum suis apicibus parvis, obscure cæruleis: ex calyce surgit pistillum posticæ floris parti ad instar clavi infixum, & quatuor veluti embryonibus stipatum, qui deinde abeunt in totidem semina minima, subrotunda, fusca, in capsula quæ calyx floris fuit recondita. Vulgo colitur in hortis. Herba integra florida usitata est.

Analyti chymica, ex Hyssopi floridi ℥v. per retortam distillatis prodierunt humoris limpidi, odorem & saporem plantæ referentis, obscure acidi, cum olei essentialis guttis aliquot ℥j. ℥v. ℥vj. gr. xlij. humoris primum limpidi, deinde rufescentis, ac tandem rufi, magis ac magis manifeste acidi, ac tandem austeri ℥ij. ℥viij. ℥iiij. gr. xxx. humoris rufi, sale volatili urinoso copioso imprægnati ℥iiij. ℥iiij. salis volatilis urinosi concreti, gr. xxxvj. olei tum tenuis essentialis, tum crassi & spissi ad instar extracti ℥ij. ℥vij. Massa nigra in retorta residua pendebat ℥vij. ℥j. gr. xxiiij. quæ rite calcinata reliquit cinerum ℥ij. ℥vj. gr. xxiiij. ex quibus salis fixi mere alcali ℥vj. extractæ fuerunt. Partium jactura in distillatione fuit ℥iiij. ℥j. gr. xii. in calcinatione ℥iiij. ℥iiij.

Hyssopus sapore acri & odore gravi aromatico donatur. Salem essentialem obtinet ammoniacalem cum oleo tenui essentiali aromatico & oleo crasso bituminoso confociatum.

Vi incidendi, attenuandi & discutiendi pollet. Pulmonum affectibus tartareis potissimum dicatur. Ventriculum roborat, & ciborum concoctionem juvat. Acrimonia sua aromatica viscidum pulmonum mucum eorum vesiculas infarcientem incidit & ad expectorationem promovet: unde in asthma humoralis specificum audit: simili modo ventriculi inflationi & ciborum inappetitæ medetur, incidendo & adstergendo glutinosam pituitam hujus visceris parietibus inhærentem. Sunt qui eum Absinthio in corroboratione ventriculi præferunt. Cerebri quoque pituitosis & nervorum affectionibus opitulari dicitur, non solum pituitam discutiendo, sed etiam easdem partes roborando.

Eapro-

Eapropter in catarrhis & morbo comitiali a nonnullis proponitur. Ejus infusum vel decoctum in aqua, vino, vel Cerevisia præscribitur. Syrupus simplex & compositus, & conditum in officinis præparantur in affectibus pulmonum eximii usus. Ejusdem aqua distillata ad eadem utilis servatur.

℞. Radic. Chinæ ℥ij. Bulliant leviter in aq. fluvial. ℔ij. Adde folior. Hyssopi M. ij. Macerentur donec decoctum refrigeratum fuerit. Colatura dilue Syrup. de Hyssopo, vel Eryfino aut Stæchad. ℥ij. Sumat æger per cyath. 3. quaque hora in asthmate humorali & catarrhis.

℞. Rad. Iridis Florentin. ℥ij. Agaric. minutim concisi & in nodulo ligati ℥jss. folior. Nicotianæ exsiccator. ℥j. Summitatum floridar. Hyssop. & Thymiana M. j. Coquantur in ℔ijss. aq. comm. ad ℔ij. Colatura dissolve Oximel. simplicis ℥iiij. F. apozema expectorans, in asthmate humorali præpotens remedium. Propinetur calidum ad instar Caffæ ad ℥v. bis vel ter in die.

℞. Conserv. flor. Hyssop. & Conserv. ad Enul. camp. ana ℥ij. Aristoloch. rotund. & Ireos Florentin. ana ℥iiij. c. s. q. Syrup. de Althæa Fernel. F. opiata ad magnitudinem Nucis Moschatæ in asthmate humorali.

Externe quoque in oculorum suggillationibus & sanguine sub cornea collecto sive a causa interna sive contusionibus nihil conducibilius Ettmullerus asserit quam summitates Hyssopi recentis vel exsiccati nodulo inclusas, quæ immersæ aquæ fervidæ vel vino calido & instar fomenti humidi impositæ oculis, quemvis sanguinem grumosum & extravasatum dissolvunt. Idem testatur Riolanus senior in *Tract. de affectibus Oculor. p. 153.* „ Expertus sum, inquit, verum „ quod affirmat Archigenes apud Galenum quod si Hyssopi coma nodulo inclusa „ bulliat in aqua, & tepide nodulus oculo cruento applicetur, tam manifeste sur- „ git sanguinem, ut linteam ipsum sanguinolentum videri possit. “ Simon Paulli hujus auctoritatem secutus, ubi occasio tulit, decoctum Hyssopi aliquam- multis adversus suggillationes quascumque, imo etiam oculorum commendasse asserit, sed loco aquæ sacculum in vino bulliendum quandoque curavisse, & ex voto eas evanuisse, dum lectum petentibus sacculus subrepidus clausis palpebris fuit applicatus. Aliam observationem ex Roberto Boyle J. Raius sic refert. „ Vir quidam celebris, qui femur ictu equi calcibus incusso graviter contusum „ fuit, sola applicatione cataplasmatidis cujusdam ex Hyssopi foliis minutim con- „ cisis & cum butyro recenti non salito commixtis parati intra paucas horas „ a dolore liberatus est, deleta etiam livida & decolori macula in cute. “

Aqua Hyssopi distillata servatur in Officinis ad oculorum inflammationes utilis. Quidam aquam Hyssopi & aquam Hyoscyami conjungere solent, & externe applicant in suggillatione. Ex ejus summitatibus floridis conditum præparatur & syrupus simplex.

Usurpatur in syrupo de Hyssopo composito *Mesuae*, syrup. de Artemisia *Pharm. Reg.* syrupo antiasthmatico D. Daquin *eiusdem Pharm. Reg.*

J A C E A .

JACEA nigra, Jacea vulgaris, *Off.* Jacea nigra pratensis, latifolia, *C.B.P.* 271. *Inst. R. H.* 443. Jacea nigra, vulgaris, capitata, & squamata

7. B. 3. 27. Jacea nigra, *Taber. Icon.* 152. Jacea nigra, *Dod. Pempt.* Jacea nigra vulgaris, *Lobel*: Hyosiris Plinii, *Anguill*: Jacea nigra Gerardi, *Inst. R. H.* 325. vulgo, *Jacee*.

Radice satis crassa, lignosa, vivaci, multis fibris stipata, sapore cum nausea adstringente, nititur: folia priora, quæ a radice exeunt, aliquid commune habent cum Gichorii foliis; sunt enim longa, nonnihil laciniata, præ virore nigricantia, brevis lanugine hirsuta: caulis ex eadem radice interdum unicus, sæpius plures assurgunt cubitales aut sesquicubitales, hirsuti, teretes, striati, firmi & rigidi, fractu contumaces, medulla farcti, foliis crebris, nullo ordine positis, iis quæ ad radicem similibus, verum angustioribus, obiter præcipue ad exortum dentatis, cincti: e quorum alis seu sinubus a medio caule sursum versus ramuli egrediuntur consimilibus foliis seu minoribus donati, in fastigiis unum, duos, tresve flores sustinentes flosculosos, plurimis scilicet flosculis constantes tubulosos, profundius in summitate quinquefariam divisos, purpurascens, arcte stipatis, embryoni insidentibus, & calyce squamis composito nigricantibus, circa margines ciliis instar pilosis, imbricatim positis. Flosculis marcescentibus embryones abeunt in semina oblonga, parva, per maturitatem ex cinereo nigricantia, barbata, & denso sed brevi pappo intermixta. In agro Parisiensi sponte nascitur. Flores & folia in usum veniunt, sed raro.

Analyti-chymica, ex Jaceæ floridæ lbv. per retortam distillatis prodierunt humoris limpidi, odore & sapore herbaceo, cum levi quadam acrimonia, obscure alcalini, urinosi, & subsalsi lbj. ℥ij. ℥ij. gr. xij. humoris subsalsi, alcalini, urinosi lbij. ℥iiij. ℥vj. gr. lxxvj. humoris rufi, sale volatili urinoso copioso imprægnati ℥j. ℥v. olei adiposi ℥j. ℥j. Massa nigra in retorta residua pendebat ℥iiij. ℥vij. gr. liiij. quæ rite calcinata reliquit cinerum ℥j. ℥vj. gr. xij. ex quibus salis fixi mere alcali ℥iiij. gr. xxvj. lixivio fuerunt extracta. Partium jactura in distillatione fuit ℥j. ℥j. gr. xij. in calcinatione ℥iiij. ℥j. gr. xlij.

Jacea itaque plurimum continet salis acris seu alcalini tum volatilis, tum fixi, cum oleo bituminoso conjuncto.

Inter plantas vulnerarias ab Italis recensetur qui eam *Herba d'elle ferre* nominant. Præstantissima in aphthis oris sanandis ab Anguillara dicitur. Ulcera optime detergit. Potenter resolvit; quapropter ad faucium, tonsillarum uvæque tumores commendatur. Tabernæmontanus ad hernias eam valere scribit, si pulverata ad ℥j. in jussculo sumatur.

J A C O B Æ A.

J A C O B Æ A, *Off.* Jacobæa vulgaris, laciniata, *C. B. P.* 131. *Inst. R. H.* 485. Jacobæa vulgaris, *J. B.* 2. 1057. *J. R. Hist.* 284. Jacobæa, *Dod. Pempt.* 642. Flos Sancti Jacobi, *Tragi* 287. Senecio major, sive Flos Sancti Jacobi, *Matthiol. Lugd.* 575. vulgo, *Jacobee*, *Herbe de S. Jacques*, *Fleur de S. Jacques*.

Radix plurimis fibris majusculis, albescentibus terræ firmiter adhærescit, ut non sine difficultate possit extirpari. Caules exinde assurgunt non raro plu-

res, interdum unicus, teres, striatus, alias glaber, alias nonnihil lanuginosus, in apricis plerumque purpurascens, solidus, foliis crebris, nullo aut alterno ordine positis vestitus, sesquicubitalis aut altior, summa parte in ramos aliquot divisus. Folia oblonga sunt, profunde dissecta, primo in laciniarum quasdam conjugationes ad mediam prope costam, deinde in alias lacinias secundarias subdivisa, glabra, & obscurius virentia, præsertim supina parte. Flores in summis caulibus & ramulis nascuntur in umbellas quodammodo dispositi, magnitudine mediocri, radiati, flavi, quorum discus ex plurimis flosculis fistularibus, in summitate quinquifidis, corona vero ex semiflosculis cuspidatis componitur, embryonibus insidentibus, & calyce tubiformi ac multifido comprehensis. Embryones marcescente flore abeunt in semina perexigua, oblonga, pappis instructa, per maturitatem rubescentia. Agri Parisiensis incola in usum medicum nonnumquam venit.

Jacobææ folia amara sunt, aromatica, nonnihil adstringentia, & cæruleam Heliotropii solutionem parumper mutant. Salem essentialem soli terræ naturali fere similem cum plurimo oleo & terra copiosa conjunctum eam continere Cl. Tournefortius existimat.

Vulneraria dicitur. Easdem cum Senecione vires & facultates obtinere Hieronymus Tragus scribit, in primis autem vulneribus, inflammationibus & fistulis mederi. Cui C. Hoffmannus & S. Paulli haud quaquam subscribendum censent. Viribus quippe a Senecione discrepare autumant. Senecio, inquit Hoffmannus, *L. 2. de Med. Offic. c. 66. p. 221. §. 34.* quia insipidus, cum modica caliditate, digerit: Jacobææ vero, quia amara, cum majori caliditate, discutit & abstergit. Ubi ergo mitigandi dolores in incipientibus inflammationibus sunt, Senecio potius præ Jacobææ eligatur: ubi vero siccare & abstergere citra morsum, & consolidare ulcera animus est, priores Jacobææ teneat, inquit S. Paulli. Jacobæam ad anginas tonsillarumque inflammationes utiliter adhiberi docet Camerarius, & ex ea gargarisma parat, quod tamen rejicit S. Paulli propter ingratum & propemodum abominandum ejus saporem. Idem S. Paulli narrat se a Chirurgo quodam Castrensi accepisse, cum dysenteria epidemica grassaretur in castris, complures militum gregariorum, solius decocto Jacobææ, aut ea in pulmentum cocta, sanitatem pristinam esse consecutos. Quin & idem observarat nonnullis Jacobæam calidam cataplasmatibus forma adversus ventris tormina quæ dysenteria affectos nonnumquam misere excruciant, felici successu fuisse abdomini applicatam. Simon Paulli in *Quadr. Botanico* ægrotantium palati delicatioris miseratus hæc euporista medicamenta nauseabunda pro militibus, rusticis ac plebejis relinquit. Revera Medicus tuto, cito & jucunde quantum fieri potest mederi debet. Sed si palato minus grata remedia rejiceremus, exigua sane & curta foret Officinarum pharmaceuticarum supellex. Non ideo igitur propter fastidiosum & S. Paulli palato minus arridentem saporem a foro medico Jacobææ rejicienda est.

Externe Jacobææ ad vulnera & ulcera inveterata ac sordida ab omnibus fere Botanographis commendatur. Eapropter idem auctor in contumaciori dysenteria aut sordido intestini recti ulcere clysteres aut injectiones ex Jacobææ decocto

cocto vel succo solo aut cum aliis sarcoticis confociato proponit. Remedium quidem tentandum, sed nondum expertum. Nonnulli unguentum adversus erysipelata utile ex ejus succo parant: sed Cl. Tournefortius ejusdem decoctum pro fotu præstantius fore censet, & multa cum ratione; siquidem adiposa & pingua externe admota in erysipelate sæpius noxia deprehenduntur.

JUGLANS.

JUGLANS, Nux, & Nux Juglans, *Off.* Nux Juglans, sive Regia vulgaris, *C. B. P.* 417. & *Inst. R. H.* 581. Nux Juglans, *J. E.* 1. 241. *Dod. Pempt.* 816. & *Raii Hist.* 1376. vulgo, *Noyer*. Cujus fructus Nux simpliciter, Nux Juglans quasi Jovis glans, vel juvans glans, Nux basilica, Nux regia, Persica Nux, Nux Græca, Nux Euboica, *καρυον Græcis*: vulgo, *Noix*.

Prægrandis arbor est, multis prælongisque nixa radicibus; caudice procero & crasso ad binum ternumve sæpius cubitorum amplexus, multis ramis in summo sese diffundentibus. Cortice truncus vestitur crasso, cineraceo, subvirente, levi, per senium hiulco & in rimas altas dehiscente. Materie constat ampla, rufa vel subfusca, multis exiguis segmentis scarificata, quibusdam partibus undulatis crispa, robusta. Folia pinnatim disponuntur, quina senave ad unam costam cohærentia, conjugationes claudente folio impari, primum tenera, rubicantia suaviterque olentia; cum adoleverint ampla, sesquipalmum longa, palmum fere lata, principio & mucrone angustiora, venis obliquis a medio nervo deductis, lævia, pulchre viridantia, odore jucundo fere laureo, sed graviori & vehementi, sapore adstringente. Flores amentacei sive juli cum foliis vere erumpunt juxta foliorum pediculos, duas tresve uncias longi, suaveolentes, plurimis foliolis seu petalis constantes, axisquammatim affixis, quibus singulis denso agmine subsunt stamina & apices flavescentia, quæ brevi decidunt. Fructuum embryones in eadem arbore a floribus separati nascuntur plurimi eidem pediculo innixi, singuli singulis calyculis herbaceis, in summo bifidis inclusi: abeunt deinde in fructum subrotundum, duas tresve uncias crassum, qui maturitatem assecutus constat cortice carnosio, foris virente, intus albicante, acerbi & amari saporis non sine acrimonia, nigro colore manus inficiente, & subjecto putamine seu testa quæ sub initio pulposa fuit & candida substantia, ex acido amaricans, per maturitatem ossea sive lignosa, rugosa, unciam circiter lata, & ipsa latitudine longiore, in duas carinas fissili, nucleum continente in duas partes ad medium fere fissum & pene quadripartitum, revolutionibus cerebri similiter inæqualem, primo mucosum ac fere insipidum, deinde per maturitatem callosum, candidum, dulcem, ori gratum; dum recens est, (aridus enim oleosum & rancidum quid contrahit) cuticula tectum amara, acri, ori ingrata, quæ dum nux recens est facile deglubitur, cum arefcit adhæret, nec potest separari, extrinsecus flavicante, intus albicante, intercurfante lignea quasi membrana divisum. In agris secus vias & semitas & in viridariis plantatur. Ubi sponte proveniat nesciunt. Lætis gaudet collibus; montibus delectatur: aquas odit, aquososque tractus spernit.

Nuces Juglandes magnitudine, figura, duritie, sapore, multis modis differunt.

tunt. Nux Juglans five Regia vulgaris quæ a duro cortice & frangendi mora Morancia & Moracilla a nonnullis dicitur. Surdam nominat Cæsalpinus, fortasse quia exsiccata & concussa sonitum non edit. Nux Juglans fructu maximo, quam Caballinam Dalechampius vocat, & Angli Nucem Gallicam, Mali magnitudinem fere æquat. Bonitate & pondere ratione molis reliquis cedit. Non enim intus oppleta, sed magna ex parte vacua est, & minus sapida. Nux Juglans fructu tenero & fragili putamine, a Dalechamptio Mollusca dicta, quod ceteris generibus mollior sit, ejusque putamen digitis facile rumpatur. Tarentinæ veterum vel eadem est vel similis. Ceteras differentias prætermitto.

Umbram Juglandis noxiam esse plerique affirmant non solum humano capiti, sed & stirpibus omnibus juxta satis. Hinc a græcis *Κάρια*, quod *Κάρα* id est caput sua umbra lædat. Hinc in hortis & agris extremis partibus locatur ac plantatur. Unde versus:

*Me, sata ne lædam, quoniam sata lædere dicor,
Cultus in extremo margine fundus habet.*

Reipsa decubitus sub hac arbore nonnullis capitis dolorem inducere experientia comprobatum est; quod non provenit ab umbra, sed a graveolentibus halitibus ex foliis arboris emanantibus, qui quidem nonnullis cerebris noxii sunt, sed non omnibus, ut patet ex J. Raii & Evelyni testimonio qui hanc umbram non tantum innocuam sed & amœnam & salubrem asserunt ob odorem gratum quem folia exspirant. Cum etiam hæc arbor sit admodum ramosa & patula, spissiore umbram constituit, in qua plantæ satæ minus bene quam sub aperto cælo crescunt.

Trunci materies seu lignum maxime æstimatur ob elegantem suum colorem varium, venas undulatas & crispas, materiei soliditatem ac durationem, quod egregie poliatur & nitidum splendorem acquirat. Hinc mensis, armariis, utensilibus & operi tectorio potissimum dicatur.

Truncum igitur Nucis fabri lignarii quæritant, fructuum corticem exteriorem infectores, fructum pueri ad lusum & esum, Pharmacopœi ad usum medicum partes fere omnes, sed in primis folia, flores, germina, Nucleum virides, tum maturas adhibent.

Analyti chymica, ex Nucum viridum tenerrimarum quales condiri solent ℥v. per retortam distillatis prodierunt humoris limpidi, fere inodori & insipidi, subsalsi & subacidi ℥j. ℥ij. ℥vij. gr. xlvij. humoris primo limpidi, magis ac magis acidi, austeri, deinde rufescentis, odoris & saporis empyreumatici, impense acidi, & austeri ℥ij. ℥xij. ℥iij. gr. xxxvij. humoris rufi, empyreumatici, sale volatili urinoso copioso imprægnati ℥j. ℥ij. gr. lvij. olei ℥ij. gr. lx. Massa nigra residua pendebat ℥iij. ℥iiij. gr. xxiiij. quæ rite calcinata reliquit cinerum ℥iij. gr. vj. ex quibus salis fixi mere alcali ℥j. gr. lxvij. lixivio sunt extracta. Partium jactura in distillatione fuit ℥xj. ℥ij. gr. lx. in calcinatione ℥iij. gr. vj.

Nucum bene maturarum recentium medullæ ab omnibus involucris & pelli-
cula spoliata ℥v. per retortam distillatæ præbuerunt humoris limpidi, Nucum aliquantisper torridarum odorem levem referentis, obscure subsalsi, deinde sub-
acidi ℥j. ℥iiij. ℥iij. gr. ix. humoris limpidi, odorem & saporem axungię veteris &

rancidæ referentis, obscure acidi ℥iiij. ℥ij. gr. xv. humoris rufescentis, subacidi, obscure subaulteri ℥j. ℥j. gr. xliij. humoris parum rufescentis tum acidi, tum alcali urinofi cum oleo pingui, fusco ℥j. ℥vij. gr. xlv. humoris tum subacidi, tum falsi & alcali urinofi, & austeri ℥vij. gr. xxxvj. cum multo oleo fluido, & olei spissi Resinæ seu Colophonix ad instar, fortiter recipientis parietibus adherentis ℥vj. gr. xviiij. olei tum fluidi, tum spissi & resinosi ℔ij. ℥vj. gr. xxij. Massa nigra valde sicca in retorta residua pendebat ℥v. quæ per duodecim horas igne vehementi calcinata reliquit cinerum nigricantium ℥v. gr. lxiiij. ex quibus lixivio salis fixi mere alcali gr. lxiiij. extracta sunt. Partium jactura in distillatione fuit ℥vij. ℥j. gr. xj. in calcinatione ℥iiij. ℥ij. gr. viij.

Nuces virides saporem herbaceum stypticum obtinent, nonnihil aromaticum: parum terræ, perparum olei continent, plurimum phlegmatis & salem essentialem aluminoso-tartareum. Nucum autem maturarum medulla saporem dulcem, gratum, amygdalinum obtinet: cum aqua contusa lactescentem aquam efficit. Multum olei, mediocrem phlegmatis portionem & salem essentialem tartareum præbet.

Diversæ sunt diversarum hujus arboris partium facultates. Cortex interior seu potius liber Juglandis exsiccatus vim insignem emeticam possidet, juli seu nucamenta leniorem, & a ℥ss. ad ℥j. eorum pulvis exhibetur, affirmantibus Fernelio, Camerario, Sennerto, & aliis. Ducunt satis valide bilem pituitamque viscidam ex ventriculo vicinisque partibus, ita ut in robustis corporibus tuta sint remedia ad febres extinguendas. Et Camerarius, *in Horto*, julorum pulverem exhibet pro vomitivo in doloribus colicis & nephriticis.

Attamen Matthiolus in suffocationibus uterinis eundem pulverem ad ℥j. exhibet. In epistolis Cratonis idem medicamentum cum hoc elogio commendatur ab eo qui scribit adversus eundem morbum. „ In hoc affectu nihil novi præstantius. “ Hunc autem pulverem exhibet ad ℔ij. cum olei Succini gutt. ij. Eidem quidam Joannes Ranzenbach affirmabat, Anabaptistas in Moravia jactare, habere se antiepilepticum secretissimum, quo dato infantibus novissime natis ante omnes alios cibos, præstent illos securos per totam vitam, hos nempe Julos. Has diversas facultates emeticam & antispasmodicam, S. Paulli conciliare vix potest. Quod tamen non prorsus impossibile est; sed ad experientiam confugiendum. Iidem Julia nonnullis, referente Ettmullero, commendantur veluti arcanum specificum adversus dysenteriam, pulverati & in aqua conveniente ad ℥j. propinati.

Folia arboris Juglandis aroma spirantia, a vulgo Germaniæ, inquit S. Paulli, frequenter expetuntur, æque ac folia Menthæ corymbiferæ seu balsamitæ, ad pediluvia & balnea sanorum, quæ conservandæ valetudinis causa instituuntur. Idem S. Paulli refert eadem folia adversus podagram commendari, si ex illis virentibus & modico sale, in olla vitreata stratum super stratum fiat reponendum quotannis in cellam, ut paroxismi tempore semimarcida folia parti dolenti cataplasmatibus in modum applicentur. Hoc remedium discutiendi & roborandi, minime autem repellendi facultate præditum censet.

J. Raius refert, succum radicis violenter purgare, nec nisi rusticis exhibendum esse: quod quidem de expresso radicum recentium contusarum succo intel-

telligendum existimo. Nam alius succus ex radicibus mense Februario vulneratis aut perforatis sponte stillat, narrante Ettmullero, in plurimis morbis, præsertim chronicis commendatus, in primis in arthritide, nephritide, & cephalalgia. Urinam potenter movet: minus dulcis est quam Betulæ succus.

Nuces pro diversa earum ætate, diversis virtutibus donantur, necnon variæ sunt diversarum earundem partium facultates.

Nuces virides decerptæ Majo vel Junio appetente, antequam earum putamina obduruerint, Saccharo conditæ stomacho utiles dicuntur. Antequam condiantur, cortice viridi spoliantur, stylo undequaque perforantur, & in aqua per plures dies macerantur, singulis diebus mutata & nova affusa; coquuntur igne blando donec mollescant, ac tandem cum Saccharo & aromatis perfecte coquuntur. Nuces sic conditæ commendantur ad ventriculi imbecillitatem, ad flatuum dissipationem, colicum dolorem sedandum, ciborum concoctionem juvandam, ad pestis contagium arcendum: quin & frigidis maritis & ad venereum pigris conceduntur, eamque excitare perhibent. Attamen si quid hac in re præstent Nuces conditæ, non tam ipsis debetur, quam admistis aromatibus. J. Raius ex propria observatione refert Juglandes virides adhuc immaturas, integras cum cortice viridi Saccharo conditas, ut moris est, si duæ vel tres sub vespere a sumpto cibo sumantur, alvum blande subducere.

Cortex viridis exterior Nucum Juglandium saporem habet adstringentem vitriolicum: unde ex eo vitriolum quoddam vegetabile Ettmullerus parare tentat hoc modo. Cortices Nucum Juglandium quando maturescunt, deglubiti contunduntur, & cum aq. q. s. decoquuntur. Decocti per pannum laneum transcolati mensuris tribus salis communis manipuli duo dissolvuntur. Solutio ad cuticulam evaporata in locum frigidum reponitur, ubi crysalli virides saporis adstringentis concrescunt, vitriolum vegetabile dictæ. Ex hoc vitriolo cum Boli triplo distillato spiritus acidus extrahitur ad coralliorum perlarum solutionem a quibusdam commendatum. Sal ille improprie vitriolum dicitur, cum revera nil aliud sit quam sal cibarius seu communis cum corticis Nucum essentiali sale permixtus. Spiritus vero inde distillatus a spiritu salis parum differt.

Viridi huic cortici recenti vim quamdam vomitoriam Ettmullerus tribuit. Eundem corticem viridem exsiccatum & pulveratum a nonnullis Piperis loco usurpari Tragus refert; & huic pulverem foliorum Salviæ saporis gratia commisceri: pravum fane condimentum.

Ejusdem corticis succus expressus adstringens est & in omnibus faucium inflammationibus, præsertim in principio morbi in gargarismatibus usurpatus commendatur, & ad uvulæ relaxationem. Ex eodem succo cum melle inspissato ad syrapi consistentiam Rob Nucum conficitur, Dianucum vel Diacaryon a pharmacopœis dictum, ad eadem utile.

Nonnulli succum hujus corticis inspissant ad extracti consistentiam, & hujus extracti grana aliquot in ejusdem corticis aqua distillata vel alia quacumque solvunt, sicque parant collyrium in ophthalmiis & oculorum inflammationibus perutile sub initio morbi.

Ejus corticis aqua distillata non solum ad oculorum & faucium inflammatio-

tiones commendatur ob vim quamdam adstrictoriam, sed etiam ratione tenuium suarum partium quæ odore facile deprehenduntur, ad multa alia utilis dicitur: ab Ettmullero ad calculum, a J. Raio & aliis ad dissolvendos thrombos concreti sanguinis intus sumpta, ad vulnera & ulcera calida, & ad anthracem pestilentem foris imposita. Quin & vis alexipharmaca a S. Paulli ipsi tribuitur: & aquam antipestilentialem describit ab Henrico Paulli patre suo multis optimo cum successu peste affectis exhibitam, ex Nucibus Juglandibus & aliis alexipharmacis sic compositam.

℞. Scabiosæ, Veronicæ, Borrag. Bugloss. Acetosæ, Rutæ, Calendulæ, Card. bened. ana M. ijs. Rosar. rubrar. M. iij. Cortic. Citri ℥j. Nuc. Jugland. virid. n. xxv. Omnia contusa distillantur baln. Mar. In hujus aquæ cochleari uno atque altero dissolvit sequentis electuarii ℥j. vel ℥jss.

℞. Diascordii ℥ss. Pulver. Card. bened. ℥iiij. Sal. Card. bened. ℥j. cum syrupi acetositis Citri q. s. Fiat. l. art. electuarium.

Aqua e tribus Nucibus distillata in Officinis hodie celebratissima est & usitatissima in febribus intermittentibus, necnon in malignis, in hystericis affectionibus, in hydrope. Exhibetur ad ℥iiij. vel vj. quarta vel sexta quaque hora. Sudorem movet, urinam provocat, flatus discutit, ventriculum roborat. Sic autem præparatur.

℞. Julor. seu florum Juglandis ℔x. Terantur & macerentur calide in succi expressi & colati aliorum nucamentorum ℔xij. per duodecim horas. Deinde distillantur per alambicem. Aqua distillata affundatur embryonum fructuum primo erumpentium ℔vj. & distilletur secundo. Tertio denique aqua distillata supra eandem Nucum fere maturarum quales condiri solent, & vulgo *des Cerneaux* dictarum quantitatem affusa distillatur; & aqua e tribus Nucibus dicitur.

Per solum hujus aquæ ad ℥vj. quarta quaque hora propinatae usum uxor Pharmacopœi Parisiensis peritissimi, plurimis aliis remediis frustra tentatis, paucis abhinc annis ab hydrope liberata fuit.

Nuces novellæ, vulgo *des Cerneaux*, palato placent quia suaves & dulces, si delibratæ; & ideo mensis secundis frequentissime apponuntur, & cum sale & aqua suaviter esitantur. Parum nutriunt, ægre concoquuntur, tarde descendunt. Quanto vero magis ad maturitatem accedunt, eo minus sunt gratæ. Ætate oleaginosam & rancidam qualitatem contrahunt quæ illas reddit esui ineptas. Maturitatem assecutæ & aridæ parce nutriunt, tenuis cuticulæ qua velantur ratione, haud leviter adstringunt. Difficiter concoquuntur. Bilem venenis non inferiorem gignere dicuntur; tussim etiam excitant, vocem extinguunt, asperum quid & raucum in faucibus pariunt; gravitatem capitis afferunt. Corriguntur tamen si edantur cum Caricis & passulis. Ut vero diutius recentes sint, in media maturitate colligi debent & in cella vinaria sabulo sepeliri. Imo aridæ si per aliquot dies in aqua macerentur, albescunt, & membrana ut virides facile exuuntur.

Nuces Juglandes post piscium esum comestæ, eorum concoctionem adjuvare creduntur. Unde illud scholæ Salernitanæ:

Post pisces nux fit, post carnes caseus esto.

Existimaverunt enim piscium frigiditatem & humiditatem ab aridarum Nucum caliditate & siccitate temperari & emendari.

Quæritur quis sit sensus alterius versiculi ejusdem scholæ:

Unica nux prodest, nocet altera, tertia mors est.

Per primam nonnulli intelligendam esse putant nucem moschatam omnino salutarem. Per alteram intelligunt alii nucem Avellanam, alii nucem Juglandem. Per tertiam vero quidam Balistæ nucem, vel sclopeti glandem jocosè interpretantur, quod nimirum repentinam inferant mortem. Verum alii nucem intelligunt Metellam, seu fructum Stramonii (fructu spinoso rotundo, semine nigricante *Inst.* Solani pomo spinoso rotundo longo flore, *C. B. P.*) quippe quæ venenum sit narcoticum seu torporem inducens. Plerique per hanc triplicem nucem nihil aliud intelligendum esse censent quam unam & eandem Juglandem: per unicam quidem paucas numero quæ citra denarium consisterent: per alteram quæ paulo largiore copia ingererentur: per tertiam vero quæ immoderatissime sumerentur.

Nucibus bene maturis virtutem alexipharmacam veteres tribuerunt. Eas venenis resistere cum Ficibus & Ruta ante alios cibos comestas, veletiam post ipsa venena hausta sumptas asserunt. Necnon contra pestem & malignos morbos præservative & curative commendantur. Hinc antidotum Mithridatis regis ingrediuntur adeo celebratam adversus venena in devicti a Cn. Pompejo regis Mithridatis sanctuariis repertam, quæ duas nuces, Ficus totidem, Rutæ folia viginti, simul trita cum salis grano admittebat. Qui hanc jejunos sumit nullum venenum illo die nociturum asserunt. Nec paucae sunt compositiones alexipharmacæ & antipestilentiales in quibus nux Juglans usurpatur. Attamen C. Hoffmannus de hac alexipharmaca quæ nucibus tribuitur virtute valde dubitat.

Juglandibus maturis ab Andræa Matthiolo propria quædam & peculiaris facultas tribuitur ad remoratos menses ciendos, aliis medicamentis nihil proficientibus. Ad id macerantur in aqua donec nuclei membranis possint nudari: deinde nuclei ita exspoliati macerantur in aqua vitæ per biduum, eorumque duo vel tres quotidie mane jejunæ prius perpurgatæ exhibentur comedendi per decem dies ante tempus menstruæ fluxionis.

Singulare quoque medicamentum ex membrana aut tunica illa subamarâ lutea, quæ nucleum juglandium arctissime investit paratur & ℥j. pondere contra colicos dolores propinatur.

Sunt qui præmansas juglandes nuces eum in finem commendant ut earum beneficio exploremus morsus canum. Etenim si præmansæ nuces parti affectæ aliquamdiu applicentur, ac postea projiciantur devorandæ gallinis, nec illæ ab earum esu male se habeant, pronuntiandum arbitrantur, canem qui ægrum momordit non fuisse rabidum. Imo nonnulli quoque tradunt easdem morsui canis licet rabidi posse mederi, ubi commanducatæ a jejuno homine illitæque fuerint.

Nucum testæ & lignea intermedia sepimenta vi exsiccante & sudorifera instructa censentur: unde in quibusdam decoctis sudoriferis & exsiccantibus adversus catarrhos & rheumaticos dolores & venereos usurpantur.

℞. Antimonii crudi contusi ℥vj. Radic. Sarsaparillæ ℥vj. Rad. Chinæ ℥j.

Te-

Testas & sepimenta intermedia lignea juglandium n. xl. Contusa coquantur in aq. commun. ℥xij. ad ℥viiij. F. colatura de qua sumat æger cyathos tres quatuorve singulis diebus, per dies 21.

Ex nucibus bene maturis, aridis, tuis & expressis oleum elicitur, cui eadem tribuuntur virtutes ac oleo amygdalino: imo flatus potentius dissipat, & in coli affectibus a flatu genitis plurimum affert auxilii. Non solum per os intus sumitur ad ℥j. aut alteram, sed etiam cum decoctis carminativis in clysteribus injicitur. Infusum auribus surditati prodest, & idem utile calidis doloribus illitum. Eodem nonnulli ad ambusta a pulvere tormentario utuntur, qui præcipiunt partem ustulatam eo esse inungendam, mox eidem esse applicandum arboris Juglandis folium: ad ambusta alii illud cum aqua calcis permixtum & diu agitatum utiliter usurpant. Robertus Boyle oleum Juglandium vetus & per annum & amplius asservatum commendat veluti specificum adversus calculum & arenulas in seipso expertum. Imo quo vetustius est, eo efficacius deprehenditur. Calculos & arenulas comminuit & expellit: ad ℥ij. vel tres mane jejuno ventriculo, oleo amygdalino recenti ob spissitudinem dilutum propinatur. Quod quidem identidem reiterandum est. Hoc oleum ad lucernas præcipue expetitur quod durabilius sit oleo olivarum. Quin etiam a pictoribus quod colores incorruptos diutius conservet, & a lignariis fabris ad splendorem suis operibus conciliandum.

In Juglandis arboris truncis fungus nascitur seu spongiosa substantia satis tenax & pene coriacea sub forma tuberum, græcis *ῥονα*. Hoc inter cauteriorum genera usos fuisse antiquos Paulus Ægineta testatur, in longis stomachi defluxionibus & in hydrope. Ita autem, teste Cælio Aureliano, vocabatur in usum. Fungum hunc acuminatum in pyramidis formam, cuti apponebant, & summitate accensum concremari sinebant donec cineresceret & sponte decideret. Simili fere modo Turcæ aridam sarmenti Vitis portionem parti male affectæ applicant & summitatem ejus accendunt: hoc modo Morxa sua Sinenses utuntur ad podagram & alios morbos.

J U N I P E R U S.

JUNIPERI species duæ in officinis vulgo distinguuntur; Juniperus fruticosa & Juniperus arborescens, quæ quidem non nisi magnitudine inter se differre videntur. De arborescente jam egimus *articulo de Sandaracha*. Nunc de fruticosa.

JUNIPERUS fruticosa, Juniperus vulgaris, *Off.* Juniperus vulgaris, fruticosa, *C. B. P.* 488. & *Inst. R. H.* 588. Juniperus vulgaris baccis parvis, purpureis, *7. B.* 1. 293. *Raii Hist.* 1411. Juniperus, *Dod. Pempt.* 852. vulgo, *Genevrier* ou *Genievrier*: & fructus, *Genievre* ou *Genevre*.

Frutex est omnibus notus & omnibus Europæ regionibus familiaris, in sylvis & montibus nascens, radicibus numerosis, hinc inde sparsis, nonnullis etiam alte descendentibus: stipite hominis proceritatem nonnumquam assequente, non multum crasso, ramoso, densissimo, cortice scabro, deciduo, rubente: mate-

materie firma nonnihil rubefcente, maxime si siccata fuerit, odore resinoso grato: foliis acutissimis, angustissimis, raro uncia longioribus, sæpe brevioribus, rigidis, pungentibus, semper virentibus, ternis plerumque simul per interval-
la. Julos profert Aprili & Majo in foliorum alis duas tresve lineas longos, pur-
pura cum croceo mista pictos, e plurimis squamis compactos, quarum infima
pars munitur vesiculis tribus quatuorve, Papaveris semine minoribus, pulvere
aureo tenuissimo plenis. Steriles sunt illi flores. Fructus vero numerosi in aliis
Juniperi speciebus nascuntur quæ staminibus carent. Baccæ sunt sphæricæ, pri-
mum virides, minutissimæ, & calyce tribus foliolis minutissimis constante in-
volutæ, deinde per maturitatem granis piperis duplo majores, cum umbilico
trifurcato, nigræ & pulvere cæruleo conspersæ, pulpa subrufa refertæ, sapore
acri, aromatico, resinoso, dulci, tria officula continente oblonga, angulosa,
dura, semine oblongo feta, quibus singulis totidem vesiculæ succo resinoso tur-
gidæ adhærent. Fructus maturitatem nisi anno secundo non consequuntur: ita
ut aliquando fructus trium annorum in eadem arbore conspiciantur. Quædam
sunt Juniperi arborentis species quarum baccæ non sphæricæ sunt sed oblon-
gæ & subrotundæ: aliis quoque baccæ rufescunt. In calidis regionibus ex Juni-
pero arborente resina sponte vel per corticis incisiones stillat quæ Sandara-
cha, vernix & gummi Juniperinum dicitur: de qua suo loco mentionem fecimus.

Omnes Juniperi partes odoratæ sunt & in usum medicum veniunt, nem-
pe radices, lignum, folia, baccæ.

Analyti chymica, ex baccarum Juniperi maturarum & contusarum ℔v. per retortam distillatis prodierunt humoris primo limpidi, baccarum odo-
rem & saporem referentis, acidi subausteri, deinde magis ac magis auste-
ri, tandem rufescentis, empyreumatici, ℔ij. ℥j. ℥vj. gr. xxxvj. olei essentia-
lis, limpidi, rufescentis ℥ij. gr. xlvij. humoris primo rufescentis, tum im-
pense acidi, tum falsi, urinosi, deinde rufi, sale volatili urinoso imprægna-
ti ℥ij. ℥ij. gr. liij. olei rufi, spissi ad instar syrupi ℥ix. gr. xxvij. Massa ni-
gra in retorta residua pendebat ℔j. ℥iiij. ℥v. gr. xxxvj. quæ rite calcinata
reliquit cinerum leucophæorum ℥ij. gr. lx. ex quibus salis fixi alcali ℥iiij. gr.
xxxvij. lixivio sunt extracta. Partium jactura in distillatione fuit ℥xij. ℥vj.
gr. xv. in calcinatione ℔j. ℥ij. ℥iiij. gr. xlvij.

Baccarum contusarum ℔vj. per biduum in aquæ limpidæ ℔xxxvj. macera-
tæ, igne vehementi distillatæ præbuerunt olei essentialis limpidi ℥vij. extra-
cti ℔j. ℥iiij. Massa crassa residua post debitam expressionem & exsiccationem
pendebat ℔iiij. ℥xiiij. ex quibus olei essentialis limpidi flavescentis ℥vij. olei
vero crassi, rufi ℥vj. ℥j. gr. liij. distillata sunt. Massa nigra in retorta resi-
dua pendebat ℥xv. ℥vj. quæ post calcinationem reliquit cinerum ℥j. ℥vij. gr.
lx. Liquores vero proliciti pro majori parte acidi austeri erant, sub finem
nonnihil alcalini urinosi. Unde liquet baccas Juniperi parum terræ, pluri-
mum vero olei tum tenuis essentialis, tum crassi, tum etiam fixi, ut ita
dicam, continere, quod nonnisi diuturna calcinatione elevatur & comburi-
tur: salem autem essentialem aluminoso-tartareum obtinent.

Si baccæ contusæ diutius in aqua macerentur, fermentescunt, & humor

vinosum odorem saporemque contrahit, qui debite distillatus spiritum ardentem fundit, nihil vero aut perparum olei essentialis.

Ligni Juniperi ℥v. multum liquoris acidi austeri præbuerunt: olei essentialis limpidi circiter ℥j. ℥iiij. olei rufescentis & spissi syrupi ad instar ℥ix. cinerum vero debite calcinatorum ℥ij. ℥iiij.

Summitatum viridium Juniperi ℥v. præter liquorem acidum austerum ac tandem nonnihil alcali urinosi, præbuerunt olei fluidi tum limpidi, tum rufi ℥viiiij. ℥iiij. gr. iij. Massa nigra in retorta residua pendebat ℥xiiij. ℥iiij. gr. xxxvj. quæ rite calcinata rellequit cinerum ℥ij. ℥j. gr. xxj. ex quibus salis fixi mere alcali ℥iiij. gr. xliij. lixivio extracta sunt.

Baccæ itaque majorem olei quantitatem fundunt, lignum minorem, minorem adhuc folia & summitates.

Juniperi baccæ apud Germanos in culinis condituræ nomine frequenter adhibentur & ab Ettmullero & aliis aroma Germanorum appellantur: apud nos vero medicamenti tantum rationem habent. Potenter resolvunt, discutiunt, attenuant, calefaciunt, abstergunt & roborant. Ventriculo frigido prosunt, pituitam quæ in illo coit digerunt, flatus inde ortos discutiunt, colicos dolores sedant, ciborum concoctionem juvant, urinam promovent, viscidum mucum renibus aut vesicæ inhærentem abstergunt, & expellunt, calculos & arenulas hoc mucos irretitos & in his partibus morantes foras amandant, & eo nomine lithiasim earum usu præcaveri dicitur. Viscidam pituitam pulmonum glandulas infarciunt resolvunt & expectorationem promovent, tussi medentur, & asthmati humido. Utiles sunt in affectionibus catharrois, & in mensium suppressione conducunt. Sanguinis fluiditatem restitunt, motum augent, sudorem excitant, venenis coagulantibus resistunt; & merito Theriaca rusticorum a nonnullis vocantur. Verum non ideo, ut nonnulli volunt, pro panacea omnibus in morbis usurpandæ sunt: conveniunt tantummodo in pituitosis affectionibus & ubi fibrarum atonia aut imbecillitas deprehenditur: alioquin sanguinis æstum augent, partibus solidis ardorem & phlogosim inferunt. Unde sæpius videre licet urinæ suppressionem aut ardorem earum usum subsequi, ventriculi inflationem, ructus & flatuum majorem copiam produci, ubi nempe ventriculus, intestina, renes ardore aut inflammatione laborant.

Ad ℥j. præscribuntur per diem identidem esitandæ; vel contusæ in aqua bulliente Theæ instar macerantur, & infusum ante cibum propinatur calidum ad ciborum concoctionem promovendam; aut in vino per noctem macerantur, & calculosis mane jejuno ventriculo colatura exhibetur. Sic S. Paulli plurimos a jugi nephritico dolore vindicasse asserit. Quidam Laurentius Rostochiensis Professor, narrante eodem, quotidie circiter pugillum unum baccarum comedebat, quo simplici medicamento obtinuit, ut non solum arenulas, sed calculos minutulos, imo etiam lentis magnitudinem æquantes, si non sine omni molestia, attamen dolore, excreverit, cum ante usum harum baccarum sæpe oppido male se habuisset.

Observandum est baccas Juniperi comestas aut earum essentialis olei guttulam deglutitam urinam violarum odore imbuere, non secus ac Terebinthina vulgaris & stillatitium ejus oleum.

Non semper tamen tutus est granorum Juniperi usus in calculosis. Imo Carolus Piso *in suis Observationibus, sect. 4. c. 2. Observ. 105. p. 319.* scribit pulverem granorum Juniperi semper ipsi suspectum fuisse, quod ab illius usu diuturno urinæ tandem cruentæ emittantur. Simon Pauli baccarum defensionem suscipit, cruentam mictionem calculorum asperitatibus tribuendo. Quod quidem re ipsa verum esse potest. Attamen sæpius observavi, usum baccarum urinas ardentes & flammeas excitare, renum dolores, urinæ ardorem producere, ac tandem in cachecticis & hydropicis, ubi adest in visceribus inflammatoria dispositio, urinæ notabilem imminutionem. Unde non facile hujus diuretici usum suadeo, nisi prius viscerum crasis rite perspecta ab omni æstu & inflammatione libera deprehendatur. Eadem cautione opus est in quibusdam ventriculi affectionibus, inappetentia, flatulentia, difficili ciborum concoctione, nausea, vomituratione, quæ sæpissime sunt renum ægritudinis symptomata, his enim in ventriculi affectionibus symptomaticis nocet baccarum usus qui in iisdem prodest cum idiopathicæ sunt.

Baccæ apud Germanos velut singulare remedium ad grassantia pestilentia contagia depellenda commendantur: comestæ solæ, vel aceto maceratæ.

Ob tot ac tantas Juniperi baccarum virtutes, diversa præparata ex his conficiuntur, aqua Juniperi distillata, vinum Juniperinum, spiritus per fermentationem extractus, oleum essentialiale, Rob seu extractum, Elixir.

Inter præparata ex baccis aqua sese offert quæ ab Ettmullero colicis & nephriticis admodum utilis prædicatur, urinam ciendo, vias urinarias abstergendo, moderate easdem stimulando, & in primis dispositionem calculosam renum corrigendo, si jejuno ventriculo potetur per balneum mariæ distillata, ad ℥iiij. vel ℥vj.

Vinum Juniperinum paratur ex baccis contusis cum affusa aqua fermentatis donec vinosum odorem saporemque referant: potum præbet haud ingratum & quibusdam in Galliæ locis familiare rusticis deficiente vino, & in frigidis ventriculi, intestinorum & renum affectionibus utillimum. Ex hoc fermentato liquore spiritus ardens extrahitur commendatus in affectionibus capitis & nervosarum partium, interne & externe adhibitus: intus sumptus urinam potenter movet.

Oleum essentialiale & Rob, seu extractum Juniperi sic præparantur. Recipiuntur libræ octo baccarum Juniperi recentiorum & succulentarum; affundantur aquæ limpida ℔xxiiij. Macerentur per duos tresve dies in loco calido. Postea per vesicam cupream igne vehementi distillatio instituatur, cum aqua olei essentialis fragrantissimi odoris, & flavi coloris uncia tres ad summum prodibunt. Quod relinquitur in vesica, decoctum per pannum transcoletur & leni calore inspissetur. Ita obtinetur Rob spissioris consistentiæ, coloris ex flavo fusci, saporis amaro-dulcis, balsamici. Oleum essentialiale Juniperinum in spiritu vini rectificatissimo solutum insigne diureticum est, emmenagogum & carminativum, quod cum infusis foliorum Theæ vel cum vino Hispanico sumitur ad guttas aliquot vel etiam elæosaccharum ex hoc oleo essentiali paratur cum saccharo, sicque facile cum aquosis liquoribus admiscetur. Externe in unguentis nervinis & antiparalyticis usurpari potest. Michael Alberti *in sua introductione in Medicinam*, baccarum

oleum aut spiritum non ita facile & liberaliter in nephriticis morbis admitti debere pronuntiat: quoniam acriorem qualitatem habent, valde calefaciunt, & sanguinem impetuosius exagitant: quapropterea ad usum externum reservanda suadet.

Rob Juniperinum quod extractum & mel Juniperinum ratione consistentiæ, Theriaca Germanorum ratione virtutum, oleo & spiritu magis temperatum est, & ideo multo magis usitatum. Præstantissimam præbet medicinam ad imbecillem ventriculum roborandum, ad dejectum fibrarum ventriculi tonum restituendum, ad præservationem a calculo, & ab hydropo. Senibus prodest qui vesicæ vitiis, urinæ difficultatibus & imbecillitatibus ventriculi & intestinorum obnoxii sunt. Urinam blande provocat, menses movet, sudores quoque nonnumquam propellit & vis alexipharmaca & antipestilentialis ipsi tribuitur, si cum ceteris cardiacis & alexiteriis medicamentis consocietur, unde frequenter loco mellis in electuariis stomachicis, antinephriticis & alexipharmacis usurpatur. Ad ʒj. in vino Hispanico, aceto, aqua Cardui benedicti aut alio liquore conveniente exhibetur, vel mane jejuno ventriculo, vel ante aut post cibum.

Ex hoc melle Juniperino cum s. q. spiritus Juniperini supradicti diluto, paratur elixir Juniperinum, stomachicum & diureticum insigne. Dosis cochlear. j. Ex baccis Juniperi contusis & in axungia suilla decoctis unguentum fit adversus porriginem, vulgo, *Teigne*, a D. Chomel plurimum laudatum. Humores identidem evacuandi sunt blando cathartico ex Aquilæ albæ & Diagridii ana granis vj. vel viij.

Juniperi folia seu summitates rarius in usum veniunt. Fridericus Hartmannus *in notis ad Schroderum* & S. Paulli post Matthiolum & Hartmannum lixivium proponunt ex earum cineribus cum vino factum adversus hydropem. Ettmullerus scribit easdem summitates seu turiones alvum laxare eodem modo ac turiones Sambuci.

Magis familiaris est usus ligni Juniperini. Ob suavæolentiam commendatur incensum ad aerem pravis halitibus inquinatum emendandum & odores noxios & contagiosos arcendos. Sudorifera virtus huic ligno tribuitur, ejus scobis in decoctis sudoriferis a nonnullis usurpatur adversus catharros & luen veneream; & scobi Guaiaci vix cedere credunt. Ex eadem scobe in aqua diu macerata cum sale, oleum essentiale flavescens & fragrans distillatione per vesicam aheneam extrahitur sudoriferum simul & diureticum. Ex eodem ligno per retortam distillato oleum rufum nigrumve empyreumaticum elicitur oleo cadino dicto non dissimile. Hoc autem cadinum oleum recipitur ex truncis & ramis Oxycedri & Juniperi arborescentis in quibusdam furnis huic usui destinatis, combustis. Externe illitum potenter resolvit. Utile dicitur impetigini, capitis porriginis, pecorum etiam scabiei & ulceribus quibus a tonsione infestantur.

Baccæ Juniperi usurpantur in Elixir vitæ *Fioravanti*, Elixir pestilentiali *Sennerti*, Elixir asthmatico *Zuelferi*, in opiata *Salomonis*, Antidoto Orvietano *Ph. Reg.* Oleo scorp. comp. *Matthioli*. Rob seu extractum mellagineum in Theriaca reformata *Ph. Reg.* & antidoto orvietana *Frid. Hoffmanni*. Oleum Juniperi essentiale usurpatur in Balsamo vulnerario Metensium *Schroder.* vulgo, *Beaume vert de Feuillet*.

K E I R I.

K EIRI, Cheiri, Leucoium & Leucoion luteum, Off. Leucoium luteum vulgare, C. B. P. 202. Leucoium luteum: vulgo, *Cheiri* flore simplici, *J. B.* 2. 872. *J. Raii* 782. Leucoion luteum, *Dodon. Pempt.* 160. Viola lutea, *Tragi* 560. Viola petræa lutea, *Tab. Icon.* 305. Leucoium aureum, *Matthiol.* vulgo, *Violier* ou *Giroflier jaune*, & flos *Giroflée jaune*.

Radicibus, furculisque seu ramulis ubertim fruticantibus luxuriat, lignosis, albicantibus, quos obsident folia nullis appensa pediculis, crebra, unciali & ampliore longitudine, ex angusto principio sensim dilatata, virentia aut canescentia, idque maxime prona parte, sapore subacri. Flores edit suaveolentes, sapore parum grato, subacri, subamaro, cruciformes, quatuor scilicet petalis luteis constantes, staminibus senis & pistillo pallescentibus, in medio penitus fere latentibus. Succedunt fructus seu siliquæ longæ, compressæ, in duo loculamenta divisæ, cum septo intermedio, cui valvæ adhærescunt, & seminibus planis, orbiculatis, rufis, gustu acri amaro. In pervetustis muris, ruderibus & saxosis locis libentius nascitur: seritur & in hortis juxta parietes & muros. Flores potissimum in usum veniunt. Keiri folia saporis sunt amari, herbacei, subfalsi: & eorum succus chartam cæruleam rubro colore tingit.

Analyti chymica, ex florum Keiri ℥v. per retortam distillatis prodierunt humoris limpidi, fere inodori & insipidi, obscure acidi ℥vj. ℥j. gr. xlvij. humoris aliquantisper empyreumatici, primo subacidi, deinde magis ac magis acidi ac tandem austeri ℥iiij. ℥xiiij. ℥vij. gr. xxiiij. humoris rufi, turbidi, empyreumatici, manifeste acidi, & nonnihil alcali urinofi ℥j. ℥vij. gr. xvij. humoris rufi, sale volatili urinoso imprægnati ℥v. gr. xxiiij. olei spissi ad instar extracti ℥j. ℥vij. gr. xxxvj. salis volatilis urinofi concreti ℥j. gr. xxx. Massa nigra in retorta residua pendebat ℥iiij. ℥ij. gr. xxxvj. quæ ritè calcinata reliquit cinerum albicantium ℥j. ℥ij. gr. xxxvj. ex quibus lixivio salis fixi falsi ℥iiij. gr. xxiiij. extracta sunt. Partium jactura in distillatione fuit ℥j. ℥vij. in calcinatione ℥iiij.

Keiri scatet sale ammoniaco cum multo sulphure tum tenui, tum crasso conjuncto.

Flores Keiri attenuant, discutiunt, abstergant; dolores mitigant, utero speciatim dicantur; menses cient, secundinas & fetum pellunt. Laudantur quoque tamquam discutiens in apoplexia & paralyti medicamentum. Folia & flores macerantur ad M. j. per 24. horas in vini ℥j. pro duabus dosibus mane & sero propinandis: vel in aqua communi decoquantur ad viscerum obstructions. Semen ad ℥j. vel duas intus sumitur. Ferunt hoc semen magna dosi sumptum, non solum fetum vivum pellere, sed vivum enecare, & enecatum ejicere. De ejusdem plantæ succo simile quid Ebrodunensis herbarii auctores tradunt, prudenterque admonent eundem exhibendum non esse nisi in summa necessitate constitutis.

Conserva florum Keiri in officinis parari solet. Eam cum ejus aqua distillata crebro sumptam, præservare ab apoplexia & paralyticos juvare Camerarius auctor est. Hieronym. Reusnerus in observationibus a Vvelfchio

editis refert Episcopum quemdam Tridentinum ad præservationem ab apoplexia & paralyfi iisdem feliciter uti.

Oleum per infusionem est floribus præparatum quod potenter resolvit & rheumaticos dolores sedat. Eodem in Italia ad facilitandum partum regio pubis inungitur.

LACTUCA.

LACTUCA a lacteo, quem fundit dum abrumpitur, succo dicta, plurimis habet varietates. Summa illius duo genera distinguuntur, sativum & sylvestre. Sativum rursus ratione magnitudinis, coloris & figuræ varium est & multiplex: album, nigrum, rubrum, capitatum, crispum, læve, laciniatum. At vero tres præcipue Lactucarum sativarum species frequentiore in usum veniunt, tum in alimentis, tum in medicamentis: Lactuca nempe sativa non capitata, sativa capitata, & Lactuca Romana. Inter sylvestres Lactuca sylvestris costa spinosa frequentius apud nos usurpatur.

LACTUCA sativa, non capitata, *Off.* Lactuca sativa, *C. B. P.* 122. *Inst. R. H.* 473. Lactuca sativa, vulgaris, non capitata, *J. B.* 2. 997. Lactuca sativa, folio Scariolæ, *Lobel. Icon.* 241. vulgo, *Laituë*.

Radice est longa, crassa, pluribus stipata fibris: foliis oblongis, latis, rugosis, lævibus, pallide virentibus, lacte aquoso prægnantibus, cum primò adolescit, grato, tandem amaro, ubi caulescit planta: caule firmo, crasso, terete, folioso, sesquicubitali & altiore, ramoso, cujus rami adhuc divisi & in latam effusi comam flores in summitate gerunt parvos, semiflosculosos, seu plurimis constantes semiflosculis luteis, embryoni insidentibus, & calyce squamoso oblongo tenui comprehensis: quibus succedunt semina papposa, parva, utrinque acuminata, oblonga, compressa, coloris cinerei. Tota planta vulnerata similem aquoso lacti succum effundit. Seritur in hortis.

LACTUCA sativa, capitata, *Off.* Lactuca capitata, *C. B. P.* 123. & *Inst. R. H.* 473. Lactuca sativa, vulgaris capitata, *J. B.* 2. 997. Lactuca sativa, sessilis sive capitata, *Lobel. Icon.* 242. vulgo, *Laitue pommée*.

Folia huic breviora, latiora, extrema circumscriptione rotundiora, quam sativæ vulgaris, plana & lævia, quæ brevi in caput rotundum conglobantur, Brassicæ capitatæ in modum: semen priori simile, sed nigrum.

Dodonæus Lactucam sativam culturæ mangonio folia ita mutare scribit, ut vel crispentur, vel ita in se contrahantur, ut capitatam Brassicam æmulari videantur. Eiusdem sententiæ J. Bauhinus etiam esse videtur. Verum J. Raiustum figuram foliorum, tum seminis colorem, si perpetuo niger sint, nec unquam mutetur, differentiam specificam arguere contendit; & in eadem sententia Cl. Tournefortius fuisse videtur qui species capitatas & crispas a sativa vulgaris distinguit.

Toto anno seritur in hortis olitoriis. Dum adhuc tenella est, evellitur, & alio fundo probe stercoreato plantatur; sic majori foliorum copia luxuriat, & magis capitata, seu, ut ajunt, pomata evadit.

Alia Lactucæ capitatæ species elegantior paucis abhinc annis lautioribus mensis in acetariis apponitur cujus color ex albo purpureo & luteo variegatur.

gatur. Dicitur a Cl. Tournefortio, Lactuca sativa, maxima, austriaca, capitata, variegata, *Inst. R. H.* 473. Lactuca caryophyllacea vulgo, *Horti Lugd. Batavi*: vulgo, *Laitue panachée*, *Laitue de Silesie*.

Analyti chymica, ex Lactucæ capitatæ foliorum tenerorum & nondum in caput comprobatorum lbv. per retortam distillatis, prodierunt humoris limpidi, odore & sapore virentem herbam referentis, subfalsi, obscure alcali urinofi absque ullo acidi indicio ℥viii. ℥iiij. gr. xxiiij. humoris turbidi albicantis, primo leviter foetentis, subfalsi & urinofi, deinde magis ac magis empyreumatici, alcali urinofi manifeste, ac tandem sale volatili urinoso copioso imprægnati lbiiij. ℥vij. gr. xxxvj. salis volatilis urinofi concreti gr. l. olei ℥v. Massa nigra in retorta residua pendebat ℥ij. ℥iiij. gr. xlvij. quæ rite calcinata reliquit cinerum ℥j. ℥iiij. ex quibus salis fixi mere alcali ℥iiij. gr. xxxvj. lixivio sunt extracta. Partium jactura in distillatione fuit ℥iiij. ℥j. gr. lvij. in calcinatione ℥j.

Ex totius Lactucæ capitatæ capitum cum radicibus lbv. per retortam distillatis prodierunt humoris limpidi odore & sapore Lactucam & herbam virentem referentis, tum obscure subfalsi & obscure alcali urinofi, tum leviter subacidi lbj. ℥v. ℥v. humoris limpidi, ejusdem odoris & saporis, tum obscure falsi & alcali urinofi, tum obscure subacidi lbij. ℥xij. ℥ij. gr. xxxvj. humoris fusci, empyreumatici, falsi, tum subacidi, tum alcali urinofi & sale volatili urinoso copioso imprægnati ℥iiij. gr. vj. salis volatilis urinofi concreti ℥ij. gr. liij. olei spissi ad instar extracti ℥iiij. gr. lx. Massa nigra in retorta residua pendebat ℥j. ℥iiij. gr. xxxvj. quæ rite calcinata reliquit cinerum ℥j. ex quibus lixivio salis fixi mere alcali ℥iiij. gr. xliij. extracta sunt. Partium jactura in distillatione fuit ℥j. ℥j. gr. xxiiij. in calcinatione ℥iiij. gr. xxxvj.

Foliorum Lactucæ capitatæ tum virentium, tum albicantium, demptis caulibus & medulla lbv. præbuerunt in distillatione humorem salsum, urinofum, copiosum, absque ullo acidi manifesti indicio: salis volatilis urinofi concreti gr. lx. olei spissi syrûpi ad instar ℥iiij. massæ nigræ ℥j. ℥iiij. gr. xxxiiij. cinerum ℥j. gr. xxiiij. salis fixi alcali ℥iiij. gr. xxxvj.

Lactucarum capitatarum caulis seu medulla ad lbv. distillata humorem tum alcali urinofum, tum acidum præbuit: salis volatilis urinofi concreti gr. xxxvj. olei ℥iiij. massæ nigræ ℥j. ℥iiij. gr. xxxvj. cinerum ℥vij. gr. lxxvj. salis fixi alcali ℥v. gr. xlvij.

Lactucarum capitatarum radices ad lbv. distillatæ præbuerunt humorem tum acidum copiosum, tum alcali urinofum: olei ℥iiij. nihil salis urinofi concreti: massæ nigræ ℥ij. ℥iiij. gr. xxxvj. cinerum ℥iiij. gr. xxxvj. salis fixi mere alcali ℥v. gr. l.

Ex seminum Lactucæ capitatæ lbv. per retortam distillatis prodierunt humoris tum falsi & obscure acidi, tum manifeste alcali urinofi & sale alcali urinoso copioso imprægnati lbj. ℥iiij. ℥vj. gr. liij. olei lbij. ℥vij. gr. xxxix. salis alcali volatilis ℥ij. gr. lxx. massæ nigræ lbj. ℥iiij. ℥ij. gr. xxxvj. cinerum ℥vj. ℥j. gr. xliij. salis alcali fixi ℥ij. gr. lvij.

Totius Lactucæ capitatæ floridæ lbv. præbuerunt humoris primo alcali urinofi, deinde tum alcali, tum acidi, magis ac magis manifesti lbiiij. ℥ix. ℥v.

gr. ix. olei adiposi ℥j. ℥j. massæ nigræ ℥ij. ℥vj. gr. vj. cinerum ℥j. ℥vj. gr. liij. salis fixi mere alcali ℥j. gr. xxv.

Succus ex Lactucis capitatis expressus plurimum humoris præbuit limpidi, fatui, qui plantæ saporem & odorem referebat: deinde humorem alcali urinosum cum aliqua acidi occulti portione: tandem humorem empyreumaticum, tum manifeste acidum, tum alcali urinosum & sale urinoso copioso imprægnatum. Massa residua foliorum Lactucæ capitatæ ex quibus succus fortiter & accurate expressus fuerat ad quantitatem lbv. distillata præbuit humorem tum falsum, tum manifeste acidum, tum alcali urinosum: salis volatilis concreti gr. xiiij. olei ℥vj. massæ nigræ ℥ij. ℥vij. cinerum ℥j. ℥iiij. gr. lxiiij. salis fixi alcali ℥vj. gr. xlvij.

Decoctum Lactucarum aqua coctarum transcolatum & ad extracti liquidi seu syrupi consistentiam in vase aperto redactum, in distillatione liquorem primo acidum austerum, deinde empyreumaticum, urinosum & sale alcali urinoso copioso imprægnatum præbuit. Unde concludere licet sales volatiles urinosos plantarum, ceteris principiis involutos, neque diuturna coctione, neque lenta humoris evaporatione in vase aperto exhalari, imo fortiori igne indigere ut evolvantur, aut potius fortasse ut producantur.

Lactucæ capitatæ exsiccatae dum igne aperto comburuntur fulgurationes identidem emittunt, non fecus ac nitrum in carbonem projectum producere solet.

Ex tot diversarum Lactucæ partium analysibus aut aliis tentaminibus institutis sequitur Lactucas salem essentialem continere nitrosam ammoniacalem, qualis exsurgit ex mistura spiritus nitri & salis volatilis urinosi. Sal ille mediocri olei portione, multo phlegmate, & exigua admodum terræ portione involvitur. Mirum sane hanc plantam aquosam & fere insipidam tantam salis volatilis urinosi copiam in analysi præbere, ut plurimas plantas longe sapidiores hujus salis copia superet. In ea sal acidus alcali urinoso ita obruitur ut in nonnullis analysibus vix detegi possit, & succus Lactucæ chartæ ceruleæ colorem non mutet. Vel potius sal essentialis nitrosus hujus plantæ nitro seu Salipetræ prorsus similis sal falsus est qui nullum acidi aut alcali indicium præbet, at distillationibus per ignem in alcalinum salem tum fixum, tum volatilem fere totus convertitur: eodem plane modo ac in nitri cum pulvere carbonum deflagratione in vasis clausis peracta observare licet: ubi nitrum non modo salem fixum alcalinum copiosum relinquit, sed etiam humorem sale volatili urinoso copioso imprægnatum distillatione fundit. Hæc nitri salis transmutatio in salem alcali fixum & volatilem fuse describitur in *Commentariis Regiæ Scientiarum Academiae Parisiensis anni 1717.* ubi de acidorum salium in sales alcali transmutatione egi.

His in Lactucæ analysibus Academici Parisienses primario deprehenderunt quosdam liquores ex plantis distillatos acidi & alcali salis notas indiscriminatim præbere, nempe cum aliis liquoribus acidis aut alcalinis permixtos pariter ebullire, cyaneam Heliotropii tincturam rubram efficere, & limpidam Mercurii sublimati corrosivi solutionem turbidam, lacteam vel etiam spissam & grumescentem reddere, ac, ut ajunt, præcipitare. Quibus experimentis acida & alcalia in ejusdem liquoris sinu pacifice & sine ulla effervescencia aut mutua
luta

iusta sæpius recondi perceperunt. Reipsa liquores mere acidos, aliosque mere alcali urinosos ex plantis extractos miscuerunt absque ulla effervescentia. Pariter acetum distillatum & spiritus urinæ simul misti nullo modo fermentescunt: attamen si sal volatilis urinæ rectificatus, ut ajunt, aqua limpida solvatur, & solutioni acetum distillatum affundatur, vehemens ex hac miscela exsurgit effervescentia. Diverforum horum effectuum ratio in eo posita est, quod in spiritu urinæ aut in aliis alcali urinosi liquoribus ex plantis aut ex animalibus extractis sales urinosi plurimis oleosis involvantur partibus, quibus spiculorum acidorum ingressus intra salium alcali urinosorum poros prohibetur. Unde sæpius ambo sales acidi & alcali in eodem liquore innant, sed non intime permiscentur, nec in se invicem agunt. At vero si sali volatili urinæ rectificato aqua soluto acidus liquor affundatur, ambo liquores fermentescunt, quia salinæ urinosæ moleculæ rectificatione oleosis particulis fere spoliatae fuerunt, sicque liberum spiculis acidis ingressum intra suos poros præbent, unde exsurgit effervescentia seu tumultus qui mutuam horum salium & intimam conjunctionem comitatur & transmutationem in alium salem neutrum seu falsum, ut vocant.

LACTUCA Romana, Off. Lactuca Romana, longa, dulcis, *J. B.* 2. 998. & *Inst. R. H.* 473. Lactuca folio obscurius virente, semine nigro, *C. B. P.* 123. Lactuca folio obscurius virente, *Dod. Pempt.* 644. Lactuca Intibacea, *Gerard*: Lactuca Regia: vulgo, *Laitue Romaine, Chicons.*

Folium huic angustius est & productius, planum & minime rugosum aut bullatum, modice sinuatum, & inferna parte secundum costam spinulis armatum. Flore est & caule Lactucæ vulgaris, sed semine succedente nigro. Folia dum adolescunt paleaceo simul collecta vinculo alligantur; & sic candidissima redduntur & fragili teneritudine ceteras vincunt. In hortis olitoriiis ad mensarum usum seritur.

Analyti chymica, ex foliorum Lactucæ Romanæ candidissimorum & tenerorum lbv. per retortam distillatis prodierunt humoris limpidi, odore & sapore herbam virentem referentis, subacidi lbj. ℥xj. Zij. humoris limpidi, manifeste acidi, obscure subausteri lbj. ℥xiiij. ℥iiij. gr. xxxvj. humoris limpidi, odore leviter empyreumatico, tum acidi, tum subsalsi & leviter alcali urinosi ℥ij. gr. xlvij. humoris rufi, sale volatili urinoso copioso imprægnati ℥vij. salis volatilis urinosi concreti gr. xx. olei syrupi ad instar spissi ℥ij. gr. xxiiij. Massa nigra pendebat ℥j. ℥v. gr. vj. quæ rite calcinata reliquit cinerum ℥vj. gr. x. ex quibus lixivio salis fixi mere alcali ℥iiij. gr. xxvj. extracta sunt. Partium jactura in distillatione fuit ℥iiij. ℥ij. gr. x. in calcinatione ℥vj. gr. lxxvij.

Lactuca Romana prioribus magis sapida est: sale essentiali nitroso ammoniacali donatur haud dissimili, sed paulo majori copia, & in quo acidus sal paulo magis evolutus est.

Inter olera Lactucæ sativæ primas ab omni ævo tenent. Ut enim gratissimæ sunt in acetariis crudæ & in jusculis elixæ, sic in medicis usibus salutare deprehenduntur. Refrigerant, humectant, & familiare præbent alimentum medicamentosum juvenibus & biliosis naturis perutile. In ventriculo facile concoquantur, præsertim si aqua pro potu huic cibo consocietur. Nam
chylum

chylum efficiunt multum, blandum, dilutiorem, fluidiorem, minime æstuosum. Sanguinem paucum quidem gignunt, sed laudabilem, fluidum, minime acrem, minime æstuantem. Humorū acrimoniam demulcent, bilis effervescentiam, sanguinis & humorū æstum compescunt, sitim egregie restinguunt: quare æstivis temporibus passim in frequentissimo usu habentur.

Veteres conciliandi somni causa, ultima mensa illis vescébantur; postea mutato ordine, Domitiani tempore ab illis Promulsidem (*entree de table des Romains*) auspicabantur. Ideo quærit Poeta Martialis, *Lib. 13. Epigr. 2.*

Claudere quæ cœnas Lactuca solebat avorum,

Dic mihi cur nostras inchoat illa dapes.

Galenus quoque hoc olere ut familiarissimo cibo & juvenis & senex usus fuit. De seipso refert, se in juventute, quoniam assidue os ventriculi bile effervescebat, æstus moderandi gratia Lactucas assumpsisse; cum declinante jam ætate noctes insomnes ageret ob studia longiora & raro intermissa, unicum præsentissimum adversus immoderatas vigilas remedium Lactucas vespere comestas fuisse. Cum vero dentes ipsi deteriores esse cœperunt, ita ut mandi crudæ citra molestiam non possent, easdem in aqua elixas comedisse.

Hanc Lactucarum vim anodynā quotidie experimur, quæ quidem non a quodam narcotico & noxio principio dependet, ut nonnulli opinati sunt; sed ab aquoso suo succo nitroso, quo humorū effervescentiam temperare valent, ventriculi, hepatis, renum ceterorumque viscerum ardorem & æstum mitigare, eorum fibras nimis crispatas & vividius oscillantes laxare, sicque functiones omnes ac proinde somnium in integrum restituere. Convalescentibus agrypnia adhuc laborantibus olim Lactucæ offerebantur, teste Lucio Junio Columella:

Jamque salutari properat Lactuca sopore,

Tristia quæ relevat longi fastidia morbi.

Alvum blande emolliunt. Ideo veteres eas prima mensa sumebant, ut videre est apud Martialem Poetam, *L. 11. Epigr. 53.*

Prima tibi dabitur ventri Lactuca movendo

Utilis.

Siccioribus alvi constitutionibus summi sunt levaminis sive crudæ sive coctæ sapius comestæ, ac proin hypochondriacis scorbuticisque, quibus diuturnior alvi adstrictio non pauca inducit symptomata. Egregio id exemplo hypochondriaci cujusdam a Josepho Lanzonio in *Ephemerid. Germanic. Dec. 3. ann. 2. Observation. 34.* allegato confirmatur. Ille malo ejusmodi a longo tempore affectus cum insigni ventriculi imbecillitate, anxietate a pastu, respirandi difficultate, aurium tinnitu & flatibus copiosis in ructus erumpentibus, frequentidumum Lactucarum tam in prandio quam in cœna usu sanatus est.

Ejusdem constitutionis & Augustus Imperator fuisse videtur qui pristinam valetudinem, narrante Plinio, *L. 19. Cap. 8.* Lactucarum esu recuperavit ex consilio Archiatri sui Antonii Musæ: cui idcirco Romanus Populus statuam juxta ædem Æsculapii erexit, narrante Suetonio.

Hæc Lactucarum præstantia adversus malum hypochondriacum a Simonis Pauli votis in *Quadr. Botanic* commendatur. Optabat enim ut multi ad

maris Baltici oras vel littora sitorum accolarum, si non crudis, at coctis vescerentur eis, & a multis morbis vindicarentur, quos diuturnior alvi adstrictio mali hypochondriaci comes & affecla invehere suevit. Eandem Lactucarum in malo hypochondriaco virtutem quotidiana comprobata experientia: siquidem plurimos vidimus melancholicos & hypochondriacos assiduo earum crudarum coctarumve usu, carniū esu & vini potu prorsus interdictis, plurimum sublevatos & sanatos fuisse. Fuere Medici qui sanguinem multum a Lactucis generari tradiderunt: quod quidem ipsis vitio vertendum non foret. Hac fretus opinione Simeon Sethi monet esum vitandum illis qui sanguinem exspuunt. At cum Galeno opinamur Lactucas sanguinem non quidem multum producere, sed chylum laudabilem efficere fluidum, tenuem, aquosum, quo sanguinea moles optime diluitur, extenditur, rarefcit, & fluidior evadit; sicque sanguinis molem, non quantitatem augent. Utiliter autem sanguinem exspuentibus præscribuntur ad eorum sanguinis acrimoniam demulcendam, fervorem compescendum. Eadem ratione lac augment nutritibus, quibus propter succorum crassitiam aut æstum lac vel deficit, vel parcius succedit.

Galenus succum refert e Lactucis expressum & ad cochlearium quatuor seu ℥ij. quantitatem intus sumptum, non secus ac Cicuta & Papaver hominem interficere: quamvis folia majori copia, quam pro succo quatuor cochlearium exprimendo opus est, comesta, damnum nullum inferant: sed Galenus aut vulgarem suo tempore opinionem inexpertus tantummodo refert, aut Lactucarum quæ suo sub cælo nascebantur vires, a nostris prorsus erant diversæ: quandoquidem nostrarum succus non modo tuto sed & salubriter quotidie propinatur.

Lactucas semen minuere venerisque impetus cohibere nonnulli suspicati sunt. Hinc a Pythagoricis Lactucæ quoddam genus *Εὐχίος* idest castrata, & *ἀστύη* id est sterilis & infecunda dicitur, quia viros eunuchorum instar reddit, mulieres vero steriles. Hinc Callimachus Poeta fingit Adonin a Venere inter Lactucas sepultum fuisse: & Eubulus comicus Lactucas *νεκρῶν βρώμα* mortuorum cibum vocat. Quæ opinio apud Romanos multorum animis adeo inhærebat, ut Augusti temporibus plurimis religio esset Lactucis vesci, narrante Plinio *Lib. 19. c. 8.* quam Imperatoris exemplum prorsus delevit. Re vera Lactucæ venereos appetitus non accendunt, imo humores contemperando minuunt, sed non prorsus extinguunt. Nihil igitur de illis timeant conjuges qui progeniem expetunt; licet utiliter largissime vorandæ præscribantur illis qui cœlibatui ex voto sunt addicti, aut illis qui in matrimonio nimis pruriunt, ne scilicet ex immodica venere siccescant. Quorum imbecillior est ventriculus & frigidior ab earum esu abstineant. Phlegmaticis & asthmaticis quoque interdiciuntur, & illis quibus visus debilior contingit. Antiqua enim & vulgaris est opinio, crebriorem illarum esum claritati oculorum officere.

Comeduntur crudæ æstivis præsertim temporibus cum oleo, aceto & sale. Nonnulli ad nimiam earum frigiditatem putatitiam corrigendam Chærefolium, Dracunculum hortensem, Nasturtium, Capas, &c. addunt. Sed hac non indigent emendatione. Imo hæc ipsa difficilius quam Lactucæ digeruntur. Quod quidem ex ructibus, quos stomachus post eorum esum per sat longum

longum tempus emittit, harum herbarum odorem saporemque referentes, percipitur. Si quis Lactucarum concoctionem faciliorem & citiorem velit; aquam puram & limpidam superbibat & a vino abstineat.

Quidam existimant Lactucas coctas crudis magis nutrire & salubriores esse, illis præsertim qui imbecillo sunt stomacho. Alii contra sentiunt cum Nonnio *L. De Re cibaria*, qui Lactucas a coctura nimiam humiditatem contrahere asserit, quæ stomachum exsolvere potest & laxiorem reddere: qua de causa, inquit, Hippocrates *L. vij. Epidemior.* inter causas cholerae morbi refert esum Lactucarum coctarum, quia humiditate sua nimia stomachum subvertunt. Verum crudæ juxta ac coctæ Lactucæ salutares sunt, modo moderatus sit earum usus. Cum aqua & sale coquuntur, addito nonnumquam butyri momento, vel in carnum jusculis.

Cum Lactucis apozemata & juscula refrigerantia & humectantia præparantur. In decoctis pro clysteribus ad refrigerandum & emolliendum frequenter præscribuntur.

In Officinis prostant semina Lactucæ quæ inter semina frigida minora recensentur, nempe Lactucæ, Portulacæ, Endiviæ & Cichorii. Servatur & aqua Lactucæ distillata quæ utilis est ubi refrigeratione & humectatione opus est, & in julapiis & potionibus refrigerantibus recipitur. Emulsio ex seminibus Lactucæ in ejusdem aqua parata cum syrupo Nenupharis aut Althææ urinæ ardorem mitigat, quietem nocturnam accersit, & venerea insomnia pellit.

℞. Radicum Cichorii, Acetosæ, Nenupharis ana ℥j. folior. Lactucæ, Portulacæ, Oxalydis, Buglossi. & Cichor. albi ana M. j. Florum Violar. & Borragin. ana p. j. Bulliant in ℔ij. ad ℔ss. Sub finem coctionis adde quatuor seminum frigidior. major. contusor. ℥j. Colatura dilue nitri purificati ℥j. syrup. de Nymphæa vel Granator. ℥ij. F. apozema pro quatuor dosibus quarta quaque hora propinandis. Ad refrigerandum, humectandum, incrassandum & demulcendum.

℞. Pullum gallinaceum exenteratum, & decorticatum, demptis pedibus & capite, frustulum colli vitulini ad ℔ss. Coquantur in aq. limpida ℔vj. ad ℔iiij. Sub coctionis finem adde caput Lactucæ in quatuor partes sectum, folior. Portulacæ, Betæ, Borragin. ana M. j. pro quatuor jusculis refrigerantibus & alterantibus horis medicis sumendis.

℞. Radic. Tormentillæ, Bistortæ ana ℥ss. Symhyti majoris ℥j. folior. Lactuc. Portulac. Plantag. Millefol. ana M. j. Rosar. rubrar. & Balaustior. ana P. j. seminum quatuor frigidior. major. ℥ss. semin. Papaver. & Lactuc. ana ℥j. cum frustulo carnis vitulinæ vel bovinæ, vulgo, *le Trumeau*. Coquantur ex arte & fiant juscula duo ad sanguinem incrassandum in hæmorrhagiis & alvi profluviiis.

℞. Aquar. Lactuc. Portulac. & Oxytriphyll. ana ℥ij. nitri defæcati ℔ss. syrupi Granator. aut Berberis ℥j. F. julap. refrigerans & humorum æstum temperans.

℞. Quatuor seminum frigidior. major. ana ℥ss. semin. Lactuc. & Papaver. alb. ana ℥j. Contunde ut artis est sensim affundendo aq. Lactuc. stillatitiæ ℥vj. Expressione dilue syrup. de Nymphæa aut Althæa ℥j. F. emulsio

ſio pro unica doſi hora ſomni ſumenda in vigiliis immodicis vel ſæpius in die iteranda in urinæ ardore, &c.

℞. Succor. defæcator. Lactuc. Portulac. & Plantagin. ℥iiij. ſyrup. de Symphyto vel de Hedera terreſtri ℥β. F. julap. in exſpuitione cruenta & hæmorrhagiis.

In phrenitide, delirio, feбри ardente S. Pauli applicat temporibus & ſuturæ coronali, necnon carpiſ linteum duplicatum vel triplicatum permade- factum aqua Lactucæ in qua nitrum cryſtallizatum ſolutum fuerit.

Uſurpantur Lactucæ omnes in ſyrupo de Cichorio compoſito, in electua- rio *Requies Nicolai* dicto, Unguento Populeo. Semina in ſyrupo Jujubi- no, *Ph. Reg.* reſumptivo ſeu de Teſtudinibus *ejuſdem*.

LACTUCA ſylveſtris coſta ſpinofa, *Off.* Lactuca ſylveſtris coſta ſpinofa, *C. B. P.* 123. *J. Raii Hiſt.* 222. & *Inſt. R. H.* 473. Lactuca ſylveſtris five Endivia multis dicta, folio laciniato, dorſo ſpinofa, *J. B.* 2. 1003. Lactuca ſylveſtris, *Dod. Pempt.* 646. Seris domeſtica, *Lobel. Icon.* 234. Endivia Of- ficinarum, *Quorundam*: Scariola & Serriola, *Cordi*: vulgo, *Laitue ſauvage*.

Radiceſ habet quam fativa Lactuca breviorẽ ac minorem: incondita pro- mit per cauleſ folia oblonga, minora tamen & anguſtiora, ac utroque latere profundioribus inciſuris ſinuofa, ſpinis duriuſculis ſecundum coſtam averſa & infima parte donata, amaro lacte prægnantia. Caulis cubitalis & major, in principio ſpinofus, in ſummo multos abit in ramulos, quos flores ornant par- vi, lutei, fativæ Lactucæ æmuli, quibus ſuccedunt ſemina pappoſa, nigri- cantia, fativæ ſimilia. Ad ſepes & agrorum margines reperitur. Naſcitur quo- que in vineis & hortis in quibus olera ſeruntur. Tota planta in uſum venit.

Analyſi chymica, ex Lactucæ ſylveſtris ſemipedem altæ, demptis radici- bus, ℥v. per retortam diſtillatis prodierunt humoris limpidi, ſapore herba- ceo, primo obſcure ſubacidi, deinde manifeſte ſubacidi, ac tandem manifeſte acidi aſteri ℥iiij. ℥ij. ℥vij. gr. iij. humoris ruſi, empyreumatici, tum ſalſi, ſubalcali, tum aſteri ℥ij. ℥ij. gr. vj. humoris ruſi, ſale volatili urinoſo co- pioſo imprægnati ℥j. ℥vj. ſalis volatilis urinoſi concreti ℥j. gr. xxxvj. olei adipoſi ℥j. ℥iiij. gr. xxj. Maſſa nigra in retorta reſidua pendeſcit ℥iiij. ℥v. gr. lx. quæ rite calcinata reliquit cinerum ℥iiij. gr. xvij. ex quibus lixivio ſalis fixi alcali ℥vj. gr. xliij. lixivio ſunt extracta. Partium jaçtura in diſtil- latione fuit ℥j. ℥vj. gr. xvij. in calcinatione ℥j. ℥v. gr. xliij.

Lactuca ſylveſtris fativis amara magis eſt & lacte copioſiore referta. Ana- lyſi plus olei fundit & majorem ſalis urinoſi copiam. Salem eſſentialem obti- nere videtur nitroſo-vitriolico ammoniacalem. Viribus ad fativas accedit, ſed potentius aperit & abſtergit: alvum movet, ſomnum conciliat.

Uſurpatur in Syrupo de Cichorio compoſito *Pharm. Reg.*

L A M I U M.

LAMI species duæ uſitatae ſunt in Officinis, ſcilicet Lamium album & Lamium rubrum.

LAMIUM album, Urtica iners & Urtica mortua, *Off.* Lamium vulgare al-
bum

bum five Archangelica, flore albo, *Parkins. Theatr.* 604. *Inst. R. H.* 183. Lamium album, non foetens, folio oblongo, *C. B. P.* 231. Galeopsis five Urtica iners, floribus albis, *J. B.* 3. 322. Urtica iners five Lamium primum, *Dod. Pempt.* 153. Lamium album Gerardi, *Raii Hist.* 559. Lamium album, *Tab. Icon.* 536. vulgo, *Ortie morte, Ortie blanche, Ortie qui ne pique point.*

Radicibus plurimis fibrosis nititur: plurimis etiam furculis, oblique Menthæ fere in modum sub terra reptantibus, & e nodis subinde radices agentibus, late se propagat. Caules inde exsurgunt pedales aut cubitales, quadrati, grandiusculi, prope terram tamen graciliores & infirmiores, unde etiam vix se sustentant, inanes, modice hirsuti, ramosi, geniculis rarioribus intercepti, prope terram in apricis purpurascens. Folia ex adverso bina, Urticæ simillima, quæ in imis sunt caulibus, longis pediculis nituntur, quæ in summis, brevioribus, brevi & innocua lanugine hirsuta. Flores ad genicula verticillatim caules ambiunt, satis ampli, monopetali, labiati, albi, vel exterius pallidi potius quam nivei, quorum labium superius seu galea cochlearis instar est excavata, ad margines præcipue pilosa, quatuor intus staminula, duo longiora, breviora totidem occultans; inferius vero labium pallidum, non punctatum, bifidum, cordiforme, desinuntque ambo in fauces marginatas. Stamina apices marginibus circumcirca nigris formam characteris & quodammodo representant. Pistillum prætenue, bifidum, staminibus adjacens, ex calycis fundo surgit posticæ floris parti ad instar clavi infixum. Calyx floris amplius, patulus, tubulatus, striatus, in quinque oblonga, angusta segmenta dividitur, quæ in tenues & acutas sed innoxias spinulas desinunt. In imo calyce pistillum quatuor veluti embryonibus stipatum est, qui deinde abeunt in totidem semina triangularia, simul juncta, in capsula quæ floris calyx fuit recondita. Odor huic plantæ aliquantisper gravis. Ad sepes, secus vias & parietes, in locis ruderatis atque dumetis, non raro in hortis parum cultis reperitur. Folia & flores in usum veniunt.

Analyti chymica, ex plantæ floridæ, demptis radicibus, ℔v. distillatis prodierunt humoris limpidi, odore & sapore herbaceo, obscure salis ℥x. ℥iiij. gr. xij. humoris limpidi, primo obscure subsalsi & obscure subacidi, tandem manifeste subacidi ℔j. ℥xij. ℥ij. humoris limpidi, primum subacidi, deinde magis ac magis acidi, obscure subausteri ℔j. ℥vj. gr. xxiiij. humoris rufi, leviter empyreumatici, tum acidi, tum subsalsi urinosi ℥v. ℥j. humoris rufi, sale volatili urinoso copioso imprægnati ℥iiij. ℥j. gr. xlij. olei adiposi ℥ij. ℥j. Massa nigra in retorta residua pendebat ℥v. ℥j. quæ rite calcinata reliquit cinerum ℥ij. ℥iiij. gr. xlij. ex quibus lixivio salis fixi mere alcali ℥j. ℥j. gr. xij. extracta sunt. Partium jactura in distillatione fuit ℥iiij. ℥iiij. gr. lxxvj. in calcinatione ℥ij. ℥iiij. gr. xxx.

Lamii succus chartam cæruleam vix mutat. Salem essentialem tartareum continere videtur multo sulphure bituminoso & terra implicitum. Ab hoc sulphure potissimum ejus vis balsamica dependet.

Lamium album a recentioribus Medicis commendatur adversus fluorem album mulierum, pulmonum vitia, lienis tumores & indurationes, ad hæmorrhagias præsertim uterinas sistendas & ad vulnera conglutinanda. S. Paulli

de illis virtutibus valde dubitat. Attamen quotidiana experientia in fluore albo & hæmorrhagiis uterinis ejus flores & folia utilia apud nos deprehenduntur. Summitates floridæ in aqua fervida Theæ instar macerantur & unus aut alter infusi cyathus bis terve in die hauritur. Vel ex iisdem juscula cum Portulacæ foliis parantur; aut ex floribus cum Saccharo conditum, seu, ut ajunt, conserva coquitur singulis diebus ad ℥j. sumenda.

℞. Frustulum colli carnis vitulinæ ad ℔ss. Coquatur in aq. q. s. Sub finem coctionis adde summitatum floridarum Lamii albi M. iij. fol. Portulacæ M. ij. pro duobus jusculis mane & sero hauriendis.

Externe oleum Olivarum in quo Lamii flores sub sole macerati fuerunt balsamum vulnerarium constituit, præstantissimum in tendinum vulneribus, observante Dyonisio Dodart D. M. Parisiensi Reg. Scientiar. Academiae socio & doctrina ac probitate apud omnes commendatissimo. Plurimum valet ad ulcera detergenda & cicatrizanda, & ad tumores discutiendos, auctore Hieron. Trago. J. Raius hoc ad scrophulas remedium ex manuscripto D. Hulse transcripsit.

℞. Folior. Lamii albi M. j. Calefiat inter duos lateres calidos & tumori applicetur. Eum noctis unius spatio plurimum aperit. Aperto adhibe mixturam sequentem.

℞. Omphacii cochlearia sex, Butyri Maiialis instar juglandis: misce & impone lanæ nigræ oleo e pedibus bubulis madefactæ. Intus interim propinetur aqua florum Genistæ mane & hora quarta pomeridiana singulis diebus.

Alia est Lamii species flore purpureo non foetens quæ a priori fere non differt nisi floris colore purpureo, & dicitur Urtica iners flore purpureo, *Off.* Lamium folio oblongo, flore rubro, *Parkins. Theat.* 606. *Inst. R. H.* 183. Lamium purpureum, non foetens, folio oblongo, *C. B. P.* 231. Galeopsis sive Urtica iners, flore purpurascens, majore, folio non maculato, *J. B.* 3. 321. vulgo, *Ortie morte a fleurs purpurines*: ad eadem utilis dicitur, sed minus usitata.

LAMIUM rubrum & Lamium purpureum, *Off.* Lamium purpureum foetidum, folio subrotundo sive Galeopsis Dioscoridis, *C. B. P.* 230. & *Inst. R. H.* 183. Galeopsis sive Urtica iners, folio & flore minore, *J. B.* 3. 323. Urtica iners altera, *Dodon. Pempt.* 153. Lamium rubrum Gerardi, *Raii Hist.* 559. Lamium vulgare folio subrotundo, flore rubro, *Parkins.* vulgo, *Ortie morte puante*.

E radice tenui, fibrosa, non repente, plures erigit caules quadratos, concavos, propemodum glabros, satis grandes, prope terram ramosos, deinde uno vel altero foliorum pari cinctos, tum ad summitatem fere nudos, semipedales, infirmos. In summis caulibus flores in verticillis densius stipati, monopetali, labiati, parvi, purpurei, labio inferiori saturationibus maculis guttato. Calyces florum breves, patuli, striati, sessiles, quinquepartiti, quatuor in imo semina continent oblonga, triangularia, per maturitatem fusca & splendentia: folia Urticarum æmula sed minora & breviora, mollia, circum oras crenata, pediculis semiuncialibus insident. Odor totius plantæ foetidus & ingratus. Ad sepes, macerías, & in locis ruderatis ac hororum areis minus excultis nascitur. Flores & folia usitata sunt.

Hæc planta majorem olei bituminosi copiam continet quam *Lanium album*, sed minorem quam *Galeopsis procerior foetida*; idcirco raro usurpatur, illis vero nonnumquam substituitur. Vulneraria est, resolvens & demulcens. Ejus decoctum adversus dysenteriam commendatur. Externe herba trita & imposita valere creditur ad tumores quoscumque discutiendos, necnon ad inflammationes compescendas, ulcera putrida detergenda & vulnera ad cicatricem perducenda.

L A M P S A N A .

LAMPSANA vulgaris, *Off.* Lampsana, *Dod. Pempt.* 675. *Inst. R. H.* 479. *J. B.* 2. 1028. *Raii Histor.* 256. Soncho affinis Lampsana domestica, *C. B. P.* 124. Lampsana, *Gerardi Emaculat.* Lampsana vulgaris, *Parkins.* *Chrysolachanum* Plinii, *Ruell.* Papillaris herba, *Quorumdam*: vulgo, *Lampfane* ou *Herbe aux mammelles*.

Radice nititur alba, simplici, furculosa tamen & varie fibrosa. Caulis inde exsurgit bicubitalis & altior, teres, striatus, pilis rarioribus hirsutus, rubescens, concavus, ramosus. Folia ad radicem & in ima parte caulis uno vel altero pinnularum pari donata, extremitate latiore, magnitudine & figura fere foliorum Sonchi lævis muralis, aut Barbareæ dictæ, mollicella, hirsuta, alternatim posita: quæ in caulibus & ramis superiora, oblonga, angusta, acuta, nullis pediculis fulciuntur, nullis pinnulis lobisve donata. Supremæ caulis & ramorum partes glabræ, in flores terminantur exiguos, luteos, semiflosculosos, plurimis scilicet semiflosculis constantes, singulis singulo embryoni insidentibus, & calyce comprehensis monophyllo & multifido, qui deinde abit in capsulam striatam, seminibus fetam tenuibus, oblongis, nigricantibus, nonnihil incurvis, acutis, minime papposis; licet *J. Bauhinus* flores in pappos abire scribat. Tota planta vulnerata lac fundit amarum. In hortis & cultis, juxta agrorum margines, secus vias, frequentissima est. Tota planta in usum venit, sed minus frequentem.

Analyti chymica, planta florida ad ℥v. distillata præbuit plurimum humoris primo herbacei, obscure subacidi, deinde obscure acidi austeri, ac tandem manifeste acidi & alcali urinosi: salis urinosi concreti grana aliquot: olei adiposi circiter ℥j. ℥j. Massa nigra in retorta residua ad ℥vj. ℥v. per quindecim horas in crucibulo calcinata reliquit cinerum ℥ij. ℥v. gr. xxxvj. ex quibus lixivio salis fixi alcali ℥vj. gr. xxxvj. extracta sunt. Partium jactura in calcinatione fuit ℥iij. ℥vij. gr. xxxvj.

Salem essentialem hæc planta continet tartareum multo oleo spisso bituminoso permixtum & non mediocri terræ & phlegmatis portione implicitum.

Refrigerat & emollit. Usurpatur nonnumquam in decoctis emollientibus pro clysteribus. Raro interne per os adhibetur.

Externe planta contusa admota ulcera & vulnera potenter abstergit, vel ejus succus expressus & unguentis admixtus. Idem succus impetigines sanat. Efficax esse censetur in sanandis papillis exulceratis: unde nomen Papillaris sortita esse videtur.

L A P A T H U M.

PLANTÆ plures in Officinis Lapathi nomine insigniuntur; scilicet I. Lapathum hortense, folio oblongo, sive Lapathum sativum. II. Lapathum majus quod Hyppolapathum vel Rhabarbarum Monachorum, *Off.* III. Lapathum sinuatum. IV. Lapathum sanguineum. V. Lapathum sylvestre, quod Oxylapathum, *Off.* VI. Lapathum rotundifolium. VII. Lapathum aquaticum, Hydrolapathum, *Off.* VIII. Lapathum Spinacia dictum. IX. Lapathum acetosum, Oxalis & Acetosa dictum. X. Lapathum unctuosum seu Bonus-Henricus. De his duobus jam egimus.

I. LAPATHUM hortense folio oblongo, Lapathum sativum, Lapatium, Rumex, Parella, Patientia, *Off.* & *Culinar*: Lapathum hortense, folio oblongo sive secundum Dioscoridis, *C. B. P.* 114. *Inst. R. H.* 504. Lapathum sativum, Lapas, *J. B.* 2. 985. Lapathum sativum, *Dodon. Pempt.* 648. Hyppolapathum sylvestre, *Matthiol.* Rumex hortensis vel secundus, *Tragi* 314. vulgo, *Patience, Parelle.*

Radice est recta, prolixa, fibrosa, intus lutea: caule terete articulato, bicubitali & altiore, nonnumquam hominis altitudinem æquante: foliis oblongis Lapathi sylvestris similibus, sed majoribus & mollioribus, acumine magis obtuso, minoribus tamen quam Hyppolapathi folia. Flores secundum ramulos verticillata serie digesti, exigui, apetalii, sex staminibus viridibus, brevibus, cum apicibus rectis albis, constant ex calyce heptaphyllo surgentibus, ut in Acetosa. Pistillum abit in semen triangulare, capsula membranacea obvolutum. Hæc autem conficitur ex tribus calycis foliis alternis, ceteris tribus marcescentibus. In hortis colitur: raro in usum venit.

II. LAPATHUM majus, Hyppolapathum, Rhabarbarum Monachorum, *Off.* Lapathum hortense latifolium *C. B. P.* 115. & *Inst. R. H.* 504. Lapathum majus, sive Rhabarbarum Monachorum, *J. B.* 2. 985. Hyppolapathum sive Rhabarbarum Monachorum, *Dod. Pempt.* 648. Hyppolapathum sativum Gerardi, *Raii Histor.* 171. Lapathum sativum sive Patientia, *Parkins.* vulgo, *Rhubarbe des Moines.*

E radice prolixa, crassa, multis adnatis fibris donata, foris fusca, intus intense crocea; caulis assurgit interdum ad hominis proceritatem, striatus, rubens, superiora versus in numerosos furculos divisus: cui adhærent folia pedalia & sesquipedalia, lata, acuminata, firma, non tamen dura & rigida, lævia, & obscurius viridia, oris aliquando sursum nonnihil reflexis, æqualibus tamen & minime crenatis, pediculis rubentibus longis nixa. Flores per totos fere caulis ramulos longa serie disponuntur apetalii, staminei, Acetosæ floribus similes, quibus succedunt semina angulosa, folliculis membranaceis circumdata, seminibus Lapathi aut Acetosæ similia. In hortis colitur.

Iisdem fere donatur principiis ac Lapathum rotundifolium, iisdemque viribus insignitur. Ambo leviter purgant bilem, potenter adstringunt, hepatis obstructions referant, tum humores crassos solvendo, tum fibrarum tonum

quam par est laxiorem restituendo. Unde in quibusdam alvi profluviiis & viscerum obstructionibus nonnumquam eorum pulvis vel decoctum eadem dosi utiliter usurpantur.

III. LAPATHUM sinuatum, *Off.* Lapathum pulchrum, Bononiense, sinuatum, *J. B.* 2. 988. *Inst. R. H.* 504. Lapathum Parisiense, sinuatum, *Horti Reg. Parisiens.* vulgo, *Lapaton violon*.

Ex crassa radice multa folia, duarum pleraque unciarum, pediculis ejusdem pene longitudinis, profert, unciam plus minus lata, in medio profundo utrimque sinu ex adverso respondente, extremitate subrotunda, adeo ut musicum illud instrumentum nostratibus *un violon* dictum figura sua imitentur. E medio foliorum caulis pedalis, nonnumquam sesquipedalis exit in plurimos ramos incurvos brachiatus. Ad singula genicula flores herbaceos stamineos ceterorum Lapathorum more profert: quibus singulis succedunt angulosæ capsulæ ternis foliolis dentatis coagmentatæ, continentes semina triangularia, subrufa. In agro Parisiensi sponte nascitur. A Gallo-provinciæ rusticis inter plantas olitorias esculentas colitur, & Hyberno tempore comeditur.

IV. LAPATHUM sanguineum, Lapathum rubrum, Lapathum nigrum, *Off.* Lapathum folio acuto, rubente, *C. B. P.* 114. *Inst. R. H.* 504. *Raii Histor.* 174. Lapathum sanguineum, sive Sanguis Draconis herba, *J. B.* 2. 988. Lapathum rubens, *Dod. Pempt.* 650. vulgo, *Sang de Dragon*, ou *Patience rouge*.

Lapathi sativi non absimilis facile a reliquis Lapathi speciebus distinguitur sanguineo quo scatet succo, nervis per folia crebris discurrentibus varioque implexu ruborem sanguineum virentibus foliis conciliantibus: quorum succus & manus & alutam primum purpureo, mox in cæruleum degenerante colore tingit; quo simul & pediculi foliorum turgent. In hortis pro olere colitur. Folia & semen usitata sunt.

Lapathum rubrum salem essentialem Oxylapatho magis nitrosum obtinet. Ejus folia inter olera cocta comeduntur a nonnullis. Alvum cient, & ideo in jusculis emollientibus & refrigerantibus nonnumquam præscribuntur. Semen quod in Officinis perperam semen Sanguinis Draconis dicitur, roborat, adstringit & dolores demulcet. Ad ℥ss. aut ℥j. pulverizatum & liquore idoneo dilutum propinatur ad fluxus uterinos nimios sistendos, alvi profluvia torminosa aut cruenta sistenda. Joh. Georg. Volckamer, *in Eph. Germ. Dec. II. ann. 1. p. 421.* vinum in quo idem semen ad ℥j. aut ℥ss. calide maceratur fuit, percolatum, in torminosis alvi fluxibus propinavisse felici cum successu asserit.

Analyti chymica, Lapathi hortensis folia plurimum liquoris manifeste acidi, mediocrem salis volatilis urinosi portionem, parum olei & terræ præbuerunt.

Eorum succus chartæ cæruleæ colorem in rubrum mutat. Salem essentialem tartareo-ammoniacaalem obtinet.

Ab antiquis inter olera Lapathum mensis frugalioribus offerebatur. Ut videre est apud Horatium Flaccum in vitæ rusticæ laudibus. *Epod. II.*

Non Attagen Ionicus

Jucundior, quam lecta de pinguissimis

Oliva

Oliva ramis arborum:

Aut herba Lapathi prata amantis, & gravi

Malvæ salubres corpori:

Galenus sylvestrem Betam posse hoc olus vocari censet, quod gustu viribusque hortensi Betæ similis sit: nonnihil tamen interesse putat, quod videlicet hæc suavior sit, ideo quoque mensas frequentius subit. A priscis Medicis Lapatho cuicumque decocto vis alvum emolliendi tribuebatur, quod nec eundem fugit Poetam *Satyrar. Lib. II. Sat. 4.*

. Si dura morabitur alvus,

Mytilus & viles pellent obstantia Conchæ:

Et Lapathi brevis herba, &c.

Brevem autem appellat Lapathi herbam, priusquam caulis enatus fuerit decerptam, quo tempore esui potissimum idonea est.

Lapathorum hortensium folia hodie mensis nostris rarissime apponuntur, usurpantur tantum ad juscula & apozemata emollientia & refrigerantia facienda. S. Paulli in *Quadr. Botanico*, suadet ut ferculum aut pulmentum ex hortensium Lapathorum foliis paretur, iis apponendum, qui dolore arthritico torti, facile alvi adstrictionem insuper incurrunt. Quod confirmat experientia Clarissimi viri Caspari Bartholini, qui ob intempestiva studia huic malo obnoxius, paroxysmi tempore hujus beneficio laxam sibi alvum servare solebat. Succum producit aquosum, mediocriter crassum & parum nutrimenti conferentem. Sylvestrium vero Lapathorum folia nonnumquam, sed radices potissimum ad usum medicum expetuntur.

V. Lapathum sylvestre, Lapathum acutum, Oxylapathum, *Off. vulgo, Patience sauvage*. Tres Lapathi sylvestris species sub his nominibus in Officinis indiscriminatim usurpari solent & ob foliorum variantem formam sæpe confunduntur non solum a Pharmacopœis sed etiam ab auctoribus Botanicis. Joannis Raii distinctionem secuti sumus quæ accuratior nobis videtur.

I. LAPATHUM folio minus acuto, *C. B. P. 115. Lob. Icon. 285. Inst. R. H. 504.* Lapathum vulgare, folio obtuso, *J. B. 2. 984. Raii Hist. 175.* Lapathum sylvestre, vulgatus, *Parkins.* Lapathum sylvestre folio minus acuto, *Gerard.*

Radix huic simplex, interdum furculosa, crassa, alte in terram descendens, exterius fusca, interius lutea. Folia quæ a radice exeunt, longis insident pediculis, quæ in caulibus sunt brevioribus, palmum & sesquipalmum lata, longitudine ad latitudinem dupla, alias rotundiora & obtusa, alias longiora & acuta, marginibus extimis sinuatis ut crenata videantur, utrimque glabra, media tamen costa & nervi insigniores hirsuti aversa parte, pallidius virentia. Caules plures, cubitales & sesquicubitales, teretes, striati, brevi lanugine hirsuti, medulla farcti, ramosi, foliis ad nodos longis intervallis distantes alternatim positos cincti. In summitatibus caulis & ramorum flores in spicas longas, laxas tamen, & e pluribus florum verticillatim dispositorum agminibus constantes digesti. Flores exigui, apetalii, singuli brevibus & tenuibus pediculis penduli, apetalii, staminibus pluribus constantes cum apicibus luteis, & calyce hexaphyllo, cujus tria interiora segmenta seu foliola in magnum aucta

& ad margines dentata vasculum feminale conficiunt, quo semen unicum, triquetrum, splendens, colore castaneo, pallidius quam Oxylapathi crispum continetur. In agro Parisiensi circa vicum Montmorenciacum sponte nascitur.

2. LAPATHUM folio acuto, crispo, C. B. P. 115. *Inst. R. H.* 504. *J. Raii Hist.* 175. Lapathum acutum, crispum, *J. B.* 2. 988. *Tabern Icon.* 436. Lapathum acutum, minus, *Parkins.* Lapathi acuti varietas folio crispo, *Gerard. Emacul.* vulgo, *Patience sauvage frisee.*

Radice cum præcedente convenit, nisi quod minor huic sit, uti sunt & reliquæ ejus partes, foliis differt angustioribus, longioribus, obscurius virentibus, per margines crispis & sinuatis, præsertim prope pediculos. Flores minores, longioribus tamen pediculis penduli, verticillis crebrioribus, ut semina caulem plerumque penitus contegant & occultent. Tria illa calycis foliola quæ conniventia semen amplectuntur & includunt, per margines æqualia sunt, non ut præcedentis denticulata. Semen quam illius magis rubicundum, seu castaneo colore intensiore præditum, magnitudine æquale. Frequens in agro Parisiensi occurrit sponte nascens, & sæpius ad usum medicum usurpatur.

3. LAPATHUM folio acuto, plano, C. B. P. 115. *Inst. R. H.* 504. Lapathum acutum, sive Oxylapathum, *J. B.* 2. 983. Lapathum sylvestre, sive Oxylapathum, *Dod. Pempt.* 648. Lapathum acutum *Gerard. J. Raii Hist.* 175. Lapathum acutum, majus, *Parkins.* vulgo, *Parelle ou Patience sauvage ordinaire.*

Folia huic quam præcedenti breviora, inferiora a lato principio in acutum mucronem sensim angustantur, minora quam Lapathi folio minus acuto. Caulis in parem altitudinem attolluntur; sunt tamen graciliores, rigidi & interdum tortuosi. Rami a caule magis exstant, seu obtusiores cum eo angulos efficiunt, florum verticilli rariores seu longius distantes, appposito interdum ad singulos foliolo ligulæ instar. Flores minores quam præcedentibus. Semina plus duplo minora. Extimo foliolorum quæ semini pro vasculo inserviunt tuberculum seu verruca rubens grandis innascitur, cui & similis in præcedente Lapatho cernitur, sed multo minor. In hortis colitur, & in usum medicum venit, sed huic Lapathum crispum apud nos sæpius substituitur.

VI. LAPATHUM rotundifolium, Lapathum montanum, Pseudorha & Pseudorhabarbarum, *Off.* Lapathum folio rotundo, alpinum, *J. B.* 2. 987. *Inst. R. H.* 504. *J. Raii Hist.* 171. Lapathum hortense, rotundifolium sive montanum, C. B. P. 115. Hyppolapathum rotundifolium & Pseudorha recentiorum, *Lobel. Icon.* 287. Hyppolapathum rotundifolium vulgare, *Parkins.* vulgo, *fausse Rhubarbe, Rhubarbe batarde.*

Radice furculosa & longa nititur, cujus singuli furculi plusquam pollicarem crassitudinem facile assequuntur, rugosi & fibrosi, intense flavescentes, sapore amaro. Caulis bicubitalis & tricubitalis, cavus, profundis sulcis exaratus, rubescens, alis multis donatur. Folia Bardanæ similia, notabilis latitudinis, rotunda, glabra, pallide & quasi ex luteo virentia, pediculo rubenti & striato appenduntur. Flores copiosi alas fere totas obsident ex staminibus & apicibus multis luteis compositi & calyce hexaphyllo herbido; quibus succedunt
semina

femina triangularia nonnihil rubentia. Nascitur in Arvernæ montibus, unde ejus radix afferri solet. In hortis quoque colitur. Radix in usum venit.

Lapathi rotundifolii radix ad Rhabarbari veri colorem accedit ex flavo & rubro variegatum: saporis est amaricantis, styptici & glutinosi; chartæ cæruleæ colorem subrubrum inducit.

Analyſi chymica, ex hujus Lapathi radicum recentium ℥v. per retortam distillatis prodierunt humoris limpidi, sapore leviter herbaceo, primum obscure subsalsi, deinde obscure subacidi ℥j. ℥ix. ℥ij. gr. liiij. humoris acidi, magis ac magis & tandem obscure subausteri ℥ij. ℥v. ℥v. gr. xliij. humoris rufi, manifeste acidi & sale volatili urinoso imprægnati ℥iiij. ℥j. gr. xxiiij. olei adiposi, spissi, gravis ℥j. ℥iiij. gr. xij. Massa nigra residua pendebat ℥viiij. ℥ij. gr. xxxvj. quæ rite calcinata reliquit cinerum ℥j. ℥v. gr. xxiiij. ex quibus salis fixi mere alcali ℥iiij. gr. vj. lixivio sunt extracta. Partium jactura in distillatione fuit ℥iiij. gr. xlviiij. in calcinatione ℥vj. ℥v. gr. xij.

Hæc Lapathi montani radix salem essentialem obtinet tartaro similem cum aliqua salis ammoniaci portione conjunctum, sulphure crasso copioso & terra non pauca.

Eadem ac Rhabarbaro virtutes tribuuntur, sed longe debiliores. Pur-gare ajunt, si ad duplum Rhabarbari exhibeatur. Præscribitur ejus pulvis ad ℥ij. in infuso vero usurpatur ad ℥vj.

Hic Parisiis Lapathum crispum, utpote in agro Parisiensi frequentius occurrens, magis usitatum est. Hujus radix amara est, adstringens & chartam cæruleam rubentem efficit. Ejus folia subacida sunt & chartæ cæruleæ colorem intense rubrum inferunt. Unde conjicere licet foliis majorem acidi salis quantitatem inesse, radices vero plus salis acris & terræ obtinere. Sal essentialis hujus plantæ tartareus est ammoniacalis ad nitri naturam aliquantisper accedens: & in aliis sylvestribus Lapathis haud absimilis videtur.

Eorum radices alvum hortensibus magis laxant: viscerum obstructions aper-riunt, nec fibrarum tonum deſiciunt: in illis enim, sicut in Rhabarbaro vis subadstringens seu fibrarum tonum nimis laxum roborandi, sed longe debilior depre-henditur. Unde ad hepatis & lienis obstructions tollendas, functiones restituendas Oxylapathi radice decoctum solius vel cum aliis aperientibus confociatæ uti-liter præscribitur. Idem decoctum prodest in alvi adſtrictione nimia; vel juscula ex eadem radice & Polypodio conjunctis parantur ad alvum emolliendam utilissima.

℞. Radicum Oxylapathi taleolatim concisar. ℥j. Liquiritiæ ras. & contus. ℥j. Coq. in aq. comm. ℥jss. ad ℥j. Hauriat æger quotidie mane jejuno ventriculo. Vel

℞. Carnis vitulin. ℥ss. radic. Lapath. sylvestr. & Polypod. querni ana ℥j. Coquantur in aq. ℥iiij. ad medias pro jusculis duobus mane & sero pro-pinandis in alvi siccitate nimia, & viscerum infarctu.

℞. Radicum Oxylapathi, & Althææ ana ℥j. foliorum Lapathi hortensis, Oxylapathi, Malvæ, Betæ, Lactucæ, Oxalidis, Atriplicis ana M. j. Co-quantur cum frustulo carnis vitulinæ in aq. f. q. pro quatuor jusculis emollientibus & refrigerantibus.

℞. Radicum Oxylapathi, Polypod. Eryng. ana ℥j. carnis vitulinæ ℔℔. Coquantur in aq. ℔iiij. ad ℔ij. Sub finem coctionis adde folior. Cichor. sylvestr. Taraxaci, Scolopendr. Agrimon. ana M. j. pro jusculis duobus, quibus singulis dissolve vel salis Tamarisci ℥j. vel Tartar. Martial. solub. ℥℔. Mane & sero propinentur in viscerum obstructionibus.

Adversus cutaneos affectus quoscunque Oxylapathi radices tum interne, tum externe adhibitæ ab omnibus plurimum commendantur. In decoctis & jusculis præscribuntur solæ vel cum Helenii radicibus consociatæ.

℞. Radic. Lapathi sylvestr. mundatæ & taleolatim concis. ℥ij. Radic. Helenii concisæ ℥j. Liquiritiæ ras. & contus. ℥ij. Coquantur in aq. comm. ℔iiij. in vase terreo in quo ℥j. Aquilæ albæ subtilissime tritæ & nodulo inclusæ filo suspensa fuerit. Decoctum ad ℔ij. redactum propinetur pro potu in scabiæ & aliis cutaneis affectibus.

℞. Carnis vitulin. ℔℔. caneros fluviatiles leviter contusos N. xij. radicum Oxylap. ℥ij. Enul. campan. ℥j. Bardan. ℥ij. Coq. in aq. comm. q. s. pro duobus jusculis. Sub finem coctionis adde folior. Oxylapathi, Scabiosæ, Fumar. Chærefol. ana M. j. Sumat æger mane & sero in affectionibus cutaneis.

Externe radices Oxylapathi recens e terra eradicatæ, vel etiam in umbra exsiccata, in fotibus, linimentis & unguentis adversus scabiem, porriginem, impetiginem aut alios cutaneos affectus usus sunt creberrimi, præmissis tamen præmittendis. Ex radicibus recentibus vel solis vel cum radicibus Enulæ campanæ consociatis paratur decoctum quo pars affecta sæpius abluitur. S. Pauli plurimum laudat decoctum radicum Oxylapathi quo quædam stercoreis galli gallinacei portio diluitur, & velut remedium adversus scabiem nulli secundum prædicat.

Radices recentes in aqua decoctæ & contusæ sub forma cataplasomatis partibus scabiæ affectis utiliter applicantur. Solæ, vel cum radicibus Helenii, sulphuris floribus, Mercurio præcipitato albo aut aliis hujuscemodi conjunctæ cataplasmata & unguenta adversus cutaneos affectus usitata subeunt. Pulvis earundem radicum cum aceto dilutus ad serpigines tollendas plurimum valere dicitur.

℞. Radicum Lapathi sylvestris ℥iiij. Coquantur in aq. communi ℔v. ad ℔iiij. Colatura dissolve stercoreis galli gallinacei ℥j. pro fotu adversus scabiem.

℞. Radicum Oxylapath. & Enul. campan. ana ℥ij. Coq. in aq. comm. ℔vj. ad medias. Colaturæ adde Mercurii præcipitati albi ℥j. qua partes scabiæ affectæ sæpius abluantur.

℞. Radicum Oxylapathi & Helenii minutim concisar. ana q. l. Coquantur in aq. comm. q. s. ad putrilaginem, ut ajunt. Per setaceum radices coctæ trajiciantur. Tum

℞. Hujus pulpæ ℥iiij. butyri recentis ℥ij. Florum sulphuris ℥j℔. M. F. unguentum quo partes affectæ inungantur.

℞. Radic. Oxylapath. Althææ ana ℥℔. rad. Helenii ℥ij. folior. Aristoloch.

Sca-

Scabios. Nummular. Plantag. ana M. ℥. Coq. ad putrilag. in suff. q. aq. comm. Trajiciantur per setaceum rarius: addantur deinde flor. sulph. ℥ij. Balsam. Peruvian. parum. F. l. a. linimentum ad scabiem a S. Paulli commendatum.

℞. Succor. Oxylapathi, Rhabarbar. Monachor. & Chelidon. major. ana ℥ij. pinguedinis lactis ℥iiij. Mistā coque ad succi fere consumptionem. Adde Diapompholygos ℥j. Cerusæ ℥ij. Alumin. ℥j. Thuris ℥℥. flor. sulph. ℥j. Mistā deinde diu multumque agitentur in mortario plumbeo. Quod si inter agitandum siccius fiat, addatur semper pinguedo lactis, ut fiat linimentum mollius ab eodem S. Paulli in scabie commendatum.

Obiter hic notandum est & observandum hæc remedia externa numquam esse adhibenda, nisi prius æger rite præparatus fuerit tum venæ sectionibus, tum catharsi plus minusve reiteratis, tum balneo, tum etiam medicamentis supra præscriptis, aut aliis idoneis debite & per sat longum tempus administratis, quibus humores acres & vitiosi in sanguine exsuperantes emendentur, evacuentur, & debita massæ sanguineæ crasis restituatur. Tutum enim non foret, imo sæpe maxime noxium, dum sanguis pravis scatens succis eos e suo sinu ad cutim propellere & per ejus poros expellere consuevit, hanc viam derrepente intercludere medicamentis topicis. Tunc enim pravi illi succi ad alias partes internas collati novas ibi parerent congestiones, & mala sæpe prioribus pejora procrearent. Quot autem & quanta mala quotidie videmus ex retropulsa scabie aut ex aliis cutis vitiis citius & incaute per topica remedia extinctis?

Oxylapathi radices cerevisiæ infusæ a Villifio adversus scorbutum commendantur: a nonnullis adversus icterum præscribuntur.

Semen hepar roborat & fluxus alvi quoscumque sistit: tunc vero semen Lapathi sanguinei ut præstantius eligitur.

Oxylapathum usurpatur in unguento martiato *Nicolai Alexandrini*.

VII. LAPATHUM aquaticum, Lapathum palustre, Hydrolapathum, *Off.* Lapathum aquaticum, folio cubitali, *C. B. P.* 116. *Inst. R. H.* 504. Lapathum aquaticum maximum, sive Hydrolapathum, *J. B.* 2. 986. *Raii Hist.* 171. Lapathum palustre, *Tabern. Icon.* 437. Lapathum longifolium nigrum palustre, sive Britannica antiquorum vera, vel Hydrolapathum nigrum Muntingii, *J. Raii hist.* 172. Britannica antiquorum vera *Muntingii Phytographiæ* 202. vulgo, *Patience aquatique* ou *Parelle de marais*.

Magis huic in fibras diducta est radix quam vel Oxylapatho vel Hyppolapatho, foris nigra, intus buxea, cum notabili adstrictione amaricans. Caudales assurgunt ad duos tresve cubitos, flores & semina Lapathi acuti sed majora. Folia lata, prælonga, Rhabarbari Monachorum non dissimilia, sed multo longiora, duriora, rigidiora & surrectiora, longitudine fere sesquicubitali, in mucronem acutum desinentia, leviter crispatis oris, subacida & strenue adstringentia. Flores & semina Lapathis similia sunt. In aquosis, palustribus locis & fossis humidioribus sponte nascitur. Radices & folia in usum veniunt.

Analyti chymica, folia Lapathi aquatici ad ℔v. per B. V. distillata præbuerunt humoris limpidi, sapore herbaceo, obscure subsalsi & obscure sub-

acidi ℥ij. ℥viii. humoris limpidi, manifeste acidi, ℥j. ℥viii. ℥vij. per retortam humoris rufi, empyreumatici, manifeste acidi austeri ℥j. ℥vij. gr. xxxvj. humoris rufi fale volatili urinoso imprægnati ℥ij. gr. xxxvj. olei spiffi fere adiposi ℥j. ℥iiij. gr. lxxvj. Massa nigra residua pendebat ℥vj. ℥vj. quæ per 13. horas in crucibulo calcinata reliquit cinerum ℥j. ℥vj. gr. lx. ex quibus falis fixi alcali ℥vij. lixivio sunt extractæ.

Ex radicum ejusdem Lapathi recentium ℥v. per B. V. distillatis prodierunt humoris limpidi, odore & sapore aliquantisper ingrato, primum obscure subsalsi, obscure subacidi, deinde manifeste subacidi, ℥iiij. ℥x. gr. xxxvj. per retortam humoris rufi, intense acidi & austeri ℥vj. ℥iiij. humoris rufi tum subacidi, tum leviter alcali urinosi, ac tandem intense austeri ℥j. ℥iiij. gr. xxxvj. Massa nigra residua pendebat ℥ix. ℥vj. gr. xxxvj. quæ per 21. horas calcinata reliquit cinerum ℥j. ℥iiij. gr. lx. ex quibus falis alcali fixi, ℥iiij. gr. xx. lixivio sunt extracta.

Hujus plantæ folia styptica sunt, amaricantia, & eorum succus ceruleum chartæ colorem intense rubrum efficit. Eundem radicis succus minus rubentem reddit. Radicis sapor stypticus est & valde amarus. Lapathum aquaticum salem essentialem obtinet vitriolico-ammoniacaalem cum multo oleo crasso & bituminoso conjunctum.

Abrahamus Muntingius Groninga-frisius, Medicinæ & Botanices Professor, tractatu *De vera antiquorum herba Britannica, ejusdemque efficacia contra Stomacacen & Scelotyrben*, Amstelodami 1681. 4. hanc plantam veram & genuinam antiquorum Britannicam herbam esse contendit: siquidem descriptionibus ejus quæ apud veteres exstant, tum facie, tum viribus per omnia respondeat. Reipsa Dioscorides refert eam folia habere sylvestris Lapathi, sed nigriora, pilosiora, gustu adstringentia, ejusque succum speciatim esse depascentibus oris & tonsillarum ulceribus accommodatum.

Radix sicut ceterorum Lapathorum, alvum leviter emollit & laxat, viscerum obstructions tollit, cutaneis affectionibus quibuscumque medetur, in rheumaticis doloribus, arthriticis & ischiadicis, chronicisque ægitudinibus & contumaciis utiliter adhibetur. In jusculis & apozematibus aperientibus recens usurpatur ad ℥j. aut ℥ij. vel infusum ℥j. aut ℥ij. exsiccatae radicis præscribitur. Adversus scorbutum, auctore Muntingio, plurimum valet. „ At „ quoniam, inquit, scorbutus altas adeo in quibusdam egit radices, ut ex so- „ lius Britannicæ decocto parum commodi sentiant, hanc ob causam confe- „ ctum medicamentum auro pretiosius, ac domi adversus omnem scorbuti sus- „ picionem, inæstimabilis instar thesauri habendum apponere volui.

℞. „ Croci ℥ij. Macis, Glycyrrhizæ, Cinnamomi, Piperis nigri, Radic. „ Gentianæ, ana ℥iiij. Rad. Britannic. ℥vj. Omnia grosso modo pulveri- „ zata immisceantur vini Hispanici ℥xvj. aceti sambucini vel alterius for- „ tissimi ℥iiij. ovorum recentium vitellis tribus. Macerentur simul in „ vase lapideo vitreato probe obturato, per triduum in cinere calido „ aut fimo equino, aut arena calida, eo tamen modo ut ultra calorem „ tepidum non progrediatur. Reponatur deinde & ad usum servetur.

„ Hujus

„ Hujus infusi tres, quatuor, quinque, vel sex etiam uncias sumat æger
 „ mane, jejuno stomacho, per dies quatuordecim, viginti vel plures. Bibat
 „ etiam quotidie ad sitim extinguendam vinum Rhenanum optimum, vel
 „ cerevisiam non recentem, sed defœcatam & bene coctam singulis cyathis
 „ cochlearia tria hujus vini medicati affundendo. Notandum tamen quod
 „ si in hujusmodi ægro siccitas quædam, tussis vehemens, vel suspicio ta-
 „ bis adsit, piperis loco sumatur Glycyrrhiza ad ℥vj. Hoc vino non solum
 „ brevi temporis spatio inveteratus scorbutus, præsertim si absque febre
 „ vel inflammatione sit, verum etiam reliqua scorbuti genera omnia, in-
 „ veteratæ herniæ, paralyxis, & venerea lues felicissimo successu cûrantur. “
 Hæc omnia Muntingius. Adversus arthritidem hic Parisiis sequens infusum
 non prorsus dissimile a nonnullis commendatur.

℞. Rad. Lapath. aquatic. exsicc. ℥vj. Gentian. ℥iij. Liquiritiæ, Cinnamo-
 mi, Macis ana ℥iij. Croci minutim concisi ℥ij. Macerentur in vini al-
 bi generosi ℔xij. supra cineres calidos per triduum in vase rite obtu-
 rato. Tum adde sp. vini rectificati ℥viij. Reponantur in loco frigido
 per 24. horas. Fiat colatura. Exhibeatur quotidie mane ad ℥ij. vel ℥iij.

Omnes Hydrolapathi partes, sed præcipue radices externe admotæ leviter
 abstergunt, valide adstringunt & conglutinant. Hinc omnia putrescentia, ut
 erysipelata tam ulcerata quam integra, herpes, phagedæna, gangrænas, in-
 hibent & sanant. Undecumque manantem sanguinem, hæmorrhoides simul
 & menses sistunt. Decoctum vel succus foliorum aut radicum anginam,
 uvulæ relaxationem, oris & faucium mala adstrictione egentia, apostema-
 ta & ulcera probe depellunt, folia virentia contusa ulceratis partibus per
 duodecim horas imponuntur, & alia renovantur. Succus quoque canicula-
 ri sole aut igne inspissatus inungitur.

VIII. LAPATHUM Spinacia dictum, Spinacia, Spinachia, Spinaceum olus,
 & olus Hispanicum, *Off.* Hispanac *Arabum*: vulgo, *Epinars*. Hujus oleris tres
 species a nonnullis distinguuntur, scilicet Spinacia mas semine spinoso, Spinacia
 mas semine non spinoso, & Spinacia femina seu sterilis. Alii vero has stirpes
 non distinctas species, sed ejusdem speciei varietates tantum esse contendunt.
 Revera ex ejusdem plantæ seminibus fructíferas & steriles nasci satis compertum
 est. Verum apud Botanicos non certo constant an Spinacia semine spinoso, nec-
 non Spinacia semine lævi satæ semper producant sui generis sobolem, hæc nimi-
 rum semine lævi, illa semine spinoso fetam, an interdum diversam? quod illis
 ulterius examinandum J. Raius proponit. Quidquid sit, ad usum medicum &
 culinarium indiscriminatim sumuntur: viribus enim inter se conveniunt.

SPINACIA vulgaris, capsula feminis aculeata, *Inst. R. H.* 533. Spinachia
 mas *J. B.* 2. 963. Lapathum hortense seu Spinacia semine spinoso, *C. B. P.*
 114. Spinacia, *Lobel. Icon.* 257. Olus Hispanicum Spinachia vulgaris, *Tra-*
gi 325.

SPINACIA vulgaris, sterilis *Inst. R. H.* 533. Spinachia femina, *Lugd. 7.*
B. 2. 963. Lapathum hortense seu Spinacia sterilis, *C. B. P.* 115. Spinachia
 Gerard. & Parkins. *Raii Histor.* 162.

E radice tenui, alba, simplici, paucissimis fibris donata: caules surrigit pedales, fistulosos, teretes, striatos, in alas divisos: folia Atriplicis fere, longis pediculis nixa, inferiora ad basim suam interdum utrinque laciniata, mucronibus acutis: quæ autem in summo caule existunt, duos tantum processus velut auriculas ad basim obtinent, tenui quodam polline Atriplicis in modum aspersa. Flores & fructus in speciebus distinctis nascuntur. In florigeris speciebus flores in caulibus a medio usque ad fastigium digesti, apetalii, plurimis staminibus & apiculis herbaceis aut purpurantibus calyci tetraphyllo insidentibus constant, in oblongis surculis seu racemis e foliorum alis ortis: steriles sunt. In fructiferis speciebus nulli flores cernuntur: sed tantum fructuum embryones subvirides filamentis quatuor albicantibus onusti foliorum alis arcte adhaesunt, conferti, in globulos seu racemulos congesti, qui abeunt in fructum seu capsulam majusculam, nonnihil compressam, orbiculatam, in aliis spinosam, in aliis levem, semine turbinato fetam. Spinacia ubi sponte oriatur non constat. Colitur ab hortulanis & rusticis tam in hortis, quam in arvis, & quovis fere tempore anni seritur, nullum solum aut calum respuens. Verno tempore sata brevi progerminat & semina intra duos menses perficit. Autumno sata non tam cito crescit, foliis magis luxuriat, sed hyemem perdurans mox primo vere semen profert.

SPINACIA vulgaris, capsula seminis non aculeata, *Inst. R. H.* 533. Spinachia semine non pungente, folio majore, rotundiore, *7. B.* 2. 964. Lappathum hortense seu Spinacia semine non spinoso, *C. B. P.* 115. Spinachia nobilis, *Trag.* 324.

Longe major majoribusque est foliis quam Spinacia vulgaris, necnon rotundioribus; semina conglomerata sunt veluti in racemulum, lenticulis fere paria, rotunda, nullis spinis horrida, cinericei coloris. In hortis olitoriis colitur.

Analyti chymica, ex recentium Spinaciæ vulgaris folior. lbv. per retortam distillatis prodierunt humoris limpidi, odore & sapore herbam virentem referentis, obscure subfalsi & alcali urinofi, obscure acidi, ac tandem manifeste subacidi lbij. ℥ix. ℥iij. gr. lxij. humoris acidi aliquantis per subausteri lbj. ℥x. ℥iij. gr. x. humoris primo limpidi, tum subacidi, tum alcali urinofi, ac tandem rufescentis & sale volatili urinoso copioso imprægnati ℥iiij. ℥ij. gr. lxiiij. salis volatilis urinofi concreti ℥j. olei fluidi ℥j. ℥v. gr. xxxij. Massa nigra in retorta residua pendebat ℥iij. ℥iij. gr. xxiiij. quæ rite calcinata reliquit cinerum ℥j. ℥vij. gr. xxx. ex quibus lixivio salis fixi mere alcali ℥j. gr. xij. extracta sunt. Partium jactura in distillatione fuit ℥ij. ℥iiij. gr. xxv. in calcinatione ℥j. ℥iij. gr. lxvj.

Spinaciæ crudæ sapor herbaceus est non ingratus: coctæ vero sapidus est, subfalsus, nonnihil acris. Chartæ cæruleæ colorem non mutat. Salem essentialem videtur obtinere ammoniacalem nonnihil nitrosum, cum mediocri olei & exigua terræ portione consociatum, at multo phlegmate dilutum.

In culinis per totam fere Europam vix quicquam frequentioris est usus pultibus ex Spinacia confectis, quas butyro aut oleo condiunt, herba minutim concisa. Citra aquam coquitur hoc olus quod plurimum humoris inter coquendum emittat, & velut proprio contentum jure alienum aspernetur.

Editur apud nos cocta semper; magis enim sapida est & grata, majori phlegmatis parte exhalata. Alibi quandoque inter cruda recipitur acetaria, cum scilicet recens enata. Parantur quoque ex ea placentæ non injucundæ: vulgo, *Tourtes d'Epinars*. Refrigerat & humectat, cito descendit, alvum emollit. Parce vero admodum nutrit. Effervescentes circa primas vias acres & biliosos succos temperat, & inde natos ardores mitigat. Serosos humores generat: quod vitium coctione corrigitur & sale, butyro, pipere, nuce moschata aut aliis aromatibus quibus condiri solet. Licet autem ut alia olera paucum nutrimentum suppeditet, non ideo tamen insalubre videtur. Imo plures Medici ejus usum suadere solent, propter vim emolliendi qua pollet, ideo a nonnullis *Seutlomalache* (a) quasi malvaceam *Betam* dicas, denominatur. Uteriori enim humore quo turget, alvum movet. S. Pauli hoc olus febricitantibus & senibus adstrictioris alvi maxime commendat; illis imo vel hecticis, ut febrilem æstum temperet, his ut alvum lubricet, quod longe magis expedit quam ut vel suppositoriis, vel clysteribus, vel pilulis Aloeticis aut Scamoneatis alvus illis quotidie exstimuletur. Tussi aridæ medetur & expectorationem promovet. Juscula ex ea parata cum oleo amygdalarum dulcium aut butyro recenti hausta asthmate & raucedine laborantibus medentur.

Illustrissimus ac Doctissimus vir Guido Crescentius Fagon, Meritissimus quondam Ludovici Magni Archiater Spinaciis vitulinæ carnis decocto conditis assidue vescebatur & hydromelite pro potu utebatur tum ad alvi siccitatem cui obnoxius erat emolliendam, tum etiam ad asthma, quo graviter afficiebatur sublevandum.

Nonnulli Spinaciam assiduo esu melancholicum succum gignere proferunt. Alii eandem nauseosam esse perhibent. Sed hæc vitia huic cibo perperam exprobrantur, quæ potius pravi quorundam constitutioni referenda sunt. Reipsa quidam occurrunt quibus ventriculus debilior & frigidior, ut ajunt, Spinacia sicut aliis quibusdam oleribus inflatur & subvertitur: sed illi ab eorum esu abstineant, aut ipsis aromata consociant. Ceterum Spinacia non judicio solum Tragi, Simonis Pauli & plurimorum Botanico-rum & Medicorum, sed etiam experientia quotidiana inter culinaria olera laudatissimum & gratissimum olus comprobatur.

In jusculis emollientibus & refrigerantibus utiliter præscribitur.

℞. Carnis vitulinæ ℥ss. Coquatur in aq. comm. ℥iij. ad ℥ij. Tum adde folior. Spinaciæ, Betæ, Lactuc. Atriplic. ana M. j. Coquantur per quadrantem horæ pro jusculis duobus mane & sero sumendis.

Extrinscus ventriculo & hepati imposita cataplasmatibus instar, eorum inflammationes doloremque tollere dicitur.

L A V A N D U L A.

LAVANDULÆ species duæ in officinis distinguuntur & indiscriminatim usurpantur, scilicet *Lavandula* major seu latifolia, & *Lavandula* minor seu angustifolia.

LA-

(a) Ζεύτλον, Beta; Μαλαχίη Malva.

LAVANDULA aut Lavendula major, Lavandula latifolia & Spica, *Off.* Lavandula latifolia *C. B. P.* 216. *Inst. R. H.* 198. Pseudonardus quæ vulgo Spica, *J. B.* 3. p. 2. 281. Lavandula, *Dod. Pempt.* 273. Lavendula major si-
ve vulgaris Parkins. *Raii Hist.* 512. Spica Nardus Germanica, *Tragi* 58. Nardus Italica, Casia alba Theoph. *Dalech. in Plinium*: vulgo, *Lavan-
de male, Spic, Aspic, ou Nard commun.*

E radice lignosa, in fibras divisa, in fruticem satis grandem & lignosum, plurimis ramulis densum, tenuibus, quadrangularibus, geniculatis adolescit, altitudine sesquicubitali aut bicubitali: folia infima quidem crebra & incondita fere, superiora ex adverso bina, alternatim posita, carnosæ, incana, culmum aut etiam semiunciam lata, duarum triumve unciarum longitudine, nervo medium percurrente, odore vehementi grato, sapore amaricante. Summis ramulis flores spicæ in modum verticillatim innascuntur cærulei, monopetali, labiati, quorum labium superius surrectum est, subrotundum, bifidum, inferius tripartitum. Ex calyce oblongo angusto surgit pistillum posticæ floris parti ad instar clavi infixum, & quatuor stipatum embryonibus qui deinde abeunt in totidem semina in capsula quæ calyx floris fuit recondita.

Folia huic longiora latioraque multo quam Lavandulæ minori, magis incana, non tamen adeo crebra in caulibus & ramulis: ramuli seu potius pediculi spicas sustinentes huic duplo majores longioresque quam illi. Spicæ quoque multo longiores & inflexæ. Flores tamen, quod mirum, quam illius minores. Odor quoque totius plantæ vehementior.

LAVANDULA, Lavandula minor, Lavandula angustifolia, *Off.* Lavandula angustifolia, *C. B. P.* 216. *Inst. R. H.* 198. Pseudonardus quæ Lavandula vulgo, *J. B.* 3. p. 2. 282. Lavandula altera, *Dod. Pempt.* 273. Pseudonardus femina, *Matthioli*: Lavandula brevior folio & spica, *Clus. Hist.* Spica Italica & domestica, *Casalpin.* 459. vulgo, *Lavande femelle.*

Tota quidem facie præcedenti proxima est, minor utcumque & humilior, pariter tamen dense fruticans: foliis minoribus seu angustioribus & brevioribus, nec adeo albidis, odore minus vehementi. Spicæ florum, ut dictum, breviores sunt & erectiores. Flores tamen majores. Utraque variat interdum floris colore albo. In Gallia Narbonensi sponte proveniunt. Apud nos in hortis feritur. Florum spicæ ad usum colliguntur.

Analyfi chymica, ex spicarum floridarum Lavandulæ ℥v. per retortam distillatis prodierunt humoris limpidi, odore & sapore aromatico, florum odorem referentis, subacidi ℥j. ℥v. ℥vij. gr. lx. cum olei essentialis guttis aliquot: humoris limpidi magis ac magis acidi, sub finem austeri ℥ij. ℥iiij. ℥ij. gr. xxx. cum olei essentialis portione: humoris rufi, empyreumatici, intense acidi, subsalsi & austeri ℥j. ℥iiij. gr. xij. humoris rufescentis, sale volatili urinoso copioso imprægnati, necnon acidi ℥iiij. ℥ij. gr. xxiiij. olei tum essentialis, tum empyreumatici & spissi ℥iiij. ℥iiij. gr. xlvij. Massa nigra in retorta residua pendebat ℥vij. ℥vij. gr. xxiiij. quæ rite calcinata reliquit cinerum ℥ij. ℥v. ex quibus lixivio salis fixi mere alcali ℥vij. gr. xlvj. extracta sunt. Partium jactura in distillatione fuit ℥v. ℥iiij. gr. xvij. in calcinatione ℥v. ℥ij. gr. xxiiij.

Ex ejusdem floribus ad ℥v. per aliquot menses maceratis salis volatilis urinosi concreti gr. xxx. extracta sunt.

Lavandula salem obtinere videtur essentialem ammoniacalem, similem ammoniacali composito ex sale volatili urinoso aceti acidi plene & plusquam saturato & cum oleo copioso tum essentiali, tum crasso accurate permisto. Idem dicendum de Spica quæ iisdem gaudet principiis, imo copiosioribus & penetrantioribus, ut ejus odor testatur, & similibus virtutibus donatur. Quapropter indiscriminatim ad usum medicum usurpantur. Hic vero Lavandula utpote magis familiaris frequentius in usum venit.

Oleum essentialiale Spicæ & Lavandulæ Heliotropii tincturam rubore inficit ratione salis acidi contenti.

Lavandula cephalica, nervosa, & uterina censetur. Partibus suis salino-sulphureis, aromaticis, subtilibus; acribus, nervosas fibras ad oscillationem stimulat, earum tonum nimis laxum & debiliorem restituit, humores spissos in partibus morantes dissolvit & ad motum habiliores reddit: unde sensus & motus vitia emendare solet: ejus usus in catharris, apoplexia, paralyfi, spasmo, vertigine, lethargo, artuum tremore plurimum commendatur. In urina cienda, mensibus & fetu pellendis, & in torminibus flatulentis nonnumquam usurpatur. Pulvis florum vel semina contusa a ℥j. ad ℥j. præscribuntur. Infusum florum Theæ ad instar præparatur. Aqua distillata simplex vel spirituosæ, tinctura florum cum spiritu vini parata ad ℥j. tresve, conserva ex floribus ad ℥ss. & oleum essentialiale ad guttas duas, tres, vel sex intus sumuntur. In omnibus fere medicamentis cephalicis & nervinis tum internis tum externis usurpari solent.

Moderatus tamen esse debet Lavandulæ sicut & ceterorum aromatum usus. Nam ex immodico & inopportuno illorum usu sanguis æstuat & accenditur, solidæ partes nimis irritatæ incalescunt & inflammantur. Qua de re post C. Hoffmannum & Dodonæum S. Pauli prudenter monet. Cl. Hoffmannus *l. 2. de Medicamentis officinalibus c. 132. p. 397. §. 10.* hæc aromatica & odorata medicamenta laudat ubi debilitas partium ab intemperie frigida oritur aut a frigidis humoribus vias obsidentibus: at vero ubi a caliditate, ait, tale quid est, insignem contra ex illis læsionem oportet expectare. Dodonæi autem hæc sunt verba. „ Proinde stillatitius Lavandulæ liquor odoratus, & temporibus & fronti illitus, catalepsi leviori, hemiplexia, & subinde comitiali morbo, ac non raro „ syncope laborantes reficit. Sed ubi humorum copia adest, præsertim sanguini „ permistorum, non satis tutus hujus est usus, sicuti neque compositionis, quæ „ ex stillatitio vino, in quo hujusmodi herbæ, flores, semina & aromata quæ- „ dam macerata sunt, conficitur; quam plerique temere & indifferenter exhi- „ bent. Nam calidorum hujuscemodi caput implentium usu, & morbus intendi- „ tur, & æger in periculum inducitur: præsertim quando sanguinis missio aut „ purgatio non præcesserunt. Quod ideo monendum duximus, quia passim non „ nulli Medici indocti & temerarii, audacesque nimium pharmacopœi, alique, „ & stolidæ mulieres, statim similes compositiones & id genus alia, non modo „ apoplecticis, sed & catocha cum febris occupatis infundunt: quibus nihil potest „ pejus dari, cum plurimum obsint, & non raro ipsos ægrotantes perimant. “

Hactenus Dodonæus. Simon Paulli immodicum eorundem aromatum usum reformidat, & exemplum affert cujusdam opulenti aromatopolæ horrenda epilepsia correpti quæ ocius in apoplexiam degenerarat, antequam illi auxilium afferri potuisset, ideo quod sibi integerrima gaudenti valetudine, & habitu atletico, sub cincinnata & densa casarie cucupha suaveolentissima Cyperum, Iridem, Costum, Storacem, Moschum, Ambram redolente caput operire allubuisset. Eum vero omni motu sensibusque omnibus orbatum, sanguinis missione sexies septiesve intra unius horæ spatium repetita, habito respectu virium, & pulsu ac respiratione ab ea invalescentibus, ab hoc acutissimo morbo vindicavit & vitæ asseruit, intus propinato non Lavendulato vino, sed spiritu cranii humani vitriolato *Crollii*, quem in hisce affectionibus plurimum commendat. Reipsa plurimi vehementem aromatum odorem difficile ferunt: quapropter Medicus ea nonnisi caute tam externe quam interne adhibere debet, & explorata prius non solum morbi indole, sed etiam ægrotantis natura, quomodo ad odoramenta se habeat.

In balbutie & linguæ paralyfi spiritu vini Lavandulato os sæpius abluatur. Rulandus in curationibus empyricis, teste Ettmullero, beneficio hujusce spiritus virum 70. annorum aphonia laborantem curavit, cochlear unum pro dosi propinando. In difficili partu semen Lavandulæ est oppido conducibile. Rondeletius pulverem sequentem ad facilitandum partum ut arcanum præstantissimum commendat.

℞. Semin. Lavandulæ ʒss. Semin. Plantag. Endiviæ ana ℥ij. Piper. nigr. ℥j. F. pulvis in aquar. Caprifol. Endiv. ana ʒiij. fumendus.

Sequentem pulverem cum laude proponit Simon Paulli in *Quadr. Botanico*.

℞. Semin. Lavandulæ ʒss. Succin. alb. pp. Borac. ana ℥ij. Olei Cinnamomi gutt. ix. Fiat. l. a. pulv. dividendus in tres partes æquales, propinandus in vino Rhenano, aut alio generoso.

Obiter tamen hic notandum est calida hæc acria & vehementiora medicamenta ad partum juvandum non proficere nisi in debilitate virium & partum atonia, quæ quidem minus frequenter occurrit, quam summa partium rigiditas, intumescencia & ardor. Quapropter parturientes a sanguinis missione aut e brachio aut e saphæna, ex infessu ad decoctorum emollientium & temperantium vaporem, ex clysteribus emollientibus plus levaminis sæpius accipiunt, quam ex hisce roborantibus remediis. Ad quod diligenter attendere debent Medici antequam hæc remedia præscribant.

Flores & folia in ore detenta & masticata salivationem potenter excitant. Unde in affectionibus soporosis, catarrhis, linguæ paralyfi & in cucuphis ad caput roborandum utiliter usurpantur.

℞. Radicum Ireos Florentin. & Calami aromatici ana ʒij. folior. Betonic. major. Salviæ, Rorismarin. Summitatum Lavand. Stachados ana ʒj. Fiat pulvis tenuissimus capillis inspergendus hora somni & mane pectine excutiendus. Vel excipiatur hic pulvis pauco Gossypio, includendo in panno sericeo interpuncto pro cucupha seu calantica (*couvrechef*) in cerebri affectionibus & causa frigida.

Externe in decoctis cephalicis & nervinis præscribi solent.

Oleum stillatitium Spicæ Lavandulæ in Medicina & apud artifices plurimos maxime usitatum paratur distillando flores exsiccatos & semina in magna aquæ quantitate, igne sat vehementi. Hoc oleum in nervorum ac tendinum relaxatione, in paralyticis & rheumaticis affectionibus plurimum prodest sive interne guttæ duæ, tres, sexve saccharo affusæ in vino aut aqua cardiaca aut cephalica quacumque propinentur: sive cum spiritu vini oleis aut unguentis quibuscumque convenientibus illinatur.

℞. Olei essentialis Spicæ Lavandul. gutt. iij. Affunde sacchari ℥j. Dissolve in vini generosi ℥v. Sumat æger in lecto decumbens ad sudorem promovendum in paralyticis & catarrhosis affectionibus.

℞. Olei essentialis Lavandulæ ℥j. Olei Hyperici ℥ij. Olei Lumbricor. terestr. ℥iij. Balsami Fioravanti ℥ß. M. F. linimentum ad membra paralyti aut rheumatismo affecta perungenda.

Ex eodem essentiali oleo cum sale volatili ex ammoniaco permisto sublimatur sal volatilis oleosus aromaticus Lavandulatus hodie frequentis usus naribus admotus, ad spiritus recreandos in paroxysmis hysteriis, lipothymiis & languoribus hypochondriacis.

Hujus olei odorem fugiunt blattæ, pediculi & alia insecta. Propterea in his fugandis vel enecandis apprime conducit. Certe si vesperi sub introitu lecti charta bibula hoc oleo solo vel cum oleo amigdalorum aut quocumque alio permisto inuncta, capiti aliisque locis pilosis applicetur, pediculos mire fugat & mane interfecti omnes reperiuntur. Ettmullerus post Panarollum refert, quemdam contra minores inguinales pediculos fugandos, crebrius Mercurii litu, sed admodum infeliciter usum fuisse, qui continua penis erectione exinde laboraverit. Simul ac vero membrum oleo Spicæ fuit illitum ad pristinum statum est revocatum & pediculi etiam prorsus fugati.

Oleum Spicæ Lavandulæ distillatum ex Gallo-provincia & Gallia Narbonensi, ubi utraque Lavandula uberrime crescit, ad nos affertur, sed sæpius adulteratum, & cum spiritu vini aut cum oleo Terebinthinæ permistum. Mangonium utrumque facile detegitur. Illud enim quod cum spiritu vini admistum fuit, aquæ communi affundatur, statim spiritus vini cum aqua intime permiscetur, oleum vero supernatat minori quidem quantitate, at genuinum & sincerum. Si vero cum oleo Terebinthinæ aut alio quocumque permistum fuerit, deflagratione portionis alicujus in cochleari metallico facile detegitur. Oleum enim Spicæ genuinum flammam tenuem, fumum paucum, nec odore ingratum emittit, at oleum Terebinthinæ fumum copiosum nigrum spargit, odoremque minus gratum.

Apud varios artifices usitatissimum est præsertim ad opera varia vernigine illinienda.

Lavandulæ flores usurpantur in decocto cephalico, syrupo antiepileptico, syrupo de Stæchade, pulvere cephalico odorato *Ph. Regiæ*, & in pulvere ad cadavera loricanda *eiusdem*.

Oleum Spicæ Lavandulæ usurpatur in balsamo apoplectico *eiusdem*.

L A U R E O L A .

LAUREOLA duplex in officinis usurpatur, scilicet Laureola mas, & Laureola femina.

LAUREOLA mas, Laureola semper virens, & Daphnoides, *Off.* Thymelæa Lauri folio, semper virens, seu Laureola mas, *Inst. R. H.* 595. Laureola semper virens, flore viridi, quibusdam Laureola mas, *C. B. P.* 462. Laureola semper virens, flore luteolo, *J. B.* I. 564. Laureola, *Dod. Pempt.* 365. Laureola Gerard. Parkins, *J. R. Hist.* 1587. Daphnoides sive Laureola, *Advers. Lobel.* 156. *Lugd.* 211. vulgo, *Laureole*.

Ex radice lignosa, lenta, crassa, longa & multiplici, multis stipitibus lentis subcinericeo seu albicante cortice vestitis fruticat, ad cubitos duos assurgens, foliis Lauri sed minoribus, ad majoris Myrti folia accedentibus, semper virentibus, nigricantibus, crassis, glabris, nitidis, utrinque acutis plurimis circa ramulorum fastigia. E foliorum sinubus egrediuntur pediculi unciales, crassiusculi, foliolis aliquot concavis velut totidem squamis vestiti, & in fastigio flores sustinent monopetalos, e luteo virescentes, posterius fistulosos, anterieus in quatuor lacinias acuminatas divisos, calyce carentes, cum pistillo abeunte in baccam olivæ forma, sed longe minorem, primum viridem, per maturitatem nigram, succi plenam, in qua latet nucleus unicus durus, Cannabis semine paulo longior, medulla interiore candida. Folia, fructus, cortex tam radicis quam ramorum acrimonia sua & urendi qualitate linguam & fauces mordicant & incendunt. Nascitur in sylvis & montibus umbrosis Gallo-provinciæ & Galliæ Narbonensis. Folia, baccæ nonnumquam in usum veniunt.

LAUREOLA femina, Chamælea, Mezerum & Mezereon, *Off.* Thymelæa Lauri folio deciduo, sive Laureola femina, *Inst. R. H.* 595. Thymelæa folio deciduo, flore purpureo, officinis Laureola femina, *C. B. P.* 462. Laureola folio deciduo, sive Mezereon Germanicum, *J. B.* I. 566. Chamælea Germanica, *Dod. Pempt.* 364. Chamædaphne sive Pusilla Laurus, *Adversar. Lobel. Icon.* 367. Piper montanum, *Gesneri*; Chamælea Germanica sive Mezerum Gerard, *J. R. Histor.* 1587. Laureola femina & Diaphnoides crocea *H. Lugd.* vulgo, *Bois gentil*.

Multis etiam stipitibus fruticat ad trium cubitorum altitudinem assurgentibus, lentis, teretibus, fractu contumacibus, cortice duplici, exteriori cinereo tenui, interiore exterius virente, interius albicante obductis. Folia e tuberculis plura ab eodem exortu oriuntur, foliis Laureolæ maris minora, tenuiora, molliora, nec ita splendentia. Flores ejusdem formæ, sed purpurei & longe elegantiores cum staminulis aliquot croceis, odorati. Baccæ pariter purpurascunt ejusdem magnitudinis & figuræ. Nascitur in frigidioribus sylvulis Alpium & Pyrenæorum. Cortex, folia & fructus in usum veniunt, sed minus frequentem.

Analyfi chymica, ex Foliorum Laureolæ maris recentium lbv. per retortam distillatis, prodierunt humoris limpidi, odore & sapore virentem herbam referentis, obscure acidi ꝥxj. ℥ij. gr. liij. humoris primo limpidi, manifeste aci-

di magis ac magis sub finem rufescentis, intense acidi & austeri ℥iij. ℥vj. gr. xlv. humoris rufi, empyreumatici, intense acidi, obscure subsalfi ℥j. ℥v. gr. ix. humoris rufi, sale volatili urinoso copioso imprægnati ℥ij. ℥iiij. gr. xlv. olei spissi extracti ad instar ℥ij. ℥vij. gr. xlv. Massa nigra in retortâ residua pendebat ℥vij. ℥vij. gr. ix. quæ rite calcinata reliquit cinerum albican-
tium ℥ij. ℥ij. gr. liij. ex quibus lixivio salis fixi mere alcali ℥iij. gr. ij. extra-
cta sunt. Partium jactura in distillatione fuit ℥iiij. ℥vj. gr. xj. in calcina-
tione ℥v. ℥iiij. gr. xxvij.

Utriusque Laureolæ femina, folia & in primis cortices, tum stipitum, tum radicum acerrima sunt & adeo fervida, ut mastificantis os & fauces adu-
rant & inflamment, diu multumque durante impressione. Folia recentia ma-
sticata aliquantisper mucilaginosâ sunt: eorum succus chartæ cæruleæ ruben-
tem colorem conciliat. Salem essentialem obtinent tartareum multo oleo fœ-
tido acri conjunctum & glutinoso phlegmate involutum. Totius plantæ vis
acris, adurens & purgans mihi videtur pendere potius ab oleosa aut resino-
sa quadam ejus portione in seminum, foliorum & corticis cellulis peculiari-
bus latitante, quam a sale alcali caustico cui a plerisque tribuitur. Siqui-
dem purgantis fere omnia vehementiora hanc vim a sulphurea aut resino-
sa substantia obtinent, ut videre est in Scammonio, Euphorbio, Gutta Gum-
mi, Helleboro, Jalapa &c. quorum præcipua vis cathartica in resinosis par-
tibus sita est, & in resinosis extractis conservatur.

Omnes utriusque Laureolæ partes intus sumptæ ventriculum admodum sub-
vertunt, vomitum cient, biliosos, serosos humores maxime fluidos cum im-
petu sursum & deorsum expurgant: partes internas lædunt, rodunt, inflam-
mant: viscera abradunt, & vasorum sanguineorum oscula aperiunt; febres
accendunt, cardialgias excitant & superpurgationes, vires exsolvunt. A non-
nullis ad serosos humores evacuandos hydropicis præscribuntur. Dosis corticis
& foliorum est a gr. vj. ad ℥ss. Semina vero tria quatuorve integra deglutun-
tur. Eorum malitia corrigi dicitur macerando horas 24. in aceto, ut Ellebo-
rus & Esula; succo mali Punici aut Cydonii, Portulacæ, vel mucilagine se-
minis Psyllii. Alii emendare tentant infundendo in vino & iterum exsiccando.
Alii triduanam macerationem aceto requirunt, singulis diebus novum affunden-
do & tandem aqua bene eluendo. Ettmullerus hujus medicamenti maceratione
in aceto vim infringi asserit, sed aceti lenta evaporatione Laureolam exsiccan-
dam esse contendit, alioquin effeta & nullius usus evaderet. Verum utrius-
que hujus plantæ folia, cortex, baccae quomodocunque præparatæ & correctæ
ob malignitatem rarissime in usum veniunt, nec nisi tutiorum medicamentor-
um inopia & casu aliquo desperato & robustissimis tantum exhibendæ sunt,
idque magna consideratione, monentibus Medicis omnibus prudentioribus,
vel ipsis Mauritanis qui has plantas Terræ Leone & Plantas viduificas cogno-
minarunt. Quæ quidem ab earum usu nos deterrire merito debent.

Externe radix Mezerei loco setacei utiliter adhibetur in oculorum affe-
ctionibus. Hujus radicis particula longa & rotunda ad instar Turundæ, in ace-
to aut lixivio acri macerata auriculæ perforatæ inseritur, quæ copiosissimum se-

rum inde educit. Sic oculorum inflammationes sedantur, & imminens suffusio nonnunquam præcavetur.

Nonnulli Laureolæ baccas fuisse grana Cnidia, apud Hippocratem & veteres græcos sæpius usitata existimant. Quod quidem prorsus incertum est: alii enim fructus cujusdam Thymelææ fuisse contendunt. Quidquid sit, hæc vehementiora medicamenta apud nos fere obsoleverunt ob eorum malitiam, & eo magis quod ab hisce priscis Medicinæ temporibus medicamenta emetica & purgantia mitiora, tutiora & nostræ naturæ magis convenientia detecta sint.

L A U R U S .

LAURI species duæ seu potius varietates in officinis usitatæ sunt, Laurus vulgaris, & Laurus Regia.

LAURUS vulgaris, *Off.* Laurus vulgaris, *C. B. P.* 460. & *I. R. H.* 597. Laurus, *7. B.* 1. 409. Laurus mas & femina, *Tabern. Icon.* 950. Laurus tenuifolia, *Matthioli* 125. vulgo, *Laurier franc.*

LAURUS Regia, *Off.* Laurus latifolia, *Πλατύτερω* Dioscoridis, *C. B. P.* 460. *Inst. R. H.* 597. Laurus latifolia mas & femina. *Tabern. Icon.* 951. vulgo, *Laurier Roy al.*

Laurus utraque tam tenuifolia quam latifolia plerumque multis stolonibus luxuriat, non raro mediocris arboris altitudinem assequitur, præsertim in regionibus calidioribus, ramosa, caudice enodi, cortice tenui, materia rara, nec multum valida; radices habet crassas, inæquales & obliquas. Folia ei oblonga, dura, utrinque acuminata, sed mucrone alias latiore, alias obtusiore, in uno quidem genere angustiora, sesquiunciam aut duas uncias lata, palmo longiora, in altero ampliora ut ad mali Medicæ folia accedant, quæ secundum longitudinem percurrit costa recta, obliquos in margines nullo ordine nervos exporrigens, non decidua, perpetui viroris, nitidi in junioribus, in adultioribus saturatioris, odoratissima, sapore acria aromatica, nonnihil amaricantia, ramis viridantibus brevi pediculo adhærentia. Flores secundum ramos exeunt conferti, monopetali, pelyiformes, in quatuor vel quinque partes divisi, e luteo albicantes, cum multis in medio apicibus & pistillo, quod abit in fructum seu baccam Cerasiis minoribus parem, in aliis ovatam, in aliis oblongam, gracilem, colore primum viridi, ubi maturuerit nigro, quæ sub cortice tenui testam continet unicapularem, callosam, duram, semine fetam ejusdem pene formæ, e rufo subnigricante, in duas partes fissili, odorato, acri, subamaricante, pingui. Sponte nascitur Laurus calidioribus in regionibus, Hispania, Italia, necnon & Gallo provincia, in sylvis, locis præsertim maritimis, ac etiam in montibus & collibus apricis quæ lacus & maria respiciunt. Apud nos in hortis colitur, & hyeme a frigore arceri debet. Baccæ & folia usitata sunt.

Analyti chymica, ex foliorum Lauri recentium lbv. per retortam distillatis, prodierunt humoris limpidi, foliorum odorem & saporem apprine referentis obscure acidi, cum olei essentialis portione mediocri, lbij. ℥ix. ℥vj. gr. xxvj. humoris manifeste acidi, subausteri, subadstringentis ℥v. gran. xl. humoris impen-

impense acidi, subsalfi, austeri, leviter empyreumatici, cum olei essentialis guttis aliquot ℥vj. gr. xlvij. humoris rufi, acidi, austeri, empyreumatici, fale volatili urinoso imprægnati ℥iij. ℥vj. olei empyreumatici, fusci & adiposi ℥iij. ℥vj. gr. xxiiij. Massa nigra in retorta residua pendebat ℥vij. ℥vj. gr. xxxvj. quæ rite calcinata reliquit cinerum ℥j. ℥v. gr. lxiiij. ex quibus lixivio salis fixi mere alcali ℥v. gr. iij. extracta sunt. Partium jactura in distillatione fuit ℥iij. ℥ij. gr. xlij. in calcinatione ℥vj. gr. xliij.

Lauri folia odorata sunt, saporem obtinent acrem, aromaticum, subadstringentem cum quodam amarore. In aqua per aliquot horas macerata & postea distillata oleum essenziale fundunt odoratissimum. Salem essenziale obtinent tartareum cum multo oleo tum tenui, tum crasso & pauca terra adstringente conjunctum. Baccæ vero plus odoris & saporis habent. Oleum duplex fundunt, alterum tenuius, odoratissimum, essenziale, ut ajunt, & limpidum, quod contusæ & in aqua uberrima maceratæ ac postea distillatæ suppeditant: alterum crassius quod sola expressione ex baccis contusis extrahitur, vel coctione earumdem in aquæ communis q. s. Supernatat enim decocto ebullienti, quo refrigerato in butyri consistentiam figitur & facile colligitur.

Laurus apud antiquos arbor fuit celebratissima. Triumphantes coronam Lauream gestabant, vel Lauri ramum dextra tenebant. Victoriæ nuncia erat. Nam tabernacula, naves, fasces, militum jacula, lanceæ, pilla Lauro in eam significationem ornabantur. Apollini sacram inde fabulantur Poetæ quod virgo Daphne quam deperibat in hanc arborem conversa sit. Musas in Laurinis montis Parnassi sylvis sedere finxerunt. Eadem coronabantur Poetæ. Necnon adhuc quibusdam in locis novi Medicinæ Doctores Lauro coronantur: inde fortasse Laureandi & Laureati dicuntur. Laureum fulmine non percuti veteribus persuasum fuit. Hinc Tiberius Imperator, qui tonitra prætermodum expavit & exhorruit, tonante cælo, contra fulminum ictus, nunquam non Lauream coronam capite gestavit. Verum quam hoc falsum & superstitiosa credulitate fundatum, experientiam quam affert Lacuna, elegantissimæ Lauri Romæ in palatio ducis de Castro fulmine ictæ, & plurima alia exempla ab aliis allata luculenter ostendunt. Eadem superstitione nititur observatio illa de crepitu quem folia & virgæ Lauri inter urendum edunt. Nam si crepuissent abunde ac sonantius, haud dubie portendi felicem eventum rebantur: quod si tacita deflagrassent, tristem & inauspicatum.

Laurus apud veteres Medicos magnum habuit in Medicina usum, & veluti panacea æstimata fuit: folia, baccæ & cortex radicum frequenter usurpabantur. Hodie vero baccæ & folia solum & minus usitata, cortice radicum prorsus neglecto, in Officinas inferuntur.

Folia utpote aromatica amaricantia cum nonnulla adstrictione, calefaciunt, digerunt, resolvunt, ventriculum roborant, ciborum concoctionem juvant, flatu discutiunt: hinc a recentioribus non raro cum nonnullis cibariis, præsertim piscibus coquantur, suillasque pernas coronare solent. Et tantum abest ut ventriculum subvertant, ut nonnulli opinantur, quin potius nauseabundum corroborent. Ad ventriculum roborandum, colicos dolores flatu-

lentos discutiendos eorundem infusum Theæ ad instar præscribitur, aut pulvis ad ʒj. ingeritur. Eorundem decoctum in enematis ad colicam abigendam utiliter usurpatur. Idem in Matronarum infessus & balnea additur & vulvæ fordes, vel prægnanti, tuto eluere, uteri ac vesicæ vitiis mederi dicitur.

Baccæ magis quam folia calefaciunt: a veteribus adversus phthisim, orthopnoeam, & omnes circa thoracem defluxiones sive rheumatismos commendantur: nostra ætate ad ventriculi, jecoris, lienis & vesicæ affectus usurpantur. Concoctionem crudorum humorum promovent, succos lentos, ac viscidos dividunt & resolvunt, languentem appetentiam excitant; cibi fastidium pellunt, jecoris & lienis obstructions aperiunt; urinas cient, menses movent, & ad secundinarum expulsionem faciunt.

In baccis oleum essentielle tenue & actuosum oleo crasso admodum anodyno involvitur. Unde interne ad sedandos dolores utiliter exhibetur: sed externe potenter resolvunt & roborant. In cataplasmatibus, unguentis vel emplastris apprimè conducunt ad dolores mitigandos, tumores resolvendos, partes sufficienti tono destitutas roborandas.

Oleum in Officinis quadruplex ex baccis Lauri conficitur. Scilicet 1. oleum essenziale, quod ex baccis contusis, aqua maceratis, & postea sat forti igne cum eadem aqua distillatis: oleum prodit limpidum, subtile, valde odoratum, aquæ supernatans, quod virtutibus cum ceteris oleis aromaticis convenit. Laudatur in primis interne ad flatus discutiendos, colicos dolores sedandos, passionem hysterica compescendam, & in doloribus post partum. Verum in calidis & biliosis temperaturis, & in inflammatoriis affectionibus ab eo abstinendum. Dosis a guttis iij. ad vj. Sacchari frusto affusis & postea cum liquore conveniente mistis. Adversus colicos dolores carminativis clysteribus additur. Externe illitum nervorum affectibus a frigore ortis conducit: in paralyti & ischiadicis doloribus prodest. Pubi quoque & pectini muliebri illinitur contra passiones hystericas, colicos dolores post partum, & mensium suppressionem a causa frigida.

2. Aliud oleum e baccis in aqua fervente bullitis elicitur. Integræ vel etiam tritæ baccæ, lebeti commissæ, in aquæ sufficienti quantitate per semihoram bulliunt, colantur & fortiter exprimuntur. Refrigeratumque oleum pinguedinis subviridis instar aquæ supernatans colligitur. Hoc oleum oleo essentiali minus odorum est, crassius, & viribus debilius. Oleum enim essenziale hoc in concreto adiposo cum oleo pingui in Amygdalino baccarum nucleo contento permiscetur & irretitur.

3. Aliud oleum ex baccis optime tritis & torculari fortiter expressis extrahitur priori adhuc minus penetrans, cum scilicet oleum crassius in baccarum nucleis contentum fere solum exprimatur, parum vero olei essentialis in cellulis corticum reconditi eliciatur, nisi ignis adhibeatur. Hæc ambo olea cum essentiali oleo viribus conveniunt, sed longe debilioribus. Interne ad grana decem vel duodecim præscribuntur. Sed si nimia quantitate exhibeantur, nauseam excitant. Externe frequentius usurpantur illita solitaria vel emplastris admista.

4. Tandem oleum Laurinum paratur ex baccis & foliis Lauri tritis & in oleo

omphacino maceratis & decoctis, quod prioribus longe debilius est, & raro usurpatur. Hæc olea adversus scabiem commendantur, sed nihil prosunt nisi admisto sulphure, cujus ingratum odorem emendant.

℞. Baccar. Lauri ℥j. Corticis exsiccati Aurantior. malor. ℥ij. Infunde in vini generosi ℥iiij. Infusum cum Saccharo propinetur in ventriculi imbecillitate, colica flatulenta, mensium remora.

℞. Florum Chamæmel. M. ij. Baccar. Lauri contusar. ℥ij. Bulliant leviter in aq. q. s. Colaturæ adde olei Laurini expressi ℥j. Fiat clyster in colica flatulenta.

℞. Olei Laurini expressi ℥j. Ung. martiati ℥ij. Castor pulver. ℥j. F. linimentum quo ventriculi regio illinatur in stomachi inflatione, membra paralytica, vel rheumaticis doloribus correpta inungantur, regio pubis infantum in urinæ suppressione.

Ex Lauri baccis electuarium de baccis Lauri vulgo dictum conficitur ad colicos affectus & uteri morbos commendatum, & Emplastrum de Baccis Lauri *Mesuae*. Eadem usurpantur in antidoto Orvietano, *Pb. Reg.* Aurea Alexandria, Theriaca diateffarum *Mesuae*, & confectione Anacardina *eiusdem*. Folia usurpantur in Ung. Martiato, Empl. de Betonica. Oleum Laurinum vero usurpatur in Empl. Manus Dei, Empl. *Paracelsi*. Empl. de Ranis, & Empl. Styptico *Pb. Reg.*

L E N S.

LENTIS duplex genus in Officinis, arvensis & palustris: arvensis vero species duæ distinguuntur, scilicet minor & major.

LENS arvensis minor, Lens vulgaris, *Off.* vulgaris, semine subrufo, *C.B. P.* 346. *I. R. H.* 390. Lens, *J. B.* 2. 317. *J. R. Hist.* 904. Lens minor, *Dodon.* 526. Lens vulgaris, sive agrestis, & Lenticulæ primum genus, *Tragi* 626. vulgo, *Petite Lentille*.

Planta est annua radice tenui, alba, paucis fibris donata. Caulis ei satis crassus pro plantulæ modo, dodrantalis, hirsutus, angulosus, infirmus, & procumbens, nisi in propinquo sit quod scandat, a radice statim ramosus. Folia e quorum sinibus ramuli exeunt alternatim posita, ut in reliquis fere leguminibus, quinque aut sex pinnularum mediæ costæ adnexarum conjugationibus composita, costa media in claviculam abeunte. Singulæ autem pinnulæ oblongæ, angustæ, hirsutæ in acutos apices desinunt. Ex alis foliorum exeunt furculi tenues, oblongi, duos aut tres flores gestantes papilionaceos, parvos, albentes: superius tamen folium quod vexillum, alii clypeum appellant, cæruleis intus lineolis striatum est. Ex floris calyce surgit pistillum, quod deinde abit in siliquam brevem, latam, compressam, glabram, duobus vel tribus feminibus fetam, quam pro plantulæ modo majoribus, orbiculatis, compressis, utrinque convexis, hoc est ad centrum crassioribus quam ad marginem, duris, glabris, per maturitatem flavicantibus, in aliis speciebus rubentibus: aut nigricantibus.

LENS arvensis major, *Off.* Lens major, *C.B. P.* 346. *Inst. R. H.* 390. *J. B.* *Tom. II.*

2. 317. J. R. Hist. 904. Lens, Dod. Pempt. 526. Lens Italica, *Camerar*: vulgo, *Grande Lentille*.

Lente vulgari omnibus partibus speciosior est & major, herba, foliis, flore albo, filiquis ut A semine quod Lentis vulgari duo aut tria, grana facile æquat. Utraque in arvis copiose feritur. Semina ad culinarium usum quam ad medicum sæpius advocantur.

Analyſi chymica, ex Lentium lbv. per retortam distillatis prodierunt humoris rufescentis, subausteri & obscure alcalini ℥x. humoris rufi, obscuri, acris, turbidi, tum acidi austeri, tum alcali urinosi ℥vj. ℥ij. humoris rufi, obscuri, empyreumatici, acerrimi, alcali urinosi & sale volatili urinoso copioso imprægnati lbj. ℥iiij. olei ℥vij. ℥iiij. Massa nigra in retorta residua pendebat lbj. ℥v. ℥vij. quæ rite calcinata reliquit cinerum ℥j. ℥vij. ex quibus lixivio sunt extractæ salis fixi mere alcali ℥v. Partium jactura in distillatione fuit ℥xiiij. ℥iiij. in calcinatione lbj. ℥iiij.

Lentes salem essentialem obtinere videntur vitriolico-ammoniacalem cum multo oleo crasso & spisso conjunctum.

Lentes in cibo summe olim placuisse Philosophis, priscorum monumentis constat atque etiam apud Græcos eximiam auctoritatem habuisse reperio. Ait enim Athenæus L. 4. c. 18. Stoicum dogma esse, sapientem omnia recte agere, & Lentem prudenter condire. Causa forsitan fuit, quod Philosophi rerum contemplationi addicti, de cupediis, scitamentis, & ganeatis ciborum deliciis minime fuerint solliciti. Ut enim ornatum & luxum vitabant in vestitu, sic apicianas gulæ voluptates respuebant: simplici tenuique victu, qui vitam conservaret contenti. Lentibus vescentes æquanimitem sibi conciliari asseverabant. At verisimile est priscos hanc opinionem, non tam ex hujus cibi natura hausisse, quam ex sobrietate eorum qui tam vili & parum sapido cibo vescerantur. De Lentibus enim aliter sentit tota peritiorum Medicorum schola: quæ docet crebram & assiduam *παροξυσμὸν* turbare caput, spiritus inquinare, visum obtundere, terri culamenta invehere nocturna, affectus melancholicos gignere, viscera oppilare, cancrum, lepram, scabiem, scirrhus hepatis ac lienis, calculum, & quartanas efficere, ventrem inflare atque sistere, stomachum male afficere, naturales mensium & hæmorrhoidum vacuationes impedire. Uno verbo Lens apud Medicos fere omnes habetur flatulenta, concoctu difficilis, & succi pravi, crassi, terreni, & melancholici. In Lente autem duplex substantia distinguitur, membranosa seu cortex, & medullaris quæ illius caro seu pulpa dicitur, diversarum facultatum. Cortex juxta Galenum L. 1. de Al. Fac. c. 18. austere qualitatis particeps adstringit. Pulpa austeri habet exiguum, sed succi est crassi atque terreni. Cortex alimenti est peioris: pulpa melioris. Jus primum, in quo Lens elixa fuit, ventrem solvere Galenus asserit: ideoque magis si vel sale, vel oleo, vel garo fuerit conditum. Oleum enim emollit & laxat: sal vero & garum abstergunt & expultricem ad deiciendum irritant. Jus Lentium secundo coctarum, inquit idem Galenus, juri primo contrarium est. Ut enim hoc alvum movet, sic illud eandem suppressit: ideoque accommodatum iis qui diarrhæa, dysenteria & coeliaca laborant, quoniam & sto-

ma-

machum & intestina & ventrem totum corroborat. Lens vero decorticata, seu puls ex ea expressa, ut illam adstringendi vehementiam, & ea quæ illam consequuntur amittit, sic magis nutrit quam Lens quæ cortice spoliata non est: verum succum crassum ac pravum gignit, tardeque descendit, non tamen alvi fluxus deficiat sicut Lens cui cortex non est ademptus. Nostrates pelli maxime Lentis vitia putant, si cum optimis carnibus excocta assumatur. Rarius in mensas nobiliorum venit apud nos. Rura in quibusdam tractibus Galliæ eam in usu frequentiori habent. Ex his panis aut rarissime, aut nunquam tentatus, propter ariditatem & quia est summe friabilis.

In variolis & morbillis curandis cum decoctum Lentium passim apud Medicos Arabes maxime commendatum, etiam apud multos in usum veniat, & ab aliis non imperitis Medicis damnetur, non abs re esse credidi, quid de earum usu his in ægitudinibus sentiendum sit hic differere. Inter eos qui Lentium usum in cura variolarum & morbillorum rationibus quibusdam stabiliunt cum primis elucet Avicenna qui *L. 4. sect. 1. Tract. 4. cap. 10.* Lentescor-ticatas una cum aliis quibusdam simplicibus, Lacca, Caricis, Tragacantho, & in principio statim, cum ebullitio & effervescentia sanguinis adhuc vi- get, & in progressu quando materia ad cutem abire incipit, usurpat. Avi- cennam sequuntur ex neotericis plurimi: Mercurialis *L. 1. de Morbis Pueror. c. 2.* Augenius *L. 10. de Febris, c. 9.* Antonius Portus *L. 4. de Variolis ac Mor- billis, c. 22.* Lazarus Riverius *Prax. Med. de Variolis & Morbill.* Liddelius *L. 3. de Febris, c. 9.* Paræus *L. 19. c. 2.* Campilongus *L. 1. De Variolis, c. 45.* alique multi: qui tamen in Lentium præparatione & exhibendi tempore inter se discordant. Etenim quidam eas offerunt in principiotantum, priusquam va- riolæ ac morbilli erumpant; alii in augmento, ut eruptionem juvent; nonnulli decoctum duntaxat propinant; aliqui etiam substantiam cum decocto porri- gunt; rursus quidam coctas cum cortice; alii cortice exutas præbent.

Commendant autem Lentescor-ticatas ob varias causas. Mercurialis eas dat, cum cor- pora laborant cachexia aquosa; motus monito Galeni, quod habetur *L. 1. de Alimentor. facultatibus, cap. 18.* ubi dicitur, Lentem in cibo utiliter iis so- lum offerri, quibus aquea in carnibus est cachexia: nimirum ut excrementitia humiditas consumatur. At variolas & morbillos ab ichore aquoso provenire Mercurialis asseverat. Verum acetum illis admiscet ut crassities Lentium inci- datur atque attenuetur. Liddelius Lentescor-ticatas præbet ut intestina defendant: Cam- pilongus ut materia expellatur ad cutem: Augenius non solum ut materia abeat ad cutem, sed ut viscera roborentur, calor febrilis mitigetur, al- vus subducatur: Paræus utitur Lentibus, ut fauces, laryngem, aliaque interanea a postulis & alvi fluxu defendant: Antonius Potus & Lazarus Rive- rius *Prax. Med. de Variol. & Morbill.* Lentescor-ticatas offerunt, ut sanguinis ebul- litio primis diebus minuatur, interiora corroborentur, materia ad cutem protrudatur. Alii plurimi practici de Lentibus in variolarum curatione ne men- tionem quidem faciunt, ut Vidius *L. 6. de Curatione generatim, c. 6.* Fuchsius *L. 5. de Med. Morbill c. 9.* Casp. Hoffmann. *L. de Med. Offic. S. Pauli, Quadr. Botan.*

At alii, ut Cardanus, *L. 2. De tuend. sanit. c. 12.* Amatus Lulianus, in *L. 2.*

Dioscorid. enarration. 101. Joann. Bapt. Sylvaticus *Controvers. Med.* 92. Ranchinus *Tract. de Morb. Pueror.* L. 2. C. 1. Ludov. Septalius *Animadversion. & caution. medicar.* L. 5. *de Febris*; Melchior Sebizius *De Alimentis* a Lentibus plane abhorrent. Eas neque ut alimenta neque ut medicamenta in variolis & morbillis neque in pestilentibus morbis convenire pronuntiant. Non ut alimenta, quoniam ut supra ostendimus, stomachum gravant, ægre concoquantur, pravam sanguinem generant, uno verbo naturæ molestæ sunt, eamdemque in expellenda variolarum materia faciunt tardiores. Non etiam ut medicamenta conducunt; quia sanguinem incrassando, viasque per quas ad cutim meare tenetur, oppilando, variolarum & morbillorum eruptionem impediunt; quæ tamen omnibus modis promovenda est, jubente Avicenna, aut saltem non inhibenda, juxta Hippocratis *Aphor.* 20. S. 1. „ Quæ judicantur & „ judicata sunt perfecte, neque movere oportet, neque innovare, siue purgantibus, siue aliis irritamentis, sed sinere. Et *Aphor.* 21. S. 1. Quæ ducere „ oportet, quo maxime vergant, eo ducenda, per loca convenientia. “ Frustra vero proferunt Lentium defensores, eas adstrictione sua viscera roborare, & proinde expulsionem materiæ morbificæ ad emunctorium universale totius corporis, cutim nempe juvare. His respondemus, quod si aliquando viscera adstrictione & roboratione indigent, illud non efficiendum Lentibus, edulibus pravis & naturam gravantibus, sed aliis quæ meliora & naturæ magis amica sunt & id citra noxam præstare possunt, ut sunt radices Tormentillæ, Bistortæ, Pentaphylli, Contrayervæ, Rosæ rubræ, Corallia, &c.

Externe Lentæ in cataplasmatibus ad multa adhiberi solebant a veteribus. Hodie rarius adhibentur. Discutiunt & resolvunt. Lentium decoctum primum nonnullis variolarum pustulis adhibetur ad cutim laxandam, emolliendam, & pustularum suppurationem promovendam, earum ardorem & dolorem compescendum.

LENS palustris & Lenticula palustris, *Off.* Lenticula palustris vulgaris, *C. B. P.* 362. Lens palustris, *J. B.* 3. 784. & *J. Raii Hist.* 117. Lens lacustris *Dod. Pempt.* 587. vulgo, *Lentille d'eau ou de marais.*

Stagnantium aquarum incola eisdem innatat, veluti muscus quidam viridis, totam earum superficiem densissimo foliorum minimorum, inferne nigricantium, superne virentium, nitidorum, orbiculatorum, Lentisque modo compressorum, stipatu obtegens, quæ inter se capillamentis tenuissimis, & albis arcte revinciuntur, iisdemque ceu radicibus e limo adhærescente alimentum hauriunt. In lacubus, urbium fossis & aliis stagnantibus aquis innatans & late sæpe earum superficiem occupans reperitur. Flores & fructus, quibus carere videtur, nondum detecti sunt.

Analyti chymica, ex Lenticulæ palustris recentis ℥v. per retortam distillatis prodierunt humoris limpidi, sapore & odore herbam virentem referentis, obscure subsalsi ℥vij. ℥ij. gran. xxxvj. humoris limpidi, sapore herbaeo, subsalsi ℥ij. ℥xij. gran. xxiiij. humoris limpidi, subsalsi & leviter alcali urinosi ℥ij. ℥vj. gr. xij. humoris fusci, empyreumatici, sale volatili urinoso copioso imprægnati ℥vij. salis volatilis urinosi concreti gr. xij. olei spissi syrupi ad instar ℥vj. Massa nigra in retorta residua pendebat ℥ij. ℥v. quæ

rite calcinata reliquit cinerum cærulescentium ℥ij. ℥iiij. gr. xxxvj. ex quibus lixivio salis fixi mere alcali ℥v. gr. xlvij. extracta sunt. Partium jactura in distillatione fuit ℥j. ℥ij. gr. lx. in calcinatione ℥j. gr. xxxvj.

Lenticula palustris salem essentialem obtinet nitroso-ammoniacaalem cum oleo & multo phlegmate conjunctum.

Externe tantum usurpatur, incidit, resolvit, refrigerat, & dolores demulcet. Unde inflammationibus podagræ a causa calida, & ignibus sacris convenit, sub forma cataplasmatiis imposita. Ad hæmorrhoidum dolorem compescendum Lenticulæ palustris duo manipuli cum Myrrhæ pulveratæ semuncia simul permixti in sacculo lineo includuntur, & liquore ex eodem sacculo stillante hæmorrhoides dolentes foventur.

J. Rajus pro secreto ad icterum infusionem Lentis palustris in vino albo per novem dies quotidie mane ad ℥vj. pro dosi haustam proponit.

Lenticula palustris hernias intestinorum in pueris admota agglutinare dicitur. Ea vescuntur anates magna cum voluptate.

L E P I D I U M.

LEPIDIUM duplex in Officinis usitatum, Lepidium vulgare & Lepidium hortense sive Iberis.

LEPIDIUM vulgare, *Off.* Lepidium latifolium, *C. B. P.* 97. *I. R. H.* 216. *J. R. Hist.* 828. Lepidium Pauli, *J. B.* 2. 940. Lepidium Plinii, *Dodon. Pempt.* 716. Piperitis sive Lepidium vulgare, *Parkinson.* Raphanus sylvestris Officinarum, *Adv. Lobel. Icon.* 308. Raphanus sylvestris Officinarum, Lepidium Æginetæ Lobelio, *Gerard.* vulgo, *Passerage.*

Radix digitali crassitudine & major, albida, gustu acri & calido, sed qui subito evanescit, sub terra reptat. Caules emittit plures, bicubitales, teretes, læves, medulla farctos, ramosos, minimo digito minores, glauco quodam polline qui facile detergi potest obductos. Folia longa, lata, in acutum desinentia, mali Citriæ similia, sed sæpius majora, molliora, glabra, pingua, obscurius virentia, per margines ferrata, alternatim adnata: quæ e radice exeunt & in imo caule sunt pediculis longis suffulta. Flores in summis caulibus & ramulis pro plantæ proportionem minimi, cruciformes, quatuor petalis candidis constantes, conferti & copiosi, pediculis tenuissimis insident: ex quorum calyce surgit pistillum, quod deinde abit in fructum minutissimum, compressum, lanceiformem, apice acuto, septo intermedio, cui valvæ adhærescunt, in duo loculamenta divisum, seminibusque fetum exiguis, oblongis, rufis. Totæ planta acri sapore donatur. In fluminis Matronæ insulis uberrime crescit. Radices & folia in usum veniunt.

Analyti chymica, ex totius plantæ florecentis, demptis radicibus, ℔v. per vaporarium distillatis prodierunt humoris limpidi, sapore leviter acri pungente, obscure salis ℔j. ℥vij. humoris limpidi, obscure acidi ℔ij. ℥vj. ℥v. Massa residua per retortam distillata præbuit humoris rufescentis, leviter empyreumatici, tum subacidi, intense austeri, tum salis ℥ij. ℥iiij. humoris rufi, alcali urinosi & sale volatili urinoso copioso imprægnati, cum salis volatilii concreti granis aliquot ℥j. ℥vij. olei adiposi ℥ij. ℥v. gr. xvij.

Massa

Massa nigra in retorta residua pendebat ℥vj. ℥vj. quæ per horas octo in crucibulo calcinata reliquit cinerum ℥ij. ℥iij. ex quibus salis fixi salis ℥j. gr. xxiiij. cum paucâ terra talcosa, lixivio sunt extracta. Partium jactura in distillatione fuit ℥ij. ℥iij. gr. liiij. in calcinatione ℥iij. ℥iij.

Lepidii succus chartam cæruleam rubro colore tingit. Tota planta sapore donatur acri aromatico ad Piperis & Sinapeos saporem accedente. C. Tournefortius salem ejus essentialem terræ foliatæ tartari haud dissimilem arbitrat. Hunc ego vitriolico ammoniacalem cenfeo, cum oleo tenui acri & oleo crasso conjunctum.

Hæc planta viscidos corporis succos potenter incidit, hepatis & splenis obstructions aperit & ab Ettmullero inter primaria antiscorbutica medicamenta numeratur, ejus folia pro acuendis aquis, spiritibus & essentiis antiscorbuticis ceteris plantis antiscorbuticis adjungit. Cum spiritu vini ejus folia distillantur & essentiam præbent antiscorbuticam insignem. Præterea stomachicum est medicamentum egregium, quatenus pituitam viscidam ventriculi parietibus adhærentem incidit ac dividit. Folia jejuno ventriculo masticata languentem appetitum excitant & ciborum concoctionem juvant. Hypochondriacis medetur affectionibus quæ ab humoribus lentis ac viscidis in primis viis latitantibus dependent, eos incidendo & abstergendo.

Coqui apud Danos, narrante S. Pauli, Lepidii succum expressum aceto miscere solent, vel ejus folia minutim concisa aceto inspergunt, ad intinctus carniū affatarum ex iis parandos.

Lepidii folia exsiccata & pulverata ad ℥ß. ex vino sumpta quotidie mane, jejuno ventriculo, urinas mire provocant & hydropicis conducunt.

Externe folia vel radices recentia cum butyro vel axungia trita ischiadicum dolorem levant. Inter rubefacientia medicamenta recensetur; cutim enim irritando & vellicando, sanguinem, spiritus & humores e profundo ad cutis superficiem potenter attrahit.

LEPIDIUM hortense, Iberis, *Off.* Lepidum gramineo folio, sive Iberis, *Inst. R. H.* 216. Iberioris latiore folio, *C. B. P.* 97. *Parkins.* & *Gerar. Emaculat.* Iberis, *J. B.* 2918. *Dod. Pempt.* 714. Lepidium hortense, *Anguillar.* Iberis cardamentica, *Advers. Lobel.* vulgo, *Passerage sauvage, Cresson sauvage.*

Statim e radice alba, lignosa, mediocriter crassa, paucis fibris donata, plures profert caules, dodrantes & altiores, duros, frequentibus alis, concavos, Folia quidem prima longis pediculis appensa, semiunciam lata, duas tresve uncias longa, per extremum ferrata: superiora vero & quæ in caulibus ramisque, Linariæ foliis paria, angusta, acuta, nullo pediculo donata, nec crenula incisa. Flores extremis ramulis coacervati hærent candidi, tetrapetali, cruciformes, prioris Lepidii similes, sicut & fructus seminaque. Sapor omnibus plantæ partibus fervidus Nasturtii. In incultis, ruderalis & secus vias in meridionalibus Galliæ regionibus frequens nascitur. Hic in hortis colitur.

Iisdem principiis, virtutibusque cum priori convenit, & in ejus locum substitui potest. Commendatur potissimum ad dolorem ischiadicum. Radix recens contusa magna copia cum modica axungia, adhibetur toti cruri & maxime

coxendici: finitur per quatuor horas, deinde aufertur & crus in balneo ponitur post inungendum ex oleo & vino, ac demum terfa pinguedine & sudore, tegendum molli lana ut æger ambulet.

LEVISTICUM.

LEVISTICUM, Ligusticum foliis Apii, *Off*: Angelica montana perennis, Paludapii folio, *Inst. R. H.* 313. Ligusticum vulgare, an Libanotis fertilis Theophrasti, *C. B. P.* 157. Ligusticum vulgare, foliis Apii, *J. B.* 3. *P.* 2. 122. Levisticum vulgare, *Dodon. Pempt.* 311. *Gerard. Parkins. J. Raii Hist.* 437. Laserpitium, *Ang.* Hipposelinum Matthioli, *Lugd.* 703. Smirnum, *Lacun.* Laserpitium Germanicum, *Lobel. Icon.* 703. vulgo, *Livesche* ou *Ache de montagne*.

Ab una radice grandi, torosa seu carnosa, restibili, foris nigricante, intus alba, plures non raro assurgunt ad hominis altitudinem proceri ac geniculati caules, crassi, interius inanes, striati, in ramulos nonnullos subinde divisi. Frondes pedales & ampliores, ex pluribus foliorum alis rursus divisorum constant, quorum extremæ divisiones ad folia Apii palustris aliquatenus accedunt, sed longe majores, marginibus incisæ, læves admodum ac resplendentes, obscure virentes, odore valido. Rami ut & summus caulis umbellas gerunt amplas florum rosaceorum, quinque petalis luteis ut plurimum constantium, in orbem positis & insidentibus calyci qui deinde abit in fructum ex duobus seminibus compositum oblongis, crassiusculis, Apii semine majoribus, hinc gibbis & striatis, inde vero planis, sordidi coloris. Tota stirps odorem fortem aromaticum & medicamentosum spirat, sed semen graveolentius est. In hortis colitur. Tota planta in usum venit sed præsertim semen & radix.

Analyti chymica Levistici radices & semina plurimum olei tum tenuis essentialis, tum crassioris empyreumatici, humorem tum acidum, tum alcali urinosum, perparum salis volatilis urinosi concreti, & parum terræ præbuerunt. Saporem obtinent acrem, aromaticum, subdulcem, odorem fragrantem non injucundum. Salem continent ammoniacalem multo oleo tenui & acri implicitum.

Levisticum alexipharmacum est, carminativum, diureticum, uterinum & vulnerarium. Nonnulli jubent radicem in aceto macerari & masticari contra aerem infectum. Ventriculum roborat, ciborum concoctionem juvat, flatus discutit, viscidos humores attenuat, colicos dolores sedat, asthmatici subvenit, hepatis & lienis obstructions reserat, in ictero specificè laudatur, præprimis quando a bile viscidiorè ortum habet. Cunctantibus a partu lochiis medetur, fetum mortuum & placentam retentam ejicit. Radix pulverata ad ʒß. vel ʒj. exhibetur. Semen iisdem pollet virtutibus & a ʒj. ad ʒß. præscribitur. Forestus pro secreto habuit succum foliorum Levistici recentium in secundinis retentis: ad ʒiij. solum vel cum aqua Artemisiæ propinabat. Hyeme vero semen in aqua Artemisiæ ad ʒß. contusum & aliquantisper ebullitum præscribit, & colaturam propinat. Foliorum Levisti vires luculento exemplo

plo a Gabelchovero comprobantur. Honestissima quædam matrona, cum ex terrore filii in venatione interfecti menses subito sisterentur, folia tantum pauca Levistici comedit. Unde, cum antea insigni dolore lumborum & uteri torqueretur, statim dolor omnis fuit mitigatus. Inde quoties menstruæ purgationes sibi fuerunt suppressæ, iisdem usa est cum felici successu.

℞. Semin. Levistic. contus. ℥℥. Contunde in folior. Levistici succi recenter expressi q. s. vel ℥iij. Macerentur per noctem. Fiat colatura mane propinanda ad retenta lochia.

℞. Radic. Levistici ℥℥. Radic. Mei, Zedoariæ, Zingiberis ana ℥ij. Cinnamon. ℥j℥. folior. Absinth. Meliss. ana M. j. cortic. Aurantior. Citrior. ana ℥℥. Affunde vini generosi q. s. ad eminentiam trium transvers. digitor. Digerantur per novem dies. Fiat colatura bis in die propinanda ad ℥iij. in ictero a bile viscidior.

Extrinssecus ejus usus est in balneis, cataplasmatibus utero & ureteribus dicatis, in emplastris vulnerariis.

Semen, narrante Ettmullero, intro sumptum, vel solum vel tum aliis medicamentis mistum urinam nigro colore tingere dicunt.

Radix usurpatur in syrupo de Artemisia *Fernelii*. Folia in emplastro Diabotano D. Blondel. *Collect. pharm.*

L I C H E N .

DUÆ sunt plantæ sub Lichenis nomine in officinis usitatæ. Lichen Petræus dictus sive Hepatica fontana de quo sub nomine Hepaticæ jam actum est; & Lichen arboreus seu Pulmonaria arborea de qua sermō est.

LICHEN arboreus, Pulmonaria arborea, *Off.* Licheo arboreus sive Pulmonaria arborea, *I. B.* 3. 759. Muscus Pulmonarius, *C. B. P.* 361. *Lobel. Icon.* 248. *J. Raii Hist.* 116. Pulminaria, *Dodon. Pempt.* 474. *Tragi* 524. Pulmonaria fungosa, *Lugd.* vulgo, *Pulmonaire de Chene.*

Annosis Quercuum, Fagorum, Abietum, aliarumque sylvestrium arborum caudicibus innascitur in opacis ac densis sylvis, Hepaticæ fontanæ similis, sed major per omnia, squamato foliorum sibi invicem multipliciter implicatorum incubitu, ineffabili laciniarum variatione, profundiorum quam in Hepatica, aridior, asperior, corii fere modo densus lentusque, tota forma pulmonem exficcatum aliquo modo referens, qua arborum cortici hæret albicans, altera vero parte virens, sapore amaricante non sine adstrictione. Flores ejus fructusque nondum innotuerunt. Observatur etiam adhærens saxi coacervatis in umbrosis jacentibus. Qui Quercubus adhæret vulgo colligitur, nonnulli tamen eum qui Abietibus annosis adnascitur Quercino anteponunt, ob resinosas quasdam partes quas a matre sua mutuari credunt. In sylvis San Germaniacis & Fontis bella quei reperitur.

Analyfi chymica, ex Pulmonariæ quercinæ ℔v. per vaporarium distillatis prodierunt humoris limpidi, odore & sapore ingrato fungorum odorem referentis, obscure salsi ℥xij. gr. xlvij. Massa superstes per retortam distillata præbuit humorem rufescentem leviter empyreumaticum, obscure subsalsum, obscure subacidum & austerum ℥x. ℥j. humoris empyreumatici, rufi, obscure subsalsi, obscure

obscure acidi, impense austeri ℥xiiij. gr. xxviij. humoris empyreumatici, rufescentis, urinosi, sale volatili urinoso copioso imprægnati ℥j. ℥viij. gr. xxxvj. olei fluidi ℥viij. ℥j. gr. lx. Massa nigra in retorta residua pendebat ℔j. ℥v. ℥viij. Rara erat, levis & ignariam fungosam materiam referebat qua ad ignem excitandum utuntur, vulgo, *Amadou*, dictam. Hæc massa pruna candente accensa paulatim (intra 10. horarum spatium) in cineres fuscios redacta fuit, qui ℥v. pendebant. Cineres illi iterum in crucibulo per sex horas calcinati leucophæi facti sunt & ℥ij. ℥iiij. gr. xlvij. pondus reliquerunt: ex his salis fixi salis ℥j. gr. xl. lixivio sunt extracta. Partium jactura in distillatione fuit ℥xij. ℥v. gr. xliij. in calcinatione ℔j. ℥iiij. ℥ij. gr. xxiiij.

Lichen sapore amaro adstringente donatur. Salem essentialem obtinet vitriolico-ammoniacalem multo oleo crasso & terra implicitum.

Siccat & adstringit: unde sanguinem profluentem compescit, vulnera recentia glutinat, alvum ac menses sistit. Dodonæus refert pastores & Mullo Medicos quosdam hujus pulverem, addito sale, utiliter ovibus & aliis pecoribus ruffientibus & difficiliter respirantibus exhibere. Prodesse hinc & hominibus posse crediderunt. Ad pulmonis ulcera sanguinisque sputationem perquam utilis deprehenditur. Pulvis exhibetur ad ℥j. Decoctum vel infusum ad ℥vj. Angli, narrante J. Raio, ad phthisim & tabem eo utuntur non sine successu, confecto ex eo pulvere, syrupo, aut aqua distillata.

Lichenem qui Quercui innascitur in ictero omnium Medicorum solertiam eludente efficax remedium esse Jacobus Breynius scribit multis experimentis comprobatum, *In Ephemeridibus Germanicis ann. III. observat. 290.* & potissimum curatione cujusdam matronæ Andreæ Golii mercatoris uxoris ictero pene biennium conflictatæ. Corpore prius purgato de hoc musco accepit manipulum unum cum libra una cerevisiæ secundariæ. Hæc simul in olla rite occlusa ad dimidium decoxit: postea tredecim cochlearia tepida mane atque vesperi hausit, & intra quinque aut sex dierum spatium curata fuit.

℞. Pulmonar. arboreæ, folior. Tussilag. ana M. j. Liquir. ras. & contus. ℥j. Coq. & bulliant in aq. comm. ℔jss. ad ℔j. Colaturæ adde syrup. de Hedera terrestri ℥j. Dividatur in quatuor doses, quarta quaque hora propinandas. In hæmoptoe aut pulmonum exulceratione.

Externe Lichen exsiccatus & pulveratus vulneribus inspersus sanguinem sistit.

L I G U S T I C U M.

SUB LIGUSTICI nomine duæ plantæ in officinis occurrunt, Ligusticum vulgare foliis Apii seu Levisticum de quo jamjam egimus, & Ligusticum quod Seseli, *Off.* de quo nunc agemus.

LIGUSTICUM, Seseli & Siler montanum, *Off.* Ligusticum quod Seseli officinarum, *C. B. P.* 162. Seseli sive Siler montanum, vulgare, *J. B.* 3. *P.* 2. 168. Siler montanum, *Dodon. Pempt.* 310. Siler montanum officinarum, *Lo-bel. Gerard. Raii hist.* 439. vulgo, *Livesche*, *Seseli commun*, *Sermontaine*.

Radix magna coma infimum caulem ornat, rugosa, digitali crassitudine, albi-

albida, odorata, in altum descendens. Caulis tenuis, geniculatus, ramosus, humanam superat altitudinem, caulem ramososque frondium pediculi palmares aut sesquipalmares amplectuntur, in alas oppositas divisi, quorum segmenta extrema, terna fere semper ab uno pediculo cohærent. Trifolii aut Meliloti foliorum instar, oblonga, latiuscula, mucrone leviter obtuso, non-nihil, si confricentur, odorata, umbellæ latæ, amplæ flores rosaceos proferrunt quinque petalis constantes candidis, in orbem positis & insidentibus calyci qui abit in fructum oblongum ut Fœniculi sed longiorem & crassio-rem, compositum ex duobus seminibus oblongis, hinc gibbis & sulcatis cum liris (a) veluti foliaceis, inde vero planis, sapore acri subamaro, aromatico veluti ex corticibus Aurantiorum & Cymino misto. In meridionalibus Galliæ regionibus sponte nascitur. Hic colitur in hortis. Semen in usum venit.

Analyſi chymica, Ligustici semen præter humorem tum acidum tum alcali urinosum, non mediocrem olei essentialis tenuis acris & olei crassi empyreumatici portionem præbet.

Humores crassos ac viscidos dividit, ciborum concoctionem juvat, flatus dissipat, urinam & menses promovet, doloribus post partum medetur, nephriticis subvenit, arenulas pellit. Pulvis ad ʒß. exhibetur, vel iusculum in vino. Dauci & Seseleos Massiliensis seminibus substituitur quibuscum viribus convenit, sed inferioribus, utpote acrius & minus fragrans.

Ligustici semen usurpatur in Electuar. de baccis Lauri.

L I G U S T R U M.

LIGUSTRUM, *Off.* Ligustrum, *J. B.* I. 528. *Inst. R. H.* 596. & *J. Raii Hist.* 1603. Ligustrum Germanicum, *C. B. P.* 475. Phillyrea, *Dod. Pempt.* 775. vulgo, *Troesne*.

Frutex est arborescens, radices hinc inde per obliquum spargens, crebris virgis lentis & in ramos divisis constans, cortice cinereo obtectis, materie albida, dura. Folia bina ad verso situ ex intervallis oriuntur, oblonga, angusta, figura ad Salicis folia quodammodo accedentia, sed breviora crassioraque, atrovi- rentia, lævia, nitentia, gustu acri & subamaro non sine adstrictione. Flores in ramorum summis profert, racematim congestos, monopetalos, infundibuliformes, in quatuor, quinque vel sex partes divisos, candidos, suaviter olentes, quorum in medio surgunt apices ex luteo herbidi & pistillum viride, quod abit in fructum seu baccam mollem, fere globosam, Juniperinis æqualem, lævem, initio virentem, per maturitatem nigricantem, succi plenam amari ac injucundi, quamvis nonnullis aliquid dulcedinis habere videatur, seminibusque fetant ut plurimum quaternis hinc gibbis, inde compressis, cortice spadiceo, carne exalbida, digitorum levi pressu fragilem. In sylvis, vepretis & sepibus frequens nascitur. Frutex propter lenta & flexibilia vimina, surculosque densos, & folia hilare virentia ad topiarias scenas expetitur, quas non ineleganter con- vestit. Folia, flores & fructus in usum medicum veniunt.

Analyſi chymica, ex Ligustri florum ℥iiij. ʒv. per vaporarium distillatis pro-
die.

(a) Lira S. lion, crete ou arrete.

prodierunt humoris primum odorati, obscure subacidi, deinde inodori, manifeste acidi, & subausteri, ℥ij. ℥x. ℥iij. per retortam vero humoris tum acidi, subausteri, tum falsi & alcali urinofi ℥vij. ℥v. olei spissi ad instar syrupi ℥iiij. ℥vj. gr. xxxj. Massa nigra in retorta residua pendebat ℥viiij. ℥iiij. quæ per 25. horas calcinata reliquit cinerum ℥j. ℥iij. gr. xij. ex quibus lixivio salis fixi mere alcali ℥iiij. extractæ sunt. Partium jactura in distillatione fuit ℥v. ℥v. gr. xlj. in calcinatione ℥vij. gr. lx.

Ex Ligustri summis ramulis foliosis virentibus & recentibus ad ℥v. per retortam distillatis prodierunt humoris primo limpidi inodori & insipidi, deinde subrufescentis & subacidi ℥ij. ℥xiiij. ℥v. gr. lxxvj. humoris rufi, empyreumatici, impense austeri ℥ij. ℥vij. gr. xxxvj. humoris rufi tum impense acidi, austeri, tum falsi, alcali urinofi, ℥xij. olei spissi, aqua gravioris ℥iiij. ℥iiij. gr. xxxvij. Massa nigra in retorta residua pendebat ℥ix. ℥ij. gr. xlij. quæ rite calcinata reliquit cinerum ℥iij. gr. xxx. ex quibus salis fixi mere alcali gr. xlij. lixivio sunt extracta. Partium jactura in distillatione fuit ℥viiij. ℥iij. gr. xxxv. in calcinatione ℥viiij. ℥vij. gr. xij.

Ligustri folia amara sunt & styptica, chartam cæruleam subrubram efficiunt: flores vero & fructus eandem magis rubram reddunt. Salem essentialem tartareo-aluminosum obtinent multo oleo implicitum. Idem sal in floribus magis evolutus est & magis ad ammoniacum vergit, plus enim humoris urinofi præbent: unde folia magis adstringunt, flores vero magis abstergunt.

Interne vix aut rarissime in usum veniunt. Succus tamen florum & foliorum ad ℥iiij. aut eorundem decoctum ad ℥vj. vel octo commendantur a nonnullis adversus hæmopthysim, hæmorrhagias quascunque & album mulierum fluorem.

Externe utiliter usurpantur in oris exulceratione, inflammatione & excoriatione faucium & uvulæ, uti contra ejus laxationem & procidentiam, item in aphthis exulceratis faucium & ulceribus gingivarum sub gargarismatis forma. In scorbutica gingivarum laxitate decoctum foliorum & florum cum aqua ferrariorum cum tantillo aluminis in ore detentum admodum juvat, necnon in pudendorum excoriationibus & ulcusculis. Ettmullerus ad faucium excoriationes & ulcera, foliorum & florum decocto Robnucum diluit, vel tincturam Bellidis & rosarum addit. Simon Paulli ad narium ulcuscula sequens medicamentum commendat.

℞. Aquar. stillatitiar. Ligustri, Solani ana ℥j. Sacchar. candi ℥ß. Sacchar. saturni ℥j. Caphuræ gr. vij. Misce. abluatur ulcus.

℞. Decoct. folior. & flor. Ligustr. ℥viiij. Mellis rosati ℥j. sp. Vitrioli guttas xx. Fiat gargarisma in faucium exulcerationibus, & aphthis.

In Ephemeridibus German. ann. 4. append. p. 35. referunt mulierem quamdam oleum parare ex floribus Ligustri in vitro soli expositis cum olei olivarum tantillo, qui colliquati in balsamum vertebantur, quo in Italia magna fama utebatur ad scrophulas & ulcera quævis putrida.

L I L I U M .

LILIUM candidum, *Off.* Liliū album, vulgare, *J. B.* 2. 685. *Inst. R. H.* 369. Liliū album, flore erecto & vulgare, *C. B. P.* 76. Liliū candidum, *Dodon. Pempt.* 197. Liliū album Gerardi, *J. Rati Hist.* 1109. Ambrosia five Liliū album Nicandri, *Anguillar*: vulgo, *Lis blanc*.

Ex radice bulbosa, ex plurimis squamis carnosis simul unitis & axi affixis constante, & subtus fibris quibusdam donata, caulem surrigit rectum, cubitalem & sesquicubitalem, singularem, teretem: cui ab imo ad summum adnata folia nullo pediculo, oblonga, & latiuscula, carnosā, lævia, in herbaeo & diluto virore splendentia, versus summum caulem sensim minora & angustiora, odore carnem Vervecinam elixam, si digitis fricentur, quodammodo referentia. Flores in scapo serie quadam plures, non eodem tempore panduntur pulchri, candidi, odorati, senis, pinguibus repandis foliis campanam vel calathum quodammodo imitantes, quorum meditullium occupat pistillum longiusculum, trisulcum, ex albo viridans & stamina, foliis numero & colore paria, quibus apices insident crocei. Pistillum abit deinde in fructum oblongum, trigonum, in tria loculamenta divisum, seminibusque fetum subruvis, quasi marginatis, gemina serie sibi incumbenribus. Succo lento & glutinoso folia, caules & bulbi redundant. Ad hortorum ornamentum, ob elegantiam formæ & suavitatem odoris eximiam apud nos colitur. In Syria sponte nasci dicitur. Flores & bulbi ad medicos usus adhibentur.

Analyſi chymica, ex bulbis præter phlegma primo insipidum & inodorum, deinde subsalsum, empyreumaticum, tum acidum, tum alcali urinosum, nonnihil salis volatilis urinosi concreti, parum vero olei, salis fixi & terræ extractum fuit.

Ex floribus vero humor primum odoratus, deinde acidus & nonnihil subsalsus & urinosus subauſterus extractus fuit: parum vero olei & salis fixi mere alcali.

Liliorum bulbi succo mucoso abundant: salem obtinent ammoniacalem multo phlegmate dilutum, & cum mediocri conjunctum portione olei quocum sal ille mucaginem constituit blandam, a qua vis eorum præcipua pendet. In floribus tenuior est mucosa illa substantia.

Liliorum floribus vis anodyna. Externe tantum, rarissime interne usurpantur. Dolores demulcent, digerunt & maturant; unde in cataplasmatibus emollientibus, demulcentibus, maturantibus & suppurantibus nonnunquam adhibentur, necnon etiam in decoctis emollientibus pro clysteribus. Oleum in officinis ex floribus per insolationem paratum servatur. Dicitur oleum Liliorum vel Lirinum, crinum & susinum. Cavendum ne diutius flores in oleo relinquantur: cum enim tota planta turgeat succo mucagineo, facile putrescunt, & oleum jam redolet non Lilia, quæ prima bonitatis nota est, sed grave & foetidum quid. Sufficit igitur triduum, quo exacto, alii imponentur flores, tum denique iterum alii. Sufficit enim tertium repetiisse. Illud oleum frequentissimi est usus in doloribus & tumoribus quibuscunque.

Tensa remittit, dura emollit, dolores sedat. Speciatim ad uteri duritiem emolliendam commendatur. Digerit etiam & maturat; unde in cataplasmatibus emollientibus, aut maturantibus adjicitur ad consistentiam ipsis conciliandam, vel pars affecta hoc oleo prius inungitur quam cataplasma admoveatur.

Ex Liliorum floribus aqua odora per baln. mariæ distillatur. A nonnullis ad partum juvandum & secundinas pellendas commendatur intus sumpta. Ab aliis in pulmonum affectibus, asthmate & tussi præscribitur. Sed frequentioris est usus externi ad virguncularum faciei nitorem conciliandum, & maculas ejus detergendas. Ad id enim utilis est, si præsertim salis tartari tantillum in ea dissolvatur.

Bulborum usus internus nullus est, aut rarissimus, externus frequentissimus cum sit ex primariis emollientibus, maturantibus & suppurantibus. Hinc nullum fere cataplasma ad abscessuum maturationem & suppurationem promovendam conficitur cui recentes Liliorum alborum bulbi cocti non admisceantur.

℞. Bulbos Lilior. albor. n. iij. Radicum Althææ minutim incisar. ℥iij. Folior. Malvæ, Althææ, Senecionis, Violaria, Parietar. & Brancæ ursinæ ana M. j. Coquantur ex arte in aq. comm. q. s. ad putrilaginem usque; deinde contendantur in mortario marmoreo & per cribrum trajiciantur. Pulpa secreta cum farinæ Lini, Fœnu-Græci & olei Liliorum ana ℥iij. coq. igne lento assidue agitando ad debitam spissitudinem pro cataplasmate emolliente & maturante.

℞. Bulbos Lilior. albor. sub cineribus coctos & contusos n. ij. Folior. Oxalidis M. ij. cum axungia porcina q. s. coctos ad debitam spissitudinem. Misceantur pro cataplasmate suppurante.

Nonnulli ad ambusta commendant cataplasma ex bulbis Liliorum sub cinerem coctis, contusis & cum oleo nucum mistis.

Guillelmus Goderus Elisabethæ Reginae Chirurgus, referente Gerardo, multos hydrope laborantes sanavit bulborum Liliorum alborum succo cum farina hordeacea mista; pane scilicet ex istiusmodi massa confecto, ægro per mensem aut sex hebdomadas continuas exhibito: quo solo & non alio pane per totum id tempus vesceretur.

Antheræ seu flavi staminum apices a nonnullis laudantur ad menses provocandos, ad partum accelerandum, fetum mortuum rejiciendum & secundinas pellendas. Pulveratæ propinantur cum croco & aliis in aqua Verbenæ, Artemisiæ aut quocumque alio vehiculo idoneo. De qua tamen efficacia Ettmullerus valde dubitat.

Oleum Liliorum usurpatur in emplastro de mucaginibus & emplastro de Ranis cum Mercurio *Pb. Reg.*

L I L I U M C O N V A L L I U M.

L I L I U M convallium, *Off.* Lilium convallium album, *C. B. P.* 304. *Inst. R.* *H.* 77. Lilium convallium vulgo, *J. B.* 3. 531. Lilium convallium, *Dod. Pempt.* 205. *Gerardi, J. R. Hist.* 667. Lilium convallium flore albo, *Parkins:* Lilium convallium vel vernum Theophrasti, *Adv. Lobel:* Ephemeron non letale, *Fuchs:* Callionymus Chamæcitinus, *Gesneri:* vulgo, *Muguet ou Lys des vallées.*

Radice tenui, alba, fibrata repit summæ telluri inhærens: folia profert bina ternave, ex oblonga forma in acumen ducta, sesquipalmaria, duas uncias lata, nitida, late virentia, nervosa, quæ sub basi convoluta sese excipiunt. Hæc inter caulis assurgit spithameus, gracilis, angulosus, nudus; a cujus medio ad summum longa serie flores per intervalla nascuntur in unam fere partem vergentes, brevibus pediculis penduli & nutantes, monopetali, campaniformes, candidi, odorem suavissimum spirantes, & in quinque vel sex segmenta divisi, cum totidem staminibus ex herbido luteis, fundo adnatis, & pistillo triquetro, quod abit in fructum sphericum, mollem, rubrum, pulpa plenum & seminibus fetum duris quasi corneis & amaricantibus. Nascitur in sepibus & dumetis umbrosis & fruticosis. Flores in usum veniunt, rarissime radices.

Analyfi chymica, ex florum recentium ℥v. per retortam distillatis prodierunt humoris limpidi, odorem florum referentis, obscure subsalsi, obscure alcali & obscure subacidi ℥j. ℥xij. ℥vij. gr. xx. humoris limpidi, manifeste acidi magis ac magis impense, austeri ℥ij. ℥vj. ℥v. gr. lvij. humoris rufi, empyreumatici, impense acidi, subsalsi, alcalini, urinofi & impense austeri ℥j. ℥vij. gr. l. humoris rufi, empyreumatici, & sale volatili urinoso copioso imprægnati ℥j. gr. xvij. salis volatilis urinofi concreti ℥j. gr. x. olei adiposi ℥ij. ℥iij. gr. iij. Massa nigra in retorta superstes pendebat ℥iij. ℥iij. quæ rite calcinata reliquit cinerum ℥j. ℥j. gr. xvj. ex quibus lixivio salis fixi mere alcali ℥v. extractæ sunt. Partium jactura in distillatione fuit ℥vj. ℥vj. gr. lvij. in calcinatione ℥iij. ℥ij. gr. lvj.

Flores Lilii convallium odorem fragrantem & suavissimum spirant, saporem referunt amaricantem: exsiccati vero, pulverati & naribus immissi pituitariam membranam adeo stimulant ut sternutamenta plurima excitent. Licet flores illi valde odorati sint, Ettmullerus observat odorem eorum particulas in oleum essentielle nulla arte redigi posse. Observat insuper flores simplici distillatione absque prævia fermentatione phlegma præbere minus odorum quam si prius fermentati fuerint. Nam post fermentationem spirituosum liquorem fundunt subtilem, fragrantem. Quin etiam odorem suum magis expandunt, eodem notante, si recenter collecti in spiritu vini rectificatissimo macerentur & distillantur. Ex his & ex analysi instituta concludendum est hos flores salem essentialem vitriolico-ammoniacalem obtinere cum multo oleo acri & spisso conjunctum: sed præterea inesse magnam copiam olei tenuioris, fragrantis & summe volatilis, quod quidem in simplici distillatione pro majori parte avolat & phlegmate coerceri nequit, quod contra cum spiritu vini facillime coadunatur, aut quod cum oleosis crassioribus eorundem florum partibus fermentatione evolutis & attenuatis consociatum remanet & cum iisdem spiritum ardentem constituit odoratissimum.

Lilii convallium flores inter cephalica medicamenta & nervina primas tenent. In apoplexia, epilepsia, vertigine, convulsionibus, paralyfi, catharris & aliis frigidis capitis morbis utiles habentur. Nerveas enim fibras laxas nimis & flaccidas firmant ac roborant, earum oscillationes blanda vellicatione vividiores reddunt, & cerebri tonum restituunt, spirituumque motum tardiores aut interruptum suscitant, tum interne tum externe adhibiti.

Eorum pulvis ad ℥j. aut conditum ad ℥ss. exhibetur. Vel ex his distillatis aqua simplex & spiritiosa præparantur. Aqua simplex distillata ex floribus recentibus & rore matutino adhuc madidis per vaporarium extrahitur & novis affunditur floribus ac distillatur, quod toties repeti debet donec aqua obtineatur fragrantissima, quæ servatur pro vehiculo medicamentorum cephalicorum & debilioris est efficaciam. Spiritus vero plurimum commendatur adversus easdem affectiones quibus flores conveniunt. Duplici modo conficitur. Flores recenter collecti in spiritu vini immerguntur, & in vaporario blando calore distillantur. Spiritus inde distillatus novis floribus affunditur & iterum distillatur, idque ter quaterve reiterando, sic obtinetur spiritus valde laudabilis. Alii flores ad fermentandum in vase clauso committunt donec odorem vinosum penetrantem acquirant & spirituosum liquorem inde distillant novis floribus affundendum & absque fermentatione distillandum. Aqua distillata ad ℥iiij. spiritus ad ℥j. exhibentur. Cum eodem spiritu Ambra griseæ affuso fit tinctura sive essentia Ambra quæ in omnibus virium defectibus, subitaneis cerebri affectibus plurimum commendatur: necnon inter aphrodisiaca præstantiora recensetur.

S. Pauli commendat tincturam Castorei cum spiritu Liliorum convallium paratam adversus paralysem, si ea spina dorsi a nucha ad coccygis os usque inungatur, necnon etiam enormes cessasse puerorum epilepsias asserit spinæ admotis linteis hac tinctura madentibus.

Idem Simon Pauli monet in affectionibus cerebri inflammatoriis ab horum spirituum usu interno abstinendum esse, ne, ut ait, camino infundi oleum videatur.

Camerarius floribus vas vitreum angusti orificii replet, & rite obturatum, in acervum formicarum per mensem recondit. Putrefactione colliquefcunt. Liquorem inde collectum instar olei sedandis doloribus podagricis, ischiadicis & similibus affectibus exterius adhibitum perutilem asserit.

In Germania alicubi conficiunt ex floribus per æstatem siccatis vinum vindemiarum tempore, ipsos calcatis uvis admiscentes, quo postea utuntur ad eisdem affectus quibus aqua & spiritus conveniunt.

Externe flores exsiccati & pulverati inter errhina & sternutatoria blanda adhibentur. Fit quoque e radice pulverata blandum sternutatorium sed minus usitatum.

℞. Flor. Cyani ℥iiij. Florum Consolidæ regalis specierum colore diversarum, florum Pæoniæ, Balauftiorum & Rosar. ana ℥ij. Flor. Calendulæ, Anthor. Rosar. ana ℥ij. Florum Lilior. convallium radic. Calami aromat. Florum Caryoph. hortens. ana ℥j. Omnia rite in umbra exsiccata & minutissime concisa misceantur & fiat pulvis sternutatorius colorum varietate elegantissimus.

℞. Flor. Lilior. convall. exsiccat. folior. Betonic. Majoranæ exsiccat. ana ℥ij. Rad. Irid. Florentin. ℥ss. Caryophyllor. aromaticor. ℥ss. M. F. pulvis crassiusculus pro errhino summis digitis per vices naribus attrahendo. Cui addi possunt Nicotian. pulv. ℥j. Hellebori alb. & Zingiber. ana ℥ss. si cerebrum potentius succutiendum sit in apoplecticis & soporosis affectionibus.

℞. Pulver. de Gutteta ℥j. syrup. Stœchad. & sp. Lilior. convall. ana ℥j. Aquar. Flor. Lilior. convall. & flor. Tiliæ arbor. ana ℥iij. Tinctur. Castor. gutt. xx. Spiritus cornu cerv. Succinati ℥j. M. F. potio cochleatim sumenda in convulsionibus spasmodicis & hystericiis affectionibus.

℞. Conserv. flor. Lilior. convall. flor. Salv. & Roris-marin. ana ℥ß. Pulver. Milleped. & Viperar. ana ℥ij. Rad. Valerian. sylvestr. & Seminis Eruc. pulver. ana ℥iij. Syrup. de Hyssop. q. s. M. F. electuar. Dosis ℥j. bis in die, in paralyfi incipiente.

Flores Lilii convall. usurpantur in pulvere antiepileptico *Ph. Reg.* in pulvere sternutatorio & cephalico *eiusdem*.

L I N A R I A.

LINARIA & Linaria lutea vulgaris, *Off.* Linaria vulgaris, lutea, flore majore, *C. B. P.* 212. *Inst. R. H.* 170. Linaria lutea vulgaris, *J. B.* 3. 456. *J. Raii Hist.* 752. vulgaris nostras *Parkins*: Linaria prima, *Dodon. Pempt.* 183. Olyris, *Matthiol. Fuchs*: Olyris major, *Tabern. Icon.* 826. vulgo, *Linair* ou *Lin sauvage*.

Radicibus albis, duris, lignosis, sub terra reptando immensam se propagat, si locus suppetat. Caules ex eadem radice plures surrigit pedales aut cubitales, rotundos, glabros, glaucos, summa parte ramosos, foliis vestitos crebris, nullo ordine positos, angustis, acutis, Pityusæ similibus, adeo ut nisi lac deesset, difficile foret distinguere antequam floreat planta. Flores in summis caulibus & ramulis velut in spicas aut thyrsos digesti, singuli pediculis brevibus e foliorum alis egressis insident monopetali, anomali, personati, lutei, posterius in caudam seu calcar aut corniculum oblongum, acutum Consolidaæ regalis in modum producti, quo ab Antirrhini floribus differunt, quibus alias persimiles sunt, antequam in duo labia divisi, quorum superius in duas velut auriculas dividitur, inferius vero trifariam fecatur. Ex calyce autem parvo & quinquepartito surgit pistillum posticæ floris parti ad instar clavi infixum, quod deinde abit in fructum bicapsularem, seu testam subrotundam, septo intermedio in duo loculamenta divisam, & per maturitatem in duas carinas dehiscentem, seminibusque fetam compressis, orbiculatis, marginatis, nigris. Sapor plantæ amariusculus & subacris. In arvis, ad agrorum margines & in pascuis sterilibus frequens occurrit. Herba integra in usum venit.

Analyfi chymica, ex Linariæ floridæ ℔v. per vaporarium distillatis prodierunt humoris limpidi, saporis herbacei, obscure subacidi ℔j. ℥ij. ℥vj. humoris limpidi, manifeste acidi, obscure subausteri ℔ij. ℥iij. ℥vij. residua massa per retortam distillata præbuit humoris empyreumatici, tum acidi austeri, tum leviter alcali urinosi ℥v. ℥ij. gr. xiiij. humoris rufi, sale volatili urinoso imprægnati ℥v. gr. l. olei adiposi ℥iij. ℥iiij. gr. xliij. Massa nigra in retorta residua pendebat ℥vij. ℥iiij. gr. xij. quæ per 18. horas calcinata reliquit cinerum ℥j. ℥vj. ex quibus lixivio salis fixi mere alcali ℥iij. gr. xij. extracta sunt. Partium jactura in distillatione fuit ℥vij. ℥ij. xxiiij. in calcinatione ℥v. ℥vj. gr. xij.

Linaria herbaceum, subsalsum, amariuscule saporem refert: inter digitos contrita Sambuci odorem spirat, charta cærulea a foliorum succo non mutatur, verum a florum humore rubens efficitur. Salem falsum tartareum nonnihil vitriolicum obtinet mediocri terræ portione implicitum & cum oleo crasso oleorum foetidorum distillatorum simili & copioso conjunctum & involutum. Sal ille magis explicitus est in floribus quam in foliis.

Hæc planta ratione olei sui potenter resolvit, emollit ac demulcet. Sanguinem, lympham aut alios succos intra tenuiora vasa concretos, vel inter partium fibras effusos, stagnantes & inspissatos dividit, eorum acrimoniam demulcet, salina eorum spicula involvendo, nimis tensas partium fibras laxando dolores sedat.

Ad internum usum raro usurpatur. Alvi turbatrix est, auctore Trago. Urinam tam potenter pellit, ut inde *Harnkrant* Germanis, Botanicis quibusdam urinalis & urinaria dicatur. Aquæ ex *Linaria* distillatæ haustulum cum ℥j. corticis *Ebuli* exsiccati & in pulverem tenuissimum redacti, idem Tragus potentissime urinam pellere asserit, usque adeo ut solis hydropicis sit propinandum. Eadem aqua distillata ac pota alvum laxat, sudores movet, jecur obstructionibus liberat, morbum discutit regium, adversus quem herbæ decoctum ex vino paratum in primis facit, notante eodem auctore. Nonnulli, referente Simone Paulli, ad dissolvendum illorum sanguinem qui ex alto deciderunt, illius decoctum propinant.

Externe *Linaria* insigne est anodynum medicamentum, quo vix præstantius ad hæmorrhoidum cæcarum dolores mitigandos datur & ab omnibus laudatur quocumque modo adhibita: nimirum si *Linaria* integra, vel flores ejus, vel sola vel cum *Camomilla* aut *Verbasci* floribus coquatur in lacte quo pars dolens foveatur, vel si recentes hæ plantæ contundantur & cataplasmatibus in modum applicentur.

Magnopere celebratur unguentum vel linimentum de *Linaria* in hæmorrhoidibus dolentibus, si e *Linaria* recenti florida cum axungia porcina aut butyro non salito, in mortario plumbeo contusis & cum pauca camphorâ fiat cataplasma vel unguentum. Alii *Linariam* virentem cum floribus cum adipe porcino decoquunt quousque adeps valde virescat, fiatque unguentum, cui expresso & refrigerato applicationis tempore vitellus ovi admiscetur. A nonnullis hoc unguentum præstantius habetur, si prius in adipe suillo aselli aut scarabæi decoquantur.

Linaria, succus ejus aut aqua distillata quævis ulcera mundant, cujusmodi sunt cancer aut fistulæ, & erysipelatis medentur, linteolis imposita, aut si aqua aut succo loci affecti colluantur.

Idem succus maculas & vitia faciei emendat; quare a mulierculis quibusdam expetitur. Aqua distillata oculis indita eorum ruborem & inflammationem tollit.

Sunt qui herbam hanc intra calceos plantis pedum supponunt ad febrem quartanam abigendam.

LINGUA CERVINA.

LINGUA CERVINA, Phyllitis, Scolopendrium vulgare, Scolopendria vulgaris, *Off.* Lingua cervina officinarum, *C. B. P.* 353. & *Inst. R. H.* 544. Phyllitis sive Lingua cervina vulgi, *J. B.* 3. 756. Phyllitis vulgaris, *Clus. Hist.* 213. Phyllitis Gerardi, *J. Raii Hist.* 134. Scolopendrium. *Brunsfels:* Scolopendria vulgaris, *Tragi* 549. vulgo, *Langue de Cerf* ou *Scolopendre vulgaire*.

E capillaribus radicibus nigricantibus, numerosis, implicitis, cum foliorum vestigiis connexis, folia fundit ~~dedr~~drantalia aut sesquidodrantalia, duas uncias lata, in principio aurita, acuminata in extremo, læte virentia, glabra, & pediculo palmari insidentia in costam mediam abeunti. Floribus carere videtur; at capsulas plurimas profert in sulcis semiuncialibus aut majoribus foliaceis qui occurrunt in foliorum dorso primum virentes, per maturitatem rufi, dum nempe rumpuntur & capsulae membranaceae rufae sese exerunt. Minutissimae quidem sunt hae capsulae: sed ope microscopii facile percipiuntur. Singulae annulo elastica vi donato muniuntur, cujus contractione vel exsiccatione rumpuntur, semenque pulverulentum & copiosum quod continent hac illac ejaculant. Nascitur in puteis & fontibus inter lapidum commissuras, & in rupibus udis ac umbrosis. Herba integra usitata est.

Analyti chymica, ex foliorum recentium Linguae cervinae ℥v. per retortam distillatis prodierunt humoris limpidi, fere inodori, sapore subacri, obscure subacidi ℥j. ℥viii. gr. lx. humoris magis ac magis acidi manifeste, deinde magis ac magis austeri ℥iiij. ℥iij. gr. xxxvj. humoris rufescentis, tum acidi austeri, tum sale volatili urinoso imprægnati ℥ij. ℥vj. olei adiposi ℥j. ℥vj. gr. xij. Massa nigra residua pendebat ℥vij. ℥v. gr. xxxvj. quæ rite calcinata reliquit cinerum ℥j. ℥vj. gr. xlviii. ex quibus salis fixi mere alcali ℥j. gr. iij. lixivio sunt extracta. Partium jactura in distillatione fuit ℥ij. ℥iij. in calcinatione ℥v. ℥vj. gr. xxiiij.

Planta sapore acerbo donatur & odorem nonnihil graveolentem herbaeum spirat. Salem essentialem obtinet vitriolico tartareum ad salem mirabilem Glauberi accedentem cum multo oleo spisso bituminoso & pauca terra adstringente conjunctum.

Lingua cervina siccat & adstringit. Adstrictione sua viscerum tonum firmat & roborat: unde in eorum obstructionibus plurimum commendatur, & lieni tumido potissimum dicatur, cujus intumescientiam minuere dicunt. Insuper sale suo falso digestivo spissos humores & concretos dissolvit, obstructiones reserat, & oleo bituminoso non solum sulphurea concreta discutit, sed humorum acrimoniam nonnihil demulcet, salium spicula irretiendo. In morbis chronicis & affectionibus hypochondriacis admodum utilis est. Alvi profluvia sistit; sanguinis expuitioni medetur: necnon etiam thoracis quibusdam affectionibus succurrit, laxiorem pulmonis tonum firmando, & ejus glandularum infarctum discutiendo. Extrinsecus vulnera & ulcera mundificat & exsiccatur. Cum aliis plantis Capillaribus consociari solet, quæ sunt Polytrichum seu Trichomanes,

Capillus veneris, Adiantum vulgare, Salvia vitæ seu Ruta muraria, Asplenium seu Ceterach. In decoctis & jusculis aperientibus, thoracicis & vulnerariis usurpatur. In Germania, referente S. Pauli, cerevisia Phyllitide condita toto anno omni die usurpatur ad tumidos lienes & hypochondriacos affectus.

In incipientibus hepatis & lienis obstructionibus, vel etiam in pulmonum infarctu hujus plantæ infusum in aqua tepida utiliter pro potu solito præscribitur. Ad obstructiones potentius discutiendas & resolvendas sales digestivi ut Tartarum vitriolatum, Tartarum solubile, Nitrum &c. ipsi consociantur: & præstantius adhuc ejus decoctum vel infusum censetur quod cum aqua ferrariorum præparatur, seu in aqua ferrum candens sæpius extinctum fuit.

R. Radic. Polypod. & Cichor. Sylvestr. ana ℥j. corticum Capparis & Tamarisci ana ℥ss. Coq. in aq. comm. ℔iiij. ad ℔iiij. Tum adde folior. Scolopendr. Asplen. seu Ceterach, Agrimon. Hepaticæ & Taraxaci ana M. j. florum Calendulæ & Keiri ana pug. ij. Coquantur per quadrantem horæ. Colatura dissolve Tartar. vitriolati ℥ij. Syrup. de 5. rad. aper. ℥iiij. F. apozema in sex doses distribuendum in viscerum obstructionibus.

Pulvis herbæ exsiccatae ad ℥j. aut alteram exhibetur: in hepatis obstructionibus, in palpitacione cordis, in suffocatione uterina, in motibus convulsivis mira præstat, affirmante J. Raio, si in cerevisia tenui, aut Zythogalo seu liquore Posseti Anglis dicto, modica ejus quantitas propinetur. Potest & e foliis virentibus conserva cum saccharo ad hos usus parari.

L I N U M.

LINUM duplex ad usum medicum usurpatur, scilicet Linum sativum & Linum catharticum.

LINUM, Linum sativum, Linum vulgare, *Off.* Linum sativum, *C. B. P.* 214. *Inst. R. H.* 339. *Gerard. Emaculati J. Raii Hist.* 1072. Linum, *J. B.* 3. 450. Linum sativum vulgare cæruleum, *Lobel. Icon.* 412. vulgo, *Lin.*

Tenui radícula nititur, paucis fibris donata: caule tereti assurgit, ut plurimum simplici, inani, tenui, glabro, cubitum aut sesquicubitum alto, alis circa summum ramoso, qui contritus in plurima abit filamenta: folia profert acuminata, culmum lata, uncias duas plus minus longa, alternatim aut potius nullo ordine cauli apposita, mollia, glabra. Flores in summis virgis nascuntur speciosi, cærulei, pediculis tenuibus longiusculis insidentes, admodum caduci, caryophyllæi, quinque petalis constantes, extremo subrotundis, striatis, ex calycibus pentaphyllis & quasi tubulatis emergentibus. Pistillum ex eodem calyce surgit, abitque deinde in fructum fere globosum, leviter acuminatum, Ciceris magnitudine, ex pluribus capsulis compositum introrsum dehiscentibus, semine fetis depresso, fere ovato, hinc obtuso, inde vero acuto, lævi, glabro, splendente, ex fulvo colore punicante. In agris seritur. Semen potissimum in medicum usum venit: sed planta ad innumeros usus mechanicos præparatur & usurpatur.

Analysi chymica, ex seminum Lini ℔v. per retortam distillatis prodierunt

humoris limpidi, sapore fere insipido, obscure subsalsi, & aliquantisper alcali ℥iij. ℥v. humoris limpidi, obscure subacidi ℥iij. ℥v. gr. xxxvj. humoris limpidi, subacidi, austeri ℥iij. ℥ij. gr. xxxvj. humoris limpidi, rufi, empyreumatici, cum alcali urinofi, tum impense acidi austeri ℥xj. ℥v. olei fluidi, rufi ℔j. ℥v. ℥iij. gr. xxxvj. Massa nigra in retorta residua pendebat ℔j. ℥iij. ℥ij. gr. xxxvj. quæ rite calcinata reliquit cinerum ℥iiij. ℥vj. gr. xxxvj. ex quibus salis fixi salis talcosi ℥j. lixivio extracta fuit. Partium jactura in distillatione fuit ℔j. ℥j. in calcinatione ℥xiiij. ℥iiij.

Lini semen in aqua maceratum plurimum mucaginis præbet. Salem obtinet essentialē vitriolico-ammoniacalet cum multa terra & oleo copioso conjunctum, quibuscum blandam constituit mucaginē, a qua præcipua ejus vis demulcens & emolliens pendet.

Lini semen tusum, melli adjectum, & frixum rusticis Asiaticis in frequenti cibo fuit. Quoquo tamen modo apparatus vix suave est & salutare; stomacho enim adversatur, flatuosum est, ægre concoquitur, & prævum succum gignit. Quod paucis abhinc annis Middleburgi in Zelandia, inquit Tragus, animadverti potuit, cum propter frumenti aliarumque frugum inopiam plerique ex civibus pane & cibis ex hoc coctis vescerentur. Distenta enim his valde cito hypochondria fuerunt, & facies aliaque partes tumida factæ: quorum non pauci sic affecti mortui sunt. In Gallia esculentum non est, neque his in regionibus ubi laute vivitur.

Semen Lini ob mucilaginem temperatam, anodynam, acrimoniam humorum demulcentem, in ptisanis & apozematibus demulcentibus, sæpius præscribitur, præsertim in urinæ ardore & difficultate; urinæ enim sales acres mucō suo involvit & demulcet, vesicæ mucum deficientem restituit, ejusque membranas ab urinæ acrimonia defendit. Observandum est ne nimis glutinosi sint & mucosi potus ex semine Lini parati; tunc enim ventriculum gravant & nauseam sæpe movent. Quapropter illud semen ebullitioni non committitur, sed post ebullitionem decoctis adhuc calidis infunditur & quidem parva quantitate. Usurpatur quoque utiliter semen Lini in decoctis emollientibus, anodynis & carminantibus pro clysteribus adversus ventris tormina, dysenteriam, tenesmum, & viscerum inflammationem.

Aqua in qua semen Lini per aliquot horas maceratum fuit, in urinæ ardore, suppressione, difficultate, nephritide, & adversus arenulas & calculum utiliter pro potu solito præscribitur.

℞. Radic. Gramin. contusæ & minutim sectæ M. j. Bulliat. in aq. comm. ℔iiij. ad ℔iij. Decocto calenti adde sem. Lini pug. j. Maceretur donec omnino refrigeratum sit decoctum tunc percolandum & servandum pro potu solito. In renum & vesicæ inflammatione, urinæ difficultate, nephritide, calculo, &c. Vel

℞. Rad. Nenuphar. ℥j. Gramin. M. j. Liquir. ras. & contus. ℥j. Bulk. in aq. comm. ℔iiij. per quadrantem horæ. Decocto ab igne semoto & calenti adde rad. Althææ taleolatim sectæ, ℥℔. semin. Lin. pug. j. Decoctum refrigeratum coletur pro potu solito.

Farina Lini potenter resolvit, emollit & maturat, quare in fomentis & cataplasmatibus emollientibus & maturantibus frequenter adhibetur sola vel cum Fœnugræci farina. Ex eo semine mucilago uberrima diuturna ejus maceratione & coctione in aqua, ac forti expressione extrahitur, quæ cataplasmatibus in modum applicata inflammationes compescit, dolores sedat, tumores emollit & resolvit.

Oleum ex semine trito & torculari expresso extrahitur multis affectionibus perutile. Interne quidem temperat, alvum ciet, tussim sedat, relaxat, expectorationem promovet: & primario ceu singulare specificum mire commendatur contra pleuritidem, si nempe ad aliquot uncias, duas, tres, quatuorve propinetur, quod quarta vel sexta hora repetitur, donec æger infigne levamen perceperit. Colicos dolores eodem modo exhibitum mire compescit, & in contumacissimis alvi obstructionibus, contra volvulum & passionem iliacam imminentem plurimum valet epotum aut ad ℥viij. sub clysteris forma susceptum. In hæmopthoe utiliter quoque præscribitur: non solum enim tussim sedat sed vi sua balsamica & emplastica partes affectas consolidat. Observandum est ut hoc oleum recens sit & dulcis saporis. Inveteratum enim ingratum est propter rancorem. & nauseam excitat. Si recens obtineri nequeat, ejus rancor & sapor ingratus tollitur illud cum aqua tepida in ampulla vitrea diu conquassando & aquam identidem mutando donec nullus sapor & odor ingratus supersit.

Externe illitum dolores demulcet, durities emollit, nervorum tensiones contractionesque laxat. Ad hæmorrhoides dolentes a nonnullis valde prædicatur. Cataplasmatibus & linimentis emollientibus & solventibus utiliter admiscetur.

℞. Rad. Althææ, bulbor. Lilior. ana ℥ij. fol. Althææ, Malv. Violar. Parietar. ana M. j. femin. Lini & Fœnugr. contusor. ana ℥j. Caricas ping. n. xij. flor. Camomill. & Meliloti ana p. ij. F. decoctum ad putrilaginem cum aq. q. s. Omnibus contusis & per setaceum trajectis adde unguenti de Althæa ℥ij. olei Lini ℥j. Fiat cataplasma emolliens, resolvens & maturans.

℞. Radic. Alth. Brion. Sigill. Salomon. & Lilior. albor. ana ℥j. folior. Malv. Parietar. ana M. j. femin. Lin. & Fœnugr. ana ℥ss. flor. Melilot. M. j. Coquantur in q. s. aq. Colatura servetur pro fotu emolliente instituendo calide cum linteis quadruplicatis vel pannis laneis dicto liquore imbutis, leviter expressis & mutatis quoties frigescere incipient.

℞. Farin. sem. Lin. ℥viij. Fœnugr. & Cymin. ana ℥iiij. Mell. ℥ij. ol. Lin. q. s. M. F. cataplasma lateri dolenti calens applicandum in pleuritide & lateris dolore punctorio: potenter resolvit & discutit.

℞. Vitellos ovor. recentium n. ij. Sacchar. albi ℥j. olei Lini q. s. M. diligenter agitando. Fiat linimentum quo hæmorrhoides dolentes inungantur.

℞. Vitellos ovi ad duritiem coctos n. iiij. olei Succini ℥ij. Theriacis Androm. ℥ss. olei Lini q. s. Fiat cataplasma hæmorrhoidale.

Nonnulli oleum hoc Lini cum calce viva mistum ex retorta distillant, & oleum obtinent subtilissimum & penetrantissimum quod paralyfi medetur.

Semen Lini usurpatur in syrupo de Præssio *Mesue*, in lohoch fano & experto *eiusdem*, Unguento de Althæa *Nicol. Alexandrin.* Mundificativo de

Refina *Jouberti*, Emplastro Diachylo magno & Emplastro de mucaginibus.

Oleum Lini expressum ad multos usus mechanicos, a pictoribus & aliis artificibus expetitur.

Ceterum mirum est ex tam parvo femine nasci avenam adeo gracilem & pusillam, quæ tusa præparata & in mollitiem lanæ coacta in filamenta producit, in telas textitur, & in chartas compingitur usus immensi, unicuique noti nec satis mirandi.

LINUM catharticum, *Off.* Linum prætense, floribus exiguis, *C. B. P.* 214. *Inst. R. H.* 340. Alsine verna, glabra, flosculis albis vel potius Linum minimum, *J. B.* 3. 455. Linum sylvestre catharticum Gerard. *Emac. J. Raii Hist.* 1076. Chamcelinum Clusii flore albo, sive Linum sylvestre catharticum, *Parkins.* vulgo, *Lin sauvage purgatif.*

E. radícula tenui, alba, lignosa, fibrillis aliquot donata, cauliculos emittit nonnihil reptantes, mox humo ad palmum & altius se attollentes, tenues, rotundos, rubentes, fastigio sursum ramoso, nutante. Folia infima mucrone obtuso & subrotunda sunt, superiora quæ in caulibus bina opposita, crebra, exigua, semiunciam longa, culum lata, glabra, absque pediculis adnata. Flores pediculis longis, tenuibus insident albi, caryophyllæi, pentapetali, petalis acutis, minime bifidis, cum apicibus totidem in medio luteis, e calyce pentaphyllo. Capsulæ feminales succedunt Lini similes, parvæ, canaliculatæ, in quibus semen lucidum, lubricum, compressum & oblongum Lini simile. Sapor totius plantæ amarus & nauseosus. In agro Parisiensi sponte nascitur. Herba integra in usum venit.

Analyti chimica, ex Lini cathartici floridi lbv. per vaporarium distillatis, prodierunt humoris limpidi, primum odoris & saporis fatui, obscure subfalsi, deinde obscure subacidi, ac tandem manifeste subacidi lbij. ℥vj. ℥ij. gr. xij. Massa superstes per retortam distillata præbuit humoris rufescentis, leviter empyreumatici, tum acidi austeri, tum leviter alcali urinosi ℥ij. ℥vj. gr. lx. humoris rufi, empyreumatici, sale volatili alcali urinoso imprægnati ℥ij. ℥iiij. gr. lx. olei fere adiposi ℥ij. ℥vij. gr. xxxiiij. Massa nigra in retorta residua pendebat ℥vij. ℥vj. gr. xxxvj. quæ rite calcinata per 15. horas reliquit cinerum ℥j. ℥v. gr. xxiiij. ex quibus lixivio salis fixi alcali ℥ij. gr. xliij. extracta sunt. Partium jactura in distillatione fuit ℥viiij. ℥iiij. gr. xiiij. in calcinatione ℥vj. ℥j. gr. xij.

Linum catharticum sapore amaro, ingrato, nauseoso donatur. Salem essentialē obtinere videtur tartareo-vitriolicum cum multo oleo foetido conjunctum.

Frequentior est apud Anglos hujus plantæ usus quam apud nos. Herba integra, narrante J. Raio, cum caulibus & capitulis vino albo per noctem super cineres calidos ad manipulum unum infusa serosos humores purgat satis valide, & nonnumquam vomitum excitat.

Folia recentia contusa ad ℥j. aut alteram sub forma boli aggeruntur, vel herbæ exsiccata pulvis ad ℥j. cum tantillo cremoris tartari & seminis Anisi intus sumitur & purgat sine molestia. In hydropisi incipiente utiliter præscribitur, & ad febres intermittentes fugandas.

L I T H O S P E R M U M.

LITHOSPERMI species tres occurrunt in officinis, scilicet Lithospermum erectum, Lithospermum repens, & Lithospermum arundinaceum.

LITHOSPERMUM erectum, *Off.* Lithospermum majus, erectum, *C. B. P.* 258. *Inst. R. H.* 137. Lithospermum sive Milium solis, *J. B.* 3. 590. *J. Raii Hist.* 503. Lithospermum minus, *Dod. Pempt.* 83. & *Gerard.* Lithospermum vulgare minus, *Parkins.* Saxifraga tertia, *Brunsfels*: Anchusæ tertiæ similis altera, *Cæsalpin.* 435. Milium Soler Mauritanis, quod in montibus Soler frequens nascatur, *Serapionis*: vulgo, *Gremil* ou *Herbe aux perles*.

Radice nititur pollicem crassa, lignosa & fibrosa: quæ caules multos edit cubitales aut sesquicubitales, erectos, rigidos, teretes, asperos, ramosos, & foliis crebris alternatim donatos duas tresve uncias longis, acutis & asperis, sine pediculis adnatis, & e virore nigricantibus. Quæ in summis caulibus sunt folia latiora sunt & breviora pro magnitudinis ratione & saturatius viridia. Flores in summitatibus caulis & ramorum, ex singulis foliorum alis singuli nascuntur, brevibus pediculis insidentes, monopetali, candidi seu ex herbaceo albidii, infundibuliformes, in quinque obtusa segmenta partiti, cum calyce hirsuto, in quinque angustas, hirsutas lacinias ab basim usque secto, & pistillo viridi quatuor veluti stipato embryonibus qui deinde abeunt in totidem semina subrotunda, dura, expolita, nitida, leucophæa, (*gris de perle*) & exiguis margaritis similia, quæ in calyce ipso satis ampliato raro quaterna, sæpius bina aut terna tantum perficiuntur & maturescunt. In agro Parisiensi sponte nascitur. Semen in usum venit.

Analyti chymica, ex seminis Milii solis ℥v. per retortam distillatis prodierunt humoris limpidi, inodori, saporis fatui, obscure subsalsi ℥viij. ℥vij. humoris limpidi, fere inodori & insipidi, obscure subsalsi & obscure acidi ℥vij. gr. lx. humoris rufescentis, empyreumatici, sale volatili urinoso copioso imprægnati ℥vij. ℥iiij. salis volatilis urinosi concreti ℥ij. gr. xxxvj. olei syrupi ad instar spissi ℥viij. ℥v. Massa nigra in retorta residua pendebat ℔ij. ℥xiiij. ℥iiij. quæ per 16. horas calcinata reliquit cinerum nigrorum, saporis exspertium ℔ij. ℥ij. gr. xxxvj. ex quibus lixivio terræ rufescentis levis aliquantis per salsæ gr. lxij. extracta sunt. Partium jactura in distillatione fuit ℥vij. ℥j. gr. xlvij. in calcinatione ℥xj. ℥ij. gr. xxxvj.

Lithospermi semina sapore donantur farinaceo, glutinoso, nonnihil adstringente. Salem obtinent essentialem ammoniacalem cum oleo copioso & uberima terra adstringente conjunctum. Semen hoc cum acidis effervesceat, observante Nehemia Grevv *Experiment. 22. de Mixtura corporum*.

Milii solis semen pro insigni diuretico habetur, & blando anodyno. Specificè ad ciendam urinam, vesicam & renes blande stimulandos, calculum & arenulas pellendas commendatur. Renes a mucilagine viscida calculorum foetice & nutrice optime abstergit, has partes ab acrimonia urinæ optime defendit, si pulveratum ad ℥j. propinetur in vehiculo idoneo. Nonnulli ad arenulas pellendas tritum semen cum vino Malvatico propinatum proficuum experti sunt, referente Ettmullero. Alii emulsionem ex hoc semine parant ad eundem effectum.

℞. Semin.

℞. Semin. Milii solis ℥ss. Contund. in aq. stillatitiæ Alkekeng. ℥xij. Colatura dissolve syrup. de 5. Rad. aper. ℥jss. Fiat emulsio in duas doses distribuenda. Sumat æger intra unius horæ intervallum in urinæ difficultate, ad mucum in urinariis viis inhærentem resolvendum & arenulas expellendas.

Quidam hoc semine calculum renum & vesicæ comminui & frangi asserunt. Qua de re C. Hoffmannus & J. Bauhinus valde dubitant, & quidem merito. Ego quidem cum J. Raio existimo neque hoc semen, neque ullum aliud remedium calculum jam concretum frangere posse. Illud saltem lithontripticum, siquid sit, nondum novimus. Equidem pituitam & crassos humores, arenulas aut calculos glutinantes dissolvi & pelli medicamentis idoneis vel etiam hoc semine concedimus.

Matthiolus & Freitagius in *sua Aurora Medica*, in gonorrhæa cohibenda hoc commendant semen, & ex eo sequentem pulverem parant.

℞. Seminis Milii solis ℥jss. Pulver. Linguae Cervinæ exsiccatae ℥ss. Succini albi ꝑꝑ. ℥ij. M. F. pulvis cujus ℥j vel ℥jss. pro dosi singulis diebus mane jejuno ventriculo exhibeatur cum succo Plantaginis aut Lactuæ.

Idem semen Matthiolus & alii ad ℥ij. propinant ceu certum & expertum medicamentum partu difficili laborantibus, uti & in secundinæ retentione, quod tamen Ettmullerus ulteriori experientia indigere censet. Idem auctor refert, hoc semen ad ℥j. adversus quotidianas febres ante paroxysmum per aliquot dies a nonnullis exhiberi.

Semen Lithospermi usurpatur in Benedicta laxativa, Electuario lithontriptico & pilulis arthriticis *Nicolai Alexandrini*, in decocto hepatico aperiente & syrupo antinephritico *Ph. Reg.*

Huic semini semen alterius Lithospermi sequentis sæpe substituitur.

LITHOSPERMUM repens. *Off.* Lithospermum minus repens latifolium, *C. B. P.* 258. *Inst. R. H.* 137. Lithospermum majus Dodonæi, flore purpureo, semine Anchusæ, *J. B.* 3. 572. *J. Raii Histor.* 503. Lithospermum majus, *Dod. Pempt.* 83.

Radice est longa, crassa, lignescente, tortuosa, nigra: ex qua multi exsiliunt graciles, tenues, nigricantes, longi, asperi & hirsuti surculi, humi plurima parte procumbentes, subinde fibras agentes: quos folia vestiunt uncias duas circiter longa, semiunciam lata, in acumen desinentia, ex saturo virore nigricantia, hirsuta, aspera. Flores extremis hærent ramulis conferti, violacei, quibus succedunt semina Ervi magnitudine, dura, candida. Caulis qui flores sustinet erigitur, & foliis longioribus, pallidius virentibus amicitur.

Iisdem principiis donatur, iisdemque virtutibus pollet.

LITHOSPERMUM arundinaceum, Lachryma Job, *Off.* Lacryma Job, *Clus. Histor.* 216. *Inst. R. H.* 532. Lachryma Job multis sive Milium arundinaceum, *J. B.* 2. 449. *J. Raii H.* 1252. Lithospermum arundinaceum forte Dioscoridis & Plinii *C. B. P.* 258. Lachryma Jobi, *Gerard. & Parkins.* Lacryma Christi, *Quorundam*: vulgo, *Larme de Job.*

Radice est multiplici, in fibras multas divisa: culmis cubitum unum aut alterum

alterum altis, geniculatis: foliis Turcici frumenti similibus, cubito subinde longioribus, uncias duas latis, quibus minora sunt illa quæ in ramis nascuntur. Ex horumce foliorum alis petioli emergunt, quibus sustinentur grana seu nodi singuli, rarius bini, quæ fructus embryones continent. Ex his nodis prodit glumarum spica mutica, (*sans barbe*) quæ flores apetalos continet plurimis staminibus ex uno calyce surgentibus constantes & steriles. Embryones enim in nodis a floribus sejunctis nascuntur, abeuntque in semina in singulis singula, lævioris politissimi, nitida, ante maturitatem flavescencia, matura, rubentia, duritie lapidea, cicer æquantia, superiore parte turbinata, & composita ex amygdala & testa dura, lignea, & membrana tenui obvoluta. In hortis colitur. In orientalibus plagis sponte nascitur. Semen tantum nonnumquam at rarissime ad medicos usus usurpatur.

Eadem ipsi tribuuntur vires quæ Milii solis semini. Lobelius illud ad calculum renum, & vesicæ saburram expellendam pulvere aut decocto, ut præsidium vulgatum commendat.

Mulierculæ & moniales feminibus istis lycio seu filo transmissis pro sphaerulis precatoriis subinde utuntur, catenulas inde facientes.

L O T U S.

LOTUS hortensis odora & Trifolium odoratum, *Off.* Melilotus major, odorata, violacea, *Moriss. Hist. Oxon. part. 2. 161. Inst. R. H. 407.* Lotus hortensis odora, *C. B. P. 331.* Lotus sativa, odorata, annua flore cæruleo, *J. B. 2. 368.* Trifolium odoratum, alterum, sive Lotus sativa. *Dodon. Pempt. 571.* Melilotus vera, *Tabern Icon. 510.* Lotus hortorum odora, *Lobel. Icon. T. 2. p. 41.* Trifolium odoratum *Parkins. Gerard. J. Raii Histor. 950.* vulgo, *Lotier odorant, Trefle musque* ou *faux Baume du Perou.*

Radix ei gracilis, simplex, alba, lignosa, fibris aliquot donata. Caulis cubitalis & altior, rectus, gracilis, striatus & nonnihil angulosus, glaber, inanis, ab imo statim ramosus. Folia cauli alternatim adnascuntur in pediculis longis terna simul, pallide viridia, glabra, circum oras serrata, inferiora in caule breviora, obtusiora & rotundiora, superiora longiora & acutiora, ut in aliis Trifoliis fere fit. E foliorum superiorum alis longis pediculis nixæ egrediuntur spicæ seu globuli floribus exiguis, papilionaceis, dilute cæruleis, odorem aromaticum cum quadam gravitate gratum & durabilem etiam in decerpta & arida planta spirantibus compositi. Ex singuli floris calyce surgens pistillum abit in capsulam nudam, hoc est in calyce non reconditam ut in Trifolio, asperam, duo aut tria semina fulva, odorata, subrotunda continentem. Seminibus ad maturitatem perductis quotannis perit. In hortis seritur. Folia & flores in usum veniunt.

Hæc planta sale donatur essentiali ammoniacali cum multo oleo tum essentiali, tum crasso copioso conjuncto.

Abstergit, digerit, dolores demulcet, sanguinem effusum & concretum resolvit, vulnera consolidat, a nonnullis etiam inter alexipharmaca recensetur.

tur. Potionibus vulnerariis admiscetur cum ceteris plantis vulnerariis. Summitatum floridarum ad ℥j. in vino vel aqua mulsa decoctum pleuritidi medetur sudorem pellendo: menses & urinam pellit. Tradunt idem decoctum vel ejus semen tusum ad ℥j. ex vino propinatum adversus venenum, si quis eo se infectum suspicetur, utiliter exhiberi.

Externe in decoctis & fotibus vulnerariis usurpatur. Oleum fit ex floridis summitatibus in oleo communi maceratis, quod ad vulnera glutinanda, & ab inflammatione defendenda, hernias puerorum sanandas, tumoresque molliendos & maturandos plurimum commendatur.

Interponitur herba arida vestimentis, quæ, ne a tineis rodantur, defendere putatur.

Aqua distillata vulneraria censetur & ophtalmica.

L U J U L A .

L U J U L A, Alleluia, Acetofella, Oxys, Trifolium acetosum, Oxytriphylllum & Panis Cuculi, *Off.* Oxys flore albo, *Inst. R. H.* 88. Oxys sive Trifolium acidum, flore albo, *J. B.* 2. 387. Trifolium acetosum, vulgare, flore lacteo, *C.B.P.* 330. *J. Raii Hist.* 1098. Trifolium acetosum, *Dod. Pempt.* 578. Alleluia, *Lacuna*, *Lonicer*: Lujula, *Fracastor*: vulgo, *Alleluia* ou *Pain a Coucou*.

Humilis herba est Lujula; ex crassiuscula, squamata, alba vel ex albo rubente ejus radícula longæ & crebræ pendent fibræ albicantes, indidemque emergunt pediculi infirmi, tenues, rotundi, palmares & longiores, terna gerentes folia uni pediculo infidentia, tenuia, latiora quam longiora, cordata, pallide virentia, glabra, sæpe deorsum nutantia, sapore acida. Inter hæc alii surgunt pediculi, florem singuli sustinentes unicum, monopetalum, campaniformem, patentem, quinquepartitum, albidum, pellucidum cum calyce quinquefido & pistillo floris infimæ parti ad instar clavi infixi, abeunte in fructum cylindraceum, pentagonum, in quinque loculamenta divisum extrorsum a basi ad apicem dehiscencia, in quibus semina continentur nitida, rufescentia, huc illuc tempore maturitatis cum impetu dissiliencia propter vim elasticam calyptræ qua singula solent involvi. Agri Parisiensis incolæ opacis plurimum provenit locis, in sylvis & ad sepes. Folia usitata sunt.

Analyti chymica, ex Oxytriphylly floridi ℔v. absque radicibus, distillatis, prodierunt humoris limpidi, sapore & odore herbaceo, nonnihil salis urinosi ℔j. ℥xij. gr. xxiiij. humoris limpidi, odore & sapore herbam virentem referentis, non amplius urinosi, primo obscure subacidi, deinde acidi magis ac magis impense ℔ij. ℥xij. ℥ij. gr. xij. humoris rufi, alcali urinosi, sale volatili urinoso copioso imprægnati ℥vij. gr. xxiiij. salis volatilis urinosi gr. xlvij. olei adiposi ℥j. ℥j. gr. liij. Massa nigra in retorta residua pendebat ℥ij. ℥iiij. gr. xij. quæ rite calcinata reliquit cinerum ℥j. ℥ij. gr. xlij. ex quibus lixivio salis fixi mere alcali ℥ij. extracta sunt. Partium jactura in distillatione fuit ℥ij. ℥vij. gr. xlij. in calcinatione ℥j. ℥j. gr. xlij.

Oxytriphylly folia sapore acido grato donantur. Eorum succus chartam caru-

caeruleam rubro colore tingit: cum oleo tartari mistus effervescit & odorem emittit urinosum. Exsiccata folia prunis candentibus imposita fulminationem quamdam excitant. Salem igitur essentialem obtinet hæc planta nitroso-ammoniacali similem cum oleo & terra conjunctum.

Lujula sapore & viribus cum Acetosa convenit. Sitim sedat, ventriculi ardores extinguit, æstum febrilem mitigat, sanguinis fervorem compescit, bilis æstum temperat & coercet, sanguinem viscidiorum & spissescientem resolvit, nimis dissolutum ab acribus salibus exsuperantibus emendat, hos sales irretiendo. Ideo jecur refrigerare & cor roborare dicitur, & inter cardiaca, aperientia & antiscorbutica medicamenta recensetur. In febribus acutis, ardentibus, malignis & pestilentialibus, necnon in scorbuticis affectionibus utiliter usurpatur. Ex ea parantur decocta, succus, syrupus, conserva, aqua distillata & extractum.

In jusculis & apozematibus refrigerantibus folia ad M. j. præscribuntur: præsertim ubi adest vehementior humorum æstus; cerebri inflammatio, delirium adsunt aut imminent: linguæ & faucium ariditas & nigredo percipiuntur, hæmorrhagiæ superveniunt: tuncque ejus vis temperans & sedativa tantillo nitri plurimum augetur. Succus defæcatus ad ℥j. aut alteram solus vel cum succis plantarum aperientium & refrigerantium, vel plantarum antiscorbuticarum utiliter iisdem in affectionibus propinatur, vel jusculis & apozematibus admiscetur. Syrupus ad ℥j. & aqua distillata ad ℥vj. in julapiis & potionibus cardiacis, temperantibus, aut antiscorbuticis: Conserva a ℥j. ad ℥ij. Extractum a ℥ss. ad ℥j. in electuar. & bolis præscribuntur.

℞. Succor. defæcator. Lujulæ, Acetosæ rotundæ, Fumariæ, Beccabungæ, Nasturtii aquatic. Cochlear. Absinth. Trifol. fibrin. ℥ij. Syrup. Oxytriphyl. ℥j. M. F. julapium cochleatim sumendum. In cachecticis & scorbuticis affectionibus. Vel

℞. Extractor. earundem plantar. ℥ss. Vitrioli martis ℥j. Gentian. subtilissime pulver. ℥j. Fiant pilulæ. Dosis ℥j. vel ℥ij.

℞. Folior. Lujulæ M. j. Nasturt. aquatic. & Cochlear. ana M. ij. Poma citri recentis una cum corticibus minutim concisis N. ij. Contund. accurate in mortar. marmor. cum tantillo Sacchar. Fiat electuar. antiscorbuticum.

℞. Rad. Graminis, Fragar. ana ℥j. Cuscutæ ℥ss. Coquantur in aq. comm. ℥iij. ad ℥ij. Sub finem coction. adde folior. Agrimon. Trifol. acetosi ana M. ij. Fiat decoctum per cyathos tertia vel quarta quaque hora propinandum infantibus febre lenta cum tumore abdominis cachectico laborantibus quod a G. Baglivio laudatur si identidem adjiciatur tinctur. Rhabarbari ℥ss. & Syrupi rosar. Solutiv. ℥j. pro decocti ℥vj.

Externe Oxytriphylly succus vel aqua distillata aluminis momento temperata erysipelatis & inflammationibus incipientibus utiliter admoveatur pro fotu, & iisdem os sæpius colluitur ad aphthas & alia oris vitia emendanda.

L U P I N U M.

LUPINUS, *Off.* Lupinus sativus, flore albo, *C. B. P.* 347. *Inst. R. H.* 392. Lupinus vulgaris, semine & flore albo, sativus, *J. B.* 2. 288. Lupinus sativus, *Dod. Pempt.* 529. *Gerard. J. Raii Hist.* 906. *Tragi* 622. vulgo, *Lupin.*

E radice fere singulari, lignosa & multis capillamentis fibrata, caulis emergit cubitalis & sesquicubitalis, mediocriter crassus, erectus, teres, aliquantulum tomentosus, cavus & medulla farctus, e quo postquam flores in ejus fastigio eminentes maridi facti sunt, alii tres ramuli infra spicam florum prodeunt, quorum singuli non raro & alios quoque modo binos, alios ternos eodem proferunt modo: præsertim si tempestive satus Lupinus, æstatem calidam diuturnamque nactus fuerit. Folia nullo aut alterno ordine posita pediculis duas tresve uncias longis innituntur, ex septem plerumque segmentis oblongis, angustis, e pediculi fastigio eodem puncto enatis, Pentaphyllorum in modum composita, non inepte flabelliformia dicta, seu digitatim pediculo innascentia, e glauco obscure virentia, ad margines æqualia, subtus hirsuta lanugine incana & quasi argentea ad margines præcipue. Horum segmentorum latera sub vesperam circa solis occasum contrahuntur, ipsaque insuper segmenta ad pediculum terram versus reflexa dependent. Flores in summo cauliculis spicatis digesti, papilionacei, candidi sunt, pediculis brevibus. Ex eorum calyce surgit pistillum quod abit in siliquam crassam, latam, compressam, tres uncias circiter longam, erectam, fabaceis minorem, pulposam, subflavam, foris tenuiter hirsutam, intus vero glabram, quinque vel sex semina continentem majuscula, orbiculata, & nonnihil angulosa, compressa, quæ & germinationis principium haud obscurum, & qua parte siliquæ adhærent cavitatem quamdam velut umbilicum exiguum habent, foris albida, intus sublutea, & perquam amara. In calidioribus Galliæ regionibus in agris feritur. Semen usitatum est.

Lupini semina plurimum salis volatilis urinosi cum oleo crasso copioso & terra non pauca conjunctum obtinent. Saporem leguminosum, amarum, ingratum referunt.

Lupinorum usus inter edulia frequens erat tempore Galeni, qui apud nos hodie nullus est. In aqua dulci calida macerati amaritudinem depouunt, & gustui grati redduntur. Galenus elixos cum garo & oxygaro, vel etiam sine his sale mediocri conditos mandi scribit, & fieri tunc nutrimentum succi crassi, & tarde descendere. At ubi nativa etiamnum amaritudo manet, extergendi digerendique vim obtinent.

Tradunt auctores Lupinorum succum seu pulpam lumbricos interficere tum illitum, tum addito melle linctum, tum in posca potum. Sed C. Hofmannus *L. 2. de Medicamentis Officinalibus, Cap.* 135. §. 10. nos monet cautiores esse in Lupinorum usu interno, quandoquidem Averrhoes

rhoes §1. Coll. 39. hoc semen occidere scribit. Quare non oportet intus dare, sed foris tantum farinam umbilico imponere cum iis quæ deducere valeant, inquit C. Hoffmannus. Quod quidem monitum Simonis Paulli observatione confirmatur, qui narrat se vidisse puerum octo vel decem annorum cui mater Lupinorum pulveratorum 3j. circiter in haustulo hydromellis propinaverat adversus lumbricos iussu anus cujusdam edentulæ, paulo post de improvise exquisitissimis abdominis doloribus correptum, cum ventris intumescencia, respiratione difficili, voce tremula, & oculorum obscuritate fere ad cæcitatem. Unde hausti veneni suspicio parentes occupabat. Hæc cum advocatus S. Paulli vidisset, nullamque sitim urgentem, nullam faucium inflammationem perciperet, statim clysterem lacteum Saccharo insigniter edulcoratum præscripsit, quo injecto, pusio liberaliter alvum graveolentissimam deiecit, qua una excernebatur lumbricorum vivorum, mortuorum, integrorum, corruptorum ingens copia, & supra recensita symptomata illico sedata sunt. At vero si tanta sit Lupinorum malitia, qui fieri potuit ut Græcis pro alimento fuerint: ita ut Galenus cibum polychrestum eos nominet: & Plinius referat, Protothemem quemdam insignem pictorem madidis Lupinis vixisse dum nobilem tabulam pingeret, quoniam famem ac sitim sustineret eo legumine, ne sensus nimia dulcedine obstrueret. Vel hanc malitiam cum suo amarore in aqua calida macerati & cocti deponunt: vel symptomata adeo gravia hujusce pueri non tam a Lupinorum pulvere amaro quam a vermium motu vehementiori per hoc medicamentum excitato oriebantur.

Lupini foris impositi ex emplasticorum genere sunt. Eorum decoctum in fotu alphas, achoras, scabies, pforas & ulcera maligna curat, partim digerendo, partim extergendo, & citra mordacitatem siccando. Farina in cataplasmatibus usurpatur, & inter farinas quatuor resolventes a nonnullis recensetur, Hordei nempe, Fabarum, Orobi & Lupinorum: quibus tamen pro lubitu substituuntur Frumenti, Secalis, Lentium, Fœnugræci & Lini farinæ. Strumas & parotidas Lupini in aceto cocti discutiant.

Lupini usurpantur in Trochiscis de Mirra *Rhafs*, & in Unguento ad vermes *Renodæi*.

L U P U L U S.

LUPULUS, Lupus & Lupulus salictarius, *Off.* Lupulus mas & foemina, *C. B. P.* 298. *Inst. R. H.* 535. *J. B.* 2. 151. *Raii Hist.* 156. *Camerar. Epit.* 933. Lupulus, *Dod. Pempt.* 409. Lupus salictarius, *Gerardi*: Lupulus 1. sive sativus, 2. sive sylvestris, *Parkins.* Lupulus salictarius, spontaneus, & vitis septentrionalium, *Lobel. Icon.* 629. Convolutus perennis heteroclitus, floribus herbaceis, capsulis foliaceis, strobili instar, *Morison*: vulgo, *Houblon*.

Ex radicibus tenuibus & sibi invicem varie implicatis Lupulus infirmus & humo se tollere vix potis cauliculos promit longissimos, tortiles, asperos, angulosos, hirsutos, concavos, purpurascens, capreolis destitutos, perticas & alia adminicula stricte & tenaciter complectentes & scandentes: folia e geniculis bina, adversa, pediculis palmaribus asperis & interdum rubentibus adnexa, modo Mori folia imitata, integra in mucronem abeunt, plerumque trifariam aut quinquifariam divisa, totidem mucrones ostentantia, tum hic tum illic per ambitum serrata. Quæ species flores habet, seminibus destituitur. Quæ vero semina gerit, staminibus caret. Flores in mare dicto e foliorum alis, racemosi, cannabacei, colore herbido pallescentes, staminei, apetali, plurimis staminibus & calyce pentaphyllo constantes, nullo sequente fructu evanescentes. Fructus in femina, strobilorum instar squamosi, ex plurimis squamis compositi membranaceis, laxis, colore pallido seu ex viridi luteo axi communi affixis, in quarum alis nascuntur semina exigua, compressa, rufa, Allium redolentia, amara, calyptra obvoluta. In sepibus & pratis regionum tum frigidarum tum calidarum vulgatissimus est. In Anglia & in Germania Lupuli, Vitium instar, in Lupuletis seruntur & coluntur magna cura nec minore impensa, depactis prælongis perticis, quas sarmenta conscendunt atque etiam superant. Solo gaudent humidiores, lætiores, & pinguiore, bene stercoreato. Tota planta culta lætior multo evadit, florum thyrsis foliaceis & squamosis grandioribus, semine etiam paulo majore.

Folliculosi strobili, qui flores non raro sed improprie appellantur, Augusto & Septembri colliguntur, in furno ad id præparato exsiccantur, in saccos deinde congeruntur & ad cerevisiæ usum reponuntur. Turiones vere novo erumpentes esitantur. Folia & radices quoque in usum medicum veniunt.

Analyti chymica, ex Lupuli foliorum & summitatum cum fructibus lbv. per B. V. distillatis prodierunt humoris limpidi, saporem herbaceum dulcem referentis, primo obscure subsalsi, deinde obscure subacidi ac tandem obscure acidi lbij. ℥xij. ℥ij. Massa superstes per retortam distillata præbuit humoris rufescentis, tum acidi austeri, tum alcali urinosi ℥ij. gr. liij. humoris rufi, sale volatili urinoso copioso imprægnati ℥vj. olei spissi, fere adiposi ℥ij. ℥v. salis volatilis urinosi concreti ℥j. gr. xxxij. Massa nigra in retorta residua pendebat ℥vj. ℥ij. quæ rite calcinata in crucibulo per undecim horas reliquit cinerum albicantium ℥ij. ℥ij. gr. xxx. ex quibus salis fixi mere alcali ℥iiij. gr. lxvj. extracta sunt. Partium jactura in distillatione fuit ℥iiij. in calcinatione ℥iiij. ℥vij. gr. xliij.

Lupuli folia amara sunt. Eorum succus chartæ cæruleæ colorem non mutat. Fructus seu strobili recentes odore non ingrato præditi sunt, & pinguedinem vel resinam aromaticam continent nonnihil viscidam, a qua odor & sapor amaricans potissimum oriri videntur. Salem obtinent essentialem

tialem ammoniacalem, aliquantisper nitrosum cum oleo copioso, tum tenui, tum aromatico & amaricante crasso conjunctum: unde fit ut Angelus Sala ex Lupulo salem essentiali crySTALLINUM seu, ut vocat, tartarum extrahere non potuerit; ammoniacalis enim sal, si praesertim cum multo oleo consocietur, non in cryсталlos solidas concrevit, sed in arenulam lutosam exsiccatuS abijt.

Lupuli turiones seu cauliculi vere erumpentes Asparagorum modo coquantur in aqua, & ex oleo, sale & aceto suaviter eduntur, quin & ex butyro & aliis modis parati. Alvum blande laxant, viscerum obstructionibus ac praesertim hepatis & lienis infarctibus conducunt. Sanguinem fluidiorem efficiunt, hujus latici defaecationem promovent, atque adeo scabiei & aliis cutis vitiis mederi censentur. Vulgus prima Sambuci germina seu gemmas turionibus Lupuli nonnumquam addit, ad purgationem promovendam, quod tamen interdum periculo non caret, notante Conrado Bartholdo Behrens *in Selectis Dieteticis*, & choleras saepe periculosissimas cum deliquiis animi, sincerique sanguinis effluxu inducit.

Fructuum seu strobilorum Lupuli usus notissimus est toti orbi, ad condiendam nimirum cerevisiam, ne cito acefcat aut corrumpatur, & ut sale suo volatili & oleo aromatico eandem a situ conservent, farinaceum ac lentum gluten attenuent, perque vias urinarias deducant. Insignem amarorem ei communicant, qui tamen aetate paulatim evanescit, cerevisia interim vinosum saporem vetustate contrahente.

Ejusmodi cerevisia Lupulata salubrior existimatur & sapidior: viscerum obstructions aperit, urinas pellit & menses. Cito tamen caput afficit, inebriat, ac somnolentiam, imo incubum inducit, eoque certius quo cerevisia majori quantitate Lupuli referta, amariorque est, & Lupulus ipse constitutus fuerit. C. B. Behrens enim observat *in Selectis Dieteticis*, Lupulum juxta diversa loca variare, circa Isenacum in Thuringia crescere exedentis amaritiei secus ac Brunsvicensem qui suavior est.

An vero Lupulata cerevisia calculo renum & vesicae atterendo & expellendo conducatur, an e contra ad ejus generationem & concretionem faciat, a nonnullis ambigitur. Qui adversus calculum eam commendant, eo argumento nituntur, quod Lupulus diureticus sit & calidus. Qui usum ejus in calculo damnant, sententiam suam experientia suffulciunt, qua teste, cerevisiae Lupulatae, quae apud Anglos Biera dicitur, usu, calculosorum paroxysmi exacerbantur: qui e contra Alae, seu cerevisiae cui Lupulus non fuit incoctus, potu leniuntur & mitigantur: praeterea ex quo Lupuli in cerevisia usus apud Anglos introductus est, calculum apud eos epidemicum factum esse, multoque plures quam olim infestasse clament. Joannes Raius illis potius assentitur qui usum ejus in cerevisia probant & commendant. Inde enim salubriorem fieri, ventriculo gratiorem & cibo concoquendo utiliorem asserit. Nec obstat, inquit, quod cerevisiae Lupulatae potus calculosis interdicator, Alae vero praescribatur a

Medicis. Illud enim fit ad paroxismos leniendos, cui usui Ala ob lenitatem & lubricitatem seu lævorem suum conducit, non vero ad morbum eradicandum, ejusve causam tollendam. Falluntur autem, pergit idem auctor, qui calculum epidemicum factum, ex quo Lupuli in cerevisia usus introductus est, existimant. Nam quamvis Lupulus frequentioris hodie usus sit in urbe Londino quam umquam antehac fuerit, pauciores tamen inibi nunc dierum quam superiore sæculo, calculo laborant, ut ex accuratis D. Graunt observationibus patet. Quod ad calculum attinet, putamus liquores illos fermentatos spirituosos generationem ejus in corpore humano promoveri, lympham seu sanguinis serum inspissando & ad lapideam usque duritiem coagulando. Quod experientia unicuique patebit, si sanguinis serum in spiritum vini aut ardentem cerevisiæ spiritum infundatur, quod statim concrescit sicut albumen ovi ignis calore coctum, ac tandem prorsus indurescit. Insuper observare licet eos qui vino indulgent & merum assidue bibunt, persæpe calculo & podagra vexari, quorum morborum eadem causa, eadem materia esse videtur, ideoque non raro in se mutuo transmutantur. Unde & aquæ potatores huic morbo minus obnoxios esse arbitramur: & ad calculum præcavendum plurimum conducere opinamur, si jejuno stomacho largior sit aquæ potus, quo renes & uretheres inundentur & proluantur: ita enim & meatus omnes urinarii dilatantur, & arenulæ una eluuntur.

Lupuli folia sicut turiones & strobili aperiunt, abstergunt, & roborant, ciborum concoctionem juvant, viscerum obstructions lienis præsertim tollunt, urinas pellunt & alvum laxant. In malo hypochondriaco, scorbuto, adversus diuturnas febres, scabiem & alia cutis vitia, in fero lactis aut jusculis alterantibus cum vel sine Fumaria incocta commendantur. Succus adhuc valentior est & bilem ac pituitam per alvum educere dicitur.

℞. Carnis vitulinæ ℥ss. Radic. Lapathi sylvestris & Bardan. major. lotar. & taleolatim sectar. ana ℥j. Coque in ℔iij. ad ℔ij. tum adde turionum vel conor. & summitatum Lupul. Fumar. ana M. ij. Bull. per horæ quadrantem pro duobus jusculis mane & sero hauriendis adversus serpigines, herpes & alia cutis vitia.

Externe insignis est Lupuli usus, observante S. Paulli in sedandis & mitigandis partium externarum doloribus, in subluxationibus & tumoribus œdematosis, itemque contusionibus membrorum: necnon in podagricis paroxysmis quos fotu cum Cerevisia coctus sedat.

Robertus Boyle *De utilitate Philosophiæ Experimentalis*, sequens pericarpium ad febrem quotidianam fugandam commendat.

℞. Salis marini, turionum Lupuli recentium ana M. ij. Uvar. corinthiacar. ℥iij. Probe contusa mixta, & in massam redacta carpis applicentur.

Semen Lupuli ℥ss. pondere pulveratum vermes enecare dicitur.

Radi-

Radicibus Lupuli vis aperiens & sudorifera tribuitur. Carolus Clusius auctor est *L. 1. rarior. Plantar. Hist. cap. ultimo*, p. 126. vulgum & vetulas Salmanticenses Medicinam Empiricam facitare solitas, ad curandam alopeciam a lue venerea ortam hac ratione Lupuli radicibus uti.

Ejus radices pondere libræ unius probe lotas & a sordibus repurgatas per noctem in aquæ libris octo macerabant: postridie in illa ipsa lento igne ad tertiæ partis consumptionem coquebant, vel etiam ad mediam partem, si vehemens esset alopecia. Decoctionem servabant in usum. Ejus ℥viii. mane ægris jejunis propinabant, deinde stragulis injectis sudorem provocabant. Addebant interdum Apii sive Selini hortensis duas aut tres uncias, & Graminis aliquot radices, & passas uvas a gigartis mundatas.

Lupuli turiones vel summitates usurpantur in syrupo de Lupulo dicto, in syrupo de Cichor. comp. *Ph. Regiæ Charas*, & in syrupo Byzantino simplic. *Mesuai*.

M A J O R A N A.

MAJORANA duplex in Officinis nostris usurpatur, Majorana vulgaris & Majorana nobilis.

MAJORANA, Majorana vulgaris seu major, *Offic. Majorana vulgaris, C. B. P. 224. Inst. R. H. 199. J. Raii Histor. 538.* Majorana majori folio ex semine nata *J. B. 3. p. 2. 241.* Majorana sive Marum, *Dodon. Pempt. 270.* Amaracus, *Matthiol. Fuchs. Lugdun.* Sampucus sive Amaracus, Latinis Majorana, *Cordi*: Majorana vulgaris æstiva, *Parkins. vulgo, Mariolaine*.

Ex radicibus tenuibus assurgit humilis & fruticosa hæc stirps palmaris aut etiam dodrantem alta, cauliculis sive surculis tenuibus, lignosis, plerumque quadratis, subhirsutis & tantillum rubentibus, in plures alas divisis, circa quas folia nascuntur ex adverso posita, Origani vulgaris forma sed longe minora, incana lanugine obducta, odore fragrante, sapore acriusculo, subamaro, aromatico & grato. Circa caulium ramorumque fastigium ex foliorum alis imbricatæ spicæ oriuntur seu capitula quam in Origano rotundiora, densiora, breviora, ex quaternis foliorum squamatim positorum ordine conflata. Ex earum hirsutarum squamarum sinu prodeunt perpufilli flores albicantes, monopetali, labiati, quorum labium superius surrectum est, subrotundum, bifidum, inferius vero tripartitum. Ex calyce autem surgit pistillum posticæ floris parti infixum, & quatuor veluti embryonibus stipatum, qui deinde abeunt in totidem semina minuta, subrotunda, rufa, in capsula quæ calyx floris fuit recondita. In calidis Galliæ-provinciis sponte nascitur. Hic in hortis colitur.

MAJORANA nobilis, Majorana gentilis, Majorana tenuifolia, *Officin. Tom. II.*

Majorana tenuifolia, C. B. P. 224. *Inst. R. H.* 200. *J. R. Hist.* 538. Majorana tenuior & lignosior, *J. B.* 3. P. 2. 241.

Hæc a vulgari in eo tantum differt, quod sit foliis tenuioribus & fragrantioribus. In hortis colitur. Utriusque Majoranæ folia & summitates floridæ in usum veniunt.

Analyſi chymica, ex plantæ floridæ, demptis radicibus, ℥v. per vaporarium distillatis prodierunt humoris primo turbidi, lactescentis ob olei essentialis portionem aliquam cum phlegmate conjunctam, odore & sapore plantam virentem grate referentis, obscure salſi, & obscure acidi, deinde inodori, manifeste acidi magis ac magis impense ℥iij. ℥xv. ℥iij. Massa residua per retortam distillata præbuit humoris rufescentis empyreumatici, manifeste & impense acidi, austeri & subſalſi ℥j. ℥vj. humoris rufi, alcali urinosi, sale volatili urinoso copioso imprægnati ℥j. ℥v. gr. xxxvj. salis volatilis urinosi concreti ℥j. gr. lxiij. olei tum essentialis fluidi, tum craſſi fœtidi & adiposi ℥ij. ℥vij. gr. lxi. Massa nigra superstes pendebat ℥v. ℥vj. quæ per horas 16. in crucibulo calcinata reliquit cinerum ℥ij. ℥ij. gr. xxiiij. ex quibus salis fixi mere alcali ℥ij. gr. xxij. lixivio sunt extracta. Partium jactura in distillatione fuit ℥v. gr. lvij. in calcinatione ℥iij. ℥iij. gr. xlvij.

Majorana salem essentialem obtinet ammoniacalem cum multo oleo tum tenui aromatico odoratissimo, tum spisso empyreumatico craſſo conjunctum.

Partibus tenuibus, salinis, oleosis, aromaticis & activis pollet. Cibis non solum pro gratia concilianda additur, sed etiam ad eorum flatulentiam emendandam, aut eorum concoctionem faciliorem efficiendam, iis præsertim qui flatus generant ut Pisces, Fabis, Phaseolis & piscibus. Humores craſſos & viscidos digerit & attenuat. Partium fibras torpidas & languide oscillantes excitat, inertium spirituum distributionem juvat, sanguinis motum fermentativum vividiores efficit, Cerebri nervorumque meatus flaccidos & laxè subsidentes restituit & aperit. Auxiliatur cerebri & capitis frigidis morbis quovis modo assumpta. Valet ad pectoris vitia: stomacho utilis est: & ad uteri flatus ceterosque ejusdem frigidos morbos confert. Urinas & aquosos humores ducit, menses provocat. Jecinorosos & lienosos juvare dicitur. Cum ceteris aromaticis usurpatur in affectibus capitis & nervorum, paralyſi, apoplexia, vertigine, artuum tremore, spasmis & atonia fibrarum nervearum, ac speciatim in catarrhis. Præ ceteris commendatur in coryza & in olfactus læsionibus. Hartmannus in *Præxi Chymiatrica*, p. 111. asserit in Majorana deſceſcere perfectum arcanum pro olfactu abolito.

Ejus pulvis ad ℥j. aut ℥ss. cum marmelada florum Aurantiorum quotidie mane jejuno ventriculo tamquam expertissimum in epilepsia remedium a nonnullis exhibetur, teste Roderico a Fonseca *Tom. 2. Consilior. Medic.* 80. Aqua distillata Majoranæ inter aquas cephalicas & nervinas recensetur,

tur, & aquas & spiritus cephalicos & nervinos, tum interne, tum externe adhibendos ingreditur.

Externe contusa vel pulverizata errhinum est optimæ notæ. Quin & ejus folia recentia inter digitos parum trita & naribus immissa sternutamenta excitant, & caput ita purgant. Idem præstant ejus aqua distillata, vel infusum naribus attracta. Nicolaus Chesneau Medicus Massiliensis sequens errhinum a se sæpius expertum in cephalalgia commendat.

℞. Radic. Hellebori albi ʒss. folior. Majoranæ pug. ij. Decoquantur in aq. ʒvj. ad consumptionem tertiæ partis; ore aqua pleno utere, naribus attrahendo, ex decocto parum calido in vola manus posito: in dolore atroci, levem enim exasperat.

Aqua Majoranæ distillata catarrho plurimum confert, affirmante S. Paulli, si loco errhini, ore prius simplici aqua vel vino repleto, volæ seu cavæ manui infusa, compressa alterutra nare, altera exhauriatur: quo errhino summa cum laude Fabricius socer ejus in principe VValensteinio usus fuerat.

Ex eadem herba exsiccata cucuphæ adversus catarrhos & frigidas capitis affectiones cum ceteris cephalicis pulveribus parantur.

℞. Folior. Majoranæ, Salviæ, Rorismarini, Betonicæ, summitatum Lavandulæ & Stœchados, Radic. Iridis Florent. & Calam. aromatic. ana q. l. Fiat pulvis, ex quo fiat cucupha interpuncta, excipiendo hunc pulverem pauco Gossypio & includendo in panno sericeo, qui pileo assui potest vel in forma calanticæ gestari, præsertim hyeme.

De horum cephalicorum medicamentorum utilitate in capitis affectionibus nonnulli dubitant. Verum sæpissime capitis dolores & affectiones ex pericranio tantummodo affecto pendent: tuncque cephalica hæc externa maxime juvant. Nec minoris sunt utilitatis eadem medicamenta in illis affectionibus quæ a causa interna pendent. Si enim attendamus ad vasorum sanguineorum communicationes, nullus dubitationi erit locus quin cum sanguine tenuiores horumce medicamentorum partes tandem ad interiora cerebri pervenire possint, ibique obstructions referare & prolapsum fibrarum tonum restituere valeant.

Ex Majorana exsiccata oleum essentielle distillatur fragrantissimum, quod si nova distillatione rectificetur, multum adhuc resinosaë facis post se relinquit, observante Frederico Hoffmanno Professore Hallensi. Hoc oleum maxime conducit in affectionibus paralyticis & nervinis, tum interne ad guttam unam aut alteram exhibendo cum Saccharo mistum sub elæosacchari forma, tum externe eo nucham & spinam dorsi inungendo. Vertici quoque capitis illitum restaurare olfactum amissum Ettmullerus scribit. Familiare est malum infantibus ut nares obstruantur, difficulter respirent, & in lacte sugendo impediuntur: cui incommodo oleum Majoranæ, narrante Ettmullero, externe naribus illitum, pro resolvendo muco egregie succurrit vel solum ubi mitius, vel mixtum cum oleo Irino &

infuso Nicotianæ, ubi valentius operari debet. Interne autem tuto non attrahi aut immitti debet propter acrimoniam. Balsamum Majoranæ paratur ex Majorana viridi in axungia porcina sæpius infusa & ex ejusdem olei essentialis guttis aliquot instillatis. Hoc a S. Pauli plurimum commendatur in catarrho & coryza, si eo pinnae narium & *μσέριον* inungantur. Eodem quoque nucha temporaque cum in modo dicto affectu, tum in aliis frigidis capitis affectibus utiliter inungi solent. Oleum essentielle Majoranæ in balsamorum apoplecticorum præparatione usurpatur.

R. Olei nuc. moschat. ℥ss. oleor. essential. Majoranæ, Lavandulæ, Rutæ, Thymi ana gutt. iiij. olei Cinnamom. gutt. vj. olei Succin. gutt. x. M. F. balsamum.

Majorana usurpatur in pulvere cephalico, pulvere sternutatorio, decocto cephalico, syrupo de Artemisia, & in aqua apoplectica Pharmacop. Regiæ *Charas*.

M A L V A.

INTER plures Malvarum species tres potissimum in officinis usitatae sunt, scilicet, Malva vulgaris flore majore, Malva vulgaris flore minore, quæ indiscriminatim usurpantur, & Malva rosea.

MALVA vulgaris, Malva vulgaris flore majore, *Off.* Malva vulgaris, flore majore, folio sinuato, *J. B.* 2. 949. *Inst. R. H.* 95. Malva sylvestris, folio sinuato, *C. B. P.* 314. Malva sylvestris, major, *Tabern. Icon.* 768. Malva erratica 2. vel Malva equina, *Brusfels*: Malva vulgaris, *Parkins. J. Raii Hist.* 599. Malva sylvestris, *Gerardi*: Omnimorbia *nonnullis*: vulgo, *Mauve*.

Radix ei simplex est, alba, paucis fibris capillata, alte in terram descendens, sapore dulci & viscido prædita: caules sesquicubitales & altiores, ex eadem radice plures, teretes, hirsuti, medulla farcti, ramosi minimi interdum digiti crassitudine fere. Folia singulatim per intervalla caules vestiunt, pediculis prælongis insidentia, subrotunda, ima, nonnihil laciniosa, in caulibus magis laciniata, brevi & vix conspicua lanugine hirsuta, atrovirentia, in ambitu crenata. Flores ex alis foliorum exeunt plures simul, pediculis longis, tenuibus, hirsutis innixi, ampli, monopetali, campaniformes, patentes, in quinque segmenta cordata ad imum fere usque divisi, purpurei, saturationibus lineis striati, & nonnumquam colore albo variantes. Ex floris fundo emergit tubus pyramidalis staminibus purpurascens onustus: calyce sustinetur duplici. Interior quinquepartitus arcu connivet & quinque lineas eminentes ostendit. Exterior tripartitus est. Ex calycis fundo surgit pistillum infimæ floris parti ruboque infixum, quod deinde abit in fructum planum, orbiculatum, placentæ umbilicatæ seu caseoli formam referentem, calyce involutum, constantem ex plurimis feminibus reniformibus, singulis capsula sua

sua membranacea peculiari cinctis axi fungoso & striato ita cohærente ut singulæ hujus axis striæ capsulam suam quasi articulatione quadam excipiant. Juxta sepes, semitas & in locis incultis & ruderatis sponte crescit. Folia, flores & semina usitatissima sunt.

MALVA vulgaris flore minore, *Off.* Malva vulgaris, flore minore, folio rotundo, *J. B.* 2. 949. *Inst. R. H.* 95. Malva sylvestris, folio rotundo, *C. B. P.* 314. Malva sylvestris, minor, *Tabern. Icon.* 769. *Parkins.* 7. *Raii Histor.* 599. Malva sylvestris repens pumila, *Lobel. Icon.* 651. vulgo, *Petite Mauve*.

Hæc omnibus suis partibus præcedente minor est. Radix non minus alte in terram descendit, ita ut difficulter extirpetur. Caules tenuiores, infirmiores & in terram reclinati, hirsutiores etiam, verum lanugine breviori: medius tamen non raro erigitur. Folia minora, rotundiora, quæque in summis caulibus sunt minus laciniata, præterea nigricant magis & canitiem quamdam ostendunt. Verum præcipua differentia est in floribus qui multo minores sunt, & ex pallida purpura albicantes, purpureis lineis striati. Non minus frequens est præcedente, & in eisdem locis proveniens. Indiscriminatim cum præcedente ad usum medicum legitur. Earum radices, folia, flores, semina usitata sunt.

Analyti chymica, ex foliorum & radicum Malvæ vulgaris recentium ℥v. per retortam distillatis prodierunt humoris limpidi, fere insipidi & inodori, obscure acidi ℥j. ℥ix. ℥j. gr. lx. humoris limpidi, manifeste acidi, obscure subausteri ℥ij. ℥xij. ℥vij. gr. xxxvj. humoris rufi, empyreumatici, sale volatili urinoso copioso imprægnati ℥j. ℥iij. gr. xxxvj. salis volatilis urinosi concreti gr. xlvij. olei ℥ij. gr. xliij. Massa nigra in retorta residua pendebat ℥iiij. & densa erat: quæ rite calcinata reliquit cinerum leucophæorum (*gris de souris*) & densiorum ℥j. ℥vij. gr. xxvj. ex quibus lixivio salis fixi mere alcali ℥vj. gr. lxij. extracta sunt. Partium jactura in distillatione fuit ℥ij. ℥j. gr. lxxvj. in calcinatione ℥ij. gr. xlvj.

Malvæ succus chartam cæruleam non mutat, nonnihil glutinosus est, & saporem herbaceum fatuum tantummodo refert. Salem essentialem obtinet ammoniacalem cum oleo copioso & uberiori phlegmate ita conjunctum ut mucaginem simul constituent quæ igne in analysi destruitur. Attamen ab ea mucosa substantia Malvæ præcipua virtus pendet.

Malvæ in re alimentaria frequens olim fuit usus, & primum pene locum in mensis obtinuit quæ hodie eviluit, culinis exulat & ad Pharmacopœorum officinas prorsus relegatur. Pythagoras dixit Malvæ folium sanctissimum, referente Æliano *varia historia lib.* 4. c. 17. Apud veteres in quotidiano pene usu erat ut exonerarent ventrem, qua de causa & græcis *μαλάχνη ἀπὸ τῆς μαλάσσειν* ab emolliendo. Unde Martialis l. 10.

Exoneraturas ventrem, mihi villica Malvas

Attulit, & varias quas habet hortus opes.

Galenus scribit nutrire Malvam mediocriter; & si trium istorum olerum,

Be-

Betæ, Lactucæ, & Malvæ succus comparetur, deprehendi ait, Betæ quidem tenuium esse partium, & abstergendi virtute donatum: Malvæ autem crassum magis & lentum: Lactucæ inter utrumque medium. Prisci non tantum coctam comedebant Malvam, sed etiam crudam in acetariis cum Lactuca: & adhuc apud nos nonnulli vere novo cymas & cauliculos Malvæ, Asparagorum more, ex oleo & aceto prima mensa manducant, ut venter fluidus evadat, sed caveant ne sicut Cicero ab illis decipiantur. Scribit enim *lib. 7. Epistolar. Epistola ad Gallum*, se a Malva deceptum, quoniam ejus esus alvi profusionem concitasset.

Utraque Malva indiscriminatim usurpatur; humectat, emollit, lenit dolores, urinæ acrimoniam mitigat & alvum blande laxat. Inter quatuor herbas emollientes communes primum locum tenet: suntque Malva, Althæa, Viola nigra & Acanthus seu Branca ursina: quibus adhuc aliæ quatuor minoris famæ nonnumquam adjunguntur, Mercurialis nempe, Parietaria, Sicla vulgo Beta, & Atriplex. Omnium siquidem usus æque celebratur in decoctis enematum & cataplasmatum emollientium parandis. Galenus observavit Malvam minus quam Lactuca refrigerare, quod observare licet, inquit, si ex ambobus vicissim oleribus cataplasma ad calidum quempiam affectum, quale est erysipelas, componas; id quod facitare consueverunt, molliuscula folia perquam diligenter tundentes, donec ad lavorem exactissimum redacta sint. Tum namque cognosces Lactucam manifesto refrigerare, Malvam vero modicum & quasi tepidum quemdam calorem obtinere. Reipsa analysi in Lactuca sal essentialis nitrosus deprehenditur, in Malva vero ammoniacalis.

Malvæ succus ad ℥vj. vel ℥viij. utiliter exhibetur in viscerum inflammationibus, melancholicis, maniacis & mulieribus ægre parturientibus, teste Matthiolo. Foliorum decoctum vel aqua distillata assidue pota in internis febrium ardoribus, peripneumonia, pleuritide, plurimum conferunt, dysenteriam mitigant, in renum, vesicæ & matricis inflammationibus & abscessibus, dysuria, stranguria, utilia sunt. Grulingius *in praxi* decoctum vel aquam foliorum Malvæ ad ℥iij. cum syrupi violacei ℥jß. urinæ ardorem & acrimoniam mitigare & restinguere illico prima dosi asserit. Quo remedio Forestus semetipsum dysuria laborantem curasse testatur. Florum Malvæ infusum in aqua, Theæ ad instar, quotidie mane ad ℔j. epotum a D. Chomel *in plantar. usual. hist.* tamquam expertum remedium in dysuria inveterata proponitur. Conserva ex Malvæ floribus parata ab Amato Lusitano *cap. 6. curation. 58.* & ab Hochstetere *in decad. 6. cap. 2. Scholio* in stranguria, dysuria & aliis affectibus urinariis, uti & pectoris ægritudinibus plurimum laudatur. Foliorum & radicum cum Fœniculo & Anetho decoctum lactitantibus copiam lactis affert. Folia, flores & radices in jusculis & apozematibus temperantibus & emollientibus utiliter præscribuntur. Syrupus e succo foliorum Malvæ & conserva ex floribus præparata adversus calculosorum dolores commendantur.

Malvæ radicem vel seminum decoctum ex aqua aut lacte per aliquot dies potum calidam tussim tollit, pulmonis exulcerationi medetur, & adversus phthisim commendatur. In clysteribus adeo frequens est Malvæ usus ut vix ac ne vix quidem ventrem emolliens ac dolores intestinorum, renum, vesicæ, uteri mitigans clyster præscribatur, in quo Malva primas non occupet.

Parantur quoque ex ejusdem foliis fots, & cataplasmata externis partibus imponenda, ad dolores sedandos, inflammationes compescendas, humores acres temperandos, exasperata lubricanda, tumores duros discutientes, emolliendos, resolvendos, & abscessus maturandos & ad suppurationem perducendos. Coquuntur ex aqua vel lacte. Sæpe adeps purissimus vel olea cum foliorum expressa pulpa consociantur.

R. Radic. Althææ minutim sectar. ℥ij. Folior. Malvæ, Bismalv. Violar. & Acanth. ana M. ij. Seminum Lini & Fœnu-Græci ana ℥j. Flor. Chamæmel. & Melilot. ana M. j. Decoquantur in aq. comm. q. s. Decocto effuso, cetera contendantur & pulpa per setaceum trajiciatur. Unicuique hujus pulpæ libræ addi potest axungie porcin. vel unguenti de Althææ ℥ij. vel olei Lilior. aut Chamæmel. ℥j. & coquendum iterum ad cataplasmatismatis consistentiam.

In tinea & ulceribus capitis, sicca crusta, decoctum Malvæ pro lotionne capitis singulariter commendatur. Ettmullerus hoc decoctum fieri jubet in aqua paululum acuata cum lixivio acri, aut urina sana. Si vero tinea sit humida, & achores sint manantes, tum coquitur Malva cum Pisces in aqua simplici vel cerevisia. Alii unguentum seu linimentum parant ex Malva ejusque radice subacta cum butyro majali non salito, & addita pauca camphora, & fit elegans linimentum, asserente eodem Ettmullero ad loca tinea & achoribus affecta detergenda.

Malvæ folia usurpantur in syrupo de Althæa Ph. Regiæ *Charas*: semina in syrupo de Hyssopo *Mesuae*, Jujubino *eiusdem*, Trochiscis *Gordonii*, Looch sano Pharmacop. Reg. *Charas*.

MALVA rosea, *Off.* Malva rosea, folio subrotundo, *C. B. P.* 315. Malva rosea sive hortensis, *F. B.* 2. 951. *F. Raii Histor.* 600. Malva arborea sive hortensis, *Tabern. Icon.* 765. Malva hortensis, flore simplici, *Eyste-tens*: Hastula regia, *Gesner. horti* cui & Malva Romana: vulgo, *Rose d'Outremmer* ou *Tremier*.

Ex radice longa, alba, lentum mucorem remittente, non alium quam Malvæ sylvestris saporem referente, assurgit ad arbusculæ magnitudinem, stipite crasso, solido, hirsuto, ramis aliquot brachiato. Folia alternatim longis mediocriter & lanuginosis pediculis ex caule oriuntur, singula, lata, infima & primum erumpentia rotunda, superiora in caule angulosa, quinque fere aut septem interdum divisuris insecta, in ambitu crenata, supra obscurius virentia, infra albidiora, utrinque pilosa, superne tamen in nonnullis adeo brevi lanugine ut vix discerni possit: ex quo-

quorum alis flores emicant, nunc singuli, nunc bini ternive, pediculis brevibus, successive plures, rosæ vulgaris magnitudine, monopetali, campaniformes, patentes, & in quinque partes profunde usque ad imum fere divisi, colore vel rubro, vel puniceo, vel saturo sanguineo, vel carneo vel albo, interdum luteo, iique modo simplices, medium occupante cono apiculis subluteis & purpurascentibus prædito: modo multiplici petalorum fetu luxuriantes. Insident autem hi calyci geminato, cana lanugine pubescenti. Fructum post se relinquunt in pastilli formam compressum & Malvæ sylvestris similem, sed majorem. In hortis seritur. Flores usitati sunt.

Ipsa planta, inquit Ettmullerus, minus temperata est quam ejus flores, rubri præsertim, qui blande sunt adstrictorii, & ob hanc causam a Paracelso inter vulneraria relati. Gargarisma ex his floribus cum lacte paratum a S. Pauli commendatur pro tonsillis male habentibus, ut magnæ efficaciam remedium. Et ab Ettmullero laudatur hoc gargarisma anodynum in inflammationibus tonsillarum, angina, & faucium exulceratione. Quinetiam iidem flores exsiccati, pulverizati, & cum melle despumato & aluminis tantillo misti, ac gingivis illiti efficacissimum præbent remedium, affirmantibus iisdem S. Pauli & Ettmullero, adversus oris gingivarumque corrosionem & laxitatem scorbuticam.

M A L U S.

MALORUM nomine fructus omnes molli tunica vestiti intelliguntur, ex quibus Poma præcipue commendantur. Quin & Pomum etiam generale nomen est, cujus significatio latius patet quam Mali: nonnulli enim nucem etiam hoc nomine complectuntur. Alii tamen nucem a Pomo ita distinguunt, ut Pomum sit quicquid foris habet quod edendo est, durum intus includit: nux quicquid foris duriore corio tegitur, intus habet quod edendo est.

Malus autem sive Pomus vulgo *Pommier* arbor est notissima cujus duo genera distinguuntur, sativum unum, & agreste. Malus sativa iterum in duo genera dividitur, majorem nempe & minorem. Major ad arboris mediocris magnitudinem assurgit, minor vero vix arbusculæ altitudinem superat. Eorum fructus Malum sive Pomum dicitur.

MALUS sativa, vulgo *Pommier cultivate*, arbor est magis patula plerumque quam alta: cortice scabro, sæpe muscoso obtecta, foris cinereo, intus flavo ac lævi potius quam aspero, materie alba vel candicante, fragili, mediocriter dura & variis utensilibus parandis atque ad torni artificium haud incommoda: radice non valde multa, nec admodum profunda, sed in summo fere terræ obhærente. Folia ex rotundo oblonga, vel obtusa, vel acuminata, inferne villosa magis quam superne, præsertim nova, in ambitu crenata, alternatim posita. Flores simul multi, ex brevibus tomentosis pedi-

pediculis, suaveolentes, rosacei, singuli quinque petalis candidis vel purpurascentibus, in orbem positis constantes, apicibus in medio subflavis, & calyce viridi quinquepartito, qui deinde abit in fructum carnosum, fere globosum, plerumque utrinque umbilicatum, in quinque loculamenta divisum, seminibusque ferum callosis & oblongis. Hic fructus Malum dicitur, magnitudine & figura varius: quippe alius rotundus, alius turbinatus, quidam angulosus. Sunt etiam qui ad pugni gemini magnitudinem accedunt, sunt & parvi & mediocres, tunica omnes contecti vel pallida, vel flavescente, interdum rubra aut ex toto aut ex parte, rarius subcinerea, aut ad glaucum vergente, cui caro seu pulpa subest mitis, odorata in maturis, in immaturis & sylvestribus durior: sapore vel dulci, vel subacido aut vinoso, vel acido dulci: in sylvestri, austero atque acerbo. Pediculo suo unusquisque adhæret, eo ipso longitudine & crassitudine diverso, e parte inferna, atque ut plurimum cavata, rarius prominente emerso, in cujus opposito, parte nimirum superna, est id quod *πυθμὲνα* quidam vocant ex Polluce, alii *ὑμφαλον* umbilicus seu cavitas quædam, cui inutile floris residuum insidet. In ipso fructus meditullio, seu volva Scribonio dicta, semina latitant oblonga, altera parte obtusa, altera acuta, qua petiolum spectant, intus latentia, per maturitatem nigra, membranis quibusdam cartilagineis, ceu parietibus intergerinis sejuncta, ita ut singula in singulis latitent cellulis, interdum etiam gemina, quorum medulla candida, sapore subdulci.

Mali unam dumtaxat speciem J. Raius agnoscit. Infinitas quæ feruntur species, varietates tantum esse existimat, accidentibus quibusdam, magnitudine, figura, maturescendi tempore, differentes, quæ sationi originem suam debent: cum ex seminibus satis novæ in dies exoriantur. Nonnihil varietatis quoque ex insitione emergit, qua nempe succus ex acerbo aut acido in mitem mutatur.

Amat quævis fere loca Malus, si ferventiora excipias, sed maxime temperata aut etiam humidiora, non tamen frigidissima. Rara est in interiore Italia & Gallo-provincia ob cæli fervorem. A Normannis ob potum quem ex ejus fructu parant præcipue celebratur & feritur diligenter.

Mala seu Poma apud nos secundas mensas toto fere anno instruunt. Eorum, ut diximus, plures sunt differentiæ, quas hic recensere operosissimum & inutile foret. Quasdam tantum apud nos usitatiores indicabo.

MALA Paradisiaca *Ruellii de natura stirp.* 251. Poma seu mala præcocia, *Tabern. Icon.* 998. vulgo, *Pommes de Paradis*: præparva sunt, mellea dulcedine, præcoci celeritate quasi verna, & omnium fere Pomorum fugacissima. Alia fructu sunt candido, alia fructu rubro.

POMA Rambura *Ruell. de n. stirp.* 251. vulgo, *Pommes de Rambour*: prægrandia, rotunda, callo fragili, tenero, mira & suavitate gustus & teneritudine, ita ut in ore frustra liquecant, sed ut fugientia diu servari non possunt. Facile ad prunas assantur, & ægris potissimum destinantur.

POMA Capendua, *Ruell. de n. stirp.* 251. Poma Capenduta, Curtipendia.
five

sive Curtipenda, *Carol. Steph. Præd. rustic.* 147. Mala Cestiana quibusdam, *Lugd.* 286. Mala Curtipendula dicta, *J. B.* 1. 21. vulgo, *Pommes de Courpendu* ou *de Capendu* ou *Pommes de Bardin*. Sic dicta sive quod brevi pendeant pediculo, sive Carpendula ἀπό τῆς κάρπης a fructu ut vult Lud. Duretus, quod inter fructus primas teneant: magnitudine media, colore alia griseo, alia rubro, alia rufa, alia dura, odoratu suavia, saporis grati, minime fugacia.

RENETEA, Mala Prasomila, *C. B. P.* 433. Poma Renetia, *Caroli Stephan. Præd. rustic.* 147. acido dulcia sunt & vulgatissima, quorum plures distinguuntur species; alia enim e viridi pallescunt, *Renettes vertes*; alia albicant, *Renettes blanches*; alia flavescent, *Renettes rousses*; alia e viridi ferrugineo colore distinguuntur quæ *Renettes grises*, & inter cetera plurimum commendantur.

ROSEA Mala *Petri Gontier de sanitate tuenda* 196. & Poma Appiana *eiusdem*: Mala Apiola & Milerosa *Matthiol.* quorum species duæ, majora & minora sunt: colore albo & roseo elegantissima, inodora, sed propter coloris gratiam, & propter aquæ deliciosæ ubertatem, qua os mandentium abluunt & sitim restinguunt, a principibus, feminis aut aliis delicatulis plurimum expetita.

PASSIPOMA seu Calvilæa, *Petri de Gontier sanitate tuenda* 196. Passipoma, *Ruell. de n. stirp.* 251. mediocri sunt magnitudine, turbinatio-re figura, carne suavi, dulci, prætenera, gustu perquam jucundo, semine per maturitatem in utero sonante. Eorum tria sunt genera, alba & inodora, *Calvilles blanches*; rubra, foris & intus rubro colore tincta, & odore quasi violaceo fragrantia, Erythromelon magnum, Parisiacum, *J. B.* 1. 14. *Calvilles rouges* ou *Calvilles d'automne*: dilute rubentia, *Calville clair*. Saporis gratia omnibus aliis, ut mihi videtur, antecellunt, potissimum si nimis non maturuerint, quo tempore farinacea gustu percipiuntur. Sed ut mire placent, ita cito fugiunt.

POMA Castinia, *Ruell. de n. stirp.* 252. *Pommes de Chataignier* ou *de Martrange*: sunt oblonga, dura, mediocri magnitudine, sapore austeriore quasi castaneæ.

POMA Francetura, *Ruell. de n. stirp.* 252. *Pommes de francatu*. Rotundo habitu & amplo, colore partim rubro, partim luteo, grata acerbitate, quæ tandem in dulcedinem degeneret. Diu servari possunt & annicula sæpe reperiuntur.

POMA Fœniculata oblonga sunt, mediocri magnitudine, colore e cinereo ferrugineo, sapore grato, dulci, saccharato, ad Anisi vel Fœniculi fere saporem accedente. Ideo *Fenouillettes* ou *Pommes d'anis*.

Harum & aliarum fere innumerarum Malorum specierum non eadem est temperatura. Errant igitur qui de Pomorum qualitatibus iudicium ferunt nulla adhibita distinctione. Ratione saporis quem Medicus primario respicit, alia sunt dulcia & fragrantia ut nostra Calvilæa, & acido-dulcia

ut Renetea quæ per tempus omnino dulcescunt, quæ utpote temperata saluberrima censentur, frigidis aut debilioribus stomachis conveniunt, reficiunt ac nutriunt, & egregium præbent alimentum medicamentosum. Alia sunt acida, ut sunt ea quæ dicuntur apud nos *Pommes coufinates*, quæ refrigerant, conducuntque ventriculo crasso ac viscido humore repleto, utpote quem acida hujuscemodi incidunt ac detergunt. Flatus tamen & alvi obstructions pariunt: & si cruda frequentius comedantur, nervis nocent. Quædam sunt aquosa & fatui saporis, quæ cum facillime in ventriculo corrumpantur, nullius fere usus sunt. Quædam austera sunt, ut Poma Castinia, quæ crassioris sunt substantiæ, tardius per alvum descendunt, eamque sistunt, constringunt & roborant. Immoderate comesta colicos dolores pariunt.

Rejicienda omnis generis Poma, antequam in arboribus maturuerint, decerpta. Concoctu enim difficilia sunt, tarde permeant, pravi sunt succi, & eximie nocent: unde variis & gravibus morbis tenentur pueri feminaeque, ingluviem Malis vixdum inchoatæ maturitatis explentes. Cruda omnia, recens lecta flatulenta sunt, in debilioribus ventriculis difficile coquuntur, colicos dolores pariunt & a nonnullis dicuntur nervosis partibus infensa. Optima sunt Renetia nostra quæ in hyemem & ad proximum ver usque asservantur, ceu non ita cruda, humida & flatulenta: ita enim maturitatem quam non plenam a sole acceperant, ab ætate nanciscuntur.

In repositione Poma caduca bene separanda, ne putredine sua cetera inficiant. Cælo sereno collecta super assaribus collocentur, vel super palea triticea in loco frigido reponantur spectantibus fenestris ad aquilonem, vel in hordei acervo sepeliantur. Ab aliis per seriem in dolio, substrata & superimposita palea, reconduntur; sic extractis variis Pomorum & paleæ areis aut stratis, donec impletum sit dolium, illud ita accurate operiunt, ut aërem non admittat. Sic in vernum usque tempus durant, ac magna copia huc ex Arvernia nobis quotannis afferri solent. Verum ne a frigore nimio congelentur diligenter cavendum est: ideoque cum gelu vehementer ingruit, vel stragulis superjectis, vel telis cannabinis aqua madidis vel copioso stramine præsertim avenaceo, contegenda sunt, vel in cellam subterraneam profundiore recondenda, ubi a gelu etiam vehementissimo tuta & illæsa latent. Quod si incuria semel congelata fuerint, non igni admovenda ut restituantur, sed in aquam frigidissimam conjicienda, ut pristinam naturam recuperent: gelu scilicet ab interioribus ad externam Malorum superficiem, quæ glacie paulo post cooperta reperitur, revertente: quod equidem mirum. In ovis congelatis non modo idem evenit, sed etiam in omnibus corporis humani partibus quæ gelu rigent; quare talis pernionibus afflictis idem præstitisse auxilio fuerit.

Coctione & assatione omnium malitia emendatur, & flatulenta tollitur. Coquendi autem varia est ratio. Assantur, elixantur, friguntur, variis modis

dis condiuntur cum saccharo, cum butyro, aut aromatis quibusdam. Ex iis placentæ conficiuntur, opera dulciaria diversa fabricantur, pastæ, gelatinæ parantur. Secta per medias, feminibus membranisque purgata in furno siccantur.

Licet Poma sint cuilibet genti gratissima, quibus ob salubritatem & suavitatem odoris saporisque nec ulla mensa caret nec officina pharmaceutica, quæ eorum succis utitur ad confectionis Kermeticæ & Syrupi Regis Sapor condituram, ut etiam ipsorum carne ad unguenti Pomati confectionem, nihilominus Arabes de illis sinistre admodum sentiunt. Avenrhoes *V. colliget cap. XL.* sic loquitur. „Poma generant grossam ventositatem in secunda & tertia digestionem, & possunt inducere phthisim & hecticam: quia „flatus ab illis elevatus habet proprietatem ad erodendas arterias pulmonis. “S. Sethi illa proprietate quadam nervis obesse scribit. Rhasis *ad Almanzorem*, implere Poma viscosis humoribus stomachum: *in Aphorismis* vero Poma acra oblivionem inducere asserit. Hippocrates quoque *L. 5. Epidemior. sect. 7.* docet oculis noxam afferre Lentem, Poma dulcia & oleosa: Idem *L. 3. de Dieta IX. 4.* inquit: „At Poma fortiora sunt, quam pro „humana natura. Melius est igitur a Pomis abstinere. Si vero quis cum „bis utatur, minime deliquerit. “Caspar Hoffmannus Pomorum crudorum malitiam comprobatur exemplo cuiusdam Jurisconsulti Scipionis Gentilis dicti. Hic laborabat vertigine, quam duo maximi Medici frustra tractabant. „Relata re, inquit, ad Matthæum patrem, qui tum in Anglia vivebat, responsum venit. Tu nimis caperis crudis Pomis post prandium & „cœnam, quæ indicibiliter corrumpuntur. Abdica & viceris. Factum fuit „ut dictum est. “Nec magis Pomis favet S. Paulli *in quadr. Botanico*, qui sexagesimum tertium ætatis annum agens narrat se ab anno quadragesimo cordis palpitatione per longa mensium intervalla & plerumque sub autumnum infestari, quæ quidem a Pomorum crudorum esu augebatur. Hæc autem sunt illius verba. „Laudabunt igitur alii, quanto velint opere, usum „Pomorum adversus gravissima cordis symptomata, per me licet; ego vero, qui antehac nunquam esum mitiorum sed crudorum Pomorum a prandio & cœna aversatus sum, manifeste adverti, me non quidem vertigine, „instar Scipionis Gentilis, corripui, sed perfacile ab illorum esu cordis palpitatione infestari, eamque pertinacius mihi molestam fuisse, nisi sub autumnum venam brachii ferro incidendam curarem; ab iis crudis, licet mihi „tibus jam abstinere aut rarerer iis vesci sum solitus: præsertim cum semel „atque iterum incubum ea nocte sim passus, qua a cœna suavitate Pomorum crudorum captus, ad satietatem usque ea esitavi. “Galenus *de cibis* 8. scribit Poma & Pyra medicamentum potius esse quam alimentum. Idem succi Malorum pravitatem arguit ex eo quod expressus succus facile acescat & ebulliat statim ut mustum. Quod de crudis Pomis intelligendum. Cocta autem minus nocere idem Galenus *l. de victu atten. 2.* concedit. Schola Salernitana cap. VII. de vitandis cibis sic canit:

Perfica, Poma, Pyra, & Lac, Caseus, & caro salsa:

Et caro cervina & leporina, bovina, caprina:

Atra hæc bile nocent, suntque infirmis inimica.

Dicuntur & calculum illis generare qui ad satietatem utuntur, inquit Arnaldus Villanovanus *in commentariis in Scholam Salernitanam*.

J. Bauhinus se vel suo periculo didicisse scribit fungosam Pomorum substantiam ventriculo frigidiori atque intestinis haud esse commodam. Nam præterquam quod diu in ventriculo obhærescit, flatus excitat atque dolores: adeo ut ab illis & coctis & crudis abstinere cogeretur. Pyra vero sive cruda sive cocta facilius ferebat, meliusque digerebat. Anasarcam ab iisdem nimia quantitate ingestis ortam aliquando fuisse, particularis Ridlini observatio est *in Actis Lips. ann. 1709. p. 317.*

Verumenimvero quidquid dicant Pomorum accusatores, Poma sanis alimentum præbent familiarissimum & quamplurimis saluberrimum, ægrotantibus quibusdam non solum innocuum, sed etiam utile, in primis melancholicis, si eis in prandio & cœna vescantur, aquam tantummodo pro potu bibentes. Sic enim facile digeruntur: ægre vero concoquantur in ventriculo, si vino consociantur. Confitendum est tamen ea non omnibus naturis convenire, non nimia quantitate devorari debere, nec nisi bene matura comedenda, sæpius cocta crudis anteponenda; nec sola sed cum cibis & præsertim cum pane esitanda, & diversa Malorum genera diversis naturis aut affectionibus esse accommodanda. Ipse Galenus nos docet quodlibet genus Mali in suo genere non spernendas dotes obtinere, nec a mensarum honore repellenda. Austeris Pomis utendum, cum ventriculus vel propter calidam intemperiem, vel copiosam humiditatem imbecillus fuerit; acidis vero; quando crassus succus, qui non magnopere frigidus fuerit, in stomacho collectus fuerit: alvum quidem humectant & dejectiones movent, incidendo crassos humores qui in ventriculo sunt; quod si vero ventriculum purum & pravi humoris expertem invenerint, ventrem magis sistunt. Dulcia autem Mala, cum ad calidam qualitatem vergant, frigido ventriculo conveniunt, ventrem solvunt, minimeque inflationes movent, ac saluberrima habentur. Calvilæa & Renetia ceteris antepono: hæc acidodulcia sunt ac per aliquod tempus asservata prorsus dulcia evadunt: illa prorsus dulcia sunt. Utraque gustu sapido grato, odore fragranti. Unde non immerito inter cardiaca recensentur, nempe ratione tenuium partium quibus donantur.

Analyti chymica, ex Renæteorum Malorum lbv. semotis seminibus, membranis cartilagineis & pellicula, per retortam distillatis, prodierunt humoris limpidi, fere inodori & insipidi, obscure acidi lbj. ℥ix. ℥ij. gr. lx. humoris manifeste acidi magis ac magis impense, deinde magis ac magis austeri lbij. ℥ix. ℥vj. gr. xxxvj. humoris rufi, empyreumatici, impense acidi, & maxime austeri ℥iij. ℥vij. gr. xliij. olei spissi ad instar extracti ℥ij. gr. xxx. Massa nigra in retorta residua pendebat ℥v. quæ per sex horas rite calcina-

ta reliquit cinerum ℥ij. gr. xxiiij. ex quibus lixivio salis fixi mere alcali ℥j. gr. xxxvj. fuerunt extracta. Partium jactura in distillatione fuit ℥ij. ℥iiij. gr. xlvij. in calcinatione ℥iiij. ℥v. gr. xlvij.

Calvilæa mala humores præbuerunt minus austeros, paulo minus acidos, oleum minus crassum.

Utraque Mala contusa & expressa succum præbent sapore dulcem, nonnihil mucosum, musto fere similem, qui per fermentationem vinosus fit, ac tandem acescit. Succus fermentatus & vinosus non parum spiritus ardentis distillatione fundit. Mala & eorum succus odorem fragrantissimum & sæpe sua vehementia molestum spargunt. Salem essentialem obtinent tartareum, sed tenuiorem quam in uvarum succo, qui quidem sal fermentatione vel leviori volatilis fit & in auras dissipatur. Tenuibus hisce partibus salino-acidis cum sulphureis aut mucosis nonnullis etiam tenuibus intermixtis & consociatis. Mala & eorum succus plurimum pollent adversus melancholiam hypochondriacam, & alias melancholicas affectiones, spissiores sanguinis & humorum crasim dividendo, attenuando, blandam in sanguine fermentationem suscitando, obstructions resolvendo; cordis palpitatio, spasmodicis motibus sæpe medentur, & hac ratione inter cardiaca medicamenta recensentur. Alvum blande laxant & pertinaces alvi melancholicorum constipationes solvunt. Bilem subtilem & acriorem temperant & involvunt, atque in febribus ardentibus plurimum conducunt: sitim sedant, & eorum decoctum pro potu vel julapia ex his parata febricitantibus utiliter exhibentur. Prosunt etiam in ictero, in hepatis & glandularum mesenterii infarctu. Cocta Mala, tenuioribus partibus exhalatis, succo suo mucoso tartareo abstergentem, emollientem, involventem, temperantem & orgastices sanguinis commotiones compescentem qualitatem offerunt, tussim leniunt, expectorationem promovent: & in decoctis bechicis usurpantur. Hecticis, phthificis utile præbent medicamentosum alimentum. Serum lactis in quo Renetæa aut acida Mala decocta fuerunt, æstuantia viscera temperat, humorum effervescentiam compescit, ardorem & acrimoniam demulcet, obstructions aperit & alvum blande emollit & laxat.

℞. Seri lactis ope coaguli vitulini separati ℔ij. Poma Renetæa redolentia taleolatim secta n. ij. Coquantur per semiquadrantem horæ. Fiat colatura, qua dissolve syrup. de Pomis simpl. aut alterum pro indicatione. Hauriat æger per vices vel mane jejuno ventriculo, vel tertia aut quarta quaque hora, ad ℥v. vel ℥vj. pro singula dosi.

℞. Radic. Cichor. Fragar. ana ℥j. cortic. Tamarisci & Cappar. ana ℥ss. Coquantur in aq. communis ℔iiij. ad ℔iijss. Tum adde Malum Renetæum taleolatim sectum & folior. Agrimon. Hepatic. Ling. cervin. & Ceterach. ana M. j. Summitatum Lupul. M. ss. Coquantur per semiquadrantem horæ. Fiat colatura pro apozemate aperiente, in quo dissolve syrup. de Pomis vel Violar. ℥iiij. Dividatur in sex doses.

℞. Hor-

℞. Hordei perlati & Orizæ ana ℥ss. Radic. Gramin. M. j. Coquantur in aq. comm. ℔iiij. ad ℔iiij. Tum adde Liquiritiæ rasæ & contusæ ℥j. Passular. exacinar. ℥ss. Ficus & Dactylos ana n. iiij. Coquantur per horæ quadrantem. Sub finem adde Pomum Reneteum ad ignem totum. Fiat colatura, pro decocto pectorali.

Gesnerus in vitiis pulmonis & dyspnœa Pomum assum excavatum & drachma thuris repletum felici cum successu comedendum dedit. Idem remedium adversus pleuritidem plurimum commendatur. Sudorem nonnunquam movendo sanat. Quidam cum succo Pomorum acidorum limaturæ martis affuso tincturam seu extractum martis præparant in viscerum obstructionibus utile. Alii salem martis cum syrupo de Pomis simplici vel purgante consociant ad puerorum & infantium cachexiam debellandam, necnon etiam ad rachitidem incipientem arcendam.

℞. Salis martis ℥ij. Solve in infusi Gentianæ ℥j. Adde syrup. de Pomis simplic. ℥ix. Misce Dosis ℥ss. ad ℥j. bis in die.

Externe cataplasma ex carne Pomorum igne assorum, vel in aqua aut lacte coctorum pulmenti ad instar in ophthalmia, & inflammationibus aut doloribus oculorum, necnon etiam ad oculos ex percussione & contusione vulneratos plurimum commendatur. Nec minori commodo Poma putrida oculorum inflammationibus aut tumoribus quibuscunque imponuntur. Memorabile est experimentum quod S. Pauli refert in *quadr. Botanico*. „ Recordor, inquit, honestissimam matronam mihi fassam, sibi a Lithotomo quodam Stralsundensi, femur gangræna correptum, omnino restitutum esse, postquam illius suasu Poma putrida contusa, & sine ullius liquoris affusione cocta, cataplasmatibus forma semel atque iterum applicuisset. “ Ab Ettmullero aqua ex Pomis putridis per alambicem distillata magnopere laudatur in quibusvis inflammationibus & contra gangrænam; non secus ac adversus fluxus sanguineos vulnerum, atque ulcera maligna putrida antiqua ex quacunque causa orta, ut & in ambustis. „ In hac aqua, inquit, idem, si solvatur Mercurius dulcis, vel saccharum saturni, fit egregia ad ulcera phagædenica, telephia & cacoethea, quæ experta est a quamplurimis, & arcana esse dicitur nonnullis: item in cancro putrido & corrosivo prodest, si scilicet linteam quadruplicatum hac aqua humectatum imponatur, & quidem hoc non in cancro solum, sed etiam in ulceribus corrosivis verum esse experientia Chirurgorum constat. “ Hactenus Ettmullerus, qui etiam eandem aquam cum saccharo saturni mistam & cum lintheis impositam egregiam dicit in ambustis.

Succus Pomorum usurpatur in confectione Alkermes Ph. Reg. *Cbaras*, in syrupo de Pomis laxativo *Regis Sapor*, & in syrupo de Pomis comp. D. Blondel. *In collect. Pharmac. Penicher*. Poma Renetea usurpantur in unguento pomato officinali *Ph. Reg.*

Inter omnes ex fructibus paratos potus post vinum, Pomaceum præstat. Hoc utuntur præsertim inferioris Neustriæ sive Normanniæ populi, vocant-

que vernacula lingua *da Cidre*. In Vascitania, necnon in quibusdam Hispaniæ regionibus, ubi ob cæli inclementiam exiguus est vini proventus, familiaris etiam ejus est usus. Sic fere conficitur.

Poma leguntur carnis solidiusculæ, & multi succi, medio circiter Septembre, cælo sereno. Hæc in acervum congeruntur, & soli per dies triginta exponuntur, ut qui in iis redundat aquosus humer, consumatur. Hæc fiuntur donec maturitatem fere adepta sint, quo scilicet tempore gratum exhalant odorem. Si enim nimis maturentur, Pomaceum fiet aquosum debile: quare debent esse in primo maturitatis gradu. Deinde molis versatilibus & trusalitibus contunduntur, prælo committuntur, tum in cupas deferuntur, ubi vini in modum fervent. Quod si Mala sint asperioris saporis, solidæ carnis, & pauci succi, modicum aquæ vel in cupas vel in prælum aspergitur, ut facilius comminuantur & Pomaceum non pinguescat. Qui primus succus exprimitur, Pomis vi præli non conculcatis, sed mola tantum crassiuscule contusis, ceteris omnibus dulcior meliorque existit, & seorsim in doliis potest recondi. Poma vero in tinis residua post sufficientem fermentationem & ebullitionem prælo committuntur, ut denuo conculcatis succus eliciatur, qui vinosior dici potest & priori potentior seu acutior. Hic doliis inclusus de novo ferverescit, fermentatione purgatur, ac tandem in vasis rite occlusis, partibus heterogeneis secretis clarus evadit. Secundarium Pomaceum fit, cum magna Pomacei conteritur secundo, & comminuitur, tum multa aqua affunditur, maceratur ac tandem ferverescit. Hoc longe debilius famulitio debetur.

Est alter Pomacei parandi modus, sed hoc priore longe inferior: cum scilicet ipsa Poma contusa & contrita in dolium injiciuntur, quod aqua postmodum repletur, maceratur, fermentatur, despumatur, donec aqua Pomorum virtute sit imbuta & succo vinoso saporata: hinc usui asservatur.

Varia autem sunt Pomacei differentia, a colore, sapore & parandi modo petita. Aliud enim coloris est rubelli, ut quod fit ex Pomis foris intusve rubescentibus: aliud flavescit & est coloris Citrii, unde Citrum & corrupte Cidrum nominari nonnulli contendunt. Licet alii hoc nomen derivent a Sicera, antiquissima voce, quæ licet Hebræa, tamen latinum sonat & omnem significabat potionem quæ extra vinum inebriare potest. Aliud ut aqua limpida clarescit.

Paratur delicatissimum Pomaceum ex Pomis dulcibus & fragantibus, quod gustu dulce acutum deprehenditur. Mediocriter calefacit, satis nutrit, & omnibus stomachum frigidum habentibus utile. Dum recens est, flatus generat.

Ex acidiusculis Pomis quod concinnatur, acidiusculum quidem est, sed æstate magis clarescit, minus calefacit, sitim extinguit, sed frigidius & crudius existit, difficilius digeritur, atque modicum nutrit. Acidum autem Pomaceum, sive hoc habeat a Pomis acidis, sive acorem tempore contraxerit, facile permeat, jecori & stomacho æstuantibus apprimè utile est, bilem obtundit, vomitus & fluxus biliosos sistit.

Quod

Quod si dulcibus acida Poma misceantur, citius acefcit, fed non omnino illaudandum.

Ex Pomis fylveftribus quod fit, diutius fervatur, fed non æque jucundum: afperum eft & fanitati minus proficuum; nonnifi poft longum tempus affumendum.

Recens paratum, nondum defœcatum infalubre eft, obftrudiones facit, cephalæas parit, ftomachum lædit, at vero ex Pomis fuo tempore collectis, bene maturis, nec diutius affervatis paratum, fi bene defœcatum fuerit & media ætate bibatur, omnium faluberrimum. Tunc quippe vini vires prope æmulatur, humectat & nutrit, caput non ferit, vifcera non calefacit, a morbo fe recolligentibus, phthificis & præfertim melancholicis apprime utile cenfetur. Vetus quod exiftit non ita laudandum.

MALUS agreftis, *Pomnier fawage*. Minus fere procera eft quam fativa, tortuofior, ramosior, frigosior, materie, ut putatur, duriore firmioreque. Multiplex ramorum & furculorum incondita divifura agreftem & incultum habitum facile oftentat. Folia quam fativæ magna ex parte minora, constrictiora. Flores fativis fimiles, fed fere minores, egregie odorati, interdum fubrubelli. In fructu differentia præcipua; qui parvus & raro Juglandem æquans, magnitudine fere Mespili, fed figura rotundior, longiusculo ac tenui pendet pediculo, cortice feu cute viridi, tandem & flavefcen- te, quorundam etiam pulchre rubente. Sed nec fubftantiæ mollitie, nec faporis convenientia unquam ad fativa accedunt, ac ne quidem ad infimæ notæ acidiffima vel auffera. Tanta pollent adstringendi facultate, tantaque acerbitate, ut efui plane inepta, nec unquam coctura aut alio modo fiant apta. Malorum agreftium non minus quam hortenfium & cultorum plures habentur fpecies, quorum enumeratio inutilis foret. In fylvis & fepibus frequenter occurrunt.

Fructus vehementer aufterus eft, acidus & adstringens; nec minus fucus e contufis & prælo expreffus cujus ufus eft apud quofdam, & agrefta a nonnullis dicitur. Pisces in eo coctos firmiores fieri & fapidiores afferunt.

Succus ille cum flore Cerevifiæ mixtus & impositus utilis dicitur adver- fus ignem facrum, fcabiem, inflammationes quasdam, potenter enim re- percutit. Oculis inflillatus eorum inflammationes fedat. J. Raius illum ad frophulas commendat.

Ex. Inquit, fucci Pomorum fylveftrium q. f. eoque calefacto diligenter detergantur ulcera ftrumofa. Deinde lana nigra oleo e pedibus bovi- nis prius humectata tepide imponatur: quæ per aliquod tempus con- tinuata ftrumas fanant.

MALUS GRANATA SIVE PUNICA.

GRANATÆ seu Punicæ Mali genera duo in officinis distinguuntur, Punica sativa & sylvestris. Hæc Balauſtium a nonnullis dicitur; illa vero in plures adhuc species dividitur ratione magnitudinis fructuum, saporis aut coloris, ut mox dicemus.

Observandum est Mali Punicæ flores & fructus diversa nomina sortitos fuisse apud veteres. Flores sativæ Punicæ Κύτινοι dicuntur Dioscoridi *L. 1. cap. 152.* & Galeno *6. simplic.* At Galeno *6. secundum loca*, cytinus fructus rudimentum est, quod deciduo flore primum apparet & formatur: & Plinio *L. 23. cap. 6.* „Primus hujus Pomi partus florere incipientis cytinus, vocatur græcis: & in hoc ipso cytino flosculi sunt, „antequam scilicet malum ipsum prodeat, erumpentes, quæ Balauſtia „vocari diximus.“ Hæc Plinius. Verum Βαλαύσιον sylvestris Punicæ flos est Dioscoridi *L. 1. cap. 154.* Officinæ Plinium sequuntur, & Punicæ tam sativæ quam sylvestris flores citra distinctionem Balauſtia vocant, quibus cytinorum appellatio de sativis ignota est. Cytinus Theophrasto calyx est floris, quo flos continetur: adeo ut cytini significatio apud græcos ambigua sit.

Mali Punici putamen, quod tanquam corium sit, Pomorum cute durius, nucis involucrio tenerius, malicorium vocant, nonnulli psidium, quod græcis Σιδιον Dioscoride monente, nunc τὸ τῆς ριᾶς λέμμα ἀπὸ τῆς λέπειν, id est decorticare dicitur. Plinius loco citato, sic loquitur: „Vulgus ex Puniceis acerbis coria perficere novit, ob id Malicorium appellant Medici. Cicus vel cicum Varroni membrana est tenuis, acinos in malo Punico discriminans.

GRANATA sive Punica Malus sativa, *Off.* Punica quæ Malum Granatum fert, *Casalpin. 141. I. R. H. 636.* Malus Punica sativa, *C. B. P. 438.* Malus Punica, *J. B. 1. 76. J. Raii Hist. 1462.* Malus Granata sive Punica, *Tabern. Icon. 1033.* vulgo, *Grenadier Domestique* & fructus Granatum sive Punicum Malum, *Grenade.*

Humilis arbor vel potius frutex est, quamvis interdum culta, stolonibus abscissis in justam etiam arborem excrescat, ramis tenuibus angulosis brachiatam, quos armant spinæ rigidæ aliquot, oblongæ, subrectæ, cortex obducit rubescens. In his folia incondita, Myrti vulgaris vel Oleæ æmula, non ita acuta, nitide virentia, pediculis annexa rubentibus, rubrisque intercurfantibus venulis prædita, averſa parte nervosa, odore gravi, præsertim si manibus contractata natibus admoveantur, canum halitum feliumque urinæ graveolentiam aliquo modo referentia. Ex ramorum lateribus flores emicant rosacei, pentapetali, punicei, quorum medium occupant complura stamina cum suis apicibus, quorum cytinus seu calyx, Puniceo etiam colore fulget, uncia longior, coriaceus, campaniformis, in quinque lacinias mucronatas divisus, quæ postea Pomi succedentis umbilicum coronant.

nant. Calyx abit deinde in fructum fere globosum, hinc inde nonnihil compressum, variæ magnitudinis, maximis Malis fere æqualis. Cortex mediocriter crassus veluti coriaceus, duriusculus tamen & fragilis, ante maturitatem viridis ac lævis, post puniceus & rugosus, qui tandem etiam ad spadiceum accedit, intus luteus, gustu adstringens, numerosis acinis plenus, in varia loculamenta dispositis, in aliis colore intenso rubro, in aliis amethystino, succo vinoso abundanti refertis, dulci alias, alias acido, interdum medio, favorum modo dispositis, carnosis membranaceisque dissepimentis ceu parietibus integerrimis circumseptis, amaris, modo candidis, modo purpurascentibus, cum placenta in medio sita. Singuli acini semen seu granum condunt unicum, oblongum, gigartorum vitis simile, constans ligneo cortice & nucleo amaro, non tamen sine adstrictione. Reperitur singulare quoddam hujus Mali genus quod nullum in acinis semen continet, verum hoc accidentarium est & ex lusu quodam naturæ. In Gallia Narbonensi, Galloprovincia, Italia & Hispania sponte nascitur. In frigidioribus Galliæ provinciis in hortis colitur, & hyeme curiose contegitur aut in cellis reponitur: alioquin a frigore læditur. Flores, fructuum acini, succus, nuclei & cortex in usum veniunt.

Mali Punicæ fructus ratione saporis in tres species distinguuntur in officinis, alii saporis sunt acidi & magis usitati, alii sapore dulci, alii vero sapore medio inter acidum & dulcem, seu, ut ajunt, vinoso: ut sapore ita viribus nonnihil inter se differunt. Succus acidus ex acinis Mali Punici acidis expressus distillatione phlegma primo saporis expers fundit, deinde humorem acidum, parum olei & mediocrem terræ portionem relinquit. Si succus ille expressus & defœcatus in cellis reponatur in vase clauso, saltem essentialem præbet copiosum & sapore acidum. Succus vero ex vinosis & dulcibus, minus acidi humoris in distillatione suppeditat, paulo plus olei: minorem quoque salis essentialis quantitatem deponit, si in loco frigido reponatur. Horum tum acidorum, tum dulcium, tum vinosorum succus, si tempore calido sibi ipsi relinquatur, fermentescit, & vinosus fit. Si vero diutius deferatur, in acetum convertitur. Ex hoc succo debite fermentato & vinoso facto spiritus ardens extrahi posset veluti ex fructibus omnibus fermentatis fieri solet.

Acinorum nuclei seu semina humores distillatione præbuerunt acidos, impense austeros cum alcali urinosi liquoris tantillo, olei non mediocrem portionem. At massa nigra superstes & copiosa per 16. horas calcinata pro majori parte in fenum & flammam abiit & residua portio exigua nigredinem suam nondum deposuerat: paululum salis fixi mere alcali ex ea fuit eductum.

Malicorium vero seu Granatorum cortex eosdem propemodum liquores distillatione fudit: uberiores adhuc carbonis seu massæ nigræ quantitatem reliquit: & hæc massa per horas triginta calcinata fumos emisit, & residuum colorem fuscum semper retinuit, ex quo salis fixi mere alcali quantitas haud

exigua extracta fuit: & multo major terræ copia quam ex nucleis remanfit. Sed hæc terra fusca mihi videtur esse oleosa portio admodum concentrata & valde fixa, ita ut ignis vi resistere valeat: & stypticitas rerum acerbæ & austerarum non tam a terra quadam porosa & adstringente pendere mihi videtur quam ab acido quodam sale adeo fixo ut difficile admodum ignis vehementia elevari queat. Sal ille acido vitriolico vulgo comparatur, nec immerito; quandoquidem vitriolicus sal acidus omnium fixissimus est, ut quotidie experimur in olei vitrioli distillatione. Nec illa fixitas, ut ita dicam, martis aut veneris terræ adstringenti tribuenda est, cum in tartaro vitriolato, in sale mirabili Glauberi & in alumine sal ille adhuc fixior sit, ubi cum sale alcali fixo, terra absorbente salis marini, & terra calcarea conjungitur, a quibus vi ignis separari nequit: insuper acidus sal vitriolicus, si cum oleis consocietur, vel etiam cum spiritu vini, per tempus & diuturniori digestionem adeo stricte uniuntur ut in resinosam abeant massam, cujus major pars ignis tortura in terram nigram fixissimam saporis & odoris expertem convertitur. Sapor igitur acerbus & austerus mihi videtur præcipue pendere ab illo hujus acidi cum oleo consortio, sed de his alibi. Nunc ad Mala Punica redeamus.

Punicorum omnium Malorum acini seu grana censentur boni succi, ventriculo convenientia, sed pauci nutrimenti: utiliter usurpantur ubi adstringere, densare & corroborare opus est. Acida potentius refrigerant & adstringunt. Acidorum grana succulenta in hæmorrhoidibus nimium fluentibus frequenter masticata velut certum remedium Thomas Bartholinus *in actis Hafniensibus* vol. 1. obs. 51. Lentilius *in miscellaneis curiosis* Dec. 2. ann. 9. obs. 124. & Conrad. Barthold. Behrens *in selectis diætetis* commendant. Eorum succi & syrupi ex eo parati usus est ad febricitantium sitim leniendam, ventriculi ardorem æstumque temperandum. In febribus ardentibus, biliosis præsertim conducunt, & ubi humor quispiam acris os ventriculi occupavit: In cardialgia a turgente bilioso humore Jacobus Fabricius, annotante S. Paulli, syrupum granorum granatorum acidorum pro specifico habebat, & adversus vomitum & singultum eo frequenter utebatur. Jam diu Hippocrates in eodem affectu Punici succum utiliter adhibuerat: „ Mulier, inquit *L. 2. Epidemior.* cardialgia torquebatur, nec prius malum est, sedatum, quam polenta succo Punici mali aspersa semel die uteretur, reliquis cibis abstinens. “ Idem succus ventriculum corroborat & corroborat; ab eodem S. Paulli malignorum morborum Alexipharmacum nuncupatur, & in malignis febribus, variolis & morbillis, necnon in dysenteria commendatur. In vitioso gravidarum appetitu seu pica ab Ettmullero laudatur & in hæmorrhagiis quibuscunque a sanguinis æstu oriundis. Pulmonibus vero debilioribus & male affectis aut tussientibus adversatur. Dulcia grana stomacho roborando utiliora dicuntur: at in febribus minus proficua sunt, quod stomacho calorem aliquem inducant, inflationes & effervescentias pariant. Vinosa seu acido-dulcia mediæ sunt naturæ inter dul-

cia & acida: cardiaca habentur & cephalica, a nullis in fyncope, vertigine commendantur. In julapiis & apoxematibus succus & syrupus ad ℥j. aut alteram præscribuntur.

Rx. Confection. Alkermes ℥j. succi Granator. defæcati, aquar. Borragin. & Oxytriphyl. ana ℥ij. Syrup. Granator. ℥j. M. F. potio cochleatim fumenda in febribus malignis & variolis.

Grana seu semina quæ in acinis continentur, variis nominibus in officinis designantur. Appellantur enim Officula, Nuclei, Semina, Vinacea, Gigarta & Arilli quasi ariduli. Saporem amarum adstringentem referunt: & commendantur in alvi profluviiis, & ad ea conducunt quibus adstriptione opus est. Matthiolus pulverem conficit ex eorundem officulorum exsiccatorum ℥j. & ℥j. Thuris in tenuissimum pulverem contritorum, cujus ℥j. aut ℥ij. mulieribus albis uteri profluviiis laborantibus quotidie exhibet.

Malicorium, Psidium vel Sidium, *Off.* seu cortex Mali granati sapore amaricante, austero donatur: valide adstringit & utilis est vice corticis quercini ad coria præparanda & vice gallarum ad atramentum cum vitriolo conficiendum, nam solutionem vitrioli viridis nigro colore tingit. Conducit in diarrhæa, dysenteria, & alvi profluviiis quibuscunque, in hæmorrhagiis, albo mulierum fluxu & gonorrhæa, modo tamen caute exhibeatur nec præmature. Partium tonum potenter roborat, unde non raro contrarios effectus obtinuit. Observat enim Thomas Bartholinus mulierem quamdam a mensium suppressione, usu corticum Granatorum liberatam fuisse. Eosdem contrarios & aperiendi & adstringendi effectus in martialium medicamentorum usu jam observavimus. Constantinus scribit, malicorium vino decoctum & potum omnes ventris tineas necare, maxime eas quas ascaridas vocant. Malicorium pulveratum a ℥ss. ad ℥j. pro dosi præscribitur; in decoctis ad ℥ss. adhibetur.

Externe in decoctis, gargarismatis & clysteribus adstringentibus usurpatur

Balauſtia, *Off.* sunt flores cujuscunque Mali Punicæ cum calycibus indiscriminatim usurpati. Ut plurimum tamen ex Italia & Gallo-provincia Balauſtiorum nomine mittuntur flores cujusdam Mali Punicæ flore pleno quod dicitur Punica flore pleno majore, *I. R. H.* 636. Malus Punica flore pleno, *Hort. Reg. Paris.* Balauſtia Hispanica, *I. B.* 1. 82. Balauſtium, *Tabern-Icon.* 1033. Balauſtia flore pleno majore, *C. B. P.* 438. Malus punica sylvestris major, sive Balauſtium majus, *Parkinson. J. Raii Histor.* 1463. vulgo in Gallo-provincia *Balauſtier* & *Paparoi*. Flores sunt amplii, densissimo petalorum purpurascensium fæctu stipati, non cytino oblongo ut in sativa pomifera Punica seu simplici seu multiplici flore, qualis nonnunquam reperitur, sed compresso & lato suffulti, cui color ex flavo purpurascens, corium durum, lignosum & in plures quoque lacinias divisum. Adeo multiplici petalo interdum constant, ut Rosæ centifoliæ videantur colore saturato. Hæc Balauſtia in Gallo-provinciæ pharmaceuticis officinis, teste Petro Garidel *in historia plantarum in agro Aquisextiensi nascent-*

nascentium, ut præstantiora ceteris floribus anteponuntur: nec viribus sunt inferiora.

Balaustia adstringunt, paulo minus tamen quam Malicorium, inspissant, exsiccant. Unde creberrimus est eorum usus in omnis generis fluxibus, v. g. diarrhæa, dysenteria, fluxu uterino tum cruento, tum albo, tum etiam in sanguine vulnere cohibendo, gingivarum laxitate emendanda, in hernia curanda, &c. Interne pulverata ad ℥j. aut ad ℥ss. in decocto præscribuntur, & in opiatis, decoctis, potionibus aut injectionibus & lotionibus adstringentibus usurpantur, necnon in collyriis ad præcavendum ne oculi a variolis & morbillis lædantur.

℞. Balaustior. pulverator. ℥ss. Boli Armen. Terr. sigillat. Corall. rubr. & Terræ japon. ana ℥ij. syrup. Cydonior. vel e Rosis siccis q. s. M. F. opiata absorbens & adstringens in alvi profluviiis, præmissis præmittendis. Dosis ℥j. bis terve in die.

℞. Flor. Balaustior. ℥ij. Malicor. Sanguin. draconis, lapid. hæmatitid. pp. & Alumin. crysell. ana ℥j. conserv. Rosar. rubrar. veteris ℥ss. syrup. de Symp. quant. suffic. M. F. op. Dosis ℥j. in alvi profluviiis & hæmorrhagiis.

℞. Folior. Plantag. M. j. Balaustior. & Rosar. rubr. ana M. ss. Coq. in aq. ferrarior. ℥ij. ad ℥ss. In colatura dissolve alumin. rup. ℥ss. Syrup. Granator. aut Berberis ℥j. F. decoctum adstringens pro gargarismo, vel injectionibus adstringentibus.

℞. Balaustior. M. ss. Malicorii contusi ℥ij. Infundantur in aquar. Rosar. & Plantag. ana ℥vj. tepide per aliquot horas; deinde leviter ebulliant & per chartam bibulam transcolentur. In colatura tere Croci Oriental. subtilissime pulver. gr. vj. Caphuræ gr. ij. F. collyrium quo identidem oculi a variolis præservandi foveantur.

Balaustia usurpantur in syrupo Myrtino, Pulvere dysenterico, Electuar. Micleta. Troch. de Karabe ung. Styptico. Malicorium in ung. Styptico.

MALUS PERSICA.

MALORUM Persicarum multæ species seu varietates tum a veteribus tum a recentioribus memorantur. Differentiæ autem sumuntur vel a loco natali, vel a figura, vel a consistentia seu soliditate carnis, quo respectu alia duracina dicuntur, alia præmollia, vel a sapore, vel a colore pulpæ, vel a celeritate aut tarditate proveniendi & maturescendi. Duracinis, auctore Plinio, quem sequuntur multi e recentioribus, caro firmiter adhæret ossi, nec facile avelli aut separari potest. At vero rem ipsam intuentes, inquit Joann. Bauhinus, contrarium ut plurimum deprehendimus. Enim vero sane hætenus in Gallia, Italia & Germania observavimus, magna ex parte Persica quibus pulpa hæret ossibus, ceteris fere esse molliora, ac interdum penitus mucosa & succulenta; firmiore vero pulpa cui non.

non adhæret: quod & J. Raius propria experientia confirmat. Commodissima autem divisio Persicorum, autore J. Raio, est primo in ea quorum corpus pertinaciter ligno adhæret, & ea in quibus facile & sponte a ligno abscedit; utrumque autem genus vel magnitudinis, vel coloris, vel figuræ, vel superficiei respectu in plures species subdividi potest, quibus non immorabor. Horum plures species Cl. Tournefortius in *Inst. R. H.* recensuit, quas ibi videre licet. Nunc de Persica Malo vulgari cujus flores in usum medicum veniunt.

MALUS Persica vulgaris, Persica molli carne, & vulgaris, viridis & alba, C. B. P. 440. Malus Persica, J. B. 1. 157. *Dod. Pempt.* 796. J. Raii *Histor.* 1515. Arbor est plurimis Galliæ regionibus notissima & frequentissima, qua scilicet omnia pene vineta consistunt. In mediocrem proceritatem assurgit, caudice satis crasso, ramis brachiata fragilibus, cortice rubente & subfusco, materie rufa & circa media fere punicea, satis firma. Folia profert rara, oblonga, acuminata, crenata, amygdalinis, quibus persimilia, majora, sapore amaro qualis in Persicorum nucleis, ingratiore tamen, & aroma utcunque redolentia. Flores ineunte vere ante folia prodeunt sine pediculis ramorum tuberculis adnati, pulchri, rosacei, e quinque petalis latis, dilute rubescentibus, odoris exigui, in orbem positos constantes, quorum medium occupant stamina multa, longiuscula, purpurantia aut alba, cum paris magnitudinis pistillo quod ex calyce rubente in quinque segmenta acuta diviso, surgit, & deinde abit in fructum fere globosum, altera parte nonnihil depressum & per longitudinem sulcatum, densa, molli, & albida lanugine in plurimis speciebus obductum, in nonnullis glabrum, ex luteo herbaceum, alias pulchre flavum, alias punicea area decoratum, carne succosa, alba vel pallida, interdum flava, rarius rubente, penitus aut sanguineis guttis cruentata, esculenta, sapore dulci nonnihil vinoso, officulo lignoso fetum, oblongo, ovato, nonnihil compresso, binis valvis nonnunquam per maturitatem dehiscentibus constante, profundis excavato scrobiculis & sulcis quibus pulpa passim se insinuat, & in quibusdam speciebus pertinaciter adhæret, licet in alis facile separabilis sit. Est autem officulo crassities insignis, durities fere invicta, externa facies rugosa & sulcis profundis nullo ordine canaliculata, interne lævis & polita, in quo nucleus callolus, amygdalini æmulus, oblongus, exacutus, albus, flavescente cuticula vestitus, amaricans, non tamen gustu insuavis. Ex arboris cortice vulnerato, vel sponte disrupto gummi profluit initio liquidum quod successu temporis ficius ac durius redditur, pellucidum quale ex Amygdalis, Cerasis & aliis arboribus quarum fructus lignosum nucleum ferunt, prodire solet. Hæc arbor non multam ætatem acquirit: ut enim cito & prompte adolescit, & ad frugem pervenit, ita non multis annis post senescens tendit ad interitum. In hortis ac vinetis feritur & plantatur. Folia, flores, fructus, nuclei & gummi in usum veniunt.

Analyſi chymica, ex foliorum Mali Perficæ recentium ℥v. per retortam diſtillatis prodierunt humoris limpidi, odore & ſapore nucleos Perſicos referentis, obſcure acidi ℥j. ℥iiij. ℥vj. gr. xvij. humoris limpidi, manifeſte & magis ac magis acidi, ſubauſteri ac tandem auſteri ℥ij. ℥ix. ℥ij. gr. liij. humoris ſubruſi, leviter empyreumatici, impenſe acidi, aliquantiſper acris, pungentis, ſubſaſi & impenſe auſteri ℥j. ℥iiij. gr. liij. humoris ruſi, ſale volatili urinoſo copioſo imprægnati ℥ij. ℥ij. gr. xxxvj. ſalis volatilis concreti ℥j. gr. lvj. olei ſpiſſi ad inſtar extracti ℥j. ℥iiij. gr. xxiiij. Maſſa nigra in retorta reſidua pendebat ℥vij. ℥iiij. gr. xxxvj. quæ rite calcinata reliquit cinerum ℥ij. ℥j. gr. xxxvj. ex quibus ſalis fixi mere alcali ℥v. gr. xxx. lixivio extracta ſunt. Partium jactura in diſtillatione fuit ℥iiij. ℥vj. gr. x. in calcinatione ℥x. ℥iiij.

Folia Mali Perficæ guſtu amara ſunt, nonnihil auſtera & nucleorum Perſicorum odorem referentia dum digitis conteruntur. Salem eſſentialem obtinere videntur tartareo-vitriolicum ammoniacalem cum oleo tum tenui, tum craſſo ſat copioſo conjunctum.

Ex Mali Perficæ florum recentium ℥v. per retortam diſtillatis prodierunt humoris limpidi, odore & ſapore amaro nucleos Perſicos contuſos referentis, & obſcure acidi ℥iiij. ℥x. ℥iiij. gr. xxj. humoris manifeſte acidi ℥vj. ℥ij. gr. lx. humoris ruſi, odore & ſapore leviter empyreumatico, manifeſte acidi, ſubſaſi ℥ij. ℥iiij. gr. xij. humoris ruſcentis, ſale volatili urinoſo copioſo imprægnati ℥ij. ℥j. gr. lxxvj. ſalis volatilis urinoſi concreti ℥j. gr. iiij. olei ſpiſſi extracti ad inſtar ℥ij. ℥vij. gr. xiiij. Maſſa nigra in retorta ſuperſtes pendebat ℥iiij. ℥vj. gr. j. quæ rite calcinata reliquit cinerum ℥j. gr. lxxix. ex quibus lixivio ſalis fixi mere alcali ℥iiij. gr. ix. extracta ſunt. Partium jactura in diſtillatione fuit ℥ij. ℥vj. gr. xxxix. in calcinatione ℥iiij. ℥v. gr. iiij.

Flores amarorem quemdam aromaticum non ingratum obtinent. Salem continent eſſentialem tartareo-ammoniacalem cum multo oleo tum tenui, acri, parco, tum craſſo copioſo conjunctum.

Amarities florum & foliorum a tenui illa ſulphurea portione oriri mihi videtur quæ cum phlegmate primo elevatur & odorem ſaporemque ipſi conciliat. Nec omnino diſſimile eſt ab acri illo ſulphure ſubtili quod in quibuſdam purgantibus deprehenditur, ut in Helleboro reperiri diximus; & fortaſſe a tenui illo ſpiritu ſulphureo vis purgans præcipue pendet.

Ex Malorum Perſicorum carnis ſucculentæ, remotis offiſculis & cuticula, ℥v. per retortam diſtillatis prodierunt humoris limpidi, odoris & ſaporis dulcis & grati, aliquantiſper vinoſi, obſcure ſubſaſi ℥xij. ℥v. humoris limpidi, obſcure acidi ℥ij. ℥xiiij. ℥vj. gr. lx. humoris magis ac magis manifeſte acidi, cum quadam auſteritate ℥xv. gran. xxxvj. humoris ruſcentis, nonnihil empyreumatici, tum ſubacidi, auſteri, tum ſaſi, & alcali urinoſi ℥j. ℥iiij. olei fluidi gran. xxxvj. Maſſa nigra in retorta ſuperſtes pendebat ℥iiij. ℥iiij. quæ per tredecim horas igne reverberii vehementi

calo

calcinata nigredinem suam deponere nequivit, sed reliquit cinerum nigrorum ℥j. ℥vj. gr. xxiiij. ex quibus salis fixi mere alcali ℥ij. gr. ij. extracta sunt. Partium jactura in distillatione fuit ℥j. ℥iiij. gr. xij. in calcinatione ℥j. ℥v. gr. xlvij.

Persica Mala sapore donantur dulci, vinoso, grato cum quadam levi austeritate. Salem essentialem obtinent parcum quasi Melleum aut Saccharinum tartareum & nonnihil vitriolicum cum mediocri olei crassi & exigua tenuioris & quasi spirituosae portione conjunctum, multoque phlegmate dilutum.

Vulgaris opinio multis sæculis inveterata est, Mala Persica in Perside, unde primum advenisse ferunt, venenosa fuisse, sed in Ægypto soli benignitate mitigata: quod Junius Columella eleganti carmine expressit.

*Stipantur Calathi pomis, quæ barbara Persis
Miserat, ut fama est, patriis armata venenis;
At nunc expositi parvo discrimine leti,
Ambrosios præbent succos oblita nocendi.*

Plinius L. XV. Cap. xij. hanc opinionem refellit his verbis. „ Falsum „ est Persica venenata cum cruciatu in Persis gigni, & poenarum causa a Regibus translata in Ægyptum, terra mitigata. Id enim de Persea diligentiores tradunt, quæ in totum alia est. “ Galenus & Paulus Ægineta Persicorum omne genus damnant, ut pravi succi, & quæ noxam ventriculo inferant: addit Paulus ea lædere nervos proprietate quadam: & eos qui crebrius iis ad satietatem vescuntur febre corripiri. Suadent itaque ut initio refectuum ante alios cibos sumantur, & ne aqua superbibatur, sed vinum meracum. Hoc præceptum in omnibus quæ sunt pravi succi, & humida simul ac lubrica, ita ut subduci facile queant, plurimi communiter tenendum existimant. Sic enim fiet ut citius egerantur, & aliis cibis viam præbeant, quæ si sumpta fuerint postrema, una secum alia quoque corrumpant. Contra nonnulli suadent, prius cibos boni succi & qui exsiccent ingerere, ut alimenti benignitate & siccitate fructus malitia retundatur, & superflua ejus humiditas absumatur. Nec de vino ad Persicorum noxam emendandam magis inter se consentiunt. Alii Persica cuticula lanuginosa spoliata & in vino per aliquod tempus macerata, ut suave & salubre edulium commendant hoc versiculo.

Petre, quid est Pesca? Cum vino nobilis esca.

quibus altero versiculo contradicunt alii.

Petre, quid est vinum? Cum Pesca dulce venenum.

Contendunt enim, succum crudum & malignum Persicorum a vino per omnes venas, imo & in capillares deduci, ibique obstructions parere: unde putredo, & febres putridæ atque malignæ. Quod devitare tentant nonnulli vinum in quo maduerint, rejiciendo, & aliud vinum modice dilutum, & quidem parce, superbibendo; nonnulli vinum prorsus rejiciendo, quo mollis & facile dissolubilis Persicorum caro indurefcit & in ventriculo difficilius

con-

concoquitur, effervesceat & flatus producit, aquam limpidam & puram comestis Persicis superbibunt. Sic facilius dissolvuntur in ventriculo & citius permeant ac descendunt, nec flatus aut ventris inflationes producant. Sic conveniunt Persica Mala cholericis & calidis naturis, alvi duritie & constipatione laborantibus, mane præsertim jejuno ventriculo sumpta. Si cum aliis cibis comedantur sive ante, sive post pastum, æstuosam ciborum digestionem compescunt, ardorem ventriculi & intestinorum temperant. Non immerito igitur Dioscorides & Plinius affirmant, ea ventriculo utilia esse, alvum bonam præstare, nec alium iis innocentiorum cibum. Reipsa non verisimile est, fructum adeo sapidum & delicatum, qui nostro quidem palato præ omnibus fugacibus arridet, ita ut a natura ipsa nobis ad edendum commendatus videatur, noxium prorsus & insalubrem esse. Oportet tamen ut delectus Malorum habeatur, & ut modus in iis ingerendis servetur. Eligantur odorata, bene colorata, sapido succo prædita, & bene nec nimis matura; non enim aliud Pomum fugacius, & facile corrumpitur. Si eorum immoderatus sit usus, crudos gignunt succos, colicam, diarrhæam & dysenteriam procreant, aut febres putridas accendunt. Phlegmaticis, & quibus stomachus debilis est & frigidus nocent. Si quæ sit in hisce Malis noxa, igne & saccharo nonnulli emendare contendunt, sicque gratam & salubrem escam parant. Brassavola sub cineribus coctum unum aut alterum Persicum ægrotantibus suis offerebat. Cibum vero delicatissimum & ægris perquam gratum ac utilem Amatus affirmat. J. Bauhinus condiendi modum hunc præscribit: rite lecta manu decorticataque & officulis exemptis optime purgata Persica cum aqua & Saccharo decoquantur ad consistentiam syrupo debitam: qui modus hodie adhuc usitatissimus, vulgo *Peeche en compote*. Sic & sanis & ægrotantibus mirifice placent, præsertim siti & linguæ ariditate vexatis, refrigerando corroborant. Hodie mos invaluit hos fructus aqua vitæ aut spiritu vini condire cum tantillo Sacchari, qui quidem exitiosus est. Illorum enim caro laxa & porosa spiritu vini facile imbuitur; unde revera sapidior fit, firmior ac durior, sed in ventriculo concoctum difficilis admodum. Unde post alios cibos ingesti eorum concoctionem cohibent, ventriculum gravant, æstum in ipso & in intestinis accendunt, succum crassum, viscidum, male concoctum pariunt, qui varias in visceribus obstructions postea gignit.

Persicorum nuclei seu amygdalæ subamari sunt, diuretici habentur (a) & anthelmintici. Pulvis eorum pondere ℥j. in vino albo tenui spatio novem dierum ab Ettmullero commendatur velut remedium longa experientia probatum adversus renum calculum. A Solenandro, *L. 1. Consil. 15.* commendantur decem vel duodecim numero assumpti mane jejuno ventriculo præservationis gratia a calculo. Ad eundem scopum emulsionem parantur ex illis cum aquis diureticis, Saxifragiæ, v. g. Linariæ, Alkekengi, Pa-

(a) *EXAMPT 12 Vermes.*

Parietariæ, Ononidis, Herniariæ, &c. iidem nuclei adversus hepatis & lienis obstructions conducunt. Præterea vis anodyna ipsis tribuitur: unde in cephalalgis & agrypniis ad somnum conciliandum & dolorem compescendum a nonnullis præscribuntur eorum emulsiones cum aquis cephalicis aut aliis paratæ. Aquam e nucleis Persicorum n. 50. Cerasorum 100. Florum Sambuci manipulo uno in vini Cretici ℥iij. maceratis in fictili per decem dies in fimo sepulto, distillatam mirum in modum calculos pellere quatuor unciarum pondere jejuno ventriculo quotidie potam scribit Andr. Matthiolus.

Ex hisce nucleis oleum per expressionem elicitur, quod singulare arcum habetur in aurium affectibus, in primis ad vermes aurium eliciendos, item in surditate, tinnitu & dolore aurium; idque magis si misceatur cum oleo Colocynthidos per decoctionem preparato. Idem oleum etiam temporibus illitum admodum conducit in agrypniis & doloribus capitis. Langius oleum ex nucleis & floribus compositum frequenti in usu habuit ad omnes aurium affectus, surditatem in primis, obstructionem & dolorem aurium: quod sequenti modo paravit. Oleo ex Persicorum nucleis expresso infundatur florum Persicorum recentium q. s. Macerentur in loco calido per aliquod tempus. Postea per linteum colentur: colatura reponatur aliquandiu, donec fæces secedant. Oleum clarum a fæcibus separatum servetur ad usum.

Lignosa nucleorum officula ad urinas ciendas utilia dicuntur, non secus ac lapilli Dactylorum & Mespilorum. Ex his spiritus acidus & oleum empyreumaticum distillantur igne aperto, quæ spiritui & oleo lignorum similia sunt, & rectificata egregie calculum pellere dicuntur.

Flores ratione salis essentialis & olei tenuis & acris alvum laxant, tenues ac serofos humores educunt; unde inter hydragoga recensentur. Recentes a nonnullis comeduntur mane jejuno ventriculo, aut in acetariis miscentur. Non tamen absque molestia & labore purgant: & si nimia copia ingerantur, vomitiones excitant. Alii eos infundunt in vinum aut serum lactis, & infuso isto pro purgante tempore vernali commode utuntur. Hydropicis conducunt. Lumbricos etiam enecant & potenter expellunt, unde infantibus verminosis exhiberi solent. Succus florum Persicorum expressus & defæcatus ad eadem valet: ab ℥ss. ad ℥ij. propinatur. Eadem etiam præstat conserva ex hisce floribus cum Saccharo parata quæ ad ℥ss. vel ℥j. exhiberi potest; cui si Mercurii dulcis tantillum adjiciatur, egregium habetur pellendis lumbricis remedium. Syrupus ex multiplici florum infusione præparatur in officinis usitatissimus. Alvum blande purgat, vermes enecat, & obstructions referat. Serofos humores uberrime evacuat, unde in catarrhis, rheumatismo, apoplexia, paralyfi & morbis cerebri a sero redundante utiliter exhibetur, ab ℥ss. ad ℥ij. tresve in potionibus laxantibus aut apozematibus.

Mali Persicæ folia alvum subducunt, intestinorum lumbricos enecant & expellunt, in jusculis alterantibus, lacte aut cerevisia ad M. j. decocta.

Quin

Quin etiam externe trita cum felle tauri & umbilico imposita cataplasmatibus forma ad vermes intestinorum ejiciendos a nonnullis commendantur.

Gummi ex arbore exsudans humorum acrimoniam demulcet, tussientibus prodest, & commendatur ad alvi fluxum, tumorem faucium, asperitatem arteriæ, sputum sanguinis, & diureticum habetur vel etiam lithontripticum, si quod sit.

MANDRAGORA.

MANDRAGORÆ duæ traduntur differentiæ: una dicitur mas seu candida, altera vero femina seu nigra.

MANDRAGORA mas seu candida, *Off.* Mandragora fructu rotundo, *C. B. P.* 169. *I. R. H.* 76. *J. Raii Hist.* 668. Mandragoras mas *J. B.* 3. 617. Mandragoras, *Dod. Pempt.* 457. Mandragoras mas vulgatior, *Parkins.* Mandragoras albus seu Masculus *Cord. Hist.* Antropomorphos Pithagoræ, *Quorumdam*: Terræ Malum, Terrestris Malus & Canina Malus, *Nonnullorum*: vulgo, *Mandragore male*.

Radice profert crassam, longam, interdum simplicem & indivisam, sæpe bifidam, incoxantem hominem, ut sibi persuadet vulgus, referentem, interdum etiam trifidam aut quadrifidam, externe candicantem, aut ex cinereo ferrugineam, interne pallidam. Ex ejus capite absque caule folia exeunt circiter cubitalia, sesquipalmum fere lata, utrinque acuminata, atrovirentia, foetida. Inter hæc a radice quoque pediculi assurgunt crebri, sesquiunciales aut palmares etiam, florem singuli sustinentes monopetalum, campaniformem, quinquepartitum, modice hirsutum, sordide candicantem ac nonnihil purpurascentem, foetentem, cum calyce villosa viridi in quinque lacinias diviso; ex quo surgit pistillum quod infimam floris partem perfodit & abit deinde in fructum parvi pomi effigie & magnitudine, primum viridem, deinde subluteum, carnosum, mollem, odoris gravis virosi, & in cujus pulpa semina continentur alba, subrotunda, compressa & quasi reniformia.

MANDRAGORA femina seu nigra, *Off.* Mandragora flore subcæruleo purpurascente, *C. B. P.* 169. *Inst. R. H.* 76. Mandragora femina *J. B.* 3. 618. *Clus. Histor.* 87. *Gerard.* & *J. Raii Hist.* 669. Mandragoras femineus, *Parkins.* vulgo, *Mandragore femelle*.

Ejus folia mari similia sunt sed angustiora, minora, nigrioraque. Flores coloris ex cæruleo purpurascentis; fructus pallidiores, minores, turbinati; Sorbi aut Pyri effigie, sed non minus odorati. Semina minora & nigriora. Radix quoque proluxa, foris amplius nigricans, interius albida. Utraque in calidioribus regionibus, Italia, Hispania, sponte crescit, in sylvis & umbrosis, necnon prope ripas fluviorum. Hic nonnisi in hortis sata oritur. Utriusque folia & radices vel potius radicum cortex usitata sunt.

Analysi chymica, ex Mandragoræ foliorum recentium lbv. per retortam distil-

distillatis prodierunt humoris limpidi, odorem & saporem ingratum virosum referentis, primo obscure subsalsi & subacidi, deinde acidi, ℥ij. ℥xiiij. ℥iiij. gr. xxvij. humoris limpidi, manifeste acidi, deinde rufi, ac tandem fusci, empyreumatici, austeri ℥ij. ℥xij. ℥iiij. gr. lx. humoris fusci, empyreumatici, obscure acidi, subsalsi, obscure alcali urinofi ℥ij. gr. xvij. humoris fusci, alcali urinofi & sale volatili urinoso copioso imprægnati ℥iiij. gr. xlvij. salis volatilis urinofi concreti ℥ij. gr. x. olei spissi ad instar extracti ℥j. ℥ij. Massa nigra residua pendebat ℥ij. ℥vj. gr. lx. quæ rite calcinata reliquit cinerum ℥j. ℥iiij. gr. xxxvj. ex quibus lixivio sunt extractæ salis fixi mere alcali ℥iiij. gr. viij. Partium jactura in distillatione fuit ℥v. gr. lxv. in calcinatione ℥j. ℥iiij. gr. xxiiij.

Radicum pedaliæ & sesquipedaliæ, brachii humani crassitiem æquantium & recens effossarum ℥v. præbuerunt humoris limpidi, foetentis, & virosi, odoris & saporis ad Cicutam accedentis, obscure subsalsi, & obscure acidi ℥ij. ℥ij. ℥j. gr. xxxvj. humoris limpidi, primo manifeste acidi, deinde minus acidi & austeri ℥ij. ℥xiiij. ℥j. gr. l. humoris primo limpidi, subsalsi & subacidi, deinde rufi & fusci, empyreumatici, tum impenso acidi, tum acris austeri & aliquantisper salsi urinofi ℥iiij. ℥iiij. humoris fusci alcali urinofi & sale volatili urinoso copioso imprægnati ℥ij. ℥ij. salis volatilis urinofi concreti gr. x. olei spissi ad instar extracti ℥j. ℥iiij. gr. iiij. Massa nigra residua pendebat ℥v. ℥j. quæ rite calcinata reliquit cinerum ℥j. ℥j. gr. xlij. ex quibus salis fixi mere alcali ℥iiij. gr. xxvj. lixivio extracta sunt. Partium jactura in distillatione fuit ℥iiij. ℥iiij. gr. xliij. in calcinatione ℥iiij. ℥vij. gr. xxx.

Folia & radices odorem virosum, ingratum & caput ferientem exhalant. Radicis cortices exsiccati saporem acrem amaricantem nauseosum cum quodam lentore & in recessu stypticitatem referunt. Salem essentialem obtinent ammoniacalem multo oleo viroso & narcotico crasso implicitum.

De Mandragorâ varia feruntur veterum recentiorumque relationibus nobilitata, nempe humana similitudine egregios effectus producere, felicitatem possessori, & fecunditatem sterilibus feminis adferre. Exhibet vero sæpe Mandragoræ radix bifurcato ramo deorsum protenso rudem hominis formam illiusque crura duo, sed superior truncus homini similis non est. Mangonio tamen non solum Mandragoræ radices sed & aliæ plures adornantur humanum corpus, artus, caput, faciemque apprime referentes. In radicibus arundinum, Bryoniæ aut aliarum plantarum adhuc virentibus sculpunt impostores tam virorum quam mulierum formas, infixis Hordei, Avenæ aut Milii granis, iis in locis ubi pilos effingere volunt: deinde facta in terra scrobe recondunt, tenui sabulo obruunt, ibique relinquunt quousque semina illa radices emittant. Tunc eruunt eas & adnatas e granis radices acutissimo cultello in tenuissima filamenta scindunt, aptantque ita ut capillos, barbam, & ceteros corporis pilos referant. Varia insuper nar-

rant de hujus radice ortu, effodiendi modo & periculis. Ferunt, has præstantissimas radices ex urina suspensi hominis sub patibulo morientis irrigatas tales efformari, & ideo adeo raras esse, easdem non sine vitæ periculo manu effodi, quapropter eas primum circumfodiendas esse, ita ut minimum ex radice terra sit conditum, deinde ab ea religandum canem, a quo postea fugientē radix extrahitur & sequitur, sed non adeo longe, quandoquidem statim atque effossa est, canis moritur: nullum postea accipientibus amplius metum esse, imo summe proficuas esse, maleficia & infortunia quæcumque avertendo, & felicitates quascumque desiderabiles afferendo. Anilium illarum nugarum auctor fuisse videtur Flavius Joseph qui *L. 7. cap. 25. de Bello Judaico*, de quadam radice *Baaras* dicta in valle ejusdem nominis nascente prope Jerosolymam fere similia narrat. Sed de his nugis & fabulis satis.

Mandragora inter narcotica & soporifera medicamenta recenseri solet, quod colligitur ex odore ingrato viroso caput feriente. Quod an de radice verum sit J. Raius dubitat. Cortex ille ad nos aliunde, potissimum ex Italia affertur: rari usus est intrinsecus. Schroderus soporiferam virtutem ipsi tribuit, & præterea vim potenter discutiendi & resolvendi externe adhibita. Paulus Hermannus *in Cynosura materia Medica Henningeri*, in radice Mandragoræ duplicem notat virtutem 1. Purgantem tam per superiora quam inferiora, cum violentia & virium etiam prostratione & aliquando convulsionibus subsequenter, unde per se non datur nisi dosi minima ad ℥ss. aut ℥j. & in infuso ad ℥j. 2. Narcoticam seu soporiferam & stupefacientem Opii virtuti non dissimilem. Inde forsitan est, quod in epilepsia & motibus convulsivis quibusdam commendata sit. Circumforanei nonnulli hoc cortice in quartanis & aliis febribus intermittentibus utuntur pro emetico, sed minus tuto. Specificum uterinum ab eodem P. Hermannō dicitur: sed caute adhibendum. Si enim nimia in quantitate exhibeatur, dira inde sequuntur symptomata ut spasmi, &c. Uterum valde movet & abortum causat; quapropter gravidis numquam exhiberi debet.

A veteribus vinum in quo Mandragoræ radix infusa fuerat propinabatur ægris quibus membrum aliquod ressecandum erat ad narcosim inducendam. Cum vero narcosis hæc admodum periculosa sit, modus hic narcosim inducendi apud nos exploditur: & interne rarissime & fere numquam hæc radix adhibetur. Externe radice cortex adhibitus ab Ettmullero laudatur ad tumores duros schirrosos & strumosos emolliendos & resolvendos, & hac virtute Cicutam & Nicotianam superare dicitur. Faber *in Myrothecio Spagyrico l. 4. c. 1.* ex his radicibus oleum Mandragoræ per descensum distillat quod valdopere commendat externe illitum, pro emolliendis duris tumoribus & doloribus leniendis.

Mandragoræ folia potenter discutiunt, attenuant & resolvunt, dolores mitigant & inflammationes sedant. Unde una cum radicibus in lacte cocta utiliter sub cataplasmatibus forma erysipelatibus, tumoribus inflammatoriis, duris

duris aut schirrosis admoventur. Cum Hyosciamo, Cicutæ, Nicotianæ optime consociantur. Ex succo Mandragoræ cum succo Cicutæ vel Nicotianæ & Gummi ammoniaco coctis in unguenti vel emplastri consistentiam Ettmullerus utile medicamentum conficit ad tumores splenis duros resolvendos. Fernelius *Method. Medend. lib. 5. cap. 17.* ad ardentium febrium æstus compescendos, capitis dolores & deliria sedanda, & ad somnum conciliandum commendat Mandragoræ folia radicesve trita inductaque ex oleo fronti atque temporibus.

Mandragoræ fructui veteres non solum comesto sed etiam naribus tantum admoto soporem inducendi stuporemque virtutem tribuebant. Casp. Hoffmannus *L de Medicamentis Officinalibus*, an quisquam pomum ipsum Mandragoræ cum vel sine cortice impune possit esitare se valde ignorare scribit. Aetius omnem malitiam ejus videtur rejicere in semen, quasi illo dempto caro sit indemnis, nisi nimis copiose ingeratur. At fructus, certe inmerito, suspectus est. Pulpam enim cum semine innoxie esitari posse docuit J. Faber Lynceus Romæ Simplificum Professor. Is, teste Joanne Terrentio *Notis in Hernandez de Plantis Mexicanis, l. 8. c. 28.* coram suis auditoribus magnum Mandragoræ pomum una cum seminibus jejunos absumpsit, sine ullo vel somni vel alterius mali signo minimo, & ut experimentum esset certius, jejunos usque ad prandium, per aliquot nempe horas, permansit, & a vino, ne vis pharmaci debilitaretur, abstinuit. Idem experimentum se quoque persæpe fecisse testatur J. Terrentius.

Mandragoræ folia in unguento populeo usurpantur. Cortex radicum in Reque *Myrepsi*, Aurea Alexandrina *Nicolai Alexandrini*, & Tryphera magna *Ejusdem*.

M A R R U B I U M.

Plures inter plantas quæ Marrubii nomine apud Botánicos insigniuntur, duo potissimum genera hoc nomine in Officinis speciatim designantur, scilicet Marrubium album seu Prassium album, & Marrubium nigrum, seu Prassium nigrum & Ballote.

MARRUBIUM, Prassium, Prasium, Marrubium album, Prassium album, *Officinarum*, Marrubium album vulgare, *C. B. P. 230. Inst. R. H. 192.* Marrubium album, *7. B 3. 316. 7. Raii Hist. 556.* Marrubium sive Prassium album, *Tabern. Icon. 539.* Prasium, *Anguillar: vulgo, Marrube blanc.*

Radice nititur simplici, lignosa, plurimas fibras emittente. Caules inde exsurgunt plures, pedales & altiores, lanuginosi, quadrati, ramosi, foliis vestiti ad singula genicula ex adverso binis, subrotundis, incanis, circum oras crenatis, rugosis, pediculis satis longis suffultis. Flores ad genicula in verticillos densos coacti caules ambiunt, brevibus aut nullis pediculis, e calycibus nascentes hirsutis, striatis, quorum singulæ sti-

riæ in spinulas terminantur; perexigui, albentes, monopetali, labiati, quorum labium superius surrectum est, & bicornè, inferius vero tripartitum. Ex calyce surgit pistillum posticæ floris parti ad instar clavi infixum & quatuor veluti embryonibus stipatum, qui deinde abeunt in totidem semina oblonga, in capsula quæ calyx floris fuit recondita. Florum verticilli, quamvis caules undique amplecti videantur, egrediuntur tamen e foliorum alis. Odor totius plantæ vehemens & nonnihil gravis. Ad vias publicas, agrorum margines, in locis neglectis & ruderatis sponte & frequens nascitur. Tota planta usitata.

Analyfi chymica, ex foliorum a stipitibus mundatorum & summitatum floridarum ℥v. per retortam distillatis prodierunt humoris limpidi, odorati, aliquantisper aromatici, sapore herbaceo amaricante, obscure acidi ℥ix. ℥iij. gr. xvij. humoris limpidi, odorem eundem, eundemque saporem referentis, & magis ac magis acidi & amari subausteri ac tandem impense austeri ℥iij. ℥v. gran. lx. humoris obscure rufescentis, leviter empyreumatici, impense acidi, falsi, & impense austeri ℥iij. gran. xlvij. humoris fusci alcali urinosi & sale volatili urinoso copioso imprægnati ℥ij. ℥iij. gran. xxxvj. salis volatilis urinosi concreti gran. xx. olei spissi ad instar extracti ℥iij. gran. xij. Massa nigra in retorta residua pendebat ℥ix. ℥vi. gran. liij. quæ rite calcinata reliquit cinerum ℥iij. ℥v. gran. xxiiij. ex quibus salis fixi mere alcali ℥j. ℥iij. gran. xv. lixivio sunt extracta. Partium jactura in distillatione fuit ℥v. ℥vi. gran. xl. in calcinatione ℥v. ℥ij. gran. xxx.

Marrubii albi folia chartæ cæruleæ colorem non mutant; maxime amara sunt, cum quadam adstrictione, odore vehementi ac subtili donantur, ad moschum nonnumquam accedente, teste Dodonæo qui de Marrubio albo in Flandria nascente hoc asserit. Salem essentialem obtinent quem Tournefortius comparat sali naturali terræ, constanti nempe sale marino, nitro & sale ammoniaco, mistum cum multo sulphure tum tenui, tum crasso, terra copiosa & phlegmate.

Marrubium album aperit, & viscidos humores potenter dissolvit. Primarium est remedium in asthmate humorali, & in morbis chronicis a muco spisso, viscido ac tenaci oriundis. Viscerum obstructions a muco inspissato oriundas referat. Succus expressus cum melle ad ℥ij. tresve, aut syrupus de Præssio compositus in officinis asservatus ad ℥j. aut alteram asthmaticis, tussientibus & tabidis opitulantur. „ Innumeris comprobavi experimentis, inquit Borellus *Observat. Medic. p. 289.* Marrubii albi summitates, vino albo infusas & triduo epotas mire ad menstrua provocanda, stomachum roborandum, cachexiam & fædos virginum colores arcendos valere, & fortius cum Chamædrye & Centaurio minore mistas.

Sancti Paulli observat eas non tantum menses accelerare, sed remorantes secundinas quoque præcipitare. Ad M. ♀. vel M. j. præscribuntur. Pul-

vis foliorum valere dicitur in partu difficili lochiisque retentis. Insuper interaneorum vermes necat, notante J. Raio. Ad ℥j. aut alteram exhibeatur. Marrubii albi succus, vel infusum ex vino, vel decoctum ex aqua a Foresto, Freitagio, Zacuto Lusitano, & Hartmanno in hepatis obstructionibus vel etiam schirrhosis, in ictero, in hydrope icterum subsequente commendantur. Joan. Baptista Chomel D. M. P. observat duos ægrotantes a schirro hepatis liberatos fuisse ab infuso foliorum Marrubii alb. M. j. in vini albi ℥viij. quotidie mane per aliquot menses epoto. Conserva florum Marrubii cum melle parata & per 40. dies exhibita in dosi ℥j. nobilem quemdam schirro hepatis jam diu laborantem integræ sanitati restituit, aliis medicamentis Chalybeatis frustra tentatis, annotante Zacuto *Lib. 2. Prax. admir. Observat.* 48. Superbibebat autem singulis matutinis parum aquæ stillatitiæ ejusdem Marrubii cum radice. Misturam sequentem Joan. Raius commendat velut medicamentum ad icterum nulli secundum.

℞. Syrup. de Præssio ℥ij. Olei Tartari p. deliq. ℥j. Misce. Sumat æger per intervalla frequentia ad mensuram unius cochlearis.

Stockerus Marrubii folior. virentium decoctum ex vino, vel exsiccatorum infusum in ictero commendat.

℞. Marrubii folior. virentium ℔j. Contunde & coquantur in vini albi ℔vij. ad ℔v. Colaturæ capiat æger ℥iiij. mane jejunus & ℥iij. ante cœnam. Sed satius est folia in vino calide macerari tantum, non concoqui. Vinum enim ebullitione diuturniori acidum fit & ingratum. Macerentur itaque folia in vini ℔v. per 24. horas.

℞. Folior. Marrubii exsiccator. & contusor. q. v. Affunde vini albi q. s. ad supereminentiam 4. vel 5. digitor. transversor. Frigide macerentur in vase probe obturato, quotidie agitando donec extrahatur tinctura. Dosis ℥iiij. bis in die.

Ejusdem decoctum cum Argentina ab Ettmullero & Freitagio commendatur in ictero flavo ex infarctu ductus cystici. Externe in eodem affectu cataplasma proponit plantis pedum applicandum ex Marrubio & Argentina simul in vino coctis. In jusculis aperientibus ad menses suppressos promovendos præscribuntur Marrubii albi summitates floridæ ad M. ℔. cum Tartaro chalybeato vel floribus sal. ammoniaci martialibus.

℞. Carnis vitulin. ℔℔. Coquatur in aq. comm. ℔iiij. ad ℔ij. Tum adde folior. Agrimon. Argentin. ana M. j. Centaur. min. Chamædr. Summitatum floridar. Præss. alb. ana pug. ij. Post levem ebullitionem fiat colatura pro duobus jusculis. Unicuique adde Tartar. martial. solubil. ℥℔. vel flor. sal. amm. martial. gr. xx. Sumatur mane & sero in mens. suppressione, ictero, & viscer. obstructionibus.

℞. Syrup. de Præssio ℥j. Tinctur. martis aper. ℥ij. Aq. de Artemisia, flor. Aurantior. ana ℥ij. Fiat julap. quotidie mane sumendum in mensium suppressione.

Forestus asserit, nonnullos strumis affectos diuturno usu syrupi de Prassio simplici seu ex succo recenti cum Saccharo parati perfanatos fuisse, multis aliis remediis antea frustra tentatis.

Marrubium vesicæ & renibus nocere scribit Dioscorides: quos frequenter usu exulcerat. Multo minus igitur, inquit C. Hoffmannus, utendum in iis in quibus jam ulceratæ sunt partes illæ. Syrupus de Prassio *Mesue*, annotante eodem, valde calidus est, & qui senibus potius quam juvenibus, frigidis potius quam calidis adhibendus sit.

Marrubii albi folia & summitates floridæ usurpantur in syrupo de Prassio *Mesue*, in pilulis de Agarico *Ph. Reg. Charas*, Theriaca *Andromachi*, Hiera Diacolocyntidos, Pulvere Diapraßii *Nicolai Alexandrini*.

MARRUBIUM nigrum, Prassium nigrum & Ballote, *Off. Ballote*, *Matthiol.* 825. *Inst. R. H.* 185. Marrubium nigrum, foetidum, Ballote Dioscoridis, *C. B. P.* 230. Marrubium nigrum sive Ballote, *J. B.* 3. 318. Marrubium nigrum, *Gerard. Emacul. J. Raii Hist.* 571. Marrubialtrum, *Tabern. Icon.* 540. vulgo, *Marrube noir*.

Caules cubitales & interdum bicubitales, plures ex eadem radice lignosa, perenni, fibrata exeunt brevi lanugine hirsuti, quadrati, inanes, ramosi, rubentes, foliis vestiti ad singula genicula ex adverso binis, Melissæ aut potius Lamii rubri, rotundioribus & nigrioribus, hirsutis & ad tactum mollibus, rugosis. Flores verticillatim caulibus adnascuntur, in eodem communi pediculo e folii sinu egresso plures, monopetali, labiati, quorum labium superius cochlearis instar est excavatum, inferius vero in tres partes divisum, media ampliori & cordiformi, pallide purpurei, saturatioribus lineis intus striati: calyces striati, oblongi, in quinque acuta segmenta partiti. Ex unoquoque calyce surgit pistillum posticæ floris parti infixum & quatuor veluti embryonibus stipatum, qui deinde abeunt in totidem semina parva, oblonga, per maturitatem nigricantia, in capsula tubulata, pentagona & quinquepartita quæ floris calyx fuit recondita. Odore foetido Lamium refert. In ruderatis & ad sepes nascitur. Herba integra in usum venit.

Analyti chymica, ex summitatum floridarum Marrubii nigri ℥vj. per retortam distillatis prodierunt humoris limpidi, aliquantisper rufescentis, plantæ saporem & odorem referentis ℥x. humoris minus limpidi, eundem odorem saporemque referentis, acidi magis ac magis ℥j. ℥ix. ℥v. gr. xxxvj. humoris primum limpidi, acidi, austeri, deinde fusci, impense austeri, ac tandem nigricantis, qui per tempus pulvisculum nigrum deposuit, & limpidior factus est ℥j. ℥xiiij. ℥vj. gran. xxxvj. humoris turbidi, fusci, nigricantis, falsi & alcali urinosi, qui pulverem nigrum ad imum dimisit ℥v. recipiens pulvere nigro & fuliginoso conspersum repertum fuit: salis volatilis urinosi concreti ℥ij. olei spissi nigri ℥ij. Massa nigra in retorta residua pendebat ℥xv. quæ rite calcinata reliquit cinerum ℥vij. ℥vj. ex quibus lixivio salis fixi ℥j. ℥vij. extractæ sunt.

Par-

Partium jactura in distillatione fuit ℥viij. ℥ij. in calcinatione ℥vij. ℥ij.

Marrubii nigri folia amara sunt, & odorem gravem foetidum referunt: chartæ cæruleæ tincturam non mutant. Salem essentialem obtinent mistum, sali qui ex terræ lotionibus extrahitur æmulum, ammoniacalem nempe, tartareum, falsum, & multo oleo crasso foetido implicitum.

Marrubium nigrum tumores resolvit, dolores sedat, ulcera detergit & sanat, externe admotum: rarius intus sumitur ob foetorem & ingratum saporem. J. Raius illud velut præstantissimum remedium in hypochondriacis & hystericis affectionibus commendat. Cl. Tournefortius refert, quosdam ad arthritidem sanandam aut saltem ejus paroxysmos minus frequentes & mitiores efficiendos hoc uti remedio.

℞. Folior. Marrubii nigri, Marrub. albi & Beton. ana M. j. Infunde in aq. ferventis ℔vj. Igne remoto macerentur donec aqua refrigerata sit. Fiat colatura, cujus cyathos tres quatuorve in die sumat æger.

Ferventi cinere flaccescunt ejus folia ut condylomata reprimant. Cum melle trita sordida ulcera purgant. Eorum decoctum ad omnes malas scabies, serpignes, porrigines ac papulas sanandas plurimum valet. Quapropter a Trago ad manantia capitis ulcera pueris familiaria commendatur. Tabernæmontanus asserit, ejus folia sub cinere cocta & cum melle contusa hæmorrhoidas sanare.

M A R U M.

MARI nomen duobus plantarum generibus tribuitur quorum unum Marum verum seu Cortusi dicitur, alterum Marum Mastich.

MARUM verum, Marum Cortusi, *Off.* Chamædryos maritima, incana, frutescens, foliis lanceolatis, *Inst. R. H.* 205. Marum Cortusi, *J. B.* 3. 242. *J. Raii Hist.* 527. Tragoriganum latifolium, *C. B. P.* Tragoriganum latifolium sive Marum Cortusi Matthiolo, *Parkins*: Tragoriganum Lobelii, *Gerard.*

Planta est pedalis magnitudinis, radice fibrosa, quæ differt a Chamædryos speciebus, stipitibus frutescentibus incanis, tomentosis, foliis hastæ ferro similibus, quatuor lineas longis, duas latis, dilute virentibus, subtus incanis, sapore acri & amaro, odore vehementi & aromatico, grato, qui subito cerebrum petit & sternutationes movet. Flores qui ad Chamædryos flores plane accedunt, in foliorum alis nascuntur monopetali, purpurei, labiati, quorum stamina labii superioris locum occupant: labium vero inferius in quinque partes divisum est, media ampliori cochlearis instar excavata. Ex calyce autem Chamædryos quoque pari, villosa, incano surgit pistillum posticæ floris parti infixum & quatuor veluti embryonibus stipatum, qui deinde abeunt in totidem semina subrotunda, Chamædryos similia, in capsula quæ calyx floris fuit recondita. Frequens est in Stæcadum (*Teres*) una quæ vocatur Pompo-

nia, Gallis *Portecroz*. Hic in hortis colitur. Folia & summitates floridæ in usum veniunt.

Analyſi chymica, ex foliorum & ſummitatum floridarum Mari ℥ij. & ℥iij. per retortam diſtillatis prodierunt humoris limpidi, ſub finem aliquantisper ruſcentis, odore & ſapore aromatico pergrato, primum obſcure acidi, deinde manifeſte magis ac magis, atque magis ac magis auſteri ℥j. ℥viii. ℥j. gr. xxxvj. humoris empyreumatici, ruſcentis, ſapore aliquantisper acri pungente, impenſe acidi, impenſe auſteri, & ſalſi ℥vj. gr. xxxvj. humoris ruſi, tum acidi, tum alcali urinoſi, & ſale volatili urinoſo imprægnati ℥j. ℥j. olei tum tenuis eſſentialis, tum craſſi, ſpiſſi ad inſtar extracti ℥j. ℥iij. Maſſa nigra reſidua pendeſcit ℥iij. quæ rite calcinata reliquit cinerum albicantium ℥j. ℥j. gr. xij. ex quibus ſalis fixi mere alcali ℥iij. gr. xxiiij. lixivio extracta ſunt. Partium jactura in diſtillatione fuit ℥iij. ℥iij. in calcinatione ℥ij. ℥vj. gr. lx.

Mari veri folia chartam cæruleam rubram efficiunt. Inter digitos contrita odorem ſpirant aromaticum, penetrantem, ſubtilem, pungentem, qui ſternutationes movet; ſaporem referunt acrem aromaticum amarum. Exſiccata & cum multa aqua diſtillata, ut ceteræ plantæ aromaticæ, multum olei eſſentialis ſubtilis & penetrantiſſimi fundunt. Salem eſſentialem tartareum obtinent: ſed inſuper abundant ſale tum acido, tenui, volatili, copioſo, tum alcali urinoſo mediocri, cum multo oleo eſſentiali acri, aromatico conjuncto. Unde compoſitum exſurgit hand diſſimile miſturæ ex ſpiritu acido dulcificato & ſpiritu volatili urinoſo aromatico conflata. Mari odor felibus gratiſſimus eſt: & eos undequaque allicit ad hortos ubi colitur, eos veluti inſanos & venero cæſtro furentes reddit; ita ut plantam mordicent, ſupra eam ſe volutent, copioſa ſaliva eam proluant, & nonnumquam ſuo ſpermate polluant. Inde fit ut in hortis difficillime aſſervari poſſit, niſi intra cancellos ex ferro textili confectos includatur.

Rarus eſt Mari uſus in officinis. Attamen inter plantas aromaticas non inſimum locum occupat: Raymundus Mindererus in ſuo *Aloedario Marocæſtino*, & Georgius Vvolfſgangus Vvedelius peculiaribus diſſertationibus hanc plantam nobilitarunt, & magnopere commendarunt. Virtutem incidendi, attenuandi, aperiendi, digerendi illi tribuit Vvedelius, lentorem ac torporem pituitæ corrigendi, bilis inertiam emendandi, ſanguinis & ſpirituum motum augendi, ſpeciatiim affectibus frigidis & humidis medendi. Ab eodem habetur velut inſigne diureticum, potens diaphoreticum & carminativum, ſummum antiſcorbuticum in ſcorbuto frigido, valens emmenagogum, præſtantiſſimum cephalicum, pectorale & antiaſthmaticum, cardiacum, ſtomachicum, hepaticum & ſpleniticum, uterinum, antiſpaſmodicum, aphrodiſiacum, anthelminticum, uno verbo polychreſtum; verum latius fortaſſe quam par eſt celeberrimus ille Medicus Mari odore allectus ejus facultates extendit: & virtutes omnes quæ in ſingulis plantis aromaticis deprehenduntur illi nimis facile applicat. Expe-

standum est donec ejus vires usu diuturniori comprobatae sint. Ettmullerus Marum cephalalgiae & nervinis affectibus conducere scribit, & illud in apoplexia & catharris velut medicamentum egregium commendat. Folia pulverata ad ℥ss. praescribuntur, nec immerito Majoranae anteponuntur.

Externe idem pulvis habetur pro errhino insigni, sive solus, sive cum Tabaco confociatus. Cerebrum expurgare & roborare dicitur, & amissum odoratum restituere. Joannes Quincy Medicus Londinensis in sua *Pharmacopœa Officinali & extemporanea seu completo Anglico dispensatorio* parat ex foliis Mari sal volatile oleosum aromaticum gratissimum & cephalicum praestantissimum.

Mari folia usurpantur in Trochiscis *Hedichroi* quae Theriacae compositionem subeunt, & in pilulis Marocostinis *Mindereri*.

Oleum essentiale ex foliis Mari extrahitur odore pergratum, quod cephalicum dicitur, uterinum & antiparalyticum & a Batavis maxime expetitur.

MARUM Mastich, *Off.* Thymbra Hispanica, Majoranae folio, *Inst. R. H.* 197. Sampfuchus sive Marum Mastichen redolens, *C. B. P.* 224. Clinopodium quibusdam, Mastichina Gallorum, *J. B.* 3. *Part.* 2. 243. Marum vulgare, Clinopodium, *Dodon. Pempt.* 271. Marum Gerard. *J. Raii Hist.* 520. Marum vulgare, *Parkins.* Marum Mastich, Gallorum & Anglorum, *Advers. Lobel.* vulgo, *Marum Mastich.*

Frutex est pusillus, lignosus, multis ramis tenuibus brachiatus, radicibus tenuibus, lignosis, foliis Serpilli, sed incanis, odoratis, Mastichen quodammodo referentibus & sapore acri praeditis. In extremis furculis capitula lanuginosa, & paulo etiam inferius ambientes similes verticillos obtinet, e quibus perpusilli flores albidi & Thymo similes, monopetali, labiati, labio superiore surrecto & bifido, inferiore tripartito. Odor totius plantae gratus, sed paulo vehementior. In Hispania & aliis calidis regionibus sponte crescit. Hic in hortis colitur.

Eadem vires ipsi, quae Maro Cortusi, tribuuntur: sed rarioris est usus. Deodatus, notante J. Raio post Dolæum, in desperato mensium fluxu ultimum & praesentissimum remedium ducit pulverem corticis Mari ad ℥j. cum vino austero, singulis matutinis horis propinatum.

M A T R I C A R I A.

MATRICARIA & Parthenium, *Offic.* Matricaria vulgaris seu sativa, *C. B. P.* 133. *Inst. R. H.* 493. Matricaria vulgo minus Parthenium, *J. B.* 3. 129. Matricaria, Gerardi, *J. Raii Hist.* 357. Artemisia tenuifolia, *Tabern. Icon.* 8. Matricaria vulgaris, *Parkins.* Amaracus, *Galen.* & *Aeginetæ*: Crispula, *Quorumdam*: Matricaria Parthenii prima species, *Brunsfels*: vulgo, *Matricaire* ou *Espargoutte*.

E radice

E radice alba, plurimis fibris emissis terram apprehendente, caules exsurgunt plures, sesquicubitales, rigidi, striati, glabri, satis crassi, medulla fungosa referti, foliis crebris, dilute virentibus, graveolentibus, amaris, nullo ordine positis vestiti; folia velut alata ex duabus tribusve pinnularum mediæ costæ adnexarum conjugationibus componuntur: pinnulæ hæ lætæ sunt, & in alias minores circa margines dentatas subdividuntur. Caulium summitates versus, ex alis foliorum exeunt ramuli, in quibus ut & in summis caulibus nascuntur flores pediculis oblongis, plures velut in umbella, radiati, non admodum ampli, quorum discus ex plurimis flosculis luteis, corona vero ex semiflosculis brevibus candidi componuntur, seminum embryonibus insidentibus, & calyce semisphærico & squamoso comprehensis. Semiflosculis coronæ marcescentibus discus medius extumescit, & embryones abeunt in semina oblonga, exigua, striata, thalamo affixa in calycis fundo, pappo carentia. Tota planta odorem gravem ac vehementem spirat. In hortis colitur. Folia sæpius comæ floridæ in usum veniunt.

Analyti chymica, ex foliorum & summitatum viridium & recentium Matricariæ lbv. per retortam distillatis prodierunt humoris limpidi, plantæ odorem & saporem referentis, obscure subsalsi, & obscure subacidi, lbj. ℥vij. ℥iij. gr. xxiiij. humoris manifeste acidii magis ac magis, deinde austeri magis ac magis impense lbj. ℥xiiij. ℥iij. gr. xxiiij. humoris rufi, empyreumatici, & alcali urinosi ℥j. gr. lx. humoris rufi, sale volatili urinoso copioso imprægnati ℥j. ℥j. salis volatilis urinosi concreti ℥j. gr. xliij. olei adiposi ℥j. ℥vj. gr. lx. Massa nigra residua pendebat ℥iij. ℥vj. gr. xxiiij. quæ rite calcinata reliquit cinerum ℥ij. ℥iij. ex quibus salis fixi mere alcali ℥j. ℥j. gr. xlv. lixivio sunt extracta. Partium jactura in distillatione fuit ℥ij. gr. xij. in calcinatione ℥ij. ℥iij. gr. xxiiij.

Ex florum capitulis quorum semina jam ad maturitatem pervenerant distillatis, eadem principia extracta sunt cum olei essentialis quantitate non mediocri.

Succus foliorum Matricariæ colorem subrubrum chartæ cæruleæ affert. Salem essentialem obtinet hæc planta ammoniacalem cum multo oleo tum tenui essentiali, tum crasso fœtente consociatum.

Inter plantas hystericas insignem locum occupat Matricaria. Ad uterinos affectus plurimum conducit, vel pulverata a ℥ss. ad ℥ij. vel ejus succus expressus & defæcatus ad ℥j. vel alteram, sicut infusum aut decoctum ad ℥vj. Menses, lochia & secundinas remorantes pellit, uterinam suffocationem compescit, dolores post partum sedat. Simon Paulli eam plurimum commendat. „ Mihi, inquit, frequenti in usu est, si lochia post partum negotium faceffant mulierculis. Parare enim ex ea & floribus Chamomillæ, cum tantillo Artemisæ decoctum consuevi, a cujus usu hysterica symptomata illico cessare, & lochia abunde fluere, sæpe comperi. Quod medicamentum licet non jucundum aliis, hystericis tamen correptis passionibus, veluti Sesamo ac Papavere sparsum apparet; quæ

ab illius usu ex lethargo excitata, in vitam, Deo benedicente, veluti redire conspici solent. " Hæc S. Paulli. Quæcumque amara possunt, & carminantia, Matricaria utiliter præstat, flatus dissipat, stomachum roborat & ciborum concoctionem juvat. Ventris tineas expellit vel herba ipsa, vel succus ejus expressus, non secus ac Centaurium & Absinthium. Eam febrifugam prædicat C. Hoffmannus *de Med. officinal.* præcipue in malis uteri. Idem auctor pituitam & atram bilem purgandi vim ipsius succo tribuit post Brassavolam, si convenienti dosi exhibeatur, quam ad ℥iiij. statuit. In clysteribus ejus decoctum utiliter usurpatur, potissimum in morbis uteri, & cum ceteris plantis carminantibus sæpe consociatur, in colicis affectionibus ab mucro viscido tenaci, acri oriundis. Externe præscribitur in fomentis cum Chamomilla vulgari vel Romana in aqua vel vino decocta in uteri inflatione & doloribus post partum, lochiorum remora, mensiumque fluxu doloroso quarundam mulierum. S. Paulli refert Matricariam contusam impositam capitis vertici sæpe ejus dolores mitigare. Ad hemicraniam Chesneau eandem contusam & in sartagine calefactam capiti admovet.

℞. Comarum Matricar. exsiccatar. & pulveratar. ℥j. Nitri defæcati gr. x. Syrup. de Artemisia q. s. F. bolus in mensium & lochiorum remora.

℞. Comar. Matricar. & Chamomillæ Roman. ana M. j. summitatum Artemisiæ p. j. Bulliant leviter in aq. comm. ℥ij. Colatura dilue syrup. de 5. rad. aper. ℥j. Nitri ℥j. Propinetur per cyathos quarta quaque hora.

℞. Folior. & summitat. Matricar. & Tanaceti ana ℥j. Infunde per noctem in vini albi ℥vj. Colatura propinetur mane In mensium remora, lochiorum suppressione, aut ad vermes intestinorum necandos.

℞. Folior. Malvæ, folior. & flor. Matricariæ Artemisiæ & Tanaceti ana M. j. F. decoctum cum f. q. aq. comm. pro enemate, in cujus ℥ij. dissolve crystall. mineral ℥j. mellis cucumer. asinini seu elaterii ℥j. In hysterica passione, lochior. suppress.

℞. Radic. Bryon. alb. ℥iiij. Aristoloch. rotund. ℥ij. Zedoar. Baccar. Laur. ana ℥j. Folior. & comar. Matricar. Artemisiæ, Chamamel. Tanaceti, summitat. Sabin. ana M. ij. Coq. in aq. ℥viiij. ad ℥vj. adde aq. vitæ ℥ij. pro fotu calidissimo abdominis & pubis regioni adhibendo, ad lochia suppressa promovenda.

Cavendum tamen, monente Junckero post celebres Medicos, ne in mensium suppressione aut lochiorum remora hæc emmenagoga medicamenta stimulantia & pellentia incaute adhibeantur, ex. gr. in habitu insigniter plethorico, quando primæ viæ non satis expurgatæ sunt, nec sanguis debite dilutus & attenuatus, aut partes æstuentes & ad phlogosim tendentes: tunc enim hæc medicamenta non solum non prosunt sed ut plurimum graviter nocent, & inducere solent majores obstructions, summas angustias præcordiorum, non raro insolitas per aliena loca sanguinis eruptiones,

ptiones, febres lentas, hæcticas, phthificas, cephalalgiam, difficilem respirationem, spasticas & convulsivas affectiones, in corporibus laxioribus & spongiosis cachexiam & ædemata. In lochiorum suppressione plenaria si præsertim jam ab aliquot diebus constet, minime expedit, monente eodem, hunc fluxum directe & per hæc stimulantia uterina ut aloetica, myrrhata, &c. intus sumpta revocare. Tunc satius est ad causas hujus suppressionis respicere, partium tensionem, phlogosim minuere & extinguere, orgasmum sanguinis compescere, exæstuationes febriles sedare. Quæ feliciter absoluntur remediis diluentibus, temperantibus, emollientibus necnon etiam absorbentibus, tum interne, tum externe adhibitis, non neglecto Nitri usu his in ægritudinibus præstantissimo. At in lochiorum sola imminutione aut remora nondum pertinaci, hæc uterina leniter stimulantia moderatissimis dosibus adhiberi possunt, præmissis aut intermissis laxantibus, emollientibus, temperantibus & diluentibus & potissimum nitrosis. Nunc ad Matricariam redeamus.

Palam est apes, inquit S. Pauli, ferre non posse odorem Matricariæ: quare plethorici, quas præ aliis pungunt apes ac culices, in hortis ambulaturi, optime sibi consulunt, si ferta ex Matricaria parent, ac secum circumferant; sic enim apes graveolentia horum offensæ, quasi manu abactæ, illis non nocent. Eundem effectum expectare a Cotula foetida possumus.

Ex Matricaria aqua distillata, extractum & oleum essentielle in officinis præparantur & servantur ad eadem quibus Matricaria utilia.

Matricariæ folia usurpantur in syrupo de Arthemisia & in syrupo aperiente Cachectico Ph. Reg. *Charas* & in emplastro de Ranis *Joann. de Vigo*.

M A Y S.

MAys, Mayz, Maizium, Frumentum Turcicum, Triticum Indicum, *Off. Mays, Inst. R. H. 531. Frumentum Indicum, Mays dictum, C. B. P. 25. Triticum Indicum, J. B. 2. 453. J. Raii Hist. 1249. Frumentum Turcicum, Dod. Pempt. 509. Frumentum Turcicum & Indicum, Gerardi: Milium Indicum maximum Mays dictum, seu frumentum Indicum, Parkins. Mays Acoſtæ: Maisum, Monardi: vulgo, Blé de Turquie.*

Radicibus nititur numerosis, duris, fibrosis, albis, sed minime crassis: culmo assurgit arundinaceo, rigido, solido; fungosa, candida & saporis, dum viridis est & succulentus, dulcis, Saccharini, medulla farcto, ac multis articulis geniculato, quinum senumve pedum proceritate, pollicari crassitudine, inferiore parte crasso, ac subinde purpureo, superiore paulatim extenuato. Folia profert arundinacea, cubito plerumque longiora, tres aut quatuor uncias lata, venosa, marginibus aliquantum aspera. Paniculas in summo caule gerit dodrantes, graciles, raras, jubæ modo multiplices, aliquando in 15. 20. vel etiam 30. spicas procumbentes divisas, floriferas, infecundas, a semine seu fructu remotas. Flores his in paniculis nascuntur,

tur, Secalis floribus similes, apetalis, nonnullis staminibus cum apicibus annexis nutantibus & calyce constantes, nunc candidi, nunc lutei, nunc purpurei coloris, prout videlicet fructus, seu frugiferæ spicæ coloratæ erunt: at nullum semen exarescentes post se relinquunt. Fructus a floribus sejuncti, veluti spicæ ex culmi geniculis exeunt, atque ab uno culmo tres quatuorve, alterno ordine, longæ, crassæ, rotundæ, cylindræ, multis foliaceis ac membranosis tunicis, veluti vagina quadam, arcte obvolatæ, e quarum summo arcte convoluto longi tenuesque capilli prominent, singuli singulis seminum embryonibus adhærentes, eodem cum granis colore. Semina magna sunt, pisi magnitudine, nuda, nullo folliculo inclusa, lævia, superficie subrotunda, angulata ea parte quæ palæ axis adhæret, numerosa, quæ sæpe apud Indos in una spica 700. coacervata reperiuntur, ac arctissime juncta & in ordines ac versus octo aut decem, nonnumquam duodecim in longitudinem rectis fere lineis digesta, quæ ratione coloris variant, modo candida, interdum lutea, modo purpurea, nonnumquam fusca aut rubra, medulla tamen farinacea, candida, & sapore ceteris frumentaceis dulciori ac suaviori. Frumentum hoc Americæ indigena in omnibus fere ejus regionibus reperitur, & inde in Africam, Asiam & Europam delatum fuit. Seminum seu granorum Mays farina quæ a furfuribus probe repurgata candoris est eximii, edulis est, nec solum apud Americanos sed apud nos in panificia subinde cogitur.

Analyti chymica, Grana Mays præter phlegma tum acidum, austerum copiosum, tum salsum & urinosum, plurimum olei spissi crassi, mediocrem terræ & salis alcali fixi falsi portionem præbuerunt.

Ex hisce granis contusis & aqua maceratis vinosus liquor paratur veluti ex Hordeo cerevisia, inebrians & ex quo spiritus ardens extrahitur. Multum salis essentialis Tartarei obtinent cum sulphure crasso copioso, aliqua salis ammoniacalis portione & terra pauca conjuncti. Principiis & viribus cum Hordeo convenire videntur.

Franciscus Hernandez frumentum hoc valde celebrat. Temperatum est, inquit, aut ad caliditatem humiditatemque paulisper declive, substantia mediocri, concoctu facili, præcipue his qui eo victu uti consuevere, non crassa, aut, veluti quidam opinantur, obstruenti & viscosa, quod vel Indis ipsis, qui ex eo pane in placentulas formato vivunt, nec tamen obstructi aut decolores conspiciuntur, periclitari licet; iisdem affirmantibus nullam in ventriculo gravitatem sentire post epulas, imo post paucas horas rursus ac si nihil ingessissent esurire, & magna aviditate, si adsit copia, repetere nutrimentum, nec vel de nomine solo ad adventum usque Hispanorum lithiasim novisse: quin quod nullus est apud Mexicanos celebrior ægritudinum acutarum & commodior victus, qui etiam prisana præfertur, quod mille experimentis comprobatum confirmatumque est: celeriter utique ajunt coctum descendere, corpora quantum sat est nutrire, nullum inferre gravitatis sensum, mollire ventrem & pectus,

calorem

calorem febrilem demulcere, (præsertim si pulvis ejus ex aqua permittatur brumali tempore gelare,) urinam evocare, viasque omnes extergere. Quin imo Mexicani Medici, posthabita hordeacea ptisana, ægrotantibus pultes & placentulas ex Mayzio offerunt, huic genti consuetas & gratas, & quæ citra ullam noxam, suavem saluberrimamque alimoniam præbeant.

C. Bauhinus in *Theatro Botanico*, nescio a quo edoctus, scribit, Indos si nimium utantur hoc frumento in cibis, tumidos & scabiosos reddi. Imo inquit, pueri Guineensium, qui hoc frumento sæpe panis loco utuntur, videlicet granis e spicis excussis, iisque nonnihil tostis & præustis, si paulo frequentius utuntur, a scabie sese vindicare non possunt, cum sanguinem nimis calidum & quasi adustum gignat.

Frumentum illud cum Hordeo plurimum convenire mihi videtur. Panes qui ex eo conficiuntur, sicci sunt, duri, concoctu difficiles, flatulenti, alvum cohibent: accommodati tantum illis qui vitam agunt laboriosam. Farina etiam cum lacte & carnum jusculis in pulmenta formatur quæ panibus magis nutriunt. Non sunt res stomachi delicatuli, sed fercula rusticorum, nautarum, bajulorum. Frumentum istud pecori majori minorique est gratissimum: ejusque usu mire gliscit sagina. Columbibus edulium præbet jucundum valde. Bruyerinus asserit Bellojocenses Lugdunensibus vicinos illud ferere feliciter, eoque panificia sua augere. Idem factitatum apud alios populos premente aliarum frugum caritate summa.

Ex hisce granis varii apud Americanos liquores fermentati spirituosus & inebriantes conficiuntur, quorum præparationes apud C. Bauhinum in *suo Theatro Botanico* videre licet.

Nullius aut rarissimi est usus in Medicina. Ejus farina in Hordei farinæ locum substitui potest. Ad cataplasmata emollientia & suppurantia a nonnullis adhibetur: nam suo lentore cutis poros obstruens, apostematibus suppurandis peridonea est. Foliorum recentium succus, narrante J. Raio, refrigerandi facultatem obtinet, & erysipelatibus, si panni intincti applicentur, conducit.

M E L I L O T U S.

MELILOTUS vulgaris, *Off.* Melilotus officinar. Germaniæ, *C. B. P.* 331. *Inst.* R. H. 407. Trifolium odoratum seu Melilotus vulgaris, flore luteo, *J. B.* 2. 370. Melilotus Germanica, *Lobel. Icon.* 43. Melilotus vulgaris Parkinsoni, *J. Raii Histor.* 951. Melilotus Germanica, *Gerard. Emaculat. Descript.* Lotus urbana, *Matthioli*: Trifolium caballinum, *Camerarii*, & *Italon.* Loti sive Trifolii species *Cordi*: vulgo, *Melilot* ou *Mirlirot*.

Radice alba, tenui, lenta, fibrillis brevibus capillata, alte in terram descendente firmatur: caules emittit plures, interdum unicum, cubitales, sesqui-

ſesquicubitales & altiores, glabros, teretes, ſtriatos tamen, infirmos, inanes parva intus cavitate, ramosos, foliis ad intervalla alternatim naſcentibus veſtitos, ternis in eodem pediculo tenui, ſesquiunciali, oblongis, denticulatis & plerumque circumroſis, glabris, obſcure virentibus. Flores in ſpiciſ longis ex alis foliorum exeuntibus, rarius ſiti, papilionacei, tetrapetali, exigui, flavi, pediculis brevibus tenuibus penduli: quibus ſuccedunt capſulæ ſiliquoſæ, breviffimæ, ſimplices, pendulæ, rugoſæ, nudæ, hoc eſt in calyce non reconditæ ut in Trifolio, per maturitatem nigræ, ſemina ſingula aut bina ſubrotunda, flavicantia, continentes, ſapore leguminoſo. Herba virens nullum fere odorem habet, ſed cum aruerit, fragrantiffimum ſpirat. Ad ſepes, in vepretis, & inter ſegetes copioſe naſcitur. Herba florida in uſum venit.

Analyſi chymica, ex Meliloti floridi, demptis radicibus, per retortam diſtillati ℥v. prodierunt humoris limpidi, odorati, ſapore amaro, acri, occulte acidi, ſubſaſi ℥xiiij. humoris limpidi, amari, acrioris, manifeſte acidi magis ac magis aſteri ℔ij. ℥iiij. ℥vij. humoris ruſi, ſale volatili urinoſo copioſo imprægnati ℥j. ℥vj. ſalis volatilis urinoſi concreti gr. xxxvj. olei ℥j. ℥vij. gr. liij. Maſſa nigra reſidua pendeſcit ℥v. ℥ij. quæ rite calcinata reliquit cinerum ℥j. ℥vj. gr. lx. ex quibus ſalis fixi mere alcali ℥ij. gr. xlv. lixivio ſunt extracta. Partium jactura in diſtillatione fuit ℥iiij. gr. xvij. in calcinatione ℥iiij. ℥iiij. gr. xij.

Meliloti folia chartam cæruleam rubro colore vix tingunt. Odora ſunt, acria, amara, nonnihil ſtyptica, & ſi diu maſticentur naſeoſa. Salem eſſentialem obtinent tartareo-vitriolicum ammoniacalem cum multo oleo, tum tenui, tum craſſo conjunctum, & terræ portione non mediocri.

Leniter reſolvit, digerit, emollit, dolores ſedat. Rarius ad uſum internum adhibetur. A nonnullis tamen ejus ſummitatum floridarum ad M. j. decoctum ex aq. comm. ℔ij. cum florum Chamæmeli pari quantitate præſcribitur in abdominis inflammationibus, doloribus nephriticis & rheumaticis. Johannes Michaelis *in notis in Schroderum* decoctum florum Meliloti epotum ſingulariter commendat in albo mulierum fluore.

Externe creberrimi eſt uſus propter vim emollientem, anodynâ & reſolventem, in qua cum Malva & Althæa convenit: & cum ſit partium tenuiorum & magis volatilium, magis etiam reſolvit. In clyſteribus emollientibus, carminantibus & demulcentibus, in cataplaſmatibus, fomentis, balneis, emplaſtris emollientibus, digerentibus, reſolventibus necnon concoquentibus utiliter admiſcentur folia & flores; ſæpe etiam cum Chamæmeli floribus conſociantur.

℞. Florum Meliloti & Chamæmel. folior. Malv. ana M. ij. Coq. in decocti omaſi q. ſ. pro enemate emolliente, anodyno & carminativo.

In inflammatione uteri, ſcroti, ani, & viſcerum, ſotus ex decocto Meliloti ab Ettmullero commendatur, in primis ſi ipſi Agrimonia & Chamæmelum addantur, quæ in vino vel aqua decocta inflammationem ſiſtunt.

S. Paulli

S. Paulli in *Quadr. Botanico* ad uteri dolores post partum & inflammationes fotum commendat ex summitatibus Meliloti floridis & semine Fœnu-Græci paratum ut summe proficuum. Idem ad pleuritidem mitigandam alium fotum proponit sic præparatum.

℞. Herbæ Meliloti floridæ, Parietariæ ana M. ij. Betonicæ M. j. Bismalvæ Mjß. Flor. Chamæmeli Mß. Mista & decocta in aqua sæpe pectori superponantur.

℞. Pulpæ ex Liliis & Althææ radicibus, foliis Cicutæ & Hyoscyami paratæ & per setaceum trajectæ ℞ß. Flor. Melilot. Camomillæ & Absinthii Pontic. exsiccator. & pulverator. ana ℥ij. Olei rosati q. s. M. F. cataplasma ad testium tumores resolvendos.

Succus flor. Meliloti aut eorum infusum oculorum dolores sedant : si præsertim aliquantulum spiritus vini camphorati instilletur.

Aqua florum Meliloti odorata servatur in officinis, sed rarioris est usus. Ad odoramenta sæpius usurpatur : ceterorum odoramentorum fragrantiam tenuitate sua evehit & expandit. Paratur in officinis emplastrum de Meliloto *Mesue*, quod quidem pituitam viscidam egregie discutit, resolvit & dolores apprime sedat. Tumores emollit, & nonnumquam maturat.

FINIS.

